

林初文先生詩選一卷

〔明〕林章撰

中國科學院圖書館藏明崇禎刻本

附《四庫全書總目·林初文詩

選一卷》提要

林初文詩選序

士之有才猶夫女之有色必其脩之於身藏之於家者非一日矣而後為玉帛之所致媒氏之所營也苟其上乏明王之夢而下鮮君子之求則其於枯槁無用不敢自表見不然士有才而必用女有色而必售則知已不

序

足重而入宮不見妬矣得乎哉吾閩有林初文孝廉者才士也其在公車也不欲以庸孝廉自處好為人排難解紛乃以無心獲罪于獄中作文若干首司寇謝公大奇之而察非其罪也出之于縲紲之中君雖得復其故物又不欲乞恩從仕遇有遼海之後累上

書進奇策不報又以時事誅于兵食
願以其身列戎行鍊甲兵固根本之
地為一旦備緩急竟為疾者所繩觸
憲而死噫亦足悲矣今天下本無事
也即有事矣未嘗乏人也一事之起
千百人之功名也乞之者衆而持之
者胥矜色宜授一不相知之人乎我

序

二

以計畫干之彼亦必謬為傾倒而目
曰才士才士者不用之扁鵲也間得
一二策善且襲為己胥唯恐我之在
傍見之尚欲求用乎予太悲乎君之
不早見也予不獲與君游而後乃與
君之子游目是以悲君君獄中之父
予少時見之其為文也多所自况盖

亦灼灼于事理矣其不免命也君之
詩蛾眉篇最著秋征賦司寇以之自
比海月賦者予交其子迺得讀之竊
歎司寇為知言他所任多且奇君之
子襄輯藏之梁溪尤君時純選一帙
以序問予予復拈其數語如客情似
春草無處不堪生春風與柳樹年年

序

三

是故人無家逢寺好多病見僧親曉
烟常帶雨夜月忽啼禽春好年年晚月
寒夜夜秋行人遙指點道是古幽州
野水上道路涼風吹衣裳獨憐山寺
月相送海門秋千山風雨裏一任子
規啼皆絕酸楚寥落可詠可傳益想
像其胥才不偶之狀而汲汲知己于

世也或曰初父之詩所見稱者謝得其大而子得其細尤得其全而子得其偏是予前媿司寇而後媿時純矣時純者亦與君之子游者也丁未孟秋之晦里人曹學全



序

四

林初文孝廉集選序

盛明客遊金陵棲古華林園與林子丘茂之兄弟比舍二子奉母孝友有聞明爲定并曰交聞及其家世二子泣下曰余先閩人也先君子嘗薦於鄉後以上書諫止礦稅獲忌於時相爲其所陷死于詔獄冤痛至今今母子飄零家徒四壁唯遺稿一帙先人之骨可與不朽者賴有此耳明聞其言乃愀然歛容取其稿而讀之嘆曰是何天之賦其才而奪其遇也明生也晚恨不及見先生幸讀此知先生爲忠義豪傑人故其一片沉雄悲壯之氣凜然猶生全副精神浮於奏疏其詩賦則命意深寄興遠工不饒格奇不剝韻淋漓若風雲之橫驚錯落若星斗之下翻近世詞家何可易及旣明遊倦別二子歸是集隨還去間遇海內名流耳先生名者率以未見其著述爲恨明始悔不錄置奚囊泉之上松之下山涯水湄與知者共賞今夏與吳無畏重入金陵尋二子握手道故仍請先生遺集歷覽

諸體先錄詩賦若干首題曰林孝廉集選急付
諸梓請曹能始民部序而傳之通邑大都以爲
蒿矢其奏疏文字卷帙頗繁力未能及蓋先生
之才如馬班氣如董賈文學經濟寔兼有之非
詞人墨客自了生平者比其真忠精誠流貫天
地自然不泯千百世而定有知己者在明不
敢任爲盡知先生也聊爲書其始末如此
萬曆丁未夏日勾吳後學尤盛明時純甫譔

林初文先生詩選

序

先子自有集也此特友人尤時純選其百之一
二耳然已行之有年及今始克梓其全人子之
心可以少慰矣但全行頗難不如選易此無他
故傷哉貧也時純旣沒板久磨滅故爲重梓之
或使孤行以選導全全不廢選願大方君子賜
覽之餘哀其非得已之心而索其全則先子可
以真不朽矣崇禎元年秋仲男古度識

林初文先生詩選

福唐林 章著

閩江吳三畏

句吳尤盛明 選

白下胡宗仁校

秋征賦

林初文先生詩選

一

孤帆在渡感風波驚節序張平子動其四愁宋
大夫爲之一賦辭曰何馮夷之不靖兮樓禁伯
以相戲矧勾龍之失馭兮致化蛇於爭馳十雨
不需三霖以震九坎旣滲四瀆迺瀟灑之野
無草江漢之民其魚尾間泄之穴小精衛填之
石多魃不止鯀難治堪教夸父飲豈待相繇吹
邇其涔涔乍休汜濫未歇霏霧不開莽蒼無竭
鳥栖兮巖阿魚游兮木末四鰲蕩兮山欲漂九
鳥沈今日不出眺孤城兮微茫下千里兮儵忽

森綠汀兮何之采白蘋兮難越烟波暝兮傷客
心風露爽兮驚人骨攬羅衣兮悵清宵艤蘭橈
兮待明月旣而榆光亂發桂影漸流玄官入息
素娥出遊空明鏡展波淨珠浮江山朗而疑晝
雲海混以爭秋清搖玉宇三千界涼浸瑤京十
二樓無處擲空中之杖何人吟渚畔之舟織女
迷于漢沼麻姑失其瀛洲庾元規翫之而恍惚
張博望泛之以踟躕廼有五陵俠兒三輔貴客
維飛廬于上陽連畫舫乎中澤舉芳尊兮發清

林初文先生詩選

二

音揚微瀾兮弄皓霸賞十分罰一石愁明朝娛
今夕但知齊客食有魚那論魯史書無麥若夫
騷人適楚遷客辭秦離家萬里去國孤身寧美
蓉乎江許咏蒹葭於河濱盼東山之皎月思西
方之美人徬徨兮失楫敞罔兮迷津願捐珎以
遺下女敬沈璧而告明神又有吳娃若蕙越妓
如蘭當年少恨對景多歡憐三五之素魄矜二
八之朱顏爭疑粧而待照故徙倚以臨瀾翠影
落兮川媚鸞聲徹兮雲間悅水天兮漾漾聞人

月兮團團若夫蕭關戍婦徐隣處女年年擣衣
愁夜夜分燈苦銀河兮斷橋玉門兮極浦錦字
慘乎題雲綠窓潛其拂雨獨登樓疇倚柱生憎
蟾影之窺幃不喜苔痕之入戶又有離亭十里
陽關三闋王孫未歸公子乍別想故人之清光
惜異鄉之佳節舞桂樹之婆娑歌漢流之嗚咽
悵潺湲兮不回愁團圓兮易缺攀瓊樓以將顛
擊蘭槳而欲折至若菊邨萬井粉社千家籬傍
繫鷁電裏產蛙桑婦之曲自怨瓠子之歌孰嗟

林初文先生詩選

三

有所畏其如虎無所逃而之蛇桃華兮菜色白
骨兮黃沙控纖阿兮天上啼夫諸兮水涯嗟夫
雨暘失時陰晴易紀得喪殊途懼愁異旨樂莫
樂兮伊人悲莫悲兮之子將致怨乎江妃抑爭
憐於月姊矧夫天南介士海內狂生進慕圖麟
之寵退希吐鳳之名敢云范叔乃作虞卿不誇
赤仄豈怨華平十獻賦三譚兵長纓不可請短
棹欲何征過沛兮心愴渡淮兮目驚泛牛渚兮
魂蕩瞻龍門兮涕橫自傷蟠木誰嘆浮萍乍興

哀于魚鱉况蓄憤乎蛟鯨于是倚逍遙臨滄海
望嬋娟咏窈窕獨鶴唳兮寥寥孤鴻征兮悄悄
熠燿飛而過水兮搖搖蟋蟀啼而上舫兮嫋嫋
聽微吹之生蘋坐斜暉於映蓼但覺夜多寒不
知天欲曉既而紅星度河白露下坡東方暉暉
北望嵯峨村雞不唱城烏自呵林子有感乃爲
之歌歌曰山羅羅兮水番番草木衰兮魚龍多
涼風起兮月沈波行路難兮愁奈何

傷春賦

林初先生詩選

四

青春兮冉冉綠草兮深深衆遊兮此土獨余兮
傷心徘徊兮江上惆悵兮日陰上高兮采茶下
低兮摘苓棘刺兮我履藤牽兮我襟欲渡兮無
梁欲鼓兮無琴騏驎兮伏櫪鴛鳥兮騰岑鴟梟
兮入幕鳳皇兮巢林菲菲兮成錦譊譊兮鑠金
四顧兮蹙蹙何處兮登臨徜徉兮無與結綰兮
不禁

五言古

關山曲

行行復行行關山落日明客情似春草無處不
堪生

古意

儂生不如柳歡情那似春春風與柳樹年年是
故人

團扇詞

團扇復團扇宜障芙蓉面只恐秋風來化作西
飛燕

踏青詞

林初先生詩選

五

新繡軟羅鞋試步春郊外雙雙陌上來草色生
裙帶

五言律

長安晚望

春來常忽忽春去故行行野草當街出浮雲繞
郭生河橋閒立馬宮樹亂啼鶯回首關山暮烽
烟幾處明

白雲寺秋夜

俯仰成何事浮沉寄此身無家逢寺好多病見

僧親夜久霜欺客亭空月礙人西風數相過不
掃化衣塵

五嶽廟雙槐

種來未十載看已作雙林葉似經翻貝花從佛
散金曉烟常帶雨夜月忽啼禽欲訪南柯郡歲
鞋一穴深

萬壽寺

一從墮苦海三十四回春張儉生逃漢范曄死
入秦狂曾賦鸚鵡窮豈泣麒麟覓得慈航在風

林初文先詩選

六

波莫惱人

香河廢寺

蕭條古道裏慘淡夕陽前埜鳥音如梵閒花意
亦禪客來門不掩僧去磬猶懸寂寂雙林樹風
霜自歲年

昌平道中

三輔雄圖繞九陵佳氣浮星文猶北向山色自
西流春好年年晚月寒夜夜秋行人遙指點道
是古幽州

寒食郊外

啼鴉亂寒食走馬逐春遊雨過新降草烟生古
墓楸青精寧却病藍尾不消愁空有千鄉淚楊
花風裏流

長安五日

五日五回過都如客裏何不堪讀楚些况復聽
燕歌流水喧車馬薰風醉綺羅那知遼海外戰
鼓未歸多

揚州五日

林初文先詩選

七

今日揚州渡風光絕可憐榴花紅妬酒荷葉綠
愁船橋鎖六朝水樓開五月天菱歌何處起騷
客獨茫然

七夕客次

忽忽火西流人間又一秋關山思繫鴈河漢望
牽牛露冷吳江樹月明淮水樓竇家有少婦此
夕不勝愁

淮南吐漿臺吊王英公

孤祠千載後不是漢人開劉項俱天意韓彭只

將才九江殘水過六國故山迴惟有啼鴉亂黃昏下此臺

十五夜淮上雪

一雪當元夕淮南十倍春寒生銀樹月清殺玉樓人豈嘆貂裘敝應憐鶴氅新瑤華若可贈河水渺無津

淮上逢虞履信年兄罷縣還閩

兄弟重相見風波總可憐賈生上策後屈子著騷前淮水寒無渡遼烽夜有烟傷心此對酒異

林初文先生詩選

八

地復殘年

蕪湖晚泊

楚水連天處吳山落日時人家依樹轉客棹入雲移北望千峯亂南來一鳥遲江洲有芳杜采采欲遺誰

立秋歷陽

何處秋聲起蕭然過歷陽帶將風露爽散作水雲涼白苧傳新曲黃花憶故鄉莫教吳市去吹夢入西廊

秋日歷陽大觀樓

支離五六載片棹出重遊未買花間酒先登水上樓江山懷舊日風雨感新秋一望天南道青

歷陽道中

看山出江郭秋色曉蒼蒼野水上道路涼風吹衣裳蟬吟黃葉底犬吠白雲傍十里龍葱氣人言太子湯

春日送別

林初文先生詩選

九

春風自多思奈與客情違楊柳頻催別靡無不送歸千山獨上馬一曲兩沾衣回首河梁道迢迢看落暉

滄州留別遷上人

恍惚三生夢逍遙五嶽遊獨憐山寺月相送海門秋楊柳歌中折絮染泣下收何時登彼岸不買別離舟

朱均旺自日本還報警

十六年別域千萬里歸期言語能夷譯衣冠尚

漢儀楚囚操樂口鄭賈犒師時何事和戎者翻
無戀主思

惜別

知無多日別奈此片時何酒懶非干醉曲悲故
不歌片雲橫隻鳳殘月歛雙蛾莫問今宵處淒
涼有夢過

五言絕句

送春

不見春來處那知春去時千山風雨裏一任子

林初文先生詩選

十

規啼

宮怨

永巷春三月寒鴉時一聲不知楊柳色門外可

曾青

七言古

蛾眉篇

團團皎月出秦淮片片涼風入漢街黯黯蒼苔
上繡戶瑩瑩白露下瑤階飛雲渺渺燕山際落
木蕭蕭楚水涯樓外嚶嚶鴻雁陣燈前寂寂鳳

皇釵鳳皇分處花盈島鴻雁來時霜滿草十里
蒹葭白鷺洲一聲鴟鴞丹楓道此時玉塞不勝
愁此際香閨無限惱錦字重重和淚封寒衣疊
疊連聲擣擣衣爭自寄征夫封字憑誰送遠途
燕子磯長飛夢共桃花塢冷斷魂孤漢陽有客
悲窮鳥虞坂無人惜伏駒君自他鄉栽草荔妾
從何處采薜蘿憶妾髮如霧憐君角已露八歲
詞鋒飛十歲詩葩吐立馬能將韓子題牧羊解
把蘓卿賦未論掘堯過松陰已報探鵲傍桑樹

林初文先生詩選

十一

十二揚鞭走上關十三獻策論平蠻花迎紫燕
明珠絡柳拂白虹响玉環一望斗牛生寶氣五
陵裘馬失華顏不誇千草錦囊底却驚一箭盡
屏間畫屏掩映芙蓉褥錦囊點綴鴛鴦曲纏綿
繡結一團心綽約絲繩雙裊足得婿共言似羅
敷愛夫自信如弄玉琉璃暮暮蘭膏紅琥珀朝
朝竹葉綠竹葉蘭膏綺閣東鸞蕭鳳吹綵樓中
自未登山和臨水更曾怕雨復愁風無端題柱
別司馬無端舉案送梁鴻蛺蝶園中飛款款驪

駒門外唱匆匆匆匆自當去款款誰堪語舉手
牽羅衣低頭吞玉筍今年雁叫北門涼明歲鶯
啼東嶺曙昨日南風撲荔枝今朝西港吹蘆絮
千山萬山夕陽時長亭短亭芳草處雙龍潭外
越王城五虎峯前漢官署漢署天香動桂柯越
城秋艷擁姮娥新郎文史三冬足故國風雲一
日多只謂青錢選易中詎知白雪調難和一從
周宴誇聽鹿幾度秦臺笑盡蛾蓮萼開遲寧敢
怨柳條折盡不堪歌卻生不爲黃金也卞氏其

林初菴先生詩選

十二

如白璧何白璧獨懷國黃金多結客年年王孫
遊處處仙郎謫五嶽烽烟屐下青十洲水樹尊
前碧邊霜襯馬踏三陵峽雨吹颿浮七澤澤國
跨天梁陵原繞帝疆雲霞三楚態花草六朝
香紫陌胭脂井紅樓錦繡坊結廬種修竹閉戶
掃長楊他日聞詩禮少年誤文章枇杷空自巧
翡翠向誰光短鋏羞彈暖長裾懶曳陽感時聊
避地懷古更思鄉自恨不登徐庶薦自慚不入
陸宣莊一朝忽作陳翔黨千載能令林類傷林

類翹翹徒自許陳翔烈烈終何補錯將蕭艾作
蘭看落得鴛鴦爲雞侮樊上自多蠅市中寧有
虎倘教郭解請公孫翻把襴衡送黃祖黃祖乘
船事莫論公孫開閣意猶存不妨慈母曾投杼
何事孤臣尚戴盆夫壻豈無三寸舌君王却
有九重門繞梁不及漢家燕焚木那堪楚國猿
楚國當年貴薪食漢家此日賤耕織令丘谷口
烏啼魂析木津頭雞拂翼幾處長河無水聲幾
處平原無草色陌頭人哭塵昏黃市上鬼號霧

林初菴先生詩選

十三

晝黑倚柱悲愁若得知當壚辛苦誰曾識忽傳
一疏凜飛霜豈謂三章深入墨假虎吼街頭驚
蛇伏草側含沙真可傷下石轉堪惻三十月來
盡風波四千里外絕消息却思少小貌如花那
爲艱難心似蕙心似蕙獨在天南望地北貌如
花誰教秋色送春華秋烟一片直秋雨幾行斜
秋樹多驚鳥秋江總斷霞白雲樓上雲如水明
月亭前月似沙十竹娟娟手移在百花卉冉眼
看差蜘蛛當戶網蟋蟀傍窓紗數節三經菊歸

期兩悞瓜篋中悲樂子鏡裏憶秦嘉但見門前
畫羅雀不聞戶外夜啼鴉啼鴉天色寒羅雀人
情冷日日怕黃昏夜夜惜清景迢遞倚銀河淒
涼立金井一庭白榆光四壁頽梧影梧葉飄飄
空似紙難將題字傳夫乘榆花歷歷不成錢安
得買書放兒前官漏悠悠歌舞夜隣春悄悄亂
離年始知白屋郎偏苦更信綠窓女可憐可憐
當杼柚偏苦下帷幄縱使萬卷藏不如千金握
高鳳嚇鳴鳶大鵬笑蜩鴳殺人端是用蠹蝸生

林初文先生詩選

古

子底須誇驚驚夜郎放李豈無才天祿投楊非
不學蚕室羞生太史遷馬門餓死東方朔直鉤
難下綸曲木不爲桶暗道莫投珠明時寧買玊
玊鼠未堪猜珠鵲却須裁涸鱗得水終生浪伏
蟄乘春定作雷乍報西師起復傳東寇來鼓聲
沸鼉窟烽火暗龍堆市井新兵動桑麻舊稅催
賈生初下涕郭氏未登臺撫髀應慨慷握髮正
徘徊食客不嫌收狗盜消人詎肯棄龍媒佛輪
宵宵三身轉帝網恢恢一面開晉子有能曾受

塊韓郎何罪不然灰妾今不恨月邊月長倚月
華瞻漢闕妾今不怨山上山遙隨山色盼燕關
勸君莫羨鳥中驚驚爲愛毛映水絕勸君莫笑
草中葵葵能衛足向陽歆關上寒來早客邊衣
到遲床頭知易盡帶眼怕頻移本是浮雲壻寧
爲孟浪兒且看梁畔枕莫論橋中棋禍福門無
向窮通路有岐青雲半流落紅顏多別離茂陵
風雨千秋夢楊子波濤一夜悲也道儂家非鳳
頸那知郎輩是蛾眉

林初文先生詩選

五

小山篇贈淮上王隱君

淮水平平山突突淮月亭亭風發發王君結廬
淮之東占斷山水和風月月明夜夜當君門憑
君相對酒盈尊風光歲歲入君戶爲君吹開花
滿樹水聲日日傍君琴與君調出太古音山色
時時迎君屐願君留下千年跡羨君色相生來
全美君名利脫除偏纔了尚平昏嫁債便結玄
真漁樵綠丹竈陰陽火黃庭內外篇鷓鴣居宴
宴蝴蝶夢便便旣種林間杏亦栽社裏蓮數頃

白雲小隱地一聲清磬大羅天我本烟霞人猶
作風塵客幾過王孫祠未識仙翁宅昨日尋君
度翠微蒼苔一徑引柴扉昨夜伴君坐青幌綠
蘿四壁流蛩響霜華結曉嵐星彩散寒曇啞啞
鴉啼井寥寥犬吠菴烹茶掃葉爨沽酒穿雲擔
紫蟹肥當筍黃花瘦傍簪道從醒處解禪向醉
中叅不作鍾山勒聊爲碣石譚主人能投轄客
子媿停驂黯黯辭雲壑飄飄出月潭懷珠光滿
袖采藥香盈籃未道青牛過尹喜已隨白鶴見

林初文先生詩選

其

蘓耽當時窮鬼空留五今日病魔忽去三却是
十年游海內不如一度訪淮南

杏林篇謝余醫士

君術輕扁鵲我病多司馬相逢淮水濱宛在衡
山下論交固有緣濟世豈無詮甚爲小兒苦幸
得丈人憐念我命不偶遭此陽之九謗譽總由
箕死生那在斗曾讀止桑詩寧歌種豆詞涸魚
未足嘆窮鳥迺何悲朝飲芙蓉露夕宿薜蘿圃
七情旣中摧六脉因外驚豈無火棗丹與彼冰

桃丸不奈心長熱况茲膽尚寒感君九折臂爲
我一揮淚授以隱景方授之降氣餌一鍼窮鬼
號再砭愁魔逃三湯已易髓四火將伐毛拍拍
楚魂起怙怙越吟止那知盆下人忽見壺中子
吁嗟夫道不孤君能療國終須試我欲殺身何
所圖願借赤霞鼎爲開白虹影先剗共工腸後
斷單于頸真人本自識英雄烈士安能受困窮
但使姓名麟閣上敢忘功果杏林中

春城行

林初文先生詩選

十七

少年遊冶春城曲春風爛熳芙蓉褥一時相見
便相憐君貌如花我如玉君今作婦落娼家我
猶爲客滯京華只此相看可相泣何須江上聽
琵琶蛾眉自古有人妬寂寞長門誰擬賦落花
流水自年年青春總被紅顏悞感君相念轉相
悲淚滿闌干不敢垂幾度徘徊花下立鶯啼宮
樹夕陽時

少年行

君不見長安俠少年酒底高歌花底眠聞雞走

馬千金散何曾盜箇官家錢一朝忽報邊烽起
從軍不肯別妻子但言割地與和親不愁戰死
愁羞死

七言律

金陵懷古

長江一洗六朝兵江北江南無限情剩水殘山
吳故壘閒花野草晉空城石頭古樹逢秋落浦
口寒潮入暮生最是天涯留滯客不堪商女蹋
歌聲

林初文先生詩選

十八

燕山吊古

蕭瑟西風起夕陽邊城八月倍淒涼燕昭臺上
寒鴉亂樂毅村前野草荒送客更誰歌易水行
人空復說甘棠十年馬首餘孤劍歷盡秦關與
漢疆

暮春登燕子磯懷古

楊子江南燕子磯楊花燕子一時飛六朝人物
空流水兩晉山川盡落暉草色遠迷瓜步去潮
聲暗打石頭歸倚闌天際春三月惆悵東風動

客衣

天津城樓

落日孤城一倚樓烽烟萬里使人愁笳聲出塞
寒偏咽旂影橫波暗不流裾似鄒生何處曳筆
如班氏未堪投朔風吹盡關河雁那得音書到
海頭

潞河驛

冷風殘雪潞河灣十載家鄉一日還不作楊雄
投漢閣寧爲樂毅出燕關漠南廬帳連三輔海
上樓船動百蠻無路報恩空有劍春明回首淚
潏潏

居庸關見阻示同行

怪得關前逐客頻匈奴早晚欲和親無繻應不
空還漢有舌何須定說秦雨氣千峰營幕曉梨
花三月塞門春憑君斗酒城頭話猶勝新豐店
裏人

紫荆關道中聞邊報

幙南千里昔曾空總是將軍百戰功自有衛青

堪破虜如何魏絳便和戎旄頭夜動陰山白鼓
角寒吹落照紅好向燕然重勒石勲名莫遣漢
人雄

定海平倭第一關

一望滄溟盡百蠻孤城迢遞白雲間笳吹細柳
三春月弓挂扶桑萬里山越貢不通何事急漢
關未閉幾時閑回頭二十年前夢惟有東風海
上還

潯陽江樓

林初文先生詩選

二十

楚天愁思入秋多落日危樓奈客何九派江聲
都帶雨二孤山色半含波霜前薜荔猶堪采露
下蒹葭不可歌曾到漢陽峰頂望十年踪跡片
鴻過

黃鶴樓有引

余被趙氏之冤幸脫禍生之禍因感二
子過此吊之嗟夫今世不可知矣千載
之下亦復有吊林章者乎丁酉秋八月
志

望裏山川是楚鄉美人何處水茫茫
留江夏趙壹辭家出漢陽鶴去未知芳草暗鴈
來先覺白雲涼倚樓無限西風意堪與千秋一
斷腸

陳漢陽同年招飲晴川閣應城田功甫孝
廉適携酒至余於功甫爲初識而別漢陽
則十年矣時當七夕書以記之

木葉西風漢渚波高樓徙倚晚涼多
十年易作人間別七夕難爲客裏過
陳子榻前堪對酒田

林初文先生詩選

五

郎座上好彈歌孤城漏下雙星見
中女娟娟正渡河

項王廟

大江南北水潏潏千古英雄一夢間
戰馬自嘶營草去渡船空載陣雲還
黃昏雙塚秦時月青壘孤祠漢代山
莫上高樓西際望愁人殺氣滿函關

關王廟

生獨英雄死獨靈雲臺麟閣漫圖形
只今錦里

無王氣終古微垣有將星魚服宮前秋水白蛇
蟠陣裏曉山青城頭惟見寒鴉影敢拂西風過
此亭

雨中登潤州城

山自岺甍水自流鄉魂客思共悠悠江湖無處
堪懸榻風雨何時不倚樓愁極空裁平子賦倦
來悞作長卿遊孤城此日鶯花暮獨看斜陽草
色頭

夜泛西湖

林初先生詩選

五

湖雪初消湖水流白雲都在湖西頭半天星斗
幾於落十里樓臺盡是浮燈火微微搖鴈塔笙
歌隱隱渡蘭舟多情最是吳山月照到遊人醉
未休

雪後登天然閣

錢塘江上凍烟開寶石峰頭霽色回塔起諸天
猶挂雪閣臨無地不飛埃湖山今日多新句歌
舞當年有舊臺十載經過憑一眺斜陽鐘磬莫
相催

珠泉

不因神女渡江遊誰把珠來汗漫投明月千秋
寒影亂青山十里夜光浮即看鮫泣盤中落謾
向龍眠領下求只尺便過星宿海乘槎何必問
牽牛

秋夜泊燕子磯

石城逶迤接江沙此夕相思在水涯明月一輪
飛燕子寒潮千尺落蘆花夢回西渚仍爲客望
斷南雲不見家獨對秋風愁欲絕隔船夜半起

林初先生詩選

五

吹笛

元夕灤陽演武堂戚都護宴集觀九曲黃
河燈時大雪

將軍開譙對河濱千里河流坐上分海鮮放珠
堪照夜火龍嘶燭欲燒雲擎杯月動金波影說
劍星搖玉斗文何處笙歌天外度東風吹落雪
紛紛

滄州錢女元席上書感兼懷郭建初方景
武

當時尊酒陽城幾夜秋風秋雨聲今日滄州
尊酒夜秋風秋雨幾年情江湖落落陳登計辭
賦飄飄庾信名歌舞兩行堪一醉故人奈有不
同傾

長蘆贈李運長

祇爲風流滯此官才名總得少年看東南人望
推元禮西北軍儲屬士安銀印夜封瀛海月羅
衣春深楚江闊如今只尺瞻天近未信明時道
路難

林初先生詩選

二四

上周大司馬

漢將分符出帝畿羽林十萬擁旌旂由來北斗
爲喉舌是以東方有袞衣箕子山春千樹發衛
公營古六花飛書生豈敢誇投筆願向軍前賦
采微

贈劉駕部贊畫

玉帳西飛萬里遙君王親爲訪賓寮姓名海
內知劉晏談笑軍中見郝超一曲落梅魚鳥動
千山采芑雪霜消何因傳檄過邛樊試看當年

駟馬橋

天津寄梁兵憲

月落關河鼓角生中回首不勝情平蠻諸將
推方叔喻蜀何人薦長卿此日黃金臺上盡終
宵紫氣斗邊明彎弓欲向扶桑挂敢借東風一
送行

淮上謁江兵憲

漢家儒將定誰過節鉞新承主眷多留頌青山
長有石楊麾滄海已無波尊前秋色芙蓉幙鏡

林初先生詩選

二五

裏春風杖杜歌彩筆于今知更好試教草檄看
如何

春日病起

滿城風雨送殘春閉戶誰憐病起人白壁未明
終戀楚黃金已盡欲辭秦鄉關南北音書絕海
戍東西羽檄頻幾樹好花留不住却令一嗅一
沾巾

夏日郊行

四月鶯聲向客疎千鄉草色爲誰餘看花已落

春歸後把酒還當病起初碧洞烟霞開玉局青
山風雨度藍輿年來踪跡天涯徧莫道漂零興
不如

七夕

病裏年光客裏情草虫木葉盡秋聲關山幾度
看牛女詞賦何時問馬卿鍾動漢宮纖月落筑
殘燕市大風生不堪徙倚天河際水冷星寒斗
自橫

九日

林初文先生詩選

卷一

客思流光共不閒玉河橋下水潺潺十年空憶
故園菊九日仍登何處山鴉背夕陽歸上苑雁
嘶霜信入南關囊中縱有長房藥曾爲愁人一
駐顏

送李參戎之黃花鎮

馬上時聽出塞歌君家勛業滿山河金城父老
思充國銅柱蠻夷識伏波節鉞遙傳三殿下旌
麾直繞九陵過黃花古戍年年遣從此春風細
柳多

送吳廣文之任華亭

青山城郭白雲窓最好橫經是此邦士向東吳
誇二陸君從北斗下三江雁分潞水雲頭片鶴
倚華亭月影雙知有相思何處絕鱸魚上釣酒
浮缸

吳門秋日送族人南還

百花洲畔木蘭船杯酒西風思黯然客似長卿
遊已倦人如小謝別堪憐江城暮色初回月野
樹秋聲盡入蟬明日姑蘇臺上望片帆落處是
南天

林初文先生詩選

卷一

送陳扶搖參戎復任遼東

一道旌旗塞上分灞陵十載舊將軍入遼曾試
屯田策出楚猶傳露布文海外槎星明似月關
前烽火黑於雲漢家天子求元帥蚤晚登壇定
是君

七言絕句

宮詞二首

禁柳宮花總自春三千粉黛幾回新君王未下

鴛鴦牒莫問昭陽第一人

一入長門十二秋自憐顏色未曾愁朝朝流水
宮前過不肯題詩葉上頭

渡江詞

不待東風不待潮渡江十里九停橈不知今夜
秦淮水送到揚州第幾橋

楊柳詞

楊柳青青灞水濱春來日日送行人東風不與
長爲主送盡行人却送春

初文先生詩選

二八

塞上曲

遼城一片黃雲裏胡騎千群黑海頭弓影長懸
秦月曉笳聲不斷漢時秋

過鞏華城

鞏華城外草連天威漠橋頭水滿川草色自當
春意好水聲偏得路人憐

春日簡友

春城柳色入東華莫惜驂騑過酒家記得去年
江上別風吹二十四橋花

歷陽樓懷尤子輝同年

山繞孤城水遶村斜陽寂寂下平原當時對酒
人何在唯有江離綠滿門

夜度恨這關

楚水東邊別路多秋風夜半動離歌迢迢恨這
關前月獨照行人過汴河

過銅雀臺故地

漢人不怨魏人愁百戰山河一日休銅雀舊臺
何處是悠悠漳水自東流

林初文先生詩選

二九

真州逢薛子謙言別

江上相逢欲暮春落花飛絮滿行津孤舟明日
丹陽道愁殺江南江北人

聞鴈

萬里關河一日回曉風夜月遞相催南飛若過
青霞嶺好爲傳書下鏡臺

西湖雨後示友

夜來風雨過湖頭落盡桃花水不流唯有西陵
橋畔樹爲君留得一枝愁

江上望廬山

停橈江上望嵯峨山比山中好更多不識月宮
何處是兩峯橫黛蹙雙蛾

重登北固山

南遊楚越北燕關二十年前上此山今日重來
山上望白雲流水不曾還

登顧龍山

金沙十里水悠悠水上青山一點浮祇自翠華
經年後至今草木不曾秋

林初文先生詩選

三十

送妓之金陵

畫槳夷猶錦纜迴美人東上鳳凰臺朝朝梳洗
臨秋水一路芙蓉不敢開

林初人章字初文福州人七歲能詩為詩試題唐詩原句而然

及長向公為選以復風雲表作過蘇州十九年又獲楊文公傳云

歌多悲調言四者春燕之北平為公進步應以居於此

歎曰此子他日必為名士也

公於詩法見此子入選初題供片為子此法入

通元甲子三月

多雨手書

林

初

林初文詩選一卷

兩江總督
採進本

明林章撰章本名春元字初文福清人萬曆癸酉
舉人坐事除名後上書言兵事瘐死於獄是集前
有曹學佺序曰初文才士為嫉者中所作多散
佚其子哀輯為一帙梁溪尤時純付梓則是集本
有刊板而此乃寫本蓋傳錄於板佚之後也凡賦
二首詩八十二首學佺序稱其海月賦而此本無
之蓋鈔胥又有所漏矣

金文通公集二十卷疏草六
卷詩集三卷外集八卷

〔清〕金之俊撰

中國科學院圖書館藏清康熙刻本

附《四庫全書總目·金文通集
二十卷》提要

敘

余爲書生時好爲古文詞
漁獵近代諸家氣矜塗澤
之文刻畫自喜中年讀潛
溪震川集少知持擇始改
轅易轍思自拔于流俗望
古人之質的而趨之才力
單薄學殖荒落如輕毛弱
葉翔舞於衝波濁泥之中
欲介然自立也良已難矣

西戌之交與平陵公談文
闕下平陵告曰豈凡先生
今之韓歐也余心識其言
而未敢信旣而屢讀其文
針芥相合犁然有當於吾

全宋文通公集

錢序

二

心信平陵之非溢言也余
老而失學不能垂齒牙樹
頤頰以變易斯世之視聽
則請原本古今畧陳其流
別以告于世之君子蓋常

循覽三百年來文體凡三
變矣明初之文自金華烏
傷迨東里茶陵卸華佩實
根本六經三史號爲正脉
北地起而以叫號剽奪之

全宋文通公集

錢序

三

學創立古文雄樹壇坫信
陽和之遂謂文靡于隋其
法亡于韓愈輟材諷說之
徒轉相倣倣而文體一變
嘉靖之初晉江毘陵袞除

俗學歸原經術南沙浚谷
挾轂扶輪爲一時之盛歷
下弇山出盛推北地以雄
詞盛氣凌壓古人佐之以
大函雲杜異口同音一唱

百和而文體再變萬曆以
來高邑崛起於北臨川雄
視於南厭時人之賃耳傭
目刻意滌除文體幾於三
變矣俗學流傳熏入骨髓

二君子孤立側出錚于申
之莫吾聽也以是故近代
之文雅俗錯出遞變而不
純豈凡生于吳下殘膏剩
馥屬厭弇州之餘藩乃能

超然玄覽篤信古學奉韓
歐爲祖禰而師友在震川
鹿門之間豈非豪傑之士
後五百年間出者哉今其
文具在蓋莫不發源經史

而取裁於八大家溯流窮源有典有則有倫有要渢渢乎洋洋乎先民之規矩盛世之型范也昔在王李狎主齊盟茗上茅鹿門先

生獨唱明八大家之學標舉關鍵爲後學眼目豈凡鹿門之外孫也先河後海其所從來遠矣漢楊子幼讀外祖太史公書學其爲

文今讀其報孫會宗書慷慨激昂淋漓痛快太史公鬚眉談笑千古如在豈凡風雲玄感譽望在玉衡大斗之間非子幼所敢望以

其所撰著徵諸鹿門出車合轍則亦太史公之子幼也豈凡自叙其集以謂聞鹿門之緒言取八大家文鈔讀之反覆始知爲文之

道端不外是豈不信哉昔
顏之推論文曰今世相承
趨末棄本辭與理競辭勝
而理伏事與才爭事繁而
才損放逸者流宕而忘歸

穿鑿者補綴而不足必有
盛才重譽改革體裁者實
吾所希張融自序曰文章
豈有常體但以有體爲常
故當使常有其體顏氏以

古之製裁爲本而張氏謂
以有體爲常此所謂爲文
之道也迎而距之平心而
察之其皆醇也然後肆焉
此韓子之所謂無迷其途


無絕其原者也請以爲讀
豈凡之文者告并以爲學
豈凡之學者告

皆

順治十有六年己亥嘉平

年家眷侍弟虞山蒙叟

錢謙益再拜謹書



序

晉江王道思先生嘗稱有
吳三千年之久傳者三人
季子子游與唐應德而三
予歎服以爲知言其後有

文章名莫如司寇王元美
頗薄唐公不足爲然予實
不好其文顧獨嚴重歸熙
甫太僕以爲有唐宋大家
之風洎吏部周恭肅氏公

用而已熙甫名籍籍一時
元美晚年益自傷不及熙
甫見于題公像有繼韓歐
陽之語人皆知熙甫獨周
公之文竟無口之者良可

歎也今又得豈凡先生云
予自諸生時則知先生以
名進士歷爲知府兵備卓
然有聲實未見其文同朝
縉紳亦以吏治推服不及

于文及余同官而先生文
稍稍出知先生文自予始
先生又謂予曰文者載道
之器也言者心之聲也言
不根于心必支文不幾于

道必誕支與誕所不敢爲
吾擇其雅馴者而卒業焉
是以先生文大者炳炳烺
烺小者謹嚴法度尺寸不
苟此歐陽子之文也知先

生文如歐陽子亦自予始
嗟乎文難言矣人尤不易
知哉文如先生其好學深
思揣摩古人積有歲年而
予輩不及知乃僅知之同

官之時數十年間號爲名
公鉅卿察其文曾不足當
先生之毫末而名反出其
上何也雖然山高可以致
祈羊淵深可以致沈玉績



學可以永久比于金石先
生之志固在此不在彼也
先生於周恭肅爲同邑有
葭莩之誼又於茅觀察鹿
門爲曾外孫先生之文所

從來如此狀則讀先生文
而信予稱爲歐陽子者其
必如予之信王道思也乎
皆

順治五年十二月溧陽同

學弟陳名夏書於石雲

居



金文通公集

陳序六

共

叙

金司空吳江豈凡先生以
息齋文徵叙予雖不厭書
文弗能臻古夙夜皇皇未
之逮也安能測先生文然

金文通公集

王序一

七

竊聞作者之言文在機在
轉在彬彬公之文不角勝
于六朝之浮艷靈轉而廓
清之庶幾鬪智不鬪力者
乎蓋節章光受制於瀉故

無語不爲神明之寶物有
不能揉焉者矣予嘗數過
吳江矣其五湖與莫釐諸
山絡皆虬纏蛟透天地奇
氣鬱積盤礴大海包裹而

厚其發發必鍾爲人文公
之文其發于蟠地豈其淺
者哉况公政事侃侃猶之
文御機而調和乎節是故
敦乎智自非理勝區區鬪

華角豔惡能旋爲宮以相
答也以智以靈不苟徇于
小槩小篇大章各堤焉立
于其所也者自心之意天
和將居殆庶幾焉以息爲

昌也歟顧知息者冲用之
而弗竭文與政事一母之
大宗也豈凡先生自茲遠
矣予年漸老信古而尚以
力競也未能受命作者墻

下彬彬郁郁文乃不喪奚
以厚積而發乃尊光耶靈
轉廓清逮于何日望洋金
大司空予俛俛然不自崖
返乎

金文通公集

王序四

辛

順治六年五月朔日年家

社弟西洛王鐸撰



序

豈允先生以息顏齋以息齋命
集余授而卒業藹藹吉人之辭
也懍懍醇儒之詣也夫古之立
言者軌道而掄志使近承有明
箴私淑知竊義不足以約趨端

金文通公集

胡序一

壬

舛糾史翼經不以泚筆而其人
之表裏初終亦於是備見豈銜
名哉躋實而已正質却飾變化
以生或覩之日月常新或方之
江河經地雖語明也行也實處
於莫可加增倘亦能止之力乎

昔孔子筮賁而愀然曰黑非黑白非白非正質也曰丹漆不文白玉不雕質有餘者不受飾也意愀賁者愀末流乎不然豕何以極言其察變化成一本之文明以止也進而求之文之所以

文者緝熙敬止躋其實仁敬慈孝信之止固胥天下而文明之乎德業文章無二道也觀息齋集與人臣子與人弟友其言具在思無越畔修辭立誠質正而不受飾旣如斯矣先生之自則

則人盡於斯矣後之郭郭而糟粕亦莫不止於斯可謂得賁之亨矣障頽瀾而披霧縠俾世俗鉢心劇目輩各正厥質以不沒至文其以息文壇玄黃之戰詎淺尠乎息齋公餘讀易所也爰

取以命近集意或在是與順治己丑初伏日蜀仙井教弟胡世安書



序言

嘗觀文運之衰也必有一二人
焉爲末流砥柱繼一綫之薪傳
而斯文不至墜地文運之興也
亦必有一二人焉爲一代開先
布昌明之學術而大道復行中

金文通公集

呂序一

毒

天自明季浮誇相競理學榛蕪
迨

興朝肇造鼎新將豁然與天下更
始而其間挽回於絕續之界扶
其衰而翼其盛相與闡揚古道
崇正闢邪引掖後進者則吾百

翁陳師豈翁金先生也先生與
陳師同秉銓政提衡人物之暇
復大肆力於文章志合道同互
相倡和余每過師門問業輒告
余曰金先生今時之人傑而文
章之宗主也私心竊向往之近

金文通公集

呂序二

毒

始讀其古文辭信得派於韓柳
蘇曾諸大家一洗詭異鈎棘之
習而出爲清醇博大之旨其言
簡而深約而該引物連類折之
於至理以合人心昔蘇長公稱
范文正之於仁義禮樂孝弟忠

信如饑渴之於飲食雖弄翰戲語卒然而作必歸於此故天下信其誠爭師尊之吾於先生亦云余益歎先生爲不可及也先生歷要津而能屏營逐寡嗜欲自顏其室曰息齋蓋息其身於

金文通公集

呂序三

素

從容退食之餘而息其心於詩書六藝之圃故能專精焉以從事於此而著作日富其書滿家以視世之貪權嗜利皇皇終日而夢寐不得安耳目無所接者其人品之高下何如也余猶憶

垂髫時讀先生制義知愛且敬而每以不識韓荊州爲恨凡二十餘年始見先生於京師爰得從之遊而先生手示一編見屬爲序余愧不倫何足爲先生重獨以童子時卽知愛敬先生而

金文通公集



呂序四

素

今得側名於文字中以自託於大君子之末爲足償疇昔之願耳嗚呼先生向官少宰旣能出其冰鑑以激勸人才而茲復著其文章以轉移風氣先生之於當代功良不朽矣

時

順治己丑上元日後學呂宮謹
拜撰



金文通公集

呂序五

天

敘

吾師陳百史先生以古文詞領袖海內一時縉紳鉅公爭出其
所著相訂朝一日侍師側讀吾
年伯金先生之文竊歎曰此真
粹然儒者之言也夫古有儒者

金文通公集

程序一

堯

其入中正而和平其氣優柔而
不迫其爲言也醇而肆真而不
漓能使讀者感動豈非其積乎
中者深乎其深故其發乎外與
入乎人者漸漬浹洽自然感動
不能已已歟其於爲治也亦然

積仁義之氣以變衰薄之俗始而革面繼而革心久之至於百年無奸之可除無殺之可用而殘忍刻薄之氣遂消弭而化於無有此則儒者之効也少嘗讀太史公書見其尊黃老退六經

金文通公集

程序二

三

進游俠卑儒術心竊非之及長而反覆其所以乃知非太史公本意也彼見漢興去古未遠當秦焚燒之後使其能尊用儒者復修先聖之道雖追隆三代不難乃承秦之弊厭聽儒術至文

景武之世如賈誼仲舒皆彬彬儒者不能用而終日所嘲笑詆諧者惟一曲學之公孫弘與滑吏治間有可觀然廟廊之上無敦龐大雅之儒以修明經術而

金文通公集

程序三

三

崇進古治所以終漢之世敗亂之端隨滅隨起百孔千瘡救過不給而相業亦無足紀豈非不進用儒術之過歟太史公蓋諷之也觀其列吾仲尼于世家豈真謂儒者不足以治天下乎先

生與吾師朝夕必偕其終日所
論議而設施者非儒者之書必
不讀非至誠惻怛之事必不行
宜乎其見諸文章者醇而肆真
而不漓也孟子曰生于其心發
于其言害于其政是故入其室

金文通公集

程序四

三

讀其書純粹而和平而其性情
可知也其治効亦可知也入其
室讀其書堅僻而鑱刻其性情
可知也而其治効亦可知也蓋
以奸雄狙獮之人而貌顏曾思
孟之言其發之也必忤而其神

情亦必不肖何則其積諸中者
先陋也今先生之文豈不爲有
道之士乎哉方今海內初定儒
効未章

天子思敦進古治欲得尊經學道
之儒者而盡用之惜乎下之奉

金文通公集

程序五

三

行者未有以稱之也惟先生以
道自任大異乎世俗之所爲意
古所稱爲大儒其人者將在是
歟則由是而汲引後學嘉與正
心誠意之士布列朝端使儒効
大章而治且臻隆于三古吾已

于其文章必之矣于是退而書
其言以質先生且以告吾師
順治五年嘉平月內翰林秘書
院編修年眷姪程芳朝題



序

六經之文質質故原性命之理
傳述微言而人事之本末天道
之終始以著左國史漢之文核
核故據見聞之情掌記故實而
遠邇小大之得失上下幽明之

理亂以備吾豈凡師追踪三代
之人之學而抗志西漢以前之
業肆力研尋積有年矣而澹寧
沈靜一意理窟自筮仕及爲司
空大夫如一日也宜其文精醇
博碩卽尋常遊讌贈荅間無不

曲中情事之微而直辟理道之
卻間取息齋集文一再讀之何
其樸而能覈瞻而有則波折以
老澁澁乎名儒之言也與蓋孝
友忠信吾師躬自爲之而躬自
有之而兵農禮樂吾師直如揖

金文通公集

岳序二

美

家人而進語乎家事故應左有
右宜與乎幾義之存而進乎智
仁之事使人見而悅悅而久思
與寢處其間飢食而渴飲也吾
師其不可及也哉吾師之文其
卽所云性命之懿而見聞之情

既質且核亦著亦備者哉聞之
經成而紫微降光玄著而鳳鳥
來集其應有然吾師以澹寧沈
靜無間然之學而爲精醇博碩
不可疵議之業曷言乎應其卽
以含玉吐金之文當景星瑞羽

金文通公集

岳序三

美

之實

順治己丑春日關中門人岳暎
斗頓首書於金臺之秋舫齋



自序

余少時嘗聞先君子言王外父鹿門先生之爲文與王道思唐應德歸震川諸公相爲頡頏其得力於八大家者最深卽王元美等七子弗之及也時余方習

金文通公集

自序一

美

舉子業未省學古私心竊嚮往焉及倖入仕版則糾葛世務置古學弗講者荏苒二十年自甲戌至庚辰連歲讀禮山居得稍涉獵古文詞日取鹿門先生八大家文鈔讀之反覆始省先君

子言妄意爲文之道端不外是

然觀世俗所尚似與鹿門論文之旨又有大謬不然者余復疑之至乙酉歲與溧陽陳百史先生同官百史爲海內文章宗主得共朝夕者四載于茲因時聆

金文通公集

自序二

美

其論議併讀其石雲居集則揆之鹿門之旨甚合而與余少時所聞之先君子者若互相發明也又從百史所讀豫章艾千子蘇武子之文皆卓然不溺於流俗一本之唐宋大家而蘇武子

亦謂百史有古人之風余自是信所以爲文之道而不復疑焉雖然爲文豈易言耶昔韓文公云李翱從僕學文頗有所得然其人家貧多事未能卒其業有張籍者年長於翱而亦學于僕

全宋文通公集

自序三

罕

其文與翱相上下一二年業之庶幾乎至也然閔其棄俗尚而從於寂寞之道以之爭名於時也夫以學文如李張兩公而昌黎猶未遽許其至爲文豈易言耶余恨少業舉子長又糾葛世

務未能深用力於爲文之道今雖信不復疑而年已將六十矣其又何敢妄有撰著以希古之作者然前代有從吾道人董蘿石年六十有八學道於陽明子北面而師事之至今以爲美談

全宋文通公集

自序四


罕

余今從百史學文其或猶未晚歟故每成一篇必質之百史雖百史謬爲許可不減陽明氏之於從吾道人顧余終未敢謂已得爲文之道也因彙近作若干首輒付梓人再俟天下後世之

深於古學者起而正之

順治六年己丑王正息齋主人

金之俊識



金文通公集

自序五

畢

金文通公集總目

吳江金之俊豈凡著

卷之一

序

卷之二

序

卷之三

金文通公集

總目錄

序

卷之四

序

卷之五

壽序

卷之六

記

卷之七

記

卷之八

傳

卷之九

說

卷之十

題跋書後

卷十一

碑文

卷十二

金文通公集

總目錄

二

墓誌銘

卷十三

墓誌銘

卷十四

墓誌銘

卷十五

墓誌銘

卷十六

墓誌銘

卷十七

墓表

傳

行畧

祭文

告詞

卷十八

贊

卷十九

頌

銘

箴

疏

書

芻言

議

小示

金文通公集

總目錄

三

卷二十

年譜韻編

附金文通公行狀墓誌銘墓表傳

金文通公集卷之一目錄

吳江金之俊豈凡著

明文奇賞鈔序

胡菊潭先生易史序

李文全集序

讀戶河南文集序

會果法定本序

金文通公集卷之一目錄

太上感應篇說定序

讀王文恪集序

讀周恭肅公集序

陳百史先生石雲居制菴序

孫北海先生石亭近稿序

戴道嘿先生詩草序

讀唐叔達先生三易集序

讀蘇武子遺集序

讀艾千子天慵子集序

胡菊潭先生譯義續集序

王周臣減菴文稿序

喬如川先生語閒錄序

宋荔裳安雅堂文集序

白東谷先生念園詩文集序

金文通公集卷之一目錄

二

金文通公集卷之一

吳江金之俊豈凡著

明文奇賞鈔序

明文奇賞鈔者金子于歲戊子冬日擁爐息齋中讀陳明卿太史之選而爲之摘錄以存者也。有客見而訝曰：人有一家之業，代有一代之製。明初如宋文獻、劉誠意、方正學諸公，大儒鼎彝之文，尚已逮至中葉。

金文通公集

卷之一

明文奇賞鈔序

一

弘正嘉隆間，文人項背相望，或爲史漢，或爲唐宋大家，喙喙爭鳴，不可枚指。識者猶謂陳太史茲選，選未盡其人，人未盡其文。方存乎見少，而子又何存乎見多而爲之鈔也？金子曰：否，就太史之選觀之，則存乎見少，就余之鈔觀之，則存乎見多。已夫立言者，能與立德立功並其不朽，豈非以世道之治忽、風俗之淳澆、人心之邪正胥于其言繫乎是非、其言之可傳乃其言之合乎道者，道足以傳而言亦附之以傳也。言何以合乎道，則不悖古聖賢六藝之旨而有關世道。

風俗人心不與擇句選字勦襲浮華爲工者是也。茅鹿門先生云：文章以道相盛衰，不與時相高下。旨哉斯論乎！言不近道則雖高擬司馬遷、劉向、楊雄、班固之徒，不過優孟衣冠耳。縱膾炙一時，後莫之傳。言苟不詭于道，則雖近法韓歐、蘇曾一派，爲流俗之所擲，掄其氣自古，其理自足以不朽。然古今來儒生學士，畢世操觚，所爲言之近道者，蓋憂憂乎其難之也。故余于太史選中，但得一二近道之言而存之，使讀而興起者，世道之忽可轉，治風俗之澆可還，淳人心之

金文通公集

卷之一

明文奇賞鈔序

二

邪可歸正，卽存其什之二三，不已多耶？余故曰：觀太史之選，則存乎見少；觀余之鈔，則存乎見多。而客又何訝也？客于是爽然而退。

有息齋著述，便應有此論斷。卽高擬司馬數語盡發文章之蘊，若弁州諸公早見及此，必不妄詆歐曾也。

陳百史先生評

胡菊潭先生易史序

經經而史緯自左氏昉也。董江都劉中壘因有繁露五行之作。皆參互人事以求是非吉凶之合用。垂法戒宋真西山大學衍義經緯昭晰。明丘瓊山補之爲全書。其條貫事理備乙夜之觀者。最著且要。獨易之爲道幽圓浩順。變化屢遷。非極深研幾。遽難以人事揣合。京房以下諸家肆其窺索。比摭災異以風切當。世然未免附會近踏駁矣。求其于理事參互之際。因經條緯。援古証今。燦若列眉。應若桴鼓者。未之或見。

金文通公集

卷之一

史序 胡菊潭易

三

也。菊潭胡先生以天授風悟。振起西蜀。博洽窮經。編韋啓奧。直踞子雲之席。居恒研六位之遷變。搜十翼之精微。上下數千百年間。瞭然于興衰理亂得失倚伏之故。與夫君子小人進退動靜剛柔消長之關。推移摩盪。羅布心胸。無迂銖黍。既出其中。正易簡之學。光贊鴻謨。建確乎不拔之業。復以藏往知來。觸類徵應。隨爻配事。顯端彰微。著明理事。合一之大原。書成名曰易史。間以示余而命之序。余讀而歎曰。思深哉。先生之爲是編也。易而史則全。易皆史。凡易之理有

一之不足。範圍乎史。無以成易也。史而易則全。史皆易。凡史之事有一之不必。裁成乎易。無以成史也。理之占事。以有定燭。無定其法。嚴惟嚴。故起人乾乾之惕。而爲悔吝凶厲之防。事之占理。以無方驗有方。其法治惟治。尤動人。兢兢之震。而有補過無咎之凜。余蠡測是編中。凡是非吉凶。信于既占者。什之三。信于不待占者。什之七。占吉而吉。占凶而凶。占非其人事之吉。則理吉而凶。占非其人事之凶。則理凶而吉。此信于既占者也。理經乎事。故命吉命凶者。理主之。而

金文通公集

卷之一

史序 胡菊潭易

四

無俟觀于事後。事緯乎理。故形吉形凶。與夫旋吉旋凶者。事主之。而無俟玩于理先。此信于不待占者也。其間或比數而如律。或旁通而如例。不周內以爲功。不成敗以爲案。舉造化盈虛消息之自然。與人事臧否應違之當然。無不呼吸通而聲響合。嗚呼。先生闡易至此。直通身是易矣。談史至此。直通身之手眼皆史矣。至先生自序有云。陰陽互根。剛柔交克者。天運也。天生小人以厲君子。仍責君子以化小人。又云。往往包小人者治。敵小人者亂。以小人攻小人者得中。

策以君子用小人者得上策。尤旨哉言乎。從來世運循環不患君子道消而患君子獨矜爲君子則每以孤而成其消不患小人道長而患君子過絕夫小人則每以激而成其長剛之所以折柔之所以厲而運祚隨之千古一轍也。皆不知易不讀史之過也。有心世道者請反復斯編焉。始知昔人經緯之書咸有指歸不得稱專美矣。又寧屑沾沾拾太閔之藩哉。

金文通公集

卷之一

胡荊潭易
史序

五

李文全集序

李文全集唐李習之翱之文明景泰間河東邢讓手錄抄本順治二年乙酉鉅鹿徐子長善偶得之市肆亂帙中凡一百三首徐子力學好古喜獲所未睹遂梓之而以一編示余余讀而爲之序曰余生平愛慕翱之爲文不減于韓子惜乎其不多見于世而力學好古之徐子乃獲睹其全于千餘年之後豈翱之爲文其業已至自有不可滅沒者經久而彌著耶抑徐子好古而得所趨向其精專志一自有以相感相喻故不期而與其文遇耶昔韓子云近翱從僕學文頗有所得又歐陽子讀李翱文有云最後讀幽懷賦然後置書而嘆不已復讀不自休恨翱不生于今不特與之交又恨余不得生翱時與翱上下其論甚矣古人之不妄許人以文有如韓子而古人之善讀書恨不卽與其人生同時有如歐陽氏哉翱嘗寄從弟正辭書曰汝勿信人號文章爲一藝夫所謂一藝者乃時世所好之文或有盛名于近代者是也其能到古人者則仁義之辭也惡得以一藝而名之及余卒業

金文通公集

卷之一

李文全集
序

六

是編而後知辨之爲文。悉皆仁義之辭。非復後世。摘英。採藻。以一藝爭鳴者。比宜乎韓子之許其有得而歐陽氏讀其爲文。遂有生不同時之歎也。嗚呼。讀茲集者。其亦以仁義之旨求之。庶幾不失作者之意。亦不失凡爲古人作者之意。然後可以言讀書。并可以言學文也已矣。

善讀古人書。於尋常感泳。便如同時同學。言愈簡。淡乃臻神奇。讀此等文。而不以爲神奇者。必不知

文也。陳百史先生評

金文通公集

卷之一

李文全集

七

讀尹河南文集序

余嘗讀歐陽氏誌尹河南先生之墓曰。師魯爲文章。簡而有法。博學強記。通知今古。又自疏云。簡而有法。此一句在孔子六經。惟春秋可當之。其他經非孔子自作文章。故雖有法而不簡也。若是乎。文之貴簡而能爲簡者。匪易言哉。一日從北海孫公所得河南先生文集抄本。受而卒業焉。其文朴直緊嚴。果有當于簡。卽碑銘書疏。或詳至數千百言之多。皆精于理。核于事。而無靡詞。無溢氣。雖詳而仍不害其爲簡也。原

金文通公集

卷之一

讀尹河南文集序

八

春秋之所以能簡者。孔子上下二百四十二年之間。凡天子列國君臣行事本末。與夫內外盛衰治亂得失之故。靡不條貫洞達。故權衡審是非。明一字褒貶。義無不該。然則非大哉博學之孔子。不能爲春秋之簡。非博聞彊記。通知今古之師魯。亦不能爲師魯之簡。非博極羣書。集古千卷。藏書萬卷之歐陽氏。亦不能爲歐陽氏之簡。而能以簡而有法一句。遂盡師魯之爲文也。此簡之所以有足貴而能爲簡者之匪易言歟。攷之韓忠獻云。天聖初。公獨與穆伯長矯時所

尚力以古文爲主。范文正亦云。師魯深于春秋辭約而理精。得歐陽永叔從而振之。天下之文一變而古。尤延之亦云。我朝古文之盛。倡自師魯。則又非獨歐陽氏之說也。由是言之。文之學爲古者。必能爲簡而能爲簡者。方可以語古。嗚呼。今天下之爲文而有志學古者。其亦可以知所尚也已。

當以評尹先生者評此文。世人喋喋不能休。吾欲借先生爲并州剪刀。剪斷千萬緒也。陳百史先生評

金文通公集

卷之一

讀尹河南文集序

光

會墨法定本序

文章之道。以理爲主。氣爲輔。而不可離。乎法。所謂理者。盡寓經書傳註中。必參之以博聞強記之學。質之以稽天窮地之思。直與孔孟程朱。印心源于數千載之間。不失累黍針芒。而理出焉。所謂氣者。譬江淮河漢之水。行于地中。騰瀾怒濤。噴旋逆折。浩乎莫禦。放乎無垠。雖蛟魚百怪。出沒洶湧。而不知所以汨乎其間。中尺幅之內。有呼吸千里之勢。而氣益焉。然理勝于氣。則病爲艱深。爲板實。氣勝于理。則病爲膚莽。爲散漫。理與氣交受其病者。法不足故也。法者何。如日月光辰之運于天。經緯次舍。遲留伏逆。有一定不爽之度。又如古名將用兵。或多多益善。或以寡勝衆。或堂堂正正。鉦鼓旌旗。耀日震天。或乘間出奇。枕席度師。千軍萬馬。寂不聞聲。多寡奇正。惟所用之。總不失律。此所謂法也。法一成而不亂。則理明氣昌。醇正典雅。雄渾博大之文出矣。余少聞先輩之論。若此。迄今四十餘年。文風屢變。俗尚亦殊。似與先輩之論。未盡符合。而余獨尊其所聞。不以徇時。今春謬膺

金文通公集

卷之一

會墨法定本序

十

簡命典禮聞。竊持此相士。而少宗伯胡公亦力主其說。不稍二。合三百八十五人。體裁務盡其變。率範我馳驅者。撤闌後果多可。而少惟爭欲出其卷。懸之國門。而余不敢以所嗜強人也。會甫草計子。以兩浙名雋來貢于

廷。能精古今業。胸中卓然有先輩典型者。偕仲兒世濂取全閭卷。竭晝夜力。卒業焉。因謂余曰。先生所嗜。非癖也。遂哀其優者若干卷。付制厠氏。弁之曰墨法定本。嗚呼。以余所聞先輩之論。得甫草一參訂之。而庶乎其可定也已。

金文通公集

卷之一

會墨法定本序

士

太上感應篇說定序

遂古之時。上哲之士。其爲善也。無所爲而爲善。其不爲惡也。亦無所爲而不爲惡。從未聞有感應之說也。迨夫鴻濛漸遠。人心日漓。上哲少而下劣多。爲善者而莫或勸之。則爲善不力。爲惡者而莫或懲之。則爲惡無忌。於是聖人怒然憂之。起而制禮樂。修明政刑。凡所以勸善懲惡者。無所不備。而立經垂訓。又爲之諄諄。詔告焉。易曰。積善之家。必有餘慶。積不善之家。必有餘殃。詩曰。上帝鑒觀。又曰。自求多福。書曰。作

金文通公集

卷之一

太上感應篇說定序

士

善降之祥。作不善降之殃。又曰。惠迪吉。從逆凶。經雖不言感應。而感應之理已昭然畢具。乃世人習矣。不察妄覲微福于天地鬼神。而不知我一念一事之善。卽福基也。念念事事之善。卽集福無量也。徒求免禍於天地鬼神。而不知我一念一事之惡。卽禍胎也。念念事事之惡。卽召禍無邊也。若夫與聖經互相闡發。而尤深切著明言之者。則莫如道藏中太上感應篇一書。凡有持誦遵行者。其感應已如鼓答桴。如響赴聲。近來梓刻甚廣。然未有若我壽翁佟公刊訂說定

一本比他本迥異。有案有論。有解有贊。而公更爲之精研密究。細加刪潤。核而詳。該而不雜。令人一展卷焉。目爽心開。骨慄氣歛。有不俾善者益善。而惡亦爭奮然。勉爲善乎。粗之可以充鄉約之講。讀精之可以佐經史之鼓吹。小之可以化一時之世風。大之可以回億千之劫運。猗歟休哉。我公之流布斯編也。真羽翼我

盛朝禮樂刑政之助。直還遠古。而豈徒以之持身服官。孳孳爲善。以之率屬教民。與人同善。無負太上之救。

金文通公集

卷之一

太上感應篇說定序

三

世慈心而已哉。是爲序。

讀王文恪集序

明代制舉。執惟成弘間。號最盛。而守溪王文恪先生。尤開闢一代。凡海內業博士弟子者。無不誦法其言。奉爲典型。終明之世。莫之或尚也。然世皆知先生以制執傳。而鮮有舉其古文詞者。雖同時邵二泉徐子容諸君子。爭重先生之文。以爲規模昌黎。以及秦漢雄偉俊潔。體裁截然。振起一代之衰。逮後王李等七子。握鉛槧。繼起壇坫中原。走儒生學士如狂。而先生之文。竟置弗講已。迄今荏苒二百餘年。卒未有崇先

金文通公集

卷之一

讀王文恪集序

四

生文。駕七子而上之者。甚矣。世之矜耳而賤目也。昔歐陽永叔讀李翱文。置書而歎不已。復讀不自休。恨翱不生于今。不得與之交。又恨予不得生翱時。與翱上下其論。余于先生亦云。先生爲文。簡而遠。質而古。所謂撥去其華。得其本根。非儷花鬪葉者比。故往往以少勝人之多。以淡勝人之濃。蓋上苞宋潛溪諸公。渾噩之氣。下開震川。遵嚴諸公。簡嚴之法。卽謂先生爲唐之韓愈。誰曰不宜。抑陽明子之言曰。王公所深造。世或未之能盡也。然而言之亦難矣。著其性善之

說以微見其概。使後世之求公者。以是觀之。然則先生之文。乃見性之文也。而又烏得不貴乎。嗚呼。後進之士。有志于古文者。慎毋矜耳。而賤目其視先生。以為法可也。

推重震澤與姚江。同意其不可七子處。只用一語。語不迫而意已至。真有上觀下觀之眼。不特為吳中前輩爭壇坫也。陳百史先生評

金文通公集

卷之一

讀王文恪集序

主

讀周恭肅公集序

吾邑白川周恭肅公。名位崇隆。景仰今昔。而生平所著詩文若干卷。則世鮮有舉而稱之者。金子讀而歎曰。此先輩有道之士也。其詩清新俊潔。其文淡簡古質。蓋卓然不類乎流俗之為文詞者。而何以世莫之稱也。因憶蘇文公以見釋先生詩文十餘篇示子瞻。曰。小子識之。後數十年。天下無復為斯文者矣。先生之詩文。皆有為而作。鑿鑿乎如五穀。必可以療饑。斷乎如藥石。必可以伐病。其遊談以為高枝詞。以為

金文通公集

卷之一

讀周恭肅集序

主

觀美者。先生無一言焉。其恭肅公之謂歟。自公歿後。天下之文。日趨于濃郁纖麗。遂無復為公之文者。宜乎世之莫稱也。同時有顧惟賢先生。名應祥者。曾為公作傳云。以公務同至海上。過公舟。公方危坐觀書。几上惟置薛文清讀書錄一冊。字字皆圈點。始知公之所學。蓋有所本。而非苟焉者。聞公尤喜易。著有讀易日解。今其裔孫文學之葵。將梓之以行于世。又聞公有至性。少時父母疾。嘗割股進愈之。而絕不以言及此。又篤行醇德之大者。嗚呼。公之學有本原。行有

大節若此而烏得不爲載道之言乎信乎其有似于
鳧繹先生之有爲而作也五穀也藥石也余爲公同
里後學雖不獲生同時而讀其集于百餘年後慨然
想見其爲人不勝嚮往而私淑之故奮筆爲之序且
以見先民之法程近在吾邑士又何必忽近而慕遠
也

若有恭肅在胸中必不強附王李若肯讀此等文
又不須強附近日名士矣

陳百史先生評

陳百史先生石雲居制藝序

文之不朽于天地間者有他道哉理爲之主法爲之
輔而已矣六經語孟之文理之原法之祖也先秦兩
漢唐宋大家之文附于理而不詭繩于法而不佻者
也理不足則氣索法不足則格卑氣索格卑則古意
蕩然無復有存焉者矣噫此近日制舉之文所由弊
歟然則救弊于今日莫如勉學者以通經學古蓋能
爲古文辭者未有不能爲制舉藝者也昔王震澤歸
震川唐毘陵茅歸安諸君子皆以制藝冠絕一時而

其論議必根本于經術其開闢首尾抑揚錯綜必出
入于遷固韓歐蘇曾數大家間是以理明法備其爲
制舉藝無異其爲古文詞故足傳也迄今百餘年來
能爲震澤諸公之古今文者惟吾友陳百史先生其
古文詞登作者之堂不具論一日出向所行制藝集
重訂之以付梓人而屬余爲序余受而讀之一日擬
古一日擬先正一日臨場一日擬墨或爲古朴而醇
深或爲淡遠而宕折或爲環瑋而雄博其遣詞布局
不同其所以爲理爲法一也要皆以近古得之雖然

茲集之傳播久矣。何俟余言。而世之崇奉其文者。恐
僅作制藝觀。則百史一生稽古之力。似反以舉業掩
而亦非。今日重訂茲集。以勸勉後學。通經學古。勤勤
無已之至意也。此余之所以不能已于言也。百史嘗
語余曰。吾儒雖躬行不及聖賢。既已操觚伸紙。儼然
代之立言。則必當設身處聖賢之地。發聖賢之論。奈
何其相率爲荒唐謬悠。支離割竄之語。句入室而操
之戈耶。嗚呼。百史之言如此。宜乎其爲文之足傳與
震澤諸公。後先頡頏也。今使海內學者讀茲集而究

金文通公集

卷之一

石雲居制
統序

九

心于其所爲理焉。法焉。然後知百史稽古之力不淺
而亦不負百史所以勤勤勸勉後學之至意矣。獨持
是以求合于有司尺度而可必其有濟也哉。

予文不敢當此稱許。總撮諸大家發明大義。不啻

自言所得有功後學不小。

陳百史先生評

孫北海先生石亭近稿序

韓文公之言曰。和平之音淡薄。而愁思之聲要渺。謹
愉之辭難工。而窮苦之言易好也。是故文章之作。恒
發于羈旅草野。至若王公貴人。氣滿志得。非性能而
好之。則不暇以爲。余讀大廷尉北海孫公石亭近稿
古體。始知北海乃性能而好之者也。不然。何暇以爲
也。豈其有愁思耶。而聲之要渺若斯也。豈其真窮若
耶。而言之易好乃爾也。體人情。數世事。感滄桑。嘆俯
仰。情酸味厚。歌短泣長。真有令人悄然以悲。肅然以

金文通公集

卷之一

石亭近稿
序

十

恐復令人奮然以振。淡然以遠者矣。憶杜工部有云。
當歌欲一放。淚下恐莫收。濁醪有妙理。庶用慰沉浮。
又思尺但愁雷雨。至蒼茫不曉神靈意。少壯幾時奈
老何。向來哀樂何其多。淒淒切切。蕭蕭悠悠。庶幾其
似我北海耶。嗟乎北海之於詩。固性能而好之者也。
然亦其時爲之也。故名公貴卿。得與羈旅草野爭能。
于天壤間。余因是而又重有慨矣。是爲石亭近稿序。
平涼趙浚谷喜爲簡文。然多重滯之音。不如此之
淡永而有體裁也。結處感在情中。意在言外。與唐宋

大家同觀。陳百史先生評

金文通公集

卷之一

石亭近稿

圭

戴道嘿先生詩草序

歐陽永叔美梅聖俞之詩有曰。其初喜爲清麗閑肆。平淡。久則涵演深遠。間亦琢刻以出怪巧。然氣完力餘。益老以勁。其應于人者多。故詞非一體。非如唐諸子。號詩人者。僻固而狹陋也。夫言詩者。必以唐爲宗。而永叔何以駕聖俞而上之。則甚矣。諸體備具之爲難也。若吾友奉常戴道嘿有焉。道嘿示余詩草一冊。自壬申至丁丑爲一卷。自戊寅至丙戌爲二卷。丁亥爲三卷。凡閱歲十有六年。僅得詩一百三十餘篇。道嘿之自訂。綦約而嚴矣。然而時事之推遷。景物之變換。盡于其中。道嘿之愉情悲思。俠骨雪腸。與夫涉歷患難。後之深學老識。見于山巔水涯之嘯咏。征夫閨婦之嘆嗟。以及弔古贈今。悵離憶別之所歛歔而寄托亦約畧盡于其中。其詩之爲體。則有律有絕。有古有近。蓋無格之不具也。其詩之爲境。則或清麗而閑以淡也。或涵泳而深以遠也。或琢刻出奇而又本之氣完力餘。彌老以勁也。蓋無妙之不臻也。以是知歐陽氏之言。非深于詩者。不能道。而余不知詩。何能妄

金文通公集

卷之一

戴道嘿詩

圭

評道嘿之詩哉。故爲之述。歐陽氏之言如此。雖然。道嘿年甫壯盛。將來學日益深。識日益老。則自今戊子以後。道嘿且不自知其詩之所至。而余又何能妄爲之測也耶。

渾而到東而裕可謂老氣橫九州矣。

陳百史先生評

卷之一

戴道嘿詩草序

垂

讀唐叔達先生三易集序

三易集者。嘉定唐叔達先生名時升者。所著爲詩文也。按嘉定有四先生之稱。爲程孟陽嘉燧。婁千柔堅。李長蘅流芳。而先生蓋居其一云。先生年未及壯。遂謝章句。肆力古學。一時二三博雅君子如瑯琊王元美。暨王文肅父子。皆盛相推服。然在吳頗著。而海內茂聞在當時則稱。而後學罕道。豈先生學不近名。而名亦不之歸歟。抑自歸太僕震川先生以後。古學一派獨在祁川。其淵源爲有所自。而未可槩期之天下。

金文通公集

卷之一

讀唐叔達三易集序

垂

後世之人歟。則甚矣。世俗之重名位而輕文章也。余從吾友百史所睹先生集。其嘯歌咏言。不具論。讀其論序碑記諸作。想見先生涵肆六經。汎濫百氏。而又深明當世之務。凡兵農錢穀。始終沿革之故。及古今治忽成敗得失之所以然。一一如身履。目擊而犁然指諸其掌。至其相與酬答贈遺。一軌于道德義理。無諛言無溢詞。有若嚴師之垂訓于其上。而執友之忠告于其旁。所謂才高乎當世。行出乎古人者。先生有焉。嗚呼。使先生得志于時。而備位宰相。諫官文學侍。

從之。聞其所樹立。必有炳然可觀。安在稍遜于瑯琊諸公。而世俗之贈炙其文章者。又豈顧問哉。惜也。僅以韋布終先生之所以鮮聞于海內。而後學多莫能舉其姓氏者。職此故也。雖然。文章豈終藉名位哉。我吳古學一派。當俗尚波靡。後幸衍如綫之緒于未斷。而迄今文章家。猶知有響慕歸太僕爲先民法程者。不可謂非先生力也。余是以讀而序之。質之有志古學者。

古文辭藉叔達諸君爲火之傳。而豈凡先生序之。

金文通公集

卷之一

讀唐叔達
三易集序

重

則光明宣朗如退之所云萬丈燄矣。此道所以絕

而復續也。

陳百史先生評

讀蘇武子遺集序

明曆雖不滿三百禩。文人輩出。其間能爲秦漢及唐宋諸大家之文者。皆有卓然可觀。不遜于古。而世人多忽近而求遠。貴耳而賤目。重顯達而畧韋素。是以其所求所貴所重者。其爲文未必皆可傳。而文之真可傳者。未必不在世人所忽之賤之畧之之內。此非好尚論議之不同。良由胸中無識以主之也。吾友百史氏。博學有識。肆力文章者二十餘年。獨不溺于時趨。今銳意搜討明文。將表其可傳者。以見明文中不

金文通公集

卷之一

讀蘇武子
遺集序

美

乏齊驅秦漢唐宋之卓然大家。一日得蘇武子遺集一帙。拍案疾呼。顧謂余曰。此豫章蘇子名桓者也。其人曾與吾友。其材敏。其氣剛。其學古。于經史子集靡所不貫。能深究古今治亂成敗得失之原。盡其所見。洋洋灑灑。不減陸賈鼂董。而爲文深得先輩正宗。嘗偕艾千子暨余論文。三人之好尚論議如一。當竟陵中吳狂瀾幾倒之時。藉其砥柱之力。不淺惜也。困阨諸生。年甫及壯。竟賁志以沒。使得竟其所學。而大用于世。吾又何能測其所至哉。今僅存遺稿若干首。已

不失爲卓然古之真大家矣。余受而讀之。信明文中。不乏可傳者。有如此也。恨當吾世不獲友其人。而猶幸讀其文。雖不獲盡讀其文而已。慨然想見其爲人。甚矣。百史之有識也。非百史則武子之文。幾何不爲世人之所忽。之賤之。畧之也。嗚呼。此遂足以傳武子也。耶。然武子亦因是以傳矣。

武子必傳以有先生文也。何嘗不在人間。陳百史先生評

金文通公集

卷之一

讀蘇武子遺集序

主

讀艾千子天慵子集序

鹿門先生文旨有云。文章之或盛或衰。特于其道。何如耳。秦以來。操觚爲文章者。無慮數十百家。譬之草莽之雄。項籍陳勝之亂秦。王郎隗囂之奸漢。唐之藩鎮。宋之西夏。特擅兵裂土。以相雄于其間而已。而帝王之統。卒不旁屬。得其道而折衷于六藝者。漢唐宋是也。不得其道而外六藝以興甲兵。割河山。項籍王郎以下是也。旨哉。言于文章有統。不可竊也。明代自北地以後。爲歷城。爲琅琊。爲公安。爲景陵。爲雲間。一

金文通公集

卷之一

讀天慵子集序

主

時倡者叱咤從者辟易。其能如鹿門先生所謂得道而折衷于六藝者耶。抑不得其道而外六藝以興甲兵。割河山者耶。嗚呼。之數家者。大抵皆草竊之流。割裂經子。勦襲遷固。心溺齊梁陳隋之間。目無唐宋以下。自鳴爲盛實。趨于衰。按之六藝之遺。蕩然無復有存焉者。已。吾友百史氏有概于中。嘗爲余言。近日惟豫章蘇武子艾千子二子之爲文。有得于鹿門先生。歸本六藝之旨。能手草竊縱橫之時。出死力以扶正統。惜乎皆不大竟其業。以傳于世。僅各存遺稿若干。

首深可歎也。余既讀蘇子遺稿而序之。茲又讀艾子天慵子集而卒業焉。他文不具論。讀其論文諸書曰。文之古者高也。朴也。疏也。拙也。典也。重也。文之卑而為六朝者。輕也。渺也。詭也。雋也。巧也。排也。又曰。子曰。修辭立其誠。未聞以浮華為誠也。子曰。辭達而已矣。未聞以臃腫駢麗為達也。書之言曰。辭尚體要。有體有要。則章旨結撰之謂。而非以儻何剽切句字為體要也。反覆辨論。卓然不惑于流俗。率多類此。真不減子與氏之距邪。放淫昌黎子之推陷廓清。使文章之

金文通公集

卷之一

請天慵子集序

五

得此序使孝廉茂才如在天地間

陳百史先生評

胡菊潭先生譯我賴續集序

余少時讀元次山九疑山圖記云。當令以九疑為南岳。以崑崙為西岳。衡華之輩。聽逸者。占為山林村居。表作死固耳。私心嘗竊快此論。謂九疑何幸而得次山。開此生面。欲躋之五岳之尊也。今讀菊潭胡先生譯我賴續集。益令人擊節稱快。為三我開生面者。其茲集乎。先生曾三遊我山。視王逸少欲遊此而終身不果者。其緣何如矣。三遊歲次。為己未甲子己卯。昨丁亥秋。又復作夢遊。凡三十年間。足之所履。目之所

金文通公集

卷之一

譯我賴續集序

三

遇與夫夢之所接。並三遊而四矣。豈猶未足以窮我之勝傳。我之神哉。而先生曰。未也。有前余遊者所得。或先其才華性靈之所裝綴。而洗發各為賈奇售異。小何敢信。足信目并信。我夢寐而不求諸古人也。于是按擇唐宋以來諸人之詩之紀。偕先生前後所作。彙成一集。且繪之以圖。而命名曰賴。是茲集也不獨譜其所可聞。所可見。并莊周所謂不聞之。寥寥乎而欲聞之。不見之。調調之。刁刁乎而欲見之者也。而猶恐觀者之得于疑似恍惚。未必如身在兜羅綿雲之

表又從而爲之譯使夫疑似者逼真恍惚者有據而
峩山生面至此始盡開矣安在三峩之于先生稍遜
九疑之千次山也哉嗚呼名山也文人也相得益彰
千古一轍也是爲譯峩籟序

如聞蘇門之嘯山鳴谷應近日點染文皆瓦缶聲
也 陳百史先生評

金文通公集

卷之一

譯峩籟續
集序

三

王周臣減菴文稿序

昔歐陽永叔讀謝景山近著詩文不勝欣喜謂行年
四十獨能異其少時雋逸之氣就于法度根帶前古
作爲文章一下筆遂高于人可見古人論文章所貴
者法度也法度之文如大將用兵衆寡奇正變化莫
測而必以律則勝又如士師用刑出入輕重比擬多
方面必以律則當然非尊經學道與古爲處則能爲
法度之文者鮮矣婁東王子周臣出減菴文稿示余
序記併雜文凡四十一首余受而卒業焉始恍然于

金文通公集

卷之一

王周臣減
菴文稿序

三

歐陽子之說也周臣年甫三十餘宜年少才人豪邁
雄放之氣勃溢楮墨間有如驅駿之馬奔星覆駕非
復羈馬所能控制而顧能節之鑿和雍雍肅肅駕五
轡而馳康莊歛才抑氣以就于法度其殆尊經學道
與古爲處者乎他文不具論讀其春秋集論自序與
減菴說卽皓首窮經深山學道之人未易彷彿其所
至而後知周臣之文能如大將用兵士師用刑悉軌
于法度而爲流俗時尚之所不可及者蓋有其本也
若徒以家學淵源代著文名爲周臣多則猶淺之乎

窺周臣乎

金文通公集

卷之一

王月臣減
卷文舊序

筆

喬如川先生語閒錄序

語閒錄者。廣陵喬如川先生之手編也。先生之惇行。式間似陳太丘。曠宕弗羈世法。似嵇叔夜。阮嗣宗。好義任俠。輕財重諾。則又季布侯生之流亞。而飢饉不偶。弗竟大用。遂以達人豪士。半騷歷落之梗概。悉歛而銷之。管城筆塚。又以僭父俗子。求田問舍之精神。盡移而注之。裨官掌故。逸史蠹書。日之所到。意之所寓。輒句而筆之。累而帙之。總彙之日。語閒錄。條而莊。語條而諧。語條而爲奇怪之山海經。條而爲博物之金文通公集。卷之一。語閒錄序。書。

張華志。條而解頤噴飯。爲曼倩之滑稽。條而正襟欽容。爲仲舒之天人。可以經世。可以玩世。亦可以出世。大約胸無經笥武庫者。不能語其故實。胸無林麓松筠者。不能語其高邁。胸無烟月花柳者。不能語其風流。胸無四知百忍者。不能語其道德。胸無蒲團瓢笠者。不能語其解脫。而余復以一言蔽之曰。非閒不能語。彼營營于利窟。而子母不去手者。能閒乎。役役于名場。而鐘鳴漏盡不止者。能閒乎。如川之閒。而有語也。蓋盲哉。有道之言也。以之羽翼正史。可以之鼓吹。

野乘可

庖語微詞令人齒冷似此百折不窮風生滿坐閒
閒入妙筆意在眉山伯仲間

陳百史先生評

金文通公集

卷之一

諸問錄序

三

宋荔裳安雅堂文集序

余於萊陽宋君玉叔蓋兩世通籍也其先人太僕公
文章吏治炳炳烺烺光前燦後者吾姑勿贅若玉叔
以名魁捷春榜其古今文詞膾炙人口奚啻洛陽紙
貴河

興朝第一名流哉先是起家曹郎繼晉銓司未幾備兵

三韓分藩東浙已而總浙之外臺所在宦聲赫奕又
與其文名並播海內焉今年來吳門出其所爲安雅
堂集問序于余余展而讀之其思深其識宏其慮遠

金文通公集

卷之一

安雅堂文集序

三

其情長其氣清以厚其調雋以永其格嚴以老其言
確以質殆有如懷沙遠遊屈子悲憤之所感乎何其
沉摯而淒婉也有如歷衡湘越龍門周遊歷覽司馬
子長抑鬱太息之所作乎何其激昂而雄肆也抑亦
若柳州眉山流離困頓備嘗險阻之所寄託而發爲
文詞乎何其峻潔而曠達也嗚呼玉叔真奇人也其
境遇奇其詩文奇其流盼動腕訂古攷今無一之不
奇也凡一生之欽崎坎壈皆其觸發性靈磨礪學問
與夫洞徹聖賢義理之處歐陽永叔所云愈窮則愈

工非詩文能窮人。殆窮者而後工也。其玉叔之謂歟。然窮極則通。玉叔之窮有止境。而詩文無止境也。方今大化維新。海內平治。其必有二三大儒。攬經國之訃。謨敷保邦之偉畧。委蛇入告。上以日新。

聖學下以周達民隱。又或進而登著作之庭。參論思之席。出入承明。興禮和樂。作為篇什。以發皇至治。則安雅堂之爲集也。非止崢嶸峻峭。震耀一時之文。而且金文通公集卷之一集序安雅堂文

金文通公集

卷之一

集序

安雅堂文

爲雍容愉怡。廟堂金玉之文也。宋君其裕之矣。余故知之深而信之篤者。請以茲言爲他日券。

白東谷先生念園詩文集序

陽城白東谷先生以庶常起家。受知於

世祖章皇帝。歷官華要。游涉大司寇。余以菲材。出入承明。

濫膺署尾。與先生珥筆共事者。凡十餘年。所先生老學深識。稽察天地。攷論往古。審按當世之務。既詳且晰。而爲人敦厚簡重。行之有要。言之有章。與余得並沐。

天恩。後先予告歸里。今年春。先生郵寄念園詩文若干首。問序于余。余展而讀之。恍然如見先生之爲人焉。

金文通公集

卷之一

念園詩文集序

安雅堂文

如見先生之吟嘯風月。富有烟霞之逸興焉。如見先生之吞吐倫要。廟堂金石之雖離焉。蓋凡人於文章。必其取之也博。而出之也深。取之博。故於六經諸史。秦漢以下諸子之書。無不窺。日月晦明。山川雲物之變。無不收。感慨憑弔。除澹嶸峭之境。無不歷。禮樂政治。民生日用之籌。無不備。朕後要而約之。以合於性。而適於理。故其氣雖奔放橫軼。其才雖磅礴紆餘。而範於理。則醇正而不肆。適于性。則簡約而和平。今先生之文。其溫醇似盧陵。而典蓋似南豐焉。其詩之真。

率如靖節而自狀如香山焉。蓋廬陵深於政治而文得之爲雋婉。南豐精于班馬而文得之爲沉厚。淵明樂天其高渾。古雅志存乎黃農虞夏而詩得之爲真。實爲天全狀而執是以觀先生猶之未得乎先生也。先生之學。闢與六經。先生之識。神明著策。先生之冲恬靜重。忠孝本於天真。而恭誠體于至性。故語近而旨遠。法簡而意長。又豈廬陵南豐靖節香山得以牝牡驪黃相視先生之詩文也。殆若蘇明允所云廬陵之文。非孟子之文。韓子之文。而歐陽子之文也。是以

金文通公集

卷之一

念園詩文集序

美

伏讀先生之書。不特想見先生之靜觀物化。絀繹情性。風雲之變態。歲月之推遷。上黨太行之嵯峨。汾沁澤潞之逶迤。皆恣其筆墨淋漓。而直見吾先生鳴珂珮玉都俞喜起。臨大事而不變處。高亢而卑牧。是先生之事業。見於前事。既已扶翊休嘉。光昭化日。而先生之文章。又能牢籠天地。刮磨日月。扶倫常而揭性道。將以紹先哲。開來學。又豈徒文人墨士跌宕騷雅。縱橫論辨之文云爾哉。先是余子世濂丙戌北闕出先生門下。余復與先生周旋禁苑。唱和論心。蓋知先

生之淡者。因卒業茲集。而筆諸簡端。嗚呼。使天下後世讀先生文。而能以性理求之。則庶幾乎得先生之爲文。并得先生之所以爲人矣。

金文通公集卷之一終

金文通公集

卷之二

念園詩文集序

卑

金文通公集卷之二目錄

吳江金之俊豈凡著

同升錄序

順治乙未會試錄序

戊子兩浙貢士同年姓氏錄序

成均語錄序

周葵初先生撫東奏疏序

金文通公集

卷之二

目錄

大中丞韓公奏議序

自知錄序

金華遊記序

吳羽三行稿序

丁飛濤行稿序

王氏家譜序

木香張氏族譜序

乾坤法象序

蘇州大守吳瑤如公祖去思詩文集序

金文通公集卷之二

吳江金之俊豈凡著

同升錄序

上御極之五年秋七月十四日辰時內三院吏部欽奉

聖諭陳名夏升吏部尚書謝啓光升戶部尚書李若琳

升禮部尚書劉餘祐升兵部尚書党崇雅升刑部尚

書金之俊升工部尚書徐起元升都察院左都御史

金文通公集

卷之二

同升錄序

一

該衙門知道欽此諸臣不敢例辭各祇遵謝

恩受事訖因退而嘆曰我儕待罪卿貳數載于茲不過

謹守繩墨奉行故事而已揆之職守未有寸補宜從

幽黜之典忽荷顯擢之恩俾疎遠舊臣獲隨展土開

疆攀鱗附翼之宗親勲舊並列正卿渥哉

君恩也宜有以紀之爰視同年同咨例梓云同升錄錄

成而臣之俊謹拜手爲之序曰漢官之得爲正卿乃

自諸臣而始乎不勝感尤不勝懼也嘗攷之周官太

宰掌建邦之六典以佐王理邦國地官大司徒之職

掌建邦之土地之圖。與其人民之數。春官大宗伯。掌建邦之天神人鬼地祇之禮。夏官大司馬之職。以九伐之法。正邦國。秋官大司寇。掌邦之三典。以佐王刑。邦國冬官之屬。有考工。掌百工之事。曰國有六職。百工。是其一焉。御史臺掌贊書而授法令。歷代因之。異其名。不異其職。凡邦國之有未靖。與法令之有未行。則均無所辭咎焉。蓋六卿與御史臺之爲任。綦專而責亦綦重矣。

清朝鼎興。設官一沿舊制。獨部院之長。則皆宗親勳

金文通公集

卷之二

同升錄序

二

舊爲之良以從

龍諸臣。邦國同休。方克膺斯任。而無忝厥職也。漢官僅爲之貳。尚惴惴弗稱。然猶可諉曰。邦國大事。當爲者長任之。我欲爲而未得爲耳。茲名夏等七人。不由廷議。簡自

宸衷。一日而擢爲部院之長。視猶滿官。則既予以得爲之名。而并畀以得爲之實矣。得爲而弗能。可懼也。卽未必果有得爲之實。而亦已居得爲之名矣。無其實而居其名。更可懼也。然則諸臣猶可諉曰。邦國大事

自有爲之。長者任之。哉。黜陟之有平衡歟。國計民生之有偏絀歟。典章禮樂之有未備歟。六師弗張而偃武無期歟。五刑未允而獄有寃民歟。帑藏或糜于工。作紀綱或弛于臺憲歟。凡若此者。皆諸臣之咎也。故曰。漢官之得爲正卿。自諸臣而始。不勝感尤。不勝懼也。自今以往。相與切劘砥礪。奮其所得爲。勉其所弗得爲。祿位彌高。則宜居之。彌淡職守。愈重則當持之。愈謹以庶幾無負。

君恩之優渥。使他日睹斯錄者曰。

金文通公集

卷之二

同升錄序

三

朝廷之重視漢官。有如此。諸臣之能自重而卒爲漢官重者。有如此。漢官之不厭薄于

朝廷。實始自諸臣者。有如此。則茲錄也。匪直識一時埏埴之雅。且以贍千載喜起之盛也。否則後之人。將有歷指其名而議之者矣。嗚呼。其可懼爲何如也耶。

一意迴折讀之。懼心油然而生。文章可以移情。真如伯牙之過海上。觀水嘯鳥鳴也。

陳百史先生評

順治乙未會試錄序

順治十有二年乙未春會試天下士

上俞禮臣請

命大學士臣額色黑禮部侍郎臣恩國泰典滿洲蒙古

試臣之後同臣兆龍典漢試及烏金超哈併東粵藩
生試先是甲午歲恭上

皇太后徽號禮成

恩單中外特廣進士額乃進禮臣所貢士約四千四百
有奇屆開試之滿洲蒙古得士賈勤等五十名另為

金文通公集

卷之二

順治乙未
會試錄序

四

錄以

獻漢士及烏金超哈併藩生得士秦鉞等三百八十
五名錄其文優者二十首如例進

覽臣當殿言簡端伏思臣之後陋劣無比自釋褐以來

雖鉛槧幾四十年且歷任簿書未窺中秘老耄荒迷
衡文益非其任也臣既弗敢先期預辭比屆期又弗
獲辭受事之日惴惴焉有負

成命是懼謹與同事諸臣蠲潔身心焚香誓約苟一念
不可告

天不可告

君父併不可對衾影而質多士者立召殃咎務各矢公
矢慎殫力揆羅勿枉置真材勿倖收贗鼎取士之式
一以尊經旨宗傳註為主不敢偏徇臆見以人從我
不敢膠執體裁以此槩彼其文醇亟收之醇而不能
無小疵亦收之若離經畔道習為奇險頗僻之詞縱
橫於繩墨之外者則雖佳弗錄蓋言者心之聲也孟
柯氏曰作於其心害於其事作於其事害於其政心
不正而欲政事之母害不可得也言不正而謂心術

金文通公集

卷之二

順治乙未
會試錄序

五

之必端不可得也茲欲收正人以正天下必自其言
之正始故終不能以憐才之心勝反正之心然士而
果才也苟洗心滌慮一赴平康正直之的閱三歲不
虞其終棄也則臣等區區反正之心亦未始非憐才
之心雖然茲所錄之士能於尺幅間範我馳驅者遂
可侈言得人而以釋臣之懼心乎未也昔先正有云
每歎天下才士甚盛文不逮古人才吏甚盛治不逮
古人議論甚盛事功不逮古人名位甚盛真心憂國
不逮古人其病坐浮而不實也旨哉斯論儻其言正

矣而其心浮而不實則自茲登進以後他日之爲州
邑長吏者果能廉潔慎勤無愧循良保障之任乎爲
六曹分典者果能協恭熙績無愧亮采惠疇之誼乎
爲監司郡牧者果能端本表帥無愧承流宣化之責
乎爲耳目臺諫者果能殫赤抒忠無愧鳴鳳殿虎之
稱乎爲珥筆

禁墀者果能黼黻增華無愧天祿石渠之選乎爲擁旄
秉纛之大吏者果能安內攘外克勝金湯半壁之寄
乎多士於此有一之不能則皆臣今日所取之浮而

金文通公集

卷之二

順治乙未
會試錄序

六

不實也求其一一逮古人誠有如先正所歎矣

皇上之期臣以得人者固如是乎臣故曰未可侈言得
人而以釋臣之懼心也然則臣今者既執士以正更
當課士以實惟實則不傳舍其官而精神專營職業
矣惟實則不自便身圖而操守勿徇嗜慾矣惟實則
不植交要譽而乃心以之盡瘁王室矣使異日者自
縮半通以至歷踐三事九列無在不號稱得人而後
臣今日所取之士方可以仰答

成命耳夫如是以言得人則臣之懼心更何時而可釋

也哉嗚呼詩不云乎小心翼翼夙夜匪懈以事一人
臣與諸士孜孜戒勉期終身如一日以對揚
天子休命者惟此心而已

金文通公集

卷之二

順治乙未
會試錄序

七

戊子兩浙貢士同年姓氏錄序

太學張生隣曾言于余曰。今歲吾浙貢士集闕下者六十有三人。計恩貢一十人。應

今上御極之覃恩也。歲貢二十人。諸侯歲貢士于天子之成例也。拔貢十有八人。簡秀良以補鄉書之闕也。又拔貢監十有五人。升郡邑之優于文行者。光辟雍之選。周禮所謂造士。卽兩漢所謂博士弟子也。其試于

廷者。各授職有差。其在成均者。候試棘闈。未膺選授。雖

金文通公集

卷之二

兩浙貢士同年錄序

八

筮仕先後不同。顧

清朝鼎興。多士連茹彙征之期。不可謂非千載一時也。因梓有同年姓氏錄。以識盛典而佩

君恩。請先生一言弁之。余曰。微子言。余亦不能已于言也。從來人才難得。而世之賢豪亦不常聚。今吾浙有士六十三人。雲蒸霞合于茲。豈偶然哉。其才堪以治民。學足以爲師者。亦旣奉

除命而往蒞乃職矣。餘博士弟子員皆譽髦登進。非前代入貲授納者比。亦指日應制高等。行將策名南宮。

待試于

天子矣。嗚呼。諸子思人才之難得。則慎毋稍自褻越。綰符者。必期無負民牧。秉鐸者。必期不愧人師。儲養太學者。必期無忝春秋兩榜。思賢豪之不常聚。則當響慕古人之道德行誼。文章勲業。所以不朽于世者。互相觀摩而勗勉。勿徒以杯酒譚浴。鳴埙吹篴。遂侈盍簪之盛。使異日者。書之史冊曰。順治五年。禮部貢士得人。惟兩浙爲最。云。則諸子之所以報

君恩而光盛典者。庶于茲錄焉可攷也。余之所以不能

金文通公集

卷之二

兩浙貢士同年錄序

九

已于言者此也。張生聞言唯唯曰。敬以先生之言。轉告諸子。

入議論如前叙事更難老手執筆天真爛熳

陳百

史先生評

成均語錄序

董仲舒曰。養士之六者。莫大乎太學。太學者。賢士之所關也。教化之本原也。興太學。置明師。以養天下之士。數考問。以盡其才。則英俊宜可得矣。若是乎。學之關於教化者。重而師之所繫于學者。尤重也。

清朝鼎興。崇尚學校。慎選師儒。視前尤加甚焉。大司成。孝緒胡公。以碩學茂修。特膺

簡命。毅然以興起教化爲已任。謂古人學而後入政。未

聞以政學。今日遊辟雍而執經問難之輩。卽他日綰

金文通公集 卷之二 序 成均語錄

十

印綬而敷教。宣化之流。若不講明聖賢立言之旨。何以發揮聖賢澤民之學。曾子固所云。以不學未成之材。而爲天下之吏。又承衰弊之後。而治不教之民。仁政之所以不行。盜賊刑罰之所以積。此皆造士者之過也。余之所怒焉。大慮也。于是日進生徒。而橫經講道。反覆提撕。響如振玉。日積月累。彙之爲成均語錄。每發一義。必解去粘縛。脫盡窠臼。而又嚴黜邪袤。詭誕背聖。真而流二氏之說。使學人曉然見聖賢之心。如日星之麗天。江河之行地。而因以自見其心原渾

然具足。聖賢之心。以之端學術。正人品。達國體。裕經濟。舉積此矣。將來教化蒸蔚。風俗淳茂。所在黎民樂業。盜賊衰止。俾

聖天子收崇儒嚮學之明效。而立臻郅隆者。皆胡公造士力也。嗚呼。觀茲錄也。乃見明體適用之學。未有不。知經傳爲何語。身心性命爲何物。而貿貿焉。自誤誤人。并誤天下國家者也。然則世又何必以道學爲詬病哉。

先生未嘗講學。正使登壇者。將下座避之。

陳百史

金文通公集 卷之二 序 成均語錄

十一

先生評

周葵初撫東奏疏序

三韓周公撫山左之五載。化成績著。聲赫中外。

天子嘉焉。特簡公總制兩廣以行。仍敦趨。

陛見。咨決機宜。寵賚優隆。備彰異數。蓋深信公之撫東。有成效也。先是金子嘗與公周旋禁苑。耳筆其事。恒服公之才品學識足肩治平。鉅任。今余退老田間。獲讀其撫東以來入。

告之書。不覺擊節嘆曰。有是哉。我公治平之畧。果于鎮。

撫三齊。窺其一班矣。殆如良醫治病。審察脉理。標本。

金文通公集

卷之二

撫東奏疏

上

虛實極其精細。而又熟諳藥性之溫涼燥潤。辛甘補洩。狀後投以中病之劑。未有不霍。狀而起者也。大約病在血脉者。宜疏其窒滯。養其筋骨。而血脉暢矣。病在元氣者。宜補其虛耗。填其精液。而元氣充矣。病在榮衛者。宜除其客邪。清其雜症。而榮衛固矣。山左爲神京左臂。方二千餘里。居南北要衝。爲吳越閩甌豫章百粵朝宗必經之道。以言乎陸。則輪蹄之絡繹如織。以言乎水。則漕白之輪輓星羅。槎使之帆檣櫓比。調劑稍失其宜。則盤戾梗阻。害不勝。

窮此病之在血脉者。當如何調劑也。我公審知驛苦。

于是乎有東省驛遞衝繁之議。有敬陳整飭驛傳之。

議。有分路河南以恤民困之議。有酌議東省分路之。

法。以蘇驛困之議。有驛站需銀甚急。請改解司庫之。

議。有請復驛道以重郵政之議。凡此皆公之嘔心調。

劑。以治血脉之病者也。東省地勢高亢。恒苦雨澤愆。

期。旱蝗肆虐。一望蒿蕪。民多十室九徙。兼之于逆流。

毒。拋荒愈甚。况差繁役重。子遺之喘息奄奄莫支。保。

護一有未至。則根虛易撼。百患俱生。此病之在元氣。

金文通公集

卷之二

撫東奏疏

上

者。當如何保護也。我公審知民困。于是乎有安插流民。以資開墾之議。有請緩徵輸以甦民困之議。有請除開荒之限。以勵實效之議。有請復孤貧口糧舊額。以恤無告之議。凡此皆公之加意保護。以治元氣之病者也。青登萊徧處海濱。地皆斥鹵。沿海窮民。皆以網魚爲業。上完公賦。下活入口。自海禁一嚴。資生路絕。兼之逃人伏藏。株連善類。投誠難處。安插維艱。節宣稍有未當。則外感橫侵。內症交作。此病之在榮衛者。宜如何節宣也。我公目擊情形。殫精籌畫。于是乎。

有青登萊三郡民困已極之議。有請輕逃人連坐之法。以免畏罪互隱之議。有密陳安插投誠官兵之議。有再陳安插投誠之議。有敬陳德州地糧之累。酌議變通之議。凡此皆公之按候節宣以治榮衛之病者也。至其他封章累繫。無不披丹瀝盡上弼。

君德下補吏治民生。更有言人所不能言。言人所不敢言。關係

國家利弊興革之大者。猗歟休哉。卽賈長沙之治安。陸宣公之疏狀。蔑以方其愷激婉摯已。此皆公之才品。

金文通公集

卷之二

撫東奏疏

十四

學識蘊蓄有素。而余固早窺之秘閣。追隨之日者也。語云治病需良醫。治國需良相。于公不信狀乎。

大中丞韓公奏議序

大中丞韓公蒞吳之五載。輯其撫吳以來入告之奏。議書成。屬序於余。余喟然曰。今

天子簡命二三大臣。治平海內。亦求其真能任事而已。

矣。雖然。苟非有高世之品之才。曠古之學之識。若燭

照。數計于事之先者。罕能持大體。求國是。批卻導窾。

洞悉機宜。然後事舉功成。而民賴之。則又有乎真能

議焉。故議者事之幾也。處乎任之先。則審理而不惑。

處乎任之後。則責實以有成。古之大臣。歷禹臯周召

金文通公集

卷之二

大中丞韓公奏議序

十五

而下。炳炳烺烺。勲績紀太常。功名書竹帛者。指不勝數。莫不能任。亦莫不能議。書曰。敷奏以言。明試以功。又曰。爾有嘉謀嘉猷。則入告爾后于內。詩曰。訏謨定命。遠猷辰告。文章政治。未有不合而用之者也。今韓公之來蒞我吳。已五載矣。先是公賦之急。莫知所緩。民困于徵輸。兵之所處。未之能戢。民苦于驛騷。萑苻滿境。消弭鮮術。刑法煩苛。清理靡由。秀民無以養。黠民無以懲。三吳財賦重地。幾于日見脔削。小民且莫措其手足矣。今公之來也。征徭之迫者紓矣。兵伍之

悍者馴矣。賊孽已靖。苛政已平。秀民咏其冒免。黥民化其鳩形。公之能任。固已見於設施。微于風俗。豈止澤一方。治一時之任者耶。昔子與氏謂伊尹任天下之重。而本于先知先覺。故能堯舜其君民。今公天民先覺之思。見于其書。其任大。故其思遠。其議高。以宏其任。專故其思一。其議精。以深其任。切故其思苦。其議婉。以長我。是以知公之能。議出于能。任所等。皆愛恤民瘼之寔。亦惟能任。故復能議。所行皆精。詳至治之理。若夫百司之官。委以任者。不必責以議。飭其庶而已。此非所以望於大臣也。大臣爲

金文通公集

卷之二

大中丞韓公奏議序

七

天子股肱耳目之官。其輔翼勸相之精勤。既足以開建太平。而拜稽陳謨之詳慎。尤足以廣敷弘業。是故旁作逕衡。則亦召之詰。周之書。至其敕天時懋。猶然禹之曰。言。皇之賡歌而已。區區賈生治安宣公奏議。又烏能比擬我韓公之萬一哉。

自知錄序

余少時閱了凡袁先生功過格。竊憬然有省。已而讀雲棲大師自知錄。尤爲通身汗下。自知二字。洵提撕人心一頂門針也。卽中庸之所謂獨。君子之所必慎者此也。蓋夫人一念之爲善。不必天知地知。鬼神知。然後降之以祥。而自知其爲善。則當念已如景星慶雲。其祥莫有加焉者矣。一念之爲惡。不必天知地知。鬼神知。然後降之以殃。而自知其爲惡。則當念已如山崩海立。其殃莫有甚焉者矣。嗚呼。人卽怠于爲善。未有不願終日終身惟祥是集。而殃之遠也。人卽敢于爲惡。未有不懼終日終身惟殃是招。而祥之遠也。然則人若不自知耳。苟自知則善者當益勉爲善。卽惡者亦無樂乎爲惡矣。胥天下之人。而爭思遷善改過焉。皆程子載翼刊訂斯編。廣行流布之力也。匪特重拈雲棲老人一片度世婆心。抑亦我

金文通公集

卷之二

自知錄序

七

聖朝明刑弼教。移風易俗之一助也。尚斤斤于書功書過。惟感應是問乎哉。余是以樂爲之序。而轉告夫讀是編者。

金華遊記序

金子曰士非近乎道者未可與語遊也嘗讀白樂天遊大林寺序云此地實匡廬第一境山驛路至山門曾無半日程自蕭魏李遊迄今垂二十年寂寥無繼來者嗟乎名利之誘人也如此以是知名勝之在天地間如清風明月處處有之人人得而有之而苟非近道之人則將終其身糾纏膠結于名場利窟靡他志亦靡暇晷能有天地間之所不禁人有者胡可得耶此魯論以樂山樂水獨歸之仁知良有以也太學金文通公集卷之二序金華遊記

張子三省積學好古士之近乎道者也一日出笥中所携金華遊記示余且告余曰省自八歲渡楊子從先人客白下輒有志四方既而充邑弟子員凡六蹶棘闈白恨局影蓬簷甕牖中目圍未廣學力未充尚遠于聖賢之道若遇合遲速豈容心哉于是聞婺州仙洞之勝甲于東南且多古今有道之士遺風可挹遂溯錢塘歷桐江偕二三同人往遊因爲之記以誌其勝誠不敢負斯遊也然未審果能不負斯遊否也請先生一言正之余夢想三洞非朝夕矣但未嘗曳

履其間亦烏能知子之果不負斯遊否耶雖然余卒業茲記觀子筆繪口吟若置我于圓暢樓中挹沈約諸人流風遺韻于千載之下而盡有全婺勝概矣謂子之不負斯遊可也嗚呼向使張子以困阨諸生故一爲名利所誘其能有此遊否乎故曰士非近道者未可與語遊也然則張子從此道日益進則遊日益廣而茲記特其嚆矢已耳

作遊序者多矣點綴山川或有景色能如此有關繫否所謂言之合乎道也

陳百史先生評

金文通公集

卷之二

金華遊記

九

吳羽三行稿序

嘗讀裴度寄李翱書云。文之異在氣格之高下。思致之深淺。不在於磔裂章句。隳廢聲韻也。人之異在風神之清濁。心志之通塞。不在於倒置眉目。反易冠帶也。旨哉言乎。文之所以不求異而自異者。其胸中未有不包絡今古。涵濡經籍。而能聳氣格于霄漢之間。窮思致于幽淵之境。自然振拔于流俗之靡靡者也。余聞中得吳子羽三卷。見其格勁思深。尋常尺幅間。既有異境。當是力學嗜古之士。及撤闌而後知羽三金文通公集卷之二 吳羽三行 稿序 幸

名噪海內久矣。幼警慧。目十行下。年甫十二。即能爲古今文。頡頏名流。遇有忠孝節義之事。即咨嗟慨慕。爲之感賦流連。歷落動人。弱冠登賢書。復困躓十餘年。而始獲應運昌期。噫。宜其學日益邃。識日益老。文不求異而自異也。雖然。余不獨賞其文也。羽三才智。焄耀爲英絕領袖。顧其爲人。恂恂訥訥。笑語不苟。跬步必謹。是殆性近于道。于人世一切矜艷浮靡。移情蕩志之習。似能澹然忘懷者歟。將來潔身牧民。仰副聖天子惠愛元元。寤寐賢良之至意。吾知羽三其必有

合也。然則律以今日之選格。雖發軔百里乎。他日事功之所成就。正未可量也已。余因序其行稿。而併期之如此。

金文通公集

卷之二

吳羽三行 稿序

三

丁飛濤行稿序

昔人謂韓退之以文爲詩。杜少陵以詩爲文。然文中要自有詩。詩中要自有文。亦相生法也。謝元暉曰。好詩圓美流暢如彈丸。此所謂詩中有文也。唐子西曰。古人雖不用偶儷而散句之中暗有聲調。步驟馳騁。自諸節奏。此所謂文中有詩也。余讀丁子飛濤閣中。卷雅藻繽紛。風華掩映。具有一往情深。纏綿無已之致。而格律森然。麗而不靡。宕而有則。其殆文中有詩者乎。比撒棘乃知西陵之有丁子。其上淹三古下籠

金文通公集

卷之二

丁飛濤行稿序

主

百氏橫行濶視于綴述之場者。非一日矣。因縱觀其生平所爲文。併所著風雅體樂府歌辭及古律五七言諸什。而後歎昔人論詩文有相生之法。于丁子益信。然今其文其詩。並行于世。謂文中有詩。可謂詩中。有文。可雖然。天地間江山靈秀之氣。蒸動磅礴于才人。文士之筆端。而有詩文靈氣。無盡境。則詩文亦無盡境也。躋其巔造其極。合韓杜而一之。余于丁子有厚期焉。若區區制舉業。又烏足以張我丁子哉。

王氏家譜序

大宗伯敬齋王公輯王氏家譜成。特持以示余。屬爲之序。余讀而歎曰。有是哉。王公之爲秩宗也。能修明其禮于朝著之間。以之立綱陳紀。翊景運之休隆。而復敦厚其禮于家庭之內。于焉礪俗維風。直欲挽叔季爲淳古也。請得而申言之。粵稽氏族者。古史官之所記也。漢司馬遷約世本。修史記。因周譜明世家人。乃知姓氏所由出。終漢之世。有鄧氏官譜。應劭氏族篇。王符姓氏論。唐有貞觀氏族志。元和姓纂。路敬淳

金文通公集

卷之二

王氏家譜序

主

姓畧。柳冲族姓系錄。宋廬陵歐陽氏。則法史氏年表。爲歐陽氏譜。眉山蘇氏。則法禮家宗圖。爲蘇氏譜。當世之學士大夫。靡不留意姓氏之學。故一家之人。尊卑疏戚。井井秩秩。咸知肅焉以相敬。藹焉以相愛。愛敬篤而禮教興。其所裨風俗世道。豈淺鮮哉。乃由古之道。以觀今之族。不無深可太息者。或矜尚門第。託附名家。則假借異代。遠不可知之苗裔。而拜他人祠墓。亂自己宗支。恬不爲怪。此則世系之不明也。或宗派既淆。名稱易混。則有卑犯尊諱之謬。有支庶奪嫡

之嫌。至生卒年月亦多遺漏舛錯。數傳以後。便漫無可攷。此則名紀之不晰也。或務飾聲華。焜耀簡編。于事實不無乖離。則一人之本末。容有未詳。子孫之階記。半屬影響。偶回護細行于一時。反掩生平大節于奕世。此則傳誌之不核也。或詳內傳而畧外紀。則女之有家者。一適異姓。藐隔同氣。鮮不因時勢之遷改。門祚之旺衰。爲情意厚薄。以致漸疎漸遠。且甚而相睚眦。齟齬焉。竟忘其本本水源。從先人之一體而分。此則外傳之不立也。王公怒焉。慮之。蒐輯家乘。志在復古。而譜法于是大備焉。其首之以譜序也。明譜之所由作。欲後之人。知其所本。而油然而生尊祖敬宗睦族之心也。其次之以例義也。一曰世系。重其世之有可攷。三世以上。遠而無徵者。不妄附也。一曰名紀。晰其名號。子女生卒配媵。併葬域所在。繫如列眉。貫如聯珠。繁稱而無當者。不以贅也。一曰內傳。自王六父母以下。凡沒者。生平遺行。潛德微猷。暨夫閭閻婦儀。必詳著本末。期于核實。寧直無誇。稍忌而有所飾者。弗之取也。一曰外傳。女子生而有家。則必書其所適。

金文通公集

卷之二

王氏家譜

譜

之姓氏。縱時勢通遷。炎涼屢易。俾子若孫。猶得循流溯源。合異姓爲同氣。不至若秦越人。休戚罔關。而有垂親親之誼也。然則王公之爲斯譜也。其真得往古宗法之遺意。而先王之禮以之治天下者。未始不行之一家矣。昔歐陽公見蘇氏譜。而歎曰。是不可使獨我二人爲之。將天下舉不可無也。余于王氏譜。亦云。嗚呼。當今之能世其家者。寧有若任丘王氏者哉。非以兩贈君而下。方伯公父子祖孫。後先鵲起。成進士。又一門兩大宗伯。同朝同時。俱赫然負公輔碩望。爲金文通公集。卷之二。王氏家譜。重。

金文通公集

卷之二

王氏家譜

重

能世其家。而雙槐公之泊然世味。棲神竺典。躡遐遺。金引避詬詈。其千古高風遐軌。越數傳罔替。而厥後益祇紹光大焉。此之謂能世其家也。蓋非世其功名爵祿之謂。而世其道德仁義之謂也。漢袁楊之四世五公。晉王謝之百世卿族。方之未足多矣。余是以奮筆樂道而爲之序。

木香張氏族譜序

方正學先生曰。古之貴乎修譜者。非特以著世次。紀官位而誇于人也。蓋將使後世觀之。而攷世德之淳。疵明流澤之廣狹。而益思所以自立云爾。吾觀木香張氏族譜。其殆有合于古之修譜者也。張氏先世名允者。仕吳爲東曹掾。輕財重士。名顯州郡。我吳之有張氏。自是始。允九世孫廷傑。宋紹興年間。爲靖州推官。未幾乞休。笑傲泉石。耽嗜花木。宦橐蕭然。僅得所愛木香樹以歸。傑五世孫士能。名恒。遊震澤鎮。學有

金文通公集

卷之二

木香張氏族譜序

三

文名。購室讀書。追念先人手澤。移植木香于庭。張氏之以木香名。自是始。先是元泰定年間。族人士弘登第。仕監察御史。有風力。與撒里不花。仝上疏言事。切直至正年間。士堅又登進士。授翰林編修。士能亦相繼以明經授江淮財賦提舉司。旋以省侍歸老。清風介節。振薄林臯。門人私謚之爲文清。第六世孫賦溪公源。中明嘉靖壬午。應天鄉試。出中峰董先生之門。屢絀南宮。除寧波府別駕。廉能有聲。以江陵立朝。致仕歸。安貧樂道。日以詩酒自娛。念枝族繁盛。恐散遠

不能聯絡。立木香義會。每歲三月朔祭。畢則燕。初舉會時。當祭之頃。花方蒞。及燕。則花忽盛開。里中父老咸以爲和氣所感。一時名公鉅卿。迭有唱和。以歎美其事。木香張氏之號。因而大著。又自是始。後賦溪聞世廟升遐。一慟而絕。學使者楚侗耿公。嘉其忠耿。命所司崇祀鄉賢。第八世孫見源。公夢禎。遊烏程。庠名噪浙東西。以孝友端方。爲時所重。平居一言一動。悉視祖武。木香祠之輪奐。久而彌新。則又惟見源是賴焉。嗚呼。自吳迄今。千餘年來。其子孫嗣詩書禮樂之

金文通公集

卷之二

木香張氏族譜序

三

傳。勿之有替。又代有碩德。後先相照。覽斯譜者。可以想見其世德之淳。流澤之廣。非若他望族之所爲譜。僅以著世次。紀官位。誇于人而已也。九世孫繼芳公。潤篤學敦行。克紹先業。慨然欲並士能。賦溪。見源。三先生而爲四于焉。合離萃渙。修廢舉墜。思有以益永。木香張氏之號。而屬序于余。余家與張氏世同里。同學得之聞。且見者。頗能詳其世系。及其仕宦之蹟。與文學之名。故不獲辭而爲之序。

初讀之序。次張氏平平無奇耳。歷年前後文學仕

宦一絲不亂一語不妄此古文之奇合者不知此
之爲奇而端以字句不可讀爲奇所謂腐木不可
以發聲音也惟吾友能自得之 陳百史先生評
是本氏譜不可那移而文境愈澹愈老 孫北海先生評

金文通公集

卷之二

木香張氏族譜序

天

乾坤法象序

松陵徐子宿南以堪輿名家人與遊者莫不服其言
論以爲深得曾楊廖賴之秘徵驗若神一時三吳士
大夫咸推青烏家有松陵徐宿南云時過吳門與余
孫秉樸善余讀其書而奇之因與之言曰堪輿儒者
事也盈天地間莫非一氣有氣則有理有理則有數
有數則有形於是太極不得不分爲陰陽陰陽不得
不分爲動靜動靜不得不消爲萬象象昭而形判焉
今觀徐子之書上推乾象而星辰之遲留伏逆天官

金文通公集

卷之二

乾坤法象序

天

類也下衍坤輿而山川之昂俛聚散九丘理也及于
士二律之相成八音之吞吐黃鐘蘊也八卦之易位
元會之推遷河洛義也真儒學之精且備者矣夫士
而無學則不能審理以命數察氣以辨形而况乎地
勢之迴合風氣之轉移起伏屈伸變化莫測者乎今
徐子之學若此以之審察陰陽分別休咎論氣則風
霆雨露不能易其常矣論理則進退衰旺不能愆其
則矣而且吉凶禍福兆乎數以挾天地之奧向背得
失著乎形以揆人事之變宜乎徐子之學非近時形

家者流也。且聞徐子性至孝。昔爲兩親卜善兆。曾遇異人授異書。研究三十餘年。遂精其學至此。豈偶然哉。今其書具在。凡爲仁人孝子者。家置一冊可也。余是以樂爲之序。

金文通公集

卷之二

乾坤法象

三

蘇州太守吳瑤如公祖去思詩文集序

去思之發爲詩歌也。始原本三百篇矣。甘棠蔽芾之詞。九戩鱗魴之咏。其千古去思之祖乎。蓋思生于去。如饑思食。寒思衣。有非可以強微而倖致也。凡在位者之方吏茲土也。可以干譽于其上。可以市美于其下。非不令皆卓魯守盡龔黃。及乎解組謝事而後。羣情之真向背出焉。地方之公是非。亦始定焉。自非德意及民。淪肌浹髓。而欲人懷借寇之思。家深挽鄧之志。美召伯之芟憩。眷姬公之繡裳留連歌咏。而不能已已。其烏可得耶。吾郡吳公祖瑤翁。由名進士起家。邑長以廉幹奏最。入爲儀部。聲名冠曹署間。

金文通公集

卷之二

去思詩文

三

今上康熙二年。由郎官出守吾郡。閱五載而去。一時士民攀戀之情。不啻嬰兒中道失其慈母。歔歔慨慕。遠邇一揆。未幾而詩譔洋溢。哀集遂得若干余讀而歎曰。有是哉。此可以見吳公政治之得民者深。而凡士君子之出而爲世用者。當無疑乎道之不可行。而民之不易治也。蘇固劇郡。財賦甲天下。俗多鉅猾。吏善舞文。又地當三吳要衝。過客往來。應接不暇。以故長

才恒苦棘手。公下車來。清風兩袖。一惟簡易寧靜爲治。請謁不行。惟科不擾。廷鮮扑責。鄉無夜呼。慘厲抱牘。欲上下其手。不可得。遊客至止。將有所需。輒飲以醇酒。相與談山川風物及民生瘠薄之苦。各往往街。杯意沮卒。不能發一言而去。嗚呼。在昔周公之論治也。曰平易近民。民必歸之。而漢人之歌。蕭規曹隨也。曰載其清靜。民以寧一。其始吾公之謂歟。去思之歌。與甘棠九發之什。今日比隆誠宜也。哉。夫俗吏旣難與道古。而一二有志自好者。又每忘世網拘牽。不克

金文通公集

卷之二

去思詩文

三

徑行其意。且以民之無良難乎爲上。而由今觀之。吳公之治。效如是。吳民之歸嚮如是。其亦可油然而興起也。夫遂書此以弁其集。并識予繼衣之好。暨直道之斯民。萬口一心。俾後之觀。咀省厥有所攷焉。

金文通公集卷之二終

金文通公集卷之三目錄

吳江金之俊豈凡著

賀大宗伯素菴陳公大拜序

賀學士清遠王公總裁春闈序

賀學士彥升陳公副纂修總裁序

賀大司農党公嗣君高捷序

送學士劉公總督浙閩序

金文通公集

卷之三

目錄

送侍御雪園王公巡按上江序

送侍御弼廷王公巡按下江序

送侍御濩涯趙公巡按兩浙序

送總戎子淵馮公節鎮嘉禾序

送少叅仲趙郝公備兵安徽序

送太守楊君錫之任濟南序

送大司農党公致政序

金文通公集卷之三

吳江金之俊豈凡著

賀大宗伯素菴陳公大拜序

今上御極之九年。特簡大宗伯素菴陳公。晉陟端揆。維時朝列諸親。知謀爲文以賀之。而屬余言。余雖不文。竊與公從遊久。固素知公者。其曷能已于言也。按輔弼之義。書載之詳矣。曰予違汝弼。曰夢帝賚予良弼。

金文通公集

卷之三

賀素菴陳公大拜序

一

曰汝受命篤弼。曰弼予一人。曰弼亮四世。曰永弼。乃后于葵憲。自臯夔以至房魏。凡名相臣之歷歷可數者。其所遭之時不同。所樹之勛業不同。大約出入詢謀言動。獻替皆能致君上于無過。措國家于不傾。未有不協于弼之義者也。我

皇上入主函夏。九載于茲。海寓號稱混一。開闢鴻模。方古爲烈。乃荒服尚有未賓。思所以來之兆民。尚多失業。思所以安之。五刑未措。欺詐日生。思所以釐之。六氣不和。災沴游至。思所以禳之。

上因諭諸臣曰。朕勵精圖治。日求天下太平。切望內外諸大臣。盡心竭力。以匡不逮。顧宰相職專輔弼。非內外諸大臣比。尤

上所注意。而倚毘更殷者。公遂以宗伯爰立入相。先是朝局波騰。因而齟齬。及公幾罹不測。

上卒白之不爲所撓。良以公典秩宗時。寅清直亮。諸凡郊祀臨御大典。酌古準今。悉本掌故。爲之因革。其間制作燦然明備。不待百年而禮樂遂興。以之平章軍國。黼黻絲綸。非公不可。公一入政府。凡所以講求治理。

金文通公集

卷之三

賀素菴陳公大拜序

二

振飭紀綱。與夫愛養人材。扶植善類。種種殫竭謀猷。動中肯綮。中外之人。無論識與不識。皆得而見公之學問才品。不愧古名宰輔。至于遇大事。決大議。爲世道治亂所係。

君德損益所關。小臣不敢言。大臣不能言。疎遠之臣不敢言。親近之臣不能言者。公爲之隨事納忠。嘿効啓沃。俾一時傳之四方。朝無闕政。他日書之史冊。

若無過舉。此皆外廷所不能知。公亦絕口不以語人。嗚呼。揆之書傳輔弼之義。公真可謂無忝也已。然則未

質之荒服。將稽顙恐後。失業之兆。民將歌舞更生。而國靡自是無冤獄。陰陽自是無沴戾。人事修于下。天心順于上。天下太平。可以立見。庶幾仰副我勵精圖治之

聖主哉。是何可不爲公賀也。請率諸君子共起而執爵以進。

篇法暗用。退之上宰相書一及一正。近日名手未能窺見。陳百史先生評

金文通公集

卷之三

賀素菴陳公大拜序

王

賀學士清遠王公總裁春闈序

昔張方平知貢舉。言文章之變。與政通。士惟道義積于中。英華發于外。以文取士。所以叩諸外而質其中之蘊也。言而不度。則何觀焉。歐陽修知貢舉。以士習奇僻險怪之文。鉤章棘句。寢失渾淳爲患。痛裁抑之。卽才如劉幾。亦置弗收。自是文體一變。士皆務實用。以爲學本性道。以爲文而不爲無益之空言。甚矣主司之選貴得其人也。

今上御極之六年。歲己丑。復當南宮較士。先是

金文通公集

卷之三

賀王公總裁春闈序

四

上俞輔臣請詔飭文體。良以四方春春多故。皆由人心不正。而人心頗僻。于文詞見之。故告誡凜凜。旣慎選主司。分較省直。尤鄭重禮闈。

特命學士清遠王公。貳諸輔臣主闈事。必訪有加試榜出。凡離經蔑註。沿習詭靡。爲流俗所推譽者。皆不在選。一時翕然號稱得人。于是浙紳士之在朝者。咸舉手加額而相告曰。王公之得人。若此。邦家之光。抑梓里之榮也。屬檇李金子爲之言。以賀曰。士踵明季之陋。陵詞邪說之浸淫。蓋有年矣。今多士遽舍故步而

從主司一日之約。悉返雅醇。卽張方平歐陽修之爲貢舉。寧有加焉。噫。此操何道以得之歟。則王公之家。學淵源。所以繩多士者。非自今日始也。昔王文成先生。嘗主東省試。爲弘治甲子。得人最盛。其言曰。夫子之鄉。固平日所願一至焉者。而乃得以盡觀其所謂賢士者之文。而考校之。豈非生平之大幸。雖然。亦竊有大懼焉。吾觀王公駁歷中外。于經營禍亂之餘。蒿目世道久矣。懼然懷文成之懼心。以杜諸士生心害政之原。而士之懼叛聖賢。而寧平毋詭懼于功令。而寧質毋華者。烏得不入其網羅也哉。由此正文體。以正人心。正人心以正風俗。四方削平。可幾之尺幅間矣。宜乎。

金文通公集

卷之三

賀王公總裁奉關序

五

聖明之不以文教後武功。而加意主司之選。有如此也。然則吾儕非獨爲王公賀。將以爲天下賀也夫。

援古証今。有此事卽應有此文。近讀虞伯生集。頗願爲執鞭當世。雁行獨有先生耳。
陳百史先生評

賀學士彥升陳公副纂修總裁序

昔李鄴論漢書。謂西漢十一帝。高祖起布衣。定天下。豁達大度。東漢所不及。其餘惟文宣二帝爲優。自惠景以下。亦不皆明于東漢章明兩帝。而前漢事迹。灼然在人口者。以司馬遷班固。叙述高簡之工。故學者悅而習焉。其讀之詳也。然則載筆一官。君德政治。因之而抑揚。往行前言。藉是以顯晦。其所關顧。不鉅哉。學士彥升陳公。直亮洽聞。具良史才。

新朝聿興。取鏡往代。命輔臣某某充總裁官。修明史。而

金文通公集

卷之三

賀副纂修總裁序

六

陳公爲之貳焉。余於是仰見。

朝廷鄭重史事。慎簡史官。而竊幸明史之有托也。以學如陳公。辭如陳公。忠厚正直。如陳公。而使之奮筆領袖。必能爲子長孟堅之敘述。俾前代事迹。灼然可觀。豈遜西漢一書哉。且余聞之。爲史官者。明不顧刑辟。幽不見神怪。無所梗避于其間。而後其書可貴。今明代二百七十餘年。一切理亂得失。貞邪善惡。可則可鑑。可勸可懲之事。具載實錄。昭然難掩。陳公生值明季。猶及見當時之人。聞當時之事。既不若劉子玄所

云左右二史缺注起冠衣冠百家罕通行狀之難憑而據事考跡爲之表直骨于枯墳繚繚魄于下泉又非有孫盛實錄取嫉權門王韶直書見讐貴族之可慮用宣尼褒貶之心存萬世是非之公傳信傳著一如春秋更有何便避于其間哉將來纂筆告成事而艷稱一代良史又不徒以其敘述之工與子長孟堅同日而語矣余是以嘆

朝廷之鄭重史事慎簡史官而深幸夫明史之有托也故言而爲之序

金文通公集

卷之三

賀副纂修
總纂序

七

昔讀茅鹿門先生與吾邑馬孟河先生論史書以爲韓柳再見若如此贈序立言重遠真可並傳豈凡於鹿門爲外孫淵源自在文章也

陳百史先生
評

賀大司農党公嗣君高捷序

歲辛卯天下大比士于鄉秦中錄至大司農于姜党公嗣君哀列賢書維時大江以南諸縉紳之仕于朝者咸手額稱慶謀爲文以賀之客問余曰曷爲乎秦士舉而吳紳喜也余曰此以見吳人之德公而公自大司寇晉典國計以來所以仰承

聖天子嘉惠東南哀閔元元之盛心其爲德于吳者益有未易殫述也他不具論論其大者三吳賦稅甲天下民力之困于輪輓所由來矣比值兵燹之餘瑣尾

金文通公集

卷之三

賀党公嗣
君高捷序

八

流離未有起色而時方有事南征師徒絡繹舟車芻秣悉索以供又不幸歲羅奇災吳民幾魚數百萬之漕糈且將舉而問諸水濱焉不徵則病國徵之則病民民病而國亦還以病公慨然曰

聖天子以愛民爲主吾忝司計豈可以病民者病國耶于是朝思夕慮嘔心籌畫于其間欲使公私兩利計莫若從改折一議而公又未得以便宜行也反覆諮諏如一身一家痛心切骨事至于嗚咽流涕卒之積誠感動一時共事諸君同心協贊因條上改折議乃

得

請令下之日。懽聲動地。卽此一端。公之德于吳者何如。而吳人之德公者。又宜何如也。嗚呼。公豈真有私于我吳哉。祇念東南諸郡爲。

朝廷根本重地。須加寬恤。以裕億萬斯年。惟正之供。古大臣公忠體國。道自應爾。顧大浸稽天。斗粟千錢之歲。得留有限之粟。便可活無窮之命。卽謂公之有私于我吳可也。秦士舉而吳紳喜。端有以也。雖然。嗣君之鵬奮鵲起。佇冠南宮。此直公誦讀淵源義方家訓。

金文通公集

卷之三

賀克公副君高捷序

九

有以致之。豈遂足以稱公之食報于後昆而吳人之沐浴休澤爲之家戶祝者。亦豈僅止此而已哉。將來嗣君克紹箕裘。志澤天下。必一如公今日者之爲德于吳與夫吳人之德公是則我儕之可爲公賀者已。

得大體結構以平而奇。今日晉江也。

陳百史先生評

送學士劉公總督浙閩序

今上御極之九年。壬辰九月。主爵者集九列三事大夫。廷推浙閩總督。咸云兩浙係財賦重地。雖底定有年。湯火遺黎。膏竭徵輸。萑苻處處竊發。綏戢非易。至八閩三山之間。一二逋誅海寇。尚逆我顏行。肆掠郡邑。時方大用兵。須鄭重厥選。于是衆論反覆咨諏。以學士劉公貳焉。念公係文學侍從之臣。

聖天子方親圖史。咨啓沃斯。須不離左右。恐未便以疆場之故。煩儒臣以軍旅。故姑以貳請。

金文通公集

卷之三

送劉公總督浙閩序

十

上乃深知公者。曰。近得邊吏報。

朕方切南顧憂。茲任非其不可。遂特簡公。維兩浙紳士之在朝者。爭舉手加額。一以爲。

宗社慶。一以爲桑梓慶。而屬余執爵贈公之行。余曰。諸大夫亦知。

上意所以簡公者。以文德不以武功耶。余請得而申言之。然後執爵以進可乎。吾浙民不聊生。其困有三。一困于賦稅。賦額本重。惟正之供。恒苦不給。而又加之。以師徒往來。悉索芻秣。且奸胥之漁獵無已。墨吏之。

誅求無端。水旱爲災。猶其小者耳。民困一也。再困于盜賊。所在不逞之徒。嘯聚爲虐。本一捕卒之力。可以制其死命。而有司競亟催科。不暇問大吏左右。偏多窟穴。不能問以致白晝劫殺。質人勒贖。公行無忌。箠箠不遺。既供。

國稅又資盜糧。民困二也。三困于官兵。官兵之設。本以禦盜安民。而近且有占民房。索民食。通盜線。利盜贓。民之苦。兵甚于苦盜。相率吞聲。莫敢控訴。民困三也。此三困者。惟文德可以除之。不必以武功見也。若夫

金文通公集

卷之三

送到公總督浙開序

十一

開越近日之爲患。則海上偷息之渠逆。鯨吹鼉激。漳泉一帶。方切鼎沸。計非大用兵。以滅此朝食。不可。然有名之寇。要領在我布。

聖武不殺之恩。貳而討之。服而舍之一紙書。賢于十萬師。僅在指顧間。則閩越之救寧。亦惟文德可以致之。似不必勤兵糜餉。以武功見也。故曰

上乃深知公者

上意之所以簡公。以文德不以武功也。古所云有安社稷臣者。舍公文學侍從之臣。而又奚屬哉。諸大夫曰。

唯唯請執爵以贈公行

茲任非劉公不可。語朴而文。如子固制辭。陳百史先生評卽於贈劉公行指陳情形。數千百言。不能盡者。以數十言。該之。可謂腕中有長房縮地法矣。卽立泉作文。每寄西涯相公。輒抹數行。如先生文簡而有法者。正自難得。柳子厚曰。讀吾文。而以爲簡者。必不知文者也。知文者必貴簡矣。又評

金文通公集

卷之三

送到公總督浙開序

十二

送侍御雪園王公巡按上江序

上御極之五年春視上江使者告代御史臺請以雪園王公往

制口可先是公嘗按兩浙矣時錢塘以西初入版圖江東猶抗未下人心風鶴凡官其地者一聞除命輒色沮公獨奮然叱馭比至則集流亡招携貳收拾士心和調將吏日孜孜不暇會大兵渡江東一切舟車騶秣供輸靡悞民皆不知而公則嘔盡心血矣未幾東浙悉平雖口師武臣力哉公之功不可泯也公報竣金文通公集

卷之三

送王公巡按上江序

主

還浙之士民如赤子之脫慈母之懷繡衣使者不以霜雪示威而以雨露見德于王公僅見之朝廷嘉公視浙有成效睠茲長江之上流方眷眷多故非公往視之不可故又有是

命江南士大夫之在朝者咸舉手加額而慶曰吾鄉之徽寧廣德與浙壤齒民情上俗俱不相遠公之有德于浙者如此其甚厚則江干小民之又將沐其雨露也豈顧問哉余越人也而吳籍也既嗟其去何速復訝其來何暮而又幸公之來我上江也猶之乎未去

兩浙也然則余之私慶于心而懷思不已舞蹈難名較之江南諸大夫而殆有甚焉者矣其何能已于言不以頌而以規文家占地步法此則即用頌爲規也文至此必傳

陳百史先生評

金文通公集

卷之三

送王公巡按上江序

十四

送侍御弼廷王公巡按江序

嘗讀漢武帝遣博士循行詔有曰仁行而從善義立則俗易意奉憲者所以導之未明歟將百姓所安殊路而橋度吏因乘勢以侵蒸庶耶何紛然其擾也余因是而想見古者循行之遺蓋慮爲吏者之擾吾民而貴有以安之耳長江上下秉鉞彈壓者爲御史中丞歲奉

聖書分道循行者爲上下江兩御史下江轄蘇松常鎮

等郡連海濱湖素爲萑苻出沒之藪且賦稅繁重習

金文通公集

卷之三

送王公巡按江序

五

俗侈靡其地雖號富饒民多貧困年來旣罹兵燹又

兼吳中水利久廢旱澇頻仍而徭役不減俗侈更甚

且不能保無侵之者居于其上則下江一帶亦旣紛

然其擾矣安之者惟循行之使是賴今侍御弼廷王

公乘驄往視而余與公部下諸士紳交口稱慶曰幸

哉江民可無憂紛擾也已何也公在前朝起家邑宰

初任汜水中州士民至今德之不衰再補順義北地

亦德如中州詢其故咸以我公仁能導善義能易俗

故所在著聲所去見思茲且懷仁秉義居高而唱以

稱

新朝特簡循行之舉視此兵燹餘黎有不講求蘇息而使鴻雁來綏鯨鯢屏息者歟澤國恒遭旱澇有不亟議修復水利如蘇長公所進單鍰吳中水利書狀以捍禦災患者歟有不憐重役懲侈俗糾察侵吏而霜雪雨露之兼施使吳民尸祝不忘其功德之大且遠更有加于中州北地者歟故曰幸哉江民可無憂紛擾也已請酌而祖公行可乎

王李集中多贈侍御文能如此真切有關係否讀

金文通公集

卷之三

送王公巡按江序

六

者勿貴耳而賤目也

陳百史先生評

送侍御渡淮趙公巡按兩浙序

順治五年歲在戊子夏四月侍御趙公渡淮奉

璽書按部兩浙比秦之士大夫在朝者咸咨嗟嘆賞而相與語曰是嘗按我三秦端方耿潔一時僚屬對之者如嚴師之立于其前凜不可犯而及其惠愛小民則無所不至又如慈母之置赤子于其懷幸矣我秦人之蒙其休澤者方尸祝于無窮也而浙之人抑又何幸耶舉朝薦紳又相與交口而誦曰星有執法職有持憲鐵冠繡衣直指不阿俾在位者肅如惟趙公金文通公集卷之三送趙公巡按兩浙序七按秦有焉嘗讀其一二封事凜然生風宜其問豺狼緩鴻雁解墨吏之綬懾流孽之魄調劑滿漢兵民間使之各安其所而為秦人之所畏而感感而泣泣而繼以思者至于此也今

聖天子惠顧東南又移執法于斗之野耶于是浙之部氓聞公之見思于秦者若此見公之推重于舉朝者若此爭酌而祝曰公之往視我浙也有不令官于其上者憚若嚴師與祗席于其宇下者戴若慈母歟豺狼敗橫于當道鴻雁尚哀于中澤歟墨吏不望風而

退澗濱海陬之一二遺孽不屏氣懾息革面革心之恐後歟目今往鎮吳越之大兵尚慮其調劑未當致主客有不相安而市或止耘或變歟某聞言亦執爵而進曰是真我浙西東億萬生靈之福也請述其言以祖公行

一開一闔前後容與與韓吏部上宰相書同法

陳

百史先生評

未入浙頌之難為浙人規之難實而虛虛而實極

文心之妙

陳彥升先生評

金文通公集

卷之三

送趙公巡按兩浙序

七

送總戎子淵馮公節鎮嘉禾序

從來親民之官莫如守令。察吏安民之官莫如撫按。乃若職司不與守令等事。權不與撫按侔。而能為撫按守令之所欲為而不得為。以禁除民害。嘉惠元元。使小民之愛戴而尸祝之。曾不減于召父杜母。則莫如今日江浙諸郡。特設分鎮之大帥是也。

朝廷開鎮列城之意。原以安民。非端以禦盜。得其人則化盜為民。必不驅民為盜。不得其人則以之禦盜。不足而民不安。以之擾民有餘。而盜益熾。其所關地方

金文通公集

卷之三

送總戎節鎮嘉禾序

九

之安危。民生之休戚。豈細故哉。涿鹿馮公子淵。以待衛親臣特膺

簡命。往鎮浙之禾郡。是能為撫按守令之所欲為而不得為者矣。可為

朝廷賀。可為地方賀也。請試言之。我禾西接杭湖。北聯蘇松。自慘罹兵燹之餘。幾于城郭烟銷。村墟鳥散。邇者雖化離漸集。元氣稍甦。然促耕猶不足以療饑疾。蠶猶不足以救寒。况夫湖濱海畔。遺孽未靖。兼之師徒往來。征繕弗給。倘又加以統軍者律已不嚴。馭

卒無法。盜未懾息。民已腹膏。其為擾我耕妨我織者。

正未有已也。欲禾民之不饑不寒。胡可得耶。饑寒切身而欲禁其不為盜。又胡可得耶。我馮公以詩書之。肯擅戎馬之長。馭兵恤民。講求者素。襲在前朝。專閭雲中。理屯考最。繼又領幕中樞。節制有聲。今且荷

新朝之寵眷。抒侍從之忠猷。一蒞其境。必惻然念我禾民。兵燹餘生之苦。驚心草澤之苦。與夫奔命征繕之苦。飲恨騎兵之苦。為之釋其苦。而予以甘。以仰副朝廷設鎮安民之意。當無所不至。將見禾民有不必盡

金文通公集

卷之三

送總戎節鎮嘉禾序

十

耕而飽。不必盡蠶而煖者矣。而又何盜之足慮也。故曰。馮公之鎮我禾郡。能為撫按守令之所欲為而不得為者。可為

朝廷賀。可為地方賀者。此也。某也敢用此贈行。以當禾民來暮之歌云。

文至文武互用方是經濟

陳百史先生評

送少參仲趙郝公備兵安徽序

嘗聞歐陽永叔云。漢之政理文章。後世莫及。良以時多通經學古之儒。其名位利祿之念。不動于中。而于墳典丘索。罔弗探其源。涉其流。故其發爲文詞。見于行事。皆炳然可觀。以余觀于仲趙郝公。而竊嘆古今人未始不相及也。郝公爲關中名雋。好古力學。有文章之譽。比及筮仕。而志益奮。業益勤。其居諫垣三載。正直不阿。然未嘗徒以言論博風采。每于出入禁闥之餘。網羅羣籍。搜抉奇句。孜孜不倦。有如饑渴之于金。又通公集卷之三送郝公備兵安徽序主

天子耳目之司。誰能禁其以風采自見。而不至以訐爲直。及其輟侍從。就外僚。則又烏能強之矯情鎮俗。而怡然不異其爲諫垣時也。此非所謂通經學古之儒。舉一切名利祿位之念。毫不動于其中。而能若是耶。茲者江州新安一帶地方。尚蠢蠢未靖。豈武備之或

弛歟。抑文教之不足歟。語云。移風易俗。使天下同心鄉道。類非俗吏之所能爲也。以學有本原。如郝公者。爲之秉憲而專制。我知其治民則惠。馭吏則肅。詰兵則靜。明刑則勅。彼蠢蠢者。有不回心鄉道。而金陵上游將從此屹若金湯已安在公之政理文章。炳然可觀。稍遜于兩漢之學者也。哉。嗚呼。甚矣學之不可以已也。

中見小結前起無一不相應語爲學道人占地步
陳百史先生許

金文通公集卷之三送郝公備兵安徽序

主

送太守楊君錫之任濟南序

古來循吏之稱見于紀載者莫盛于漢。嘗讀漢景帝令二千石修職詔有曰。饑寒並至而能亡爲非者寡矣。其令二千石各修其職。不事官職耗亂者丞相以聞。漢之加意二千石若此。宜其多以循吏稱也。當時最著者黃穎川龔渤海。考黃次公爲穎川。宣布詔令。令民皆知上意。以寬和爲名。龔少卿爲渤海。悉罷逐捕盜賊吏。非使勝之。將安之也。兩公治行皆稱第一。云然則以苛爲察。以刻爲明。非所以撫民。亦非所以禦盜也。

金文通公集

卷之三

送楊君之任濟南序

辛

今上加意吏治。勅守令親民之官。非三年考滿不得遷大哉。

王言逾于漢詔。而小民似尚未曉然知。

上意之寬和。所在盜賊蜂起。亦未得以安之爲勝之之。

法。豈滿漢諸臣中。遂鮮穎川渤海其人。以上應。

勅旨歟。抑有其人焉。而未與二千石之選歟。以余觀于。

今濟南太守楊君君錫。殆其人也。已。君錫係。

朝廷舊人子弟。起家文學。以才望簡授今官。將之任特。

過余請益。且其所自矢者。誓必潔已愛民。不任左右。不縱兵丁。不畏權勢。務使化盜爲民。斷不逼民爲盜。余曰。君之自矢者。察而不苟。明而不刻。則已盡爲太守之道矣。盡今日所以守濟南之道矣。不負。

朝廷之特爲選擇而使矣。余更何以益君哉。君之往也。但如黃次公之宣布詔令。令民皆知。

上意。一本寬和。但如龔少卿之不期于悉捕盜賊。期于計安窮民。則舉東土數十年來。兵燹憔悴之遺黎。一旦與之更生。攘臂揭竿之餘孽。不難盡爲向化。卽古。

金文通公集

卷之三

送楊君之任濟南序

壬

良二千石。幾有加焉。而余又何以益君哉。嗚呼。君行矣。其慎毋忘今日所自矢。則寧獨以之守一郡而有餘也。耶。余于君更有厚期焉。

如此等文。直可壽千年矣。發金石之聲。潤風雲之。

色。不如此文之有聲色也。

陳百史先生評

送党大司農致政序

順治九年冬十月大司農于姜党公再疏請告

上許之且

天語褒嘉恩禮優渥一時艷稱盛事于是朝列諸卿士大夫爭爲詩歌文辭相倡和以歎美之有援漢二疏之辭位而去並張其賢者有述韓吏部爲文送楊少尹云古今人未始不相及者又有謂二疏時近古難進易退非甚高行公嘗習俗競功名之時而飄然遠引比二疏爲尤難者又有謂楊巨源官不過國子司金文通公集卷之三送党大司農致政序 圭

聖天子何如倚毘而卒不能奪公去志使今日韓吏部而在爲文以寵其行又不止如楊少尹而已者若是乎居今之世處公之地而決志以去公誠不可及哉金子曰公之不可及不于其去之日也于其留之日而常懷去之志不肯隨時俛仰碌碌苟容爲不可及也先是公爲司寇時令其子孝廉君構一山居顏之曰意先有亭有橋有泉有洞皆以意先名蓋身未至

而意已先之余曾爲公作意先居記然則公之芥視功名敝屣富貴豈在今日耶故存是意而爲司寇則必欲爲人主廣好生之仁若使峻法以戕命身可去也法不可峻也存是意而爲司農則必欲爲人主布愛民之澤若使損下以益上身可去也下不可損也宜公之司刑則活人無算司計則惠民無窮倘稍有榮貴利達之心搜于其中則惟恐活一人而拂某某惠一民而拂某某其徘徊瞻顧依阿渙澌之狀且有不堪見聞者安能有聲于刑農兩大政間光明正直

金文通公集

卷之三

送党大司農致政序

圭

如是其卓然有古大臣風哉故曰公之不可及不于其去之日也于其留之日而常懷去之志所以爲公之不可及也余心儀公之去而因以自愧者有三焉余衰羸多疾遠不及公精健其去不宜後而反讓公先其可愧者一余雖時刻不忘去志而不能如公以必去之心盡未去之職其可愧者二留之日旣不如公則雖幸而得去求如公之人羨爲榮而內亦有以自慊萬不可得其可愧者三嗚呼公行矣其亦有以處余也哉

人人議爲案入意先亭爲篇中結構後說到可愧者三正是見公不可及處詳畧變換曲盡古人之

法 陳百史先生評

金文通公集卷之三終

金文通公集

卷之三

送党大司農致政序

毛

金文通公集卷之四目錄

吳江金之俊豈凡著

送別駕張立甫之任揚州序

送別駕陸英一之任平陽序

送泰州貳守孫茂先之任序

送倪玉如宰東流序

送盧雲柯令宿松序

金文通公集 卷之四 目錄

一

送姚爾真令南漳序

送張幼仁令沔縣序

送高采夫宰歙縣序

贈吳江楊邑侯序

送同鄉諸學博還南序

送張道先司訓浦江序

送族子劍耿分訓東陽序

送朱炎馭司訓新昌序

送陳心簡南歸序

贈太學張生三省序

贈處士沈元子序

贈星士吳碩甫序

贈名醫張君慎初序

贈圓通寺寓僧竹憨序

金文通公集

卷之四

目錄

二

金文通公集卷之四

吳江金之俊豈凡著

送別駕張立甫之任揚州序

攷故事掌武郡政與長吏均禮凡兵民錢穀戶口賦役獄訟聽斷之事可否裁決與守通簽所部官有善否及職事修廢得刺舉以聞別駕之爲任蓋綦重云余嘗守邢州四年邢地瘠賦輕民淳訟簡似爲守

金文通公集

卷之四

送別駕張立甫序

一

者猶易以治而時有別駕某能通經術識世務其助余良亦不淺他則竟爲贅員而反滋余以廢事之憂余是以知別駕之任匪輕也憶曩日邢之士大夫孜孜以經術課子弟者惟鉅鹿大銀臺重光張公爲最今公次君立甫以待衛

特恩通判揚州公言于余曰吾子方事咕嚕一旦佐郡

且維揚劇地懼弗克任奈何余曰公之教子素矣余久知公子弟中必有能以經術潤飾吏事者揚固劇郡乎以通經學古能讀父書之立甫佐之其爲二千

石將伯之助非止一端也已。嗚呼。向使余不爲守。則亦未知別駕之任之重。向使余不獲交于張公。則亦烏知立甫之能勝別駕之任。如此其綽然也。故于其行也。信而喜之。爲之序以贈焉。

愈少愈貴愈正愈婉

陳百史先生評

金文通公集

卷之四

送別駕張立甫序

二

送別駕陸英一之任平陽序

當湖陸子英一。聰明特達。吳越間號稱神童。垂髫食餼。年甫二十。爲學使者所選拔。來貢于

廷。得高等。通判平陽府。陸子不以得官爲幸。而察其意。似以未獲發其所蓄。中兩榜爲快快。知陸子者。亦相與咨嗟惋惜。謂如此英妙儒者。不得大究其學。輒佐郡以去。余曰。是未知陸子真儒者。也是未知儒者之效無施而不宜也。按別駕之設。始自漢。隋唐因之。迭有廢復。宋乾德初始置諸州。通判懲五季藩鎮專擅。

金文通公集

卷之四

送別駕陸英一序

三

之弊。而以儒臣臨制之。號稱監州。其官雖郡佐。而其人間有出于朝廷之特命。不以官資之崇卑論。若是乎重儒以重判也。所由來矣。非明六藝通文學。識聖賢之理。究先王之術者。弗克與二千石共襄廉平之治。陸子雖年少。端謹通亮。于書無所不讀。不負古賢良文學之選。今往判平陽。我知必能佐其守。爲良二千石。使庶民安其田里。而亡歎息愁恨之聲。有治理效也。嗚呼。余嘗讀漢循吏傳。孝武之世。能以化治稱者。惟江都相董仲舒。內史公孫弘。倪寬。居官可紀三。

人皆儒者。通于世務。明習文法。以經術潤飾吏事。天子器之。然則爲吏。患不儒者。患不兩榜哉。陸子何必以此怏怏而知陸子者。亦不必咨嗟惋惜。虞其學之有弗究也。異日政成奏最爲。

聖天子所器如漢三公。始信儒效。固彰彰不誣耳。英一名世楷。其父名濬。庠者舉丙戌孝廉。與余兒世濂。有同譜誼。稔其家學。有自。故爲之序。以券之。

既無剽掠之習。又能截去游移。公用語韓歐。未可許人。今乃見之盛事也。陳百史先生評

金文通公集

卷之四

送別駕陸英一序

四

送泰州貳守孫茂先之任序

大廷尉北海孫公有子文學君茂先。以待衛恩例。除同知泰州事。將行。廷尉公謂予曰。吾兒鉛槧書生。不習吏治。請有以教之。余曰。公之所以教貳守者足矣。何待余言。昔歐陽永叔之母告永叔曰。汝父爲吏。嘗夜燭治官書。屢廢而歎。吾問之。則曰。我求其生。不得耳。吾曰。生可求乎。曰。求其生而不得。則死者與我皆無恨也。矧求而有得耶。嗚呼。其心厚于仁者耶。此吾知汝父必將有後也。汝其勉之。以後永叔文章政事。金文通公集卷之四送泰州貳守序五

果擅美一時。今公爲廷尉。每遇廷鞫大案。嘗多所平反。求其生而有得者。不知其凡幾。公雖不以告人。而公之心厚于仁者。寧減歐陽崇公哉。我知茂先以仁者之後。往貳是州。且讀書識道理。必能守其家法。凡所爲。明刑簡訟。蠲煩除苛。以佐其守。爲賢刺史。而俾泰人之蒙其休澤者。將一如當年滁人之于歐陽永叔也。故曰。公之所以教貳守者足矣。何待予言。遂書以送之。

謹嚴於法讀如老成教後學前則永叔後則震川

視他文又有古今之別矣家學士言不虛也

陳百史先生評

文通公集

卷之四

送泰州武守序

六

送倪玉如宰東流序

富陽倪子玉如以

廷試高等除池陽之東流令將行來別余而言曰生應詔至禮部尚擬遲謁選再試棘闈以畢生平未了之志今格于令遽有民社之膺未操刀而使割能無傷指懼乎且聞東流地狹民甚瘠又偏處江濱時方弗靖何道以治之乃可先生其有以教之余觀其貌泊乎似有道者也聽其言又藹然其爲仁人也是固優于宰者也因告之曰子旣知邑小而民貧則爲之勸

金文通公集

卷之四

送倪玉如宰東流序

七

農桑以裕生計寬徭役以休民力抑強暴以安善良速聽決以省繁獄凡若此者皆所以嘉惠疲瘠之地而與以起色也子旣知長江上游方苦弗靖則爲之撫流移以固結土著興學校以鼓舞士心諭愚民以利害禍福使之曉然不惑于訛言率子弟以孝悌忠信使之卓然不詭于異趨凡若此者皆所以清弭弗靖之萌而屹若金湯者也子往矣吾固知子之優于此矣異日者以循良奏績膺異數累爲大官豈不朽業使人嘖嘖嘆兩榜中曾不多得又何生平有未了

之志哉。子往矣。倪生唯唯起謝教。余因是目送倪子而竊有感焉。嗚呼。安得今天下之爲吏者而盡有道德仁人也。

有餘于法。有餘于情。似承伏照。應又似單行大雅。未墜必有英絕領袖之者。微先生其誰與歸。

陳百史先生評

金文通公集

卷之四

送倪玉如宰東流序

八

送盧雲柯令宿松序

盧生雲柯。學道君子也。歲戊子。以恩選貢于

廷。擢高第。除授江州宿松令。或有爲盧生鰓鰓杞憂者。

曰。松彈丸邑。濱江連楚。轄有蘆洲。頃被洲渚奸宄襲

破其城。以呶呶未絕之書生。一旦握符綰綬。俾之外

捍震隣之寇。內戢反側之奸。以撫茲殘黎。所爲者不

甚難乎。余曰。否。否。松邑失事。非賊也。民也。非民之奸

爲亂也。吏迫之也。亦非吏之喜于迫民亂也。奉法太

過。而惟恐境內洲利不悉歸于上。或稍漏于下。以致

金文通公集

卷之四

送盧雲柯令宿松序

九

殫利而召害也。嗚呼。凡此皆爲吏者之不學。道有以

使之然也。學道則必愛人。愛人則必不盡其利。不盡

其利。又寧遽遽然喪樂生之心。而敢于率其子弟攻

其父母哉。盧生固學道君子也。吾知其必能愛人。必

不肯盡民之利者也。爲保障。不爲繭絲。爲冬日。不爲

夏日。何內奸之不戢。隣寇之足震也。然則盧生抱所

學以治松。直易耳。故于其行也。特爲之伸其說。而

併以釋或人之憂。

前後結構渾渾。渾渾幾無行墨。獨永叔有之。近則再見

吾友也 陳百史先生評

金文通公集

卷之四

送盧雲柯
令宿松序

十

送姚爾真令南漳序

今日吏治之多竄也。非盡吏之無材也。或人不宜其地而苦于風土氣候之不相習。或能不配其任而苦于兵燹殘壞之難爲理。于是其始而聞命也。先有趨赴觀望徘徊不欲前之意。及其抵任也。又多愁居惕處歎息思歸不肯安焉久居之心。凡地方之利病得失。民情之順拂悲愉。悉置而不問。卽問矣而不詳。且盡求其身。視民家視國政行化。成號稱古之循吏者。百不得一焉。無怪乎吏網雖嚴。民生日悴。卒無以宣布。

金文通公集

卷之四

送姚爾真
令南漳序

十一

聖天子軫念邦本。嘉惠元元之至意。而率土賓服之餘。尚有一二草澤遺奸。所在乘間竊發者。時或見告也。雖然。若吏之眞材者。無不宜人之地。亦無不配能之任。卽偏遠危險。均有所不辭。吳興姚子有焉。姚子東南名下士也。以拔貢應順治五年

廷試。居高等。除襄陽南漳令。今選人鮮不視楚爲畏途。甚至寧干規避之罰。以求黜爲幸者。獨姚子一聞除命。輒銳然欲取道中州。從間抵任。并不暇畫錦里歸。

嗚呼以余觀于姚子其真吏之材者也夫始也既無
趙趙觀望徘徊不欲前之意則其繼也必無愁居惕
處歎息思歸不肯安焉久居之心而有不詳盡以求
地方之利病得失民情之順拂悲愉者乎他日循吏
之稱合姚子其誰漳之民其幸也夫安得凡爲吏者
而盡若姚子之不辭遠不辭危且險又何患吏治之
多窳也姚子字爾真名延儒其伯仲延啓延著皆成
丁亥進士而姚子其季云

讀之一氣條理密結無間今日乃復見歐曾耳

陳

金支通公集

卷之四

送姚爾真
令南漳序

十三

百史先生評

送張幼仁令沔縣序

嘗聞吏不廉平則治道衰欲興治道于今日舍廉吏
亡繇哉顧吏之鮮能爲廉者非盡賦性貪墨也良以
人生不無嗜好而不有以坊之節之則其資于己者
必不約資于己者不約則其取于世者必奢一旦得
志居位惟嗜好是徇無惟乎廉吏之不槩見也嗚呼
安得一泊然無所嗜好之人立于民上而聿觀廉平
之治乎乃若金陵張子其人竊有異焉張子字幼仁
名循訥自有生來口不沾腥味體不被紈綺浩浩落
落以古聖賢爲志有疏水簞瓢之樂趣富貴功名舉
不以介其懷殆所謂泊然無所嗜好者也今年偶值
貢士例來試于

金支通公集

卷之四

送張幼仁
令沔縣序

十三

廷居高等合有司格在他人或志得而張子不加忻及

除爲漢沔令他人又或苦地惡而張子不加戚余是以知張子之爲廉吏也必矣蓋有不待政成而後見
者矣何也張子既泊然無嗜好則必無所資於己無
所資于己則亦必無所取于世而天下之爲廉吏者
更有過于張子乎吾不獨爲沔之人幸而竊幸今日

治道之興有其機也。或者曰：張子曾遇異人，善丹青。又曰：張子通三典，能一死生，解外膠，噫，吾不能知之矣。

是送張子文每出一語必有照應，結束文格進于老到。陳百史先生評

金文通公集

卷之四

送張幼仁
令沔縣序

十四

送高采夫宰歙縣序

唐陸修以祠部員外郎出刺歙州，昌黎爲文以送之。有云：當今賦出于天下，江南若十九宣使之所察，歙爲富州，宰臣之所薦聞，天子之所選用，其不輕而重也較然矣。于是知江南賦稅之繁，與歙有富饒之名，自昔爲然。故凡官于歙者，倘惟身圖是便，而無愛民之心，則未有不侈然志得自矜爲善地者也。若其存心于愛民，能潔已勤職，則未有不惕然懼夫賦重民困，俗悍訟煩，而苦于難治者也。虎林高子采夫以

金文通公集

卷之四

送高采夫
宰歙縣序

十五

廷試高等，除歙令。前代除此者，非進士不能得，亦鮮有以無意得者。高子一落落寒儒，竟以無意得之。此固宰臣之所薦聞。

天子之所選用者也。其不輕而重也，不更較然哉？乃吾觀于高子，惕然有懼心焉。是殆知所以自重而存心于愛民，勤職爲能，不有其身圖者耶？且今日之歙，又與昔異。兵燹之餘，民瘠而不富矣。賦絀而猶取盈矣。俗習之刁悍益甚，而寇賊出沒山谷間，未或衰止矣。宜高子之弗視爲善地，而惕然有懼心也。夫雖然，以

高子之懼心臨之將惟恐賦重則困吾民而能不以
撫字爲催科乎惟恐民窮則迫爲盜而能不以卵翼
爲保障乎其所施設措置必卓然有可觀者吾知歛
之民其有瘳矣異日者使歛仍不失爲富州而後乃
見高子能無負吾

君吾相之特達知遇則又何必以成進士爲榮也高子
其勉乎哉

地里本前賢選人推君相此文章極高處中凡數
折而不見虛語尤爲老氣

陳百史先生評

金文通公集

卷之四

送高承夫
宰歙縣序

六

贈吳江楊邑侯序

楊侯爲晉中儒碩起家明經授長興縣二尹以最聞
擢吳江令將之任過余請益余吳氓也不能無言然
亦何能自爲言哉請以古人之箴令者爲侯進可乎
嘗讀唐書元結縣令箴有曰爲其動靜是人禍福爲
其嘯吸作人寒燠煩則人怨猛則人懼勿以賞罰因
其喜怒太寬則慢豈能行令太簡則疎難與爲政既
明且斷直焉無情清而且惠果然必行古今爲令之
要盡此矣侯持此以書諸紳焉足矣客有從旁謂余

金文通公集

卷之四

贈吳江楊
邑侯序

七

者曰吳江劇邑也賦役繁重視他省一大郡又古平
江路爲南北孔道方今師徒往來不絕于境資糧靡
費弗給于供至胥吏之情僞百出案牘之雜沓如山
與夫湖濱遺孽尚有未靖兵燹殘黎亟仰雨膏視他
郡諸邑尤甚難爲理是子之所當言于侯者恐未可
一端而盡也而何僅以古之爲箴告也毋乃非邑人
所望于子請命長吏之意乎余曰此余之所以代邑
人請命而敢以箴言進也彼長吏之恣于民上而惟
所欲爲罔恤民艱者曾不自知其出一令焉而可以

禍福人吐一言焉。而可以寒燠人。于是有失之煩。而爲人怨者。有失之猛。而爲人懼者。有失之寬。而狐鼠因以縱橫。失之簡。而政務遂成廢閣者。凡若此。以之治最爾小邑。不可況視一郡之大如我邑乎。使侯能三復斯箴。而凜凜于動靜。嗟吸之能爲人禍福。寒燠者如此。其所關不小也。則徵歛必有法。而民可不知重賦之困。迎勞必有方。而民可不知驛騷之苦。馭下必嚴。以察而閭里不聞有胥吏之呼擾。遇事必勤。以辦而几案不睹有塵牘之紛紜。戢暴安良。必種種盡。

金文通公集

卷之四

贈吳江楊邑侯序

六

心以從事。而湖濱息鯨鯢之浪。中澤免鴻雁之哀。曰。明日。斷曰。清曰。惠雖古之號稱循吏者。何以加焉。如是而後。不辜我邑人。喁喁請命。長吏之意也。余故無他言。而卒以箴言告于侯。客乃唯唯而退。因書此以贈侯之行。且計侯之必有聽也。

送令文此當第一一篇一氣一氣則千萬語如一

句矣得古文之深如此

陳百史先生詩

送同鄉諸學博還南序

上御極之五年夏四月。詔策天下明經。吾浙之貢于廷者四十有八人。內拔貢生一十八人。爲司文者。所拔士之尤者。魁傑少年。好古力學。以文章意氣自豪者。榜放合有司格三人。其十五人。皆除廣文。去歸其里。將行。來就余別。各出自序文一首。請正。余受而讀之。不覺頻足起曰。有是哉。諸子而僅以司訓在也。然司訓而何以幸得諸子也。夫諸子亦知師道之尊乎。亦知師道之所以尊。惟能使學者爲有師乎。昔胡安定

金文通公集

卷之四

送同鄉學博還南序

七

教授湖州。東南之士莫不以仁義禮樂爲學。致禮部貢舉歲所得士。安定弟子十常居四五。其人賢愚皆循循雅飭。其言談舉止。遇之不問可知。爲先生弟子。其學者相語。稱先生不問可知。爲胡公也。以是學者有師首。稱安定。今諸子既居安定之位。而受若事矣。必當以安定之教授湖州者爲學者師。使禮樂仁義蔚然而興。而文體之返雅。還醇。人心之反邪。歸正。世道之撥亂爲治。胥諸子爲師之責也。師道不綦尊哉。若夫及今歲大比。奪桂榜。魁南宮。取巍科。高第如拾。

芥此諸子章句事耳。不足爲諸子賀也。十五子爲誰。虎林則江子玉。畏何子。又彬。黃子。開叔。葉子。月升。茗上則沈子丹。頴孫子眉仙。朱子炎。馭吳子問。圓李子。又喁。嘉禾則郁子文翰。勞子雲。將周子采臣。支子惠侯。及我家劍耿。藍珂。一時壇幃相望。化雨繽紛。盡在吳山越水間。倘異日者。諸子之及門。猶得追邇所自。而相與語曰。憶疇昔里人金某。曾爲文以贈之。有云。魁傑少年好古。力學以文章。意氣自豪者。卽吾師也。則予有厚幸矣。諸子勉之。

金文通公集

卷之四

送同鄉學博還南序

子

予亦有文遜此簡變而賀

陳百史先生評

送張道先司訓浦江序

昔宋室舉士。有明于體用科。歐陽永叔嘗薦眉州布衣蘇洵。履行純固。性識明達。論議精于物理。而善識變權。文章不爲空言。而期于有用。余讀書至此。未嘗不輟卷嘆息。以體用兼備。如蘇公能知人。薦引如歐陽氏。而卒不獲竟其大用。則亦其命爲之也。非學之咎也。海虞張生道先。名煒。如者。性穎異。髫年餽于庠。操履純篤。鄙經生家言。爲鞞。慨然有志實用之學。讀書史。能詳古人行事本末。以推見其當否得失。每爲人說。如身履其間。使聽者曉然如目見。至兵刑錢穀。有裨民生國用之幾務。無不留心體究。洞悉端委。殆所謂論議精于物理。文章不爲空言者。道先庶幾其有焉。顧數奇卒。亦困頓諸生。今年以歲薦士貢于

金文通公集

卷之四

張道先司訓浦江序

圭

廷

除葵之浦江訓。或者曰。此經濟才也。不民社之司。而僅以之秉鐸教士。如明于體用之學。何。余曰。否。今天下之鮮吏治。由士人之矜鞶。悅而鮮實學也。使道先于淑人之餘。益進其所學。而理明氣充。將他日無事

不可辨安在無知人如歐陽氏者起而爲之薦引以竟其大用俾天下睹真儒實學之效爲眉州布衣所未能得之遭逢也道先往矣惟自信其學而益加懋勉焉可矣

每爲人說如身履其間以評此文庶幾近之

陳百史先生評

金文通公集

卷之四

張道先司訓浦江序

圭

送族子劔耿分訓東陽序

昔吾鄉有秉鐸者請益于陽明先生曰敢問教何以哉先生曰其學乎盡吾之所以學者而教行焉耳曰學何以哉先生曰其教乎盡吾之所以教者而學成焉耳若是乎教與學之還相長而未有窮也吾家劔耿子英少聰穎能嚮古力學不專舉學業梯榮進而毅然以文章之道爲已任方日夜孜孜焉黽勉于學豈暇爲人師耶乃一旦以譽髦之選貢于

廷朝射策夕司教矣行且擁皋比之東陽向余請益余

金文通公集

卷之四

送劔耿分訓東陽序

圭

曰吾何以益子哉子亦服膺陽明先生之言可已其曰盡吾之所以學者而教行焉則學有未至教不行也不期乎古聖賢之爲學學未至也其曰盡吾之所以教者而學成焉則教有未至學不成也不期乎古聖賢之所以教其弟子教未至也然則何爲古聖賢之學哉明倫而已矣子其務所以明之而于若臣父子夫婦長幼朋友之間能使無一念之或昧其理則學至矣而教有不行焉者乎然則何爲古聖賢之所教其子弟哉尊經而已矣子其務所以尊之而于

易書詩春秋禮樂之義能使無一人之不崇其本則教至矣而學有不成焉者乎教行學成則子卽不端舉業而舉業莫大于是矣不梯榮進而榮進亦莫過于是矣區區文章之道足以竟子之任哉子行矣其慎無忘陽明先生之言而并爲我諗之汝弟藍珂使之往訓壽昌亦猶是焉庶幾陽明教學一脉克紹于我家其爲余之光藉何如也

說得如此鄭重其法更變

陳百史先生評

金文通公集

卷之四

送制耿分訓東陽序

五

送朱炎馭司訓新昌序

吳興望族蓮莊朱氏爲最有中翰朱襟海先生者博學篤行粹乎有道君子也與先子爲金石交余少時嘗從先子侍側襟海先生輒以猶子視余因邀余館穀偕其嗣自超季直千里三君者讀書山樓雪案螢窓勗勉倍至余與三君意氣相得猶之先子與襟海先生也未幾余僥倖第而自超以高才鬱其所蓄不得奮見于時竟齎志以沒季直千里皆茂才高等亦復鍛羽余因疑仁者有後之說所謂不發于身必于其子孫豈虛語耶而博學篤行如襟海先生者既抑其大用又屯其後嗣耶天之難謀抑至此耶今戊子歲吳興有貢于廷者爲朱子炎馭名奕軒其制舉藝足以芥拾科第而又能爲古文斷有卓然大家之風竊與吾友百史彥升嗤嗤異之此誰氏子乎詢之乃知爲季直子卽襟海先生之孫也余是以嘆仁者有後非虛語也孰謂博學篤行粹乎有道者而竟無後嗣以大其家聲也顧炎馭方少年其功名之遠大毋論而將來益肆力

金文通公集

卷之四

送朱炎馭司訓新昌序

五

于文章其所至又寧可量哉茲以司訓新昌往故爲之述其祖父世誼以見能爲人師者亦必有所自而又以見先子之交友爲能得人如此試以質之季直千里兩君余言妄乎否也

尚須多爲辭說否前則永叔後則震川矣

先生評

陳百史

金文通公集

卷之四

送朱炎取司訓新昌序

三

送陳心簡南歸序

余同官陳百史先生長子心簡偕余兒世漢並徵入侍異數奉

詔來京繼而有出佐州郡之命韎韐負劒趨走

天子之廷者將一旦側身懾息于州郡長吏之前或者疑之曰如異數何余曰此乃所以爲

朝廷之異數也蓋不欲卿大夫子弟鮮衣怒馬執袴相

矜耗其精力於衣服飲食間而令之親近小民曉習吏務庶幾與制科選舉並收得人之實用也又恐驟

金文通公集

卷之四

送陳心簡南歸序

三

然握符綰綬而臨于民上簿書錢穀之執掌未嘗肯綮一試輒蹶不若姑令之貳于長吏某也得可爲法某也失可爲戒庶幾奮發砥礪他日者必有良二千石與賢刺史出于其間也又恐年幼子弟以不學未成之才而槩令服官鮮不冥冥從事非國家愛養人材至意于是年不滿二旬者姑緩除授俾得承父兄之訓資師友之功充其學問而後試以吏治庶免不學無術之譏也嗚呼此非

朝廷之異數而何哉心簡與余兒皆在緩除之列願余

兒質魯未學。余又弗能教。惴惴焉流光易逝。有辜異數。而心簡性穎異。開卷海納。百史先生肆力於文章。政事之學。所以教子者。又有其傳。我知其必能讀父書以答。

君恩也。今心簡以將母南歸。故于其行也。告以朝廷之異數。乃若此。而又非獨爲心簡告也。

長者一言勝橐金十倍。且世世寶之。永以爲訓。

百史先生評

金文通公集

卷之四

送陳心簡南歸序

天

贈太學張生三省序

今日之爲制舉執者。浮靡佻詭。不可方物。求其一遵格律。近于先正者。鮮矣。進而求之古文詞。知所宗嚮。不惑時趨者。什不得一焉。又進而求之考亭南軒陽明龍溪明理究性之學。能窺其藩籬。望其津涯者。千百不得一焉。豈世無師法歟。抑學徒之狃于習俗。溺而忘返。卽有其人焉。作則于上。而莫之應。歟。以余觀于太學張生。殆卓然特立之士也。其爲舉子業。則痛剗惡習。有先正遺意。其爲古文詞。所嚮慕而效法者。金文通公集。卷之四。生序。天。韓歐大家。古今文兼得所宗。可謂難矣。而尤篤志學聖賢之道。會司成胡孝緒先生。倡導理學。一時學者有師。獨張生聽受之餘。論議娓娓。多所發明。輒令先生解頤。嗟乎。有學人若此。又奚患師法之不尊。且信而有其作之。莫或應哉。然則張生將不獨以文名世。僅博科第爲榮。而能嗜聖賢之學。日進不怠。其正未可量也。已。張生名三省。永郡長水人也。以吾鄉而有此卓然特立之士。且于余有一日之長。故喜而爲之贈。因以勉之。

此今日韓子也能有任能予人地步

陳百史先生評

金文通公集

卷之四

贈太學張生序

三

贈處士沈元子序

明初有豫章鄭士亨者。能爲文。劉誠意與爲忘年交。有東游集行于世。而誠意序之曰。近世之爲文。非達官貴人。及善諛。不諧于時。士亨不能諛。又不仕。故不敢以文示人。而自以爲賢于博奕書而藏之。或獲傳于後世。則亦可以懲創感發。不爲無益。而不悖乎古聖賢之意。雖不望其必傳。而亦未嘗不欲其傳也。余讀其言。不覺輟卷歎息。有是哉。士之能爲文者。不仕又不善諛。則諧時之難也。然文之能爲可傳者。又豈

金文通公集

卷之四

贈處士沈元子序

三

以其不仕不善諛而遂莫之或傳也耶。吾友沈元子。骯髒歷落。不事家人生產。自少喜讀書。博學彊記。凡經史子集百家之說。無不記覽通達。而尤喜言史事。每舉一代。必能詳其君臣行事得失。以推見當時治亂興衰之由。每指一人。必能究論其生平本末。如身接目睹。大節瑣行。罔有毫髮遺漏。所謂終歲讀史。不如一日聞公論者。元子有焉。至其爲文。則能嚮慕史漢韓歐。卓然不詭。其爲詩詞。儼追作者之林。嗚呼。元子抱所學以遍歷吳楚越閩燕趙齊魯之墟者三十

餘年故聞見日益廣著作日益進每酒酣慷慨仰天
摩腹恨不爲達官貴人又恨不能善諛逢時而其意
雖不望其所著必傳實未嘗不欲其傳竊與古人同
之也然世之知元子而好其所爲詩文者不獨余一
人則雖欲不傳而不可得已今元子又將自燕南還
因序以送之且勗其自爲可傳者

於贊述斟酌於援引切近於感慨蘊深古文得此

起敵扶衰矣

陳百史先生評

金文通公集

卷之四

贈處士沈元子序

三

贈星士吳碩甫序

命之爲言余初不之信也讀易之乾知進而不知退
知存而不知亡知得而不知喪而惕然於悔之集也
因恍然於命之說也夫進退存亡得喪之生于時者
未始不根于命惟不知命故違時違時而悔吝憂虞
動與之偕命何可以不知哉獨術士家之言命也勸
人進不勸人退舉人存不惕人亡動人得不戒人喪
談命者愈妄命之理愈隱百求一中焉無有也有告
余者曰若之吳碩甫其言命也根於易與術士不同
余進而與談則深得乎進退存亡得喪之旨而果非
術者言也士大夫之讀易者知必有當於碩甫

金文通公集

卷之四

贈星士吳碩甫序

三

贈名醫張君慎初序

嘗讀沈亞之表醫者郭常。卻估所酬錢五十萬。曰。販賈之人。細度而狹見。終日計量于毫銖之間。所入不能補其望。今暴奪之息財五十萬。則必追悵鬱惋。寧能離其心。且病新去。而六腑方憊。復有悵然之氣。自內而伐。卽不可救。奈何。彼方有疾時。知我能治。而告我。我幸免之。因利其財。又使其死。余不覺廢卷而嘆。世有醫而存心。若此。真足表也。夫醫者。卽能察病之脉理。而不能審人之性情。卽能審人之性情。而君功。取償之念。未免橫據于中。以是求藥。到卽已。病病已。不復作詎。可得哉。深陽張君慎初。醫震江南。余友陳百史。丁亥夏。忽病嘔。致失聲。長安諸醫莫能治。特邀張君來京。曰。勿憂。病可去也。尋果愈。張君之名。遂益噪都市。余有兒患脾症。寒熱交作。病勢頗亟。他醫以爲傷寒也。非旦夕可療。趣張君診之。云。脾胃勞倦。絕無外感。兩劑當愈。卽不須藥。一如其言。余謂調理之劑。或不可少。張君哂曰。藥以治病。中病卽止。若病已。而又滋以草木之味。無論剛柔補洩。未有不反傷。

金文通公集

卷之四

贈名醫張君慎初序

書

元氣者也。余驚問百史。張君術何以至此。百史曰。是非可倖而致也。其祖望溪公。素冠岐黃。爲金沙王宇泰先生所器重。父景溪公。繼其業。又與名醫繆慕臺交往契善。伯仲一時。至慎初。克紹家傳。而生平存心。又以輕財濟人。爲務。如郭常之卻估。客酬金者。不可枚舉。術烏得而不至此也。余嘆服不已。因爲之序而表之。且以見輕利者之能濟世。而垂名。匪特醫爲然也。

序張君而一時交情俱見。步步追合古人。

陳百史先生評

金文通公集

卷之四

贈名醫張君慎初序

書

贈圓通寺寓僧竹慙序

黃魯直云士大夫惟俗不可醫。余謂人不論貴賤窮通均之不可以俗也。然盡天下之人而貌之皆猶是髮聳而眉低目縱而鼻橫俗不俗亦幾淆然而莫辨則于清氣之存不存焉辨之也。乾坤有清氣散之而爲江山雲樹否則天地亦塊然而頑者矣。人心有清氣發之而爲圖書吟嘯否則人亦禽息獸視與木偶等矣。余病起無聊思得一不俗之人而與之談客有言于予者曰潯水之圓通菴有一寓僧非禪非教亦金文通公集贈圓通寺僧竹慙序卷之四三酒亦肉而口吟筆繪終日啞啞慙慙潦倒墨汁間是殆有異焉者也。余亟邀之至未交一語而清氣映人眉宇間見余案頭有紙數幅謂余曰汝能醉我我當爲汝染此紙趣呼酒來便伸紙仰天大笑右手執筆左手持巨觥口喃喃不知其所言目睛輪轉不知其所視須臾酒盡腕發潑墨如風雨走筆如千軍萬馬左衝右突而山水花鳥竹木雲物之類靡不一各臻其妙如文與可之竹皆有成竹于胸中異哉技乃至此乎而尤善書書不摹晉而手骨儼然而尤善詩

詩不襲唐而聲氣適然古來能畫者不必能書能書者不必能詩得其一而精之已足以噴薄清氣浣盡俗隨而況乎兼之者也。此不惟可以療頭陀之俗兼可以瘳士大夫之俗者也。雖然余嘗察其酒闌停筆後痛罵近日打人之禪與課誦之教而時以片語逗禪教合一之旨微乎微乎殆未可以能畫能書能詩遽窺其涯畧者乎。余樂與之遊而不倦因爲之識其梗概如此僧號竹慙或曰卽松陵人氏也。

金文通公集

卷之四

贈圓通寺僧竹慙序

三

金文通公集卷之五目錄

吳江金之俊豈凡著

賀大宗伯胡菊翁先生晉秩并介壽序

壽王貴真先生七袞序

祝方伯陸中台暨夫人王氏七袞雙壽序

壽大司寇少傅瀛洲劉公序

祝介存趙公暨配顧孺人六袞雙壽序

金文通公集

卷之五

目錄

一

壽柯太翁楚衡先生六袞序

壽姜封翁紫環先生六袞序

壽少司馬李梅公先生七袞序

賀大中丞心康韓公祖榮壽序

祝壽民佟公祖五袞誕序

祝介存趙公七袞壽序

壽李母宋太夫人七袞有八序

祝李母戴太夫人八袞序

壽胡母張太夫人六袞序

壽張母馮太夫人七袞有七序

金文通公集

卷之五

目錄

二

金文通公集卷之五

吳江金之俊豈凡著

賀大宗伯胡菊翁先生晉秩并介壽序

古者賢公卿所爲享大名顯當代而聲施後世流聞無窮者非徒以其秩位之崇隆也必有涵泳古今發舒川嶽之才以彰其靈異必有收攬英雋楷模後學之識以尊其師說必有純孝懿節常變弗渝之操以

金文通公集

卷之五

賀胡菊翁晉秩序

一

敦其根本必有制禮作樂坊民易俗之業以輔教乎治平而恢張其作用又必有致虛守靜歸根復命之學以洞燭夫吉凶憂患之數而超然自得于進退存亡之外合是數者以求其人殆不數數見也茲于吾菊翁先生見之矣先生產西蜀隴骨峻峻峨眉雲棧之巖崎也靈襟灑灑瞿塘灩澦之蕩滌也文心磊砢而多姿司馬三蘇氏之雄偉奇宕也嘗讀其譯穀籟甄奧賦舉全蜀之山川人物爲之盡開生面長楊上林未足多也先生其一代之文人乎先生起家翰苑

宗匠海內往者一較南宮一典浙閩至今借才異代中外林立

龍飛酉戌間遷學士爲三館師典型屹然先生其一代之師模乎戊子冬聞太夫人變傷心亂離倍篤孺慕奉

溫詔宅憂京邸如生如存爲定爲省晨夕靡有寧居先生其一代之純孝乎辛卯三月起佐典禮是時皇上復辟之初邦禮繁重得先生悉襄厥成今春知貢舉甫撤棘卽有大宗伯之命蓋

金文通公集

卷之五

賀胡菊翁晉秩序

二

聖天子銳意禮樂之興不待百年行將辨等威易章服以定民志而一海宇非夙夜寅清之先生不可先生其一代之秩宗乎余又嘗讀先生原易夢易二編發前人未發之秘直欲起義聖而晤對討論于一晝未剖混乎太極之始宜其歷吉凶而恒凜蒙憂患而不惕也先生其一代之至人乎古者享大名顯當代之賢公卿炳美史冊者其何以加焉抑吾又聞之先生嘗泊舟巫峽遇異人授素書其秘雖不盡宣然先生年及耳順紫氣皓彩勃溢方瞳眉宇間當必有進于

保合太和。各正性命之旨。豈止從棗花桃核得赤松黃石之符已哉。今孟夏二日。爲先生初度。又適屆新曆。

簡命之期。凡蜀之士大夫仕于朝者。謀所以祝之。而徵言于余。余何能文。其亦以仰止佩服之私。聊叙先生之概。而因以見先生之所爲可祝者。蓋非一端也。

方是胡先生文字入壽一則。不借外來語。尤爲合拍。
原百史先生評

金文通公集

卷之五

賀胡菊翁
晉秩序

三

壽王貴真先生七袞序

歲壬辰王正二十有九日。爲大金吾文孫王公太翁貴真先生七袞懸弧之辰。維時繞膝稱觴者。女甥而外。子若孫以暨孫之子。凡九人焉。或秩晉官階。或職司專閫。或發軔于李官。或蜚聲于辟雍。簪紱之盛。天倫之樂。爲一時中外所艷稱。于是朝列諸大夫爭執爵介壽。而徵言于余。以余與先生之長。若大金吾同朝八載。相得其歡。習知先生之德厚流光。有爲之後者矣。又以余與先生之尊人大家宰射翁先後起家。

金文通公集

卷之五

壽王貴真
七袞序

四

中翰猶及觀其立朝丰采。山卿貳海陟公孤。道德事業炳赫前代。習知先生之家世淵源。有爲之先者矣。夫有爲之先者。則先生之獲佑于天。不自其身始也。而況及其身乎。夫有爲之後者。則先生之集福于世。又不自其身止也。而況當其身乎。余請得而申言之。先生少讀父書。能文章。藉藉縉序間。凡入入棘闈。弗得志于有司。會太宰公以勛秩並懋。得文武廢先生長應讓。讓不就。以明經訓廬江之合肥。敦崇教化。造就人才。至今淝岸稱有師。首先先生焉。尋擢雲中廣靈。

令所以治民者一如其莖士不媿古循良吏因念太宰公春秋高遂乞終養繼以讀禮故哀毀逾節竟失明入

清朝以覃恩晉封如子官目忽重明人咸謂先生純孝之報云然則太宰公之豐功偉伐當年食報未盡者既留餘以遺之先生大金吾之克振箕裘今日履綏方茂者又輻輳以致之先生而先生以一生苦志績學僅奮跡明經終其身爲賢邑宰而止辭延世之榮膺追孺慕之高風是先生之取諸天者嗇矣宜如

金文通公集

卷之五

壽王貴真七襄序

五

何以豐其報先生之積諸躬者備矣宜如何以彰其應則三多九如之頌未足爲先生侈也亦曰觀于其爲之先者爲之後者併先生所以居先後之間者而先生之遐算未有卜已諸大夫皆曰善遂以是爲先生觴

淝庠稱有師及不愧循吏贊歎王公只數語耳若俗手便衍作數十行矣此文章簡妙處王司馬號雄于文者四部稿中作徐太僕序云內有真際外無真境張肖甫云境有所未至調有所未安史漢

之文恐無此等句法讀此文詳畧而不以爲史漢之文必不知文者也

陳百史先生評

金文通公集

卷之五

壽王貴真七襄序

六

祝方伯陸中台暨夫人王氏七袞雙壽序

順治十有二年歲乙未中冬長至日余年家子陸紫電青邱伯仲兩孝廉爲其尊人中台方伯公暨夫人王氏俱于明年丙申歲登七袞雙壽預徵余一言爲祝蓋謂余與公生同里仕同籍齒又肩隨凡四十年間相與踐歷中外飽升沉閱滄桑而歸然獨存者通節止我兩人習之久則知之真知之真則祝之爲詞也必實而不誣此兩孝廉屬余之意甚勤懇哉余雖不工華封言其何能辭憶公起家水部郎以至累官

金文通公集

卷之五

祝陸方伯雙壽序

七

大方伯其存心制行及施于有政則公之所以致祝于人者蓋非一日矣請得而頌其實可乎公初任權荆關時楚雖全盛會奢酋叛蜀商旅之出蜀者頗嬰艱阻公一以寬簡恤之而荆商祝迨尚書郎秩滿出守福州廉平著聲而福民祝尋以太守卓異參藩兩浙惠澤淪濡猶之守福而浙民祝繼乘藩臬于蜀豫晉趙所至見德所去見思爭爲畫象立祠而蜀豫晉趙之民若民無不祝時嚴疆亟需樞督群推轂公公獨念兩尊人春秋高堅請終養遂棄軒冕若敝屣白

是跼伏田間婆娑澗谷日與麗眉父老鳩筇倚徙未

嘗一厠跡公門其有族屬三黨力不能婚嫁肄塾者公悉緩急之無稍吝而宗族戚里之人無不祝故曰公之所以致祝于人者洵非一日也宜乎景福駢臻休嘉萃集有夫人焉齊眉黃髮冀缺梁鴻未方其匹有子若孫焉聯芳接武五桂三槐罕儔其儔孫又有子焉如蘭之抽如玉之茁而繩繩乎未艾每至鷄鳴問寢環榻相向縈然莫辯誰何猗歟盛哉華封之言公備有其事矣余更進何辭以爲祝哉雖然余嘗讀

金文通公集

卷之五

祝陸方伯雙壽序

八

陶靖節詩而乃知所以祝公矣靖節有詩曰嘯傲東軒下聊復得此生善夫此生之得顧在嘯傲東軒下也今夫人盡有生或相馳相逐于利祿名譽之場而勞其心焦其思或相傾相軋于戈矛劍戟之內而櫻其寧滑其和肺腸不爲已有耳目盡爲人役則此生之失而不能得也比比是矣公自抽簪解組以來嘯傲東軒將踰二紀方且視天地如芻狗萬物如蜩翼世事如傀儡求所爲勞其心焦其思者無有也櫻其寧滑其和者無有也惟以清泉白石好鳥時花爲娛

視悅聽之具。墳典丘索。子史百家。旁及竺氏書。爲怡情養性之資。彼五賊七繫。爲吾生之蠹者。公悉有以杜之。公真可謂得此生矣。昔彭商得之而歷算八百。子房得之而友赤松。四皓得之而採芝商山。鄴侯得之而白衣帝側。凡皆以得此生也。以此祝公。庶幾其實而不誣。有以答兩孝廉殷勤勸余之意乎。余羈跡燕邸。弗獲偕同里如朋。躋公之堂。親捧雙爵。以進敬。南向拜手而高吟靖節之詩云。

金文通公集

卷之五

祝陸方伯
雙壽序

九

壽大司寇少傅瀛洲劉公序

今上十有三年丙申七月二十九日。爲大司寇少傅瀛洲劉公六袞有三懸弧之辰。公屬下諸君謀所以祝公者。而徵言于余。謂余與公同朝最久。且公貳司空時。嘗與余同官。習公爲最深。庶幾其言之或有當也。余又何敢以不文辭。顧余無暇繁稱公之生平。效世人歌詩介祉。綴諛詞以進。竊就公今日之爲司寇。有合于魯論仁壽之說者。敬陳一二質言。爲公致祝可乎。我

金文通公集

卷之五

壽大司寇
劉公傳

十

皇上堯仁如天。惟刑之恤。念人命至重。死者不可復生。斷者不可復屬。非得廉明公正。謹厚寬平之君子。無以除酷吏刻深之習。而消陰陽沴戾之災。遍察廷臣。中惟公克勝厥任。乃公自膺

簡命來日以

聖主好生之心。爲心每慮一囚反覆。服念務于詳微。遇有寬抑。則亟起而奮筆理之。如拯溺救焚之不遑再計。萬一情窮于法。開釋無路。則爲之展案咨嗟。觀其容。嘗累日愁慘不舒。以故公所全活者甚衆。人多莫

之知而所屬諸司亦皆以公仰體

聖主好生之心爲心故一時司寇之堂多良平稱職獄少冤濫爲中外所艷稱云昔定國父于公閭門壞父老共治之于公曰少高大門閭令容駟馬高蓋車我治獄多陰德子孫必有興者又歐陽永叔之父崇公嘗夜燭治官書屢廢而歎母問之則曰此重獄也求其生不得耳求其生而不得則因與我皆無恨也母告永叔曰其心厚于仁者吾知汝父之必將有後也嗚呼公治獄多陰德有類于公心厚于仁有類歐陽

金文通公集

卷之五

壽大司寇劉公序

十一

崇公是以天道福善今古不爽公中年尚艱嗣迨年近六旬連舉丈夫子三皆生而岐嶷穎異不凡所謂子孫必興仁者有後直券而取之耳他日卿相接踵朱紫盈庭公泰然食于歐二公之報由耆而耄由耄而耄而期頤而大齊固其所矣又何必覓三芝問五石進洪厓安期羨門之徒而與之役金童驅姮女希養生家之大還久視哉故曰公之爲司寇也有合于魯論仁壽之說壽其國迓無疆之祚也壽其民遊化日之長也皆仁者所以自壽也請以是祝公可乎諸

君曰可矣遂相與捧爵而前

金文通公集

卷之五

壽大司寇劉公序

十二

祝介存趙公暨配顧孺人六袞雙壽序

順治丙申嘉平月。爲吾邑前行取惠安令介存趙公。暨配孺人顧氏。六袞雙壽。其仲子中翰君元康諱申。所者。何余請曰。吾父吾母。皆欣逢初度之辰。所以書生新繫職守。日珥筆從木天。諸公後。躑躅瀛洲亭畔。弗獲馳歸里門。偕吾兄弟子姪。拜舞一堂。捧二人觴。竊念吾王大父而下。與先生世好。勿替願惠之一言。郵而致之。以道吾不遑將父將母之愆。余曰。微君請。余固不能已于言也。度君家之戚里族黨。誇耀其詞。

金文通公集

卷之五

祝介存趙公雙壽序

三

章效華封人三祝以進者。夫且塞耳炫目。更何俟余言。余第言公與孺人之所以宜壽者。政未可量而已。憶余垂髫時。卽獲交于太翁伯。雖先生文章知己。相得歡甚。繼余入仕。版始與公交。因而知公最悉。當丙辰閏難突發。太翁忍冤不自伸。公時方弱冠。有傑士名。徒跣入京。百計護之以歸。嗣太翁授經西湖。及門之盛。逾于安定。已而師說彌尊且廣。又布席燕晉。魯衛宋趙。問凡太翁所之。公皆從焉。蓋遊學其名而侍省其實也。丁卯公奏賢書。未幾太翁又以名盛被誣。

幾罹不測。時倣衛羅卒甚嚴。卽長安一二知交。莫敢接手。公日夜號泣都市。見者聞者。靡不流涕。乃所司阿權要意。將深文羅織。公曰。我丈夫也。獨不能爲緹縈女子乎。于是灑血伏奏。惻然動上心。事乃得解。太翁不幸而負此奇冤。又何大幸而賴有此令子也。丁丑公成進士。適值太翁花甲初週。錦歸侑觴。剝極而復。一時艷爲盛事云。公初仕令長沙。遭太翁艱。再任補惠安。兩地俱以最報。天官考績。贈太翁如公官。甫啓事爲行取。冠會鼎革中。廢時南中。屢勤徵召。公堅臥不應。夫松栢之歷千百歲。而不與萬卉俱剝落者。以其飽霜雪。謝華郁。根莖枝葉皆含苦味。故植本貞固。卒享大年。今公之篤摯于天性。而歷盡艱辛。絕意于仕宦。而遺榮若浼。不啻飽霜雪。謝華郁。而植本貞固之松栢也。此公之所以宜壽者。政未可量也。公配孺人顧氏。出自我吳望族。閭德醇備。大家之慧歟。孟光之順歟。鄧曼之能。而孟母之嚴歟。敬姜之勤約。而叔敖母之仁慈歟。無不該而有之。當公周旋太翁于患難之時。四方奔馳。不遑內顧。孺人事姑。願事祖姑。

金文通公集

卷之五

祝介存趙公雙壽序

古

皇市盡志盡物咸得歡心以至居妯娌待姬媵課兒女御內外臧獲嗃嗃雍雍整若朝典真所謂婦道而兼子道母道而兼父道者哉近且虔事薄伽棲神極樂置家事不復問然則孺人之茹苦遺榮而植本貞固亦猶之乎公也此孺人之所以宜壽者政未可量也而況子若孫繩繩兮振振兮或綰綬承明之廷或蜚聲藝林之圃科名克紹前武勛業聿彰後昆則子若孫所以致公與孺人之宜壽者又豈有量也余之所爲祝者如此不敢有溢詞于其間請元康函此以

金文通公集

卷之五

壽介存趙
公雙壽序

七

質之兩尊人其必燦然色喜而爲之連舉雙爵乎

壽柯太翁楚衡先生六表序

順治十有三年歲次丙申嘉平朔爲給諫柯君太翁楚衡公懸弧之辰適當甲子一週孫蘭繞膝琴瑟齊眉鄉邦榮之比給諫君荷

聖明臨軒親擢昇以獻納重寄方任天下之責議天下之事將日立

殿陛之前與

天子衡是非與九卿百執事爭當否得失弗獲暫請休沐馳歸捧觴不禁雲樹依依一時同里姻友官長安

金文通公集

卷之五

壽柯太翁
六表序

八

者皆以給諫君遙祝太翁之心爲心謀介詞以致之而謬屬於余余與太翁夙附梓戚凡太翁立身制行宦遊里居卓然爲物望所歸者得之見聞頗真誼何能辭請先言太翁之所以自爲壽者徵其理之不爽如日方升政未可量而後言給諫君之所以爲太翁壽者非復世俗之壽其親可比也太翁弱冠登賢書屢躋公車爲孝廉十有六載閭戶讀書足跡不接官府惟爲善於鄉如恐不及粥饑者衣凍者療病者櫟幣者扶良獎善排難解紛鄭公之號可以稱鄉彥方

之名。至於化盜。則太翁天性仁厚。不受人損。其所以自爲壽者一也。成進士。觀政京邸。聞其尊人微恙。輒潛然曰。功名本爲榮親。親有疾。忍弗顧乎。遽策蹇歸。周旋牀下。奉侍藥餌。溽暑中蚊蚋攢肌。目不交睫。未嘗刻懈。於是通國以純孝稱。無間於其戚里族黨。則太翁克全百行之首。宜享天佑。其所以自爲壽者二也。司李建寧。務寬大廉靜。與民休息。不以威稜鋏急。博風力名。獄獄遇有矜疑。必宛轉求生。或伏其辜。必歛歔累日。于公之陰德不疑之平反。張廷尉之不寬。

金文通公集

卷之五

壽柯太翁
六奏序

七

太翁皆有焉。攝郡邑符。所在見德。所去見思。臺使者交章推轂。行取第一。歸之日。清風兩袖。圖書數卷。建寧父老。遮道攀轅。爭爲畫像立祀。至今尸祝不衰。此太翁之福澤及民。其所以自爲壽者三也。會寇亂絕。意仕進。躬耕著書。吟咏竟日。一切榮祿。寵利馳騫。紛擾劇情。斧性之具。廓然無有。及給諫君成已丑進士。除東令。太翁欣然曰。親民之官。行善種德。爲最便。貽書諄囑。潔已愛民。而外語不及他。給諫君佩服義方。遂爲循吏冠。叨

賜衣異數。特簡今官。則太翁之提躬訓子。一軌於道德仁義。其所以自爲壽者四也。歲辛卯大祲。邑之同善鄉先生。經畫賑濟。不遺餘力。全活饑民無算。舉青州遺法。義田良規。一一仿而行之。則太翁既已積厚流光。乃流愈光。而積之彌厚。其所以自爲壽者五也。若夫給諫君之所以壽其親者。余更得而申言之。今天子圖治。若渴欲聞正議。而受謫言。以計安黎庶。卽古帝王懸輶止輦。蔑以加矣。給諫君抒忠殫赤。仰報聖明。持達之知行。且建一議。而造四海無疆之福。規一

金文通公集

卷之五

壽柯太翁
六奏序

八

事而貽朝廷萬世之利。於以凝嘏集祉於太翁。豈猶夫盛陳筐篚玉帛。虔修醴齊鼎牲。徒爲繁縟靡文。以介壽高堂。誇榮里閭已哉。故曰太翁之自爲壽者。理有不爽。政未可量。而給諫君之所以爲太翁壽。洵非世俗之壽其親者可得而比擬萬一也。長安諸縉紳先生。聞余言。唯唯曰。此以質言祝。非以諛言祝也。殆祝之善者也。敬南嚮拜首。而爲太翁與太母俞孺人遙進雙爵焉。

壽姜封翁紫環先生六袞序

順治十有五年歲在戊戌。王正朔日。爲吾浙會稽姜封翁紫環先生六袞懸弧之辰。其嗣給諫君定庵。方晨夕出入瑣闥。爲

聖天子獻可替否。弗獲暫請休沐。馳歸捧觴。乃預期徵

燕邸名公卿。廣詞致祝。而謬屬余爲之序。余何能文。雖然。誼不可以辭也。憶余初登仕版。備員薇省。時先

生太翁大宗伯公。方爲史官。恒望見丰采。與聞議論。

卓哉鄉國儀型。及余徙南禮曹。又與先生季父方伯

金文通公集

卷之五

壽姜封翁
六袞序

九

公同官甚善。故余雖未獲交于先生。竊耳熟宗伯公之有令子。方伯公之有小阮。而私心嚮往。非一日矣。余固稔知先生之爲人也。植根貞固。爲震風凌雨之所不能撼。敷餘華滋爲苦霧嚴霜之所不能摧。如青松茂栢。蔚然挺立于群木萬卉中。其將來之飽寒暑歷歲月而未可以限量。卜算者蓋有其自也。請得而申言之。先生幼而岐嶷。弱冠補博士弟子員。爲諸生祭酒。名稱藉甚一時。癸酉丙子兩闈。皆擬冠軍。會當事者以被嫌抑之。先生泊如也。退而績文著書。深造

益力。藝苑騷壇。首執牛耳。此先生以屢試屢蹶。老其

材。充其識。而非若春葩之艷一發無餘液者也。顧先

生所不得志于有司者。帖括小技耳。至于經世遠猷。

填胸塞臆。凡古今成敗得失之由。與夫關塞險阨之

勢。士馬強弱虛實之數。以及河渠兵農之利病窳會。

靡不燭照而數計。時明季春春多故。需才方殷。宗伯

公因勸之仕。曰。汝勿以負所學者負當世。先生于是

出而小就。補大中丞幕。旋以舉望擢起部郎。凡所營

建。世緒有方。中上旨書名屏間。旋遣視北河。適河涸

金文通公集

卷之五

壽姜封翁
六袞序

十

漕滯漕河重臣。咸束手靡措。先生了然有成竹于胸中。爲遡泉源。濟衛水以濟。輪輓無阻。衛河分司之設。自先生始。已卯庚辰間。齊豫大饑。道殣相望。先生特爲捐貲賑救。太君錢安人。復脫簪珥佐之。全活饑民無算。荒政之善。無異富鄭公之于青州也。自癸未讀禮歸。遂賦考槃。無復用世意矣。此先生以無所不能之用。小用輒效。而試其小用。卒藏其大用。瀾綸事業。卷而懷之一室。福澤顯榮。留以貽之後人。又非若秋實之盈。候至氣足而易歸隕落者也。乃先生則更有

其至焉。而賈乎不可及者。當宗伯公曳履承明。以逮
晉秩典禮。強半優游朝署。先生獨侍王母太夫人于
家。泔灑醢醢之奉。罔不勤恪其代。宗伯公將母而曲
盡爲孫之道者。若此。迨萱幃鶴馭。宗伯公高年離索。
未免傷情。而先生竭力承歡。盡志盡物。至于周旋患
難。須臾勿間。幾忘其爲滄桑之苦。先生之曲盡子道
者。若此。歲壬午。先生官張秋。是年冬。濟南失守。有叔
以潘幕殉。乃于他離中多方援。嬸氏出。又護其孽。
歸。副課讀如已子。今且崢嶸爲宗祀光矣。先生之篤
金文通公集 卷之五 壽姜封翁 六表序 三

君以循良異等膺

特簡著聲掖垣。先生之能教其子以有成。而克盡父道
者。又若此。是皆人所不可及。而先生之所以自爲壽
也。若夫給諫君之所以壽先生者。余更得而頌之前。
詰有云。公論國之元氣也。給諫君以光明俊偉之品。
翊平康正直之運。抒公論而培元氣。俾君德清明。庶

務修舉以保我子孫黎民。而君壽而民壽。而國與天
下俱蒙其壽。夫以壽君壽民。壽國與天下者。壽其親
則爲之親者。第遽遽然衍衍然逍遙于宛委若耶之
間。婆娑于紅茵翠幄之下。以詠化日而樂大年。又何
必餌黃獨。飯青精。餐沆瀣。服刀圭。吸日引月。熊經鳥
伸。羨彼洪崖安期。倅倅之流哉。余故曰。先生之爲人
也。植根貞固。敷華滋有。如青松茂栢之挺出于群
木萬卉中。其爲壽也。烏可以限量卜算。然則先生花
甲初周。與太君錢安人舉案齊慶。其猶嬰之未孩也。
夫。

金文通公集

卷之五

壽姜封翁 六表序

三

壽少司馬李梅公先生七袞序

今上龍飛之三年歲次甲辰仲冬十有四日爲豫章少司馬梅公李先生七袞攬揆之辰其兩嗣君文學維介孝廉維饒不遠數千里馳使致詞徵余言爲壽蓋謂余與先生皆以患難餘息委身

本朝共事歷有年所相得甚歡凡先生之立身本末居官梗槩所以凝庶襲慶享有純嘏者惟予習之最深知之最悉余又何能以不文辭也先生起家大行著望輶軒會丙寅丁卯間瑤嶽薰天之日抗節沮祠繼

金文通公集

卷之五

李梅公先生七袞序

五

而澄清流品聲震典銓其貞松勁柏耐寒暑而傲霜雪不與萬木群齊同其榮落之象固已想見一班矣更以余所得之朝夕周旋而益信先生之存心制行偉績高風有合于天地悠久之道者宜先生之膺壽無疆也請爲之申其說可乎憶甲申歲

本朝入主函夏時方經營草昧盡人得効勛義佐石畫先生由同卿歷奉常每發一議弘博長厚有裨開國規模一時三事大夫暨百執事爭心折之已而余承乏中樞先生亦游陟樞右凡所爲招攜懷貳仰宣

朝廷威德以收賓服遐荒之效者惟先生是賴蓋先生于山川險易敵情虛實人心向背之故靡不燭照而數計故羽書沓至余方注思而先生已脫于口余甫啓口而先生已遍于腕舉折衝遠畧濡毫立就俾余得拱手受成而幸逭官謗者皆先生之賜也此先生正色立朝之日不沾沾規目前而惟爲

國家計久遠其有合于天地悠久之道者宜壽一也逮宦海忽波卽夙夜飲水如先生幾不免顛躓者再卒之風回波靜水落石出于先生無毫末之損而反有

金文通公集

卷之五

李梅公先生七袞序

五

丘山之重自是抽簪解組嘯傲江山中外之屬望雖殷先生之肥遯愈堅矣惟以清泉白石好鳥時花爲娛悅視聽之具而耳目不爲人役也讀書賦詩訓子課孫爲怡養天和之資而肺腸盡爲已有也此先生高臥東山之日已曠觀天地如芻狗萬物如蜩翼世事如傀儡求所爲櫻寧斧性者毫無有焉其有合于天地悠久之道者又宜壽一也至于先生賦性孝友宅衷仁厚春風與物秋氣禔躬爲善惟日不足德人惟恐人知此皆天地悠久之道綿亘于先生之舉心

勅念問其爲壽考無疆又非止一端而已也若夫仁人有後兩嗣君聯芳接武克紹勲名以爲先生添籌無算者余又何能測其限量哉請以是捧觴而進

金文通公集

卷之五

李梅公先生七系序

五

賀大中丞心康韓公祖榮壽序

大中丞韓公撫吾吳之八載賦役寬平訟獄簡息于時東海無波梯航日至軍旅鮮征調之驛騷萑蒲無伏莽之嘯聚地方享綏靖之福

朝廷紆南顧之憂皆我公之賜也惟公秉鉞樹旄專制一方不恃高巍之勢不行赫濯之令有大事則與地方有司及郡邑紳士父老再三籌度必無貽後憂無擾百姓乃可有重賦重役則酌年歲之豐凶與民生之勞逸量其緩急審其先後無後公輸無竭民膏乃金文通公集卷之五賀韓公祖榮壽序五

可傳日以厥庶民暨厥臣達大家以厥臣達王無胥戕無胥虐引養引恬又曰不競不休不剛不柔敷政優優又曰不侮鰥寡不畏強禦其公撫吳之謂矣朕則我公治效之在吳者非微一時道路之譽非侈旦夕粉飾之觀而實心實政皆瀝血抒誠爲小民養康樂之神俾遊化日之長爲

宗社培悠久之脉用迓無疆之脉謂宜晉階久任如往昔周文襄故事庶幾壽國壽民爲世道人心一大愉快乎不意公且將一旦去吳也我儕百萬吳僮如赤

子脫慈母之懷。不勝纏綿涕戀。正莫解其尸祝無已之忱。而適屆公嵩誕之期。其能無一言介觴以進乎。雖狀余不敢賦南山之章。侈北斗之咏。以華祝浮詞。涸竇清聽也。止述公治績之彰彰在吳者。爲公觴焉。三吳財賦。實甲海內。卽以輸粟太倉言之。蘇松諸郡。轉漕數百萬。當楚浙豫章三省之半。又未免水旱爲災。而公爲之鼓其樂輸。清其耗贈。歲歲無後時。無缺額。三吳之風。習俗抗儼。驚驚宄詐之徒。逞刁滋訟。大爲良民誣賊。公爲之鋤其奸首。息其牽累。而俗賴以

金文通公集

卷之五

賀韓公祖
榮壽序

老

醇。先是海氛未靖。征調繁興。師旅往來。靡有寧止。而且湖寇伺隙。往往攘臂晝嘯。公爲之清其擾害。嚴其保甲。而居者行者。皆獲息肩。至于公勤勞政事。凡諸司文案。不啻海積山堆。皆詳加搜閱。每徹宵旦。無聲色之好。絕燕閒之娛。潔已愛民。矢心報國。凡若此者。皆公所以下養小民。康樂之神。而以壽民者。自壽其身上培。

宗社悠久之脉。而以壽國者。自壽其身也。狀則我公之壽。豈有艾哉。將來惕夢卜之知。登論思之堂。必且爲

聖天子終始惠顧東南根本重地而吳民之沾被福澤更未有窮也。請率我諸紳士爲公進爵無算。而因以介壽者。佐驪歌焉。

金文通公集

卷之五

賀韓公祖
榮壽序

天

祝壽民佟公祖五袞榮誕序

壽翁佟公之膺

簡命而來我吳也始于

今上龍飛之二載癸卯孟夏迄今歲在己酉以絳縣老人法推之凡三十有七甲子矣易曰久道化成于公益驗請得而申言之國家財賦強半輸自東南而三吳尤甲天下殷富之名所由來著也自罹兵燹後瘡痍乍起元氣未充小民終歲勤動應縣官之追呼而胥徒五伯更牟蠹其間且俗喜夸飾鮮園桃蟋蟀之

金文通公集

卷之五

祝佟公祖榮誕序

壬

風譬則統袴子弟內航曲蘖靡曼外驚踴躍博塞日朞月削貌雖腴而神實瘠所不立槁者則賴有國醫在劑參苓以進之爲之補其虛耗駐顏猶壯盛也若佟公真我吳國醫哉曩初下車卽廉飭郡國屬吏與爲更始大法小廉務以身先之出納之間清風滿座舉纖悉耗羨革除殆盡于是有司徵收亦罔敢處膏白潤民困賴以頓蘇此源清流潔休養民生滋培國脉之第一大補劑也吳澤國時苦淫潦海門虞山婁東練川等濱海之區歲常告祲公每捐俸入設法賑

貸不啻倚公爲歲客秋淮揚大水室廬漂蕩民盡爲魚啼饑號寒傷心慘目公偕撫公韓心翁乘一葉小艇衝寒冒雪出沒驚濤駭浪中巡行勞來本折兼輸計口給食所全活無算勿令民窮走險貽

朝廷

南顧憂其功爲何如哉江省征多逋賦催科之吏

中考成者項背相望公嘔心調劑民不擾而征輸應自是積逋一清歲每登額昔時所未有也公問民疾苦之餘輒留心學校觀郡邑學傾圯慨狀曰勿墻爲教化攸關人才所自出而乃聽其荆榛更茲土者獨

金文通公集

卷之五

祝佟公祖榮誕序

壬

何心乎遂捐橐鳩工凡殿廡講舍櫺星戟門咸煥狀鼎新釋菜鼓篋各得其所旣竣事復博稽先賢之著于鄉者爲之整其祠宇若忠介周公則特建祠以奉之蓋表揚忠義爲世道人心計至深遠已崇聖學明王道而外更究心鸞嶺柱下之言謂三教聖人其揆一也凡寨帷之所及于梵宇琳宮率皆捐貲整葺所在徒杠輿梁民無病涉者郵亭道路無烟荒蔓梗者兼施仁不報之地如掩骼埋胔等類未易更僕數又嘗鏤訂感應篇廣爲流布使斯人皆悚然遷善遠罪

以佐

聖天子明刑弼教之治。所謂中心安仁爲善。如不及無所爲而爲之者。殆于公見之。凡若此者。皆我國醫之潔已養民以壽其民。殫精裕國以壽其國。而因以民生之。又安國脉之強固者。自壽其身也。其壽寧有量哉。今歲乾月既望。屆公五袞大慶。庚星炳曜。奕奕薇垣。余不以三錫方來。九如沚至者。祝公之天賜純嘏。而直以公之蒞任至今。仁心仁政爲余所親炙。既聞者。祝公之自求多福。皆實言非諛言也。請以是介千

金文通公集

卷之五

祝公祖榮誕序

三

秋觴而進

祝介存趙公七袞壽序

康熙五年歲次丙午嘉平二十有七日。爲介存趙公七袞攬揆之辰。吾郡邑之縉紳戚友。徵余言爲壽。余雖年益邁。筆益枯。其何能以不文辭也。憶歲在順治十四年丙申。公方登六袞。時余待罪綸扉。公次君元康。亦相與耳筆共事。弗獲馳歸捧觴。屬余一言驛詞。祝余猶記詞無誇誕。不過紀公之事。親居官立身行已。生平梗概。有如松栢之飽雪霜。謝華郁根莖枝葉。皆含苦味。植本貞固。應享大年。云爾。迄今荏苒十年矣。余蒙恩

金文通公集

卷之五

介存趙公七袞壽序

三

予。息丘園。造與公比屋而居。又值公七袞大慶。余對流光之如駛。而竊喜公之纓鑠倍常。余亦差。幾乎我兩人者。皆勝十年以前也。能不奮然執筆。勿誇誕其詞。而以質言祝乎。公自絕意仕進。以。求。家人生產。不作兒孫馬牛。旗鼓詩壇主盟。奕。社。里。時時往來。託興其間。詩效淵明。有和陶。以。集。謂其喜貧相似。喜酒相似。嘯傲東軒。聊得。此。牛。似公之真率高邁性情。與諸非若世人之做。

陶集陶僅僅于聲口追琢間比擬肖似而已也至于
花晨月夕無不與余連袂銜杯問水尋山無不與余
扶筇縱履余謂老友中之至今少而韻者莫過于公
公亦謂老友中之不服老而差強人意者亦莫過于
余終日徜徉以逍遙共遊義皇之世宜乎公之愈少
而余亦未老也雖然公尤有不可及者蕭然一室中
不啻吸露餐霜而養高彌甘礪守彌貞余十年前所
稱根莖枝葉皆含苦味故植根堅固應享大年者依
然猶昨也公之爲壽更復可量哉而況子若孫之繩
繩振振益未有艾將來之躋華廡而奮扶搖所以發
榮松栢之勁幹者正如日方升又何必別綴繁詞拾
耳封餘唾以介景福于千秋也請公快讀余言而進
爵無算

文通公集

卷之五

介存趙公
七襄壽序

三

壽李母宋太夫人七
有八序
今上五年戊子秋七月七日 司馬五絃李公母夫

人七袞有八懸曉之辰公以中樞執掌未獲戲絲北
堂先期引言徵詞介壽其言曰我母宋氏本名族年
十六于歸會我大父之病劇也朝夕付湯藥衣不襦
帶者百餘日大父于彌留之際 嘖有孝婦之稱繼

無 及我大母也 滌滌危區等 必度二十餘年
又 及我先君子委衣哀毀逾節自茲長齋志戚
又 來如一日生平無疾言 色接宗親如 獲

金文通公集

卷之五

壽李母宋
太夫人序

三

一本以寬和仁恕余 其言起而嘆曰太夫人之克
嫺而 孝行著稱于閭內有如此乎太夫人之克
敦母 慈柔懿範洽聞于宗黨內外有如此乎是
卽魯 之詩所頌令妻壽母矣公之言足以爲

太夫人

侯余言哉雖然此太夫人之自爲壽

也而 外知 之所 以壽太夫人者乎公起家吳興

司 未嘗察察閭閻以市名譽公守介而

之不能衣且食葬且婚者悉有以

多平反所全活者不可數計迄今

吳興士民猶有望峴山而絢然而思者。不減昔年。公之仁之見思于襄陽也。此公之以陰德壽其太夫人者。余固聞且見之于其爲司李時也。而公累官至今其所行陰德尤有出于余見聞所不及者。不知其幾也。然則太夫人固自有以爲壽。而又有公之所以壽太夫人者。其算寧有艾哉。公又何必以萊衣千里。未能縮地。捧觴爲快快也哉。公旣以仁存心。則第仰泰岱而祝岡陵。顧東海而賀添壽可矣。甚矣惟仁者爲能壽其親也。余于公爲部氓。又前後同官也。知公頗深。故知公太夫人之壽無疆。謹拜手執爵爲之序。而因以告天下之欲壽其親者。

金文通公集

卷之五

壽李太夫人序

三

與胡夫人壽有同異皆屬有道質言可史可傳

百史先生評

祝李母戴太夫人八袞序

歲戊子長至日。太史李辰玉過予而請曰。吾大母戴氏春秋八十嘉平月之念有四日。爲設悅之辰。不肖叨列史館。未獲偕吾父及昆弟。稱觴堂下。願得先生一言。郵致之爲壽。余辭曰。余素不善誦。且崇岡茂陵。日升川至之語。溢于大夫庶士之口者。子足以壽大母矣。何取余言。太史君曰。不肖之有請于先生者。埒以諛言祝願。以質言祝也。余曰。若是則余何敢辭哉。昔史遷嘗自稱云。子于某善。故得聞云云。子于某之

金文通公集

卷之五

祝李母戴太夫人序

三

子某之孫善。又子嘗過某處。見長老某某云云。大約言必據實。則其人其事可傳。而其言亦因之以傳也。余請以質言爲太夫人酌而祝焉可乎。太夫人出吳江望族。余吳江人也。耳熟家世。余兒世濂。又與太史君有同譜。直得朝夕過從。甚友善。又金陵士大夫之在朝者。豔稱里中門第。必以李氏閨懿爲法。如出一口。余是以知太夫人者。頗悉而所以爲太夫人壽者。不敢以諛而以質也。太夫人于歸思雲公。其善相夫子克事舅姑。柔儀令則。無間于妯娌戚黨者。不具論。

憶思雲公捐館幾二十載太夫人秉家督內外肅然
有丈夫子二蜚聲庠序俱以博學篤行稱長卽太史
君封翁皆太夫人之教也孫男子五悉有能文名
太史君力學好古傑然負他日讀書宰相之望又
皆太夫人之教其子以及其孫也余因是而羨太夫
人之善白爲壽也夫令母之壽孰有大于訓子課孫
世爲文學顯人又有登石渠金馬之堂而梯榮顯于
未艾流令名于無窮使天下之人咸推其所有以歸
美于母德乎余因是而又羨太史君之善壽其大母
金文通公集 卷之五 祝李母戴 太夫人序 美

朝于珥筆承明之暇驛詞致祝悅封翁之心以轉悅太
夫人之心則凡爲孫之壽其大母者孰有過于太史
君乎且時方欣遇 配位覃恩太史君請

制詞壽其父若母以轉爲太夫人壽其光寵何如又奚
借親知誦言爲哉余顧不敢繪西池之圖述南山之
頌誇東海之咏侈北斗之杓以諛言祝而以太夫人
之能教其子若孫以有成之質言祝也言雖不文亦

庶幾史遷氏之據實云

教子若孫一案衍成機法前後援引序次皆本分
所應有無近時掇拾之病此等文望而知爲吾友
豈凡先生矣 陳百史先生評

金文通公集

卷之五

祝李母戴 太夫人序

美

壽胡母張太夫人六奏序

從來婦德之堪稱者。勤儉溫柔。孝敬慈仁。有其一焉。皆足以著則閭內。發祥後裔。而德之最大。爲學士大夫之所不可及。以艱貞之苦。基錫福之隆者。則莫如節。云。攷之詩人所載。于婦人女子之事。白毛蘋。湘藻。求柔采蘋。抱衾宜雁。雜佩蓄音。無不采而錄之。獨春秋所書。終始全節。不失婦道者。惟紀伯姬一人。何詩人采風如此。其寬而春秋立法。不輕許爲婦者。以節若斯其謹嚴歟。豈事在閭井民庶之間。蔑從赴告。故

金文通公集

卷之五

壽胡母張太夫人序

三

不得書。而諸侯公卿夫人。素範于禮。而習于訓。宜于節。鮮有弗全者。亦竟寥寥無足紀歟。抑節之難全也。自古爲然歟。求之今日。則惟胡母張太君有焉。太君爲予哀。胡太史大母。戊子嘉平月念日。太君開六袞。適予哀自楚典試歸。予哀尊人機石公。又晉秩京朝官。太君子若孫。懽聚一堂。舞班上壽。真一時盛事也。同朝諸縉紳。謀所以酌而祝之。而謬屬不文之余。余于予哀。有一日之長。頗悉太君生平。竊津津樂道其事。其何能以不文辭哉。夫人爭羨太君有子。仕于外。

爲廉吏。而以最聞內。惟此爲母者。所不能必得之于子也。有孫男子三人。皆顯名文學。而長卽太史君。行且彙征多士。對揚

休命。佇膺進賢上賞。此又爲大母者。所不能必得之于孫也。天下之爲母者。孰有快于太君乎。天下之爲大母者。亦孰有快于太君乎。可以酌而祝矣。金子曰。未也。夫人亦知太君自有子。以暨有孫。得致有今日者。孤幃隻影。茹幾辛酸。風雨難鳴。歷幾寒暑。蓋非一長一夕。于斯迄今。殆四十二年所耶。太君系出名族。

金文通公集

卷之五

壽胡母張太夫人序

四

夙嫻禮義。年十八于歸。奇峰公甫浹歲。遽稱未亡人。時僅有遺腹六月。懷刃衣帶。矢死靡他。倘遺腹之男。女未卜。則太君之自處。尚未料也。幸而舉機石公。太君始堅意保孤。冀延胡祀。會家計窘甚。零仳不支。太君日事紡績。爲教育資。卒使六月遺腹。卓然成立。而且蜚聲仕路。顯榮未艾。太君之得有子。若此者。難乎否也。機石公連舉丈夫子三大君。又以訓子之餘。課孫至脫簪珥。求師友。督之益力。予哀弱冠卽成進士。讀中秘書。餘亦聯翩奮起。太君之得有孫。若此者。難

乎。否也。若乃太君之勤儉溫柔。孝敬慈仁。爲內外屬之所艷稱。而無間于婦人女子。爲懿德于太君直細行耳。然則學士大夫之所不可及。而以艱貞之苦。基錫福之隆者。節如太君之謂也。詩人不勝采。春秋法得書。請以是酌而祝焉。太君回思懷。亦矢志之日。其必怡怡陶陶。爲之舉觴無算乎。諸縉紳曰。善。遂書此以爲壽。

由今追昔。讀者於稱觴事。見感慨卽此知文生於情也。若近日浮采僞譽。不足當揮毫一笑矣。陳百

金文通公集

卷之五

壽胡母張太夫人序

望

史先生評

壽張母馮太夫人七袞有七序

順治八年辛卯夏五二十有九日。爲侍御趨正張公太夫人七十齡設悅之辰。時公方新膺

簡命。按視畿南北。是爲京差例得出入

殿陛。便省慈幃。公同母弟次君。亦以舉業高等承

恩詔來貢于廷。一時昆仲懽聚。率其孫男女環繞膝前。

稱太夫人觴。朝列榮之。而徵言于余。非以余之椎魯

爲能文也。以公昔年曾與余共事樞曹。昨歲按吳。又

以余隸公部下。習公爲最深。而竊聞太夫人之淑德

金文通公集

卷之五

壽張母馮太夫人序

望

懿行著賢母稱。克享遐齡于未艾者。爲最悉也。請得而申言之。太夫人出晉望族馮氏。無昆弟。以女代子。曲盡孝道。且勸父立嗣。卒賴以延祀保家。消弭族讎。其賢之徵于女德者有如此。及于歸。公考用吾先生。則又移其孝于張氏之門。事孀姑一如其事父母。取與承順。必稱所欲。食糲衣敝。親操井臼。相夫子竭力。董幃以理學聞。尤助成夫子讓產高誼。撫孤姪逾于子。雖晨昏不繼。無忤容。無怨言。用吾先生以五經教授來學。常萃及門至數百人。一一爲供饔。內有貧無

方者更周恤有加。所成就弟子多取科名。太夫人之功半也。其賢之徵于婦道者有如此。長君趨正公成進士。太夫人初無德色。常訓之曰。做官須爲清白吏。我終其身糲食垢衣。有所不辭。公恪遵母訓。務爲廉吏。初任中牟。再調元氏。所至有聲。所去見思。以最奏轉樞密。尋改御史。直冠栢臺。歲庚寅奉

命巡按蘇松甬下車。蠶奸剔蠹。攬轡澄清。雖未及兩月。適下議撤之令。而小民之蒙其休澤。汚吏之惕其霜威者。不啻巡行一週。伊誰之教也。其賢之徵于母儀

金文通公集

卷之五

壽張母馮太夫人序

聖

者有如此。是以天眷懿德。厚其報施。宜爾貴。宜爾壽。宜爾康寧。宜爾子孫繩繩。振振今日。同朝諸大夫。可。以爲太夫人酌而祝矣。雖然。我儕之執爵而祝。何如。中牟元氏歌咏甘棠之民。祝之至今不衰乎。又何如。近日吳民之爲公畫像立祠。因祝公所自出而願爲太夫人添籌益算者。卽億萬戶不止乎。今公又以

聖政清明。特簡按畿輔。將來首善之交。口尸祝不更有進于中牟元氏及三吳之民者乎。然則公之所以祝太夫人者。至矣。茂以加矣。非我儕三多九如之諛詞。

所能誦揚萬一也。凡爲人子而欲壽其親者。一視公之所以爲祝可也。

述夫人賢用三如此。文氣畧一小結。後用推行法。文有法。所以有情。更不須艱深文淺易也。陳百史

先生評

金文通公集卷之五終

金文通公集

卷之五

壽張母馮太夫人序

壽

金文通公集卷之六目錄

吳江金之俊豈凡著

遊南嶽記

有小引

附錄龔芝麓先生題序

附錄孫北海先生題序

遊天目山記

有小引

附錄宋賓穎題跋

金文通公集

卷之六 目錄

遊洞庭西山記

有小引

再遊西天目記

有小引

遊徑山記

有小引

金文通公集卷之六

吳江金之俊豈凡著

遊南嶽記

有小引

歲壬申余備兵湖南會流寇震鄰提兵移駐茶陵以回吾圉寇退師還繇水路道經衡山觀南嶽登祝融峰秋七月既望微嶽之靈爽氣澄空嵐氣淨掃足之所履日無遺眺且望日又望月

金文通公集

卷之六

遊南嶽記

一

愜我瞻父依母之思亦風塵于役中一大快事也因爲之記

南嶽去縣治三十里余屏去輿從策蹇作山游狀一路古松隊列直插霄漢大者可四五圍未登山一步已覩靈境是夜宿嶽廟次早修謁廟禮仰見廟貌巍峩明禪儼肅令人屏息斂容罔敢有軼志謁畢隨履芒鞋曳竹杖逶迤道士之不惡游者爲之津梁行五里許至玉板橋寶善菴石色如玉瀑布雷吼鳥語無聲有一老僧從石罅中出迎長三尺許狀如小猴詢其

年八十有一。捫蘿如飛行。二里許至圯嶺。勢漸險峻。又行二里至小竹高嶺。有半雲菴。斜望香爐峰。冉冉雲端。行三里許。至大竹高嶺。與香爐峰對面。揮扇觸雲。俯矚平原中。有白練一線。道士顧而指曰。此湘江也。行三里許。至半山亭。輕雲覆足。身在天半。回視羣峰。以次制伏。其昂首未降者。可屈指數。天柱峰侍左。紫蓋峰侍右。烟霞峰擲鉢峰。金簡峰。嶙峋環其後。此亭占地絕勝。惜規制狹小。時日近午。山暑尚焦。稍憩亭上。前行至鐵佛菴。相去二里。秋花遶徑。山粧殊艷。

金文通公集

卷之六

遊南岳記

二

題菴額者。爲趙蘭谿先生。書法道逸可愛。佛像多莊嚴。僧亦差解人意。行一里許。穿竹徑。至丹霞寺。竹陰蔽天。忽作深秋。有僧慧明出山。蔬相供。雖兼世法。道味過半。覺低徊不忍別。行半里許。過慧泉。泉水甘美。不減惠泉。復行半里。至湘南寺。步步翠微。路徑迥絕。寺前有石臺。規模宏敞。四顧豁然。茶攸諸山。如几案平鋪。對面復有三小峰。一名小霞。一名土木。一名巾紫。鼎足前峙。森若螺髻。寺左有貫道泉。裂石而出。清冷異常。泉上石壁。有定林祖師題詩云。身健端須飽。

此心問山。臨水極幽尋。待余書徧湘南寺。却向鍾山老定林。風風雨雨。幾老春秋。而苔蘚已古。筆痕猶鮮。眞靈蹟也。寺後爲碧羅峰。上有壽星石。突兀奇聳。恨躋攀無路。出寺門。左穿一小徑。不半里。至隱松巖。岩石孤峭。欲墮深廣數丈。中有戒僧。依岩作菴。菴有小樓。樓後有石壁。線路止容一人。偃僂而前。乃得上。復行數十丈許。直躡其巔。巔上一小石。方可數丈。馮虛御風。恍忽與亂雲齊飛。僕夫皆股慄。余亦心悸。下巖北行一里許。至南天門。祖師殿。殿宇傾頽。僅留一茅。

金文通公集

卷之六

遊南岳記

三

菴遙望祝融峰。尚縹緲雲外。又行一里許。至飛來船。大石橫空。酷似船形。烟霧一起。船浮波上。有一蜀僧蓬首赤足。攢眉苦行。傍攜一小菴。乞余贈額。余曰。此飛來船。乃千佛渡世慈航也。因額之曰。筏菴。過此卽講經臺。平廣數丈。石上有天上山中四字。筆法奇古。不記何年。傳云梁海祖師說法處。行半里許。至獨覺門。又行半里許。至獅子石。石上有一泉。卽名獅子泉。行二里許。至上封寺。寺遭回祿。前後殿廡無有存者。近直指晉中白公捐貲重葺。雖規制稍遜于前。而景。

象聿新山。靈之廢而復興。洵有數耶。寺後有虎。泉涓涓細流。滲自石縫。其流甚長。行一里許。至爛柯巖。有石巋然。虎踞道旁。又行半里許。至會仙橋。橋有二洞。長可三丈。深臨萬仞。橫跨一石。卽名會仙峰。越橋登石。余亦飄飄欲仙。此石約容數十人。離丈許。又有一試心石。石上有松四五株。蒼如虬龍。聞此山絕少松。而此獨穴石而生。不倚寸土。亦一奇也。橋側有捨身岩。削立干霄。足蹟鱗次。慄慄莫敢仰視。尋東回二里許。至天尺菴。遇圍石壘。上覆鐵瓦。行不數武。爲祝

金文通公集

卷之六

遊南岳記

四

融絕頂。前有嶽帝聖像。後有開山大禪師像。皆以石壘屋。時日方斜。暮色益霽。窮天亘地。盡入目圍。下睇千山。蒼苔萬點。如湘波繡碧。疊浪雲湧。向之昂首未降者。皆伏地不起。觀至此止矣。頂上得平石一塊。爲望月臺。山風衝袂。淒如朔風。不能久坐。仍下上封寺。行半里許。至望日亭。亭前片石。與望月臺相似。且背亭蔽風。遂賒以望月。坐少頃。夕陽歸盡。明星漸晃。凝眸東望。忽有光如絲。起自地中。須臾光瀰四野。如登岳陽。望洞庭。俄又如泛錢塘。觀海潮。莫可名狀。而

皓魄升矣。日隨月上。浩然萬里。舉七十二峰。峰峰貯水壺中。始信下方無此月也。是夜回宿上封寺。夢魂俱隔紅塵。曉鐘數聲。驚破仙夢。有僧叩門曰。東方明矣。亟起披衣。趨至望日亭。羣峰迢至。萬壑齊開。芥子紅光。倏徧須彌。有赤如輪。中分天地。丹霞幻色。璀璨奪目。回首西眺。月色猶相望也。從游羽衲。皆擊節稱快。曰。異哉。此游乎。山嵐多霧。恒對面茫茫。望日者。十不得一。望月者。百不得一。望月而兼望日者。尤從來希。有開雲霽雪。未足數矣。余於是合掌投地。感嶽神

金文通公集

卷之六

遊南岳記

五

之有靈也。旋回上封寺。過脫殼池。每遇秋深。葉落。百蟲皆聚此。羽化而去。由寺西行半里許。古木夾道。藥草叢地。幽香拂拂。鼻端過觀音泉。源發虎跑。淙淙有聲。行數武。過圓明洞。洞水清潔。與觀音泉一派。又數武。至觀音巖。岩石半落。中有大士像。岩上有圓通閣。懸片時。出寺一絲舊路。過獅子岩。獨覺門。南天門。湘南寺。丹霞寺。鐵佛菴。西行二里許。至兜率菴。菴前有懶殘岩。係唐天寶懶殘祖師古蹟。卽李鄴侯讀書所。修篁碍日。葉葉秋聲。暫借石眠。心脾俱爽。行二里許。

至雞公岩。亂泉關響。危石橫掛。幽廣數十丈。諸岩中此為殊勝。過雞公岩。行辟蘿深處。道士言游屐罕至。已三十餘年。此路遂成蕪莽。約二里許。至福巖寺。係讓祖師道場。寺後有羅漢洞。聞先年五百聖僧。五百凡僧。共住洞中。聖凡交參。自讓祖滅度後。僧遂散去。洞門亦復閉塞。迄今無問津者。行一里許。至南臺寺。係希遷祖師道場。寺基宏廣。與上封寺相埒。近亦付之一炬。徒留荒址。臺後半里許。有三生塔。亦讓祖舊蹟。下有茅菴。有僧閉關誦金剛經。因與論金剛。縱

金文通公集

卷之六

遊南岳記

六

談半晷。斬此僧葛藤多多許。別時余問僧何名。僧曰。不須問。這都是假名。余答曰。汝真名何在。僧默然。領之行二里許。過扶風塔。有石圓峻似塔。非世間浮屠比。旁有金牛跡。壁間刊有詩一絕。手招黃鶴來。腳踏金牛背。塵世無人知。白雲久相待。正德乙亥秋龍門外史翬良用題。石坡斜下。縱長百餘步。皆一片石。生成石梯。名天雲閣。又名進道坡。旁有石欄杆。梯盡乃止。又半里許。過糍粑石。三石堆立。狀類糍粑。俗名因之。穿曲徑行二里許。過魏元君禮斗壇。行一里許。至

黃庭觀。上有藥珠宮。係魏元君修道處。壁間刊有黃庭經。旁有飛昇石。圓如磨磐。週圍丈許。由大路行二里。至集賢書院。入院門。見堂廡壯麗。非復茅菴僧舍。因讀碑記。觀所祀之先賢。則有前代李鄴侯。韓昌黎。周濂溪。朱晦菴。張南軒。趙清獻。林澤之。明李石塘。尹洞山。曾金簡。先後諸賢。徘徊顧瞻。想見其人。幾與衡嶽竝峙。天壤間。肅然興仰止之思。院後有竹林。約計萬竿。蒼松間之。清風穆如其真。崇賢之地乎。行里許。還嶽廟。屈指游境。十未二三。欲再商問奇處。忽一郵

金文通公集

卷之六

遊南岳記

七

卒持公牒來。余喟然曰。我猶俗吏也。遂帶星而歸。

附錄鼎華芝麓先生題遊南嶽記序
李長源讀書衡山抗跡霞外似與世趣了不相聞
乃當其出則手定社稷為唐宗臣累朝史比
之魯連范蠡山今思自衣帷幄臥起牀闥造膝
詞感動流涕締人主於握手之交而決大疑於立
談之頃利害寵辱曾不足以動乎其心斯其泊今
寡營蕭然高寄錫開合蓬萊賜第光福寧有異於
空巖雲臥殘僧半火之味乎
太傅息齋先生從三十年前與南嶽有夙緣烽火
甫停節後旋奮巾羽
時昭靈方孔同曉未墜極眺蘭坡載歌自華忠孝
樂之周章山木方斯茂如也與會所至樂染烟墨
泉石供其匠心風霞披以生面星紀三易而光景
常新固足以磐石松筠丹青嵐壑先生自言曰三
十年如一夢即向者南嶽之遊亦夢遊也顧此夢

中景物尚歷歷心見間而人世之烟雲變幻不可
把玩者則已多矣先生方肩家國事功名無小遜
郭侯乃獨栖心禪悅托賞丹嶠乞食之請歲一再
上幅巾蓮社往往恣物外之遊益其胸中灑然實
有得乎道者又不只如長源之好縱橫大言洩嵩
華而慕神仙也從來謝太傅丘壑道難忘然則
先生之芥跡軒冕蟬蛻塵氛其以視融君爲職志
哉

附錄承澤孫北海先生題遊南嶽記序
余嘗言遊山如讀書每隨其人識趣高下以爲所
得淺深而不可強也息齋先生三十年前官湖
南策其策賊以其暇登南嶽而遊覽焉今讀其記
如視日月雙丸跳盪激射璀璨變幻固已歷歷現
前驚心駭目然而未已也至其指顧諸峰一狀其
以次而代昂首未服一狀其昂首未降者伏地不
起一似未虛侯以軍法行酒鐔組間忽見風蕭馬
鳴之聲先生亦以軍法看山集羣峰於杖屐令之

金文通公集

卷之六

遊南嶽記

八

俯首而受約束羣峯亦惕息無敢遁情以聽先生
之進退奇哉文乎蓋先生學佛者也方將以一芥
納須彌衡嶽稱雄鉅視須彌直纖塵耳尚未足滿
先生一芥也蓋信遊山一事識趣高則所得自深
而余言果
非妄也

遊天目山記

有小引

余夢想天台雁宕之勝每奮屐欲往因思登涉
之艱尚爾趑趄起有一禪客謂余曰近地名勝固
有逾于台雁而舉足卽是者莫如西天目何必
舍近圖遠也余聞言瞿然嘗讀高峰中峰語錄
仰止久矣且大覺玉和尚近亦飛錫到彼重輝
祖席以勝地而兼有勝事豈容當面錯過于是
金閭觀競渡後亟理禹航之棹假道臨安上西
天目時康熙丙午夏五十有二日也

金文通公集

卷之六

遊天目山

九

十二日自餘杭登陸行二十五里至青山舖澗流夾
岸亂山爭至山無大小皆竹木衣身肥翠奪目薄暮
過臨安宿新溪渡十三日早發時雨足初收峰頂漸
生茂林修竹携伴來迎皆如新沐曉粧整潔可愛行
十里許至護龍嶺嶺左有茶亭順治十七年東天目
住靜吳江僧人岩隱捐鉢貲置田數畝以供茶資勒
石亭中亭前羣峰環峙森若螺髻獨對面一峰白雲
抹頂似几案平鋪亭後一石橋名子芳橋勞嶺而踞
過嶺二里許至橋東村跨澗爲板橋澗水清泓可掬

而飲。澗右石壁巉巖。仰視壁上。松篁蔽天。令人低徊不忍去。行五里許。至青嶺。又五里至碧淙。四面皆山中。餘一線。泉流淙淙。合山光樹影。攢綠入泉。故名碧淙。迺碧淙而上。山愈濃。碧益淡。從此步步入翠微中。又五里至石澗。又名白鶴灘。澗與石鬪。雪浪蠶起。遙望之。如白鶴一羣。竚立水濱。或又云昔有白鶴禪師住此。故名。然未詳何代。又五里至冷水塢。山勢嚴密。迴合無罅。于轉身不得處。忽闢一境。闊已又復迴合。如故。如此轉合轉闊。轉闊又轉合。層折不計。其次始

金文道公集

卷之六

遊天目山

十一

信天下事理。蓋有無盡之藏焉。凡自以爲已至者。皆非其至也。又十餘里至沈村。山圍頓寬。阡陌碁布。約容萬畝。又五里過大有村。山圍仍狹。又五里至雨花橋。橋上有亭。行半里至雙清莊。爲獅子正宗禪寺。元初趙子昂奉勅撰碑。卽梁昭明太子讀書處。此西天目發軔之始基也。寺止存正殿。及殿後祖堂。餘皆係大覺玉禪師。現在經營伊始。重開生面。然規模雖具。鳩工合尖。尚憂憂乎其難之矣。殿正東爲陽和峰。正西爲翠微峰。西北爲昭明峰。東南爲旭日峰。此四峰

者。皆昂首雲端。有蒼然雄長諸峰之意。殿之正南有隔江大高山一座。名越王屏。端拱作案。氣局之弘廣。莊嚴罕有其匹也。寺左有東澗。右有西澗。兩澗于寺前合流。出雨花橋時。日方斜。春寸陰可惜。因繞西澗而上。行二里。卽昭明太子庵。路傍皆干霄古木。夏日疑秋。菴內有洗眼池。池水清徹無比。以之洗眼。能明目。去祖塔尚十里而遙。遂還宿寺內。十四日早餐後。從寺後西北行二里。至仰止橋。橋下澗聲怒吼。匹練倒垂。不斷三里。至環翠亭。稍憩。傍有花石峰。峭崿欲

金文道公集

卷之六

遊天目山

十二

墮。崖上喬松。隊列肅若軍容。俯睇亭前雲海。宛然波紋起伏。轉瞬萬狀。時有高下峰頂。參差出沒。其中疑百千黛石。宕漾洪濤。快哉未有之奇境也。五里至半山橋。澗聲至此益怒。因危石分道相拒。致白練橫裂而下。又有千尋老樹。呼朋礙日。晴晝欲雨。七里至白雲岩。又名觀音岩。行里許。路有眠牛石。相傳高峰祖師初入山修道時。路聞牛鳴。叱之卽止。此又里許至真際亭。真際者。中峰祖師贈太尉潘王海印居士之別號也。有真際說。載廣錄中。內有真不立而真存。際

金文通公集

卷之六

遊天目山

二

而下約五里至中和菴。占地絕勝。菴後一峰聳秀。蔚蔚未知何名。余謂玉師曰。此名玉立峰可也。師然之。仍出半山亭循故道還雙清莊。惜乎余見山忘道。卒未能見道。忘山。而于茲山之勝。猶依依不能釋諸懷也。因接筆爲之記。時從遊者武林大廷尉型遠戴君。余兒世濂。余孫秉樸。暨猶子永叔。沈甥公抑。嚴內姪山公。茅甥孫匡餘。其携絲竹管絃。沸響雲中。以助余遊興者。則姑蘇沈子仲明。顧子君聘。金子叔禮也。

附宋寶鼎遊天目山記跋
嘗讀蘇子瞻游徑山寺詩

金匱通小集

卷之六

遊天目山

十三

若駿馬奔平川中途勒破千里足金鞭玉鐙相迴旋固知山川之美奇妙無際然世之幽人僻士既不能齋三日糧結侶爲勝遊具而緝紳大夫溺於塵俗之樂又無暇以游卽游矣而胸中無書卷氣與山水椿椿不相入財亦遯卽而忘之矣今年丙午長夏讀太傅金公天目山紀游爲之反覆莊論不能釋然以去蓋太傅公積學嗜古無體不備而尤淡於雙林南卽之學其所見皆山卽所見皆通既無山非遊山又無道非山故能以了然於山者了然於心以了然於心者了然於筆與手是安石之履齒所不克至而樂天之竹枝所不容攀也天目之勝藉公之記而益彰矣然則天下之各山九卅非得魁壘奇傑之人若公之以筆墨爲樂者其溼淅可勝述哉公之文孫淳還好學深思士也持公之記謂余以願有跋俾余以菰蘆固陋藉公之記以附名于其後其又不爲之喜且幸歟因不揣而述其大畧若此

遊洞庭西山記 有小引

余自壬寅歲蒙

君恩歸老。風燭餘光。不敢浪擲。閉戶讀書之暇。喜尋山水之緣。獨西洞庭綠塹。乙巳冬。曾駐東山數日。卒爲石尤所阻。弗克西渡。夢魂耿耿。今春有客語余曰。西山勝景。倍逾往年。因湖水淺涸。多怪石浮湧。奇珍畢現。有本山麓耆老叟。所未經見者。真千載一時也。余聞之神躍。遂于又四月朔三日。由東山買舟掛帆而西。喜風日晴和。片晷金文通公集 卷之六 遊西山記 古

卽達。亟奮遊屐。徧歷諸勝。信客言之非誣也。因信筆記之。以識我天恩並茲山不朽云。

康熙六年丁未閏四月三日。自胥江發棹。由木瀆登輿。過下堡。出水東渡口。水淺舟膠。褰裳可渡。雖一葉難用篙櫂。竟以一人下湖。舁之抵岸。如履平陸。因思乙巳冬。曾渡此。波濤人立。咫尺望洋。卽長年未免溺心。今且兒童可狎。安得世路中風波頓息。有如此渡。也是夜宿東山翠峰寺。環寺皆肥綠翠色可愛。立其

以翠得名。寺左有悟道泉。雪竇顯禪師說法處。衆僧烹新茗相餉。色味殊勝。虎丘想以水勝也。次早出寺門。從山後覓渡。喜湖平無浪。對望西洞庭。如舉手來招。有親愛意。偶得雙桅一船。遂乘之。而西。飽掛順帆。良驥無此疾。肩輿亦無此穩。中流環顧。四面皆山。迴抱一泓。宛如一大西子湖。始信平日遙望兩山對峙。東西相向。比肩而列。非真位置也。瞬息抵西岸射瀆橋。自橋北行三里許。至福源寺。一路果實繞籬。長松夾道。寺內羅漢松一株。大可四五圍。高三十餘丈。應金文通公集 卷之六 遊西山記 五

是千餘年物。過寺東行三里許。至林屋洞。有王文恪公題天下第九洞天六字于石壁。洞如低簷覆額。須匍伏蛇行。燃燈乃得進。相傳通蜀之義。若按志。則岱嶽羅浮者。通明天順間。徐武功曾篝燈深入。見有隔凡二字。卒莫敢前進。稍左爲腸谷洞。洞左爲無礙菴。菴前湖光湧現。如寶鏡。忽浮南望。有小山對峙。卽石公山。尚相去十餘里。遙睇便知爲靈岫。西數武爲屏巖。巖巍石環列。石色皆奇。狀如列屏。石頂有古木一株。芽自石上。離奇盤亘。木與石凝結爲一。幾不可辨。上

有文恪公書偉觀二字。余曰：此豈特人間偉觀已哉？必古來列僊携羣晏息而相與會盟于此地者也。應題曰：僊幃。南行數里，則皆平洋地，桑麻蕃密，林木蒼森，不知此身之在湖中，亦併不知其在山中。又迤邐南行，湖光復現，風恬波息，一片空明，世界凝眸，注視恍若湖山，皆已入定，靜氣亘兩間。此時石公將近，石色愈奇，有洞軒敞如庭，如堂，約可坐百人，名歸雲洞。又東爲寂光洞，軒廣遜之。又北行數武，爲聯雲幃，亦文恪公題。右爲步雲梯，天生階級，卒不可得而升。上

金文通公集

卷之六

遊西山記

六

有石公菴。菴左有亭，稍憇一餐。亭後石壁聳峙，直插霄漢。余擬題曰：我欲振衣。又稍北，卽石公二大石濱湖而踞，如靈威丈人臨流竚立，又如金猊獅子踞地而坐。俗稱爲石公姥，蓋以肉眼視也。右有石磯，週迴數十丈，誌稱石板，彷彿虎丘石塲，平坦瑩潔，其寬廣更過之。且千人石焉，能移之，傍水也。令人頓足，不忍去。石公北面爲一線天，疑巨靈剖石中分一線微透天光，從線隙側身而上，約百餘步，乃登其巔。踞巔四望，遠近大小諸峰，如鼉鼉猫鼠之屬，星羅一鏡中。

靡有遁影。時日已斜，春幾于忘歸，輿人促甚，遂向北折西而還，約行二十餘里。山圍乍閤，乍開，湖光時隱時現，廣陌平疇，亦倏去倏來。歸途景色變幻百端，不覺夕陽西頽，繼以燈火，方抵舟濱，宿賢主鄭君玉家。屈指一日所遊諸勝，已得過半。秉燭夜遊，端不虛也。初五早，自鄭涇灣東行數武，爲金家嶺，西望郭家山，如綠雲堆滿山坡，名丹里梨雲，繞山皆梨樹。每到花開，又如白雲。裴山經數晝夜不散，稍東爲東明山，有宋宰相鄭廉夫諱清之墓，古松二株，狀如虬龍干霄。

金文通公集

卷之六

遊西山記

七

又東爲瞳里山，五義女墓在焉。卽廉夫孫女，曰貞，曰素，曰淑，曰雅，曰新，德祐乙亥九月，金人濟江，自以美質恐爲人所亂，豫築一大壙，因事亟。丙子二月八日，五女並生藏之。震澤編止載有晉書王氏五孝女，竟未及鄭，想未聞鄭氏譜耶？嗟乎，爲女子者，義與孝並難，况一門一時而有五焉，尤難之難，豈可使之湮滅不傳哉？余故詳列其名，併備誌其年月日，使後之遊者過此而歛歔，憑弔肅然仰止，所關世道人心，非細故也。此山之巔，卽石屋頂，其高僅次于縹緲下睇湖。

者六七十年于茲矣。余何幸以淹軀餘息而邁此也。因盤桓者久之。稍東爲小龍湫。石雖奇而遜焉。又東行爲消夏灣。灣深九里。口濶三里。遙思闔閭避暑于此。令人涼生兩腋。會日將脯。亟買勇奮履。直躡縹緲絕頂。千巒百嶂。俱以次匍伏。莫敢昂首仰視。卽莫登。素號倔強。亦逡巡拜下。風一縱目。間舉三萬六千頃之全身到此。俱現七十二高峰之頂。足至是畢。呈乃若無名之培塿。如以一白玉盆盛翠石。繫繫和盤托出。無一漏者。可謂地盡三吳勝。窮千里矣。快哉觀止。

金文道公集

卷之六

遊西山記

九

矣。輿人及僕夫皆擊節嘆詫。歸途穿樹果松窩中。如乘飛鵲。破綠浪而下。須臾還舟。里梨雲仍宿鄭氏。今而後始獲了西山之願。不徒付之夢想已也。然回思兩日內目之所矚。與夫足之所履。俱非復人境。恐猶是夢想也。是不得不爲之記。至于從我遊者。雪山禪師。曾提祖印于本山羅漢寺。胸羅諸勝。實我導師。余孫秉樸。秉綸。甥孫茅子。匡餘。偕余兒世漢。內兄沈君昭夏。姑蘇韻客沈子仲明。願于君聘。杭子正言。併寓主鄭子君玉。皆與茲山有宿緣者也。因並記之。

再遊西天日記

有小引

歲丙午夏五月。余曾爲西天目之遊。殊快人意。但比時天氣漸炎。未獲登絕頂爲歉。今幸歸老。餘生色力尚健。不敢辜負。

大恩。唐喪駒隙之流光。况夢想大覺高風者。又一年矣。乘茲季秋令序。亟買一葉。仍假道禹杭。直上西天目絕頂。宿獅子禪院者兩日。宿千丈巖者一日。既親知識。又飽名勝。覺茲遊之更快於前也。因再爲之記云。

金文道公集

卷之六

再遊天目

十

丁未九月二日。自餘杭登陸。出西門。沿溪而上。凡大小高下諸峰。皆循次來迎。如故舊。久別重逢。情意倍洽。兼之重陽欲近。木葉未脫。丹楓乍生。環顧山容。較春粧倍艷。雨後溪漲。溪中竹筏縱橫。乘流競奔。似浴兒戲。波殊添景色。行二十里。至青山舖。係臨安縣界。諸峰之先至者。俱陸續別去。其後至者。絡繹不斷。或松竹衣身。肥綠將老。或染楓數點。膩容自矜。自青山舖西南行十五里。過五柳橋。又五里。抵臨安縣縣西行三里。過馬溪橋。溪水倚石。漸作聲。喬松古木。亦漸

次伺立道左。又五里至新溪。溪聲益張。雪浪層湧。響答山谷。因徘徊者久之。初疑爲清溪。詢之土人。謂此溪無定形。時左時右。故號新溪也。余思世事無常。一切榮枯得喪。順逆悲歡。轉盼卽新。有如此溪。凡人之多思多慮。妄想執着者。皆昧其爲新也。是晚宿新溪。初三日早發。曉霧氤氳。山頂倏沉倏浮。有時濃陰疊罩。有時輕煙淡抹。疑是迂林筆意。已而盤旋山足。步步較高。遙望一橋橫跨嶺上。名護龍嶺。已行十里。從嶺而下。行二里至橋東村。村西臨澗。澗數十丈。有板橋連接以渡。余舍輿徒步。橋雖杌隉。全不心悸。頗自慶幸。又十里過青嶺。時旭日漸升。雲氣盡歛。山容始定。楓色丹黃。參差隱現。如曉粧初成。媚麗動人。行七里至碧琮。稍憇午餐。余昨年過此。曾記有山光樹影。攢綠入澗。故名碧琮之句。時夏五月也。今過此秋深。又於攢綠中增綴錦霞點點。令人莫可名狀。自此羣峰沓至。勢欲合圍。環視楓葉間錯。又似五色旌旗。掩映林麓。以壯合圍之勢。余身在重圍中。愉快無比。惟恐其圍之頓解也。適與人誤從間道。山圍愈狹。層

金文通公集

卷之六

再遊天目

三

折迴合幾於無間。可容忽從一隙躡級而上。極其陡峻。名上已嶺。過嶺二里許。山圍稍寬。然卒未嘗解嚴。仍由大道至白鶴灘。白鶴景奇。余昨年亦記及之。時已隔歲。澗闕未歇。白鶴一羣依舊。竚立不散。又行二里許。過李王橋。橋下溪水潺湲。從此溯澗而上。噴激長數里。因天目將近。故先聲雷耳。附近羣峰亦皆聳秀。華整有冠裳佩玉之度。知其爲獅子禪院之前導也。比至雨花橋。日已斜春。遙見輪奐蔚然。規摹式廓。及入寺瞻禮。則正殿之前已建有藥師前殿。殿後建

金文通公集

卷之六

再遊天目

三

有法堂。與東西兩禪堂左右迴廊。稱是其他寮舍客房齋堂等。無一不具。併築有山門基址。異哉。當此物力維艱之日。誰爲布金長者。而一載之內。構如許工程。則皆大覺和尚之道力孤撐。行徒雲集。凡匠作夫役。悉參禪學道之流。不惜勞瘁爲之。並不借力於外。所以費省功倍。重開獅子禪院之生面。如彈指頃也。何啻運水搬柴。事事偶諧哉。是夕謁和尚。茶話畢。卽留宿。次早上山禮三祖塔。一出門。四顧楓葉甚盛。相隔僅一日。氣候較臨安更早。行二里至仰止橋。瀑吼

甚厲遙望雲端內隱隱白光閃爍有雪濤千片飛灑而下左顧爲昭明峰稍上則爲香爐峰兩峰比肩上下各闢楓色備極鮮妍而香爐峰深厚濃郁則又勝之對面仰眺爲千丈巖亦若倩粧高居與兩峰競其餘無名諸山亦各飾麗容佐之此時錦繡盈眸爛熳無比爲之頓足狂叫行三里至半山亭雲氣忽蒸動卽幻成雲海須臾海湧遠近諸峰相率遞去滿目錦繡亦倏焉韜藏無餘雨淅淅鳴葉幸茂林深麓中衣未沾濕少頃雨止諸峰之遞者悉還一時韜藏之錦

金文通公集

卷之六

再遊天目

雪

繡仍滿盤托出更加鮮潤五里至千丈巖禮高峰祖塏過大覺關房稍憩關之左爲獅子巖右爲象鼻峰占地絕勝斜對翠屏峰楓葉蔽山如萬錦攢簇極五色之變化窮巧繪之點染未能摹似其萬一前此稱最之香爐峰又迥出其下矣快哉觀止矣直遊我於華藏海中豈復人間世也西上數武至開山塏院午餐雨大下度弗克登巔欲中止又垂宿願且舍此華藏世界將汲汲何之遂令童子下山携臥具爲來朝躡巔之計時尚未日哺禮中祖塔復回至關房熟視

翠屏景色因乍雨乍歇變幻百端抵暮晚粧更迷離目炫是夜宿大覺禪榻夢魂猶酣華藏中晨起頗有霽色亟奮足而上一路怪松隊列山愈高松愈奇行八里至仙頂飛鳥斷絕竹木不產但有巨石林立宛似我吳之天平山萬笏朝天再行二里始至絕頂有大石如屏高可丈許中劃六扇相傳四仙人所鐫各厚五六寸鋸紋整截絕類木板其他石如鐫成者不可勝指攷四仙人曰洞元曰寶華曰含清曰歸一特未詳其爲何代耳頂上爲金仙菴皆天然巨石四面

金文通公集

卷之六

再遊天目

雪

合成足蔽風雨余坐菴中久之不自疑其非仙也惜蠻煙四起雲影發變一望浩淼如大瀛海未能廓我目圓燭千里而鏡萬象姑留未了之緣券之異日耳從頂東折而下回顧金仙菴反若有離家出門之况爲之悵然時零雨霏微煙景益異歷盡仙石奇松復來未幾障天古木擁隊而至已近斷祖塏前冒雨禮塏合兩日而禮三塏之事畢仍回至開山塔院午餐意欲再遊華藏流連翠屏峰半晌苦輿人促甚山故道還至半山亭飛瀑分道疾馳濺人衣袂此亦雨後

山遊之一勝也。余客歲已有遊記。愧見山忘道。卒未能見道忘山。而自今思之。無山非道。則見山猶之見道。既不忘道。又何必忘山哉。質之大覺。唯唯。余是以復爲之記。凡山中之勝。載前記者不復贅。余兒世濂。世潛。次孫秉樸。暨吳門顧子君聘。沈子仲明。則皆從我遊者也。

金文通公集

卷之六

再遊天目

事

遊徑山記

有小引

徑山祖窟。余夢想翹勤。非一日矣。歲丁未九秋。先上西天目。禮高峰中峰斷崖三祖塔。畢隨尋雙徑故道。杖策五峰。禮國一欽大慧杲元叟端併紫柏諸祖塔。茲役也。於天目見奇松於徑山見快竹。於青松翠竹間見諸祖意。端不負我風燭餘光也。因記再遊天目而復爲徑山記云。

九月六日。自西天目發足。向東北行。時宿雨乍收。山皆新沐。楓亦初染。曉色可愛。一路行山園中。泉流不

金文通公集

卷之六

遊徑山記

事

斷大者沛益成河。小者盈溢畦陌。行二十里至目源橋。橋跨怒澗數十丈。幸木板堅厚。竟登輿而過。又二十里至無垢寺。午餐。凡踰高嶺者三。渡大小澗者不計其次。水聲山色充塞耳目。復行二十里宿福勝寺。一淨室。是日山路艱阻。僅行六十餘里。可見世間賞心樂事得之艱阻者。其受用反奢也。次早過高陸鎮。鎮東有石橋甚壯麗。名洪橋。橋下澗勢雷奔。更過目源。其餘亂澗縱橫。無橋可渡。輿人赤足涉水。水湍石滑。頗覺心惴。行十里至風嘯嶺。自是修篁礙日。筠澗

層湧堪與天目松頡頏。仰望徑山五峰。比肩巍峙。一名鵬搏。一名大人。一名晏坐。一名朝陽。一名鉢盂。皆碧陰攢頂。狀如富家女兒。翠飾盈髻。有飛湍千丈。懸崖迸噴。似足練縱拖。白光遙射數里。詢僧人。知爲鉢盂峰。觀音殿下之瀑布。由風嘴嶺十里。至寺門。門外大玉蘭二株。高可四五丈。每花開時。雪色照耀。令人不能仰視。玉麟墜地。厚尺許。真世所罕有。玉蘭之右。有古栢高數十丈。大可四五圍。號丞相樹。殿前有兩娑羅樹。左右對峙。殿左一大絲杉。名龍樹王。考誌植金末通公集卷之六 遊徑山記

自唐時奇古與丞相樹匹。下有龍湫。國一禪師開山。初老龍徙居天目。留此一穴。送供。每歲一來。顧雷雨。喧真入殿。瞻禮梵像畢。過具師方丈。飯寒翠樓。日甫移。寸陰可惜。亟出殿。倩克明禪人爲前導。至朝陽峰。下觀音殿。登龍藏樓。樓甚軒敞。層巒疊拱。僧衆紹雲棲法派。端修淨業。聞谷湛然兩尊宿。曾開堂於茲。西數武。過晏坐峰。背黃巾賊入山中。祖師方兀坐峰石。連發矢射之。矢皆中石。師晏然不動。因以名峰。峰下觀明月池。池廣畝許。濬自大慧禪師。圓淨如月。澄澈

無比。又數武。至寂照寺。貯方冊藏板處。有樓九間。其燥潔。以之供奉法寶尤宜。隨拾級而上。禮元叟端禪師塔。經靈鷲塚。聞開山師陞座說法。鷄輒遶座傾聽。說畢。隨衆以散。後師應召去。長鳴三日而化。鷄塚下爲喝石菴。初國一師結菴以居。有巾子山人求度爲沙彌。師指石謂曰。能喝之使上乎。再喝石上如前。遂裂爲三。如川字形。石底仍通一線。並不沾地。真靈蹟也。余入菴禮紫柏像。由大人峰過鵬搏峰下。復禮紫柏塔。金末通公集卷之六 遊徑山記

西數武。爲妙喜菴。入菴禮大慧塔。有宋椅二張。猶存。余笑謂克明曰。慎毋令好骨董者見也。塔右有大銀杏。亦宋時植。彷彿天目之老樹。從塔後至梅谷菴。三遊堂。蘇子瞻曾三遊徑山。親題此額。又過松源菴。博山雪關師方丈。兩菴俱有高樓。樓前俱有百尺絲杉。擁隊聳列。亦靜室絕勝地。又從鉢盂峰過朝陽峰。遊干指菴。卽雪嶠師語風居。有像及衣鉢塔。瞻禮畢。過東坡池。雪嶠嘗留池上。賦詩遊戲。惜今竟絕響矣。抵暮還寺。宿寒翠樓。初八早。出寺門東數武。爲羅漢石。

層級參差。先年有五百羅漢來應供。列坐其上。稍左爲望江亭。亭址雖廢。踞坐南眺。錢塘如帶。隔岸越山。昂首北向。有若翹勤祖庭而趨。踰拜舞之狀。自此破竹。闢而下。簣箠夾道。翠靄蔽天。輿人亦爲奮足。騰躍。竹浪中人影俱綠。此從來未有之山徑也。十里至直嶺亭。過亭則慈嶺屏張。長松戟侍。肅若清道之軍容。又三里過密藏師靜室。入室禮像。有吾友周安期手書題讚。頂禮之餘。想見藏師爲紫柏之克家子。法苑之大功臣。不禁合掌讚歎。又五里至化城寺。亦貯藏板處。與寂照各分其半。但化城地頗卑濕。又置之平屋。以法寶而漫藏若此。殊爲心惻。行二里至雙溪。兩溪合流。故名。至是而連日之山園始解。併雙徑之竹園亦隨之俱解矣。快哉茲遊也。歸舟一回想間。直疑其爲夢遊也。非夢而何以若斯其快也。

金文通公集

卷之六

遊徑山記

无

金文通公集卷之七目錄

吳江金之俊豈凡著

聽軒記

意先居記

尊拙齋記

借閣記

且樂園記

金文通公集

卷之七

目錄

一

遁齋記

德水亭記

築牆護珠藤記

義田記

楊憲副雪窻記

吳江劉邑侯重修利往橋碑記

重修歸安縣儒學記

湖心寺重修放生池記

金文通公集卷之七

吳江金之俊豈凡著

聽軒記

少宰岱輿高先生。于居室之東北隅。架楹爲軒。四面虛敞。退食之暇。讀書談道。其中顏之曰聽軒。金子爲之記曰。先生之以聽名軒也。先生之致力于問學者。其深矣乎。孔子十五志學。至六十而耳順。則從前三

金文通公集

卷之七

聽軒記

一

十之卓然操持。四十之豁然明朗。五十之穆然冥契。豈于聽猶有不聽。而未可以語順歟。則耳順之爲境。益難言矣。以是知聽之。關於問學大矣。况夫人世事。雜構于外。思慮紛營于內。當衆響之哇然。迭奏其動也。何以聽。當萬籟之寂然。無聲其靜也。何以聽。則無終日之不聽。實終日之未嘗聽也。無一息之不聽。實無一息之能聽也。善乎陽明子之言曰。君子之學。無間于動靜其動也常定。而未嘗有也。故常寂其靜也常覺。而未嘗無也。故常應。先生之取義于聽。殆有得

于陽明子。無間動靜之說。而衆響之迭奏也。有以聽其常寂者。存乎萬籟之無聲也。有以聽其常應者。存乎故曰。先生之以聽名軒。其致力于問學者深也。若夫釋氏之所謂六根圓通。道家之所謂上學心聽。其亦有當于先生之所以名軒者否耶。則吾不能知之矣。

粹然儒者之言。於傳習錄可謂高識如龍溪矣。
陳自史先生詩

金文通公集

卷之七

聽軒記

二

意先居記

大司寇党于姜先生語金子曰。余家世寶雞。自羅兵
燹以來。故園榛蕪。幾不可問。浪跡長安者。十有餘年。
未嘗不夢想山居。意忽忽有所之也。苦爲一官所絆。
清泉白石。徒往來于意中。未獲身履其地。徜徉而肆
志焉。因思人生快心之事。不可以力求而必得者。亦
姑以意先之而可矣。縣治之西四十里。有山曰三交。
城突兀萬山中。其雄峙而相與頡頏者。北有吳山。東
有雞峰。南有雲棧。西有金頂。其餘羣峰。累累若降伏

金文通公集

卷之七

意先居記

三

之將。莫敢昂首仰視者。不勝指數。余意將卜居其間。
遂名曰意先居。居有亭名圓契。圓契之旁。有雲窩洞。
時有亂雲出入。衝人衣袂。名其洞曰意先洞。洞左不
數武。絕壑深萬丈。對岸峭壁。直聳霄漢。非斷木爲梁。
不能渡。若待余而橋。名其橋曰意先橋。越橋而北。有
泉。淙淙自石罅中流出。他日對泉淪茗。當欣然忘歸。
名其泉曰意先泉。乃若憑高南望。則渭水如帶。太公
釣臺。隱躍目圍中。四時山花不絕。又多藥草。可以濟
生。余妄謂茲山也。非仙人道士餐霞茹芝。乘風馭氣。

者罕得居之。于余之僕僕馬塵。何有焉。然造物者能
羈我身。不能縛我意。意之所先。安在茲山之勝。非我
有也。故皆以意先。名于其爲我記之。併出山圖一幅。
以示金子。披圖未竟。作而言曰。甚矣先生之意。蓋在
此。不在彼也。彼世之營營于名位利祿者。良田美宅。
何以致之。車馬器玩。何以取之。歌舞管絃。何以樂之。
鄉里戚黨。何以耀之。卽有時名成身退。棲遲巖穴。而
夢寐魂魄。猶未免徘徊繫戀于朝市間者。以視先生
爲何如哉。嗚呼。先生之意。若此。宜其爲司寇也。清而
和。仁而執。卓然有古大臣之風也。豈徒騁語高尚。耽
嗜山水而已者。遂走筆爲之記。以見先生之意遠矣。
且使人知天下事之不可以力求而必得者。亦達乎
先生之意可也。

金文通公集

卷之七

意先居記

四

叙記不用時人點染。真有悠然見山之意。于此等
文。一氣直下。更難凡不能直下數十句者。皆不知
文者也。
陳百史先生評

尊拙齋記

奉常龔君孝升于長安邸舍之東南隅。搆一宴息之齋。顏之曰尊拙。取工部吾知養拙尊之句也。爲金子記之。金子味其義。作而歎曰。甚矣孝升之近乎道也。世之知孝升者。咸謂其弱冠成進士。仕劇邑。有能聲。拔置給諫。直震六垣。未嘗以觸忌。招尤稍有貶損。入清朝。仍不失故我。舉天下聰明才智之士。更無能出其右。何取于尊拙之義。爲噫。此孝升之所以近乎道也。彼所號爲聰明才智之士。非耽逐于利窟。則馳騁于

金文通公集

卷之七

尊拙齋記

五

名場。乘機鬪捷。自以爲巧。莫予若。而未免隨時俯仰。伺人鼻息。因而大庭廣衆。有不可對人之面目。夢寐衾影。有不可告語之心事。其爲卑損屈抑。曾不減于奴隸。斯養則安在。巧者之能尊哉。惟拙則葆其龜守。其樸人提我鈍。人競我恬。自有之耳。曰我得而用之。自有之肺腸。我得而主之。古今人物得失之林。我得而上下討論之。聖賢道德理義之圃。我得而沉酣涵泳之。幽居一室之內。抗志八紘之外。不爲利役。不爲名折。以視彼聰明才智之士。多所卑損屈抑者。其尊

爲何如也耶。然則非真能拙者。不知其尊也。不能自尊者。無取于拙也。故曰孝升之所以名其齋者。爲近乎道也。

藏巧於拙。行曲於直。唐毘陵稱中峰文以法勝空。同諸人此非深於文者不能知也。

陳百史先生評

金文通公集

卷之七

尊拙齋記

六

借閣記

人生天壤間。無一而非借也。借四大以爲吾身。借園蓋以爲吾居。借松風鳥語以爲吾耳。借江山雲樹以爲吾目。借翁張吐納以爲吾口。借花馨草馥以爲吾鼻。借三墳五典八索九丘以爲吾腹。借古今人物成敗得失一切可悲可舞可法可戒者以爲吾之心思。智慮借則靈。否則塊然而已矣。張旭善借而能書。米顗善借而能畫。坡仙善借而能文。莊周善借而能爲逍遙遊。甚則易借憂患而爲文。爲家。書借政事而爲謨。爲詰。詩借性情而爲風。爲雅。禮借身心而爲儀。爲曲。春秋借是非而爲筆。爲削。無之乎。弗借也。無之弗借則無之弗靈也。此吾友姜開先之所以有借閣也。開先細帙滿胸。雲烟滿楮。四方賢豪滿座。千秋氣誼滿君宇。其殆得于借者深乎。若夫野月來眠。鄰花恣闌。此僅可以摹借閣之景而借之之義。則浩浩乎落落乎。吾不得而涯際之矣。倘有能明乎其義。則愚公之山不必徙。媯氏之天不必補。鶴之巢鳩不必奪。蜂之膳人不必烹。不必叔季不必義。皇不必城市不必。

金文通公集

卷之七

借閣記

七

丘壑登斯閣也。蓋有快焉。至足而無憾于天地間者也。開先唯唯。遂借余言記之。

金文通公集

卷之七

借閣記

八

且樂園記

予嘗讀司馬溫公獨樂園記。買田二十畝。闢以爲園。中有讀書堂。弄水軒。釣魚菴。種竹齋。採藥園。澆花亭。見山臺。池沼草木錯落森羅。竊歎溫公之樂。樂亦云侈矣。而猶曰。鵲巢林。不過一枝。偃鼠飲河。不過滿腹。然則田園林榭。有弗溫公若者。將遂無以爲樂乎。予性不事生產。仕宦三十餘年。止存先世薄田三頃。順治己丑六月。乞假歸。盡以其田析諸子。不復爲兒孫作馬牛於蘇城之西北隅。購園地二畝許。得溫公金文通公集卷之七 且樂園記 九

十之一。托足而偃息焉。茆屋數楹。聊蔽風雨。亦覆簣土爲臺。可以縱目。亦聚拳石爲山。可以登躡。亦環斗水爲池。可以蓄魚。栽蓮池南有隙地數丈。彷彿西子湖。遊舫構一齋于其上。洞列窓牖。左臨流。右倚石。宛似榜人停橈。維舟舛側。月白風清。則命童子吹簫和歌。憑高俯睇。疑畫船簫鼓湧出平地。客至則浮白滿引。主賓頽然。客去則掩扉讀書。四壁寂寥。獨有鳥聲唱和。鄰若多千章古木。繞我小閣。因名爲借樹閣。庶幾城市之劇。而忘乎人間。合而命之曰。且樂園。未見溫

公之獨樂爲侈。而予之且樂者。爲膏也。雖然。溫公豈以田園亭榭。樂世俗之樂而已哉。其言曰。耳目肺腸。悉爲已有。此乃溫公之所以爲樂也。人生自少至老。自朝至暮。耳目紛營。恍惚無主。而能收視返聽。自有其耳目者。誰乎。肺腸揉雜。端緒萬千。而能澄心息慮。自有其肺腸者。誰乎。耳目肺腸不能爲己。有無論尋孔顏樂處。不可得。卽欲如溫公之獨樂。又胡可得耶。此予之所以深嚮往乎溫公。而務有其耳目肺腸以徜徉餘生於且樂園中也。辛卯花朝日記。

金文通公集卷之七 且樂園記

通齋記

通齋者。學士劉憲石先生。取以名其讀書之室也。屬金子爲之記。金子竊有疑而請焉。曰。通者。負也。先生之以通名齋也。其義何居。豈先生亦有所負乎。先生曰。自顧七尺。負欠良多。因示余一詩。有自憐半百餘。所負十六七之句。金子于是作而歎曰。先生其存聖賢之志者哉。憶先生起家恒山司理。余時承乏守邢。耳熟先生之爲政。明而不刻。惠而不弛。按部所至。嘗平反大獄。全活無算。至豪猾巨蠹。又皆望風懾息。一

金文通公集

卷之七

通齋記

七

時號稱明允。無出先生之右者。恒民見思二十年如一日。先生之不負民也如此。及奏最。召拜翰林。以外吏入讀中秘書。自先生始孜孜矻矻于經傳子史百家之說。文物典章。兵刑錢穀之故。靡不窮究而通達。歲丙戌膺

簡命主浙閩。值文體弊壞之餘。獨以崇正黜邪爲務。得人最盛。先生之不負官也如此。乃若先生之爲人。孝友著聞。潔廉自尅。非仁義之言不言。非道德之行不履。語嘿動靜。一軌聖賢。其不負所學也又如此。然則

先生于吏治文章。學業人品。可謂完美純備。無少負者矣。而先生顧謙謙若不足。猶以通名其齋也。豈非所謂任重道遠。而爲善惟不足者歟。先生其存聖賢之志者哉。嗚呼。夫人亦各反而思其所通。吾不知當何如其踧踖而奮發也已。

三不負正以平實鄭重勝作虛說結構無懈絲力足也
陳百史先生評

金文通公集

卷之七

通齋記

七

德水亭記

德水者惠山泉也。泉因山以名。自昔相傳。無不名泉。曰惠泉也。至唐陸氏始品題天下之水。謂茲水爲第一。然亦仍惠泉之名。今曷爲乎曰德水。自邑令吳公始也。吳公三韓人。諱興祚。字伯成。來蒞晉陵。廉明而仁恕。化成而俗和。每鳴琴之暇。休憇茲泉之上。顧而樂之時。與邑之縉紳先生。飲宴茲山之下。三載奏績。

朝

用寵嘉。爰晉公以清華之秩。于是公行且去。邑之人既不忍其去。而又知公之弗克久留也。喟然起相謂。

金文通公集

卷之七

德水亭記

七

曰吾錫山之民。素以租賦之緩急煩公計。以獄訟之紛囂煩公理。以師旅往來之驛騷。萑苻之厯突。水旱之焦癯。煩公之軫且舒。敝邑實溷公甚。而公顧以政事餘閒。步林臯而坐磐石。且淪泉而疏其壅滯。俾源益清流。益沛于以恣我儕之斟酌。不少忘公之志。其可知已。昔晉羊祜叔子。杜預元凱。治于漢水之上。每登峴山。謂此山常在。而前世之士皆湮沒無聞。因相顧悲傷。乃銘之石。以期永久。迄今石泐碑沉。而峴山反以二公著。豈非地不能傳其人。惟人能傳其地耶。

自古以來。名山勝蹟。有令人徘徊俯仰爲之咨嗟。豔羨千秋旦暮者。皆繫其人之故。又豈獨峴山爲然耶。彼後之人。有飲茲泉之清沁。滌肺腑之塵囂。慨然而思曰。自非我賢侯嘉惠茲土。令盜息民安。政平化理。何能致此。嗚呼。公之德真與水俱長已。然則茲泉之以德水名。寧復循陸氏之品題已哉。卽晉其名稱曰天下第一泉。宜也。爰作詞以銘曰。

惠之山兮石嵯峨。泉之清兮流逶迤。我侯蒞止兮民無疴。一塵不染兮映清波。高卑潤漉兮繁嘉禾。飲人

金文通公集

卷之七

德水亭記

十

醇醴兮風俗和。溥惠爲德兮誠滂沱。兒童擊壤兮叟皤。婆娑侯登。

朝兮四海漸摩。泉流無盡。德寧有磨。

築牆護珠藤記

凡昔賢之足以動人景仰者不獨令人閱其文考其行相與咨嗟嘆賞而思有以表章之惟恐其湮沒不傳卽一事一物之微有可托以想見其遺跡者亦能來後人之俯仰憑弔如讀其文如接其人雖欲不加之珍惜焉不可得也文部右署中有珠藤二樹爲昔賢吳匏菴文定公手植迄今幾二百年矣前乎此者幾人後乎此者幾人其文與行之昭然在人耳目者固寥寥也則其間之湮滅而不稱者可勝道哉余與

金文通公集

卷之七

築牆護珠藤記

五

同官陳百史晨夕出入署中徘徊樹下慨然想見文定之遺跡如讀其文焉如接其人焉百史顧謂余曰我輩幸厠吾鄉先達之後其何可以不自勗也則毋忽此藤爲文定一手澤之微卽謂典型之具在可也今右署之南軒獨缺牆爲外護萬一風雨飄搖歲久侵折有若墜其典型然者則我兩人之責亦匪細故也其各捐俸若干築牆以護之且規制與左署稱亦公廨一勝事云余服百史之嗜古勤學動以昔賢爲法程而又感其篤于友朋之誼能以道德文章相切

剗類如此也遂命廨吏鳩工竣事而因爲之記以垂于後

言有盡而意無窮幾許感慨讀之溫厚和平文人中詩人也

陳百史先生評

金文通公集

卷之七

築牆護珠藤記

五

義田記

昔范文正公置負郭田千畝。號曰義田。以贍羣族。擇族之長而賢者主其計。歲入稻八百斛。量入爲出。沛然有餘。其後子孫克承公志。猶公之存也。余覽古至此。未嘗不掩卷興歎。千載而下。此義何寥寥哉。吾族七房二弟子明。弱冠有志。課習之暇。每歎歎感慨。有薄流輩而嚮往昔賢之意。未幾。竟病勞瘁。資志以歿。年甫二十七。且無子。方易簀時。料理身後事。井井有緒。絕不作兒女態。因出手書一紙。示其胞兄常伯。及

金文通公集

卷之七

義田記

七

弟平叔。則分撥所授之田數也。常伯之應嗣子。一百十六畝。零未亾人之供贍田八十畝。常伯長子與平叔之子。亦念猶子。而各量給四十畝。又推念其外父。而亦撥給田二十畝。最後則聽田二十畝。立爲義田。以周族之貧者。痛哉異哉。何其區畫之次第周密。而且慨焉。志文正公之志也。余常見有身都通顯而漠然于宗親者矣。有富擁厚貲而貧族弗沾升合者矣。有享年耄耄而未嘗經理及此者矣。富也。貴也。壽也。三者子明無一焉。而富貴壽考之所不能爲者。子明

已饒爲之夫。又何憾。雖較之文正公千畝贍族。不啻涓滴。而吾族之丁甚少。貧之甚者。猶可屈指數。無憂不足也。倘吾族嗣後有貴者。富者。壽者。益高其義。更無憂不足也。一日常伯過予而謀曰。子明歿而承其志者。余子也。奈年幼無知。義田之舉。吾族盼望久矣。盼而不至。如有後言何。請兄酌其數而舉行之。余辭曰。非長非賢。曷爲主其事也。已而余又思曰。余亦幸叨一第。因貧不能自給。未遑追文正之高風。方蚤夜疚懷。而過人之義。羣族之望。是文正公之罪人也。寧

金文通公集

卷之七

義田記

八

得罪于我族之長而賢者也。于是貧則量極次。分則論親疎。而爲之等殺其間。亦幸無異議云。或有局外之人。從而議之者曰。子明祖授田僅若干畝。乃爲此侈大舉動。是亦不可以已乎。余竊歎議者之不廣。而毫不以仁人君子之心爲心也。文正公歿之日。家貧殊甚。至身無以爲斂。子無以爲喪。惟以施貧活族之義遺諸其子孫。後世未聞有以此議文正公者。何不廣之甚也。因爲之記。以見曹溪金氏之有義田。自子明始。

楊憲副雪冤記

歸安太學生施元長素與捕梟某相惡。一旦被其反噬。誣之爲盜。捕多金致獄。者偏聽。生活口不能辯。卒緊獄。死生有子二。俱鬻序通儒。貧而辱。雖不忘父仇。力弗能報。且人已故事未結。沉寃者幾一載。二子尚懼捕之肆其錢神。未免株累。噤弗鳴也。會守湖道印懸憲。副水利道楊公代署。公居省會。廉能有聲。來湖。譽益著。公一夕夢生自稱姓某。號呼案前。具訴枉狀。且言二子貧懦。無望其爲緹縈女子。惡捕某狎金文通公集

卷之七

楊憲副雪冤記

九

以也。公謝事回省。二子往叩。故乃知之。楊公字惟一。名千古。順德鉅鹿人。施二子長鉉。次墨。鉉卽余族壻也。有書來長安。感當道之神明。喜父寃之得雪。余故稔其詳。因異其事而爲之記。嗚呼。一施生也。生前活口不能辯。而死後冥魂反能辯之。歟。豈其生則曲而死則直歟。抑未遇廉明之官。則活口亦死。及其既遇。則死口反活。非施生死生之有異。而司獄堂上者之有異歟。然則富捕能殺人。旣已無法。無天而貧鬼卒能殺捕。則天理王法其終有在。而公門牙爪之挾錢金文通公集

卷之七

楊憲副雪冤記

十

冤奇夢奇文更奇。傳楊公一事不及其餘。勝鋪張德行。此前輩以少爲多處。陳百史先生評

吳江劉邑侯重修利往橋碑記

邑有賢令必能晰民之隱不以財困民不以力疲民必能燭事之要審其患而防之計其利而圖之必不顧已之私卽祿祿可以捐卽私囊可以罄實造一邑之民命焉則遼陽劉公其人也劉公諱定國涖松陵之二載歲在乙巳秋大水繞城一望與太湖連接一日大風鼓浪呼號震野劉公憂之謀于邑之老者以爲譙樓邑之底柱而長橋爲湖之鎖鑰二者更新宜急且橋實浙閩之孔道近者支吾傾裂不獨行旅未

金文通公集

卷之七

重修利往橋碑記

三

便且河流日壅將來墊溺可虞公曰誠哉是言也但歷歲以來供億徵輸吳江之民力竭矣以此二事授之是又剜肉醫瘡也吾又不忍乃捐清俸傾橐而成之是年冬樓成余旣已爲之記今丙午之十月橋又成邑之人復屬余記之余曰紀橋者紀侯德也余何辭按橋始建于宋慶曆八年橋六十有二亘千三百尺有奇上建三亭曰滙澤曰底定曰垂虹築之者知縣李問尉王庭堅也修于治平三年者知縣孫覺也紹興中有兵警議焚橋而保全之者郡守洪遵德祐

元年毀于兵元至正十二年重建增橋八十五者總管齊玉也大德八年增橋九十有九者平章閣里也前皆用木泰定二年始易以石橋六十二仍初建之數者判官張顯祖也鎮以石後猊石柱四者達魯花赤完者也至正十二年修垂虹亭者監州的介海牙也後毀于兵明洪武元年大修者知縣孔克中也永樂十年加碑面石闌者知縣蔣奎正統五年修者周文襄公忱也成化七年復修者都知監右少監福某及知縣王迪十七年完之者邑人屠氏之母趙也弘

金文通公集

卷之七

重修利往橋碑記

三

治嘉靖知縣孫顯鍾崇武各一修迄今百餘年從未大修又亭下水則石二各長七尺有奇亦肇自宋世樹于亭左者橫爲七道道列一則以下一道爲平水之則水到此田高卑無恙迨及二道田最卑者渰矣上及七道田最高者亦莫救凡水災必刻而記之樹于亭右者橫爲二截各爲六直上自正月至六月下自七月至十二月月下又爲三小直以當三旬災亦記之官每驗視與高卑諸鄉水災合亦古人重民建置之良法也今一旦舉而鼎新之利行旅便居民崇

縣治。通水道。侯之績。殆不勝書。此尤令民踴武不忘者也。然橋之東西。固浙閩之要路。而水之南北。實三吳之關鑰。蓋太湖滙數州之水。而趨吳淞入海者。在茲橋焉。元潘應武之言曰。此三州太湖衆水咽喉。明夏原吉之言曰。吳淞江自夏駕浦百二十里。淺狹宜導。邑人史鑑水利之議。欲東引湖水入江者。橋與焉。御史呂光洵救災之疏。濬三吳水利者。橋與焉。又志列東南洩水要處。二一白牛毛墩至觀瀾浦。一白吳家港至橋也。然則橋之名利往者。猶爲民便之名。而

金文通公集

卷之七

重修利往橋碑記

重

橋係三吳之水利者。實國家根本重地。一太要害也。

昔石塘之竇。百三十有六。利往之橋。六十有二。皆所以洩水防壅。近塘之爲竇。不可復問。而橋亦半爲民居所阻。又况諸港。堰壩防維。在在壅塞。是以湖流蕩溢。傾瀉無從。往年丁卯。湖水暴漲。凌民居而過。濱湖死者甚衆。嗟乎。東南財賦之區。而水道久湮。禹貢東江。旣不可問。惟婁江故道。水勢淤阻。如此。倘天行不測。水旱爲患。均之不淺。余所以因橋之成。而爲我賢侯頌。併詳志之。以俟夫後來恤民體國之賢者。庶有

所考焉。爰爲之記。

金文通公集

卷之七

重修利往橋碑記

重

重修歸安縣儒學記

攷學宮之設。其來已久。先王所以使人朝夕遊焉息焉。以修業勵行者也。故其廟貌不得不崇麗。庭堂不得不弘敞。齋舍庖廡之屬。以至尊經敬一之制。不得不備且肅。使人于遊息之餘。思往昔名臣賢士。文章懿行。興乎此。則低徊而奮發。思祖若父之勤修勉行。成功立德。起乎此。則感慨而追維。思吾後人于若孫之成德達才。教養培育。繫乎此。則敬念而永懷。然則學宮之興廢墜舉。所關匪細。未有能漠焉置不介懷。

金文通公集

卷之七

重修歸安縣儒學記

三

者也。余家世松陵。不數武。隸湖郡。治自我外曾大父鹿門茅公。起于歸安邑庠。博學鴻文。灼爍宇內。而我先人及我諸季父。皆學鹿門之學。以遊于茲庠。我先人沉養積學。凡七試棘闈。雖未得叨一第。而積德累行。廕及余輩後人。且俎豆于蘇郡祠。亦可稱茲庠之冠冕也。是以余少嘗過之。幾流連不忍去。伯兄秦清氏以明經起茲庠。治春秋。教授學者多名魁出門下。海內競推之。為麟經宗匠云。今余子若孫之遊茲庠者。亦纍纍矣。余子世濂。猶子世治。亦繇茲庠。于丙戌

甲午。相繼叨賢書。嗚呼。凡人居恒讀其文。佩其行。則思其人。與其所經歷之處。而憑弔焉。為之往復回環。不忍置。況乎我外曾父。以及我父兄之所奮跡。與我子若孫之所羣遊肄習之地。而有不仰而思。俯而興懷。繫念者哉。按庠蓋興于元泰定間。入明代。其創置尤備。幾與郡庠匹。而科第蟬聯。名賢鵲起。遂甲湖郡。茲因兵燹之餘。未經修葺。廟貌傾圯。幾于一望淒其。鞠為茂草。學博王君諱啓胤。秉鐸于茲。其文學德行。直與安定先生後先頡頏。力圖整葺。因屬余文以為勸。夫思先祖父之所遊習。以及于子弟之所奮興。情殷殷然而不忍坐觀其廢者。豈獨余一人為然耶。且茲舉也。有憲司為之提挈。與賢守令為之協力措置。而又得賢諭教董率鼓舞于其間也。耶。因奮筆書此。將拭目以觀厥成焉。

金文通公集

卷之七

重修歸安縣儒學記

三

湖心寺重修放生池記

武林湖心寺之有放生池也。始于永明壽禪師。繼擴于雲棲蓮大師。而現宰官身說法爲之護持者。宋有學士蘇公子瞻。明有中丞劉公一焜。以及杭郡薦紳黃貞甫葛屺瞻諸先生也。自宋迄明數百年間。興廢屢更。大約乘權當道者。幸遇仁人君子。則民無不安。其命卽物亦無不遂其生者也。此徹機禪師所以有放生池碑記之作也。康熙七年春。徹公請藏南來懋錫湖上。而督臺趙公有感于京都放生因緣。特捐清

金文通公集

卷之七

重修放生池記

壬

俸命之修永明雲棲二老故事。不一月告成。因碑以記之。金子起而嘆曰。大矣哉。我趙公放生之功德也。不在湖心一寺。而在全省兩浙。也不在池中十千遊魚。而在東南億萬戶口也。凡年來之仁心惠政。脫民湯火。不啻解網以縱游沫。俾浩浩然相忘于深淵廣澤之中。而豈徒磨崖勒石所能紀載其功德哉。嗚呼。後之人考斯碑而興起者。信仁人君子在上。無一民不安。其所并無一物不遂其生。莫有如我趙公而遠護永明之祖鉢。近紹雲棲之家風。自南自北。樹放生

赤幟亦莫如我徹師。已是爲序。

金文通公集卷之七終

金文通公集

卷之七

重修放生池記

壬

金文通公集卷之八目錄

吳江金之俊豈凡著

奉

敕撰

孝獻莊和至德宣仁溫惠端敬皇后傳

有序併附論

金文通公集

卷之八

目錄

一

金文通公集卷之八

吳江金之俊豈凡著

奉

敕撰

孝獻莊和至德宣仁溫惠端敬皇后傳

有序併附論

順治十有七年歲次庚子秋八月十九日壬寅

孝獻莊和至德宣仁溫惠端敬皇后以疾崩于寢殿

金文通公集

卷之八

傳

一

椒庭隕婺靈暉頻潛珩珮徂聲徽音永闕闔宮號咷率土驚摧

皇衷之銜痛殊深

皇太后之茹悲更至爰乃恭承

懿旨褒揚淑德正位坤維惜

謚號之崇稱罔該實行嗟

中宮之追冊虛晉隆名一時羣工薦哀慟聲雷駭流涕

雨零獨臣之俊因假滿赴

闕匍匐在途不獲捧紼靈輶偕伸擗踊惶罪無已倍道

星馳奔慰

丹陛欽蒙

天語宣諭

皇后以溫柔之資列左宮之位凡所以弘敷陰教翊襄內治者懿徽不可勝書惟是孝德夙成奉事

皇太后有年懋彰婉順式範掖庭一旦觀臺告祿紫禁收

華倘令生平淑規湮沒失傳何以仰釋

慈衷俯紆朕痛朕是以彙其懿行親次行狀復以悲緒填

膺聊寫哀詞不覺濡毫哽咽爾其綜述成傳俾壽彤

金文通公集

卷之八

傳

二

史臣之俊拜

命酸辛逡巡再四竊稽古帝王輦輪奄晦則命儒臣累

德述懷聿彰哀策著在簡編未有親沛

天章誌狀抒哀備隆追眷如我

皇上者况夫紀傳之作義存表微而

皇后景懿紛綸綬塵莫繪豈謗賸老臣所能揚詰旂

旒圖芳鍾萬朕忝司珥筆既受

命不敢辭粵惟開物成務之主締構丕圖上天必篤生

坤載作配乾符于以光贊大業如詩書所稱世載女

德莫隆于成周翊遷肇基昉自太姜嗣以太任發祥

京室上之思媚效順下之胎教鍾靈爰及太姒秉窈

窕以佐肅雝協問寢而垂內則房中化始流被管絃

下迨邑姜登佐命之勳宣后著脫簪之美莫非感二

南之遺風昭千秋之令範蓋其盛也漢唐宋來色升

愛授卑不足紀至夫開國母儀自唐宗之長孫后明

祖之馬后外此寥寥鮮聞朕攷二后史籍所載嘉言

善行間有足紀未可與

皇后齊芬而媲美也我

金文通公集

卷之八

傳

三

皇上肇造區宇實

皇太后秉太任之德弘慈教以牖迪黼修推恩四海

皇上至性邁于周文璇圖屈躬以天下養而

皇后粹美咸臻比德天妹雖陪位坤寧之貳實端承

慈壽之顏用能發融洩于寢庭成太和之訢合乃貴列三

宮而循謙不忘乎卻坐恩垂九御而逮下益周于貫

魚曲成在宥之仁廣弼永清之烈皆所以導豫

慈闈協敷

孝治若夫率禮蹈和動容成紀為壹儀所艷稱于

皇后之睿德兼材。猶緒餘也。洵足昭方祗而凝載。並
圓精以儼睟。三代以來。宮庭聖善。實遵厥極。至哉茂
以加矣。臣之俊不揣固陋。謬抒管蠡。恭撰

皇后本傳一篇。繕呈

御覽。勉矢周詳。終虞掛漏。伏望

皇上紓哀。灑藻。特賜

睿裁。宣付史館。用垂琰琬。臣之俊惶恐昧死。稽首頓首

謹上

孝獻莊和至德宣仁溫惠端敬皇后姓董氏。滿洲人。

金文通公集

卷之八

傳

四

也。父內大臣鄂碩。積有勲勞。累封至伯。歿贈侯爵。謚

剛毅。

后生而警慧過人。讀女誡。列女等傳。一過輒不忘。稍

長。閑女工。于組紉縫績。如素習。居恒動履端莊。進

止語默。咸中規程。秩朕有母儀之度。一時姻黨。嘖嘖

歎羨。謂是必有異焉。年十八。以德選入掖庭。淑順柔

嘉。為嬪。嬌冠甚當。

聖母皇太后意。于順治十三年八月內。恭承

懿命。進為

賢妃時

上圖治方殷。亟需內助。遍察宮掖中。未有堪貳坤維之
選。如

皇后者。尋于是年九月。

冊為

皇貴妃。既膺隆號。絕不以寵貴自矜。周旋上下。敬而
勿渝。謙而多惠。事

皇太后尤曲盡奉養之道。動靜起居。必伺顏色。如親子女。

類能先意順指。無不適中。至趨走勤劬。夙夜罔懈。不

金文通公集

卷之八

傳

五

惜與諸女侍伍。

皇太后顧視左右。

后一日不在。輒蹙焉不樂也。值

上以時巡他幸。

皇太后偶爾違豫。定省承視。弗遑寧處。因而稍釋

宸衷之繫繫。得殫精政理者。良以有

后在也。

皇太后亦曰。

后事我與帝無二。爰是出入必偕。至于事

上則如事父。小心翼翼。備極恭謹。凡飲食服御。間曲體靡遺。

上或回鑾偶晏。必迎問寒煖饑飽。趨具羞進衣。必以身先會。

上陳膳。命共餐。輒起謝曰。

陛下厚念妾幸甚。朕孰若與諸大臣宴。俾得接

天顏。沾寵渥于股肱。心膂。誼尤肫摯。

上深狀之。歲時逢慶典。

皇衷悅豫。間舉數觴。

金文通公集 卷之八 傳

六

后必教誠侍者若善侍

上寢室無過燠。叮嚀再四。猶怵怵慮不足恃。復中夜數起。趨伺寢所。

上已安枕。朕後退。諸曹上封事。

上每省覽不倦。卽至丙夜。

后未嘗不侍側也。章奏中有踴行故事。循例待報者。上一日畢了。因置之。

后起諫曰。此皆幾務所關。縱諸司奉行成法。無庸擬議。顧安知今昔異時。或需通變更。倘更有他故。尚

煩詳賜者。似不宜樂日爲故事。况

祖宗櫛風沐雨。締造丕基。遺大投艱于

陛下。當如何敬承之。雖勞瘁宜節。恐未可遽已也。反覆陳說。不避瑣瀆。及

上諭令同閱。復又逡巡。惶謝曰。女子干國政。往代覆轍。足爲寒心。妾何敢與聞。惟

陛下自裁察焉。固辭不可。一日

上覽廷議疏。有重囚應決者。方咨嗟猶豫。握筆未忍下。后遽起問曰。是疏安所云。致仰軫

金文通公集 卷之八 傳 七

睿慮乃爾。

上曰。此法司秋決疏。中有重辟多人。俟報可。卽正典刑。朕是以徬徨服念耳。

后聞之。泣下曰。諸犯法者。皆愚無知。且非悉經

陛下親讞焉。保其能無冤。妾度

陛下如天好生。卽一一親讞。猶不得情。是懼况皆所司審慮者。妾聞之。民命至重。死者不可復生。斷者不可

復屬。

陛下一舉筆。問生死殊路。良可哀也。願益加敬慎。于無

可矜宥中求矜宥之門多所全活以悅我

堯仁不亦快乎自是

上于刑曹爰書已經詳覽竟

后必固求再閱且曰與其殺不辜寧失不經每以寬

大爲請適符尚德緩刑之

上心凡有更令覆讞者固繇

乾斷亦

皇后規勸力居多緣是重辟獲全大獄末減者不可

勝紀諸大臣中有偶干罪戾者

金文通公集

卷之八

傳

八

上弗釋

后詢知其故諫曰斯事非妾所敢預願以妾愚揣之

諸大臣誠有過朕皆爲國事非爲身圖請

陛下霽威詳察服大臣之心卽以服天下之心可也

后雖端居深宮乃心在邦國繫念臣民事率類此

上或罷視朝

后請曰妾未詣朝儀何若

上諭以祇南面受羣臣拜舞耳非聽政也

后進曰

陛下臨朝則在廷大小臣工咸得望見

至尊顏色若以非關聽政遂從罷免則堂簾隔絕恐傳

之四海疑

陛下倦勤願視朝如常期

上朕之未嘗無故傳免也

上勤于典學日講不輟寒暑

后每伺講筵退必詢所講何書且曰幸爲妾言之

上示以書中大義首尾詳微

后輒不禁色喜或間有遺忘未能盡悉者

金文通公集

卷之八

傳

九

后進曰妾聞古帝王治平要道備載詩書

陛下求治焦勞故勤學如此既經目入耳必默識無遺

始于政治大裨否則日講亦具文矣

上舉行蒐狩大禮嘗戎衣騎射爲諸將校先

后必諫曰

陛下續承鴻業安不忘危于農隙講武甚善但以

宗社生靈所式憑倚芘之

皇躬輕試馬足萬一有銜橛之虞關係非小此古有諫

獵之書至今流傳可誦也

后之深識遠慮見機明決而且敢于犯顏直諫有舉朝公卿大夫所不克殫其忠蓋者事又率類此

上用是深嘉焉

后自入宮掖數年溫和平下不惟恭承

皇太后靡幾微怠數卽遇

上保姆晉接必以禮未或敢慢至待諸嬪嬙寬仁廣暨善則奏稱過則隱之無纖芥忌疾若有當

上意者

后亦愛如已女雖飲食之微甘脆必均于宮闈眷屬

金文通公集

卷之八

傳

十

小大一視嫗呼長者娣視少者未嘗稍加詆詬故人入感悅和氣洽于宮庭凡女侍宮監有獲罪于

上致被譴責者

后必爲拜請口此曹蠡恩罔知

上意冥行干戾固臧獲之常也且是瑣瑣者亦有微長

昔于某事亦曾效力願

陛下始恕之更旁引曲譬多方解慰候

上意釋乃止

后天性慈惠好施與凡

上所資錫必推而廣之羣下無所靳冊封

皇貴妃有年絕無儲蓄崩逝後諸舍殮具皆

太后所預治平日宮中人均被賜予咸懷其仁故哀痛甚

篤願以身殉者多初

后父病歿聞訃哀毀

上慰之

后投淚對曰妾不敢過悲以厯

陛下憂特念鞠育恩深未免痛悼今旣亡妾心從此安

金文通公集

卷之八

傳

十一

矣父性愚樸未能讀書明道理倘以妾獲侍

至尊自謂寵榮已極忽生驕侈致干國憲深可憂也今

幸免罪戾以終荷

陛下曲垂恩卹隆禮有加父死亦瞑目矣妾更何慟哉

繼復有兄之喪

上以

后方屬疾未使聞

后已心知之因謂

上曰妾兄每月來遣問今久不至凶問可知

上再三慰安。仍不語以實。

后曰。妾兄心矜傲。今一旦富貴。恐愈不自持。倘所行越理。詎止辱妾名。將舉國謂。

陛下以恩昵故。致外家橫恣。妾所以夙夜惶懼。寢食靡寧。茲妾兄以疾終牖下。是又妾之幸也。安川悲爲。后之明大義。抑私情。而防閑外家如此。其謹密者。史傳中可概見哉。先是。

后于順治十四年丁酉冬。生榮親王。未幾王薨。

上慮重傷。

金文通公集卷之八 傳

主

后心欲勸慰之。乃

后初無戚容。恬然對曰。王初生時。妾早懼其不育。爲

君父憂。今惟願

陛下忍痛自珍。反勸慰倍至。不復悼惜。且

后意亦不必已。生者爲天子始。嫌于心。其達觀卓識。有非古賢后所能及者。

后初偶有事未稱。

上旨致蒙誚讓。始猶婉伸已意。以明無過。及讀史至周姜后脫簪待罪事。不覺廢卷而嘆。翻朕悔曰。姜后身

本無咎。尚待罪若彼。我往曾申辯。愧古人多矣。嗣後卽有宜辯者。惟屏息引咎。不復自明。

后之恭謹事。

上而勇于遷善如此。

后性愛節儉。服澣濯之衣。屏金玉之飾。甚而簪珥等屬。多用骨角。約素倍常。真可移風易俗。挽舉世奢靡之習。不獨爲後宮式也。

后又喜讀書。天資敏穎。四書周易俱卒業。匪止章句成誦。而聖賢修己治人之道。與大易陰陽變化之理。

金文通公集卷之八 傳

主

無不通微。挾輿誦讀之暇。又好臨摹古人書法。習學未久。遽造精工。

后素不信浮屠氏。

上流覽經史博極羣書。嘗以其餘研心內典。契甚深義。因爲

后解譯心經。遂信向禪學。參究宗旨。

上偶一拈提。輒有省。自嬰疾後。從未偃臥。但凭几倚榻。息心靜坐。及疾篤。猶憶

上拈提之語。時爲舉似。故大漸時。言動如常。一心不亂。

唯持念佛號。端狀噓氣而化。崩數日後。顏貌整潔。猶無異生前。此非明心見性。大有德于西方聖人之秘。而徒效世俗之崇尚三寶。以異微福。沈愆者。不能現此瑞像也。先是

后初病時。恒曰。我蒙

皇太后眷愛深至。脫不幸弗起。必傷

皇太后心。料哀感難免。令我何以當之。故

皇太后每遣使問訊。

后必對以今日稍安。偶

金文通公集

卷之八

傳

古

上一日遇之。問曰。若病今較劇。何云安也。

后曰。慮實對狀。遺

皇太后憂。須歿後。乃可聞之耳。泊瀾留。

上及

今皇后諸妃嬪眷屬。環視榻前。

后曰。吾體殊委頓。殆將逝矣。顧此中澄定。絕無所苦。

獨念侍

皇太后與

陛下有年。受高厚深恩。未答涓埃。倏爾永訣。嗟乎。妾已

矣。

陛下聖明思

祖宗大業。擔荷匪輕。且

皇太后在上。承權爲要。或不至過慟。朕亦宜抑情節。哀萬

分保護。唯是

皇太后慈衷。肫切不知何如。痛悼言念及此。肝腸碎裂。妾

雖死。弗能卽安也。復謂

上一日。妾亡。度諸王等必來致賻。妾思人生世間。身外皆

長物。死復何用。

金文通公集

卷之八

傳

主

陛下誠念妾。與其虛糜無益。孰若施諸貧乏。爲善也已。

又囑左右曰。慎毋以綺麗束我體。

皇上敦崇儉樸。不以玉食萬方。稍侈奉其身。如用諸華

珍物。殊違

上意。亦非我素心也。蓋以我所遺者。廣行善事。庶有利

益耳。故殮具悉從儉約。

上更以賻金二萬餘。賑施貧乏。蓋一一從

后語也。凡人之好爲善者。平居無恙。方能操持。勿懈

倘疾病纏綿。力不能支。未免後先易轍。

后患病閱三歲癘瘁已甚仍勉謂無傷料理諸務周詳中禮終始如一事

今皇后克盡謙敬以母稱之

今皇后亦視之如姊往歲候視

今皇后寢疾勢頗危急

后五晝夜日不交睫扶持眠起奉侍湯藥且時爲誦

書史或問以常譚百般慰解卽

今皇后宮中侍御尚得乘間稍休

后則未嘗刻離左右也及出寢門卽悲泣曰

金文通公集

卷之八

傳

其

上委我候視須賴

天佑霍朕乃可報

上命倘疾終不痊將奈何于是憂勞倍至難以殫述今

年春

永壽宮妃有疾

后亦躬視扶持廢寢興凡三晝夜所以殷殷慰解悲

憂不惜勞瘁者亦如待

今皇后

悼妃薨時

后哭之曰韶年入宮不獲久效趨承以適

上意乃遽歿喪耶胡命之不辰至此悲哀甚切有踰倫等

后之愛念他妃嬪如同一體率此類也故

今皇后及諸妃嬪皆長號大慟曰如此賢淑

天反不假之年耶吾儕無用之軀曷不先

后早逝而反存耶今雖存亦于

上奚益耶回思

后德悉捶胸頓足莫知所報惟有茹素誦經稍酬恩

金文通公集

卷之八

傳

七

于萬一耳比 承澤王有女二人 安王有女一人

后俱育之宮中盡悴撫鞠過于所生三公主頓失所

依擗踊哀毀令人不忍見聞

后慈愛性成感動孩孺有如此嗚呼

后雖未及正位宮中而事無鉅細罔弗盡心綜理是

以內政秩然纖悉曲當今一旦崩逝

上所以撫時觸事觀景興悲追念

皇后至德兼材超軼今古入則體

主太后之心而恪恭婦道出則體

皇上之心而曲盡后職。又以身居貴顯。恐外家之有不率。每用憂惶。以致成疾。

后之處心制行如此。宜乎上厪

皇太后慈懷眷戀。亟晉隆稱。以表母儀于天下。而

今皇后亦倍切惋傷。暨六宮嬪御。薄海臣民。莫不震悼哀號。咸謂有其實者之必有其名也。惜哉臣老矣。無力屬思。况捧讀

御製行狀一字一淚。含毫酸咽。未能昭宣

懿懃仰副

金文通公集

卷之八

傳

太

敕旨。聊爲綴述其概。使後之簪管從事者。庶幾有所考

焉云爾

臣之俊謹論曰。臣聞之漢臣匡衡曰。妃匹之際。生民之始。萬福之原。后夫人之行。侔乎天地。斯有以奉神靈而理萬物。詳哉其言之矣。是以易著乾坤。詩始關雎。書美釐降。夏殷之季。典制猶疎。周禮自王后正位。同體天王。夫人九嬪以下。頒官公務。各有攸司。女史保阿。紀功書過。用能光昭壺職。述宣陰化。蓋內治若斯之重也。降至末代。軌範靡彰。或

乃任情造欲。漸則輕禮弛防。內譏出聞之言。權多私溺之授。間亦詳求淑哲。慎簡令儀。而觀刑疎于化始。效順置乎永貞。將以修扶宮教。比美書詩。鮮得而稱焉。惟我

皇后鍾懿興龍之區。發祥炳麟之胄。幽閑體備。不煩師氏之陳規。溫裕風成。非假珮環之節。響瑞承六寢。德晉三宮。時

皇上方合歡萬邦。娛顏

壽母而

金文通公集

卷之八

傳

十九

后以婉容愉色。思媚嗣音。候鐘長樂。則筦簫攸宜。視膳

慈寧。則珍錫加七。乃至調圭遣疾。額代格

天。用以廣協

孝思。迭增繁祉。蓋綱紀之首。王化之原。

后固已端其本已。若夫含貞抱順。調護

皇躬。狎昵絕乎燕私。箴規侔于監史。慮

宸幾之偶忽。凜外政之微干。庭輝啓問夜之心。講席勗惜陰之志。五罪疑輕。警深馭馬。三驅是戒。愛過當

熊微訶求貸于公卿弘賚旁周于替御乃若位絕
六宮嫌防匹嫡尚矢宵征之咏罔矜當夕之恩既
謹禮以光謙復惕盈而遵儉大練頻申于汚潯角
掃靡羨于瑤璣以至鑒西京出寶之釁慕東都馬
鄧之風預虞溢寵之驕忍抑私門之悼真體國以
忘家更憂深而慮遠也矧夫龍雛中化勉割痛于
殤王鳩子維均彌隆慈于列主規深月望敬殫
坤寧拮据自伍于抱衲纏綿必親于嘗藥以至調
劑嬪嬙之列不靳曲全姊妹之歡乃其幼責陳詩
金文通公集 卷之八 傳 手
長嫺緝藻乙夜恒窺乎金匱六書精繕于銀鈎廣
通貝梵之微進證參承之秘受

人王之密印獲天女之良因故得解脫彌留冥忘但化
暨訣垂乎屬纊猶戒濫于附棺減珠襦玉匣之資
充起瘞振瘵之費布人天之利益弘民物之亨嘉
殆所稱考終正命歸全無憾者歟以

后之夙彰純德備著芳修假令婺暉未蝕中壽爰登
長怡

慈聖之顏益叶薰風之奏更將廣乾施以錫類極厚載于

化成而冲華遽謝淑範長湮徒貽寢掖之悲思無
解普天之戀慕詎不痛哉

天子眷言蕙幄增慕

慈宮匪嗟罷御于承恩實慨疎恩乎隆養爰乃恪遵
音登曜紫闈榮哀備乎上儀雅頌抒于

宸藻大哉

一人之孝昭刑于而御家邦于以懸式新彤流馨永祿
倚歟盛矣

金文通公集

卷之八

傳

主

金文通公集卷之九目錄

吳江金之俊豈凡著

春秋凡書盟皆惡之說

北魏崔浩說

讀柳州三戒說

廣柳州三戒說

正文體說

金文通公集

卷之九

目錄

一

命名說

寤軒說

讀書萬卷說

封使君說

息齋說

官民說

芥舟說

壯鼠說

河魴魚說

龍鬚菜說

蛛網說

戴毛說

惡蚊說

饑寒二字難忍說

真富說

真貴說

真壽說

貧富榮辱說

金文通公集

卷之九

目錄

二

酒天說

名譽命運說

畏說

答客問

金文通公集卷之九

吳江金之俊豈凡著

春秋凡書盟皆惡之說

春秋之世人懷疑。傾危成俗。一時列國之諸侯大夫。相與刑牲歃血。要質鬼神。壇坫紛紛。而盟于是。不勝書矣。然盟有美惡不同。而傳曰。凡書盟者皆惡之。何哉。春秋非惡其盟也。惡其叛也。非惡其已盟而復

金文通公集

卷之九

春秋凡書盟者惡說

一

叛也。惡其欲叛而先盟也。蓋聖人大道爲公之心。本無有疑。何必示之以信。示之以信。則疑甚矣。本無有詐。何必要之以誠。要之以誠。則詐甚矣。故曰。凡書盟者皆惡之。聖人以之垂戒乎天下。萬世誠防其末流之莫可底止也。而盟至今日。則濫觴極矣。儒生學士有盟。騷人烟客有盟。甚而輿臺皂隸有盟。狡童冶女有盟。以至山麓林莽。湖濱海畔。之亡命巨寇。無不有盟。嗟乎。盟之末流。抑至于此。卽聖人亦寧料其然哉。則總之。儒生學士。階之爲厲。而兄弟之盟。遂遍于海

內疑乎。信乎。詐乎。誠乎。其爲世道人心之害。非淺鮮也。欲大變今日濫觴之惡習。而刊落盟之一字。以還大道之公。請自儒生學士。讀春秋始。而他又何責矣。故爲之著凡書盟皆惡之說。

予向有盟說刻集中。今又讀此。亦同心之一端也。
陳百史先生評

金文通公集

卷之九

春秋凡書盟者惡說

二

北魏崔浩說

余讀史覽崔浩始末而深歎夫才之不可以恃也天下最難料者兵家勝敗之機獨浩之智能燭照數計百不失一如劉裕假道伐姚泓魏主不用浩言而拒之則敗討赫連昌擊蠕蠕從浩言則勝浩又言蠕蠕必克但恐諸將瑣瑣不能乘勝深入使不全舉爾果如浩言及赫連定約宋合兵滅魏浩以爲有似連雞不得俱飛因贊魏主自將攻夏而遣將禦宋卒平北涼又議討牧犍襲柔然破薛永宗及料蓋吳情形一

金文通公集

卷之九

北魏崔浩說

三

一皆如浩言浩又嘗謂魏主曰臣私論近世人物若王猛之經國符堅之管仲也慕容恪之輔少主慕容暐之霍光也劉裕之平逆亂司馬德宗之曹操也其善鑑人物如此彗星出天津入太微經北斗絡紫微犯天棓八十餘日至天漢而滅浩以爲劉裕篡主之應其善測天象又如此乃卒之自恃才識高等欲大釋流品明辨族姓不從伊嚮盧元之言由是得罪于衆又輒用湛標議刊所撰國史于石以彰直筆竟被譖坐誅夷嗚呼以彼智如崔公料敵如神一時群魏

之公卿發言盈廷莫能繼其議真子房孔明之流亞也孰謂其智尚不足以周身哉而乃弗克保有首領且併以其族屬殉也豈不悲夫甚矣才之不可以恃也

山木自伐膏火自煎白馬公才略之美當時無比誠如魏主之言而不克終殊可歎息恃才二字誠爲定案豈如史所言非毀佛法之報應耶

陳百史

先生評

金文通公集

卷之九

北魏崔浩說

四

讀柳州三戒說

余讀柳子厚三戒臨江之麋以恃其主善畜狎犬而爲犬所殺黔之驢先以鳴繼以蹄爲虎窺其伎而啖焉豕某氏之鼠以飽食無禍晝夜恣行卒被他氏捕殺殆盡不覺撫卷歎曰向使麋無所恃則必不敢狎犬抵觸以至于斃驢第老然大耳不鳴不蹄不出其伎則虎且始終疑畏之鼠不飽食恣行于不畜猶犬之家以爲常則亦何至爲後人來居者羅捕之盡也嗚呼古今禍患之來或生于有所恃或釀于露其能

金文通公集

卷之九

讀柳州三戒說

五

或起于飽食自恣而肆暴無忌有如三物之類者可勝道哉

李空同陳思王集叙每句段落有此老到

陳百史

先生評

廣柳州三戒說

金子讀柳州三戒而既爲之說矣陳百史見而有感曰是麋驢鼠三物者本一物也戒其一而已是不待三也金子曰何以言之百史曰凡物之有所恃而狎者必自以爲能莫已若鳴而張之本無伎也而驚然欲見其伎既見其無伎之伎則必自以爲無患而恣行于白日昏夜之間惟所欲爲不顧其生不已故曰三物本一物也脫有一之不戒而禍敗踵至奚有于三也金子悚然起謝曰甚矣百史之善讀書也故又爲之識其說以廣之

金文通公集

卷之九

廣柳州三戒說

六

偶爲是言遂得椽筆點次數語有千萬言之多解

者難言也○柳子厚曰讀吾文而以爲簡者必不

知文者也讀此文亦云然

陳百史先生評

正文體說

金子讀今日之制舉。執而重有慨也。因憶唐裴晉公論文有曰。騷人之文。發憤之文也。雅多自賢。頗有狂態。相如子雲之文。諷諫之文也。自爲一家。不是正氣。賈誼之文。化成之文也。鋪陳帝王之道。昭昭在目。司馬遷之文。材成之文也。馳騁數千載。若有餘力。董仲舒劉向之文。通儒之文也。發明經術。究竟天人。其餘擅美一時。流譽千載者多矣。然皆不詭其詞。而詞自麗。不異其理。而理自新。若夫典謨訓誥。文言繁辭。國

全文通公集

卷之九

正文體說

七

風雅頌。經聖人之筆削者。則又至易也。至直也。雖大彌天地。細入無間。而奇言怪語。未之或有。然則今之爲制舉。執者。其亦曾流覽載籍。將學爲屈騷以下諸家之文耶。抑嘗讀易與詩書。口誦心惟。嚮慕爲六經之文耶。吾竟不知其所爲文者。何居而奇言怪語之偏多。至于斯時而極也。不獨汗漫其辭。支離其理。且幾于蔑傳註。悖聖經。而馳騖于不可知之鄉矣。嗟乎。言者心之聲也。昔邪說暴行有作。亂賊接踵。則孔子懼。楊墨之言盈天下。邪說誣民。則孟子爲此懼。觀今

日之所爲文。其說邪歟。正歟。則凡爲聖賢之徒而怒然有世道人心之憂者。其亦大可懼也。夫亟起而正之。端有不容緩者。然正之維何。亦惟勉學者以近古。而後時文之弊可救也。吾不能無望于晉公其人矣。

與永叔修其本以正之同意深厚自然救世

陳百

史先生評

全文通公集

卷之九

正文體說

八

命名說

少宰蓬元張公于順治戊子冬十一月舉第三曾孫。一時同朝諸君子咸慶其後嗣之盛。人世罕睹。而太宰陳百史先生爲之命名曰稚圭。以長名。圭。次名。圭。成。取義于圭。云。金子聞而爲之說曰。善乎。太宰之命斯名也。德厚者流光。自古記之。張公敷歷中外。累至大官。所在聲稱藉甚。其積有厚德。蓋繇來若漸矣。宜其流之光。而發于子者未已也。于其孫。發于孫者未已也。又于其曾孫。其必有風骨秀異。白少卽擢

金文通公集

卷之九

命名說

九

高科登顯仕。出入將相。銘勒鼎彝。如韓稚圭。忠獻公其人者乎。世但知韓公當時德被生民。功施社稷。與富鄭公齊名。號稱賢相。子五人。忠彥。端彥。純彥。粹彥。嘉彥。並爲顯官。以是爲韓公榮。而不知自其五代祖唐左庶子韓義賓而下。代有令德。爲時名卿。所以積累發祥。篤生忠獻者。非偶然也。余是以觀張公之德。不減韓氏。益信公之後。必有大昌者。他日張稚圭與韓稚圭並稱。而追邇命名之所自。然後知太宰與公同官。知公最深。所以命斯名者。非夸。而余與太宰暨

公。又皆先後同官。知公與太宰亦不淺爲之。若其說者。亦非誣也。嗚呼。世之欲昌其後嗣者。其亦反覆于命名之義可乎。

先生文遂至此乎。蓬元世寶之讀。者各當努力。陳百史先生評。

金文通公集

卷之九

命名說

十

寤軒說

太學陳生路若。居京師十餘年。自成一小築。蕭疎幽寂。有朝市而山林之致。顏其齋曰寤軒。金子願而樂之。爲之說曰。攷寤之爲義。寐覺而有言之謂也。慨夫人之寐于名。寐于利者。終其身未有能覺之時。亦終其身昏昏默默。鮮能語道理。論古今。有如瘖瘂不能言之狀。其憬然自得于名利之外。而大寐能寤者。幾人哉。陳生係東莞名雋。先是抱所學以遊南雍。尋改北雍。屢試弗售。遂棄舉子業。肆力詞場。有能詩名。又

金文通公集

卷之九

寤軒說

士

善丹青。吾觀其爲人。不怵于饑寒。不羶于勢利。蕉窓菊徑。吟嘯自適。殆憬然有得于名利之外。而庶幾其覺而有言者也。其以寤名軒也。固宜。雖然。余之爲是說者。寐乎覺乎。得無猶主。噤語乎。寤軒主人。汝既覺矣。其亦將有以覺我乎。

子息齋說亦此意而更以簡勝

陳百史先生評

讀書萬卷說

楊升菴雜著一則。杜子美云。讀書破萬卷。下筆如有神。此子美自言其所得也。讀書雖不爲作詩設。然胸中有萬卷書。則筆下自無一點塵矣。近日士夫爭學材博。不知讀書果曾破萬卷乎。如其未也。不過拾離騷之香草。丐杜陵之殘膏而已。余是以知讀書萬卷非難。而破萬卷之爲難也。世有老生宿儒。窮年孜孜。矻矻于經史子集百氏之書。非不涉獵靡遺。而下筆爲文。卒未見有卓然可傳者。其于書讀之而已。未能破也。所謂破者。非破其字句。須破作者之意。與其事。其理。其法也。昔有人問于蘇文忠公曰。公之博洽可學乎。曰。可。吾嘗讀漢書矣。蓋數過而始盡之。如治道。人物。地理。官制。兵法。貨財之類。每一過。專求一事。數過而事事精覈矣。噫。讀書如文忠。乃可以言破乎。宜其文之傳也。

金文通公集

卷之九

讀書萬卷說

士

封使君說

楊升菴集載一則古傳記言漢宣城郡守封邵一日化為虎食郡民民呼曰封使君即去不復來其地謠曰莫學封使君生不治民死食民張禹山詩曰昔日漢使君化虎方食民今日使君者冠裳而喫人又曰昔日虎使君呼之即慚止今日虎使君呼之動牙齒又曰昔日虎伏草今日虎坐衙大則吞人畜小不遺魚蝦金子讀而歎曰異哉使君之為虐也抑至此乎有客忿然起謂金子曰汝但知昔日使君化虎事不知今日虎化為使君也使君化虎昔驚聞虎化使君今遍是獸面人心猶慚止獸心人面寧知恥金子曰然則禹山之言未為異也悲夫

牛哀化虎又得一使君苛政猛於虎極其比擬具見聖懷今又得先生名論焉

陳百史先生評

金文通公集

卷之九

封使君說

十三

息齋說

息齋者松陵金子于長安退食之暇閉門卻掃獨坐燕息于其中者也有客過而問曰易稱君子以自強不息中庸云至誠無息此聖賢之為道也汝之取義于息也何居其亦有道乎金子曰余正愧夫未聞道也而是以求息也請為子姑引其說可乎夫人自有生來萬慮紛紜于內百感交乘于外無論貧富也貴賤也由少及壯以至于老也憧憧焉擾擾焉如輕塵之逐疾風靡有寧止畢一生求一刻之息不可得窮

金文通公集

卷之九

息齋說

十四

晝夜求一念之息不可得于是涼暝晦朔不有其時耳目心思不有其官喜怒好惡不有其性情飲食寢處不有其張主而其為勞而弗息也抑甚矣今我將以知涼暝晦朔之時還耳目心思之官發我性情之喜怒好惡適我有主之飲食寢處庶幾求之息齋者近是乎客曰嘻然則嗜欲之不息者天機之所以息也學問之不息者塵網之所以息也汝之為說其殆幾于道者歟金子蹙然歛容避席曰敬聞命矣退而口省于息齋之中讀易與中庸

直探理奧仍見開闢友正之法所以爲大家尺度

陳百史先生評

此亦文之能息者也中和之心生則詭僻之言息
宋諸儒有其理而無其筆若使理學不絕此文固
當與日月俱懸

陳彥升先生評

金文通公集

卷之九

息齋說

五

官民說

瓠里子自吳歸粵相國使人送之曰使自擇官舟以
渡送者未至舟泊滸者千數瓠里子欲擇之而不能
識送者至問之曰舟若是多也惡乎擇對曰甚易也
但視其敝逢折櫓而被驅者卽官舟也從而得之瓠
里子仰天歎曰今之爲治者其亦以民爲官民歟宜
其敝也嗚呼以余觀于今天下之民其不爲官民而
免于瓠里子之歎者蓋亦鮮矣且求如官舟之猶存
敝逢折櫓與被驅亦什不得二三也然則攻民風者
金文通公集

卷之九

官民說

六

宜如何加之意焉

今之民豈特視如官舟哉惟恐其不敝且折而與

波俱深也讀此益恨吏無良也

陳百史先生評

芥舟說

少司馬北海孫先生。卽其居室之東偏。治一長廊。顏之曰芥舟。莊周所云。覆杯水于坳堂之上。則芥爲之舟也。或者疑之曰。舟之爲用。所以濟險而利涉也。以芥爲之。僅不膠于坳堂之上。若欲乘長風。破巨浪。坦行江湖之間。豈有濟乎。適于小而不適于大。何芥之足貴也。金子曰。否。先生之名此也。意深遠矣。夫人之足以累其心。而小之出門有碍。大之載胥及溺者。不過富貴功名與性命弗能芥視斯三者耳。苟其芥富貴則必能寡嗜。欲鮮營求。芥功名則必能忘寵辱。齊得喪。芥性命則必能安義理。一死生。小之不膠于坳堂之上。大之不波于江湖之間。安往而不得逍遙遊哉。故曰。先生之名此也。意深遠矣。因以其說質之先生。先生相視嘿然而或者之疑亦渙然以釋。

金文通公集

卷之九

芥舟說

七

壯鼠說

吾聞鼠之爲物。陰類也。宵出旦伏。志貪而易盈。性黠而多畏。此鼠竊之名所繇著也。乃若洪都官舍之鼠。則大有異焉。青天白日。糾黨肆出。筭無完衣。童子獻歛。瓶無完粟。運如轉軸。大者如兔。縱橫滿路。穴已成城。腹尚未盈。廣設之罟。畧不人畏。壯哉鼠也。客有嘲予者曰。洪都地方。不歉而荒。況丁儉歲。人多道斃。寧餘筐筥。肥及于鼠。余曰。唯唯否否。鼠之壯者。民之瘠也。客曰。然則以若所云。鼠竊而甚于大盜矣。嗟乎。

金文通公集

卷之九

壯鼠說

八

河魴魚說

魚有種曰河魴產江海中味甘美獨吳人珍之薦上客必以登俎然性有毒載之本草烹煮稍不如法輒殺人顧吳人未嘗因是而戒弗食也他人氏則無不畏如砒酖而且笑吳人之以口腹殉其身有吳人之黠者還笑之曰彼終身不食魴魚而或以酒或以色或以名或以利殉其身者不可勝算則反不如魴魚之偶一殺人而無害其爲生者尚多也何其偏畏魴魚而傷生之殆有甚焉者竟恬不知畏也金子聞而

金文通公集

卷之九

河魴魚說

九

歎曰嗚呼此非黠者之言乃有道之言也夫

似爲食魚者寬說警人處正在反不如魴魚數語

自結自解文幾乎道

陳百史先生評

龍鬚菜說

長安春三月有菜名龍鬚狀與芹類其味甚清甘適口出天壇者尤佳至四月而老五月則枯有如朽蓬稿苧不可食矣更名曰狼尾嗚呼一植物之微也由前之名則如此其美由後之名則如此其惡豈名之者得而美惡之哉彼變其質者有以自取也可不慎歟

與退之馬說同不須更及正意

陳百史先生評

金文通公集

卷之九

龍鬚菜說

手

蛛網說

蛛之爲物吐絲張網雖大小不同巧拙互異而其意皆欲戕害他命自肥已身或附牆壁以施設或依樹蔭而托根入其網者十無一脫卽幸而得脫傷殘已多。余性惡之見必令童子掃除因而歎曰蛛不過濕生中極微細一類耳本欲害他以自利究竟自利以自害若是乎渺渺小蟲亦莫逃乎報應哉然則蓄害人之心張彌天之網而恬然罔顧報應者其愚殆有甚于蛛也矣

金文通公集

卷之九

蛛網說

三

載毛說

夏蟲之類有若載毛者惟大江以南有之其身多彩色其毛能刺人卽風吹其毛偶着人肌膚亦痛不可忍其可惡殆有甚于蚊焉蓋蚊之害人原欲吮血以自利耳若載毛之爲物但有害于人初無利于已者也嗚呼天下之無利于已而徒有害于人且非無文亦可觀而刺人矛戟有莫可當者是亦載毛類也已

金文通公集

卷之九

載毛說
惡蚊說

三

惡蚊說

息齋曰夏間物類可憎莫如蒼蠅以其惟羶是集任驅不去也可畏莫如蛇蝎以其張口欲噬沾着便傷也若兼有蠅之可憎與蛇蝎之可畏而惟血是吮罔顧人之痛癢者則可惡莫如蚊蟲客曰蚊之可惡誠如子言若夫人也非物也而亦不顧人之痛癢惟吮血是營者子何故絕口不言而苛論物類哉息齋大慚而止

饑寒二字難忍說

金子曰甚矣言有近乎道者深可味也。余一日策馬入署。有一蒼目乞兒。大聲號于路曰。饑寒二字難忍。余聞之心惻已而思之。噫。何其言之近乎道也。嘗讀論語曰。君子固窮。小人窮斯濫矣。孟子曰。無恒產而無恒心者。惟士爲能。若民則無恒產。因無恒心。苟無恒心。放辟邪侈。無不爲已。夫君子非不畏饑寒也。惟能忍。故能固士。亦非不畏饑寒也。惟能忍。故能有恒心。若小人之濫。與夫民之無恒心。皆難忍所致也。然則饑寒之于人。豈細故哉。語云。饑寒至。身不顧廉恥。至于廉恥不顧。雖慈母不能保其子。雖仁后不能庇其民。而天下事有不可言者矣。嗚呼。今之長民者。其亦深味乎饑寒二字之難忍。而加之意焉。于以免流亡弭盜賊。庶有濟乎。否則不爲民之饑寒計。而止爲己之溫飽計。是忍人之所不能忍也。欲民安而盜息。其道何由耶。故爲之若其說。

實具萬里之勢。不知者以爲只尺也。

陳百史先生評

金文通公集

卷之九

饑寒二字難忍說

三

真富說

人之所欲者富也。而富自素封以至鉅萬。極之敵國而富止矣。然因富而府怨者有之。因求富而召禍者有之。縱不府怨。不召禍。侈然以富終其天年。而卒之眼光迸地。空餘白骨。富安在哉。可見人之所欲。非真富也。所謂真富者。我受天一團靈氣。飽盡理義。詩書醉盡。江山花柳。取無禁用。不竭乃真富也。

金文通公集

卷之九

真富說

三

真貴說

人之所欲者貴也。而貴自一命以至三台。極之封拜而貴止矣。然因貴而造孽者有之。因求貴而蹈險者有之。縱不造孽。不蹈險。泰然以貴老於牖下。而卒之一氣不來。蕭蕭黃土。貴安在哉。可見人之所欲。非真貴也。所謂真貴者。天付我一點虛明。籠罩天地古今。高躡前賢。往聖達不加窮。不損乃真貴也。

真壽說

人之所欲者壽也。而壽自古稀。以至期頤。極之長生。而壽止矣。然因壽以積愆者有之。因求壽而促算者有之。縱不積愆。不促算。矍鑠哉。以壽表于塵寰。而卒之草木同腐。僅如朝槿。壽安在哉。可見人之所欲。非真壽也。所謂真壽者。我具有不朽。元神滋培。道德性命綿亘。世代遷流。等彭殤。齊日月。乃真壽也。

金文通公集

卷之九

真壽說

貧富榮辱說

圭

貧富榮辱說

求富及貧。莫如燒丹一事。求榮及辱。莫如躁進一事。往往前車覆。而後車復不鑑。今古一轍。信乎富貴在天。有求莫若無求。好也。我子孫其謹識之。

酒天說

酒天者。侍御羅君欽瞻。燕息之齋也。君家善釀酒。性喜飲。又樂與人飲。因取以名其齋。或者曰。酒天之爲。義有說乎。金子曰。有。請得而申言之。嘗讀王無功醉鄉記。云阮嗣宗陶淵明等十數人。並遊于醉鄉。中國以爲酒仙。又讀李白酒樓記。云太白狎弄杯觴。沈溺麴蘖耳。一淫雅目混黑白。茲數君者。亦得無以酒爲天乎。雖然。茲數君之于酒。皆有托而逃焉者也。非其天也。若羅君之于酒。乃可以言天也。若著聲栢臺。爲名御史。凡按部所至。皆見思其立身一軌繩墨。事無鉅細。不苟且。其與人交。坦易無城府。不論久乍。輒剖胸腹相示。非若前數君之失意放懷。蘊蓄塊磊。悲憤酣歌。佻誕發舒。不得已而逃之乎酒也。有時閉門卻掃。獨坐陶然。自怡其天也。有時賓主交錯。爾我薰然。人共遊于君之天也。然則酒之爲天。可得而思議耶。不惟遊于君之天者。不知卽君之自怡其天者。亦不知也。但覺一切順逆。得喪悲愉。榮寂之世味。有同嚼蠟而濁醪之爲味。如斯其旨且永耳。味之永。天之全。

金文通公集

卷之九

酒天說

圭

也。故曰。羅君之于酒。乃可以言天也。若醉鄉若酒樓。皆去天遠矣。爲之著酒天說。

氣局峻潔神味淵永發揮酒天二字更無剩義却

一字移向他處不得

陳百史先生評

胸次浩浩落落得全于天故筆之所至曲折無不

如意此文章真色剽綴割裂者烏足語是道也

其

孝升先生評

金文通公集

卷之九

酒天說

毛

名譽命運說

名譽當盛滿時。悚然知憂。知懼。則名譽不能累人矣。命運到坎坷處。泰然不怨。不尤。則命運不能困人矣。

金文通公集

卷之九

名譽命運說
異說

天

畏說

畏大庭廣衆不如畏天地神明。以萬耳萬目不可欺。不用耳目者。更難欺也。畏天地神明不如畏清夜。獨知以察我。糾我者。猶有等待。自察自糾者。罔間呼吸也。

答客問

客問余曰。聞汝中秋後一病頗劇。用何藥而有起色。余曰。我所服良藥甚多。而本草諸味不與焉。客訝甚。余曰。每日長夜睡足而起。紅日射窓。神魄俱爽。此清晨所服良藥也。盥洗後。出步書齋。明窓淨几。竺典滿案。觸目逢源。此粥後所服良藥也。時有方外淨侶。過我茶話。間出詩偈。即之遇會心者。相對解頤。此日間所服良藥也。每遇栽種日期。輒訪尋名花。令郭索。隨布列庭砌。凡位置澆灌。種種合法。花雖需候。而發榮。金文通公集 卷之九 答客問 三

可期。每得一二種。如貧人獲金。喜不自禁。此不時所服良藥也。及斜陽掛簷。客去兀坐。閉日半晌。似寐非寐。不亂不昏。頓覺火退津生。此薄暮所服良藥也。已而時逢月夕。雪光遍地。偶一舉頭。清沁肺腑。更餘就枕。愜愜達旦。此夜間所服良藥也。自蚤至暮。良藥不斷。所以遇劇病而有起色也。客曰。汝既服如許良藥。聞室中又延明醫。不離左右。將焉用之。余曰。此君所製藥餌。大半食物。皆按時助我良藥。投之輒應。與本草諸味何與焉。客曰。異哉。有是夫。

終

金文通公集卷之十目錄

吳江金之俊豈凡著

賜章紀畧跋

書朱藤倡和卷後

書鐵山王公歸里贈冊後

書牛戒藥鈔後跋

柳敬亭傳跋

金文通公集 卷之十 目錄

書峨嵋異僧貽淮撫楊崑岑詩事 有序言

附異僧詩五首

書鄒平趙干城事

書潯南沈姓事

題馬遇伯負母避溺圖

題禪客水村圖

贈張公琰手卷題辭

沈母王氏節孝編引

題計甫草思子亭

君賜泊菴跋

書退谷志後

跋沈賁園海宴亭賦

書平遠堂記後

金文通公集

卷之十

目錄

二

金文通公集卷之十

吳江金之俊豈凡著

賜章紀畧跋

余讀弁洲史料所載前代盛典仁宣二廟優禮大臣
蹇義楊士奇等賜銀圖書以示褒美至今艷爲異數
然其文不過獎勉之詞止于四字若乃烟巒逸趣上
微

金文通公集

卷之十

賜章紀畧

一

黼展之賞心雲漢

天章俯映儒生之藻采讀今大司農滄州戴公賜章紀
畧不覺令人反覆低回而擊節歎羨之不能已也公
厥歷中外著聲政事者不具論以英偉絕世之資博
物洽聞其爲詩文追古作者而復以其餘肆力于書
與畫皆爲一時擅場適際右文典學之

聖天子萬幾之暇篤志經史怡情翰墨于公乎若針芥
不禁懼同魚水公所進畫凡四十二幅自唐宋及元
諸名家無法不備所最當

上意者用元章米氏法。爰錫公銀章章十六字且

親灑宸藻。爲山水人物淋漓極致。賜公纍纍作奕世珎球之藏。若以報也。又若以式也。嗚呼。臣子懷才抱藝而遭逢若此。猗歟盛矣。雖然。

睿賞留連。豈僅以六法之微哉。公之受知于

聖明。亦豈獨以米氏畫禪哉。異日者垂之青史。

聖主賢臣相得益彰于斯。可想見也。夫

金文通公集

卷之十

賜章紀畧

二

書朱藤倡和卷後

予觀朱藤倡和卷。而重有感于昔賢之居其官者。爲能稱其職也。文部右署之南軒。有朱藤二樹。離奇糾屈。狀若虬龍。每夏初花發。則冰玉之堂。紫霞珠垂。清香沁骨。長安中謗爲一署勝事。云。攷故事。官斯署者。皆繇珥筆承明之彥。選望而入。而以他曹進者。什不二三。必風度足以師表人倫。文章足以藻潤流品。然後稱無忝焉。戊子首春。同官陳百史示予以朱藤倡和諸詠。卷首有繪圖一幅。則包山陸治筆也。咏先

金文通公集

卷之十

書朱藤倡和卷後

三

藤七言近體二章。而因追序當年手植之吳文定。并繼文定之王文恪。則崦西徐文敏實爲之倡也。從而賡和焉者。則顧文康。陸湛甘泉。夏桂洲等諸公。併我吳文衡山。王雅宜。伯仲諸風雅名流也。余是以一展卷而重有感于昔賢之居其官者。爲能稱其職也。使非諸先達之風度文章卓越一時。無忝山公。則藤花開落。亦不過流連景光之具。亦何足繪之咏之。卽有好事者爲此一供把玩。便已索然。亦何能令人整襟歛容。肅焉起景仰昔賢之思。而迄今幾二百年。時移

物換祇覺履斯堂而顧瞻藤花宛結範之猶存悵遺
綴之難繼也余起家既非詞苑又以猥品庸材濫竽
茲席其烏能不愧我鄉之諸先達也哉嗚呼卽以是
卷爲昭則戒違彰往邇來之一助可矣

予卷爲同人藏去然已流傳天地間不足悞恨今
又得豈凡先生序後人好事者又可述以增美也
陳百史先生詩

金文通公集

卷之十

書朱藤倡
和卷後

四

書鐵山王公歸里贈冊後

韓昌黎嘗爲文送楊少尹援二疏事以美之其言曰
吾聞楊侯之去丞相有愛而惜之者白以爲其都少
尹不絕其祿又爲歌詩以勸之京師之長于詩者亦
屬而和之又不知當時二疏之去有是事否古今人
同不同未可知也余讀其文不覺作而歎曰吾鄉鐵
山王公之去國也蓋甚有似乎楊君也安在古今人
之不相同也王公美丰儀蘊奇畧其聲譽在前朝者
不具論順治二年冬補大廷尉多所平反以稱

金文通公集

卷之十

書鐵山歸
里贈冊後

五

新朝刑期無刑至意四年春始移少司空未爲臘遷而
公且蹶然有官不負人人實負官之歎遂疏請去非
忍也蓋將爲有位者風也

朝廷亦知公不當去輒聽之去非置公也乃成公風勵
群工之志也于是一時同朝諸君子無論識與不識
咸謂公此去可重也相與懷思而咏歌之短什長篇
哀然盈冊余不知當時之歌咏楊君者亦有此盛事
否耶雖然楊君之去歸其鄉時已年滿七十公年方
強仕而遽有此去非有所不得已存乎其間尤爲不

可及也已。余愧不能繼諸君子後。載歌載咏。並誌懷思。聊述公去位始末。其槩有如此。

數爲援引。懸合古法。其中蘊含淺人不能解。又不能解之句更奇。

陳百史先生評

書牛戒彙鈔後跋

臣聞之書曰。好生之德。洽于民心。又曰。民罔常懷。懷于有仁。則仁者君天下之極軌。而好生惡殺。則又爲君止仁之本。大之保乎四海。小之不遺一物。古帝王異世同揆。未之有易也。我

皇上敬天愛民。無事不度。恪無念不周。摯而又曲體

上帝好生之心。痛憫下民殘殺之習。欲胥天下而仁之。于

博稽載籍之餘。蒐輯殺牛公案。彙成一編。曰牛戒彙

鈔

親灑宸翰。叙之簡端。以震醒蚩氓之聾瞶。爰

命同官諸臣。各叙其後。臣之俊。踴誦未終。仰見

堯仁如天。豈獨愛及一物也哉。是乃以仁民之心。愛物

故不覺其愷切而諄至也。蓋蒸民粒食。維艱助之耕

穫者。惟牛是賴。既藉其力。以資終歲之計。而反戕其

生。以恣口腹之欲。忍心害理。莫大于是。宜乎古今來

報應森羅。捷如影響。讀是編者。當未有不悚然懼惻

然生其不忍之心者矣。充此懼心。則物命猶不可戕

況同類之相殘相害。而報應之理。有或爽者乎。充此

不忍之心。則凡物之有益于民生者。尚不可恣行吞噬。而况腹民之膏。吸民之髓。視其民如魚肉。而有可

以道。

天討。述法網者乎。然則斯編之成也。

皇上直欲胥天下而仁之。故曰以仁民之心愛物。非區

區以不殺一牛垂訓化俗而已也。嗚呼。

帝德邦洽。萬民允懷。其在茲乎。臣敢不拜手稽首而願

言簡末。

金文通公集

卷之十

書牛戒
鈔後跋

柳敬亭傳跋

順治己亥歲子蒙 恩假歸。柳生敬亭來訪于耳生。名垂三十年矣。世皆以說書號之。予亦初意其爲善說書者也。因而傾聽。數回。益信其果善說書者也。及生歛。願緘吻與之靜對。終日其氣穆然。其肝腸皎然。其于聖賢道理更卓然有會。予不覺撫几歎曰。世之以說書號者。其失之遠矣。昔屈原借離騷以洩其忠憤。莊周借逍遙齊物等論以寓其曠達。圓冥司馬子長借史記以發抒其骯髒。半騷千載不平之感。若敬亭者。直借說書以譜盡古今成敗得失之政治。忠佞貞邪之人物。真欲廉頑立懦。回世道人心于抵掌縱譚。可嘆可喜。可歌可泣之間。而僅僅以說書號之。嗚呼。失之遠矣。

金文通公集

卷之十一

柳敬亭傳

九

書峨嵋異僧貽淮撫楊崑岑詩事

有序言

戊寅初夏。晤侍御吳健育于武林僧舍。談及按淮往事。愴然有感。因出棘鈴一帙。相示。內載有峨嵋異僧貽淮撫楊崑岑詩。識讀其詩一字一槌。惜乎楊公之夢嚙。震呼不醒。卒以身殉也。嗟嗟。世間名利客。無一不在夢嚙中。欲如楊公夙緣。求異僧之三度點化。豈可得哉。余奇其事。因爲之廣其傳。以質之夢醒者。客有難予者。曰。倘楊公見詩。飄然于以全軀養高。則得矣。捍寇護陵。又誰任其責。似此

金文通公集

卷之十

書峨嵋異僧詩後

十

相率見機。不幾規避成風乎。余曰。是不然。假令楊公果能辦賊。不至宸及寢廟。異僧亦必不諷之去。又令楊公果能見機。明決棄功名如敝帚。有此一副剛烈心性。亦蚤已滅此朝食。當不以賊遺君父。憂從來忠臣義士。大抵皆芥功名。屣妻子。而後饒爲之。范蠡不能泛五湖。亦未必能成沼吳之功。子房不能從赤松。亦未必能策滅楚之助。真能救世者。未有不能出世者也。客語塞而退。

楚崑岑楊公諱一鵬。司李蜀中。隨直指按部。因上峨

嵋。則一月前有異僧。不知何來。直入殿上。結跏趺。與

佛並坐。不食不飲。人叩亦不語。時州守陳設甚謹。令之避。不顧。携之不起。不得已。以小屏障之。公至。禮佛畢。視蓮座間有僧。許其故。守以實應。公奇之。命撤屏。儼古尊者。公問訊。次見公若夙契。云。子非孩時不呱泣。不笑。歎者耶。蓋公墮地後。竟不啼。寂若無聲。太夫人大憂。一日。尼自外來。募五色線。施之金不受。見公在抱。嘖嘖太夫人。悲曰。生而瘖。奈何。尼摩頂曰。是從南直來。趨投汝家。走三千六百餘里。喘吁未定。故無

金文通公集

卷之十

書峨嵋異僧詩後

十一

庸憂也。遂啼笑如常。公憶之。遂執弟子禮。師曰。汝弟子不在今日。密祈姓名。曰。千萬姓。名世尊。先年辦融大師在都。上啓大醮。遴高行僧數十人。皆承尊宿名號。至世尊。無人敢應。師直任。呈至御前。故仍之。詢終身事。則云。我鳳陽人。汝六十歲時。當與汝相見。再祈教。則以詳刑寬恤爲囑。別後。即離峨嵋。不知所往。甲戌九月間。公撫淮。杜門。更餘。有一人呼門。司邏者大詫。呵止。即擊鼓如警報狀。爭縛之。內傳問何事。以家報答。公開緘。見峨嵋師貽詩七章。憬若棒椎交下。第

以家書故不便延入。贈路資令返。笑曰：何以金爲揮手而去。時公年六十。乙亥正月十五日。卽有鳳陽之變。詩七章止存其五。

其一

誦向塵寰僅一週。而今限滿苦難留。清虛有約無相負。好覓當年范蠡舟。

其二

業風吹破進賢冠。生死關頭立脚難。六百年來今一遇。莫將大事等閒看。

其三

浪遊生死豈男兒。教外真傳別有師。富貴神仙君兩得。尚牽羈鎖戀狂癡。

其四

難將蝶玉拒無常。掀揭終歸土一方。欲問後來神妙處。碧天齊擁紫金光。

金文通公集

卷之十

書峨嵋異僧詩後

七

其五

頌來法旨豈容違。仙律森嚴敢洩機。楚水吳山相共聚。與君同跨片霞飛。

書鄒平趙干城事

趙干城者。東魯鄒平縣人氏也。中明季武科。居何家莊。與其隣某宦之紀綱某。結生平懽。兩人聲勢相倚。稱雄一莊。云有里中賈客某。家小康。性慳。悉以其貲往來經營。不務農作。有地十餘畝。聊膳家口。會春事方興。覓耕牛甚艱。因向某宦紀綱催之。止與一日值。乃盡牛之力。畢耕前地。工浮于值。竊沾沾焉。自喜得算。而牛以盡力。故遂病困。不支。紀綱大怒。欲官之。惶懼無所措。訪知干城與交善。挽之解紛。干城毅然曰。

金文通公集

卷之十

書鄒平趙干城事

七

吾言必有當也。許以三金酬。遂往請云。姑命若療治。愈則牽牛以來。否則買償焉。紀綱唯唯。而酬金之約猶豫未踐也。干城心訝之。竊視賈客家。則牛已霍然。起度必二諾。夜半袖一椎掩殺之。彼賈客方幸牛無恙。且可省所酬金。詎意詰朝起視。牛卒斃矣。紀綱來索牛。趨倍價買償之。因干城前言猶在。勿苛求。賈客遂割牛分餉隣里。而心德干城之解紛。餉獨厚。干城因以其肉款一鄉塾某。私計殺牛一事。衆莫余知也。而鄉塾于是夜偶步至賈客籬落邊。目擊最真。口雖

勿言心甚鄙之。卽于書室門楹間戲題喫牛元是殺牛人之句。亦自以爲聊寫不平之胸。人亦莫之知也。若無何。干城忽大病。瀕死者數四。見一青衣使者持票勾攝。上有干城名。亟拽之去。至一衙宇前。俄聽傳呼而入。見罪囚之俯伏。堦屏息聽。諷者縹縹候良久。以次及干城。有戕冠坐堂上者。怒云。你是箇惡人。干城極口訴辯云。生平不敢作惡。戕冠者呼左右取鏡來。須臾。掣一黑架照鏡。至鏡內有喫牛元是殺牛人之句。干城寒慄伏地。叩額不已。又呼左右再查他

金文通公集

卷之十

書鄒平趙干城事

四

善看須臾。又掣一硃架照鏡。至鏡內作天雨象。干城冒雨執蓋立一菜畦中。赤足決溝水。戕冠者微哂云。也有一念之善。姑縱還家。遂遍體流汗而蘇。及病起。絕口不道前事。隔數月。偶一日與鄉塾閒談書室。以手展門牋。慕見喫牛元是殺牛人數字。不覺驚仆。欲絕。鄉塾恐其噤已所書也。扶起謝過干城云。我豈怪汝。因具告之故。且云。門牋間數字。我早已見之。鏡中若雨中光景。我初不之省。徐憶某年月日。曾避雨劉鬍子菜園內。因其賣菜爲生。菜甫茁。恐被驟雨所湮。

決溝以瀉之。亦閒中了不經意事。不意亦見之鏡中。語畢。鄉塾亦驚悸不已。轉相傳告。東魯爭詫爲異事。後有同邑劉宦一公子。每遇天雨。輒赤足馳往菜畦。蔬圃間。代他人決溝瀉水。冀冥府之有以錄其善也。雖一時聞者。爲之掩口。然亦見爲善足以勸。有如此已。余同官少司馬五弦李公。爲余道其事。因命余書此。以見人生一舉念一動步。有鏡隨之。且久而其照常瑩絲毫。莫能掩也。然則爲黑爲硃者。豈關鏡乎。然鏡者。豈絲冥府乎。嗚呼。語云。勿以善小而爲勿。以惡小而爲之。有以也。夫而亦慎毋若賈客某之巧趨便宜。亦慎毋嗤劉公子之學步求福也。

金文通公集

卷之十

書鄒平趙干城事

五

儒者言報應。非妄聽說鬼也。叙瑣事有體。

陳百史

先生評

書潯南沈姓事

歲辛卯江浙大水夏五正插蒔水勢益漫小民日夜事枯槁弗食弗息浙烏程潯鎮之南有農家沈姓者生三子年俱壯爲富家佃盡力車耳窘不能支一日告其父曰我儕生不辰值此天災流行春作既荒秋成何望惟有袖手待斃而已死于饑死于法均之死也不如爲盜况爲盜未必死父怒曰盜可爲乎三子涕泗滂沱踞而請曰我儕亦知盜不可爲也但見今日爲盜者不惟劫貲來家可以救死且官府爭護盜必能免死若非盜無生理矣父益怒堅不之許三子仍泣而固請曰吾父若不許我儕勢不復顧矣詞益慘激父佯應之曰爾輩既堅決若此我不爾阻但父子天性從此死生各不相保當具酒肉爲別遂罄衣囊沽酒買肉與三子痛飲作別離狀時止有一孫在旁年甫七八歲方戀戀求一飽忽叱出再市酒來比孫市酒至則父子四人俱中酖仆地矣蓋不欲子之爲盜而死故以酒酖之又不忍子之不得爲盜而死故并以酒自酖更不忍子死竟絕嗣故詐令其孫出

金文通公集

卷之十

書潯南沈姓事

去

外市酒不與俱酖以延血祀一緣金子聞其事而嘆曰嗚呼今歲江浙之災數十年來不僅見之災也饑民之死者無限饑民之欲免死而爲盜者亦無限爲盜而究竟得免死不惟免死而且胙篋以肥其家謀官以榮其身乘勢狐假以洩其私忿夙憾倏然自鳴得志者更無限乃居民上者見饑民之死而不之怪也見饑民之欲免死爲盜而不之怪也見爲盜者之肥家榮身逞忿得志而不之怪也視沈農之禁子爲盜而不得聽子爲盜而不忍甘以其身爲殉而止留筆以書其事

金文通公集

卷之十

書潯南沈姓事

七

一孫以延其先人之血食其爲慈爲孝而爲忠且義者爲何如哉余于是重有感焉擁衾不寐而篝燈執筆以書其事
讀此文而不涕下者其人必不仁○沈農賢其子告爲盜於其父亦賢不告於其父而爲盜者又不
知幾何也此文情辭惻至可以呼夢夢者
陳百史
先生評

題馬遇伯負母避溺圖

讀史者。遇有奇事。奇人。輒不禁拍案而起。爲之咨嗟。慨慕。恨不獲躬逢其人。目擊其事。乃余披覽馬遇伯負母避溺圖。而信千古來奇事奇人。竟當吾世而親見之矣。往庚辰辛巳壬午年間。賊連歲攻汴城。城中窘困。易子析骸。未方其慘。奇患也。及賊決河灌汴。洪濤巨浪。浴日滔天。百萬生靈。盡爲魚鼈。奇災也。此事之最奇者也。遇伯以書生。爲當事畫戰守計。親冒矢石。挫賊解圍。守張巡許遠所不能守。真奇謀奇勇奇節也。至携六旬老母。併眷屬。避水巢屋。巢覆幾溺。復負母登筏。勢不能兼顧妻與兒。遂棄之逝波中。而猶力援其兄之二子二女。暨一友人之子。真奇孝奇悌奇友也。此人之最奇者也。嗚呼。有奇人奇事。若此。是足以傳矣。可以垂之史冊。使天下後世相與尚論。流連咨嗟。慨慕不能已已。而余又何庸贊一詞焉。

題禪客水村圖

有村一簇。有水一派。亂樹交柯。茅屋如鮪。市橋人跡。朦朧烟裏。漁歌雞唱。聲聲水底。茂林修竹。會稽蘭亭。桃花夾所。避秦武陵。誰處其間。非隱非仙。撥蘆啓扉。有衲高眠。無法可說。鐘傳野曙。我欲從之。水雲深處。

金文通公集

卷之十

題禪客水村圖

十九

贈張公琰手卷題辭

順治乙未冬十一月公琰表弟特來長安視我絮叙
南北淵踪因言年踰花甲尚艱一嗣出所繪小像一
幅索余題數語余瞪目一儀圖之謂公琰曰汝勿憂
乏嗣也察汝之貌按汝一生之處心積慮純乎有道
者也豈憂乏嗣哉遂題數語云信仁人之有後豈理
數之或謬一時長安諸名公卿皆有題贈爭以蘭玉
期之次年丙申四月別余而南七月到家丁酉六月
遂舉一丈夫子今已年十三頭角崢嶸性資英邁早
金文通公集卷之十 贈張公琰手卷題辭 于

歲完經行且縱橫于古今文囿驤首名場無不爲之
嘖嘖歎賞而始信余曩日之題辭甚有徵也余亦自
幸其言之中復欣狀握管再書數語續原幅之後將
來繼武諫垣冲泉公而益光大之斷斷無疑豈有予
言驗于前而不驗于後者歟請留之再券

沈母王氏節孝編引

余少時流覽古今傳記每遇稱述節母孝子之事至
淋漓痛切處輒不禁感慨咨嗟爲歛容避席掩卷而
起曰吾恨生不逢其時目擊其人且得身爲史官當
大書特書不一書加之表彰使懿行熾德流聲聞于
無窮也今按吾邑沈母王孺人一生苦節暨孝子沈
臣終日孜孜汲汲爲其母遍求碑記詩歌以垂不朽
事余竊幸生逢其時目擊其人矣余又適備位史官
之後得而謹書之以佐彤管而樹風聲矣其節母吞
酸茹辛歷四十七年如一日與夫孝子一舉足一出
言不忘母節孺慕依然上有當道褒嘉之華袞下有
學士大夫歌詠贊誦之連篇嗚呼是母是子真足不
朽也已余何庸贅一詞哉是爲引

金文通公集

卷之十

沈母王氏節孝編引

三

題計甫草思子亭

余夙生業重屢刺心於兒女之殤歲在順治己丑余年已望六連殤二子京郎實郎曾爲文以哭之比皆未成童而老年愛少子不禁情詞悽惻迄今雨夕霜晨猶不忍再展我文也不意康熙丁未冬十月我年七十五矣突喪我幼兒世湑雖未成婚年已十七孝友惇實卽老成人無以過之余一痛幾絕於是有痛兒世湑文以見我湑兒非他殤者比爰攷古禮而爲之立後焉且將卜將葬焉庶幾後之觀我文者或諒

金文通公集

卷之十

題計甫草
思子亭卷

三

其非過乎乃讀甫草思子亭記余不覺潛然曰我兩人同病相憐有如是乎甫草哀其子孺子不已而爲亭以思之非過也宜也思之不已而諸名公又爲圖繪文章以表章而攷論之非過也宜也亦將爲之立後焉宜也亦將選地以葬焉宜也信乎其非過也况孺子年少而學卽聖學救一書尤足砥彭而壽殤者歟余是以飲痛書此以質之卷內諸賢

君賜泊菴跋

人生世間一旅泊也朕終其身飄流于名場利窟茫乎望洋了無棲泊之所余以崦嵫餘景獲乘一葉徜徉于五湖烟水之間庶幾得所泊焉此皆吾君之賜也敢不識之

金文通公集

卷之十

君賜泊菴
跋

三

書退谷志後

退谷志者北海先生志其山居退休之室謝簪組而友煙霞爲讀書學道之所也易曰亢之爲言知進而不知退今谷以退名吾知居是谷者其免於亢之悔矣嗚呼此先生所以遠也

金文通公集

卷之十

書退谷志後

雷

跋沈賁園海宴亭賦

三吳逼處海濱已亥之役中外震虩而吳地爲甚迄今低徊海宴亭畔士女駢闐笙歌鼎沸回想震虩之日梁公之殊勲偉畧豈余碑所能紀其萬一哉而亦非學富張衡才邁徐庾如我賁園沈君者可以伸紙揮毫罄也已

金文通公集

卷之十

跋沈賁園海宴亭賦

圭

書平遠堂記後

平遠堂記。曷爲乎作也。紀三韓。佟公之能有斯堂也。曷爲乎能有也。謂公能經國恤民。賦不緇而民不困。其心平如水。則其所洞燭者。遠。其政平如底。則其所規畫者。遠。遠生于平。未有不平而能遠者也。故斯堂也。惟公能有之也。而豈徒頌公之并廢舉。墜黜綴名勝而已也。嗚呼。貢園氏之爲此記也。意亦遠矣。

金文通公集

卷之十

書平遠堂記後

美

金文通公集卷之十一目錄

吳江金之俊豈凡著

奉

敕撰 明崇禎帝碑文

奉

敕撰南苑 玉皇殿碑文

李文敏公專祠碑文

金文通公集

卷十一

目錄

贈大僕寺卿中明徐公專祠碑文

金文通公集卷之十一

吳江金之俊豈凡著

奉

敕撰 明崇禎帝碑文

臣嘗觀古今治亂之蹟。邦國興替之由。使後之人。得而攷焉。以爲法戒者。其義莫詳於史。大約國之興也。創業開基之君。莫不有應天順人之舉。積功種德。爲

金文通公集

卷十一

明崇禎帝碑文

一

累葉之所憑藉。其亡也。必末季之主。或天資刻薄。殘民以逞。或黯弱昏庸。太阿旁落。或甚而縱欲敗度。滅裂綱常。種種失德。難以枚舉。皆有自取滅亡之道。卽國祚之修短不同。而覆敗相尋。異世一轍。書曰。與治同道。罔不興。與亂同事。罔不亡。非虛語也。我

皇上聰明睿智。典學惟勤。涵泳六經之暇。研精史書。舉前代之是非。往事之成敗。靡不邇原窮委。一一究其指歸。而於明朝興亡本末。更瞭如指掌。於是深晰崇禎帝之所以失天下者。厥咎有在。非末世亡國之君。

可同年而語也。但當時既無實錄。日後慮多傳疑。每厘

睿懷之惻惻。於順治十四年二月內。爰

諭工部立碑表章恭繹

天語。一則曰。明崇禎帝。尚爲孜孜求治之主。祇以任用非人。卒致寇亂。身殉社稷。再則曰。若不亟爲闡揚。恐千載之下。竟與失德亡國者。同類並觀。嗚呼。

宸鑑及此。不能不令人低徊歎息。頌我

皇上之明。並日月。發幽光。於幾沉德邁興王。昭公評於

金文通公集

卷十一

明崇禎帝碑文

二

隔代。真前此紀載中未有之盛事也。茲工部遵

諭礪石成

皇上特命臣金之俊爲文以勒之碑。臣係故明累臣。矢

殉溝壑。幸遘

永清之會。再續餘生。旣捧

徽綸而感涕。益驚

專命而徬徨。以謏陋昏耄如臣。何能追聞遺教。仰副

皇上表章之盛心。然不敢不就見聞所及。謬述其概。以

竊附史官之職也。按崇禎帝本以英敏之資。潛德藩

邸繼膺大統當卽位之始正聲瑤扇亂之餘中外危疑獨能不動聲色芟夷大憝如秋風振槁因目擊人心盡壞盡屬如醉如夢之流法紀廢弛釀成不痛不癢之習銳意更弦猛圖法祖恤民隱畏天災嘗蔬食布衣痛自貶損講幄之咨詢不輟平臺之召對屢勤一段宵旰靡寧想望太平之意誠有如一

上諭所云孜孜求治者假令當日有先憂後樂之臣同心一德止濟時艱小康猶可坐致卽或中材之佐警戒綢繆尚得彌縫歲月其如怙媮積玩貪黷成風下

金文通公集

卷十一

明崇禎帝
碑文

三

吏之精神專用以鑽營結納大僚之好尚唯在乎位高金多以致民窮盜起然發難之初不過西陲一隅亦何難以國家全力制之而上下相蒙以賊爲諱嘯聚之勢日熾月盛攻城掠邑有同破竹然後舉國張皇紛紛議選將議抽兵議加派議設總理總督重臣臨渴掘井毫無成算以言勦則挫衄屢聞以言撫則招徠無術至於騎兵悍將反借賊勢披猖爲護身符來不能禦去不能追遂蔓延流毒秦晉楚豫巴蜀暨大江以北所在騷然而朝端之上方令洛蜀之黨日

搆陰陽之戰屠火怡堂獨以賊遺君父憂間有一二耿介特立之士以公忠體國爲念又往往不安於其位一時內外文武事權在握者無一實心辦賊之人矣致令仁明銳治之主不幸而丁中葉陵替之後起弊扶衰萬難措手兼之孑然孤立於上四顧盈庭茫無可倚譬如疴羸之夫病之初中尚在膚膜腠理之間中醫猶能按脈而治及就延日久深入膏肓雖有盧扁救療安施豈非天之所廢莫能興之而人謀不臧適任其咎者耶攷史傳所載凡末季亡國之君覆

金文通公集

卷十一

明崇禎帝
碑文

四

車之轍崇禎帝並無一蹈焉乃身殉宗社不引天亡之言亦綦烈矣嗟乎傷哉有君無臣禍貽邦國竟若斯哉此明代往事之可爲痛哭流涕者也我

皇上深用憫惻而欲亟爲之闡揚是卽孔子當年作春秋之心褒貶出乎至公瑕瑜毋令相掩俾天下後世讀明史者咸知崇禎帝之失天下也非失德之故總由人臣謀國不忠所致庶後之爲人臣者悚然知所戒而後之爲人君者亦知慎於用人也已然則煌煌厝諭明乎制治保邦勿玩小寇而弭寇必以安民爲本

安民則又以知人爲本此匪直昭一時之信史實著萬世之常經蓋永爲君若臣之寶鏡云

金文通公集

卷十一

明崇禎帝碑文

五

奉

敕撰南苑 玉皇殿碑文

原夫權輿萬化。鈞鑄羣類。莫不統職於天。天博施而無垠。必授命於建中。會極之主。敬奉不違。然後覆燾攸鬯。而品物咸熙。故古帝王。奠世永祚。躋億兆於仁壽之域。恒本之欽。崇天道。良有以也。臣謹按道錄所紀。

高上玉皇天尊。湛源妙有。棲體清微。叩法上清。垂慈欲界。

釋五迷十惡之縛。弭曠滌兵機之災。爲國家弘致嘉

金文通公集

卷十一

玉皇殿碑文

六

祥匡御運度。神功靡得而究云。而臣竊嘗以儒者之道。求之天。固無時不以其寒暑晝夜風雨露雷之令。與王者之慶賞刑威。生殺予奪。相響答于一氣之中。以極其利濟蒸民之大用。三代而下。非無游心至道。凝想穹厖。而仁民之澤未覃。事天之實弗著。欲冀慈光徧燭。夫塵寰呼吸。頻通于紫闕。罕或觀矣。洪維我皇上。首出龍飛。神武天關。仗旄麾。御機擒立。掃罪荆昆。彌之鄉。逡巡稽顙。番禺日出之國。次第來王。乃憫念黎元。久劓鋒鏑。積迷怙非。觸蹈辟網。將天佑下民。作

君作師之謂何。是以夙夜怒淪。是懼弗遑寧處。既已南郊肅耀。

二廟陪禮。復就深宮。建壇昭事。凡以必清修而對越。介純嘏于。

慈闈而復欲然念。

天子之孝。非斤斤飭辭祝史。迂休冥漠。進萬年之觴于寢掖而已。必使驕陽不愆。沴陰無伏。翔洽于時和年豐。而後合飴之七箸。以調必使札厲民戾。皆窳闕孽。優游於茂對時育。而後難老之眉耆。以豫必使朝鋤。金文通公集卷十一 文 玉皇殿碑 七

聖母皇太后者。有如川至而日升。用是積精禪慮。祇謀肅將。維茲南苑。延袤百里。爲

法駕豫遊羽林蒐閱之區。而

皇心淵謐。出王游衍。罔弛寅畏。相苑之東北隅。有地閒曠。爽塏囂塵弗及。爲上真所樂棲。爰勅鳩庀。規摹輪奐。賜名元靈宮。弘除廣道。分峙巍標。左曰祈天永命。

右曰欽福錫民。山門三楹。中列年月日時四功曹。爲山靈擁鎮之始。署曰宅真寶境。傍建鐘鼓樓各一。進之爲朝元門。四天帥列焉。既而城平拾級。瓊宮斯啓。曰元極殿。甍棟干霄。欄楯圍覆。于焉奉

高上之聖容。液銅爲質。塗以兼金。霞冠碧珪。皆天府之懸。繫結綠體。妙自然儼如陟降。又進之爲三門。列四正之神曜。左則青龍朱雀。右則白虎元武。蓋二十八宿。躔次之所分麗。明堂咸池太微中星之所營守。爲萬靈之綱紀。署曰元始門。門以內東西各有配殿。真武。金文通公集卷十一 文 玉皇殿碑 八

三清肅居。諸真朝元之境。稍前則爲四帝。

玉皇座居中左。而紫微勾陳后土。以次並列。又有四真人。暨十方靈寶。環衛而森立焉。殿後繞以道館。凡若干楹。將遴道士有功行居之。是役也。經始于十三年之春。告成于十五年之秋。閱三載。費盈鉅萬。皆出尚御損抑。及後宮節縮之餘。不徵民間一役半緡金碧。燦于丹霞。棲題矯于翬華。誠至真之勝域。京轂之麗。

觀猗與偉哉

駕幸肅瞻欣豫有加特詔臣之後暨同官臣正宗各稽
辭恭紀其事勒之貞珉臣自惟學術弁淺素昧天樞
何能仰窺

黼展恭默之思所以妙契

旁蒼而謬衷以儒生臆說竊謂天人相與之際如景應表
如鼓答桴幾微不爽每見我

皇上一念祇肅陰陽效順方淫霖而靈暉旋觀甫焦土
而弘霈頓盈以至瓊田表瑞玉樹占豐應念感通毋

金文通公集

卷十一

玉皇殿碑

九

頌圭璧因是知我

皇上十五年來慶賞刑威生殺予奪與天之寒暑晝夜

風雨露雷相響答於一氣中者曾無呼吸之或間也

然則斯宮之建也豈徒崇繕丹雘尊奉

昊天于色相莊嚴之間哉蓋我

后敬天之誠與孝思之篤白端冕臨朝深宮燕閒暨夫

蒐苗獮狩振旅飭武之地無往而不周且必焉有非

珥筆老臣賜言之所能罄者已謹拜手稽首而系之

以頌頌曰

暨哉高上宰化之精彌羅胚質湛寂瑩晶劫超妙有
範總真靈玉京演錄弘濟羣生清靜無朕功用彌淪
授命司牧執契陶鈞翔和布爽協符笑輦感而遂通
合漠惟純於鑠

皇清秉帝之杓載施麾旄隅闔肆畧義聲奄馳仁恩暨
礪亦儉亦慈玉關金鑰猶嚴戲豫肅禋

郊壇婉配

祖禰萬國同歡慈壇大內昭事彌殫用介

慈祉福祿攸蟠雲漢方嗟甘霖溉被天吳屢憂赤輪御轡

金文通公集

卷十一

玉皇殿碑

十

修德弭災影從響萃答貺

高穹夙興夜寐麟麟

萬乘蒐自南闥曠彼死土嶮離郊塵上真樂棲百靈羣

賓時值農隙經始聿新有司不知子來維速峻閣嵯

峨崇階繁複丹碧榱輝璆琳像肅絳績周施莊嚴馥

郁會緡盈億闕無溢科好用是節樂成騰歌璇宮霞

煥

皇心載那信薦祝史釐躬勿多

昊天眷命實祐下民平康極會雨暘徵循六俗咸粹五兵

潛馴從欲以治妙契洞真一遊一豫

帝亦來格瑞應祥臻孝思維則老臣勒銘戒諛弗飾億萬斯年於昭無斁

金文通公集

卷十一

玉皇殿碑

十一

李文敏公專祠碑文

夫祀典之崇非獨表揚先哲亦所以風勵後世至鉅典也而崇祀于鄉爲學者矜式之所自始其關係名教尤切而徵信于月旦更真必其人品望超卓德業兼隆大節細行毫無間然俾後人愛慕感悅歷數十年如一日斯足生俎豆之光而廟貌亦永永弗替此非聲勢赫奕所可襲而取也故有位登台鼎傾動一時其始也畏壘之宮非不巋然而或名與實不相副將喲喲訛訛無論田夫牧豎皆得指摘其短卽身在金文通公集卷十一李文敏公專祠碑文十一裸將之列者或貌承而心不愜久且羣情懈弛掉臂去之敗瓦頽垣淪沒於荒烟衰草者多矣况能令父老子弟興懷於隔代相與煥棖楠潔牲醴以媲美大饗爲愉快者乎明故大學士李文敏公捐館在崇禎四年辛未距

今上龍飛之十一年甲午閱二十四春秋矣鄉之縉紳士民思公未嘗刻置列狀有司稱公懿行純備亮節昭垂功繫一時社稷之重而澤貽百年風教之遠請崇祀澤宮以昭

國典慰輿望。維時鉅禮雖舉。喁喁者尚未厭也。又六載。爲今順治己亥春。復請建專祠。祀公憲議僉予。新楹聿煥。蠲吉薦羞。猗歟盛哉。縉紳士民。將勒辭麗牲之石。而徵余言。颺其事。余按高陽爲上谷旁邑。受博大爽塏之氣。固宜鴻啓人文。光彰大業。而公以德閎儒宗。接四世南宮之武。甫垂髫。卽天挺逸藻。迥然不羣。登萬曆癸丑進士。絲廕常授簡討。已未分較禮闈。稱得士。後三歲。府晉宮僚。攝少司成。值天啓初年。猶勤新政。修臨雍之典。公升堂講易。天子動容。橋門環聽。

金文通公集

卷十一

李文敏公
專祠碑文

十三

一時歎稽古之效。復見漢東京盛事。旣而啓沃經筵。引尚書義。規切時務。格非廣益。朝野爭拭目。公叅大政。致太平。會璫焰方張。詔獄屢起。負鯁者旣逞螳立。糜舍垢者因結蟬紆禍。撲炎乃益其灼。從風不勝其靡。公燕居深念。謂城社未便濯熏也。故正已而不示以圭稜。闕號弗可犢牯也。故閑邪而不深其嫉忌。劇牙也弗以抵吻。絡首也弗以決蹊。方璫冒引邊功。合諸營建。捕緝竊宗五等。濫及廝養。要結黨附。恐喝朝紳。駸駸乎勸進九錫矣。公矢心幽防。以身爲砥。所被

誥賡賚予。再四疏辭。婉言微中。令積慮頌新者不寒而慄。及璫計傾戚畹。以撼中宮。公雪涕危言。子不宜佐父難。母奸謀沮戢。宮闈獲安。時媚璫者至頌天與人歸。建祠遍海宇。其在輦下者。公未嘗捐貲拜謁。後復規剴辟雍隙地。以公持之。堅而寢。諸所挾喜怒。以矯僭威福。公委蛇曲劑。釐正保全。爲多益以正色。垂紳之度。寓其潛消默折之權。至於導揚末命。擁戴長君。肘腋之危。疑啓風雷於旋轉。公之爲功。藏於不見。不聞真無得而稱焉。其爲功也。更何如哉。迨夫涖

金文通公集

卷十一

李文敏公
專祠碑文

十四

除兇豎。庶政維新。向之徘徊持祿者。或自陳曲突之勞。爲躡升之地。而公獨介然引咎。屢疏乞身。人主援義責留。勉出受命。一時高文大冊。如登極如冊后。咸取辨公手。所條列十事。皆用人恤民之大。至爲勅幾者。防忽藉權者。杜微比於魏文貞之陳規。思漸當日。稱崇禎始政。庶幾貞觀遺風。云蓋正人秉鈞。雖碩果猶食福。而是時四郊多壘。中朝日構水火。民窮餒殍。紈繆罔策。公隨事抒蓋。用弘匡救。人主亦降心倚重。而公旣堅引退。復感人言。連章稱母老身病。情辭剴

摯始得允歸其予告隆恩爲輔臣所罕邁祖帳傾都
門人皆榮之公以冲襟雅量際明夷艱貞之會念漢
季北寺酷禍成於正人憤疾輕試爲不密失身之戒
逮宋元祐熙豐間君子以徑情獨往方隅自窒爲小
人所借援而造以重其構公是以匪躬兩朝惟和衷
求濟嚴於律已弘於恕物常令吾身立於有餘以默
杜兇人不測之圖不遽履尾而速之咥幾沉慮遠形
諸前後章奏內其辭有云天下不可以方隅限人才
不可以恩讎私以天下心用天下人以天下人理天

金文通公集

卷十一

李文敏公
專祠碑文

主

下事又云舉世無不可用之人而不必同於已天下
無不可爲之事而不必有其功又云恩威出於明主
或藉之以行私職掌隸在諸司或干之以行意異懦
傳長厚之譽偏執冒介勁之聲惟便身圖罔恤國事
皆切中時弊之語上稱其忠清端亮誠然哉蓋嘗論
公生平大節有呼吸安危者三當熹廟大漸璫猶矯
遺旨竄顧命公奮議削之使不得逞比漢絳侯之立
奪北軍憑几之際承諭大聲傳宣皇弟以絕非常同
韓魏公之捲簾審視至身將去國首薦蒲州象雲韓

公謂可當大任用心等之鄧武兩侯而疏中所稱破
方隅忘恩怨實公居身立朝之第一義自筮仕以至
蓋棺總無渝此嗚呼若公者洵無愧休休之个臣歟
公孝友天性痛贈公不逮祿養哀慕終身其適歸晨
昏太夫人愉愉膝下者三載所受兩朝叙廢分子從
弟及從兄之子祀先而家廟勑瞻族而義舍置敦倫
好義殆不遺餘力角巾杖屨徜徉洪山白水間海內
仰公如祥麟威鳳猶望東山再起而台星告殞俄乘
箕尾德功高於曠代而享年不登中壽天下悼焉公
金文通公集

卷十一

李文敏公
專祠碑文

主

與朝懋膺

簡注宅心如水觸事如鏡廓然於方隅恩怨之外皆緝
公令緒以引伸於無窮也昔濂洛諸儒崇正闢邪廟
食千載公更益以圓機妙用不毀其方而適以濟其
方在朝朝重在鄉鄉重所稱鄉先生沒而祭於社者
惟公足以當之詩曰高山仰止景行行止是不可無
記以詔後之聞風興起者

贈太僕寺卿中明徐公專祠碑文

自古忠義節烈之倫載在簡編生氣凜凜猶令千百世而下一憑弔焉如親見其人如日擊其事不禁動色悚容低徊歎賞恨不與之生同時居同里爲之奮筆表彰而英風烈概乃徒得之誦讀寤寐間也況乎當吾世而實有其人焉孤忠之熱血未冷廟貌之釐葺方新若忠烈徐回卿中明公者曾與余同戊午鄉薦又同出陽羨蔣澤巽先生之門稔悉公生平制行與夫殉難大節其何忍不詳述而謹識之以爲扶翊

金文通公集

卷十一

中明徐公
專祠碑文

七

名教風勵人心之一助乎按公諱世淳字中明號弟之其先汴人也始祖崇自海州徙淮安三傳爲南唐吏部尚書鉉再傳爲宋翰林學士通其子從高宗南渡徙越洪武初諱士金者贅嘉興之卜氏遂爲嘉興人六傳爲雷州府同知諱學周生南京兵部侍郎贈兵部尚書諱必達公其冢子也尚書偉望碩儒文章事業炳炳烺烺公善讀父書自幼器重于時年十六補博士弟子十九遭母陳淑人喪以大父命娶戴主喪事易戚中禮家邦稱之父宦遊公偕戴恭人奉大

父朝夕其旨承歡八載而歿無異司馬公日侍左右也歲戊午以春秋舉于鄉累試南宮不第時司馬公任大京兆等轉御史操江公常從任平妖賊必飭防江公謀居多辛未授建德教諭未之官父病革議分析公盡以產讓諸弟曰兒幸以大人庇可不儆不敢利分毫司馬公嘆曰家孫不可以無分公曰此兒子事讓于身而逮其子如無讓焉司馬公色愉甚遂允其讓居喪次毀瘠骨立旋入京臚舉先臣德業陳請卹贈優答如禮服闋補永嘉教諭首葺學宮日兢

金文通公集

卷十一

中明徐公
專祠碑文

六

兢焉正文體飭士風爲諸生夏景倍請終母喪引孝慈錄會典等書詞旨愷切學使者許之多士蒸蒸向風焉方是時海賊劉香屢犯內地公佐兵以方畧建關隘絕勾引賊勢窘促甌越以寧雖落落青氍毹而胸填武庫已露一班矣丙子中州以分校聘卻之不赴丁丑除重慶府推官時流寇捫歷參井蹂躪夔渝勢甚披猖公下車卽嚴保甲編伍符葺雉堞樓櫓裕芻糧器械旬日寇警至會備禦已周寇不能犯時督撫因兵餉旁午皆攢眉棘手相顧靡措公爲條

上十餘則悉剗狀中青軍民便之。居官計口食俸準
舖行省廚傳所至民安摘發大奸張成郝應選一郡
爲之肅清省釋冤獄凡數十人。大小獄情一經剖折
便成鐵案上官不能爲公專也。公署巴縣督師楊嗣
昌徵餉萬斛後期者軍法從事。公括倉穀餉舟楫五
日立辦民不告病他郡驚以爲神。榮昌令光時亨有
清節爲飛語所中將得罪公力爭乃解黜生龍褒者
素持官吏短長因緣爲奸以事憾其師迫挾殺人復
嫁其父死罪父飲毒死獄中褒遂以虛辭擊登聞上
金文通公集 卷十一 中明徐公 專祠碑文 九

變公戮其倍師殺父諸罪立讞寘法衆皆歡呼一日
臺檄公協勦資簡諸氛提兵四千餘兼程鼓行。秧械
畢具士勇百倍遂獨敵無算。凡公期會徵發往往不
戒而行不嚴而信民不驚而事集者良由公明足照
奸勁足抑強清足服人仁足逮物卽管葛不是過也
已卯以薦經分較得士七人皆巴蜀名彥于是公望
最李官臺章交薦將晉職省臺會蜀有銓司不快者
嗾選長移公守隨時隨已殘破劇寇逃兵縱橫滿野
士民號呼請留公曰王事孔棘非臣子辭難之日也

且以死讓人不仁。避難不赴不義不仁不義何以爲
臣遂就道時督師雅知公才惜公之行欲移調公他
所公以君命固辭曰成敗利鈍以身當之不敢有二
所以報明公耳歸訣于司馬之墓曰竭其股肱之力
繼之以死庶無忘我君父恩也家衆皆哭失聲公慷慨
戒舟盡發篋中金并括產貲以行召其長子肇森
囑以家事以次子肇樑從庚辰十月抵隨登城一望
極目榛蕪白晝青燐倏忽現滅山城僅二里許戶不
滿三百女嫠城垣頽圯將盡廼召父老問狀咸言州

金文通公集

卷十一

中明徐公 專祠碑文

十

民死賊死兵死賦死疫死潦死旱誰爲公辦歲賦從
王事者公爲愀然慰諭再三勉以忠義俄報人馬北
來公卽登陴審視叮語趙袁二弁以城爲家遂躬樓
城闌與鳥雀爭止日夜討究城守事宜越數日有客
兵號數萬止關廂索芻糧甚急噪呼震地公單騎詣
之諭主帥曰隨一困賊再困兵饑饉連年其何以應
帥怒將有所發公徐日向監軍蜀土督兵數萬今來
隨早慮官兵爲暴已上書閣部受檄監紀行且得旨
汝曹勿以隨試也不揖而出帥恐遂引去公念危城

中民所首急在饑爲平糶賑救而民不苦饑民所更苦在賦爲之造流亡冊而民不苦賦民所難在守爲之濬城濠置器械益陞堞築馬道俾騎可旋足扞振無礙而民不苦于守此公駐防之大略也凡若此者爲費不貲者取諸來時所累篋金不給則又飛檄家中質產以從者也自是驚魂甫定隨民稍稍有固志乃以餘閒給饑民糜粥廉得士之貧者七十餘人人給穀一石多士感德又集鄉保人戶細詢姓名默識驍勇得三百餘人朝夕訓練號曰義勇以爲練鄉兵

金文通公集

卷十一

中明徐公
專祠碑文

主

謝客兵之本辛巳二月獻賊以十萬騎破襄而下號四十萬公與次君率家丁晝夜登陴衣不解帶募城下民丁協守分義勇二隊一爲策應一爲巡守時有州民沒皮虎等欲勾賊內應公察擒之又得謀李二等將發火內應誅之賊解去越數日有客兵焚劫關廟公命義勇堵截擒首難八人梟示而亂始定又數日賊抵隨之西北境公間使三走郎告急有巡道某抵其章于地巡撫發一遊擊率兵援隨某勒之守郎留弗遣血書四出聲援不至四月信陽陷賊以百騎

詐稱左鎮兵臨城公察其僞守益嚴旋引去掠隨之平里市出兵救之得全旣而張曹二賊帥悉力攻城乃發矢石殺傷甚衆賊益怒數日食盡削樹皮食之民無異志公時不食二日不解甲五日復申盟厲衆決志死守四月二十五日賊入道並入北門報陷公仰天呼曰臣力竭矣與子肇樑繫地埋印勒兵巷戰遇賊斥公下馬公曰奉命討賊何下馬爲公面中一箭又一刀眼鼻橫傷大聲罵賊遂碎首墮馬公左手掣刀右手猶緊握印箱銳戰賊怒甚亂刃交下而公

金文通公集

卷十一

中明徐公
專祠碑文

主

殞矣公子肇樑奔至被賊截傷二臂拊尸頓踊且哭且罵賊知爲州官子驅至城外殺之且死呼州人告埋印處印獲全焉賊入州署公妾趙氏抱幼女申姑泣賊挾之行怒罵不屈賊怒殺申姑罵益厲賊益怒斷趙人指罵不絕遂刃之推石碎顙而死次妾王氏亦同日殉及僕從男婦十有八人或死于鬪或死于詈死各不同其殉公殉城一也公死三日傷民稍集感公忠義具棺衾以殮有吳人石琳求得趙氏屍殮之與申始屍相抱不解胸著布囊甫金剛經三寸許

遂併棺以殮。獨次君肇樑屍。卒不可得其遇害時。向城拜曰。父死國事。無憾。肇樑死。必無反骨。長作山城。厲鬼以報君父。蓋其志也。臺省上其事。贈公太僕寺少卿。與塋祭于隨。于嘉各立專祠。有司歲時祠子樑。從焉。公真不朽也已。憶昔予附公雁行後。每見公卓犖不羣。明經術。善談論。與人愉怡。藹若春風。性喜飲。好雅謔。獨于忠孝大節。居恒侃侃。若不可斯須去者。長不滿六尺。質弱如不勝衣。乃能亢節秉志。百折不回。以一身臨數萬賊兵。凡歷七十餘晝夜。而氣不衰。

金文通公集

卷十一

中明徐公
專祠碑文

圭

志彌奮。卒殉斗絕之孤城。赴死如歸。嗚呼。父死。忠子死。孝。二妾死。節。僮僕一十八人死。義一門烈氣貫日。冲霄視張許。更過之矣。傳言公生時。司馬公夢文丞相入謁。榜前導署曰。明忠公。洵天授異人哉。廟食千秋。師表百世。非公其孰能當此。余是以奮筆爲之記云。

金文通公集卷之十一終

金文通公集卷之十二目錄

吳江金之俊豈凡著

光祿大夫內弘文院大學士岱輿高公墓誌銘

光祿大夫太子太保左都御史望仁徐公墓誌

銘

光祿大夫太子太保工部尚書管都察院左都

御史魯齋霍公墓誌銘

金文通公集

卷十二

目錄

一

光祿大夫太子太保弘文院大學士蒼忱呂公

墓誌銘

金文通公集卷之十二

吳江金之俊豈凡著

光祿大夫內弘文院大學士岱輿高公墓誌銘
順治十有二年乙未春三月靜海孝廉高君恒懋持
其先人宮保岱輿公狀來乞余銘以余與公同朝者
十載且後先同官爲中西銓尋又相繼入政府習公
最久知公最深因泣而請曰孤不忍先君子德行泯

金文通公集

卷十二

岱輿高公墓誌銘

一

沒無聞求誌其生平而系之銘以垂不朽者舍先生
誰屬哉余惻然于中而誼有弗獲辭也謹按狀公諱
爾儼字中孚號岱輿別號鉢菴先世家靜海縣西宗
保村累傳有隱德不事聞達王大父一峰公諱萬億
始筮仕爲鴻臚好義任俠以不畏強禦稱高氏聲乃
振大父拱吾公諱如斗未仕克紹家聲父望雲公諱
攀桂貢士博學篤行邑之人號爲古君子生丈夫子
二長卽公生而穎異七歲善屬對矢口驚人塾師奇
之曰吾不能爲若師遂辭去十歲能文章十五應童

子試郡邑皆冠軍時督學御史爲桐城左公光斗有
文名閱公卷亟稱之曰此他年宰相材也首拔之如
郡邑十六歲食餼每試輒前茅其爲文根本經史磅
礪變化如江淮河漢之水滙之有源發之莫禦吮毫
伸紙頃刻立就年二十登丁卯賢書公車數上不利
益扃戶讀書恒夜漏數十下方就枕雞鳴卽起如是
者十有三年績有高伯子制義自嬉草古處堂全稿
漸堂初集一時紙貴洛陽雖處困約未嘗一謁有司
當事者表其廬爲真孝廉庚辰成進士受知姑蘇徐

金文通公集

卷十二

岱輿高公墓誌銘

二

公汧先生見而喜曰子殆韓范一流人闔閭時早以
文卜之矣廷對擢第三人授翰林院編修晉江蔣公
德璟爲館師每謂人曰高太史器識宏遠他日功業
必有大可觀者因贈以手評資治通鑑經世八編二
書辛巳五月丁母夫人曹氏艱訃至哀毀逾節大病
幾不起又恐傷望雲公心恒強顏侍側以冀解慰退
則淚未嘗乾也是歲畿輔旱蝗人相食公施粥倡賑
全活饑民無算癸未秋服闕時更期八月會試例應
充同考官公以母服方終因謝分校延至撤闈後始

陛見其恬退類此尋補原官纂修六曹章奏充經筵
展書官起居注時寇氛漸逼都門當國者束手靡措
上震怒罷井研併及晉江特用通州爲首揆公上疏
直晉江忠誠體國不宜與井研同罷爭甚力執政銜
之公弗爲顧甲申之變抱封公痛哭幾絕忍死避跡
會

皇清定鼎授官如故乙酉四月擢內翰林秘書院侍讀
學士充修史副總裁

誥敕撰文七月陞禮部右侍郎比禍亂初平修文伊始

金文通公集

卷十二

集與高公
墓誌銘

三

諸凡辨等威定民志端教化正風俗公悉心考訂酌
古準今務得大體丙戌二月充知貢舉官爾時道路
多梗四方公車弗能如期達特請展期十日以網羅
後至丁亥再行會試有失文引者苦格功令公慨然
曰士子間關數千里觀光上國此

朝廷收拾人心一大機括也奈何格之議取同鄉結狀
俱得入闈三月奉

旨京官三品以上遣子入朝侍衛公顧謂已子曰汝叔
子恒豫幼失母吾與汝母撫若已出當令明是恩以

識吾顧復之意已而得除同知高郵州戊子八月調
吏部右侍郎已丑十月加都察院右都御史辛卯三
月轉本部左侍郎八月晉本部尚書又以

恩詔加太子太保由東西銓正位冢宰凡閱歲者四職
掌所關必求與吏治民生大有裨益至黜陟之際鑑
空衡平無方隅無德怨處滿漢寮屬間推誠相待弗
形一毫崖異之色以故同事傾心其用人之精當他
不具論如趙公開心以僉院起用晉補左都御史房
公可壯以前朝耆碩久滯卿貳特從副院竟轉左都

金文通公集

卷十二

集與高公
墓誌銘

四

御史龔公鼎孳以奉常服闋來京會有齟齬之者越
兩年不得補公卽補爲館卿凡若此皆最愜輿望者
也後言路有撓拾銓曹事訐
奏詞連公公闔門謝客疏請罪

廷質之日言者盛氣抗爭公不與辯惟以負
國負官深自引咎願早罷斥

上鑑公無他卒左遷言者而堅留公公之休容得大臣
體尤爲近代罕有公姻家大司農戴公明說先年貳
司農時無端落職將外調時公論咸抱不平公心知

其寬獨勸以人臣盡忠事主勿計內外且

明旨煌煌須一行塞忌者口遂補中州叅藩戴公亦怡然就道尋大著聲譽甫踰年膺

內召公之不阿所親而遇事卓然有識槩可見也孝廉有胞弟恒泰年少負雋才壬辰正月遽以病卒公痛之甚五月夫人姜氏又久病繼革未半歲疊罹悲傷復拮据銓務靡有寧晷遂以勞瘁得癩症月每一作乃具疏請告

上弗允十二月以覃恩晉階光祿大夫封三代如已官

金文通公集

卷十二

代與高公墓誌銘

五

癸巳二月因前疾弗瘳再請得

旨謝事靜養隨蒙

遣使存問飲食起居狀并

命御醫調治回奏未幾特起內翰林弘文院大學士疏辭不克奉有准調養十日卽入院辦事之

旨三月二十一日

上幸內院公偕同官行禮訖正鵠侍間疾忽作

上瞿然色動令左右諸大臣送歸邸寓次日復上章懇辭准暫停給俸以便調養久之醫藥罔效甲午正月

方得

旨回籍俟病痊召用九月初七日爲望雲公七袞誕辰公父子祖孫權聚一堂捧觴戲彩宗戚鄉里榮之居亡何病益劇忽一日書于枕次云直心是大道無將迎無繫戀至十二月初二日呼孝廉君設香案被朝服伏枕草遺疏畧云開經筵以懋

聖學懲貪吏以拯民生扶掖望

闕叩頭戒以易簣贊奏語不及私初七日早望雲公就視絕口不言病苦以生老親憂惟眉睫間有悵焉不

金文通公集

卷十二

代與高公墓誌銘

六

忍離別之意語孝廉君曰汝去我且休息遂含笑而逝公生千萬曆丙午年十一月初六日卯時卒于順治甲午年十二月初七日辰時享年四十有九

天子覽遺疏嘉其忠愛纏綿爲咨嗟悼惜者久之下所司優議卹贈以聞嗚呼跡公之生平併觀公枕次所書之數語其殆有得于道而深造聖賢之域者歟公真不可及也已公性篤孝友事二人色笑惟謹雖盛暑隆寒不冠服不敢見每侍左右不命坐不敢坐終身如一日視弟之子逾已子遇國有恩施輒先及之

與人交表裏洞達通而不阿正而不諛樂道人之善而未嘗及其惡

上之簡公端揆也有存心醇謹行事和平之褒嘉蓋灼見公之行已立朝者公洵能不負

聖天子知人之明哉休沐之暇手不釋卷博覽古今得失之故究心天人性命之理嘗命其子曰有百行必求諸聖訓無一事不可對天知吾之志在是吾之行亦在是汝當終身識之所著有西銘衍義孝經釋畧感應篇直解行世公嘗為其邑請蠲荒地錢糧萬餘

金文通公集卷十二 岱輿高公墓誌銘 七

金除亡丁銀六千餘兩邑人至今賴之頻年宦京都粥饑者衣裸者以至掩骼埋胔歲以為常此又吉人為善惟日不足之天性在他人為之則義聲震耀便誇為卓絕難能之事于公之身僅區區一端耳嗚呼公真不可及也元配姜氏原任陝西漢中府知府文安姜公諱銓之女先公二年卒

誥贈一品夫人子二人長恒懋辛卯舉人娶王氏都察院僉都御史巡撫延綏王公正志姪廩生翼聖女次恒泰邑廩生早卒娶劉氏癸未進士刑部郎中劉公

世傑女女三人長適原任河南巡撫公默之孫廩生公任之子國學生釗次適原任臨洮府同知姚公思虞之子國學生姚景申三適原任汾州府推官蕭公賦穎之子庠生蕭濟美孫男一緝脣官生恒懋出未聘孫女一恒泰出未字卜以其年某月某日葬于某邑某鄉爰為之銘曰

公生非偶忠誠孝友學本經史材追駉駉揚聲天路編摩獨步其典禮也維直而清其統鈞也維簡而平百司所視

金文通公集卷十二 岱輿高公墓誌銘 八

天子所器方資濟川胡不百年有子繼武有孫繩祖積厚流光公也不亡

光祿大夫太子太保左都御史望仁徐公墓誌銘

順治十有六年歲次己亥秋台州府大夫丞徐君諱祚煥泣持其先人總憲望仁公行狀來屬余誌其墓而併爲之銘以余與公同朝十餘載且先後相繼同官凡公之立朝行已與夫生平敷歷中外之眞品大業炳炳烺烺得之耳聞目見者最爲委悉余雖老病無文誼不能辭謹按狀公徐姓諱起元字貞復別號望仁遼東遼陽人也先世爲江南廬州府合肥縣人

金文通公集

卷十二

墓誌銘

九

明初以軍功徙遼遂家焉世替纓勿替遠不及詳公考明川公以孝友著聞遼左碩德粹履有陳太丘風公妣董太夫人淑慎柔嘉六行咸備生丈夫子一人是卽公公生而警敏沉毅少不好弄治麟經補博士弟子員試輒高等壬子登順天賢書癸丑下第歸益篤學礪行一時學者爭延致爲師今少傅萬誦寧公亦嘗從公受業庚申秉鐸山東淄川訓士之方悉倣胡安定公先德行而後文藝淄川士習蒸蒸一變辛酉丁外艱服闋補河南閩鄉諭所以訓閭士者如淄

閩弟子愛敬而信從之亦如淄已已授湖廣保康縣保康彈丸邑戶不滿三百皆家鮮宿春一切日用所需必取辨隣壤又居萬山中巖谷逶迤往來甚艱公爲百計籌畫置立集場平其關石通其有無俾強暴不相侵智巧毋相奪商賈麇至邑民賴以稍蘇邑南有湯峽河可以達大河抵襄陽奈萬蓮洞口有巨石噴噴橫塞河泓公審觀形勢令居民沿山伐竹木烈而焚之不三月間巨石剝落殆盡卽五丁開山神力當不過此于是峽平水注凡入山採木者順流而下

金文通公集

卷十二

墓誌銘

十

直達樊城可得倍值地方至今猶蒙其利也壬申丁內艱丙子補湖廣應山令時流賊起自秦隴蹂躪楚豫勢方披猖而應適當其衝公蒞任察城守之具百無一備爲之築垣濬濠修櫓繕器捐橐中資募壯士千餘人躬自簡練務人人可用以防不虞未幾賊渠八大王張憲忠突逼孤城公親率壯士邀擊屢戰獲捷所得甲仗衣畜無算賊鋒首挫忿圖報復羣賊如闖塌天整世王一斗粟滿天星老徊徊等環集城下悉力仰攻公爲整備火器乘城禦之神暇而氣壯賊

咸失利去比應之隣邑望風降賊者衆獨公固守四載屹若金湯匪但治行卓越爲諸道最而武功赫然尤一時艷稱未有已卯冬大計吏撫按交章薦剡爭言當大用公了此賊不難會閣部督師至亦素重公望題授鄖陽同知管鄖鎮餉時鄖兵萬餘屯住竹山縣自鄖至竹六百里而遙河身淺窄以小舟溯流牽挽歷灘百二計半月方達又大帥左良玉馬步兵三萬餘屯興安縣亦移竹就糧較原住竹兵數且三倍焉公慮兵多糧匱不免庚癸呼乃向治院繼成袁公

金文通公集

卷十二

望仁徐公墓誌銘

十一

假步兵五百晝夜協運七日卽至以蕞爾山邑屯兵數萬轉餉不竭公之力也適太守缺當事者舉公署府事旋實授公感激奮勵于戰守機宜靡不殫力料理辛巳八月張憲忠領賊衆數萬攻城公備禦已預用火器中其左臂賊踉蹌走壬午十二月闖賊李自成從白馬洞渡江攻陷襄陽而南陽承天荊州等處所過州邑俱望風瓦解湖北半楚孤存一鄖耳賊意且輕鄖遣騎萬餘徑抵城北安營以爲鄖可旦夕下也公督率壯士躬冒矢石出敵不意直躪其營所殺

傷凡三千餘賊乃宵遁癸未二月賊驍將劉宗敏等統馬步五萬攻城三面環遶其鋒甚惡公約衆歃血誓曰今日之事有死無二且歷數其處其處順賊者卒被慘戮將士爲之感動皆泣下如雨無不一以當百乃部署諸將分方迎敵終日對仗凡枕戈擐甲者七十餘日賊死傷過半鼠歸襄陽癸未四月賊復來用麥杆雜土于黑夜築臺三層距城百步許高與城齊計四十五座駕砲擊城城內人望而却立勢且岌岌公謂諸將士曰鄖之存亡在此舉矣與其嬰城兀

金文通公集

卷十二

望仁徐公墓誌銘

十二

守焉若以戰爲守而守乃固于五月三日傾城兵出戰用火礮火箭燔燒麥臺頃刻而四十五座立燼闕賊聞之親督精銳來接行至淅川知火器精利且士皆殊死戰度弗能敵因轉鄖州回襄陽尋渡河入豫迎敵孫督泰兵泰兵不戰而潰遂乘勝入關中據險偕亂當是時鄖西北偏漢中興安商雒一帶處處皆有僞官獨鄖陽孤鎮四面皆賊內無糧餉外絕救援如撐漏舟于滿天駭浪中不覆溺者幾希是年秋廷議錄公之功擢陞副使隨晉鄖陽撫治公益感知遇

嘔心經理寢食靡遑。時耶所亟需者火藥。公乃令各營俱設硝房。掃土淋煎而硝足矣。礮不給乃用火酒煮硝。功與礮等。礮足矣。鉛又不給乃募市廢鐵設法鼓鑄。圓如走珠。自是火藥不勝用矣。從襄陽陷後。餉道梗阻。公多方曉諭居民。俾悉出蓋藏樂輸靡後。不數月而民間儲蓄告罄。又倡率寮屬竭力捐濟。不數月而官家又罄。惟相率拾野菜剝榆皮採橡實聊以充腹。僅免易子析骸耳。公偵知賊有糧艘屯河下。募死士夜駕小舟順流而下。乘其無備奪取賊船賊窘。攻城益急。護糧益堅。公又夜遣人以火箭焚之。賊糧悉盡。甲申正月闖賊以耶久不下復令驍將路應標等來攻。計四十七晝夜。公身先士卒奮勇堵禦。斬賊無算。賊將僅以身遁。三月又令賊下得海等益兵萬餘來攻。仍敗遁如前。五月又令驍賊武寅臺等二人來城下要盟。云中原大勢已去。孤耶在重圍中糧盡援絕。能支幾時。盍早自全。公義憤填胸。卽城下斬之。皆不與賊俱生。賊知公忠義難撼。甚于城堅不可拔。更益兵列營爲持久計。公復出奇謀多方以禦之。

金文通公集

卷十二

望仁徐公墓誌銘

十三

夜襲以擾之。使賊片刻弗寧者六閱月。賊憊莫支。退營楊溪鋪。別築土城自守。時縱遊兵突城下。公應之愈暇。愈整。每偵賊出營卽遣奇兵迎敵。以挫其鋒。十二月六日公親統銳卒薄土城下索戰。復密遣人入賊營爲內應。夜半火發。內外夾擊。賊大窘。開東門逃。竄乘勝追擊。殺傷殆盡。賊帥路應標殲焉。方期露布告捷。而明代已革九閱月矣。嗟夫。明以天下之全力不能守其九廟。而公未嘗擁重兵資厚餉。獨以兩袖清風一腔熱血守張巡許遠之所不能守。終明之世中原板蕩。孤耶屹然以待。

金文通公集

卷十二

望仁徐公墓誌銘

十四

皇清定鼎之日。完而歸之。猗歟偉哉。今

天子嘉公全城殊績。仍令撫治如故。公爲起瘡痍。集流散。戢綏彌至。于是耶之人感公福澤。家戶祝特爲畫像立祀。丙戌擢都察院左副都御史協理院事。公廉有聲。戊子陞掌院事左都御史。己丑晉階太子太保。正直和平。始終如一。不矜圭角。人自不敢干以私。辛卯公念明川公已葬淄川。而董太夫人櫬尚寄金陵。因乞假迎歸。合葬于淄。壬辰。

聖上眷倚老成。仍命以原官管大理卿事。公循例引年蒙

恩許允。典禮優渥。公始得以險阻艱難。備嘗勞瘁之身。

卜別墅于都城西南隅。負郭臨流。稍憇息焉。每佳辰

月夕。與親朋握手道故。浮觴嘯咏。竟日忘倦。白鬚飄

然。顏緒若童。人望之。羨爲神仙中人。也。戊戌九月初

五日。竟無疾而逝。嗚呼。公之爲人也。執步趨矜然諾。

孝友篤。自性生忠義。助以學問。衾影夢寐。恒自期爲

聖賢教人子弟。亦期共爲聖賢。自起家縣令。以至建

金文通公集

卷十二

墓誌銘

五

牙開府無不身視民。家視國。故百姓愛之如父母。士

卒護之如頭目。以之守城。城完。以之攻賊。賊破。豎蓋

世無前之偉烈。垂千秋不朽之令名。然未嘗沾沾焉

向人稍有德色。至歿之日。囊橐蕭然。幾無以殮。此在

他人爲最難得者。清節于公之生平。直其一端也。若

夫待昆弟無爾我。撫諸姪若已子。九世同居。不析箸。

緩急族鄰靡有厭倦心。則又皆公制行之緒餘已。公

生于萬曆乙酉年七月二十六日未時。卒于順治戊

戌年九月初五日卯時。享年七十有四。卜于某年月

日。塋于某所。元配趙氏一品夫人。生子一。卽祚煥。以

侍衛歷官台州府同知。甫蒞任。一日。卽值海賊陷城。

賊逼降。抗不受。僞職卒護憑赴省。此蓋得于公之教。

忠者素也。生女一。適海州守忠鵠李公。長子一元。候

選縣令。繼配郭氏一品夫人。生女一。未字。祚煥配卞

氏。生女一。適州守圖閣公女。繼楊氏。瓊崖參將苑青公女。

參軍氏貢士峻明董公女。孫一天培。配甯氏。內閣大

學士萬涌公女。姪國禎。任磁州參將。祚炳。任清苑縣

令。姪女二。一適山東巡撫青藜耿公。姪子明。候選京

金文通公集

卷十二

墓誌銘

六

職。一適江南撫撫君砥蔣公。長子爲之銘曰。

公篤生。今稟星辰。公制行。今倅古人。公司鐸。今安定

均。公烹鮮。今召杜倫。公建牙。今威且仁。公禦寇。今若

天神。鞏孤城。于磐石。今傲殉節之張巡。雖世代忽滄

桑。今賴忠義之獨伸。垂紳正笏。以肅紀綱。今憲度維

新。屈指懸車。而娛泉石。今二百餘旬。生也榮死也哀。

今輝茲貞珉。歲可遷石。可朽。今芳名詎淪。

光祿大夫太子太保工部尚書管都察院左都

御史魯齋霍公墓誌銘

順治十有八年歲次辛丑夏四月左都御史魯齋霍公卒其孤恩蔭君將扶輓歸里經營窀穸而以其狀來請余銘且泣告曰孤奉先君子遺命銘我者必先生也余聞言不覺涕泗交頤憶余與公先後同朝二十年世閱滄桑交情有如一日習公最悉佩公最深誼不忍辭按狀公諱達字非閭號魯齋始祖武節大諱吉者本居真定府之南宮縣至四世祖諱玉侍

金文通公集

卷十二

魯齋霍公墓誌銘

七

父端祐公宦遊秦隴因家麟遊遂世爲秦人焉六世祖諱瑞遷鳳翔逮數傳而諱導者是爲公王父徙武功公考貞吾公諱正始家長安妣閭太夫人實生公公生而穎異不凡六歲卽解句讀恒善病太夫人育且誨之辛勤倍至無何太夫人病革公甫七歲哀慟呼搶迫于至性觀者無不嗟異是年冬就外傳日輒數行下塾師奇之繼母徐太夫人視公無異已生公爰克成立歲十九補博士弟子員旋食餼蔚然有聲督學使者每試輒優其等甲子薦于鄉辛未成進士

本年七月除山東淄川令冬十一月有脫伍悍卒自

吳橋謀逆所過焚掠連陷數城齊東大震時公新任方詣省謁諸臺使者聞警星夜馳還整頓城守不五日畢具及諱兵抵境知有備輒引去淄民安堵如故撫按以守禦功上聞適徐太夫人訃至公擗踊哀號亟請解綬奔喪當事者以賊勢方張城守捍禦非公不可疏留不獲行抑哀備賊凡七閱月得代回籍喪次哀毀逾節先是公以寒素通籍筮仕未及週窮約甚于諸生多方拮据情文俱備宗族鄉黨咸稱純孝

金文通公集

卷十二

魯齋霍公墓誌銘

六

焉乙亥服除補山東曹邑令時流寇披猖曹首當其衝自莅任後寇突河干者五公設方畧嚴兵待之寇憚不敢逞境賴以寧爾時大河兩決奔流激射汎溢桑田民幾魚矣公爲繕隄防疏壅滯卒殺水勢畚鍤無患用是勞績茂著兩奉截俸行取之旨丙子甫入闈分校寇復逼河干總河檄公星回堵禦詰獲三奸細遂過河奮勦斬四級寇懾息遠遁優叙其功以聞丁丑冬考滿公考妣均封如其官戊寅十一月廷議各舉邊才有司就近訓補以鞏固畿輔僉謂公才望

堪勝將調寧晉。曹民間之。遮道攀轅。總河復疏留守。曹遂止不調。曹城頽圯。有同短垣。可踰。城內居民鮮獲寧止。公設法督葺。不鞭一人。不費民間一錢。浹月竣工。至于絕火耗。鋤蠹豪。講學勸農。凡爲良吏之種種美政。于公直餘事也。迄今曹之父老。猶娓娓言之。已卯四月。聞父喪。趨戒行。抵里。撫柩痛哭。幾不欲生。殯力從厚。以襄大事。奉兩太夫人合塋于曲江之原。辛巳。服除。赴闕候考選。以召對稱旨。授試江西道監察御史。巡視西城。時丁明末士大夫方隅恩怨。物而

金文通公集

卷十二

魯齋霍公墓誌銘

九

不化。情面賄賂。溺焉忘返。公獨凜凜以正氣自持。不徇不隨。糾彈權貴。未嘗稍假。有真御史之稱。比時漕政弊極。東南四百萬石之玉粒。嘗踰年不得登天府。一則寇氛充斥運河。漕艘莫敢前。一則河流淤淺。苦蔓草糾葛。輓漕無計。而其原皆起于有司之徵兌愆期。運弁之驕橫不法。奸旗之恣意盜折。上赫然震怒。下令曰。漕務等于軍機。凡大小漕臣。有安常襲故。莫能挽遲爲速者。必罪不赦。于是冬十二月。特簡公巡漕。余時備兵南昌。已移固原。將行。會漕科偕撫按合

疏留督江西糧。不得已。黽勉從事。與公周旋漕務者一年。見公所措置。嚴而不苛。廉而多惠。軍民屬吏皆畏之。感之。是年漕艘悉抵通。卒如令。挽遲爲速。公之力也。上書公名于御屏。眷愛有加。壬午。以督運功實。授御史。加俸一級。癸未。又以守護白糧功。加一級。繼而寇陷關中。遠邇震驚。總憲吉水李公。保奏公監總督軍。公計恢復關中。非重兵不可。因度淮。招集將士。用圖大舉。甲申。難作。一片忠肝。義膽。竟付之東流矣。乙酉。以浙閩總督張公薦奉

金文通公集

卷十二

魯齋霍公墓誌銘

三

吉甫來京。陛見。丁亥。授山東道監察御史。戊子。巡按福建。時地方初席版圖。人心搖搖。公疏舉賓興。偕兩典試。闢榛莽而入。肇舉賓興大典。以收士心。仍宣上德意。家喻戶曉。而八閩之風鶴大定。辛卯。

先皇帝親政。磨勵人材。內外兼轉。以公才優幹濟。補嘉湖兵巡道。山陬湖畔。正多伏莽。所在竊發。公一至。縛渠宥脅。寇孽屏息。一切剔蠹除奸。得其要領。不事鈎索。境內肅清。吏治民生。咸蒸蒸有起色。癸巳。大計吏督撫按會舉卓異第一。

部覈實賜宴賜袍。晉太僕寺少卿。甲午轉太常寺少卿。提督四譯館。七月轉大理寺少卿。乙未三月陞本寺正卿。讞鞫多所平反。人稱不冤。

先皇帝謂督捕一官非嚴明仁恕兼而有之者弗克勝任。四月陞兵部督捕右侍郎。此官設自本朝。端以緝逃懲窩充實禁旅。不意營窟彌深。根株彌濫。不得不特立嚴法。重難犯。乃有以一人之逃而株連數家有以無知之僕而干累職官。甚且假稱逃人嚇詐善民而地方百姓多罹籍沒竄徙之重條。然各旗報獲之數。卒不勝報逃之數。

金文通公集

卷十二

墓誌銘

三

先皇帝每為惻然動念。頻頒

諭旨。講求良策。自公受事。即條上便宜數十款。嚴窩藏之律。立黥刺之法。定考成之例。申保甲之令。著為令典。于是有司爭自濯磨。愚民亦懼杆網。數年來逃者無所容假者不得肆。地方既鮮株連。職官亦免干累。所全活人不可數計。丁酉六月以

恩詔加一級。戊戌十一月考滿。加兵部尚書。給與應得命。磨一子入監讀書。己亥三月奉

上諭。加太子太保。庚子二月。調工部尚書。時先皇帝欲合祭

地於大享殿。限一月竣工。公竭蹶以圖。如期告成。七月奉

旨。仍以太子太保。工部尚書。管都察院左都御史事。公

感。皇帝知遇之恩。膺紀綱重寄。殫力振作。不辭勞瘁。凡有裨民生吏治者。必昌言無隱。冬十月。遂患痰疾。猶勉強辦事。十二月。疾勢漸劇。今年正月初八日。痛遭

金文通公集

卷十二

墓誌銘

三

先皇帝賓天。力疾哭臨。勉竣喪禮。病益篤。及回寓調理。

醫藥罔效。竟爾溘焉長逝。嗚呼。公直可謂鞠躬盡瘁。以死勤事者矣。公通籍三十餘年。除兩次讀禮家居。外。餘悉歛歷仕途。憂公思職。無一優游晏衍之日。出為外吏。則洞悉民隱。芟除奸盜。所至見德。所去見思。入為京朝官。則諳習國體。明解朝章。氣節稜稜。儼不可犯。而胸無城府。盎然迎人。于光風霽月之中。雖位躋三事。年逾花甲。而猷畧未竟。精力方旺。胡期昊天不弔。遽奪我老成典型。令人翔顧班聯中。悵然失所。

仰止嗚呼誠深爲可痛也已訃聞之日兒童走卒盡爲咨嗟涕洟

上深悼焉命禮臣請祭葬悉如例元配可夫人並得祔塋仍遣官護其喪歸生榮歿哀保有令名以終然則公抑又何憾也哉公于學無所不窺政事之暇沉酣經史搜稽典故旁及竺乾諸書靡不探微抉奧所著有屈黃二騷合編手校字彙併楞嚴金剛經註解行世近有編訂史記一書尚未付梓公生于萬曆庚子卒于順治辛丑享年六十有二公祖若考皆贈資政大夫兵部尚書母閭氏徐氏皆贈二品夫人元配可氏贈二品夫人生丈夫子一卽恩蔭君于京娶辛未進士通奉大夫江西右布政使任公中鳳女繼配紀氏生女一適甲戌進士中憲大夫山東提學道任公中麟三子貢監生知民繼配袁氏封二品夫人側室崔氏吳氏皆撫教恩蔭君不異已出孫一昭尚幼爲之銘曰

天挺鉅公維霍司空起家民牧兩最齊封晉秩栢臺蹇諤著節乘馳督儲轉運若決八閩持斧手闢荆榛

招携懷貳惠洽海濱嘉湖二郡伏莽淵藪借公備兵革心恐後卓異彰聞增秩賜衣京卿屢陟羣望攸歸特簡佐樞矢口石畫誘致逋亡如依衽席稽核水農廉冒悉釐領袖風紀澄清是資展也老成高止是仰九原不作曷深愀惻

皇有卹恩瞻懷名碩歲月遷兮我銘無數

金文通公集

卷十二

墓誌銘

三

光祿大夫太子太保弘文院大學士蒼枕呂公

墓誌銘

康熙六年歲在丁未二月朔故太子太保弘文院大學士蒼枕呂公歸葬於常州府武進縣繆賢壩之新阡其子恩蔭生方洪等叙公生平懿實來乞余銘其墓嗟乎呂公自登第以後出入中秘者六載晉登揆席者一年與余後先同官寅恭交勵惟余最知公惟公亦最愛余惜公先以病去于時

朝廷眷公甚厚中外咸倚重公謂公年方強仕旦晚病

金文通公集

卷十二

蒼枕呂公墓誌銘

五

且愈當膺

命還朝一竟匡勦太平之業孰意風疾糾纏卒至不起嗟乎余何忍爲公銘然余與公既相知久且厚且濫職舊史氏于大臣宰相名言嘉行並宜得書余又何敢不銘公也謹按狀公姓呂氏諱宮字長音號蒼枕別號金門爲常州武進縣人其先世自漢尚書霸累傳至宋如文穆文清皆以賢宰相著嗣後不乏名臣具載史冊不勝書至洪武永樂間遷居郡城又六傳至公大父遂南公諱應徵好修積行多隱德公考

救贈修撰待贈光祿大夫翼之公諱程雲學富才高

志未酬公妣

救贈太宜人待贈一品太夫人諸氏婦道母儀則做里黨發祥厥有其自矣公童年穎異日數行下遂成誦不忘甫四齡考早世從大父授書不離膝前常以方名書記粘示隅壁每夜繞隅燃燭示之公輒神會是時公方零仞孤苦而大父喜甚以爲是必能大吾門也迨就外傳卽好讀書八歲屬文有能名公母教恭嚴內夜督課親績紡以伴之公痛念孀母望于殷切

金文通公集

卷十二

蒼枕呂公墓誌銘

五

力學之志彌堅斷蠶焚膏刻自勉勵性冲淡無所好與人謫若春風坦無城府而持身方正不愧屋漏嘗于某氏館中夜讀有鄰家少婦忽乘月而至公毅然峻拒不稍動心次日復令侍婢持雙玉魚來贈公卽碎其玉而厲聲責之婢慚而退然未嘗與人言其事及後課子因訓曰讀書人積陰德爲上我曾遇某事云云然終不洩其姓名少時不利童子試年二十七始補博士弟子請于母氏以居諸易邁顯親無期不得不離家習靜以圖一當遂至金陵遠公菴閉關攻

苦者三年。至癸酉試南闈。時漏下四鼓。僅完六義。神思困倦。睡魔來牽。忽有人撫其背曰。如何不作文。遂驚寤。見巨人昂立。倏失所在。時天已將曙。提書而出。是年登賢書。受知于楚中徐中濤先生。主考閩中。蔣八公先生評牘云。一縱一橫。論者莫當。得眉山之神理。蓋公沉醉古學。尤篤好大蘇。爲文奔騰激射。宛轉迴旋。不可方物。故評卷云云。既而困公車者一十五年。研精苦思。益發憤揣摩。至甲申乙酉間。尤加刻勵。無間酷暑嚴寒。宵旦不輟。甚而繼以泣。且泣且讀。

金文通公集

卷十二

著述呂公
墓誌銘

三

卽懸針刺股。不是過也。迨

皇清啓運。丁亥應春官試。初成三義。殊不愜意。午過卽束卷欲出。鄰號勸阻。復靜坐構思。一揮而就。淋漓滿志。恍有神助焉。及

廷對。辰值大雨。遺去銅格式。同輩爲之惋惜。旣而濡毫落紙。精整異常。字或將訛。若有掣其肘者。輒得改正。自鄉會迄奏對。累著奇兆。具詳公勸戒士子文中。不可謂非陰德之驗也。

賜擢第一。授翰林秘書院修撰。邀

聖恩知遇。時人榮之。而公退然如未遇時。出入承明。謹

必有加。鄉邑中曾不知有鼎魁也。歲辛卯。恭遇

世祖章皇帝臨朝親政。公奉

命頒詔江南。乘傳錦歸。畧無德色。意里人益加重焉。壬

辰舉春官試。公與分考。所鑑拔房卷。醇正爾雅。時有

廬陵較士之譽。是歲遷右春坊右中允。時

世祖章皇帝特召館員親試。君子懷德。論請建常平倉

疏。條對上呈。獨公當

上意隨奉

金文通公集

卷十二

著述呂公
墓誌銘

天

傳諭云。翰林官陞轉舊例。論資俸兼論才品。朕思果有才品出衆者。何必拘舊例。右春坊右中允仍管秘書院修撰事呂宮。文章簡明。氣度嫺雅。朕所親見。着遇學士員缺。卽與推補。以示破格用人之意。遂超陞學士。不半載。晉右少宰。公益勵冰檠。

帝眷彌隆。歲癸巳冬。特進弘文院大學士。甲午春二月。余亦由中銓。濫厠公後。獲與公晨夕周旋。公以文章氣度受知

天子。參預國是。言無不當。議無不行。凡所以上裨

宗社下福蒼生者惟公協贊之力居多用是

天子嘉焉萬幾之暇時召入大內發古今書畫命公題贊又命遍題內宮額聯公乘機納牖因事進規格言莊偶盈列禁中誠得大臣以道事君之要也公以六年翰撰邀異數驟登揆席一時忌者不無間言公絕不尤人惟翼翼引咎力求罷斥幸賴

天王聖明燎若觀火勉以盡職用息多口然機務殷繁積勞成瘁痰火交作兼患疝氣相攻苦不能支歲甲午六月具疏請假十四日奉

金文通公集

卷十二

荅忱呂公墓誌銘

无

旨覽卿奏知道了着用心調理稍痊卽出供職隨令

御前大人臨寓慰問繼遣太醫診候屢賜珍藥

親諭火炙可療隆恩篤眷真不啻家人父子至九月未痊復具恭陳謝悃一疏十五日奉

旨覽卿奏知道了着用心調理稍痊卽入值辦事十月

有微臣痼疾難愈一疏十七日奉

旨卿用心調治不必求罷十二月有病劇萬難供職一

疏初五日奉

旨卿還安心調理病痊之日照舊供職公既屢疏乞休

未蒙

俞允乃

恩眷逾涯歲乙未正月十日特晉太子太保十八日有寵命不敢仰承一疏二十日奉

旨晉加新銜特昭眷注卿其祇遵成命不必遜辭時公病日劇復

命總裁

順治大訓公以疾辭二月有病劇萬難供職一疏聖意實知公病重勢難勉留十三日奉

金文通公集

卷十二

荅忱呂公墓誌銘

三

旨覽卿奏病難速痊特允所請着以太子太保新銜回

籍調理病痊之日候旨召用仍賜衣服鞍馬還馳驛去昭朕優眷至意二十日具疏謝

恩二十二日奉

旨覽卿奏謝甚切朕懷須益加調攝務期痊可以慰眷

注公還里甫閱歲

上念公不置于丙申年十月特遣內官王應聘

御前近臣王有恒賁

敕存問賜羊酒

敕云卿受朕深知早參大政而能不阿不激小心匡贊一載綸扉多所裨益迄今間濶年餘彌深軫念卿其慎起居爲國家愛身佇需召用公感念

厚恩涕泗交頤恨捐糜莫報自此杜門却掃日從事藥餌間暇則訓諸子勉以忠勤孝弟嘗曰功名事不可強求當修天爵以俟人爵吾自童子試以至入相及蒙恩賜歸從未曉干求二字今世俗器薄苟且功名將來闕試必有大禍爾等當潛心聽命勿生非分之望及于西南北闡事發言若左券又嘗諭子早完國

金文通公集

卷十二

墓誌銘

三

課云江南官戶多逋欠將來必有創懲并以此勸告親友不久卒于奏銷悉如其言居鄉十載嫉俗尚之侈靡力行恭儉以身爲士民式居取容膝食無兼味羔羊素絲之節位彌尊而守彌固癸卯歲

世祖章皇帝梓宮入山陵聞余匍匐馳送公力疾偕行時有淺識者從傍竊議公弗顧也比扈從至

陵哀號攀慕余兩人相對痛心悽動班聯從

山陵回公卽嘔血數升以炎暑勞頓病遂增劇旋于五

月初十日偕余辭

朝同歸長途並轡不減夙昔之追隨綸扉時親笑語而余已察公之病勢覺有進無退矣歲甲辰病益甚旬日著格言數章垂勸世俗刊布流傳四月十八日之夕忽呼諸子云吾欲去矣只受

朝廷厚恩未報奈何北向九叩而瞑曾無一語及家事也嗟乎公四歲而孤奉母氏教勉勵下帷雖名列賢書嘗寄居蕭寺夜分更闌呶唔不絕甚而或繼以泣其劬勞罔極之思纏綿痛切有如此若夫子處孤館

金文通公集

卷十二

墓誌銘

三

人其心事正直忠厚可以告天地而質衾影有如此受知

聖主重其文章氣度超陟揆輔不色喜偶蒙譏于甘食不色慍其蘊藉沉深學識凝固上足以結

主知而下足以協輿望有如此至其奔赴

山陵號慟慘怛卒至鋼疾過發嘔血增加臨革之言忠

勤出于至性此又蓋臣事君之大節生死無二者矣

余與公交十餘年見其恬靜冲和嘗歆然若不足而識見明確然諾可否介石不回喜揚人善不尙叱人

過下御臧獲。亦惟寬恕爲先。平生干請之戒甚嚴。而故人寒士有負奇冤莫白者。輒不惜冒嫌拯之。總之公律已也。介與人也。溫事君也。忠交友也。信嗚呼。凡此皆有合于聖賢之道者。公真不可及也已。公生于癸卯年之八月二十四日戌時。卒于康熙甲辰年之四月十八日亥時。享年六十有二。爲之銘曰。

卓哉呂公。四歲而孤。母教是奉。黽勉勤劬。沉酣墳典。寒暑弗逾。夙興夜寐。孝思翟翟。持躬正直。昏暮罔渝。積德于陰。爰顯屢符。擢天下魁。猶寒素如。

金文通公集

卷十二

墓誌銘

三

先皇右文器。公大儒。詞翰寓規。警戒盤盂。晉陟銓佐翼

贊

廟謨。以疾請告。如口椰掄。

帝鑒厥誠。寵賚有殊。

隆恩存問。曠典古無。公感知遇。遑恤瘁瘡。癸卯

山陵負疾。長驅撫膺。一慟捐生。是愉大節。細行毋有稍

踰。德大必壽。胡公未孚。殆昌于後。子孫攸訏。毘陵之

陽。終賢之隅。我銘公藏。千載爲模。

金文通公集卷之十二終

金文通公集卷之十三目錄

吳江金之俊豈凡著

前中憲大夫福建觀察使菊存張公墓誌銘

前光祿大夫太子太保戶部尚書靜涵張公墓

誌銘

贈通奉大夫內翰林弘文院學士岐山朱公暨

配封夫人沈氏合葬墓誌銘

金文通公集

卷十三

目錄

一

誥封中憲大夫浙江按察司副使幼儀秦公暨

配華恭人合葬墓誌銘

金文通公集卷之十三

吳江金之俊豈凡著

前中憲大夫福建觀察使菊存張公墓誌銘

公諱晉徵字恭錫號慕蓼別號菊存其先世實宋魏公裔自南渡後數傳而至諱辛三者徙居禾之太平里遂爲嘉興人辛三生洪洪生正正生世華世華生用字柳溪以次子貴封戶科給事中生三子長諱應

金文通公集

卷十三

菊存張公墓誌銘

一

潮字海濤邑廩生生子斐字心日邑廩生生子廷薦字履台登萬曆辛丑科進士歷任刑部主事次諱應治字冲泉登嘉靖壬戌科進士由給諫歷任山東臨清兵備副使李諱應濂字衍溪邑廩生即公大父也公父諱樂字碩懷邑庠生以公貴贈福建觀察使生子三人長即公也公生甫七日妣曹恭人見背考碩懷公同王母杭太孺人撫恤成童六歲就家塾性穎異不好爲群兒弄公家世取甲第者皆以壁經贈公喜公慧因卜所授經獨麟經協兆爰從伯氏仲銘公

手授四傳日數十行下無少遺忘天資既敏妙而又潛心鮮他嗜一時宗族戚屬咸識其爲大器年十七補弟子員聲蔚庠序年十八丁繼母卜恭人艱哀毀逾節讀禮之暇輒發憤自勵晝夜不息其爲制舉義必洞抉題旨匠心破的不屑屑襲時吻歲辛酉入棘闈本房司理鄭君拔送主司以策語微激抑之下第歸公志益奮學業亦日益進乙丑春仲贈公忽遭疾捐館公號痛欲絕偕仲弟萍止共襲喪塋比時家業蕭瑟自勉營窀穸後爲門戶計至艱辛也季春

金文通公集

卷十三

菊存張公墓誌銘

二

贈公舉遺腹子即季弟躬鑒撫育之如已子延師訓迪卒克成立雁行三人雖長幼差殊怡怡友恭曾無間言公因家食不支館穀黎川半邏者累歲悉以家事聽次公料理舌耕硯田意泊如也庚午登賢書出蔣慕皆先生門特以麟經受知石齋黃太史辛未殿羽歸讀書茗溪益奮發如諸生時甲戌成進士爲管誠齋仲子復兩先生所拔釋褐除知閩縣事閩居省會要衝冗務如蠅案牘山積夙號難治公淬礪新硯圖之諸凡民瘼利弊嘔心講求力任興革夙夜拮据

不逞會海孽劉香大吹鯨浪賴公轉餉軍前獲資飽騰事平紀功因首及焉丙子大比士爲本省房考官得士六人皆一時名宿適石齋黃太史講學樵桐山岱獄自矜於邦之賢士大夫鮮所許可而獨景重公逢人說項於是聲益起無何中丞某憑寄耳目構求洋事頗多株累公洞燭而心寬之毅然曰殺人媚人吾不能也因而釋者甚衆拂當事意調新安之婺源簡僻易治然公未嘗有易心其殫精惠愛猶之治閭也不二載擢刑曹部例提牢屬新咨公適膺其役正

金文通公集

卷十三

菊存張公墓誌銘

三

值石齋先生抗疏獲罪廷杖詔獄公慮朝廷有教誅臣名爲之維持救護不遺餘力匪僅以師弟情誼效流俗之周旋也轉員外郎恤刑中州公念人命至重死者不可復生斷者不可復續加意平反全活倍多今恤疏具在仁人之言不與歲月俱逝也時流氛孔熾河洛一帶尤被蹂躪公雖無城守責恒與守土諸司環甲登埤一日夜常數十驚未嘗以使客偷安置地方於膜外也繼以才望出守江西之建昌蓋藩府第在焉藩素擅賢名爲谷藩冠而時方隆重藩體勢

焰頗張伺察督責甚嚴且密稍忤意卽飛章劾奏動得重譴有司多救過不暇公事事謹密不開以隙遇有事關民社者是非可否公屹然持之不爲所撓藩亦甚敬而愛之署巡道篆賊正流毒袁州九江鋒不可嚮聲言窺建昌警信日迫人心惶惶蓋藩有暫徙撫川之令公陳大義攀轅莫止亟飭將卒護行以司理黃君隨民爭竄徙城中爲之一空公獨以隻身死守繕器械募鄉勇嚴備禦密間諜常單騎巡城指郡門一井誓曰設有不測當覓我骸骨於此中也軍民

金文通公集

卷十三

菊存張公墓誌銘

四

咸泣下邏警晝夜不懈公雖身駐盱江所轄撫屬諸邑密邇袁界公飛檄偏裨統兵預扼要害賊偵知有備未及境而遁遂啓請藩歸先是藩行時被土寇渠首曾斗墟等劫貲鉅萬時城守方嚴恐搜捕太急激生他變姑置不緝遂陰行察訪廉得主名密授所司方略乘雪夜掩襲群盜以次就縛立置之法餘脅從悉縱弗究追餉完藩安堵如故合郡紳民勒石紀功督撫交章薦其能家宰徐虞求先生歎曰張太守以白面書生保全孤城翼衛藩室曾無勁兵宿將爲之

犄角聲援真奇男子也。擢福建按察司副使。備兵建南地方。久弛武備。緩急靡恃。公勵精整頓。軍容肅然。咸稱閩南一重鎮。云旋陞按察司使。時有騎兵悍將。爲民害者。公治之如律。不稍貸。外臺之綱紀。聿張實於公有厚賴焉。未幾。

王師入境。公識時投誠。繳印謝事。旅寓他離。茹苦萬狀。丙戌秋。孫恭人抱病長逝。長子亦復不祿。骨肉摧傷。相繼而至。復遭僞寇竊發。幸公素得民和。獲免於難。琴鶴之外。罄飽賊掠。時相從患難中。四顧無依。惟李

金文通公集

卷十三

菊存張公墓誌銘

五

弟躬鑒一人而已。戊子還里。憂毀困頓之餘。形神交悴。堅臥一丘。無復用世意。慕陶靖節之高風。自號菊存。以見志焉。終日杜門。卻掃。書史是親。閒從二三朋舊。道故言歡。風清月朗。相與嘯傲。鴛波恒樂而忘返。除公事入室外。曾無片紙寸牘。干及當事。以是人競高之。連舉二胤。旋復夭殤。天道其可問耶。公深自訟。省益孳孳。累善爲事。戊戌春。王舉鄉飲大典。郡大夫素式其賢。特徵重大賓。輿論僉允。已亥菊月。舉一丈夫子。癸卯嘉平月。又舉一丈夫子。仁者有後。天道未

始不可問也。至是而公之喜懌可知。已方將拭目。二子比肩逐隊。繞膝迎懼。他日聯翩按武。公之桑榆暮景。當何如其愉快哉。不意乙巳春三月。一病委頓。遂於十三日赴修文召也。以善人如公。而遽奪之。算然則天道其終不可問耶。公易簀前一日。猶神明湛然。條理井井。呼二子至榻前。執手而言曰。讀書做人。毋負家聲也。又囑仲季兩弟曰。善撫此二孤。勿爲他人笑也。言訖遂瞑。內典所云正念分明。捨報安詳者。公庶幾近之歟。大約公之夙根深厚。非流俗恒情區區。金文通公集

卷十三

菊存張公墓誌銘

六

兒女子態。所可彷彿也。先於甲辰冬。集親黨昆季。處分家事。周贍族戚。寧厚勿薄。寧詳毋遺。條分縷析。親筆鈐記。燦若列眉。指掌公所以爲兩孤計者。蓋至深遠而曲當矣。非平日有學問。明道理。審義命。度越儔輩數倍者。能如是耶。公一生爲人。恬靜冲夷。常退然若不足。一切世味。毫不以滯其胸。與人交了無嵯岬。而涇渭不撓。接之者。益如春風。又肅如秋氣。祇覺其可親而不可暱也。至其御下寬仁。從無怒容暴色。良由天資長厚使然。公飲不能數合。而樂與客盤桓。終

席靡倦口不談俗務而遇事剖分劃然莫能易嗚呼公真不可及也自遊庠以迄宦成歷盡荼苦鳴琴兩地則惠愛有聲奉命欽恤則不愧治獄于公一麾出守則克稱良二千石清歷泉憲之間則無忝外臺之振綱飭紀公真不負學不負官爲不可及也惜乎天既報之以功名而弗與大竟其用又終報之以胤嗣而仍靳其長年弗獲目擊兩孤之成立哀哉吾終不能無致疑於彼蒼也宜乎公嘗自歎曰他人歷境苦盡則甘而余則終身於苦中也雖然公兩孤雖藐已

金文通公集

卷十三

菊存張公墓誌銘

七

漸露頭角又有仲李兩賢比感公手足之愛始終勿替必能竭力保孤以捍外侮勦內政提攜有成翹足可俟是苦則公嘗之已盡而甘則悉貽之後人也亦可以無憾也已公生於萬曆辛丑正月二十三日卒於康熙四年乙巳三月十三日享年六十有五崇禎庚午舉人甲戌進士累官中憲大夫福建按察司使元配孫恭人生於萬曆甲辰四月初四日卒於順治三年丙戌九月初九日享年四十三歲繼配章孺人生於天啓乙丑八月初三日卒於康熙三年甲辰十

月初四日享年四十歲生男二長王曉章孺人出聘余曾孫女次金城側室卜氏出聘觀察使若華盛公曾孫女生女二長女孫恭人出配冢宰謚莊簡五臺陸公曾孫潛次女章孺人出許配禮部鼎陶吳公孫議木其詳列行狀中不具書擇今康熙四年十一月初八日庚寅塋秀水縣盧家佃上字圩之新阡以元配孫恭人繼配章孺人附焉其孤王曉金城齋行狀末與夫居官梗概洵足以則今垂後何可使之湮滅

金文通公集

卷十三

菊存張公墓誌銘

人

不彰而恐以不文辭也爲之銘曰

賦性兮溫良制行兮孔臧螢窓攻苦兮擅名文章宦途敷歷兮震譽官方東山高臥兮謙尊而光周恤宗黨兮惠溥情長聽臨訣之遺言兮令人撫膺而悲傷信天道之福善兮應知積厚而流光壽不滿古稀兮已播令聞於無疆縱金石可銷兮吾直謂公也不亡

前光祿大夫太子太保戶部尚書靜涵張公墓誌銘

康熙八年歲次己酉冬進士張君光第泣持其先人宮保大司農靜涵公行狀來屬余誌其墓併爲之銘蓋以余與公同登己未南宮榜有通籍之雅且相得甚善以是屬余嗟乎余浮沉宦海幾四十餘年

今皇上御極得蒙

恩子告始歸老林泉優游田里屈指同年友見在家居

壽考者落落晨星若公當日品行甚高潔居官多經

金文通公集

卷十三

靜涵張公墓誌銘

九

術且余庚午以後歷宦豫楚間嘗與公後先同地同官知公最深每慙步趨弗及今讀其行狀不禁潛然泣下雖衰憊不文其敢爲公辭謹按狀公諱有譽姓張氏號靜涵其先世居無錫之景莊鄉曾祖諱輔號玉溪始占籍江陰之青陽里大父諱汝翼號澄源邑廩生崇祀鄉賢父諱履正號岵望前壬辰進士任廣信府知府崇祀名宦以公貴三世皆得贈官保尚書累葉或隱或顯代有碩德令聞炳耀于時公生而岐嶷不好嬉戲童年卽嶄狀露頭角曰吾先世以孝友

仁義起家母或墮統袴習葢早以名世大儒爲已任已年十二隨父任南中時祠部葛岷瞻先生官舍相鄰往受業焉先生以大器目公年十七婚甫逾月卽之南中就學十八縣試童子第一是年遊郡庠乙卯舉鄉薦己未捷南宮出閤脾疾作且怛怛心動不俟捷卽出都門而父訃適至號泣馳歸抵家病益甚力疾居喪不出戶者三載壬戌得殿試二甲應授北部公念母老不欲離左右力求改南舊例北部改南應得禮部時無缺選君遲焉公遽就南戶部主政以遂

金文通公集

卷十三

靜涵張公墓誌銘

十

其迎養之志居久之北新關缺大司農具疏薦公力辭乃就浦口倉差公蒞倉事革冗役裁雜費而倉耗減其十之三其收米必平斛給軍必滿斛用是屯種積欠爭先輸納倉糧遂足大司農嘉公清廉任職必欲委以關事浦差未回卽題樞邦關公復辭不獲公之主撫也專以恤商爲主時小關久閉用防漏越居民生理往來殊苦不便公至卽開之以便小民而於商稅仍無漏越之虞較准櫃等驗定船尺正額完足五尺以下小舟卽時開放行旅如流歌呼載道當是

時璫禍正熾。凡官地方者。凜凜懼不克當。奔趨恐後。揚州建魏祠。郡邑咸集。獨關使者不至。久之。陞臺遣吏來趨公。公毅狀以疾辭。卒不至。此公居南曹時。首推逆欲之一大節也。權關纔七月。陞饒州守。公之治饒也。力省詞訟。奸黠之計罔施。禁絕餽遺。苞苴之路不行。月兩課諸生。與司李分較甲乙。鼓勵秀良。捐俸修郡邑學宮。併建尊經閣。置長桌於內。以供月課。一時文士蒸蒸向風。其留心教化如此。公尤尚德。緩刑。凡朔望必稽監簿。自徒刑以下。悉從保釋。每季必親

金文通公集

卷十三

靜涵張公墓誌銘

十一

至獄中。省視疾苦。免其饑寒暑濕之患。恩不靳于罪囚。此公之治饒卓狀。號良二千石之大畧也。是時方嚴叅罰。郡邑有司。降級俸有差。饒屬餘干。樂平。績通最多。公列叅第二。時謝夫人卒于署。公以悼亡之餘。思欲掛冠。會江省糧道缺。撫軍具題。帶降二級。陞督糧道副使。公去饒。饒民德之。因祠焉。公之在饒也。具悉官旗兌運蠹弊。因盡心釐剔。江右一省糧倉。皆布列會城章江之濱。糧官運省交兌。公爲親驗米色。額限贈耗。搭配停勻。更設立長單。款列需索陋弊。犯者

令官旗填註繳驗。諸軍貼然。且無米色參差。贈耗偏枯之異。軍民便甚。往時江省漕欠極多。至是各縣俱有餘米。余辛巳官江右。亦承乏糧道。時已逼除。倉卒受事。悉倣公成法。而斟酌行之。幸是年竣運。亦最早。先是建昌屬邑船戶舟覆。失米百石。久繫無補。公將餘米補完。放釋船戶。糧艘抵淮。因駱馬湖溜急。船不得渡。公令每船帶泥十擔。不數日而隄成。遂通絳皖。又議每船派夫二名。過溜如駛。河水多泥。飲者病。公爲捐俸施茶。人人德之。丙子秋天。天津告警。漕艘倉

金文通公集

卷十三

靜涵張公墓誌銘

十二

皇運卒多。逃逸各省督漕不至。公加工價。并派船出夫二名。退入海口。防護巡守。身乘飛棹。往來慰諭。衣不解帶者兩月。漕以得全。是年江運獨先。諸省丁丑。舉卓異。陞七省漕道。公往湖廣督兌。聞水淺。則令運船入閘。卽下板水。盈始放。晝夜督催。不停分刻。省起剝無算。十三把總運竣。謝薦及各州縣長夫。例有餽贈。公一槩禁却。漕臺楊君問曰。院例皆收。公何獨却也。公曰。院差僅一年。謝薦可收。道運完。仍留任。若受餽。彼將無所憚。轉索官旗。不可禁戢矣。楊君歎異。久

之公廉得松郡上海兌獎。按部水次。爲飭漕規。平耗。贈衛弁各相戒。無干公法。倉棍衙蠹。亦鼠竄潛踪。旬日告竣。省民間米數萬。松人建祠尸祝。此公督漕時聲望蔚然之大畧也。戊寅。丁母艱。公時爲職守所繫。未得親視含殮。嘗以此抱終天之痛。因茹素三年。時荆溪相再召。注意公欲邀一面。將引之大用。公以憂謝。竟不赴。服闋。補順廣道。赴任。會值大荒。後土賊充斥。公親巡各縣。嚴保甲。核虛兵。務厲軍實。爲有備無患之至計。壬午。遷蜀臬。公槩却長夫如前。癸未春。始

金文通公集

卷十三

靜涵張公墓誌銘

十三

抵任時。冢宰鄭公三俊疏薦。公堪任撫軍。初推登撫。再推秦撫。皆不得旨。時大計舉天下大廉能五人。公實居首。奉有先子褒旌。仍紀錄優擢之旨。真異數也。公在蜀兼總藩臬篆。文移旁午。公案無留牘。有欵案擬贓千計。力爲申豁。藩司解銀。裁革平耗。立刻收兌。屬邑暨小民。無不稱便。臬司詞過半年。槩准註銷。郡縣贖錢。率多蠲免。此公任蜀臬時。左畫方。右畫圓。游刃肆應之大略也。癸未。陞應天府丞。士民皆號泣攀轅。久之得代歸。時藩吏以存庫金五萬。請充清橐。公

金文通公集

卷十三

靜涵張公墓誌銘

十四

麾不納。會倉場員缺。數推不稱旨。最後屬公乃得旨。以南京戶部侍郎兼右僉都總督倉場。上屬意公。嘗于御屏指公名曰。張某是一清官。且語忻城伯趙公。趙以實奏。上爲拊髀。至是始膺特簡云。公歸自蜀。驚聞流逆之變。受事南中。歷少宰。大農。晉宮保。追贈三代。如其官。乙酉五月。入武康山。不問家事。往來深巖絕壑中。凡二十五年。不飲酒食肉。不入城市。不謁官府。會奉部徵。不赴。臺薦亦力辭。以免。康熙元年。公子光第。以明經貢于京師。越明年癸卯。舉順天鄉薦。六年。丁未。第春官。其存心忠孝。制行高卓。甚類公公之積學篤行。亮節鴻材。受知主上。而每遇阻尼。時論傷之。蓋天以公之大業。發于其子也。流芳衍澤。霞蔚雲興。正未可量已。公居官無宦橐。家居不免窘困。而處之恬如。嘗晏坐一室。手不釋卷。著作之富。盈箱溢篋。諸凡地方利弊。必委曲條上當事。鄉邑蒙利賴焉。壬寅。大潦。公首倡同里施粥。全活甚衆。甲午。集子姓于宗祠。講學。闡析微義。遠近赴者。嘗四五百人。每月課藝而差等之。凡以文字來質者。評論夜分。無倦色。故

公里文風士氣甲于一邑。公之教也。嘗述父廣信公之言曰。居官以清廉爲本。清廉則無才而事自理。不威而人自服。此吾生平佩爲韋絃。子孫當世守者也。述叔父約所公之言曰。居身以誠實爲本。一句虛言。被人看破。則一生言語。無人聽信。此吾生平刻自檢點。子孫當敬佩者也。又曰。事先以孝敬爲主。未有不敬祖宗。而致子孫昌盛者。待族以和厚爲主。未有不和好宗族。而能蒙祖蔭者。此吾三代以來家法。吾常以之自勉。服之無數。子孫當永遵守者也。又嘗

金文通公集

卷十三

靜涵張公墓誌銘

五

戒其子曰。反身務要知足。須作退一步想。處世不越情理二字。世故不通達。只爲執理太過。不能體貼人情。若以情通理。便事事無礙。讀書之法。須一一鉤歸自己。方受用得著。否則紙上陳言耳。其處身勵後。有若此公性至孝。幼好奕。稱國手。嘗爲父解圍。以爲笑樂。自父歿。終身不觀枰局。謝夫人孝事姑。甚得母歡心。夫人卒于饒署。不及永訣。公傷悼倍至。後走黔蜀。間以夫人坐椅自隨。其外家墳塋。與祖塋址近。祭則必先往奠焉。昆季三人。公居仲。恭愛兄弟。子姓長幼。

視同一體。或子姓中間有過舉。溫顏諭導。無凌厲之色。鄉黨有事。曲爲調解。非意相加。未嘗與較。御僮僕雖嚴。不加箠楚。訓告不啻如子弟。其敦本善俗。有如此。居恒尊事孝經。曰。民行之本。聖教之宗。且行在孝。經孔子所自道。因手箋義衍補一書行世。初里中有常惺師。姓馮氏。以廣州別駕。薙髮立放生池于故居。以公年伯沈周兩公書致廣信公。求爲護生。書至而廣信公歿。公得書慟哭。焚之。柩前自此公終身護生。嚴捕捉之禁。月買生放。益成先志。非獨修善因也。每

金文通公集

卷十三

靜涵張公墓誌銘

六

樂與諸禪德談出世事。沉酣內典。大有領悟。及持身處世。謂必當以孔子爲師。如方員之有規矩。故入山不異緇流。而居家一循儒禮。素奉先賢遺訓。在饒刻胡敬公居業錄。在蜀刻來瞿塘易說。廣爲流傳。督漕山左。徘徊仲夫子祠。訪其子弟。拔其尤二人送學使。俾青其衿。公之崇正道。恤賢裔。有如此。嘗于河次見緯夫貌類書生者。病幾殆。詢之。河南王氏子。爲後母所逐。試一藝。頗佳。遂厚予衣食。諭以閔子之孝。爲改名學鵞。送原籍。至則其父母方與其妻家訟。乃完聚。

同好卒爲中州名士。以孝聞。公在饒所取士。舉紫科。第門牆桃李實繁。此尤公愛惜人才。嘉與後學之素心也。歲己酉。邑行鄉約。公率子姪往蒞厥事。諸人講畢。公登席發明六言之義。懇切真摯。聞者無不感動。流涕。病中書問。必親屬稿。皆勤勤立身修行之事。或以節勞爲言。曰。生苟不以利濟爲念。徒求安飽。雖生猶死也。年逾八十。數過時可聽之而已。卒之前。猶諄諄遺訓子孫。云。年已八旬。時至卽行。爲子孫者。當以誠實存心。以敬謹持身。以孝友事親。以勤儉治家。以

金文通公集

卷十三

靜涵張公墓誌銘

七

謙厚居鄉。以清慎守官。以忠貞報國。以讀書爲世業。以聖賢爲師範。此則克家之子。繩武之孫矣。嗚呼。讀公遺訓。數語真古聖賢範世之準。則移風易俗之格言。渺論匪直公一家之著鏡已也。平時心折靈巖和尚。迨至永訣。遂不復語。夜半命解衣曰。吾一絲不掛。盡去諸縛。及時惟呼母再三。遂瞑。所謂正念分明。如入禪定者。非歟。余于是按公一生事親孝。事上忠。兄弟友。夫婦睦。接下溫溫。自始至終。操持凜然。大節細行。未之或墮。以之入世而全體大用。無不該以之出。

世而真。真參實悟。確有據。洵所謂真能入世者。方能出世。而曾不以富貴功名。滓靈性之本。來真能出世者。方能入世。而又不以虛無寂滅。掩大儒之功。用人生至此。可謂體受歸全而無毫髮遺憾焉者已。爲之銘曰。

維公之德。以孝爲先。周于六行人。倫罔愆。高潔性成。筆仕尤堅。署必就冷。差必辭。羶。階。方。熾。排衆挺狀。權關治郡。商民二天。釐剔漕弊。董運獨前。敷歷監司。肆應皆圓。峻却庫遺。四知是虔。權要來親。遠若免焉。

金文通公集

卷十三

靜涵張公墓誌銘

八

清官之名。宸鑒高懸。迨陟卿東。國事已顛。蕭然窮居。二十五年。講學尊經。明道惓惓。賑荒講約。爲善綿連。戒勉子姪。務執聖賢遺訓。諄諄可法。可傳。研窮理學。程朱比肩。芻及竺典。了悟入塵。用世出世。均陟其巔。坦視生死。允利歸全。子子孫孫。音徽永宣。爾昌爾熾。百禩勿遷。

贈通奉大夫內翰林弘文院學士岐山朱公暨

配封夫人沈氏合葬墓誌銘

朱公岐山諱三鳳。上世深州靜安人。宋時有諱珍華者。始居義烏之梅隴。五傳而生肇。博物洽聞。饒有幹濟才。受知明成祖。以戶科給事中。出鎮江右。樹駿流鴻政績。赫然所著有撫安事錄等書。藏于家。又五傳而生秀。秀生天勤。是爲公。考累世皆有隱德。負長者名。公生而敏穎。志履卓犖。不群。問業受經。塾師以大用期之。繼念厥考。力作經營。仰事俯育。終歲捐捐。莫

金文通公集

卷十三

岐山朱公墓誌銘

九

與分臂指勞。遂廢書而歎曰。吾不忍老者勤。而少者逸也。因躬被襪。鋤雨犁風。必身先之。已而食指漸繁。饔飧弗繼。遵父命遊燕。即居積什一。畢慮殫心。不顧瑣屑勞瘁。然賦性端方。言矢金石。行質鬼神。有一介不苟之操。當世賢豪多樂與遊。即王公貴人見輒賓禮。不數年。生計漸饒。足資里門菽水。始釋厥考。仰事俯育之累。公乃稍稍得安枕矣。尤仗義。矜然諾。有貧窶困苦。婚喪不克舉者。必爲之悉意區畫。毋令失所。後已繼倉卒告急。鮮弗立應。以是橐中裝數盈數

落終不獲以素封名也。今總河大司馬梅麓初生。公

識其有異。必能大亢我宗。甫脫乳卽趨就外傳。延禮四方名師。碩友朝夕切劘。罄所有爲修脯資。絕弗靳嘗一隸銓曹。從事冀博半通之秩。了一生耕讀債。已復思窮達前定。與其蛇行蒲伏。仰人鼻息。曷若專力課子。光昭詩書。先澤之爲大哉。竟棄不就。比聞考訃。徒跣奔歸。竭盡哀戚。自公還里。居喪後。生業盡廢。平時嘗受德者。往往見背。或甚而反加侮焉。在旁觀者。目擊生死交情。炎涼反覆。不勝悵念。公怡然處之。毫

金文通公集

卷十三

岐山朱公墓誌銘

十

不介意。且庭訓司馬君曰。汝不聞朝趨市者。側肩爭門而入。日暮之後。掉臂不顧。此世態之常。今古同然。無足尤也。每爲陳祖宗承家積累之艱。與夫前人往。事賢否得失之蹟。某也當戒。某也當做。疊疊不倦。倘燕閒侍坐。或微有跛踣懈色。亦譴責不稍貸。其義方之端。嚴細密類若此。會

清朝鼎興。司馬提南宮。讀中秘書。公貽之書曰。吾家世

耕讀。今汝幸席先蔭。掇科第如拾芥。又與石渠天祿之英。肩隨染翰共沐。

恩寵造物之予我者奢矣奢則須持之以約慎勿驕侈肆志滋我老人憂其謹識之毋忘司馬君之位大而心小名高而實副皆公之燕翼貽謀有以致之也公故好飲日與親朋故舊曳杖銜杯盡歡乃罷宜公之怡愉壽考正未有艾也而公素精星家言嘗自謂吾年五十七數當止此適庚寅歲司馬君力請歸省幸聖天子方以孝治天下朝上夕報可甫旋里未數旬公竟寢疾逝矣嗚呼公孝友天植妣■氏春秋高公年且逾艾定省承歡無異孺慕昆季三人折箸且久然

金文通公集

卷十三

岐山朱公墓誌銘

王

豐約與共未嘗有爾我之岐一從姪病痘危甚公携置已舍百方救療卒保無恙宗黨姻戚有讀書能文章而力不逮者必獎詡而扶植之以底于成郡二千石聞其風高其行誼式廬造請禮之賓延用示矜式焉公元配沈氏產自名族父諱天和母孟氏年甫及笄卽于歸翁姑俱嚴重夫人事之甚謹問不佐饒罔有弗虔方是時諸叔幼未婚旁無姊姒之助井日烹任蠶績紉綴悉出夫人十指中女史中所詭稱婦德艱辛勞勩未有如夫人之甚者也訓督司馬君頗峻

篝燈課誦恒至丙夜不休卽嚴重難事之翁若始亦嘖嘖歎其賢而相與語曰家婦宜家吾門當有興者其在是乎贈公之始而力田穡作繼而懋遷有無化居終而以通經學古澤民致君教其子皆夫人晝夜操作爲之左右以襄厥成也夫人性敦朴卽司馬君已致通顯而猶飯脫粟衣敝衣貴不忘貧如此當贈公捐館之日夫人號痛欲絕斷葷茹齋度奉三典晨夕不輟以資贈公冥福司馬君聞以甘脆純綺進却不肯御由是過哀成疾氣血內耗者甚矣嗣後就養

金文通公集

卷十三

岐山朱公墓誌銘

王

宦邸每一念及丘墓輒爲潸然泣數行下未幾疾作遂告終于河署所最堪撫膺太息者屬續之際猶惓惓念老姑不置也贈公生于萬曆甲午六月初四日卒于順治庚寅十月二十七日夫人生于萬曆壬寅六月二十八日卒于順治戊戌二月初八日俱享年五十有七先是司馬君爲史官時以

吉禮告成覃恩岐山公贈通奉大夫內翰林弘文院學士加一級元配沈氏封夫人夫人之卒也司馬君循制泣請扶櫬終喪

上念河務重大。漕運攸關。非司馬君弗克任。一疏再疏。弗允所請。

特詔奪情視事。已亥冬。始申請報可。且

俞禮官所授掌故。賜祭葬如制。今將卜于本年七月某日合葬。贈公暨夫人于某山之原。而以其狀來屬余。銘余何能文。以傳贈公與夫人哉。雖然。余文雖不足傳。而世人艷稱公與夫人之行。頗多多。必則倣之。則倣之必相與謹視之。是公與夫人之足以傳後也。卽余文之難附以傳也。其何敢辭。謹按狀公生丈夫子

金文通公集

卷十三

岐山朱公墓誌銘

重

一卽總河大司馬梅麓君娶沈氏孫男一尚幼孫女一許聘襲封衍聖公冢嗣毓沆爲之銘曰

天道可知耶。豐于德。晉于壽。天道不可知耶。積于躬。昌于後。同坎而瘞。同簋而禋。綿綿瓜瓞。永賁

恩綸石可泐兮。名則彌布。歲或遷兮。藏之益固。

誥封中憲大夫浙江按察司副使幼儀秦公暨配華恭人合葬墓誌銘

康熙七年歲在戊申夏五月。錫山秦封翁幼儀公卒。我吳門之士大夫。奔走震悼。以爲當今之老成學博。而行高爲鄉里遠近所則倣。莫我秦公若。相與會於喪所。語公行事。靡不歎且泣者。余亦爲文以弔之。僅及公之大略。及親故之情而已。未能詳懿美之萬一也。秋七月。公之子觀察君鉞。列公行事及奉公存日所撰華恭人紀畧。并公之姪孫對巖太史合狀。率仲

金文通公集

卷十三

幼儀秦公墓誌銘

重

季兩文學稽顙乞銘於余。余與觀察君有一日之知。雖老不能文。敢辭公銘乎。謹按狀公諱重采。字幼儀。姓秦氏。系出宋龍圖閣直學士少游公諱觀之後。龍圖公子湛。倅常州。遂家於武進之新塘鄉。而遷葬龍圖公于無錫之璨山。凡十傳。至瑞五公。以館甥家無錫。秦氏支盛於錫山。自瑞五公始也。又六傳至兵部尚書贈少保諡端敏鳳山公諱金。爲公高祖。端敏公生二子。次曰次山公諱沐。知雲南姚安府。次山公生三子。次曰定橋公諱楷。邑文學。定橋公生四子。其季

念橋公諱延默。知金華湯溪縣。有政績。視名宦公之考也。配吳孺人。生二子。公其次也。公生而穎異。語言行止。屹如老成人。蓋自瑞五公以來。凡十一世。代爲冠族。公之幼學敏給。威儀嫻具。人不以此異。公獨其孝友性成。真惻篤摯。見者以爲非凡兒比。年甫十四。會湯溪公以覲歸。遂捐館舍。居喪次哀毀骨立。禮節詳委。雖善居喪者。有未追也。又五年而有母喪。方吳孺人素強。飯卒中風。公籲天求代。祈所以延年。却疾者無不盡。比歿。引痛逾年。不御鹽酪。忘生趣者久之。

金文通公集

卷十三

幼儀秦公墓誌銘

三

方母殯在堂時。不戒於火。前堂既燼。火延入柩所。公憑棺號呼。火及簷而返。人共異之。以爲純孝所感也。至哀慕之思。纏綿不輟。雖細事。凡有覩物興懷。感及前人者。輒嗚咽終日。若春秋省墓。或慶事告家廟中。歛歔泣下。拜不能起。吳孺人嘗遺紵綺在笥。卽無衣。不忍服。問一開視。則淚泫泫然。此公之孝於二親。終其身如一日者。有如此。伯兄先之。長公十有六年。敬事如父。一切家政。無鉅細。必請而後行。晨夕候安否。同顏色。雖終日怡怡。而恭謹謙下。曾不敢以厲行齒。

先是邑中糧長之役。最爲繁重。邑人苦之。公與兄共戶。而兄田較多。費亦當贏。公引而均之。曾不以多寡生較量。鼎革初。邑令籍邑之富戶。派餉人三百金。而兄與焉。公曰。門戶事。何可獨累吾兄。卒均任之。兄嘗有訟事。連歲糾纏。每出公必隨。費則爲之助。求援則代其奔走。甚至小舫夜行。雖戒心勿顧也。兄嫂疾病。醫禱需費。大半出公橐。後兄嘗病噎症。苦難療。公侍疾於蘇。謹視湯藥。晨夕不離。未嘗以家事過歸。凡數月。而兄疾愈。歲乙酉。嫂病中虛。時聞兵信。城市騷然。將挈家避地。公毅然曰。嫂病非參勿療。吾可他往乎。冒險抵閭市。參嫂病以瘥。逮丁兄之喪。哀慟幾絕。閱數年。猶與親朋言及。輒痛失聲。不能自禁。此其篤於昆弟。見於急難。疾病死亡。以至閒居悼往。淋漓感愴者。有如此。元配華恭人。齊眉相莊。十有八年間。無嗜好。容無忤色。恭人歿時。公年纔三十。有五不復再娶。因有詩云。好取蒲團消白晝。莫將羅帳悞紅顏。蓋公自誓意也。於是視恭人家逾厚。奉外母施孺人。迎養問遺。不以久而稍怠。嫁內兄之孤女。如同己女。無二子。

金文通公集

卷十三

幼儀秦公墓誌銘

三

寒暑調護尤謹。曰：吾以父而兼母也。因自傷詩云：一朝中饋殞，百事煩支吾。未束行者裝，先謀居者餽。此公於夫婦之義，存歿罔間，終身不渝者，有如此。至於撫愛諸姪如已子，其有過責讓亦如之。姪有僕爲人誣盜，漸侵其主，因構而求利焉。公力疾白郡守，事乃得雪。有妹適湯氏者，家貧苦節，以兄先之賞厚求助，不得，間出怨言。公多方慰解，私自往遺，不終傷兄妹間意。而伯氏竟未之知也。有從姊負公金不償，內自慙，不往來者三十年。公矍然曰：些須阿堵，奈何！以此

金文通公集

卷十三

幼儀秦公墓誌銘

毛

遠骨肉乎？吾久已忘懷矣。後仲甥以樗蒲負人金，有欲奪其季之產以償，公又力疾告當事，卒以產歸季。姊因泣謝，歡好如初。至於恭事諸從兄弟，不異同胞，絕無間言。其羣從子姪，亦如同體。嘗書示觀察君云：做官之日少，爲兄弟之日長。此其厚族之本懷也。則又因一本之愛所推而始，終靡間。親疎不遺者，有如此。昔崑山張烈愍公、松江張瀛海先生，皆公父執烈愍之官時，有所稱貸及殉難，公爲焚券。瀛海先生有子督學浙中，爲言者註誤，事下浙撫，時觀察備兵於

杭，公遺書喻意，以雖非所職，有可爲地，必左右之。嘗言秀水馮公夢禎中州季公道統，閩中林公某皆吾先人考試歷官時所受其隆遇者。吾子孫切勿遺忘。倘宦途相值，其必思所以報之。同邑貞菴徐公，令金華，力言湯溪公之德政，得崇祀名宦。後兩家佃僕相爭，公曰：若徐公者，卽有加於我，猶將讓之，竟置勿問。他若周急受業師，厚禮通家兄弟，歿身已久，猶追念感泣如初。此公之於生平，故舊久而不忘，人不及知，而切切縈懷，曾不以物換時移稍渝其本。本水源之

金文通公集

卷十三

幼儀秦公墓誌銘

天

思者有如此。嘉定欠糧一案，幾波累公家，或爲謀者當首詭寄，乃得免。公曰：禍福命也。吾忍嫁禍於人哉？卒竟豁然。公嘗遊虎丘，奴拾一釵，亟命覓主還之，行數武，有兩婦以失釵相怨詈，因舉而授之。婦感謝，問公姓，不答而去。曾買一小婢，越日來贖，其父曰：鬻女以通糧故。今典吏陳君陽憐而代償，知公厚德，必聽贖也。公驚曰：胥吏中有若人哉？吾不如也。亟以女還之。曾於吳閭買參，誤多數兩，計值二十金，公如數還之。有黃姓者，贖田於公，其人誤以畝價三兩，旣而出

原契乃二兩有奇。卽歸其餘直。此公之立心忠厚。制行光明。遇一切事。以含弘廣大爲主。而又絲毫不苟。能揭肝腸以示人者。有如此公。讀書勤學。冠冕膠序。卒不得志於有司。遂棄舉子業。課其三子。惟寄情詩史。獨居暢咏。歲乙未。子奉。

命擢士禮閣待長君。卷器局凝重。合會稽宣城一派。遂以第一人舉。蓋其所學。洵自有原本也。及對策。

大廷。諸臣循故事讀卷畢。蒙

世祖章皇帝御便殿親覽位置。及第三人極其賞歎。比折

金文通公集

卷十三

幼儀秦公墓誌銘

无

卷觀察君與焉

上喜不禁。已列侍從。頻承

召對。賜衣命宴。寵渥皆出殊數。此蓋公積德耀後之明

驗歟。觀察君既歷宦途。公遺書屢戒以精白一心。報

國爲先。又勉以勤讀中秘書。備他日

顧問會

天子銳意求治。內外互轉。以期學有實用。觀察君遂分

叅浙藩大著廉惠聲。蓋得之庭訓爲多也。公一日至

署。語觀察君曰。客有言汝慈祥太過者。宜稍示威嚴。

觀察起而謝曰。兒誠不忍敲人肌髓。充客遊。豪也。公爲首肯者。再及觀察莅江右。公復之署中。聞豫章之

誦聲。猶浙公大喜曰。兒固不欺若言矣。昔爾祖令湯

溪以前令。通帑金主吏繫獄者。累繫而祖獨俸補之。

全活甚衆。汝能平反無罪。而祖其不亡乎。後觀察君

以失出掛議。公遺書曰。汝意在活人。以此遷謫。吾何

憾哉。有武弁爲人所訐。臺檄觀察訊之。其人懷金候

公於途。公曰。若理直。無用求我。若曲。則可令吾子枉

法耶。此公之以忠良勉其子。務期報國稱職。法祖光

金文通公集

卷十三

幼儀秦公墓誌銘

手

前者有如此公。雖以子貴。然儉約性成。衣必數絺。食

無三豆。嘗徒步鄆市間。與往來負擔之夫。笑語相答。

有若平交。及見人有過。輒面折不顧忌諱。旣而渙然

冰釋。人不之怨。見人之善。不啻已有。與人交。初終如

一郡邑。咸切式。虛欲一望見顏色。不可得。至遇公事。

恒抵掌發憤。爲之剖晰利害。判斷可否。絕無詭隨。士

大夫交重之。公初以勤儉治生家。稍裕。後歲歉。賦急。

兼有糧長之役。家竟落。癸未元日。有詩云。紀年逢五

癸。涉世得千辛。蓋自悼也。又念恭人未塋。怏怏不樂。

題云。鳩拙尚成巢。以我方鳩鳩。不拙。鶴歸猶識表。他
年化鶴鶴何歸。卽公之閒吟寄懷。其生平大略可賸
已。少時家於酒客至留連旦夕。尤喜讀書。晚年手不
釋卷。每芳辰令序。時花競發。必邀集賓朋。盤興往會。
興盡而返。凡蘇杭佳山水處。歲必一遊。性曠達。不以
死生爲諱。先一歲豫營生墳。遨遊置酒。泰然自得。今
年夏五日。汎舟蓉湖。猶觀競渡。忽次日疾作。戒勿祈
禱及醫藥。臨革正衣冠而逝。無一語及家事。竺典所
云。正念分明。捨報安祥。其公之謂歟。嗚呼。按公之一

金文通公集

卷十三

幼儀秦公
墓誌銘

三

生大槩植根於至孝。少孤而戚易能兼。端本於訓子。
服官而戒勉倍至。篤愛於昆弟。吉凶憂喜之必均。施
恩於戚婣。榮枯隙好之勿間。以至與人不立崖岸。律
身一軌準繩。怡情於山巔水涯。達觀於死生夢幻。一
心不亂。無疾端逝。公真全始全終者已。雖篤學嗜古。
惜不能行其所志。然觀長君之理學政事。醇而不疵。
瞻而有體。受知於

聖主興文之世。流鴻於知人善任之

朝。公之學。不可謂不達。公之志。不可謂不伸。後日傳之。

遺老垂之史冊。允作人倫之儀型。公雖歿而猶存也。
夫恭人姓華氏。家世邑之鵞湖。南齊孝子寶之裔也。
父諱自立。號景和。篤志好學。數奇不售。晚年寄情詩
酒。多植花竹。自娛暇則親課其子女。恭人生而慧敏。
與兄同受訓迪。通經書。善制舉業。工五七言詩。母施
氏。族本相城。勤儉宜家。誨女有方。故恭人夙嫻針黹。
烹飪諸內事。景和與湯溪公有執經問業之雅相知。
深。故以女字幼儀。公恭人之始至也。侍姑吳孺人側。
見婦端謹。心喜之。已而談言億中。試事事理。尤喜之。

金文通公集

卷十三

幼儀秦公
墓誌銘

三

曰。吾得佳婦矣。凡十六月而姑見背。恭人時值產孀。
哀毀執勞。不遑自顧。值冬有火災。火逼極所。震驚悲
悼。因而精神耗損。恭人事姑之日。雖短。其所以致孝
於姑者。情甚長已。恭人少於長姒者十五年。不以比
肩。自若敬之如其姑。凡事必相諮度。至於艱鉅難爲
者。又不以少而自諉也。長姒有母。奉之猶已。母視其
姊姊。猶已姊姊。問遺時通吉凶同患。幾忘膈膜。此其
姊姒之無間然者也。封公少時困於小試。恭人勸公
遊學入郡。受業於舅氏吳霞翁。寓居蕭寺。爲繼粟饋。

食糲縫浣濯不俟需時嘗手書慰勉絕不及家累一字嗣後寓居肄學以及試事無不皆然至於爲子就業勵公同遊其資助餽遺亦復皆然此恭人相夫助子力學之大節也幼儀公喜賓客與親故尤相敬厚恭人致其豐腆無缺供又恒蓄嘉旨以俟公不時之需至於歲時享祀竭其誠敬躬視烹飪自奉則腐羹菜菹而已後食指漸繁外供師塾與戚屬往來心計轉劇然能計其奇贏終不使歲之所出浮於所入俾足以繼而又持大體非一意纖嗇此尤中饋之饒具

金文通公集

卷十三

幼儀恭公墓誌銘

三

經理者也恭人性至孝方其嫁也父喪未免恭人退就私室卽易縞以居淚汪汪注頰以是爲常及姑之喪常失聲號以事姑未久爲恨故於送姑喪也抱病而起力疾奔馳哀號於寒風凍雪之中毀不自知及送父之喪則疾且更甚扶掖臨窆或以病止之者曰於此而不盡吾情後悔何及此恭人之事其姑若父殆自始至終必誠必信而無毫髮遺憾焉者也至於迎養已母朝夕所需如其意於弟兄極其親愛或延諸館或相以室恭人歿數年猶令戚屬嫺黨言之人

人垂涕者方恭人之病劇也封公父子藝學於郡恐告者倉皇戒勿言病以他事迎公及歸而病革矣恭人之用心若此宜乎封公紀略所云令人悽入肝脾也其大節輝著可謂既孝且順焉矣嗟乎孝友如封公力學篤行如封公吾方虞其難爲比德者而恭人之賢且淑焉如此惜乎天靳以年而不克睹其子之成竟使封公之鬱鬱以老也然恭人以婦道完德而能使封公之伉儷情長誓戀膠之勿續有賢胤之騰驤仕路佇

金文通公集

卷十三

幼儀恭公墓誌銘

三

綸紵之疊膺光女史而榮家乘亦足以不朽也已爲之銘曰

公篤生兮誠且恭孝其親兮友于兄憑棺呼兮火反風思追慕兮無終窮均兄役兮何嗇豐佐公輸兮憂樂通壯失偶兮婚不重誓再世兮羅幃空念故交兮情極隆還釵返價兮德莫崇躬行君子兮實由衷勉子文行兮何麗鴻結

主知兮慶遭逢勵服官兮惟作忠嘉公德兮榮褒封樂山水兮懷遊踪名花時笑兮扶短筇跡絕公庭兮侶

鄉農緝書史兮詩酒爲功嗟好逑兮濫焉先終生長
遠兮泉穴同雙雙兮德兮標長松宜福祿兮後胤隆
石可泐兮名不磨千秋無極兮永奠幽宮

金文通公集卷之十三終

金文通公集

卷十三

幼儀秦公墓誌銘

三

金文通公集卷之十四目錄

吳江金之俊豈凡著

前中順大夫廣西柳州府知府念孚吳公暨元

配敕封安人陶氏合葬墓誌銘

誥贈朝議大夫涵真郁公暨配韓太恭人合葬

墓誌銘

封文林郎陝西道試監察御史天全陸公墓誌

金文通公集

卷十四

目錄

銘

山東提學僉憲劉君何寶暨安人高氏金氏合

葬墓誌銘

金文通公集卷之十四

吳江金之俊豈凡著

前中順大夫廣西柳州府知府念孚吳公暨元

配敕封安人陶氏合葬墓誌銘

公諱士顏字元復號念孚其先世自泰伯仲雍以來
因國爲氏宋端平中有千一公卜居松陵之六子橋
北此吳氏之始遷祖也越六世有伯昂公諱昂生孝

金文通公集

卷十四

念孚吳公墓誌銘

一

子廷用公諱璋以子貴俱贈中大夫太僕寺卿先是
廷用公妣陸氏孀居守節明永樂年間選入內廷給
事宣德元年淮王出封韶州又改封饒州陸隨焉廷
用公思念久之因棄家走京師復走二藩經歷艱苦
至正統十二年見母時已病篤引至旅次三日而卒
扶櫬歸葬世稱全孝翁公五世祖也四世祖少保公
諱洪第成化乙未進士歷任南京刑部尚書迂逆瑾
勒令致仕卒贈太子少保子祭葬曾祖少保公諱山
正德戊辰同弟巖登進士初仕刑曹諫武宗南巡詔

廷杖歷撫河南四川南贛有政聲晉刑部尚書執法
不避貴倖斃武定郭助于獄忤旨奪官至穆宗朝復
原官進階宮保祖蒙泉公諱邦棟佐父居官以廉節
著篤友諸弟盡以少保公官橐歸之身惟課誦孜孜
不輟以次子方伯公承熹貴封吏部郎加封山東左
叅政交孚泉公諱承烈早遊黌序繼入太學有文名
晚益嗜古樂善好施予閭黨咸推重之性慕竺乾邑
中梵宇屬公興葺居多迄今歷歷名剎猶指孚泉公
也以公貴贈承德郎南京刑部江西司主事嫡母陶

金文通公集

卷十四

念孚吳公墓誌銘

二

氏係禾中名族公及弟孝廉公士辛皆生母周氏出
推恩俱贈安人初孚泉公艱于嗣虔禱有奇驗連舉
二子長卽公也生而岐嶷志氣卓犖非凡兒比嫡母
絕愛異之如同已出六齡就外傳行止如老成人習
句讀學益加進公故陶氏甥公母與陸莊簡夫人同
產莊簡見而異之曰長甥如雪峰千仞嶄然特峙次
甥如藍田美璞光輝外著當共寶之陶翁欲擇壻誰
踰此陶因以女字公以兄簡慕公女字仲嫡母既愛
二子自是念深瓜葛尤加提挈年十二學業已就每

成一藝塾師輒加欣賞。值嫡太安人喪哀毀如禮服。闕就試。昆季偕補博士弟子員。時督學陳公課士謹。獨以國士目公。于是公益自奮。青燈苦吟。丙夜不輟。歲癸卯科錄士。郡伯不能理。士林怏怏。未敢輕發。公毅然首抗。同舍生從之。竟罹法網。時邑宰西蜀劉公。賢明有治略。憐公才重。爲寬解。得從薄薦。由是公健戶攻苦。昆季更相拮突。爲文務以理勝。曰讀書不能窮理。廼掇拾餽釘。取科第乎。益優游靜業。窮通得喪。真之度外。歲丙午闈試。不售。而研苦不輟。未幾。孚泉金文道公集卷十四墓誌銘三

帥稱兵。無有寧日。公虛懷質樸。得前令及漳紳之在京邸者。周諮利弊。洞若指掌。公欣然曰。吾已知所以治之矣。壬申之任。渡青溪。踰仙霞。靖役供應。具相迎馬首。公諭之曰。抵靖尚千里而遙。計費不貲。豈不取償吾靖民哉。煩應奚爲。以囊貲給遣。至漳。謁各臺。卽痛切言之。樹碑釐革。送迎虛費。已廉聲寢寢。聞海陬矣。公故知靖習最敝者。如服毒誣詐等情。于凡訟者。躬親驗視。再三諭意。俾毋輕生結繫。訟者感動。而敝俗爲之一更。又催科若陵工糖稅等。尤爲民害。于是金文道公集卷十四墓誌銘四

羣盜嘯聚遠近震驚。公奉檄進剿。夙與兵使者意氣相許。共以恤民爲事。公深入寇阻。不折一矢。俄而渠魁剪除。分別脅從。全活以萬億計。若蘆溪銅皮之間。保全尤大。和民歡呼。致當道願割其道里以屬。靖轄他日。公偶經其地。民咸呼聚曰。公真我父。活我。我無以報。公環相泣拜。輿不得前。此詰亂安民之尤著者也。靖故人文之地。公科李二試。加意蒐羅。大抵數科所第之士。多由公簡拔。臺使題之。癸酉十月。疏留公。觀兼攝龍溪篆。公一以治靖之法治之。凡在郡十之

金文通公集

卷十四

念平吳公

五

六在邑十之四。分身以應。沛然有餘。龍民祝公如靖民焉。惟公雅意虛公。請益不惜爲民。博訪而尤絕私請。是以漳居閩海之遠。惠聲善政。因事而呈。皆足不朽者。以此調任漳浦。會疏寢不覆。時朝議城使之權。係輦轂重地。必于知推中擇賢能者居之。于是主銓以公名上。因有南司城之命。時公莅靖三載矣。三邑尸祝公而朝推之屬公。又會海寇劉香平嶺南錄叙。皆膺上考。公曾繫其母于獄。屢獲奸細。得紀錄焉。是以屬公司城解任南旋。漳民不遠千里。纍纍然望洋

瞻盼。公亦泣下久之。赴留都任。值獻賊窺江北。南都戒嚴。公司北城事。石城三山一帶。屬公統轄。公外護陵園內輯奸細。自秋及冬。晝夜登陴。衝冒霜雪。臺省因是服公遠略。且省中有欲與公修隙者。伺察公反。得公幹濟才特。疏以薦。是以冢宰有才幹賢能器堪大用之覆咨。取赴部。授南刑部江西司主政。命下之日。大司寇喜得公至。以公居漳時。讞獄有聲。由是諸所奏當。悉屬參閱。多所平反。廉慎寬和之名。赫起一時。會有科臣貪恣不法。公訊鞫無顧避。詰賊巨萬。盡

金文通公集

卷十四

念平吳公

六

役戍邊庭審時。有臺使欲加黨護。躡位而進。公從容語曰。豈不聞南北異體耶。吾一人不敢廢三百年舊規也。其遜謝如位。讞畢。則速攜爰書求減死。而公早以成案報竟棄市。其丰裁矯矯。不避怨對。有如此大司馬范公景文雅契重公。拜疏推公武選。會范公以事罷職。疏格不上。仍刑曹郎如故。有內府勲貴爭侵蘆洲公不畏權勢。清釐民佃。歸課于朝。時方飭錢法。有計曹郎鼓鑄違制。牽引少司農。公堅持不少貸焉。公立意公平。濟以仁恕。雖時奉法者。往往務深刻。以

副功令。乃獨引情據法。不輕進退。怙惡者雖細必懲。災青者爲之洗沐。大司馬李公邦華署司寇事。嘗擊節歎曰。治獄如吳。郎中天下無冤民矣。庚辰拜柳州守。柳故居山谷之間。民困尤甚。積逋爲多。先時長吏以法懲之。民無所措。又諸徭雜處。不以法繩之。不得盡以法繩之。亦不得。公爲加惠。輯其流徙。潤其凋枯。威德並行。雖山陬海澨。鳥言椎髻之倫。歡忻頌仁。守詩。于是力請于臺。議蠲逋賦。議除開礦。情辭懇懇。不憚再三。因悉得報罷。而柳民之困稍蘇。浹月兼攝分金文通公集卷十四念孚吳公墓誌銘七

經意。于是曹郎不悅。署公浮躁。臺省素重公。僉曰。豈有老成練事如吳公而言是哉。力爭不得。公卽解綬歸。蕭然自適。絕無芥蒂。公素志高曠。在白下。刑名繁錯。而才識有餘。胸次嘗磊落。暇時則與二三同志。尋山問水。搜覽長干桃葉之勝。建僧菴于上元門外。登臨寄眺。嘯咏終日。及歸。築斗室于居第之旁。疏泉壘石。雜蒔花竹。當風日清美。與故人流連飲譙。桑麻村徑。徒倚盤桓。人世富貴之榮。名利之事。毫不掛于胸次。至邑有政治。係民間利弊者。必調度協宜。所言皆金文通公集卷十四念孚吳公墓誌銘八

皇清興運。濱湖寇盜嘯聚。公爲當事。歷陳消弭戢亂之方。井邑寧晏。惟公之條議居多。辛卯大浸稽天。歲供難繼。公首詣各臺。懇願。

恩蠲陳詞。欸欸竟邀減折。時公已病。猶上書確論灾荒。俾通邑均沾。民咸頂祝。始全孝翁祠。未列祀典。公竭力懇臺。獲與俎豆。公有姊少寡。每重其苦節。爲給薪水。爲求美材。旣歿。撫視含殮。號泣浹旬。視諸姪如已。

子幼而孤者。婚娶教育。挈以成立。並列膠鬲。至于貧交疎屬。饑者待以炊。婚者助以采。死者貽之槨。周恤無虛日。其篤厚。宗族周惠。鄉閭慷慨。而前不惜貲力。不枉道于人。不因利于己。惟個儻光明。施助勤懇。皆如此類。生平博綜羣籍。尤熟朝家典故。郡邑錢賦。手訂律書一帙。司獄者爭奉以爲式。是以事當煩劇。神益閑暇。少從父侍紫柏老人。深得性宗。終身奉之。弗渝。是以能解脫塵縛。應事光明。一切禍患。死生之故。無所繫累。易簀之際。神清氣定。和色歡容。安詳而逝。

金文通公集

卷十四

念孚吳公墓誌銘

九

自非信根道力。未易及此。元配安人陶氏。閑靜有儀。事舅姑以孝聞。公未仕時。嘗事館穀。負笈于外。又性樂爽。皚不耐家務。一切米鹽日用。皆由內給。安人經畫有方。儉中禮節。日集家衆。篝燈紡績。成女紅以佐不逮。故公得肆力於學。以成其四方遠大之志。及公筮仕。安人綜理家事。不煩內顧。致分分服官。慮俸益樹廉介之操。遇事侃侃。無所退阻。安人婦德之修。皆足備彤管列壺政也。按公曾叔祖二千石春塘公。與余高祖月川公。同嘉靖戊子賢書。及公大父封叅政。

公爲中丞毛礪菴公之外孫。而余曾大母爲礪菴公之孫女。中表姊弟。故公伯氏方伯少泉公。爲余曾大父快壻。自是婚姻年誼。枝連葉附。憶余已未公車。偕公北上。公奇識偉論。試藝高卓。推吾邑中第一。而竟訕于一第。然公歷仕英能偉績。雖時名士。往往遜謝弗遑。余服公素行久矣。後以弱息字仲君焉。夫余與公。又豈特婚姻之相知已哉。因爲公志其墓。而併系之銘。銘曰。

卓哉吳公松士。所瞻慷慨卓磊。玉立修髯。與物以和。

金文通公集

卷十四

念孚吳公墓誌銘

十

制行惟嚴。莅彼漳邑。朝推明廉。翼翼金陵。屬公城守。石頭三山。式遏亂寇。兵略旋昭。秋曹簡授。慈以行律。奸慝罔漏。迨守西粵。柳民惠來。克寬克仁。以除其災。蠶爾蠻獠。忠信實推。聞公去柳。謹囂如雷。吳山蒼蒼。湖水泱泱。公歸卜築。嘯歌徜徉。利濟松土。扶灾救荒。勒此貞珉。千載不忘。

誥贈朝議大夫涵真公暨配韓太恭人合葬

墓誌銘

康熙六年歲次丁未秋七月武塘大廷尉光伯郁君
甫其考

誥贈朝議大夫涵真公行述暨

誥封太恭人韓太君節略屬余爲合葬誌銘余與郁君
交甚善誼不能辭按郁氏始祖象大夫諱貢世居兩
河之間子姓洛茂居宋室南渡析居婁江雲間武林
茗水煙樹相望一居武塘奮跡詩書孝廉明經累葉

金文通公集

卷十四

涵真郁公
墓誌銘

士

不絕明洪武初九世祖子英公諱秀一以諸生號素
封有司報充塘長公伏闕條上機務十餘事稱上旨
因命其僕郁阿孫代公役復其身賜其老艷稱異數
云子英公生彥實公諱信明經官至郡丞彥實公生
益齋公諱謙鄉貢士官別駕益齋公生識菴公諱湛
識菴公生成菴公諱瑾俱積學不仕成菴公生東槐
公諱鈇邑庠生年八十餘好讀書不倦能細楷東槐
公生和川公諱本宗字子序性至孝官吉水令諡貞
孝先生袁了凡先生爲立郁孝子傳曾兩次割股療

父病因感異夢病瘥仍延齡一紀和川公生二子長

斗山公諱體元次卽大廷尉光伯君考諱調元涵真

公也幼聰穎不習嬉戲治毛詩目數行下年十五就

試學使者拔童子冠軍有英異之目屢試輒高等遂

食餼然不以文藝自詡尤務德行凡立身行已求合

古人法度里中咸矜式焉年三十七適鄰家失火延

及門而風烈火猛不得出公從酷燄中負母陸太孺

人踰垣走屢蹶屢起又涉河而北經半里許乃得脫

蹈火涉水膚肉盡裂太孺人喘稍定撫公而歎曰生

金文通公集

卷十四

涵真郁公
墓誌銘

士

兒者母也今母之得生又以兒也比和川公宦成歸
治第構堂構事新公請居祖遺環堵而以新居華
美者讓之伯兄兩高堂喜甚曰能守吾三百年故廬
者吾季子也時新舊居相去數十武公偕前配陸太
恭人請曰昔有負米百里以養親者今兩大人安居
于此省男負米之勞敢不專奉菽水而必就養伯兄
乎堂上許之殫心甘旨罔有弗恪已而伯兄宦遊湘
潭陸太孺人疾作公嘗藥以進夜不假寐前太恭人
亦未嘗刻離左右病者多怒小不如意恒厲聲叱惟

含涕掩袂。伺進湯飲。太孺人病起。喜謂前太恭人曰。能順適我意。起我沉疴者。實賴季婦也。時公得賢內助。治內治外。肅若朝典。業日以擴。公嘗書座端有云。毋損人利己。毋屈己諛人。毋懷小忿。傷至親。毋競錐刀貽遠患。與同里諸名流。顧公際明。馮公盛典。莊公則孝。十數人。日以文章道義互相切劘。已而顧馮諸公皆後先成進士。爲顯官。公獨韜宿抱。屢困有司。僅以廩例遊太學。有勸公考職者。謝曰。父母在堂。難助非所慕也。優遊鯉庭。晨昏定省。不踰戶一步。年四十

金文通公集

卷十四

浦真郁公墓誌銘

十三

三和川公年七十八。以壽考終。越五年。陸太孺人年八十四。相繼捐館。公號泣擗踊。痛不欲生。勉營喪葬。戚易如禮。廬墓者三年。哀毀骨立。同學錢顧諸公。往詣墓所。聞哭聲甚哀。低徊不能入。爲咨嗟歎服者久。之服闋。還家語前太恭人曰。自吾二親之亡也。晝則見之于思。夜則見之于夢。如生如存。祭饗以時。靈丹冉其來矣。敬之哉。又以父母不可復見。見兄嫂如見父母焉。公之事長兄如事父。前太恭人事其姒。亦如事姑。其一門孝友之性。沉摯纏綿。有如此公。年五旬

未有子。前太恭人禱于神曰。婦失德。與何胤嗣之艱也。爲公納二寵。逾年不育。前太恭人竟憂之。嗣成疾。中道先殂。公既喪賢助。不啻失左右手。哭之哀甚。義不再娶。族人以承祧大事。羣相勸勉。不獲已。知松陵韓氏有世德。令聞。聿彰閭教。遂結褵。爲韓太恭人。賢而多能。家政肅慎。公于是無內顧憂。赴部候銓。有秉銓某。遣人招曰。載贄來可得邑宰。公笑而拒之。卒置縣佐。年五十三。選授貳儀封。公怡然無愠色。時邑宰爲陽羨盧公。諱立志。余好友。大中丞盧九台先生之

金文通公集

卷十四

浦真郁公墓誌銘

十四

王父也能知人。深器公。邑有大荒奇獄。必就正而行。所嘉惠地方者。非一端。皆公之德。而百姓不知也。歲丁未。公年五十有五。始生光伯君。邑之紳氓爭舉手祝曰。願異日者。如盧公來令儀。因命乳名曰儀。公職司河務。是年秋水大決。親馳決口。相機濬築。調度得宜。畚鍤雲集。河流遂賴以平。先是沿河郡邑。供辦柳梢。每丁數十束。百姓苦之。公請于盧公。通計邑中游手者幾何。負販者幾何。役于官署。坐食者幾何。合算得農民之半。令游手者出力。負販者出息。在官者免

其役伐柳梢以應河工。是以農不困而河有濟重耳請見亭爲士子絃誦游息之所相與賦詩論文。然其爲者以告宰一時士習文風蒸蒸蔚公之吏才遊刀政事文章兩擅其美者有如此秩滿遷遼陽前衛經歷須行盧公率紳衿耆庶祖餞郊關扶筇跨竹洒淚追隨甚而繪像志思至于車馬之駢闐壺觴詩軸之續紛錯列有如韓昌黎引二疏故事美楊少尹所云公卿設供張祖道都門外車數百輛道路觀者多歎息泣下共言其賢者無以異也是年庚戌冬側室

金文通公集

卷十四

通真郁公墓誌銘

車

何孺人生次君之采歲辛亥韓太恭人又生三君之煒公益喜曰向者苦乏嗣今得三子吾何憂爰以家事畀太恭人竟單車赴遼陽任時邊備久弛公銳意整頓爲之嚴汛守蓄戰士儲糗糧廣芻牧更倣古金城方略請于上官召丁壯給牛種耕具墾田萬餘畝接濟軍需凡所以恤兵撫民籌畫畢至邊徼頗有氣色公才優簿書又諳軍務者有如此三載考績拜徵仕郎適里有豪猾侵及久安之祖塋公發憤致政歸庭訴甚力卒罪侵者而塋兆始安歲乙卯三子同入

家塾幼之煒尤敏慧善屬對奇句驚人公愛甚恒撫之于膝邑侯徐公儀世式公德望舉鄉飲大賓固辭不允一時于姓二十餘人皆青青子衿執事賓延觀者榮之往年同學諸公絡繹歸老繼洛社耆英之會推公主盟每佳辰令序月下花前或池榭登臨或扁舟容與觴咏並舉管絃雜陳興盡乃還致足樂也會丙辰四月下浣公最愛之幼子忽以痘瘍不勝痛惜自是傷中七情抱疴遂劇醫藥罔效竟不起臨易箴時執廷尉昆仲兩手歎曰祖德未揚不可死兒幼未

金文通公集

卷十四

通真郁公墓誌銘

六

教不可死瞪目視韓太恭人曰幸兒輩有母在必能教子有成光大吾宗吾可以死矣但死不忍遠吾父母當營窆安于先壠東隅爲抱母墳取抱持勿離之義言不及私從容而逝嗚呼按公之生平本末敦倫篤行得之貞孝先生之家學故能奮不顧身脫母于烈燄之中廬墓三年依親于死亡之後且思父母因而念兄嫂敬兄嫂一如事父母至遺命作抱母墳尤微至孝性成始終不渝此真務本之君子與若小試幕寮所至政成譽起特公緒餘耳公之足以砥俗維

風法今傳後者。蓋信有其本也。已公繼配太恭人姓韓氏。出宋韓蘄王後。世居松陵。太恭人賦性端重。寡言笑。十歲讀孝經論語。女誠列女傳諸書。家樹桑養蠶。女紅襞績。不學而能。一日拈繭絲語堂上。曰一絲未織五采。安施須人巧。盡而後天工出。談言合節。父母奇愛之。爲擇良偶。及笄未嫁。聞贈公賢。賦于歸焉。時年二十二。上無舅姑。室多姬媵。卽典家政。如理焚絲。乃能小心恪恭。事無巨細。鱗秩秩。會贈公謁選。長安留太恭人主家。督有掌租老僕。未請于主。輒易佃戶。太恭人謂漸不可長。易佃戶不問。將售一塊土。亦不問耶。遂更奴掌管。清出子粒若干石。自是內外肅然。逮贈公選授儀丞。民間雀鼠多。願聽丞。議有疑未析。當食咨嗟。太恭人曰。按牘深思。其情自出。及問以某事應如何。太恭人謝曰。無非無儀。婦人何敢言。事贈公益起敬焉。太恭人年二十五。生廷尉光伯君。親乳之。不覓媼姆。以佐公清操。及側室何孺。人生次君之采。太恭人撫如已出。贈公陞任遼幕。太恭人請曰。間關絕徼。不宜攜家行。贈公因單車就道。太恭人

金文通公集

卷十四

涵真郁公墓誌銘

七

爲廷尉君兄弟。延師選配。區畫周詳。于是贈公歸自遼陽。入門門無廢事。入塾塾有良師。問穉子。子有佳姻。因歎曰。賢哉母也。恒與同學諸公里社。譙集太恭人爲之佐饗。殮必腆以潔。歲時享祀。必誠以敬。贈公顧而樂之。曰。起吾兩大人于今。其治家綜覈。亦不是過矣。逮贈公捐賓客。太恭人號痛幾絕。曰。未亡人所。以忍。延視息者。以撫二藐孤耳。孳孳母子。形影相弔。路人亦爲酸心。獨贈公猶子某。聽訟師謀。以前太恭人未有子。曾立繼。興波構詞。甚而擒僕逼產。無所不至。官差絡繹于門外。族孽盤踞于室中。太恭人臨機應變。不失毫芒。會邑有賢侯吳公道昌。太恭人攜兩孤。匍匐泣訴。侯片言折之。族孽始俯首伏辜。乃贈公喪甫免。廷尉君兩庶母。又相繼殞。太恭人拮据殯殮。寧厚毋薄。自贈公與前太恭人暨三側室。五喪待塋。悉萃其責于太恭人。又爲廷尉君兄弟授室。費且不貲。一時吉凶大禮。獨以一女流仔肩。厥惟艱哉。明季織造中官。勢燄甚張。族仇銜夙恨。乘機中傷。竟以廷尉名投認堂。長幾于覆巢破卵。太恭人百計搜措。多

金文通公集

卷十四

涵真郁公墓誌銘

六

金幸脫重役。又值縣大造黃冊。胥吏囑孤寡可噬報。充縣總需。索支應。罄捲所積。甫竟二役。又代納匪人。包侵之糧。重完富豪已償之債。疊膺苦累。萬緒千頭。因呼兩孤泣戒曰。我子孫貧。勿借債。富勿放債。惟努力讀書。以繼父志。以振家聲。庶不負我艱難險阻之備嘗耳。訪延名師督課。雞三號即起。漏三下方寢。每夕篝燈十餘處。率婢女數人。勤紡績以待。又必稽察晝夜之所誦習。毋令緩急失宜。及兩孤已能文。太恭人止不試。曰。驚名躁進。有損無益也。每中夜歎思。以

金文通公集

卷十四

涵真郁公墓誌銘

九

五喪未葬。爲疾。遵先命于祖塋之東。刈草開山。經營三月。而佳城告竣。五喪以次襄事。皆太恭人之力云。自丙辰至丁卯。凡十餘年。內大喪之後。繼以大訟。大訟之後。繼以大役。大役之後。繼以大葬。大葬之後。繼以兩婚。而太恭人之考妣相繼辭世。又爲之竭蹶喪塋。心力交瘁焉。嗚呼。按太恭人之所爲。卽以丈夫子當之。有計殫力絀。固不能支者。竟不越閭閻而辦之。裕如已。而廷尉君昆玉蔚然成立。孫枝亦漸次蕃茂。歲已卯。廷尉君登賢書。而後太恭人喜可知也。自是

家有寧宇。先業可保。勿墜已。贈公伯兄斗山公已歿二十餘年。併原繼配三喪。其孽子貧不能塋。太恭人又于祖塋穆穴。造三壙合塋之。里中薦紳先生咸敬慕有加。曰。太夫人禦外侮也。若此。撫孤有成也。若此。能不念舊惡也。若此。賢哉賢哉。凡爲婦者。洵當以郁太夫人爲法。廷尉君于順治己丑成進士。太恭人命之曰。官無內外。以憐恤孤寡爲第一義。蓋身丁其苦。言之有餘悲也。由西曹郎。游陟大理丞。敷歷中外。所至有聲。一稟太恭人之教云。丁酉郊祀禮成。

金文通公集

卷十四

涵真郁公墓誌銘

十

恩晉廷尉四品階。贈公如其官。太恭人得受今封。光伯君已具疏乞終養。突以闡事。株累被譴。太恭人能以義命自安。不爲色動。曰。吾自先大夫之亡。罹此百憂。富貴旣非。吾有患難。亦若浮雲耳。癸卯。廷尉君以工贖歸省。太恭人益色喜。乙巳。奉工部檄入京。太恭人竟以疾革。嗟乎。婦道母儀。至太恭人而醇備極矣。余老人雖未獲多讀書。間嘗流覽古今來貞娶淑媛諸傳記。有如大恭人者。旣秉含冰茹檠之節。又饒捍患解紛之才。經理壅婚之大典。誨育兒孫。以有成千百。

中罕得一二也。惜乎贈公之不及見也。宜其與贈公並垂不朽也。已銘曰。

矯矯郁公。率履古人。忠信爲質。孝友立身。如松之勁。如玉之純。裂膚蹈火。護救其親。出佐儀邑。民忘公仁。參籌幕府。闢土興屯。位不期高。澤普及民。矢公盡瘁。無忝王臣。解組來歸。知幾其神。登覽賦詩。絃歌錯陳。碩抱未竟。時命遭屯。臨歿不亂。戀母諄諄。囑塋母側。扶抱秋春。續承孝裔。存歿惟均。克相夫子。實賴恭人。恪慎柔嘉。婦道鮮倫。綜理內外。挈裘領振。五十餘載。金文通公集卷十四涵真郁公墓誌銘主

封文林郎陝西道試監察御史天全陸公墓誌銘

吳地名家世族。自漢魏而下。代有聞人顯仕。雲初濟美者。惟陸氏爲最。系出媯姓。自元伯公仕漢爲豫章都尉。逮唐有象先景融。敬輿諸公。皆爲一時名相。勳烈載在史氏。疏奏炳于冊書。學者讀其文。徵其行事。寤寐仰止。至宋象山公。闡明聖道。當諸子支離汗漫之際。特揭性宗。與程朱二氏。互相標舉。爲世大儒。枝盛金谿。四世孫文遠公。登宋開慶元年進士。自江右官嘉湖巡使。卒于任。贈少保。遂塋當湖鎮。其子孫因家焉。是爲當湖始祖。今平湖縣基卽其基地也。明宣德中建縣治。遷墓于邑之趙家浜。今三百餘年矣。名魁顯秩。盛于明而奮起。

興朝者。蟬聯斐疊。號稱縣西陸氏云。今侍御君諱光旭。由壬辰進士。起家保定令。有最聲。恭逢

世祖章皇帝大計羣吏。褒舉卓異。寵以異數。尋授陝西道試監察御史。抗章論事。直聲震于

廷。有真御史之目。繼轉山西分守冀南道左叅議。官績

尤著余家世與陸氏譜籍婚媾氣誼良深而余與侍御復有一日之雅夙知其封翁天全公能教子有成迄于筮仕數歷中外賢聲著聞皆封公教也今年冬侍御君卜地于其山之陽塋有日矣廼以其封公之行實來乞余銘其墓中之石辭意勤懇若非此無以慰封公于地下者余雖不敏其烏敢辭謹按狀公姓陸氏諱本字■號天全自文遠公歷數傳爲南溟公任南康司馬政績懋著崇祀名宦南溟公生大中丞仲鶴公明嘉靖間開撫江右平番撫寇罷役賑飢

金文通公集

卷十四

天全陸公墓誌銘

重

建有偉伐軍民畫像祝之居官三十餘年尤以清操著並祀名宦鄉賢公曾祖也仲鶴公三子長曙新公太學生孝友彰譽公之祖也曙新五子長自還公邑廩生有文名屢中副車早世生子二長卽公公生而敏穎五經諸史過目成誦久之不忘爲人重默謙謹寡言笑終年惟事書史一室之外足跡不至弱冠補博士弟子員名噪文壇每試冠軍學憲博菴黎公及直指趙公皆以國士目之咸謂掇巍科猶拾芥耳不意數奇不偶卒困場屋今人之從事藝林者始不禁

其躡取躁進之思繼復不勝其怨尤困頓之想而公以盛名之下義命自安曾不以幾微得失介于其懷也自還公中年抱疾不離牀褥者三載公扶持寢所省視藥餌侍候安否臥不解帶者三年如一日繼而禱藥罔效哀毀骨立幾不欲生居苦次易戚中禮以篤孝著稱黨里間時公方弱冠弟年止十五妹纔九齡執紼高堂在上落落藐孤在下仰事俯育公以一身肩之零丁孤苦備嘗艱阻乃公惟酷守硯田以館穀供色養每令節遄歸晨昏甘旨必備必虔堂上爲

金文通公集

卷十四

天全陸公墓誌銘

重

之解頤至爲弟妹謀婚嫁勉力拮据出孺人奩具以佐之各得成立嗣後邑遭兵燹廬于墓所未幾又寄居外氏轉徙化離公奉母寧居不違膝下因祠在墓所凡歲時伏臘必隻身赴之洗爵拜奠極其誠敬縱風鶴偶驚道途梗阻曾弗愆期而衰止焉公之孝友性成有如此自是公學業益進名稱益盛負笈從遊者日以益衆門下士盡一時名流公雖未得一展其夙負亦足云貧士攻苦中教育英才之一樂也獨念家聲未振先志未酬每偕諸子篝燈風雨之下相對

吞聲淚不禁涔涔下。迨侍御君于卯辰之歲。聯第南宮。公于是始得稍展其罔極之恩。而家居寒素。仍不易故常。侍御初令保定。公以書勉之曰。寒士幸第。不可有負。

國恩。聞保定邑小民貧。疾苦最甚。必爲之父母者。一塵不染。乃爲真愛民。愛民乃以報國。若吾在家。餽粥可給。甚母念菽水也。迨戊戌春。公至保署。廉知居官多善政。邑中大治。騰聲滿野。公居署期年。時爲色喜歲。丙戌。侍御以奏最上考。

金文通公集

卷十四

天全陸公墓誌銘

圭

天子嘉焉。特簡臺班。時侍御君回首鄉關。倚門望切。竟策蹇馳歸。承歡僅兩月餘。公旋趨侍御還。

朝。謂爾既備位諫官。不可逗留家園。凡天下之得失。民間之利病。與夫

社稷之大計。當惟所見聞。蹇蹇諤諤。以竭忠盡職。于是侍御受教。惟謹。一入班行。凡有建白。直置功名性命于度外。抗節廷諍。能言人所不能言。不敢言。蒙

世祖章皇帝嘉納。盡忠優容。骨鯁更爲之曲。施妙用。保護直臣。于是侍御有外移汾晉之役。則公又教之曰。監

司一方之表。小民之休戚係焉。郡邑之則效視焉。其必廉以率屬。慈以恤民。無愧于地方。斯無負

朝廷內外兼轉。期收實用之至意。且吾家上世以來。素稱清白吏子孫。不可有玷先德。侍御奉教如前。及期最。最覆准稱職。信至。公大喜慰。時侍御因兩弟患病。定省乏侍。決意陳情疏再上。

天子推恩。准予歸養。于時適遇改給恩典。

給緡輝煌。觀者填巷。咸嘖嘖歎羨。不以爲侍御蒙恩之

榮。而羣頌公盛德之報云。公生平性甘澹泊。堅持樸

金文通公集

卷十四

天全陸公墓誌銘

美

素終其身。布衣蔬食。不以境遇窮達。稍渝其常。出入州閭。間暑不蓋。行不輿。足不入公府。凡諸戶外事。絕不與聞。以故當事式矜。鄉飲大典。特徵重焉。公于宗族戚里間。雅意敦睦。諸凡推解施恩。息紛捍患。孜孜焉如恐不及。有從弟絕嗣。公依禮以長子光胤嗣。而仍以遺產盡析族之貧者。曰。吾豈忍以手足不幸。因之爲利也。至如族之孤而無依。寡而守志者。粟肉相繼。周卹有加。若恒言不妄發。目不邪視。遇人善則獎掖之。不置。遇人失。則教戒之。甚至吁嗟痛惜。不啻身

受房閨中不畜一媵侍每偕二三老友結廣生會托志祇園悠然于白雲蓮社之間丁未暮春念婚娶已畢自言曰諸事皆完可放心無一掛念矣至十四日夜囑家人豫備拈香時公方起居無恙家人習以爲故常初未介意次早拈香各祠畢是日值清明節督家人種蓮花紅白各半啜茗一杯端坐椅上竟脫然長逝矣衣冠整肅端坐如故異哉公年來每語諸子曰吾見人臨去病楚至爲可憎我去當與人異果應斯言公之去來殆有所以自主者乎嗚呼按公之一

金文通公集

卷十四

天全陸公墓誌銘

三

生于力學績文絕怨尤想于與人接物無彼我想于愛親友弟不以常變或渝于睦族卹貧不以疎親稍間于教于事君必惓惓于矢忠無二于死生大故又灑灑然能毫無牽累若此然則天雖嗇其遇未始不豐其報也家有令子

朝有直臣生不貪戀歿無疾苦公真全始全終爲天地間之完人哉是足以不朽也已爲之銘曰

當湖之陸代有哲人宣公在濟唐祚中振象山理學聖道孔醇千百年來德業滿綸有公嗣武奕葉相仍

續行讀書克紹厥祖孝友律身訓兒報

主直聲雷轟光昭世譜煌煌

寵綸天寶報公賢胤鵲起如日方中一生篤履千載高風垂之貞石與天壤同

金文通公集

卷一四

天全陸公墓誌銘

三

山東提學僉憲劉君何實暨安人高氏金氏合
塋墓誌銘

皇清康熙三年夏五月山東提學按察司僉事劉君何
實卒于官越明年冬歸塋於淮安郡城之南郊余往
而哭之其仲弟芳譽季弟芳澤率其幼孤鄺以狀來
請余銘其墓嗟乎余何忍銘何實也始余有季女慎
擇配得何實於京邸知其文能爲古處知其人卓然
思自立遂以字焉及余女于歸後卽隨何實官京邸
余女竟以產殞荏苒十餘年何實之視余猶余女之

金文通公集

卷十四

劉君何實
墓誌銘

三

至今未亡情誼纏綿不啻十餘年如一日也而何實
又忽奄逝嗟乎余何忍不銘何實也按狀劉氏世居
淮上爲著姓其先世多碩德代有偉人科甲蟬聯自
其王父以及何實父子祖孫相繼成名進士聲聞赫
奕江淮間何實爲方伯任先公長子諱芳聲何實其
字號山逋別號未來僧生而穎異美丰儀稍長嗜學
能文名藉甚一時先達早已器重之謂劉氏子非凡
兒比也弱冠補博士弟子員時方伯公司牧潼川理
懷慶何實定省偕焉凡所至處必紀其山川風土人

物以考究地勢之險易民俗之當淳與夫名勝往蹟
不禁留連感歎見諸紀咏歲甲申南北間阻任先公
方官恒山日夜號泣思所以探二親者乃奮身不顧
携二老僕爲丐裝匍匐于荒榛斷垣白骨青燐者二
十餘日瀕死數四卒獲骨肉完聚省觀無恙人人嗟
異咸以爲孝思之感云乙丑試北闈出國學生魁戴
經已丑舉進士庚寅授刑部主事未數月方伯公卒
于里舍徒跣奔計抵里日哀毀骨立痛不欲生又慮
遺母夫人憂茹悲飲泣勉奉晨昏曲盡孝養讀禮之
餘葺先世鉢池別業課兩弟讀書其中以兄而兼師
今仲季二君行成名立見重鄉閭者兄之教居多也
析所遺產皆均予仲季不足則以已所置產益之其
孝友篤摯視貲產悉身外物爲今人所難能者有如
此服闋補前職奉

金文通公集

卷十四

劉君何實
墓誌銘

三

簡命畿北審決時草昧初闢犯法者衆未免崇尚文網
獄多冤滯君殫心平反多所全活尤慮

朝廷矜恤之仁不能徧及海內特疏請蘇理刑獄其略
曰據畿北各府解到重囚全冊京詳在案者止有五

起餘係督撫按批行候決。順永保河四府共計不下
二三百起。蓋以未經京詳。例不與審錄。及備查全招。
係順治元二三年者極多。彼時當初創事。鮮定例。州
縣印官半係委署代庖。以故招詞中。游移參錯。情罪
多有未協。卽如臣等昨日公審靳家新一起。不過據
隣里公舉內一欸。指稱姦故叔之妻王氏。而問官不
加詳察。竟繫重辟。及再四研訊。其叔靳廷篆現在口
供。伊妻于崇禎年間物故。而公舉在順治二年。無論
事出影響。抑非本人告首。時雖經部議。乃止。憑原
金文通公集 卷十四 劉君何實墓誌銘 三

皇上解網泣罪之深仁哉。伏乞

敕下法司。將十年來重囚積案。作何清理。務期無縱無
枉。盡破積習。並祈嚴飭後來問刑各衙門。凡遇擬定
重案。酌定期限。通行京詳。倘有沉閣不奏者。許臣部
查違限遠近。直行參究。庶幾情真者偷生。無路冤抑

者伸雪。有期于彰國法而沛

皇恩。亦深禪治道之一端也。疏聞。奉有據奏。畿北各府
重犯獄情。未經京詳。竟至二三百起。多係元二年舊
案。招詞參錯。情罪未協。以致沉滯獄底。無由申理。承
問各官。好生可惡。着察議具奏。以後各督撫及問刑
衙門。一應獄情文卷。未結的務。作速審明。不得延緩。
重滋冤獄。如再有久不奏詳的。察來處治之。

旨。于是特遣恤刑諸臣。分轍天下。君首在選中。旣已
陛辭。因便道省母。偶先其曹。一日行。會有忌君才者。借

金文通公集

卷十四

劉君何實墓誌銘

三

端沮抑。鐫一級。改任閑曹。君無幾微不平之色。每語
人曰。吾先人職刑曹。兼攝數司。用法平恕。爲時倚重。
吾以簡刑。紹先績。一官足惜乎。嗣陟計部。推關九江。
時關務廢弛。積弊滋生。又值海氛初靖。賈舫不前。君
釐剔陋規。清察破冒。商旅雲集。國課用舒。及事竣。報
滿。道經里門。囊橐蕭然。蓋毫釐不以自私。故商民便
之後。視象浙江司。時兩浙紳士。誤名通糧案內者。殆
幾千人。爲之覆核。伸雪。賴以解免。壬寅冬。視學山左。
毅然以興起斯文爲已。任時案牘盈几。多係諸生欠

糧事前此因

新令嚴切。槩置除名。君日取前案親加質詢。諸生環泣訴以遭時不辰。田宇荒蕪。饑寒死徙。十室而九。安敢抗負。與上官忤。設有家產可質。妻子可鬻。亦皆久已完公。保旦夕命矣。君不覺哭失聲。因長跪督撫。力求保全。更申飭郡縣。以愛養士子之道。毋輕以一紙文書擲人。畢世功名。又諭諸學校。勗以忠孝禮義。俾相勸勉。急公諸生。無不頂頌心折。癸卯錄遺才。廣收精拔。一矢公明。務免遺珠之歎。是榜售者。竟居其半。

金文通公集

卷十四

劉君何賞墓誌銘

墓

忘返。輿謀覓官。無從得。山中人傳爲佳話。居家唯杜門。卻掃不問戶外事。時而焚香默坐。時而滌硯揮酒。偶客有相對愜意者。雖終日無倦容。否卽達官貴人。欲一望見不可得。雅志一緇一鉢。向山巔水涯投老而終焉。故有未來僧之號。此其夙根所植使然也。而竟不獲一遂其志。嗚呼傷哉。君爲文不徇流俗。偉然自樹一家。詩法中盛。書法亦雋潔可愛。有鉢池集。尚木葉梓行世。惜宦遊未久。弗克展其大業。然一爲司寇。卽則平反有聲。積陰德無算。一爲學使者。則能服齊魯多士之心。而爲之畫像立祠。永光俎豆。視宦成一世而泯泯無聞。卒之與草木同腐者。不大逕庭哉。嗚呼。君享年雖未永。而立身居官。炳炳烺烺若此。是亦足以不朽也已。君生於萬曆庚申年十一月十二日。卒于康熙甲辰年五月初八日。享年四十有五。元配高氏。生自望族。勤儉恭敬。閭德著聞。卒能以組織佐讀相夫子。早登賢書。生于庚申年十月十一日。卒于順治戊子年五月十三日。享年二十有九。繼配金氏。卽余女也。余宦遊楚豫。留侍嫡母。朝夕克諧。親志

金文通公集

卷十四

劉君何賞墓誌銘

墓

及于歸後柔順敬共其得姑嫜歡心隨夫子官京邸
聿彰賢勞惜乎其厄于算也。生于己巳年四月十六
日卒于順治七年七月十二日享年二十有五。又繼
娶張氏前隆慶辛未鼎元諱元忭公孫女子一。鄒聘
順治己丑進士兵部武選司員外郎黃公諱宣泰次
女係張出女六。長適孝廉高公諱士登孫邑庠生祖
從次適順治壬辰進士戶部郎中周公諱龍甲長子
邑庠生楊係高出次字順治己丑進士陝西道御史
何公諱丞都長子。次字甲戌進士吉安府知府
金文通公集卷十四 劉君何實墓誌銘 重
葛公諱維垣長孫。次俱幼係張出。今以康熙四
年十一月二十六日塋於郡城南郊之楊家莊。兩安
人祔焉。銘曰

淮有名族劉氏是彰哲人代生衍胤發祥三世魏科
何實繼後維我何實終孝且友乃官秋曹伸冤拔滯
奏請蘇理。

皇帝曰可。仁慈徧施克紹先績怡然受毀。遑恤鐫級轉
擢計部權稅九江釐奸除弊惠顧旅商註誤通糧慎
加覆核浙人曰嘻微公曷白視學東海斯文用興機

才悼士赫赫著聲胡天不畀竟卒于官俎豆百世徵
德之全惟君盛年自號曰僧暨君之歿卒無牽櫻歐
陽平允篤生文忠仁人有後百祿宜鍾淮城之南松
栢蒼蒼我銘其實千載弗央。

金文通公集卷之十四終

金文通公集

卷十四

劉君何實墓誌銘

美

金文通公集卷之十五目錄

吳江金之俊豈凡著

贈承德郎四川順慶府通判前山西河東鹽運使司教授湛源秦公暨太安人郝氏合葬墓誌銘

封文林郎江西道監察御史君達顧公暨元配封孺人朱太君合葬墓誌銘

金文通公集

卷十五

目錄

一

誥封通議大夫前驃騎將軍遼東總兵昇寔黑

公墓誌銘

封大中大夫大叅修繼亭先生墓誌銘

文林郎御史敬微張君墓誌銘

金文通公集卷之十五

吳江金之俊豈凡著

贈承德郎四川順慶府通判前山西河東鹽運使司教授湛源秦公暨太安人郝氏合葬墓誌銘

康熙二年歲在甲辰夏六月古邾水心秦公由西蜀別駕選司馬來佐我蘇。君子午要衝。凡師旅往來。郵

金文通公集

卷十五

墓誌銘

一

傳出。靡間晝夜。加以湖氛未靖。豪猾勾連。秦公以緝暴禁奸爲務。精心敏幹。號稱神明。上及憲司。下逮百役。交誦之無間言。越三載。歲丙午二月。秦公以母喪。欲解職歸。于時上臺恐其去而難乎其爲繼也。縉紳士大夫與鄉邑耆民咸以時方多故。須得精敏任事。如公乃可。于是強公視事。更歲餘而解職。今年夏公且去吳。候補如前職。余方依依然惜公之去。而公以兩親之狀來屬予銘其墓中之石。余退老田間。目擊公泣吳事最悉。其奚能以不文辭。按狀公諱執中。

號湛源。其先世本淮海之裔。以宦遊魯地。遂家于兗之鄒邑。秦氏世稱古邾名族。公之祖諱雄。有名于庠。父諱東安。號右川。以明經高等。補恒山學訓。生子四人。公其長也。公生而穎異。迥異凡兒。甫六歲。通孝經小學。八歲。治尚書。曉徹大義。十歲。能文。言談行止。屹如老成人。每晨起。問安于寢室。必再拜。肅容整侍。父母命之退。始出就塾。命之食。狀後敢嘗食于親所。其幼儀之克謹。已如此。及弱冠成人。依戀庭闈。不忍輒離左右。晨昏飲食。必躬自審嘗。寒暑衣服。必親視澣濯。狀後進於二親。至於親有微疴。扶持抑搔。刻不敢怠。至病起。狀後已。其孝養之篤。輒有如此。公髫齡補弟子員。試科錄。輒冠軍。食餼千庠。名聲鵲起。時公父筮仕恒山。盡以家事委公。而秦族風最近古。或事詩書。或事農作。皆務本力穡。夙敦孝友。自公大父以來。同炊已五世矣。一飯千餘指。公理家政。井井有緒。自親兄弟。以逮族屬兄弟。下及臧獲婢僕等。無不人厭所欲。凡衣食之類。身甘糲糲。無纖毫私蓄。而于親兄弟。必致其豐美。卽宗族之間。無迫于饑寒。

金文通公集

卷十五

湛源秦公墓誌銘

二

遠近無不敬慕公。以公之能篤于所親也。其一本之克敦。有如此。公嘗自勵曰。我幸生于詩書禮樂之家。稍知孝以事親。忠以事君之道。迺不克自振拔。取科第登仕版。以裨益當世。固無以篤事君之義。亦何以仰副吾親繫望之心哉。乃究心經術。奮力攻苦。每嚴冬寒沍。呿咄至日。兩膝如削冰。不知其困也。課諸弟子。姪雖溽暑。必整冠肅衣。反覆辨難。務貫通旨趣。乃已。既成鄉貢士。操修學業。彌進不懈。其一生之篤學勵行。有如此。公心存施濟。十窮蹙無告。孤寡堪憐。

金文通公集

卷十五

湛源秦公墓誌銘

三

者。周給無倦色。卽其人詐飾窘狀。丐升斗。亦明知之。而無不應。至宗族故戚之。以緩急聞者。送送典衣。鬻產。必有以周之。其好施樂善。本于至性。有如此。自壬申。以明經廷對第一。屢試鄉闈。卒困于有司。公居家日侍晨昏。娛親左右。已恬然忘仕進之思。迨喪莖服。闋始謁選。博興學訓。躬身率勵。仿胡安定之爲師。每月之五。月之十。訂期會講。教以行。月之二。教以文。嚴試如棘園。用是博興之士。習不變。文風蔚起。皆公之有以率之也。課士之暇。相視學宮形勝。以宮外錦秋。

亭一帶沙水壅塞有阻秀氣迺捐貲開濬湖水淪漣
益狀錦秋本色中植芙蓉夾岸樹桃李白後甲第連
綿觀者知爲興文之兆云公在博興時值歲祲貧士
無所得食公悉發家中積粟兼程而運凡五百六十
餘里抵學宮賑濟貧士之家賴以全活居四年遷無
極教諭其課士立規勤勤勿替一如博興越三年遷
山西運司教授其倡率訓導亦視博興與無極焉公
之師範造極有如此嘗按公之生平孝友其大端也
以是爲學以是爲教學則由君臣父子昆弟夫婦朋

金文通公集

卷十五

湛源秦公墓誌銘

四

友事事能究其理而其極則歸于忠君而愛親教則
從易詩書春秋禮樂言言能致其義而其極則始于
立身中于教家終于訓人傳言金口木舌慎無以三
君訓職爲天之薄報于公政以厚公之積而流光奕
葉于無窮也尋告致歸里縣舉鄉飲大賓歿之日遠
邇歎悼爲墜一典型云嗚呼孝父教學風于其邑真
足有光家乘國史也夫人姓郝氏古邾名族郝
雲齋公女也雲齋公積德行爲世醇儒先是雲齋
公夫人夢老人星入懷而孕太安人生六齡傅母授

之內則列女傳市成誦已能了其大旨及課他書則
曰女子無事此纂組分內事也雲齋公奇之自是專
守筐績問心慕古賢媛遺範居恒坐如山嶽終日不
出一語不形喜怒并不聞嘻笑聲事父母朝夕惟謹
及親有疾視湯藥必躬嘗故女德蚤著于門內云及
并來歸贈公湛源先生時家政甚繁秦族五世不分
飲食指千餘太安人職理中饋上自姑嫜中暨妯娌
下及子姪以逮臧獲必人致其情無失禮奉侍厥始
如事父母勤劬勞瘁罔敢卽安而賢名大著家貧嘗

金文通公集

卷十五

湛源秦公墓誌銘

五

紡績以佐贈公讀書織作呬唔恒相酬和丙夜不輟
贈公方力學好古喜購古籍每遊市得書力未贍悵
快若失安人則解簪珥以應之諸凡朝夕米鹽不以
瑣瑣溷贈公也饗殮酒醴酬應繁雜往往咄嗟立辦
應若影響不以賓客煩贈公也贈公于是專意舉子
業逮贈公以明經對策舉廷元屢授訓職青氈片席
首着盤時時相慰藉及贈公歸里每嘆數奇弗遂
遠大爲恨惟期課子以有成太安人贊之戒諸子勿
問家人生產朝荻暮丸無間寒暑由是諸子皆食饒

膠庠文譽藉甚諸孫曾元五世彬彬文學稱鄒魯弟子莫有盛于諸秦者則太安人之訓督爲多也雞鳴風雨之晨太安人每當食潛狀以贈公終老一匱未究厥志以大展其用而專望諸後之人焉于是季君以明經上考授西蜀別駕三載考績以

章恩敕封太安人繼遷蘇郡永歲丙午太安人年逾九十司馬公迎養來吳東南諸紳士感司馬之佐蘇多惠政益歸德于母訓各爲詩詞以助公彩衣上壽之歡太安人爲之色喜司馬公方自謂退食之暇嘗依

金文通公集

卷十五

湛源秦公墓誌銘

六

膝下母問王事母闕孝養公署板輿之樂人曾不我及也而太安人誠之曰我昔微夢而姪今得上壽又強飯不謂不幸矣慮汝以庭幃定省分執掌勞汝當殫心佐郡子歸矣汝兄汝姪咸能代汝朝夕使國有能臣家有孝子吾願足矣歸未幾一日忽謂諸孫曰頃有五人相招於是室中香氣馥郁經日不散有頃復言曰明日巳時當去歡笑如常時至次日晨興櫛沐畢焚瓣香于家祠再拜稽首端坐內庭手檢數珠朗誦阿彌陀佛號者百聲復起拜天地拜畢復就坐

至巳時瞑目吉祥而逝嘗據狀按之太安人之風嫻女紅善事父母謹身端範也有女道後能移其孝于父母者以事姑嫜事夫子至于妯娌克諧誠信柔順也有婦道教其子必勉其成業勤勤于王事之靡鹽也有母道而贈公起于身修行立以儀家教子終身一轍自非安人之賢不足以佐之安人之淑修懿範非贈公之德不足以成之何其門以內之流芳萃懿若斯之全也以此知秦氏之垂裕真未可量已爲之銘曰

金文通公集

卷十五

湛源秦公墓誌銘

七

鄒原廣衍兮古邾是封鳧山奮起兮嶧嶽玲瓏昔賢軌轍兮千古誰宗秦氏家此兮五世居同湛公孝友今兼資以忠師儒濟濟兮三仕學宮木鐸已振兮無嘆終窮賢媛居室兮勤佐殫養勉于王事兮夙夜在公闕雕葛覃兮今睹其風麟趾振振兮百世昌隆水深土厚兮鬱鬱葱葱

封文林郎江西道監察御史君達顧公暨元配

封孺人朱太君合葬墓誌銘

於郡邑間有君子焉其生也遠近以爲式其歿也遠近以爲傳且慕而史氏則執簡以書汲汲焉唯恐歲月遷流名實易泯或不聞於後武林顧公之懿行茂實旣爲遠近之式且慕矣而其孺人之德儷君子者又竝堪不朽於其合葬也其孤侍御豹文挾兩先人之狀來乞余銘余思當吾世而有君子其人若顧公君達暨其孺人朱氏者寧忍以不文辭而使之有美

金文通公集

卷十五

君達顧公墓誌銘

人

弗彰乎謹按狀公姓顧諱大觀字維恒號君達其先世自越之上虞徙會稽復自會稽徙武林世系縣遠不具載公曾祖龍泉公祖望龍公考恒宇公俱一傳至恒宇公舉二子長卽公次君明公一女適聞氏初望龍公雅好讀書廣交遊久之不得志而家業漸落因誠恒宇公詩書不足以療饑去舉子業專爲治生計可也恒宇公遵父命嘗往來東粵謀化居冀恢舊業公生而穎異五歲讀書日可百行恒宇公旅行在外望龍公愛公甚時坐公膝上口授易詩書夜與俱

寢每覺必蹴公令成誦乃已公年九歲五經左國悉

能背誦無一字遺恒宇公質素羸往來瘴癘之鄉不勝勞瘁年三十二竟歿於粵公年僅十二聞訃哭泣躃踊如成人遂啓望龍公暨陳太孺人欲徑走萬里赴奔喪所親舊咸爲驚嘆哀其童穉涉水登山何日方達然終不可止望龍公卒攜之以行時翁年六十一矣老翁稚子扶柩在途發南海踰庾嶺歷十八灘下小孤每遇驚濤駭浪險阻異常輒呼天號泣路人爲之垂涕公年十六望龍公忽病逝公侍湯藥晝夜不解帶及瘡潰爲傳藥藥漬十指悉爛公不顧也旣歿哀毀骨立時遭兩喪貧罄力殯方恒宇公之歿粵也以遺金托密友某俾付公及奔喪往竟不可問空以櫬歸廼竭力經營始獲塋望龍公以恒宇公祔而家已無隔宿儲矣太孺人力貧撫孤時感念哽泣公爲強顏慰解迨朱孺人來歸公扼腕嘆曰爲人子而不能將母何以爲人孺人卽請脫簪珥售值百金以權子母公諳計然策數年家漸裕遂致洗腆無缺供旣而爲弟婚娶爲妹理嫁咸秩秩成禮太孺人爲之

金文通公集

卷十五

君達顧公墓誌銘

九

色喜焉。年二十六。挾策遊太學。與四方名流競藝。恒標赤幟。逮屢發不偶。竟絕意進取。專以讀書課子。爲事發。架上陳編。誦之。凡輿地賦役諸書。靡不博覽。于是天下阨塞險易。戶口豐耗。兵制強弱。下及土田水利。人物風俗。口誦心識。一一能指諸掌。嘗誡諸子曰。學者讀書。當求爲有用。勿徒事咕嗶。以希一第。公在雍。歷事久。例得除掾幕。檄趣公公喟然曰。吾鼓篋來太學。志在進取。旣阨于數。豈復能低眉承人聲咳耶。其立志伉爽。塵視利達。有如此。公旣幼孤。事太孺人。孺慕如一日。太孺人年七十。公五十餘。雖子夜歸。猶必就寢室。察寒煖。視安否。至懷果餌置枕側。不異童時。其執太孺人喪。哀禮兼至。與弟君明同起孤。若左提右挈。友于倍篤。兄若弟年並六旬。猶不忍析產。迫子姓益繁。不得已分箸。然每飯必偕。其閨中娣姒。亦如之。延師家塾。課督惟勤。不分子與姪。至于嫁妹。撤孺人之奩。爲甥娶婦。爲甥女歸壻。則又同子若女。費其孝友性。成一段輕財。明急之心。毫無異同。于其間有如此。自公先世東徙。已百五十年。祖墓在越。公春

金文通公集

卷十五

君達顧公墓誌銘

十

秋祇勤祀事不稍怠。年二十時。忽夢大父體流血。僵臥庭中。公驚哭失聲。旣覺。心猶忡忡動。頃之白下。信至金陵。火焚居。積值數千緡。皆以爲夢兆。適符公曰。否。彼千緡幾何。而驚動祖先。乃爾不數日。族人來告。墓旁有穴而葬者。因投袂起曰。先靈夢示不妄。誓以死爭之。然彼固強族。訟牽數年。未得直。會其族有不理。葬者反爲公畫對詞。驗之事。乃決公于族姓無遠近。親疎悉敦。序有加。至于娶而能守孤。而無依者。或原之終身。陳太孺人有異母弟早歿。遺孀爲李我存。

金文通公集

卷十五

君達顧公墓誌銘

十一

先生長女。公事舅母。饒養靡間。殆三十年。同學龔華茂先生一子不祿。遺兩孫。公教誨撫卹如諸孫。諸凡友朋之裔。或令讀書成佳士。或俾習一業以資身。其篤于宗戚朋舊。殷勤切摯。有如此。平居囊無餘貲。遇善事。勇爲不惜。傾筐倒篋。竟忘其力之有不足也。如橋梁道路爲之修築。平治躬親。拮据者不勝紀。歲乙酉。潰兵自京口奔軼。所掠子女流離道上。公贖之。省還其家。有故族遺落。賴以完聚者甚多。歲歉。粟價騰貴。公儲粟亦無幾。令家人食麥粥。減留餘粟以給姻。

族之弗克舉火者。會稽故有田。歲收所入。供春秋祀。爲村人乘機剽食。廉得主名。公不問曰。彼直以饑故。何忍與較。比當事設法行賑。公捐貲首倡。猶日至。賑所部署簡察。勿令胥役得因緣中飽。其奮發爲義實心任事有如此。公性剛介。負氣節。凡事涉兩端。必侃侃持正。不稍依阿。居恒惟誠子弟。飭臧獲。從不以竿牘撓當事。至里人戚屬。或有冤抑無告者。則毅色昌言之。卒未嘗私人一揖謝也。雖燕居不妄言笑。房幃中不畜妾媵。一切華靡事。絕弗動念。自侍御通籍十餘年。書至宦邸。但道平安及申訓數語而已。曆

金文通公集

卷十五

君達顧公墓誌銘

三

敕封後。彌自檢下。每徒步里社。偕父老講鄉約。或逢佳辰令序。則與二三故舊。過祇園花墅。優遊嘯咏。歸則課誦諸孫。率以爲常。邑中舉鄉飲大賓。以齒德首推。然偶一應之。不再赴。卽大典徵籍光寵。其自重有如此。昨年秋九月。公弟君明公無疾而逝。越二日。孺人又以嬰疾歿。公篤于天倫。至性過人。一旦叠罹參商。沉痛纏綿。晷刻不置。自此遂得疾。時平時劇。今年春竟大劇不起。臨革時。惟勉侍御兄弟。篤念根本。無忘

祖宗。殫竭忠盡上報。

朝廷。勗諸孫以讀書修行。毋失尺寸。一語不及其私益。公之學問。深到義理。明達方寸。有主始終。不亂又如。此孺人姓朱氏。爲宋徽國文公裔。父曰思齋。世居錢塘。孺人年十八歸公。適遭公家產中落。弟兄孤露。孺人卽斥篋筭供家計。殫心規畫。奉太孺人甘旨。佐公婚弟嫁妹。罔惜已資。以備大禮。公于是擔簦遊學。肄業成均。無復內顧憂。皆孺人力也。孺人性明敏。善決疑。能斷大事。乙酉江寧潰卒南走。杭人大震恐。爭攜金文通公集卷十五君達顧公墓誌銘三

金文通公集

卷十五

君達顧公墓誌銘

三

興朝方救民水火。聞師旅所過。雞犬不驚。度會城必安。若盡室徙。則家計蕩析。所失良多。非策也。已而卒如所料。陳太君行後。音問梗阻。孺人日夜泣。因成目眚。久之竟失明。會侍御令真陽。以地方荒僻。弗獲迎養。思棄官歸省。孺人亟傳止。勉以勤職報最。爲門閭光。斯稱孝之大。且云耳目關乎神明。吾寧終不視乎。未

幾遇良醫療之。果得差。歲戊戌。侍御以治行卓異。

簡擢臺班。孺人謂公曰。吾婦人何知。

朝寧事。然聞臺察居言路。職彈劾。所重知大體。須發言。關民生利病。政治得失。無事矯激。賣直博風力虛名。封公遵其言。相與誠勉。侍御奉教惟謹。益慷慨發抒。謠言石畫震動一時。號真御史。歲辛丑。侍御奉

命按湖北。差未竣。旋撤。然攬轡澄清。得于庭訓者。其效彰彰矣。歲壬寅。侍御歸省。期滿。戀戀膝前。孺人引大義趣裝北上。毋曠乃職。侍御因遵命還。

金文通公集

卷十五

君達顧公墓誌銘

十四

朝然思親。恒心動。正上章乞暇間。孺人之訃音忽至。先是公弟君明卒之二日。宗戚子姓以喪來者咸在。孺人悉召令前。人人誨勉。若將永訣狀。而神色和平。言笑自若。已而曰。趣具香案。吾見彌陀垂手相接。時至矣。因合掌西向。誦佛號千聲而逝。嗚呼異矣。殆釋氏所謂正念分明。捨報安詳者非耶。相夫子兄弟同爨四十餘年。娣姒更司出納。五日而代。無幾微嫌隙。中間謀析箸。輒相持泣。議遂寢。迨分析。猶每膳必俱如。未析時。視子婦輩。逾于所生。弗督責家務。曰。婦弟視

吾所爲。他日足任家政矣。訓諸女。則令操作習勤。若曰。女將外適。使佚豫是耽。驟爲人婦。其何以奉尊嫜乎。以故孺人閭教著聞。戚里大家。世族爭則做之。平時賜卹三黨。應人急難。不稍靳。殆與公相倡和云。比舍有狂暴。以夙嫌。昏夜叩扉肆侮。孺人戒閤者勿應。并勿令公及諸子知。曰。斯妄人也。不可理論。第以不見不聞處之。渠技止此耳。後其家果愧悔謝過。常課諸孫誦讀。謂侍御曰。人之資性。可望而知。不能者宜令徒業自立。勿徒艷讀書名。誤乃終身也。孺人與封

金文通公集

卷十五

君達顧公墓誌銘

十五

公白首相敬如賓。所以教誨男女孫及諸甥者。皆一軌理道。非刺刺兒女態。洵婦道母儀爲能獨擅其全者哉。嗟夫。余按公及孺人生平本末。若置公于孝友。傳獨行傳。儒林傳。未知誰堪。爲公伯仲。若置孺人于烈女淑行傳。亦未知誰堪。與孺人相比擬也。卽太史公操筆而起。恐亦有未能盡爲繪述者已。余于侍御君有一日之雅。見聞頗悉。聊爲合誌其大者。使千載而下之傳。且慕者。庶幾有所考焉。銘曰。越州蘊秀。今源遠流長。再徙厥居。今卜宅于杭。三傳

至公兮穎異非常九齡記誦兮腹笥洋洋十二而孤
今扶輿輿邦蕭條萬里兮嶺險難長號呼籲天兮行
路淒傷六旬侍母兮孺慕曷忘爲弟婚媾兮爲妹趣
裝傾筐解珮兮內助實良荆茂不分分壹德彌彰
饑卹寡兮普惠周詳見義必爲兮無欲斯剛噩夢來
告兮山川致祥善無不報兮德罔不昌

綸恩載錫兮積行彌芳永奉遺教兮忠盡波揚山高水
清兮福祿爾臧

金文通公集

卷十五

君建順公
墓誌銘

末

誥封通議大夫前驃騎將軍遼東總兵昇寰黑
公墓誌銘

公姓黑諱際盛號昇寰遼東廣寧衛人也世家遼左
代有功勳列在前史著稱大姓公祖諱春任都督同
知封榮祿大夫忠勇公父諱雲龍任至總兵官封榮
祿大夫嫡母費氏封夫人公兄際光庶母婁氏所出
襲祖職任至參將卒無嗣公行二幼失怙年十歲生
母金氏復歿依嫡母費氏以居遂襲兄職官都指揮
使公性行至孝事嫡母不異所生嫡常病篤爲之求

金文通公集

卷十五

昇寰黑公
墓誌銘

末

名醫虔卜筮久之藥餌禱祀俱無效公計無復之焚
香告天割骨爲餌以進遂踏地幾絕久乃獲甦自是
公之孝行著聞遠近驚傳相歎慕不已年十八署本
衛事歷十年居官事理和平簡易不急名譽深得軍
民利便爭愛重之居身操持尤謹取予之節雖一介
必嚴蓋不惟官橐蕭然而家計半充爲官費於是薦
公者章滿公車遂陞西平營遊擊屢奏奇功所居軍
營寧肅復陞正兵營遊擊封驃騎將軍居久之凡軍
士有疾病親至其臥處視之捐俸糈爲藥餌有陣亡

者必痛哭臨其喪。買棺助其殯。祭奠追薦厚恤其家。既大得士心。又饒有幹才。屢見獎于上臺。以公有能名。且廉重。爲諸職最委蛇。任事和而能恭。殆非他鑒。蔡之爲激昂尚氣者。比洵堪磨人任而綽如者。遂以遼東總兵擬公。公謂家人曰。吾起家武職。學術疎淺。叨職十餘年。得免瘵曠。以貽我前人羞。亦厚幸矣。况此因重任于時事。有其難爲者。吾焉敢倖邀一時榮利而不早自審乎。遂以疾辭。再三乃得允。所請解職歸里。軍民號泣。若失慈母。嗚呼。輿情若此。公之居官。

金文通公集卷十五 昇蒙黑公墓誌銘 六

可知也已。公雖身習韜鈴。環甲鼓弓。而性喜詩書。居處每芸編滿架。博覽無虛時。兼工染翰。興至則淋漓潑墨。追似鍾王。尤喜賦詩。或雅客稠集。羣聲選韻。遂盈篇楮。且工琴。善奕。琴奏六十曲。極宮徵之妙。終老不懈。故雖名將家。而氣宇敦碩。意况恬雅。昔稱諸葛君真名士。今于公見之。辛酉歲。

皇清大兵入廣寧。公隱居弔崖山中。

太祖武皇帝聞其賢。遣官旌召。凡數次。公應。

命赴闕懇辭職。

詔賜原官。給俸祿。准其致仕。免差徭等役。

太宗文皇帝卽位。復召公在大家宰。公堅辭疏奏。願退居

山野。奉誦玉皇經。以祝

聖壽。若必任以官。寧死以報

命。因准其住廟誦經。

賜號太和子。仍給俸免差如前。

詔自是公二十餘年。足跡不出戶。凡

朝廷有大事。必遣官詔問。亦未嘗一致公於殿陛。以成

公志也。公被

金文通公集卷十五 昇蒙黑公墓誌銘 七

恩甚厚。優錫屢加。亦未嘗詣

闕一謝。順治乙酉。召入京師。居禁城大光明殿內。

世祖章皇帝常親臨至殿。必先

勅諭。免其拜跪。凡一切宣諭及進見。俱無拜。其所以隆

公者有如此。按公自辛酉歲以後。伏處草野。凡三十

餘年。當

皇清開運熙隆之日。遇

列祖禮賢下士之勤。乃卒守所志。讀書彈琴。優游山林。以

終其天年。至于

召入禁城居光明殿中諮訪

因是屢詔無并此在

聖朝隆賢之盛典同已冠百王而首出光千載而不磨而公亦感佩

殊錫益殫忠貞始終不渝所謂非公不能徵

盛朝之大非

列聖亦不能遂公之高者也順治壬辰歲公寢疾

上屢遣官存問因不忍其歿

命取所遺以入繼室趙氏以公之像獻

金文通公集

卷十五

昇哀黑公墓誌銘

三

命懸宮中嘗省覽復

命繪冬夏二影

御詒親題用國寶

賜趙氏供之

上每至殿內必至設像之處徘徊顧瞻不勝欷歔感慨

其身後之蒙

恩又如此公病篤時奏乞俸于繼妻又因黑氏無後無

他支系以甥孫胡向化爲身後乞爲侍衛俱蒙

俞旨併免差役如公在公臨革之際神色不亂處置周

詳他如弟子諸人皆有遺囑計公幼而孤又十歲喪母恒自傷不辰至暮年每念及二親咨嗟涕洟不減孺慕其一生歷事端方心迹光明洞洞屬屬惟恐有纖塵之累故其出入

三朝抗節明志累蒙優禮公卒之年遇

覃恩封通議大夫元配袁氏繼配佟氏俱贈淑人繼配

趙氏封淑人子二長効祖廕驃騎將軍年二十五歲

卒袁氏出次効忠年二十六歲亦卒佟氏出趙氏以

嗣事叩

金文通公集

卷十五

昇哀黑公墓誌銘

三

閣將家產歸甥孫胡向化以春秋祠事屬焉公生于丁

亥年三月初一日辰時卒于壬辰年十月初八日未

時年六十有六今年冬繼室趙氏將以公營塋于某

山以兩淑人附銘曰

翼翼黑公起家關東累世名將勳勒鼎鍾祖奮其哲

父濟其忠公幼而孤哀思有忉割骨救母孝格蒼穹

十八署事屢建奇功歟歷十載推公總戎公以病告

遂釋綦弓鳴琴咏詩圖繪尤工隱居弔崖於焉以終

適逢

皇運累詔起公堅持素操恪守清風逮事

世祖居公禁中恩賚稠渥禮數優崇免公拜跪與公迎逢國有大議惟公是從思公不置懸設儀容春秋顧懷每眷

帝衷公有外孫名實厖洪繼公之後能卽公功帶劍履陞

恩錫方隆無嗣有嗣奕葉流鴻遶山之陽貞珉新礪我書其實千載無窮

金文通公集

卷十五

昇宸黑公墓誌銘

三

封大中大夫大叅佟繼亭先生墓誌銘

康熙二年歲次癸卯夏四月三韓壽民佟公奉

天子命來保釐我江南右士甫下車于國計民瘼殫心區畫無隱不恤無弊不除凡可以上佐司農下紓民困者毅然以身肩之而勞怨罔辭兩年來我吳億萬姓如在慈母稚席之中當此軍需孔亟徵繕不遑之秋絕不知有差吏之追呼與科條之繁密以是思佟公保釐之績我吳其寧可一日舍公哉不意歲前十

二月十七日忽太封翁繼亭先生之訃至佟公性至

金文通公集

卷十五

佟繼亭先生墓誌銘

三

孝不勝蹕踊哀痛吳民戴公之德亦不禁痛公之痛且謂太翁誕有體國恤民造福無疆之賢胤若此正宜食報未艾何以遽聞此音也其信然耶其傳之非其真耶乃今而竟信然也何我儕小人之不幸抑至是也一日佟公親譜行狀屬余爲銘余屬公知愛最深目擊公治行最悉因而代公抱痛亦最甚其奚忍以不文辭按狀先生佟姓諱號繼亭先世遠自晉魏流系綿長世籍撫順爲海內族姓冠逮明宣德年間徙居寧遠代著武功文德不能縷指累傳而至

先生性倜儻不群自刼折節讀書每遇古忠孝節義可傳可法之事輒感慨歎激昂起舞以爲士誦法聖賢宜表表有所樹立于門蔭貽鈐意泊如也偕配劉淑人事大父維齋公大母李孺人服勞奉養以孫兼子維齋公享年九十有三李孺人享年八十有八左右承歡凡幾歷春秋逮于考終曾無倦色事父雖大叅西河公暨母林淑人一如其事大父母高堂四老孝養靡間既而林淑人疾革撫寧西河公亦相繼捐館拮据兩喪于流離瑣尾之際含襚衣棺情禮咸

金文通公集

卷十五

終繼亭先生墓誌銘

三

有遺憾焉先生生丈夫子六人鳳毛麟趾性均不凡先生視性所近董之肄業文武兩途各隨自致居恒惟取向所讀書史中忠孝節義其人其事之可傳可法者爲之講說勗期于爲臣必盡忠爲子必盡孝卓然能有樹立乃可會王氣東來師旅雲起三韓首中兵燹險阻艱難先生真備嘗之然天相吉人顛危獲安深有得乎遵時養晦之道也錦州之役先生長子建年慨然身殉枹鼓雖義烈性成皆先生義方之

教復如前于疑獄滯訟多所平反其陰德之無量皆先生有以種之也癸卯夏四月先生偕來藩署中復總總焉慮江南財賦甲天下而右藩所轄江鎮蘇松常尤甲江南夙夜叮嚀既以考成嚴切是凜又以民力困乏爲慮藩公受教益加謹愆于出納條目絲棼蝟襍能推析毫髮使吏不得因緣爲奸而施于民者則又寬大簡易賢哉藩公乃其賢蓋有自也公歷任凡六遷先生每任必偕積十有二年如一日無日或

金文通公集

卷十五

終繼亭先生墓誌銘

三

國澤民爲戒勉孝如藩公其能不以報國澤民盡子職而娛親心哉是以所在捐俸軫恤清理監倉收埋齒骸于京口建渡生船活飄溺多命種種仁心惠政凡以仰承先生之志也先生在藩署中遙念房山令筮仕伊始又急欲趨而成之甲辰春三月遂允房令之請戒程離蘇右藩公踞留弗克比至縣署則署中已構精舍額曰娛絲軒以承先生之歡先生仍以勸勉藩公者勸勉令君惠愛有聲不意十一

月二十六日先生竟以疾革也。嗚呼！先生素強健，年八十有三，行不待杖，坐不倚几，屹如壯夫。胡天不吊，遽掩德星。遠近聞者，無不歎悼咨嗟。匪獨我吳爲然也。然則先生教子以武，則武能危身授命而義烈炳然；教子以文，則文能學道愛人而賢良茂著。有能文能武之諸子，若此先生，其真可以不朽已。爲之銘曰：天挺鉅公，忠孝是崇。以身作則，其儀不忒。孫而兼子，罔替終始。戎方所主，揆文奮武。武績孔彰，文德未央。家多象賢，邦國賴焉。尸祝遍地，淵源有自。源遠流長，彌熾彌昌。金石可磋，令聞不磨。

金文通公集

卷十五

修德亭先生墓誌銘

三

吏畏民懷，澄清之效。立著吳民家戶，戶祝方擬期年報竣之後，尚欲請開攀轅，大竟君施。會廷議撤還巡方，輿情悵悵，以爲監察得人如此，胡爲一旦議撤使？君子病焉。小人幸焉。于是吳民叩閭無路，乃爲君畫像立祠，謀世其馨，嘗以識報德之思。比有識者謂監察如君而遽撤以去，倘天欲平治天下，旋當復遣已而。

聖王秉節，攬萬幾，果親正人，納正言，仍分遣御史巡行各屬。

金文通公集

卷十五

敬微張君墓誌銘

三

臨軒戒諭，皆尤甚重焉。監察之撤而旋復者，實自君之有太。是十矣。始也君以資望並最奉。

特簡按視，南北舉夙志之未究于吳者，悉措之輦轂。近地糾繩貪墨，不顧權勢，爲小民除疾苦，伸冤抑，必嘔盡心血。乃已。按部未踰年，卒以勞瘁成血症，致不起。于順治九年壬辰六月某日，卒于京邸之正寢。年五十有八。朝之士大夫，以及街巷之兒童婦女，靡不哀悼痛傷。雖按轡之日，視吳差久而天又奪之以去。且畿民之不幸與吳民亦相去不遠耶？抑民生當憐。

悴之日有功德及于民者天反不爲之助耶君同母
弟次君慎修偕其孤宿焜扶柩旋里將營窆窆而以
狀來乞余銘余維時昔待罪樞貳于君有寮友誼比
年君按吳余又部下嘔吟思慕之一人君生平之立
身居官堪爲世法而不可使之湮沒不傳者余頗悉
其概其何能辭不銘也君元配解氏處士解三召女
封孺人男一宿焜未聘側室王氏出女三一適聞喜
縣庠生崔俊長子授貢崔爾瞻一適聞喜縣歲貢賈
登長子國學生賈償奇解氏出一尚幼王氏出爲之
銘曰

金文通公集

卷十五

墓誌銘

墓

烹鮮兩地所去見思乘輿再出繪像立祠富貴浮雲
于君何有功德在民名不可朽

傳侍御君併及民情中有關係可以作史

陳百史

先生評

金文通公集卷之十五終

金文通公集卷之十六目錄

吳江金之俊豈凡著

贈刑科左給事中加一級前已未進士婺源縣

知縣六平金公墓誌銘

贈光祿寺卿湘隣金君墓誌銘

太學生洞庭翁君約之墓誌銘

奉直大夫前吳江邑侯莫萬劉公墓誌銘

金文通公集

卷十六

目錄

一

誥封恭人吳母孟夫人墓誌銘

黃母朱宜人墓誌銘

勅封孺人侯氏墓誌銘

烈婦陳氏墓誌銘

吳江沈烈女墓誌銘

金文通公集卷之十六

吳江金之俊豈凡著

贈刑科左給事中加一級前已未進士婺源縣

知縣六平金公墓誌銘

余家世松陵譜系所載自故元以來世代可稽相傳金氏系出東漢宗室煇之受封烏傷至錢武肅鏐王吳越劉氏避諱嫌去卯刀爲金氏其與義烏得姓之

金文通公集

卷十六

六平金公墓誌銘

一

始大抵相符此宗系之所繇合也前丁未榜諱世俊與余兄浮弋同籍至已未六平兄又與余同籍蓋宗派同而氣誼又先後脗合焉今年夏六平兄之子漢鼎以其先人之狀來乞余銘又自言生幼而孤不得具悉先人之實惟吾叔核採而詳誌之余何敢辭謹按狀兄諱德義字行之別號六平世居東浙之義烏九世祖涓居繡湖之濱與景濂宋公子克王公同出文獻黃公之門後兩公相繼登仕而公獨隱居有高名詳載郡邑志中所傳有青村遺稿其略也曾祖諱

貢早世祖諱李方在襁抱曾祖母季氏飲水茹荼以成立徙居浦陽東界之赤許謹課耕讀用以起家考諱文泰持躬端方課子尤嚴切自宵達旦呬唔罔敢或輟得丈夫子四人六平公其仲也丰姿玉立靜穆敦重終日不妄言笑學詩於慈水沈先生光岳通四始與義閱覽默識沈先生早異之曰子必爲國華矣慎自愛年十四卽失恃乳痲骨立哀毀若成人廬墓者三年服食資於丘嫂董氏公侍之甚謹居小齋顏曰靜澹窮年誦讀靡間寒暑初補博士弟子員時

金文通公集

卷十六

六平金公墓誌銘

二

晉江子環張公以名魁領邑每顧公而稱曰子匪獨以才勝也識度亦過人遠矣後登癸卯賢書出別駕陳公儒之門及進謁陳見公之儀容甚整議論辭采豐豐動人謂所舉未能盡公自失者久之已而五上公車皆報罷人謂公且倦遊而公益自勵杜門却掃惟日取陳編博搜精採經年累月未嘗入郡邑之庭偶士大夫有旅會公獨恂恂退處如不勝然出則蕭然襆被約素自持故間里咸稱公長者於時公所遊好皆海內人望若蘭嵎朱公石簣陶公孟旋方公于

卿徐公皆以學行相推而方公嘗語人曰李燔之進學可畏張洽之勇不可奪若六平殆兼之矣已未會榜出續溪李公某之門其牘言簡理明識學兼至李公深許之而策詞有侵及內庭者時上方深居朝多內忌李公稍後公卷曰吾相與有成也試大廷除格當爲令于是令婺源縣縣治在萬山中俗好勝風多不馴公慨然曰此晦翁先生舊里遺風獨不可振乎爲之疎其節目敷教以寬每訊牘盈庭一以誠信剖之小大之獄必得其情表裏殫盡處暮年未嘗一言

金文通公集

卷十六

六平金公墓誌銘

三

欺其民民亦不忍以欺相與併蒲鞭不示矣若夫詰盜必斷株引勿以波良者惠奸也至於治賦必先期示約或至再三不加怒謫曰吾故拙於催科也凡邑有興革審其足以濟物者行之必力不以輿言爲勸阻曰吾第求其便民而已捐俸首新學舍進諸士講肄恂恂然澤於大雅茸朱子綱目語類名臣言行錄等書鐫之而不著名於簡曰吾取其足以教士焉用標榜也又清文公祠田若干畝俾朱氏世守之勿墜先賢之緒又念文廟山僻樂舞久廢廼考定古制諸

聲按節始爲六佾升歌環橋門而觀聽者有淵然三代之思焉先是邑山龍嵒蜿蜒勾已於龍船槽領間土人多業爲墾旦旦鑿之地脉幾斷諸邑老多播弄投林公廼捐金易窑址且禁勿再鑿犯者以盜官物論自後邑之東山諸老或位冢宰或晉大司農或起憲垣奮興岩谷震赫班聯咸歸功於公云邑舊多虎暴行道相戒非十百不敢行公具牲醴爲文檄諸山神俄而虎不入境驚傳爲異曰是長者之驗也比於漢之劉氏云公每觀時政操切心非之曰不聞治大

金文通公集

卷十六

六平金公墓誌銘

四

國若烹小鮮乎何急張爲也一意恂幅所至期於貧弱有利不肯脂韋詭隨以筐篚相先適邑豪某夙爲大盜逋逃至懼公發之然吏於郡與守相暱莫可誰何公廉得其狀白於憲竟寘之法於是守卿公甚爲蜚語中公竟改公教職解綬去民遮道泣者數萬人閱十八載歲戊寅娶之父老子弟思慕公不替請於督學御史祀公名宦亦以見直道之久而愈昭也公自壬戌還里偃息故廬食其遺畝不攜婺源一物而充然自足日徜徉於越溪山水間未嘗有不豫之色

益幾乎古之有道者。俄於癸亥春。患手瘍而卒。僅年四十有五。卒之夕。歎曰。吾濫科第。誼不敢負國。爲吏不敢負士民。今無所恨。惟念先人鞠我誨我。不獲被馳綸之典。所介介惟是耳。所著有靜澹齋稿。挹蘭吟。理獎約言。樂舞事略諸書。藏於家。嗚呼。負大才如公。學識如公。篤實敦行如公。而僅小試一邑。卒以鋤奸。投鼠解印。後去。顧投閒未幾。又不獲享有遐齡。中道。其捐天乎。天乎。其何可問耶。使於其時。一得當。而或爲諫官。或躋卿寺。其所建豎。必有炳炳烺烺。卓然可

金文通公集

卷十六

六平金公墓誌銘

五

觀者。卽不然。或稍假以年。而老成具在。典型勿墜。學古譚道。繼往開來。是亦君子之澤未斬。其所以維風易俗。補裨世道。人心良非淺鮮也。夫何旣厄其用。又嗇其年。幾與流俗之碌碌者。同其湮滅。無聞。不能不令人低徊善類。而仰吁青天也。然天亦未始不可問。公嗣漢鼎。距公歿之年。甫十歲。孑孑孤。乃克自振。拔力學能文。譽騰鄉邑。成已丑進士。令涇陽。凡五載。其所以愛民勤政。疏滯起敝者。一如公之治婺。遂以奏最聞叨

賜金賜衣之上賞旋蒙

世祖先皇帝臨軒親試。擢置諫垣。蹇蹇謬謬。聲震蠻坡。

天子嘉焉。爰晉清卿。將來宣猷効力。所以報

主顯親者。政未可量。則天之所以酬公。方奢而誰謂天

終不可問也。公雖不得爲大官。不獲享大年。而有嗣

若此。以彰無窮之令聞。是亦足以傳也已。爲之銘曰。

嗟我六平。履行不貳。稽古力學。士類標幟。令于婺邑。

仁明以治。山俗剛猛。進以禮義。朱子遺風。振揚暨被。

卒以直去。邑民揮淚。公懷坦坦。林泉高寄。天不永年。

金文通公集

卷十六

六平金公墓誌銘

六

倏焉垂翅。惟是婺人。積久愈思。崇公俎豆。以享以饋。

皇天不遺。有子克類。科名繼武。涇陽是泄。誠信而寬。

不遺父志。

帝用寵嘉。厚賜章異。

親擢諫垣。侃侃

廷議。時望所屬。豈惟卿寺。善罔不昌。德積而熾。六平之

澤匪報焉遲。薄始厚終。天心可質。

贈光祿寺卿湘隣金君墓誌銘

余家世松陵之曹溪。去浙婺義烏金氏僅隔錢塘帶水。雖譜牒難稽。不敢妄附宗支。然與余家鄉會同籍者。後先三世。其氣誼聯絡。不減本支一派也。順治己丑。南宮義烏得二人。號稱金氏二難。一爲余已未同榜諱德義之子漢鼎。一爲余兄浮弋丁未同榜諱世俊之約。然其意湘隣君是也。君以甲第居前。

恩長粵西。小恭守九江道。前此未有之曠典。時朝議以百廢待興。大京尚稽表。湖非王師赫臨。則抗不

金文通公集

卷十六

湘隣金君墓誌銘

七

下。非新礪淬。心奮發有爲。入坎窞而不驚者。爲之監司。以彈壓之。則無以消厲眼。撫哀鴻而譽新附之版圖。故君得預其選焉。受

命之日。卽慷慨叱馭。有誓不顧身家之義。稅節衡陽。若再歲末。由涖境。歲辛卯。粵西始闢。遂披荆棘。蒙瘴霧。抵柳州視事。爾時化離未集。瘡痍未起。城郭之內。一望蔓草荒烟。君爲之董戒師旅。勿令擾民居妨民業。凡所爲招携懷貳。扶傷拯病。以綏定而輯寧之者。靡弗殫厥心力。政事之暇。仍揖諸生而進以爲文之道。

與夫立身行已。親上死長之大節。方浹歲新造之柳。

蒸蒸有起色矣。亡何賊瞞藩師鎮省。所在分旅設防。

兵力稍單。輒乘虛傾巢來犯。壬辰七月四日。桂城陡

陷。孔藩殉焉。于是全省震動。柳故當首衝。孤城不支。

君抗節被執。羈之桂林者數月。賊偵守甚嚴。求死不

得。偶一日伺懈。夜竊防者所佩刀。手格殺數人。星馳

翳榛叢莽中。冀間道迎。王師爲追者所及。卒遇害。

時壬辰十一月二十三日也。先是潛遣僕馳書報其

父曰。兒生不辰。遠隸粵西。枕戈入境。徭苗雜處。蒿草

金文通公集

卷十六

湘隣金君墓誌銘

八

盈邊設餉。旣艱。招徠不易。詎意坐席未煖。七月四日。

賊陷桂城。是月八日。柳遂受兵。兒不屈被執。逼勒萬

狀。今聞王師南下。或陡見天日。孤臣不能終疆場

之役。意欲納

救前行。死生不復顧也。但念父母生兒。撫育教誨。匪朝

伊夕。致父老不及養。母殯不及塋。子幼不及教。不能

不耿耿于懷耳。已矣。兒不能烈烈以明節。何敢冥冥

以偷生。父無望兒矣。有弟萼在。或可相娛。以奉餘年。

兒歸養無期。白雲永斷。自當從三閭于湘水。附子厚

于柳城已矣。兒何忍言。又有詩云。稽首羅池瞻子厚。遊魂願從九疑看。讀其書若詩之詞。則其秉節無二。誓死靡他。固已如泰山之不可移。而黃河東注之不可挽矣。是歲粵西陳撫軍上其事。

天子深用憫悼。特賜祭葬如禮。贈大中大夫光祿寺卿。廕一子入監讀書。乙未夏六月。君長子廕生以琳。徒跣來京。持狀乞余銘。余方病甚。委頓床褥間。僅能屬息。其何以應生之請。而余竊念君家後先同籍之世好。又念君捐生殉節。有古忠臣烈士之風。每讀史遇

金文通公集

卷十六

湘隣金君墓誌銘

九

其事想見其人。于千載之上。尚爲之咨嗟慨慕。執卷流連。不能已已。詎當吾世而得之耳。聞目見者。能不奮筆以從而爲之誌其事。以表來茲也。謹力疾按狀。君諱漢惠。字公樹。號湘隣。其先世系出炎漢劉氏。漢光武封皇孫于烏傷。國除。遂家焉。後避南越王錢鏐。諱去卯。刀爲金。始以金姓。著世有達人。宋仁山氏履祥。元青村氏涓。皆懷道不仕。號稱碩儒。越入傳而爲君。曾大父公諱守。大父公諱文亮。以君伯父少司空稠原公世俊貴。皆贈如其官。君父公

諱世儼。才高學劭。有聲庠序間。以數奇抑志小就。爲涇州別駕。丈夫子三。長漢蘭。補博士弟子。蚤卒。次卽君。君生而穎異。垂髫食餼。每試輒冠軍。又次夢。亦以髫年領袖童子試。君登己卯賢書。庚辰。殿羽歸。力學益奮。至邑里有不平事。能以片言排解。爲鄉人重。已丑成進士。授二甲。參藩粵西。經營草昧。所爲極難。未竟厥施。遽罹賊害。嗚呼。有生者世之所共貴。守死者人之所甚難。君獨能輕其所貴。等性命于鴻毛。易其所難。甘一死如茹薺。禮曰。臨難無苟免。君其有焉。視

金文通公集

卷十六

湘隣金君墓誌銘

十

彼全軀保妻子之流。若平則溫飽。是圖有事。則抱頭鼠竄。之不遑全。未聞有死守封疆之誼者。其相去何啻霄壤哉。君生于萬曆丁未年九月二十五日。卒于順治壬辰年十一月二十三日。享年四十有六。配陳氏。遼陽縣尹大孚陳公女。封恭人。子三。長以琳。廕生。娶誥封翰林院簡討丹臺虞公次孫。廩生。帶如公女。次以璫。聘東陽廩生宗玉郭公女。三以璫。聘浦江進士按察司廉使三陽張公次孫。貢生。昭服公女。女三。長適東陽庠生吳堡。次適浦江癸丑進士大方伯致

虛樓公長孫洵培三未字孫二長永熈次永登孫女
一俱以琳出爲之銘曰。

日皎兮丹心霜凝兮苦節。辭親兮腸萬迴。報

主兮骨可屑。金石消沉兮忠魂不滅。陵谷變遷兮芳名
不絕。

金文通公集

卷十六

湘隣金君墓誌銘

十一

太學生洞庭翁君約之墓誌銘

余居松陵曹溪里與洞庭相望阻具區水僅四十里
而遙聞東山有約之翁君者爲人慷慨嗜義敦尚氣
節鄉里德之吳郡咸慕重焉顧余宦跡萍飄居家日
少未獲與之遊然竊嚮往其爲人以孝友立基以賢
豪自勵非流俗之泛泛悠悠徒獵虛聲者比今歲壬
寅九月其長子中翰天游具行述來請余銘其墓曰
今某月某日將塋吾父於東麓之新阡敢藉公言垂
不朽余心儀君者久矣其何庸辭謹按狀翁君諱彥

金文通公集

卷十六

翁君約之墓誌銘

十二

博字約之別號青崖其先爲河南人曾大父參號春
山負奇氣明嘉靖時以布衣却倭有功詔旌其廬賜
優復大父諱邊號少山善居積以貲雄江淮齊楚間
父諱啓陽號見滄母吳氏見滄公博學宏儒承少山
之業能擇人任事家滋饒有子四君其季也君生而
高穎豐儀倜儻不羣初就外傳課一日恒兼程纔十
齡便通曉大義見滄公喜不勝未幾見滄公捐館哀
戚如禮年十三入太學補國子生大司成張公侗初
深器重之既長行益修學業益進嘗從華亭董文敏

公其昌長洲吳太僕公默又文肅公震孟諸君子遊稱忘年交於是君聞見日廣漸磨日深重言諾慎行止有挺然振拔之概嘗語人曰余性不耐馬頭塵但作一太平山中讀書處士可矣君因早失怙傷母孤幃晨夕不離左右凡寢餐憂喜一惟母是視所以竭孝養者纖悉畢周兄光祿君伯寰嘗遇外侮輒揮金助之無少靳曰人生惟兄弟耳遑恤其他伯寰歿爲之撫諸藐孤延師教育經理嫁配一如已出既各克有成盡以兄所授簿冊歸之井井秩秩無毫髮潤迨

金文通公集

卷十六

翁君約之墓誌銘

十三

母吳太君病君食不甘味寢不解帶晝夜侍藥餌不倦及病漸哀毀逾節有言於君以素多遺蓄宜稍損哀以理之君喟然曰吾知痛母而已寧顧是耶歲庚辰大稔粟涌貴山民乏食所在饑窘君創議救荒數策因告糴淮楚徧贈山中且減價以惠通邑質錢者咸減其息更興起傭作全活貧窮無算老弱之不能傭者設釜糜以餉之明季徭役日重爭多方避役有黠者陰卸君君代肩之不明其詐也乙酉

王清下江南土寇多竄伏湖中弗靖兩山之惡少依草

附木遙爲聲應君首倡保甲法出錢穀糾集鄉勇請於郡給捍禦具盜卒散去獲安堵如故先是君之仲兄旦寰於明末忤梟黨會乘亂梟逃自獄思得仲而甘心焉人情洶洶君裂背奮臂義不避禍爲之立割萬緡川紆家難翁氏世業清源其戚屬以貲附清源生息者不啻億計一日罹兵燹君之子母錢一空而寄頓營息者併失其籍公曰寧人負我母我負人嘿按其數償之無稍漏由是君家自少山公以來三世累積以賦役減什之二以捍患禦災減什之三以清

金文通公集

卷十六

翁君約之墓誌銘

十四

源之多故減什之四五不啻居積幾盡而君顧處之泰然嘗曰吾家以富賈擅奇贏子孫嚮學者少不知立身先乎行誼潤澤繫乎詩書獨生計爲要務哉故君丈夫子十人皆篤學能文長子天游卓然早秀克自奮發以承君志初君存日自擇山水佳處卜築幽宅得玉塢之陽時遊息其間因顧而樂之且曰吾歿後歸此庶幾如生平時乎嗚呼余觀君之生平真可謂體用兼備希踪於聖賢之域而黽勉爲豪傑之士者歟以言乎其事母也則能孝生竭力以養死毀節

以哀居喪之道是先。篋金之遺勿問。稱之曰孝子。無忝也。以言乎其事兄也。則能悌。撫兄子如已子。遇兄難若已難。但知人生惟有兄弟。遑恤身外更有長物。稱之曰悌弟。無忝也。以言乎其志潔而行芳也。則視華靡之榮爲不足慕。而願作山中高士。耽泉石之勝。爲安樂窩。而身後魂魄欲依。卽太史公所稱巖穴處士之奇行。殘以加也。以言乎其識能應變而才堪禦侮也。則鼎沸雲擾之際。有排難解紛之功。智困勇詘之場。有指揮如意之效。卽古虞卿魯仲連之流。亞亦

金文通公集

卷十六

翁君約之墓誌銘

五

不是過也。以言乎其念切救世而惠足及人也。則經營荒政。能使貧民無歲而有歲。代肩重役。能保大戶無家而有家。此又其恩德之遍洽鄉里而不啻家戶戶祝以佩之者矣。使彼蒼再假君以年。乘時利見大展猷爲其所建。豈當必有杰然可觀者。又豈止名高鄉黨。嘖嘖爲與人所誦已哉。謂之體用兼備。洵非諛詞已。然則天之所以厚植於君者。皆於其後之人也。如中翰之篤學嗜古。且具經世才。將來出入承明事。未可量。而諸子森森玉立。日漸崢嶸。君之所以

遺其後者。誠有勝於居積萬倍也已。君生於萬曆壬寅九月八日。卒於順治丙申十二月九日。享年五十有五。配周氏。側室生子十人。長天游。名燥。庠序間。次天潮。天澍。天溥。天浩。天波。天淳。天瀚。天濬。天泓。女六人。所嫁皆名閥。孫男五。孫女五。墓在金庭玉塢之陽。以壬寅十月塋。爰系之銘曰。

傳稱多財善賈。而君顧以所積賑饑。俾萬家賴其資。釜知人善任。付之計簿。以無忝遺於其祖。明季役繁。追呼比戶。咸卸君以脫所苦。君毅然肩之。厥惠甚溥。

金文通公集

卷十六

翁君約之墓誌銘

六

盜興於湖。弗能安堵。君請於官。備戒弓弩。事事有備。寇銷湖浦。別業逶迤。蓄藏諸古。咸知君之文而不知其武。弱歲揮金。護兄於侮。兄歿。保孤克稱善撫。終君之心。玆輦失怙。曰庶其勉旃。以無忝我父。種德無疆。今宜篤斯祐。子孫繩繩。今黼黻圭組。千秋萬載。名不磨蔚。彼崇岡東山塢。

奉直大夫前吳江邑侯莫萬劉公墓誌銘

三韓劉公莫萬。于康熙三年四月內來令松陵。歷任四載。政績丕著。最奏

上聞。推公泰郵州守。吾邑中縉紳大夫士。以暨鄉閭小民。途呼巷語。以爲吳江一日不可無公。何高郵之幸。而吳江之不幸也。相與泫然泣下。未幾以考成一毫未完之分數。停公公得稍留。復傳相慶告。蓋通邑之民。幾得公一日在邑。爲一日之喜。而公亦必以一日在邑。盡一日之事。旋報完開復。奉

金文通公集

卷十六

墓誌銘

七

命候補懋止吳門。忽爾遘疾。竟于康熙七年十月二十

日。嗚呼痛哉。今公長君以中翰在都。聞訃

將抵大。公之懿略。屬其弟淑寰來請余銘其墓

中之石。伏喪歸塋。嗟乎。公之懿實。卽公之治邑。是

已千秋。松邑與人口碑。崇祀名宦。俎豆實

有彰彰。且余爲邑之人。職官舊史。所敬慕

公尤。公銘謹按狀。公諱定國。字莫萬。遼

東人。爲瀋陽名族。公父諱弘遇。字勉之。

祖武皇帝開國。以文學授校書中秘。歷事

太宗文皇帝。積有助伐。至

世祖章皇帝朝。南北一統。文教四訖。遂兩奉

璽書。巡撫江南。山西。所至勞來安集。有惠政。進秩兵部

右侍郎。佐理樞務。時被

寵遇。傳爲盛事。大抵司馬公服官之日。秉持清節。不以

私累公。嘗曰。爲兒孫厚積者。適資兒孫費。但瞻粥差

勝耳。以清白貽謀。其家教可知已。公承司馬公庭訓。

早歲素履端謹。卽以服官勵節。忠君報國爲志。故歷

金文通公集

卷十六

墓誌銘

本

練精敏。明達機務。居父喪。哀毀骨立。如不欲生。時公

母徐淑人。已先逝。繼母唐淑人。老病經年。常在牀褥。

公奉持維謹。周旋湯藥。衣不解帶。及唐以壽終。公哀

念之誠。久而勿替。厚具喪塋。易戚兼至。如前時。是以

鄉閭咸稱公孝。發于天性。此公事親之大端也。公季

弟諱安國。今任完邑令。平時昆季之間。少以恭事。長

以愛接。友讓摯誼。藹然盈于門內。逮析爨之日。涕泣

不勝。自是分財不較。時人比之薛包之義讓。故司馬

公嘗語公曰。吾薄俸汝知之。然弟汝弟也。同異惟汝。

裒益亦惟汝。竟以產業委公。不加分析。已早知公能撫其弟。而公果不肯。不泯卒如父志。此公友于之大誼也。公居恒獨處。立身以端。持身以靜。泊乎無爲。淡然自足。食糲衣敝。不近聲色。其勤儉以治身者。有如此。公智識明捷。其與人也。能見其情。其歷事也。必裁以義。課子詩書。終日不輟口。一以忠信孝弟爲趨庭垂訓之端。以辨情晰理爲他日服官立政之要。其平居教子者。有如此。今

天子御極之三年。公以父蔭授吳江縣尹。命下之日。人

金文通公集

卷十六

墓誌銘

五

爲公難之日。地處衝疲。民煩賦重。其何以治。公曰。我旣爲邑父母。惟體父母之名。以治家之法治之。夫獄訟者。體國之大要也。獄訟繁興。爭端不息。其民必生業不理。生業旣荒。正賦何出。苟獄訟減省。鄉無叫譁。民安生理。正賦何患。不給乎。先是公未至之日。餉檄星馳。官以考成負累。比比而是。以致上下情疎。不遑恤其民。民又因新舊併徵。致不能恤其命。松陵賦數十萬益。爲加劇。公下車伊始。釐剔弊端。卽蠲除一切雜耗。俾民免私費。而毫釐皆入正供。莅事一年。夏稅

秋糧如期早課。兼清前逋三萬餘兩。而賦額清矣。公練達事理。善揣人意。松民許訟者。卽以數言折之。唯而退。于是人服其明。嘗勸止其民曰。事入公門。無鉅細動經時日。汝民不無廢業。且互相構結。怨氣日深。由邑不已。必及府道。府道不已。上及督撫。連年不解。必捐產營債。徒爲訟師黠胥利耳。故吾民苟非積仇大恨。可已則已。否則從公議。否則赴吾。吾不過爲汝平之。毋致牽連不解。是以莅事之日。案無積牘。詞不盈架。而訟爭息矣。先是獄中繫縲嘗百餘。公莅邑

金文通公集

卷十六

墓誌銘

五

二載。獄爲頓空。僅止一兩人耳。獄吏告以獄空。無大畏不敢守。請以舖罪益之。公曰。舖罪輕。獄罪重。奈何以輕作重乎。叱之退。斷不以彼易此也。後兩罪減戍園扉之地。鞠爲茂草。關鑰不下。耆老以爲有生來。目所未覩。而囹圄空矣。吳江當太湖下流。乃古三江入海之地。自徐武功濬治以後。污萊壅塞。歲乙巳秋。湖水騰波。頃刻間民居盡淪于水。瀾望皆湖。公登城歎曰。吾民其苦矣。爰採故老之言。以鼓樓砥邑治前。素爲捍水久圯不治。公卽指俸成之。不浹月而魏與

一新。又博攷水利之說。長橋爲三江咽喉。歷年橋既傾圯。水竇全淤。廼議修復。更引故事。請議城中坊保出貲。曰。此往例也。久之未報。公曰。爲居民平水道。爲行旅便車馬。吾何惜。傾囊倒篋。乎。卽捐俸貲立成之。于是塘工繼起。南北坦途。往來無塞。棠之患且重。治學宮。再起申明旌善兩亭。補葺城垣。再議起構縣堂。擇日鳩工。而秦郵之遷已至。遂不復舉。諸若此類。不費民間一錢。不支官庫一金。衆不役而事速就。而廢

金文通公集

卷十六

墓誌銘

主

所至驛騷。民人避兵如避亂。官吏畏兵如畏敵。悉索敝賦。靡有息肩。公才猷素著。加以苦心調劑。俾往來者帖然相安。自是邑無避兵之苦。其所資米豆薪芻牛酒。悉發橐金置辦。與市價等。而供億無煩矣。大抵公秉性峻直。見人有一善。務獎之。使其成。有一不善。務抑之。使勿之遂。不求名。不市惠。人有告以貧苦。卽捐囊與之。不少吝。聞有便利宜民。卽竭力圖之。不以難成自阻。初試劇邑。能耐事治煩。催科非子夜不輟。蓋殫精嘔血。于爲令之道。亦幾歷星霜。幾費寢食矣。

然官有餘閒。民有餘力。獄無罪犯。課無縮額。方隅六百里。家有衽席之安。則皆公之賜也。信乎。視國如家。視民如身。所稱真父母者。惟公足。以當之。惜彼蒼不稍假以年。俾略展其濟時之偉抱。而竟以是終焉。嗚呼。當公身歿之日。吾邑之人。無賢愚。無少長。無不爲之稱公。往事涕洟失聲者。異日俎豆江城。千秋不墜。又豈僅桐鄉禱祀之靈峴首。墮淚之思已也。爲之銘曰。

維古松陵太湖之濱。渚田萊汙。半長蒿蕪。賦繁役重。

金文通公集

卷十六

墓誌銘

主

十室九貧。道值子午。供億艱辛。歷數長吏。被劾以去。地方累官。不遑寧處。劉公爲宰。廉清仁恕。息訟止爭。正供廼裕。百廢具興。勿支官錢。捐橐葺墜。惟民是便。橋梁雉閣。縣治巍然。垂虹攸濬。水利千年。思公之德。震澤汪汪。紀公之績。穹窿並昂。胡天不弔。空餘甘棠。萬民有口。公也不亡。

誥封恭人吳母孟夫人墓誌銘

三韓侍御吳公

生際

太祖高皇帝開基之會。夙負偉略。矢志匡時。誠五百年間出之名世也。從

龍人。都知國家武功丕殫。惟根本之圖。莫先于安民飭吏。遂棄章京職。就文階。考授豐潤邑令。招徠安集。務穡勸農。凡四載。政通人和。受知于

世祖章皇帝。晉擢侍御史。歲癸巳。適余從中樞。謬承人乏。濫竽憲總。兢兢以力持風紀。澄清吏治爲期。而公秉

金文通公集

卷十六

吳母孟夫人墓誌銘

三

持清節。整綱飭紀。亦以安天下致太平爲已任。與余志合道同。若夙契然。及余歸田。公之子來令晉陵。清敏勤慎。邑政大理。考成報最。晉擢清華。余旣與侍御公周旋臺署。復從公之子叨庇棠陰。誼薄雲霄。非特一日相知之雅也。今錫山公以其母太恭人狀來屬。余銘其墓中之石。余何敢以不文辭。謹按狀。恭人姓孟氏。父德春公。爲遼東清河衛世襲指揮使。母姓劉氏。封淑人。皆遼東右族。恭人生稟淑質。幼多警悟。年十九來歸侍御公。雍肅有儀。祇事翁姑。中憲大夫越

川公。姑王太恭人。雞鳴夙戒。不懈于禮。侍翁姑左右。必審伺飲食寒暑。珍羞漿醴。與夫統紉縫製。靡弗當意。且身自緯蕭緝績。不恤勤瘁。故敬供所嗜。無匱乏。恭人長于武功世族之家。而夙嫻禮訓。蓋其天性使然也。於是越川公暨王恭人。愛恭人甚。以爲婦有德。能襄內事。備古淑媛之風。而才識尤敏給。偶試以外事。則言必中機。輒有成驗。于是凡疑事必諮于恭人。益加敬焉。曰。他日相夫。致其敏慎。足遠患害。而流聲名。吾無慮矣。侍御公奮志乘時。大略弘遠。遭逢盛際。豫識天下大勢。當奮自遼左。必有英特奇謀之士。雄武命世之材。雲蒸霞蔚。羣萃茲土者。乃廣爲延攬。深相結納。一切家產有無。悉置不問。以委于恭人。恭人黽勉求之。躬率婦婢。早夜勤作。家用以裕。客至。則盤餐時具。紵縞贈遺。皆出自紡績之餘。而絕無倦心。于是四方賓客。饗附景從。咸人人得其歡心。而侍御公之名愈彰。因以保聚鄉井。室廬無恙。致三黨咸得所依。皆以推侍御之略。及恭人之助云。然僅知恭人之助其家。而未知恭人且助公以祇勤國是也。歲乙酉。

金文通公集

卷十六

吳母孟夫人墓誌銘

四

侍御公就豐潤令恭人則贊以撫恤困窮招集流散乘時墾殖有能吏聲及公擢御史則贊以公爾忘私國爾忘家故侍御侃侃朝列力以公廉砥礪時俗一時有其御史之稱而吏治一清大抵士君子能達國體識時務亢然欲有所爲而屑屑于家人生計之謀則什且減其二三若侍御公之志氣卓犖遠謀廣慮曾無幾微芥蒂于其間而以精白一心大起其功名謂非中助之力不可也及南服未靖海氛猖獗

天子加意遠疆以爲非素有幹力不畏強禦如侍御公

金文通公集

卷十六

吳母孟夫人墓誌銘

孟

不可于是

特簡叅憲漳南先是

王師旅集沿海居民始苦于賊繼苦于兵往往嘯聚山谷逆我顏行勦撫罔效恭人贊于公曰由來兵之所處荆棘生焉皆官不養兵故兵出而擾民民益窮而爲盜清盜之源必先自養兵始于是軍糈廩給公應之于外而軍中一切袍服衣帽牛酒犒勞諸事恭人悉任之于內率家之僮婢晝夜督理日給數千常致有餘無或不繼由是軍無缺需民以安定而兵民交

戢矣恭人又贊于公曰誰謂漳南之多盜耶皆吾民也棄之則爲盜撫之則爲民奚忍久遏其來歸之路盡斃之鋒鏑下乎公于是亟下招降之令所在如歸市未幾而漳海悉平時各營俘獲老弱婦女不可勝計恭人又贊于公曰

王師所至當令仁聲先路况此屬無辜何可聽其瑣尾此離而不俾以生全歸其家室公乃得請

王命俾營間各出所掠之俘構空廬以居之給薪米以活之大諭民間所失親屬皆來識認完聚此公之保

金文通公集

卷十六

吳母孟夫人墓誌銘

美

全漳南數萬家之父子夫妻者仁慈最厚陰德最大而亦皆恭人贊助之所致也未幾侍御公又備兵懷隆恭人隨焉一載轉楚督儲值李孽作亂奉

旨三省會勦數十萬軍需無間遠邇皆係公辦給時山谿梗阻而轉運芻糧刻不容稽于是恭人親督家人兩晝夜中立成布囊萬餘賁送軍前士氣加奮顧曾不辭拮据以爲內助之道當如是也朕則恭人能識先務審大體不以一家之豐嗇爲謀不以一人之勞逸爲計如狀所云勤國事以爲家事由婦道而成臣

道古今來女內史則中所。艷稱賢能並著可傳可誦者。洵未有若恭人也。已若夫家庭之暇。訓子錫山令君言有可法行有可師。兢兢于忠孝大節。俾毋貽祖考羞。迨至服官。尤以慎名節勤官守為誨。今日令君之精比惠泉。聲高錫嶺。循卓冠天下。大約皆本之慈訓。至于撫三孤姪。曰應昌曰興宗曰興祖。幼則教以讀書。長則為之婚娶。興宗官至嚴州郡守。其子秉仁復為海鹽婚娶。如其父。以逮宗族之嫁娶喪葬。及于親知故戚。無不量其多寡以為助。隣里之孤貧者。咸

金文通公集 卷十六 吳母孟夫人墓誌銘 孝

周恤罔缺焉。其義問洋溢遠邇。誠有丈夫子所未能致者。已乃若身貴而不遺情于荆布。年高而不稍倦于勤勞。此又恭人之懿行微德。未可以盡為繪述者也。嗟夫。國之將興。必有才人以開其先。如周之文王。不特才如十亂。若麟趾兔舄之見于男子也。自采蘋采芣。喬木汝墳。草蟲行露。大率家室之篇。居多。故能卒成王業。端本化原。若侍御公之忠勤憂國。慷慨任事。余嘗韙之。今讀恭人之狀。信乎國非賢才不足以成治家。非內助不足以成化。已為之銘曰。

蔚蔚遼土典

王之都。國士雲從。女德亦殊。卓哉孟母。克贊其夫。臣忠蹇蹇。婦順瞿瞿。同憂國恤。罔顧勞劬。有子惟賢。載續前謨。孝孫繩繩。用昌于吳。世篤忠貞。惟母之愉。

金文通公集 卷十六 吳母孟夫人墓誌銘 孝

黃母朱宜人墓誌銘

順治八年辛卯春刑部員外郎黃君自起奉

詔使浙東事竣還以便道省二親承歡未幾遂丁母宜人艱哀痛躃踊終七之喪念

君命在身不敢以讀禮故委諸草莽仍竭蹶趨

朝告成事而後居憂因具述宜人狀告金子求爲之誌

其墓而系以銘以宜人王母余族姑也凡宜人之可

誌者皆余所悉也余其何能辭焉宜人爲單封刑部

員外郎介石黃公元配姓朱氏世居茗溪稱望族曾

金文通公集卷十六 黃母朱宜人墓誌銘

卷十六

黃母朱宜人墓誌銘

三

王父萬曆庚辰進士刑部郎中雪峰公父文學右雪公王母金氏母沈氏皆出名閥介石公母亦係沈氏嘗往還母家見宜人賦性溫醇慎容止寡言笑年未及笄莊謹如成人若得爲黃門婦他日必賴之光大其家遂謀字介石公比及于歸事雙白之翁若姑曲盡色養飲食起居須宜人乃安介石公昆仲六人祖遺不甚饒析之爲六產益薄宜人勤約自持每脫簪珥躬蠶織以佐介石公之拮据經營力恢世業介石公性坦率遇外侮能置勿較輒弭怨隙下至臧獲有

不當意未嘗寬假假然不事訶責皆宜人左右調護

有力焉先是舊址湫隘與兩伯氏同居繼新堂構仍

與叔氏並爨盤飧餽遺有無相共先後四十年間伯

叔如妯娌始終內外無間言族戚有窘乏孤苦者必多

方周濟卽傾橐中裝贍之勿靳有兩兄早歿子皆幼

見必涕泣嗚咽撫而教之不異已出黃君自七歲就

外傳以及長而能文好交游凡師友酒脯之供宜人

願指取辦罔有弗給顧自奉則食糲衣敝泊如也通

釋氏書擘畫家政之暇常焚香持誦不羨紛郁及黃

金文通公集卷十六 黃母朱宜人墓誌銘

卷十六

黃母朱宜人墓誌銘

三

君成進士除比部宜人誠曰兒筮仕西曹司天下刑獄于公平反門閭克大能以寬恕居心慈祥謙獄我無憂矣兒謹識之黃君佩服慈訓一如歐陽永叔承其母告以治官書之言于是聲赫西曹行將列清華首選而宜人以中年勞勩得痰症日從漸劇卒以是革遂貽黃君以罔極之深痛也嗚呼惜哉然則宜人少以女德見重于其姑繼以婦道克相其夫以大厥黃氏之家聲終以母道教子有成爲名法曹而周旋于妯娌族黨之間情誼洽摯以及下御臧獲輩慈恕

有體悉協古賢淑之內則是皆宜人之可誌而傳者也。宜人有子三。長卽自起。己丑進士。刑部員外郎。娶沈氏。二尹雲湖公孫女。繼周氏。封廣東嶺西道右叅議雲卿公女。次自泰縣學生。娶申氏。乙未進士思愛公孫女。次自觀府學生。娶沈氏。文學仲葆公女。女一適丙子舉人沈雲陽公孫洪祚縣學。孫三。長元瓚。自起子聘庚戌進士河南按察司副使仲庚吳公子太學生封工部虞衡司主事載穎公孫女。次元璿元瑜。自泰出。俱未聘。宜人生于萬曆甲午年二月十日。卒于順治辛卯年七月十三日。享年五十有八。今擬卜塋于吳江縣震澤之新阡。銘曰。

金文通公集

卷十六

黃母朱宜人墓誌銘

三

笠澤之南佳氣鬱盤。爰旌母賢。奕奕彤編。既昌其後。何必上壽。既永其名。歿也猶存。

叙次質實不用不可識之字。順理成文。宜有金石

之壽。○荆川先生于諸家墓志有變有貫。知貫字

義方許讀此等文。

陳百史先生評

誌女德字字確據。無溢詞。至總結處如層雲疊嶂。

極文章之妙。

孫北海先生評

敕封孺人侯氏墓誌銘

晉陵秦太史留僊。於余有一日之雅。氣誼篤甚。將以康熙四年乙巳嘉平月。塋其母侯孺人于唐山灣之新阡。而以以新先生手疏行畧。偕伊弟仲叔季三人踵門來請銘。余讀先生之言曰。吾妻姓侯氏。侯之先世多名德。又世顯貴。太僕卿少芝公諱先春。爲孺人王大父。戶部主事澹泉公諱鼎鉉。爲孺人父。母安人華氏。于萬曆丁巳二月二十五日生孺人。年十八來歸。生四子。長松齡。以大宗出。繼先兄文林公。後次松期。松喬。松如。女四而殤者三。以順治庚子八月內。覃恩疏請移封本生母。徵

金文通公集

卷十六

封孺人侯氏墓誌銘

三

俞旨封孺人。嗟乎。吾欲稍述孺人之生平。悲不能自止。

吾垂老矣。而不能與孺人偕老。四子皆成立矣。女嫁

矣。不能見其盡省成立。見其嫁。嗟乎。吾至今而益悲

也。孺人之未歸吾也。祖母王太君親教之。太君少而

守節。教子及孫成進士。兩受旌于朝。通國稱侯節母

云。于諸孫中。絕愛孺人。謂其類已。及于歸。後先君子

所捐館舍。時吾方輦筆在疚。便任家事。內憂外患。杳

至紛起。孺人柔婉性成一味以鎮靜佐我。且時時爲之解慰曰。是何足慮。在我所以自處何如耳。卒之潛消嘿奪。孺人之力居多。歲辛巳。不戒于火。先君子柩尚處堂中。火及于甯。先母號泣欲以身殉。孺人衝入烈燄中。率先童僕手自扶擗。僅得免。比吾以掃先大夫墓在外。非孺人則禍有不忍言者。先母恒多病。孺人藥餌必親。飲食必親。靡有後時。先母性嚴重。意有不可。或竟日無笑語。孺人側行却立。若無所容。必待意解而後卽安。凡奉事先母者幾三十年。未嘗見其

金文通公集

卷十六

封孺人侯氏墓誌銘

三

過失。孺人亡而先母日夜悲泣。追屬續之夕。猶呼孺人不置。嗟乎。此可以觀孺人也。已其事。吾甚敬家無巨細。經理靡遺。然必向吾取進止。未嘗專決。客至命酒。必腆以旨。甚至躬親庖湔。必當吾意。乃喜。吾每多外侮。內父澹泉公實終身覆翼之。而孺人未嘗有幾微德色。凡若此者。皆人情所甚難。其于諸子。雖甚愛惜。有過必加訶責。松齡成進士。官翰林。手書戒之曰。勿以年少驕人。年少易爲人重。亦易爲人輕。汝思爲人所重者哉。又曰。勿念我。汝能勤職業。答

君恩。卽所以報我也。其明于大義如此。持身持家。一以勤儉爲法。躬親織紉。晚寢早作。閭閻之內。規程井井。二十餘年如一日。性樸素。首不飾珠璣。身不御紉縠。親戚族黨之困乏者。歲時必厚卹之。又設糜施。樁以濟貧。且死者。日若不足。孺人平生無大病。祇因秉家勞瘁。髮蚤白。飲食減少。復以齡兒在宦。卽恐不諳世故。常以爲憂。戊戌。松齡假歸。歡聚一年。自謂精神漸旺。不意庚子秋。松齡北上。不越一月。遂病。病遂不起。嗟乎。孺人有四子。松齡旣之官。松期復就試金陵。永

金文通公集

卷十六

封孺人侯氏墓誌銘

三

訣時。僅兩幼子在側耳。嗟乎。傷哉。吾垂老矣。四子皆成立矣。女嫁矣。而孰使吾無憂無病。以至于老。使四子一女得以皆成立。得以嫁者乎。此吾之于孺人。至今而益不勝其悲也。余讀先生之言如此。不禁擊節歎曰。有是哉。孺人之內行純備。抑至此也。其著有女德也。則甚愛于其節母之王太君。以爲類已。其著有婦道也。則移其孝于王太君者。孝事姑嫜三十年如一日。以致太孺人屬續之夕。猶追思連呼不置。其著有妻道也。則相夫子秉家督。值內構外訏之際。一味

佐以和柔鎮靜而琴絲就緒家卒以寧其著有母道也則撫育四子一女皆克成立長子官翰林手書戒勉諄諄以讀書稱職報

君恩爲言教諸子亦必引繩切墨不稍寬假至其孝能格天不惜焦頭爛額手擗翁柩于烈燄之中俾祝融爲之退舍先靈得以晏然此尤其賢能之大較者者也若夫儉足以維風勤足以樹範禮母稍缺于親朋敬母稍戾于夫子惠必遍周于族黨施必首及于饑寒甚而掩骼埋胔澤逮枯骨在他人爲閭則之卓然金文通公集卷十六封孺人侯氏墓誌銘圭而驚爲罕見者于孺人直細行耳嗚呼賢哉秦孺人也明理達義沉幾遠識雖學士大夫有所弗如也余何能悉書書先生之言如左其亦可以傳之不朽也已爲之銘曰

女德婦道純備無二令妻母師今古誰比宜有壽也四十有四宜其福也綸綍初賜天可問耶似盈而忌不可問耶其後正熾蔚蔚高原坤儀佳地煌煌管形光昭睹記金石銷兮名永賁歲月遷兮人彌企

烈婦陳氏墓誌銘

康熙四年乙巳正月十有一日吳縣塘村坊者袁七妻陳氏以節烈死雷轟一郡諸人士爭爲詩文詞弔輓息齋老人聞而嗟歎不置爰詢其狀而爲之誌其墓曰余嘗職舊史氏惟史挾幽表微若僻隱寒賤窮簷匹婦其節烈幽光足以激揚風俗砥礪貞淫者尤宜亟書謹按烈婦姓陳吳縣穹窿山塘村里人生長農家稟倩姿性茹貧苦有富人以選適室請堅辭不允年十九歸村之坊者袁七不逮事舅姑每祭享必金文通公集卷十六烈婦陳氏墓誌銘圭竭誠盡孝生一子甫匝歲夫以傭作數出陳攜子獨居蕭然土室中簾門不蔽每出入樵汲于山隈水畔不苟言笑比隣惡少周二伺其出輒調之陳正色拒者屢矣一日薄暮叩陳門借名乞火將犯焉陳大聲詬呼乃得脫因趣夫歸具告之故曰必徙居乃可否則惟有死而已夫曰我貧將安徙汝曷以刀自衛也婦唯唯識之未幾袁又傭木瀆里陳枕刀備焉歲正月十一日夜方闌惡潛身啓鍵入婦驚起昏黑中倉猝披衣半臂未掩卽揮刀所之中惡左手傷皮肉

髮處遂氣絕復

血汚滿衣倉皇

走至安山橋惡忽見紅霧四合

遂迷所之爲邏

所得之理烈哉陳也古今來凡

爲人父者未有不

子爲孝子爲人君者未有不

願其臣爲忠臣爲人夫者未有不願其妻爲貞婦而

卒之父不能必得之于子君不能必得之於臣夫不

能必得之于妻比比是也不意一坊者竟得之於其

金文通公集

卷十六

烈婦陳氏墓誌銘

妻

妻而臨難不苟免捐七尺如諾片言慨然以一刀還

報夫命有如此其激昂奮迅義不返顧也嗚呼舉宇

宙間禮義廉耻四大防炳炳烺烺于蓬華昏夜之中

日月而鏗金石是真可以訓天下之爲人子爲人

爲人妻者已其烏容使之湮滅不傳哉烈婦生于

月日卒于康熙四年正月十一日年二十

歲子爲其隣張氏所鞠蒙撫軍韓有雖

立碑旌獎余是以奮筆誌之而系以銘

有之傷惡右掌肘惡憤益

惡遂捉刀還砍陳胃脇

惡亟歸謀諸弟弟見其

鬚眉有農家女小星堅辭甘匹備作

有狂且蕭門屢窺徒居弗克佩刀自縱

霜雪凜持倉猝發難白刃星隨雖中惡臂

摧玉碎碧血淋漓山谷震動神鬼號悲

絕等夷巍巍穹窿方之爲卑縱垂青史

曷殫其詞仰觀日月芳名並之

金文通公集

卷十六

烈婦陳氏墓誌銘

妻

吳江沈烈女墓誌銘

烈女沈姓松陵世族裔祖諱法號嗣源父諱樞號中垣皆邑庠生女生長德門夙嫺閨訓足不踰閭鄰婦亦罕得見乃鄰園有惡少鄒文宰者因伊父鄒濬與沈平時識面探知女有殊容陡起淫心于本年九月二十七日昏黃時候乘女父往鄉母又寤產宰色膽包天遂踰牆潛入直逼寢室時女猶刺繡熒熒一燈忽聞門響亟呼有賊宰橫以手淹其口女憤極卽以架上繡刀自刺喉幾斷矣比家人驚起逐賊宰遑遽金文通公集卷十六吳江沈烈女墓誌銘五
欲遁爲沈僕湯信邀而擒之亟卸衣帽其立責狀求釋而宰之居停某于沈爲內戚陽勸陰縱宰遂遁去及家人還至內房看視則女已血流遍體仆地不起矣女家猶延醫療治女誓死拒醫至七日而絕時十月朔五日也嗚呼古來忠臣義士炳耀史冊千載而下猶令人欷歔憑弔咨嗟慨慕之不能已已者惟是臨難不苟免毅然一死之爲難耳此在鬚眉丈夫中百不得一不意于閨淑得之且以利刃截喉者不一有求速死不得之苦有必欲死而後快之心視彼

割髮毀容截鼻務耳爲貞妻節婦女流中所艷稱不可及者方諸于此蔑如矣女死之時已屆冬令先是兩日大雷電卽日又冰雹雜下玉碎蘭摧慘動天地有如是哉烈哉女也上足以光

聖朝之風化下可以挽薄俗之淫靡吾邑而有其人其事焉洵足以傳也已女生于順治七年庚寅九月初九日卒于康熙五年丙午十月初五日年甫十七許聘顧氏未嫁將塋于吳縣仙人山祖塋之側尚未卜期同邑息齋老人向曾備員史職于節烈之事誼得金文通公集卷十六吳江沈烈女墓誌銘四
與聞因據見聞之最真者爲之誌其畧如左而系之以銘曰

天鍾淑範貞不可犯何物狂且敢闖其廬白璧難玷青鋒電閃有死無二綱常攸寄上震天心雷電陰森萬口歎嗟遐邇若譁天人協應烈魄彌亘具區汪汪芳名洋洋彤管莫罄日升月恒

金文通集卷之十六終

金文通公集卷之十七目錄

吳江金之俊豈凡著

贈文林郎吏科右給事中訥公嚴公暨配江孺

人合葬墓表

贈文林郎吏科右給事中訥公嚴先生傳

誥封正一品夫人嚴氏行畧

祭岳父端所嚴公文

金文通公集卷十七

目錄

一

祭貢士陸冰曦文

祭內兄嚴叔韜文

祭亡壻沈階六文

哀京兒文

哭寶兒文

痛兒世湣文

告蘇郡城隍詞

金文通公集卷之十七

吳江金之俊豈凡著

贈文林郎吏科右給事中訥公嚴公暨配江孺

人合葬墓表

吏科都給事中今候補卿嚴君沆。痛贈公當君未第時早捐館舍。迨君爲京朝官。距公歿且十年矣。廼蒙恩予假得歸。葬公于梅園圩之陽。祈于時銜哀致誠得

金文通公集卷十七

訥公嚴公合葬墓表

一

當世名公詳其贈公之懿德茂行。泐于墓。余亦爲之傳以應君之請。今君又將以其母江太孺人祔距公塋又十年。君旣悲太孺人之歿而轉悲贈公之墓木行且拱也。震悼猶新。復以合葬墓表屬余。余雖不文。其何忍辭。謹按狀。公姓嚴氏。諱敏。更名武順。字忍公。晚年復故名。易字訥公。別號餘人。係漢子陵後裔。父太常順菴公。諱大紀。公其仲也。兄弟三人。皆以文名。當世所號餘杭三嚴者也。公嫡母高夫人無子。母李生公與弟無勅同母。伯兄母楊氏也。公又撫于無子。

李氏蓋一堂四母。公兄弟事之如一。其兄弟友愛亦如一。皆穉齡而孤。相與篝燈夜課。窮經史。悲歡歌泣。靡所不合。公早慧。七歲爲咏蟲詩。年十四爲督學蘇紫溪先生所簡拔。名震十庠。公兄弟自是文重三吳。爲時名士。公每試浙闈不利。遂遊南雍。與方孟旋聞子將揚兆開諸先生講學。倡和牛耳詞壇。時文習久。剽多離經竊子。有江河莫挽之勢。公力追太始。首揚經傳。一去其支離浩汗之習。而制藝之文體一正。蓋自公始也。公又沉潛嗜古。好爲古文詞。靜謐遠到典金文通公集卷十七詞公嚴公合聖墓表二

史恒載以從事。分曹賦詩。傾觴極歡。殊有晉代竹林高致。公詩文既絕。所爲尺牘小品。取法東坡山谷。名言疊疊。饒有風致。又工書法。及六書各體。皆爲時重。至于琴奕丹青。無不探奇抉奧。尤留心當世之務。每曰。文藻雖工。而不適于時用。無益也。舉古今成敗得失。歷代沿革典故。皆如目擊。其人親見其事。燎然可指。諸掌其家法。森嚴子弟咸肅敬。無敢軼禮。時伯季之子曰渡。曰津。公之子曰沆。皆後先有國士之目。乃雍雍門內諒如也。是皆公之教也。平時周恤里黨。及戚友之乏絕。囊無長物。往往假貸濟之。辛巳杭郡旱疫。公爲勸輸賑給。全活甚衆。甲申兵起。公謀保餘杭。請于令。爲修武備。廣儲蓄。邑賴以安。惜哉。公不試于時。然丁明季末造。文教中衰。識者以爲運會風氣之懼。而公以一韋布振起其間。遂力還醇雅。如唐之韓愈。宋之歐陽。使天下之人。拊心抑志。咸師宗之。昔人有推韓愈孟子功。不在禹下。而公亦能挽之。如是。終以抑于當世。不克一展其才。僅稍稍見于救荒備患諸小節。然公自是亦足以彰其梗槩已。甲申聞鼎湖

之變北嚮號慟卜築西溪河渚。槿籬植菊。環以竹。逕作採菊吟三十二章。每棹槳扶筇。領七十二賢峯之勝。因題其室曰聊度。蓋取王無功聊度世以逍遙之意也。公既純孝。篤摯。歲時伏臘。享祠展墓。每抱痛太常公之早背。于四母之家。贈遺周恤。母稍異同于其間。爲慈母服三年。哀毀斷葷酒。如同所生。兄印持公卒。號慟骨立。爲百憶詩。酸楚動人。弟無勅。旬日不見。管中夜起坐。念之不忘。此公之忠勤孝友。不克徵爲世用。而至性不移。大節細行。固或稍渝。殆勝于履富。

金文通公集

卷十七

詞公嚴公
合墓墓表

四

貴席寵祿者有如此。公早年問禪于雲棲。獲悟無生之旨。每與聞谷慧文。紹覺諸尊宿等。結方外友。武林禹航諸名利。悉藉公爲外護。四十年如一日。晚值多難之會。嘗匡坐晏如。了不加意。季子渤弱冠多才。遭亂殞于逆旅。公愴然曰。聚散泡影也。悲歡電業也。靈臺幾何其堪此淪喪乎。蓋早已了徹幻緣。足以知公平時道德文章。確有領會。故能一死生。解脫形骸。臨險患而不亂。有如此公。既韜藏蘊抱。惟著書以傳。有焉文集。聊度居稿。積分襍著等書。數十種行于世。嗟

乎。傳所爲隱居求志。沒世名稱者。公殆其人也。歟。然則公之德業文行。肝腸氣誼。炳炳烺烺。于天壤間。可法可傳。公雖歿而實未常亡也。孺人姓江氏。杭之名族也。生而孝友。多讀書。明義禮。父文學叔洪公愛異之。擇所字。久而未得。嘗與贈公同藝學。最契厚。時贈公元配俞孺人早世。遂委禽焉。結褵之夕。贈公爲孺人言曰。從來人家父母不順。兄弟不和。皆由婦人而起。我家同居合爨。希踪古人。幸相黽勉。勿以稚年自怠。孺人亦具以庭訓所聞答公也。先是公嫡母及生

金文通公集

卷十七

詞公嚴公
合墓墓表

五

母早世。篤事慈母李氏孺人。色養惟謹。歿則執三年喪。盡哀。慈始有繼女適陸。嫁時營資遣送。撤已奩以爲裝。歿又撫其遺女。又爲陸女資嫁。其事慈姑始末如此。贈公兄弟皆孤貧。時相依倚。羣鹽課讀。孺人脫瑤珥爲資。身則骨簪練服。備針線以佐之。而公屢細進取。曾不稍爲芥蒂。公雅好賓客。廣交遊。信宿歡呼。瓶罍未嘗告罄。晚年公棄舉子業。爲名山之遊。結客攜朋。禪關花嶼。暢意流連。往往兼旬不返。不計家有無。孺人課子若孫。早晚勤事。至于澣濯縫紉。析薪槐

食伴屏居蕭寺絕無他營以擾其心其事公撫子既
能勉禮賓朋兼能教訓伯仲有如此庚辰辛巳歲屢
薦凶家屑糠榆以充腹而公家之食指故繁孺人之
拮据尤苦乙酉突罹兵燹嘯聚潢池焚掠時至孺人
于此離憂患中多方保濟時季君竄徙驚悸感疾而
殞孺人傷悼過甚且轉輾流移盜氛不息而贈公復
卒于餘杭之遷居孺人重感憂勞且叠嬰悲傷以致
成疾此其遭變亂歷艱辛獨力撐持于凶荒死生爲
丈夫子之所難能者有如此迨長君服官以來晉掌
金文通公集卷十七詞公嚴公合堇墓表六

刑垣端理

朝審孺人詔之曰汝家世仁德太常功在民生而父雖
不見用卽迪吉錄一書實不忘所志以立其言言足
善世汝今職封駁須爲所當爲可無佐

聖天子欽恤至意以廣乃祖乃父之遺緒耶自是給諫
若多所寬卹奏書每進

上覽而嘉焉多奉

俞旨此皆得之慈訓也嗣後或宦署閒居或千里致命
惟以服官盡職求爲人臣以盡爲人子之道雖古名

媛不過是孺人二子皆自乳抱曰吾非不能催乳勉
習氣漸染如古人胎教何故寧自勞苦耳及兩子長
而受書贈公每急于成名呵責幾過孺人且解且諭
聲與淚俱至于校莠試文慮蒙呵譴嘗丙夜以伺至
有徹旦未寢者視前後兩媳如子憐愛備至得一孫
男女卽爲之保抱攜持惟恐弱媳之勞乏以故兩媳
歿身不忘婉轉姑側皆以母恩難報爲言此其慈恩
可知已若夫周戚族御僕婢惠而有禮和多恕此
尤詳細節持大體敬恭以律已忠孝以誠後者又如

金文通公集

卷十七

詞公嚴公合堇墓表

七

此嗚呼按贈公于文教浸衰之季卒能抗跡壇坫橫
經講義俾學者知傳註守正學一切剽竊亂經之習
若迅風之捲秋箠功不可謂不高矣卒不能博一第
以大展其志至今學者傷焉若孺人佐公力業律身
以教其子子克有成矣更篤其孫身膺翟弗將一紀
而終天之報施善人寧有艾耶今長君受知

聖主成進士卽讀中秘書改授諫垣慷慨論列清論滿
朝而公之長孫曾渠復從中秘授給諫旋遷御史臺次
孫椿又讀孫吳書鷹揚盛世一時父子列臺諫之班

栢梧接武弟兄奪武文之幟揆奮齊踪倚歟休哉信
乎嚴氏之文名滿天下惟我公與孺人實振起之嚴
氏之功名亘奕世又惟我公與孺人實厚培之已余
故表而識之以俟後之採風者攷焉

金文通公集

卷十七

詞公嚴公
合葬墓表

八

贈文林郎吏科右給事中嚴訥公先生傳

嚴訥公先生諱敏別號餘人浙之餘杭人也嚴氏在
浙者皆漢子陵後裔遠莫可紀公始祖自姚江遷餘
杭世有隱德至高祖鳳山公曾祖朝陽公兩世薄宦
京師廬墓託焉公考順菴公諱大紀遂以順天籍登
嘉靖戊午賢書明年成進士守正仗氣節權執政引
與聯族拒之幾及禍居官廉敏有聲海歷藩臬廣惠
懷裕幹畧凡所至見德所去見思累官太常卿丈夫
子三公其仲也生而穎異七歲爲咏蟲詩句卽驚人

金文通公集

卷十七

嚴訥公先
生傳

九

年舞象受知蘇學憲紫溪先生與伯兄調御季弟勅
鼎抗家學海內有三嚴之日公夙矜標格爲制義力
宗正始不徇流俗營詭售屢詘省闈挾策游南雍所
善方孟旋聞子將楊兆開諸公皆當代名宿相與晨
夕切劘業日益進譽日益起歸與都人士訂交小築
山房牛耳壇坫英髦響附當是時明末造文習久刊
多雜經籍子襲僞畔真識者有蛙聲紫閨之懼雖南
國江右秦豫荆閩所在建旗鼓然兢兢江河莫挽公
獨與伯季氏振揚經傳排決衆流擴清所及如障百

川而東也。四方躡屣定交。舟車輻輳。而嚴氏之學遂大昌明于天下。公天資弘瞻。殫力博綜。尤能爲古文。詩歌出入騷雅。閑於麗則。性愛陶靖節。蘇州詩而清新雋逸。似公又過之。尺牘小品。則法東坡山谷。更加以天然藻綵。風致栩栩。令讀者心曠神怡。與伯氏俱擅工書法。正書行草及八分篆隸。無不臻妙。鑒別尊彝。幀素雅號博物。卽微而琴奕末技。亦必探奧窮幽。不造極不已。性喜飲。好客。多營秫。廣釀事。客至分曹賦詩。傾觴極歡。乃罷。生計有無不問也。然雖寄情

金文通公集

卷十七

嚴詞公先生傳

十

詩酒淋漓楮墨間。恒留心當世之務。凡古今成敗得失。及歷代制度沿革之詳。靡不竟其原委。較若列眉。有扣之者。響答不窮。中歲既困於有司。慨然謝鉛槧。不事。悉哀生平所著述。題曰焉文集志。終隱也。而益快其未發之蘊。以指授家塾。自伯季之子曰渡。曰津。及長。君沆後先成國士。爲海內所刮目。乃其教一本於正誼明道。不溺榮利。故自長君已卯舉於鄉。公車十餘載。食貧飭行。啜菽承歡。了無悴色。鄉人以真孝廉稱之。蓋養志然已。甲申聞鼎湖之變。北向號慟。憤

不欲生。因讀卜式傳。爲之掩卷低徊久之。自是以後。益絕意人間。卜築西溪河渚。顏其室曰聊度。蓋取王無功聊度世以逍遙之句也。爲槿籬竹徑。列植甘菊。其中作采菊吟三十六章。每風日晴好。輒棹槳扶筇。與樵童漁父。行歌往返。極目七十二賢峰。官然有遺世之樂。已而胠篋震隣。移棲禹航之古秋堂。睠懷河渚。鬱鬱發病不起。易簀之夕。猶正襟染翰。書論詩卷一筒。凡數百言。貽季弟。脩然而逝。噫。可異也已。公天性淳摯。篤行不倦。痛太常公蚤背。遇歲時伏臘。未嘗

金文通公集

卷十七

嚴詞公先生傳

十一

不嗚咽流涕。終身孺慕如一日。太常元配高淑人。有子而殤。公與伯季所自出。並他母撫公者。爲四母存養。沒哀。竭盡子道。靡有同異。甚而母黨之贈遺。賙卹。亦罔有厭倦心。于昆弟間。怡怡友愛。自墳簞藝苑。舉比譚經。以至遂初樂志。始終心跡無間。里閭中歎爲德門人瑞。志慷慨。不侵然諾。赴人之急。如救火。追亡事已終。不形德色。公交滿天下。尤與太末方孟旋。虞山王季和。嘉定李長蘅。爲道德性命之友。聞三君病篤。輒留時。皆不遠數百里。趨赴訣別。求之悠悠世道。

中豈可得耶。居恒和易接物。坐人春風。至引義責善。侃侃不同。有中心負曲者。踉蹌不敢令公知。爭比之王彥方云。諸凡販饑施藥。救死扶病。與夫掩骼埋胔。真孜孜爲善。惟日不足者矣。蚤歲嗜竺典。晚嬰世難。益津津無生之旨。廣扣禪宿。機緣冥契。當携家避地。荏苒屢警。匡坐晏如。了不爲懾。季子勑弱冠而才體素羸。驚心化離。遂病殞逆旅。公痛極三號。既而惘然若失。曰。聚散泡緣也。悲歡電業也。靈臺幾何其堪淪喪乎。嗚呼。公殆有進於道者乎。公學窺五際。既不及

金文通公集

卷十七

嚴訥公先
生傳

三

爲世用。以著書自娛。計公行藏諸集。不下百十餘種。自經史以及百家言。靡不有纂訂輯註。其著述之富且核。亦近代作者所罕有也。長君沆距公亡八載。始登順治乙未進士。讀中秘書。改授諫垣。以

覃恩贈公如其官。雖祿不逮養。而長君力學博文。能讀父書。筮仕卽著風節。今日旣爲名給諫。他日必爲名公輔。行將盡顯公之學于朝。且欲次第行公之文于世。有子若此。俾其學其文。其人並傳不朽。公亦可以無憾也已。

外史氏曰。昔人稱經師非難。人師實難。公愍末造文靡。兄弟相頡頏。以登扶大雅。比于韓歐。起衰視扶風。高密功廓如矣。乃其隱心質行。悟物化俗。又何讓太丘叔度也。當潢池乘亂。瞋目山城。勢幾立糜。公奮臂策保禦。安于覆盂。豈硜硜譚經家所優哉。儉德不試。以克開厥後。其所施有不可勝道者耶。夫積厚者其流光古志之矣。

金文通公集

卷十七

嚴訥公先
生傳

三

誥封正一品夫人嚴氏行畧

余正配一品夫人嚴氏。產自松陵世族。年十五。尚未
。因父文學端所嚴公。慎擇壻。鮮克許可。忽一夜夢
其祖先告之曰。有金姓來求婚者。必許之。當大昌。次
平適有媒至。告以姓氏。恰符夜夢。遂許婚焉。年十八
于歸。時先兩大人俱年踰六旬。余兄弟三人。尚未析
箸。余完婚後。卽各爨。輪奉菽水。夫人性孝謹。尤習操
作。凡女紅及中饋事。熟諳無遺。晨昏視膳。必竭盡心
力。無幾微弗當。先兩大人意。周旋妯娌間。惟矜惟和。

金文通公集

卷十七

一品夫人
嚴氏行畧

古

事余長嫂。猶事母。余爲諸生時。先大人督課甚嚴。每
至文期。徹宵旦不寐。夫人爲供脯羞。務極豐潔。恒脫
簪珥佐之。比余僥倖一第。歷官四十餘年。謹守寒素。
故我夫人亦依然裙布荆釵。自余爲中書部曹。及知
府兵道。歷任相隨。惟恐傷余之廉。一應飲食服飾。朴
儉是崇。歲壬申。先兩大人皆登八袞。余時爲楚臬。欲
乞賞捧差。歸里稱觴。會有兵事。未得請。夫人獨馳歸
上壽。兩大人歡甚。余執掌仕途。每疎定省。賴夫人留
家侍養。自是以後。不復隨任。終兩大人之天年。朝夕

承歡。靡有間刻。逮兩先人抱病。夫人虔奉湯藥。衣不

解帶。日不交睫。以故兩先人彌留之際。兒孫繞膝。獨
向夫人嘖嘖歎曰。賢婦若汝。真世所希有也。至于相
余相敬如賓。老年倍篤。居平燕閒。見必起坐拱立。詢
問饑飽寒煖。再三叮嚀。母失時。嘗諄諄語侍妾輩云。
我老不得追隨左右。汝曹當代我奉侍。萬勿拂其歡
心。視庶生子女多人。撫摩鞠育。不啻已出。凡余父黨
母黨戚屬。故舊歲時問遺。罔有缺失。從不以貧富炎
涼。稍岐初終。治門內外。井井秩秩。肅若朝典。而御藏

金文通公集

卷十七

一品夫人
嚴氏行畧

古

獲輩。則溫然慈煦。寒燠勞苦。體恤畢到。年未四十。卽
虔奉竺乾氏。絕葷茹素。已三十餘年。諸凡惠濟宗親。
賑施貧乏。卽囊空瓶罄。亦弗之吝。以至修葺道路橋
梁。莊嚴三寶勝事。爲德不可枚舉。甲申難作。南北間
阻。夫人痛余之厄。籲天長號。幾不欲生。繼而湖濱盜
賊蜂起。竄徙紛紛。獨夫人卓有定識。慰諭附近居民。
戒勿妄動。卒之雞犬不驚。一方安堵。已亥六七月間。
海寇突逞。遠近人心風鶴。余兒世濂。又公車來長安。
獨夫人在家。鎮靜如常。窮鄉恃以貼然。居民交口誦

之有女中丈夫之稱夫人之明道理識時務有男子所不及者類如此歲已亥夫人患腹疾兩目失明余爲陳情乞假蒙

先皇帝恩允開余之歸驚喜疑夢十載別離一旦歡聚病遂霍然兩目重明其一年余假滿赴京泣謂余曰感荷

聖恩使我兩人白首夫妻久別再逢更復何憾慎無以我爲念也嗚呼痛哉不意其遽成永訣也夫人享年六十有七叨沐

金文通公集

卷十七

一品夫人嚴氏行畧

六

恩綸封一品夫人迄不知其爲何物金珠統綺爲何用其爲婦德婦行亦可想見矣余哀楚中未能詳述爲狀聊綴其概云爾

祭貢士陸水曦文

嗚呼哀哉從來天道之不可問而人事之不可知者莫如才人弗獲以才顯往往蘊其所蓄偕腐草同燬而善人弗獲享有遐齡甚而欲易簀牖下與夫妻子母一攜手面訣而不可期嗚呼哀哉此兩者皆人世之大可悲者也天乎天乎胡爲萃我水曦以言其才鎔今望古能文能詩藻思雲流奇字泉湧彷彿乎機雲之可追以言其人入孝出悌行矩言規人喧我寂人競我夷族黨目以爲亢宗而朋執欽之爲羽儀戊子秋試已合于主司尺度命之北辰既收而復遺及辛卯來貢于

金文通公集

卷十七

祭貢士陸水曦文

七

廷哀然高等攷之選格當除爲李官顧志期乎兩榜益發憤以下帷少司馬金公聞而賢之俾其子若弟執經問難疑皆響答問必實歸甫旬日主賓師弟相得甚怡胡天不弔陡嬰二豎遂致盧扁却走參苓罔施嗚呼哀哉三千里外白髮萱堂方將聞

廷試之高等而喜又將聞館穀之得地而喜屈指秋闈更擬倚閭望捷而喜詎意喜之忽變爲感也凡在遊

從無不涕泣而歔歔。況乎寡母弱妻與幼子。其能弗腸斷而肝摧。嗚呼哀哉。才人也。宜顯而屯。善人也。宜壽而促。天道耶。人事耶。胡爲至于冰曦而兩不可推。雖然。事理之難推者。自古如斯。冰曦終日。讀易明于憂患之數。其亦可以曠然于死別。生離。嗚呼哀哉。尚餐

長句用韻數句用韻。此法自退之祭田橫來。陸生得此文。可以爲壽。陳百史先生評

金文通公集

卷十七

祭貢士陸水曦文

六

祭岳父端所嚴公文

維天啓三年歲次癸亥九月戊子朔越九日丙申。子培金某謹以瓣香絮酒。撫岳父大人之靈而哭之曰。嗚呼痛哉。翁何人斯。而可以死耶。人生蠓蚶總歸一夢。夢有長而功名事業。子女婚嫁。無一不了者。可以死。夢有短而垂露在手。流雲過眼。百無一了者。亦竟可以死。乃翁則有了而不了者。若之乎。可以死也。翁年踰中壽。匪云夭矣。然上有八袞之老母。箴箴在堂。顧翁所奉養。惟虔視飲食之進止。爲啼笑覘顏色之

金文通公集

卷十七

祭岳父端所嚴公文

七

忻悴爲悲歡者。竟勿克大展其孝思。而溘焉棄捐。此翁之不了者。一翁玉樹盈堦。行且聯翩鵲起。匪莫傳矣。顧翁之性資絕世。爲時羽儀。上而經史。下及稗官。野乘靡所不研。以至揮毫洒翰。咸羨鍾王再世。米蔡比肩。乃屈首黌序者三十餘載。未揚眉吐氣。一試其用。而徒困于時命之迍邐。此翁之不了者。二翁之田園廬舍。壘舊營新。亦既有以蔭後而紹前矣。顧翁自弱冠失怙。卽秉家政。大者撐持門戶。里役細者綜核米鹽。甕盎營營半生。幾于疲精消骨。廢餐忘眠。而尚

有一女未字一子未婚如治絲者。緒將半而終止。焉此翁之不了者。三嗚呼痛哉。翁有此不了之大事。三而可以死耶。聞訃之日。黃童白叟。以及婦人女子。無不容嗟涕洟。號慟欲絕。是豈無因而然也。蓋翁之爲人。披肝吐膈。無論賢愚而樂與周旋。賑孤卹寡。匪以爲俠。而惟義是先。又善解人之爭。息人之鬪。而親戚里黨。咸倚重如魯連。况與小子幸忝館甥。翁之愛之也。如子教之也。如嚴師篤友。予方未有以報稱萬一而一旦棄予長逝也。能禁乎涕洟哉。予所恨者。翁之疾匪不可療。而卒犯知醫不治之一言。嗚呼痛哉。今日哭翁之日。翁誕之日也。謂宜偕子婦。牽兒抱女。捧觴爲壽。而不意竟以此酒臨翁之几筵。予也有衷萬斛。有淚千滴。而不能起翁于九原之下。徒撫膺而問天。然予視兩舅。決能了翁所不了者。翁亦可以無恨于重泉。嗚呼痛哉。

金文通公集

卷十七

祭岳父端所嚴公文

干

祭內兄嚴叔韜文

嗚呼痛哉。吾叔韜兄也。兄年止五十七。少于我十有三齡。且稟質素強壯。胡爲乎嬰疾甫旬日。而館舍遽捐。所生丈夫子五人。女子六人。纔婚其三。嫁其四。尚平之累。猶半存其全。又胡爲乎脫然永逝。而忽遺少子。幼女孤苦伶仃。致旁觀者目觸心憐。傷哉貧也。雖芝蘭繞砌。幸有先生可讀之遺書。而藐孤嗷嗷。竟無數畝可耕之薄田。將來其奚以供饘粥。支婚嫁。而慰吾兄于九泉。嗚呼痛哉。吾爲之俯仰歲時。追維往事。

金文通公集

卷十七

祭內兄嚴叔韜文

主

兄之肝腸興致。宛宛盡在目前。而愈不禁夫涕泗之漣漣。當我之初爲嚴氏館甥也。兄甫七歲。嘗偕汝姊歸寧。飲食宴笑。周旋不舍。一如幼弟之事。其長兄覺愛敬之油然。及我叨列仕版。每宦遊遠歸。兄不艤舟維揚。則必杖策錫山。携諸交親。具卮酒烹肥鮮。殷勤款曲。勞我于水之涯。山之巔。猶憶歲在癸未。時余督軍昌平。日夜驅馳戎馬中。兄不辭險阻。單騎來視。相與促膝浮觴。備極情意之纏綿。繼余量移樞貳。携手入都。甫度歲而流氛孔熾。烽火直逼幽燕。我旣執掌

之不暇兄亦歸計之如煎未幾京城難作兄舟逆抵臨清聞信輒撫膺長號度余之必死恨不北遡而言旋比余劇受賊掠濱死者數四卒愧未能一死以副兄節義期我之奉奉已而

皇清定鼎復慶余之再生因破涕爲歡恒勸我以朋霞友煙至順治己丑歲余得請休沐兄逆我于毘陵道中恍如隔世重逢無日不肩隨而流連乃聚首方浹歲余又祇畏簡書而星言夙駕從此羈遲宦邸一別十年此十年中余凡七疏陳情順治己亥秋恩蒙

金文通公集

卷十七

祭內兄嚴叔翰文

三

先皇帝報可兄喜而逆之無錫北關綢繆繾綣尤視昔有加焉兩人瞻對余固頽然老矣兄少我十三歲亦龐眉皓首而頓削其顙因歎人生百歲幾何那堪十年一聚散余是以不忍判兄之袂兄亦懶策我鞭居亡何余又以王程嚴督仍覲顏小草不意去年秋八月突罹兄姊之變問疾視殮兄皆代我仔肩比余一聞訃音顙請歸里兄心傷姊氏之不獲我訣又幸余之撫棺一慟悲喜交頤一種懇惻至情更難以言宣嗚呼痛哉兄之鬢雪齒搖似乎較甚于昔而笑語如

故酒酣耳熟豪情逸興如故未嘗見有二豎之爲難今年春三月同往曹村看牡丹昆朋滿座兄獨叫呼痛飲斗酒一吸咸歎謂年少弗如豈料其已將辭世而長眠嗚呼痛哉兄瓶無粒粟囊無剩錢而客至必款款必豐腆興盡壺傾始放客還遇人有急難爲之多方排解卽罄典周恤有所弗計此又其慷慨之出乎性天者也嗚呼痛哉易簣前一日體雖憊而神甚清猶執余手出所服藥餌相商未嘗以兒女子故囑嚟一字得無歸全聞道而斬斷多生來一切恩愛情緣也乎靈如有知來泣茲筵尚饗

金文通公集

卷十七

祭內兄嚴叔翰文

三

祭亡壻沈階六文

嗚呼痛哉吾壻階六也。自古皆有死人孰無死而階六獨未可以死也。未可死而奈何竟以死聞也。其夢耶。其果真耶。嗚呼痛哉。夢且不可而况乎果真耶。謂年方強仕功名未就而終其身掩抑太學竟賁志以歿爲可痛耶。窮達有命不足爲吾壻痛也。謂男婚女嫁大半未畢而一旦中道棄捐徒以夢絲亂緒卒之未亡人一身爲可痛耶。修短有數不足爲吾壻痛也。所痛者上有七十三歲之萱堂堅守五十餘年之苦。

金氏通公集

卷十七

祭亡壻沈階六文

吉

節曾以婦兼子事其翁若姑曾以婦兼孫事其太翁若姑又曾以母兼父教其子又曾以母兼祖教其孫有如此之萱堂在上而奉養未竟慈恩未報其何可以死也。乃因愛子之暴傷一慟欲絕遽罹不起之疾嗚呼痛哉太夫人曾代孫以哭其太翁若姑曾代子以哭其翁若姑今又以母兼父哭其子卽行道之人聞之無不傷心酸鼻而况爲吾之館甥者三十餘年也其能不撫今追昔爲之嚮風而涕洟憑棺而長號也。嗚呼痛哉憶余長女之于歸歲在辛未春二月時

余于是年四月內赴星沙備兵任嗣聞吾壻吾女哭

瑟甚諧使吾夫婦遠遊宦所獲免內顧憂不意甫及暮年吾女遂厄產難聞吾壻當日之悲悼也甚于吾夫婦之間計推肝然猶幸而舉一子吾壻見其子如見吾女因追念吾女益敬愛吾夫婦二人庶幾吾女雖死猶生也甥在卽吾女在也又不意甥甫數歲復爾歿嗚呼痛哉至是而吾女其真亡也已以恒情處此驚鏡重新螽斯別衍欲情文之纏綿始終勿替胡可得也乃吾壻之敬愛吾夫婦也一如吾女之未

金氏通公集

卷十七

祭亡壻沈階六文

吉

嘗下一如吾甥之至今在歲時伏臘惠問必周吉凶婚喪慶賻罔缺且不惟無忘夙好而綣繆有加更締新媾又以繼配凌氏所生女妻吾孫祖彭卯翼之猶子焉吾每出而宦遊則必買舟携樽不遠數百里祖送每歸故里則必迎勞如前凡三十年如一日辛丑秋八月十二吾婦嬰疾長逝時吾方滯跡長安弗獲親視含殮中夜刺心聞吾壻蹣跚致哀與子無二嗚呼痛哉吾壻階六也事母極孝待親族里黨極厚與人接物極誠下而御臧獲輩極慈且恕爲人若此未

應遽死。有苦節之萱堂。在上未可遽死。而今竟死矣。其非夢矣。其果真矣。謂福善之天道。何吾惟有仰天。捶胸而已矣。嗚呼痛哉。雖然。吾壻雖未可死而死。然有丈夫子四人。孫男二人。必能代吾壻盡力于萱堂也。其亦可以瞑目于重泉也。夫嗚呼尚饗。

金文通公集

卷十七

祭下壻沈
贈六文

手

哀京兒文

嗚呼痛哉。吾兒京郎也。計汝之與吾相依。纔兩週八月。有奇耳。遽以痘殤。嗚呼痛哉。汝生而聰慧可人。廣額疎眉。善笑語。飲食動履。與成人等。微獨吾與汝母愛汝。汝兄若姊愛汝。卽路人見之。亦無不愛汝。方冀成長。以興我家。而今竟殤耶。其夢也。其信然也。嗚呼痛哉。我出則汝問我何往。必目送我上馬而後退。我歸則汝問我何來。必含笑而牽我衣袂以入。及我偃息齋中。涉獵文詞。則汝必叩門披幃。問我何爲。今我

金文通公集

卷十七

哀京兒文

手

之出也。還顧馬前。目送者無有也。我之歸也。注視門內。笑迎者無有也。我之退而偃息也。側耳披幃。叩問者無有也。其信然矣。其非夢矣。嗚呼痛哉。豈愛汝者多。反致汝之殤耶。則汝何不生而醜劣愚騃。令父若母憎汝。兄若姊憎汝。執途之人。無不憎汝。而少延其生耶。抑汝本應長命。而誤爲庸醫所殺。適符內典所云。九橫死之一耶。嗚呼痛哉。于天平何怨。于人平何尤。反覆循省。實我之不德。有以促汝之算也。痛哉痛哉。自今以往。汝之形勿復令我記憶可也。汝之魂併

勿與我夢相接可也。我旦晚倘得請還里。汝隨我上
祖先墳墓。祖父祖母在焉。必憐汝。護汝。汝其有所依。
而晨風暮雨。可免驚怖矣。嗚呼痛哉。吾兒京郎也。時
順治六年己丑二月望日。

此豈讓韓子十二郎李子寄寄文耶。子殤一子泣
不成聲。乃夢先生與我同戚。竟有京公子之變。兩
人官同心同而傷心事亦同。讀此泣下沾衣也。

百史先生評

金文通公集

卷十七

東京兒文

哭

哭寶兒文

天乎天乎。我哭汝京哥。纔幾日而今又哭汝乎。嗚呼
汝與京哥。皆我患難後所生。我思汝祖父祖母每形
夢寐。而十年不得一上墳墓。我思汝三哥世濶好學
能文。年甫二十一而歿。在再五年而我不得一視孤
孀寡。我思汝大伯父。係我白首長兄。少嘗北面師事
之。不比尋常手足。今歿已三歲而我不得一憑棺慟
哭。我思汝嫡母在家。絕葷茹素。虔修三典。仍力督家
乘課子。訓孫。亂離之餘。驚憂萬端。撫汝胞姊大如。如

金文通公集

卷十七

哭寶兒文

哭

已出。蚤暮未嘗一刻相離。而我未得一歸慰問勞苦。
凡若此者。我之愁緒填胸。而猶強開笑顏。聊遣時日。
藉汝與京哥在。使我破涕為懽也。今一日相繼殤逝。
天乎天乎。誰為解我愁緒乎。汝年雖不及週。而聰慧
可人。與京哥等。每見我出門。則必目送而號。及我歸
家。則雙手撲我懷中。而嘻笑不置。嗚呼。今何在。乎。號
者。嘻者。竟杳不可得。乎。汝從此朝饑誰乳。暮寒誰衣。
乎。抑汝與京哥兄弟相依。得以無驚無恐。乎。顧獨不
念汝父若母。眼傍寂寥。晨昏酸楚。將何以開笑顏。而

遣時日乎。雖然誰實鞠育。而使汝至此父母之罪也。汝何咎乎。天乎天乎時。

順治六年己丑三月朔日

如風雨中與骨肉語。生死事悽惻。不堪再讀西河之痛。正以一痛傳膝下。有此人。也。又幸矣。

陳百史先生評

金文通公集

卷十七

哭賈兒文

手

痛兒世湣文

嗚呼痛哉。吾兒世湣也。吾五十九歲生汝。今年七十有五。汝纔一十七歲耳。胡爲遽撇吾而逝也。雖少者歿而老者存。世間恒有此顛倒可憐之事。獨念汝年雖少而存心仁厚。發言循理。儼然老成。氣格遇尊長。故舊無親疎。必加敬愛。念貧窮孤寡。卽乞丐亦生矜憫。下而御左右童僕。縱不如意。亦未嘗訶詈督責。卽兄弟子姪。尋常笑語間。亦從無輕浮刻薄之一字。宜乎非歿者相也。胡爲其竟歿也。嗚呼痛哉。汝于九月

金文通公集

卷十七

痛兒世湣文

手

二日。從我上天目山。猶奮足登臨。顧視楓葉。快未曾有。于初六日。冒寒發熱。遂抱病還家。延醫調治。已于九月念二日。能飯。我心喜甚。因于念七日出門。往鄉掃墓。不意汝于念七夜寒熱交作。家人云。宜亟追我回。汝正色止之云。追必父驚。且祭掃大典。祖宗賴有子孫者。以此若因我病。請還祖宗。要子孫何用。嗚呼痛哉。此真我孝子慈孫之言也。汝平日敬信三寶。猶憶汝觀曇花酒菩提等傳奇。卽羨慕其人其事。嗟嘆不置。似于富貴功名。了不介意者。病篤時。特請施鍊。

師榻前譚道凡四書。語語會心。初六早連雨。師漫應以寅時。汝曰我午時要去。師行盥漱。汝即呼父呼母前連叩稱謝曰我去矣。隨合掌念佛而逝。所謂正念分明。捨報安祥者。不是過矣。嗚呼痛哉。此實爲父母者。薄德累汝。汝何以謝也。我與汝同歲。完婚後到京授職。將來年日長。識見日進。必能無愧。傲于人。肯爲善。手里爲我培養元氣。爲祖宗總。澤而何以竟付之一夢也。嗚呼痛哉。我反覆尋。竟是我受親恩不能報受。

金文通公集

卷十七

痛兄世滯

三

君恩不能報受

天地佛祖之恩。不能報。浪擲浮光。虛糜家食。濫膺非分之福所致耳。我是以和淚點墨。聊述汝概。盡餘生之咎。自警。而且俾後之觀者。知汝之有道。氣無童心。實堪悼。非我之溺于舐犢。而槩等之爲老年愛少子。則汝亦庶幾瞑目于重泉也夫。

告蘇郡城隍詞

神之靈爽。赫奕一城。賢愚貴賤。競凜威名。晦明風雨。禱祀雷轟。賞善罰惡。証愆律令。百司弗逮。維神莫京。謂宜俗美。息其囂爭。胡彼咄咄。惡習靡更。好鬪好訟。智力縱橫。誣盜誣命。產蕩家傾。報怨報仇。焚香矢盟。貪色貪財。告神而櫻。凡若此類。實厭神睛。神豈弗怒。或俟其盈盈。則罰重。

上帝亦驚。敢告我神。報應速明。庶幾痴頑。震聾聵盲。善因知勸。惡亦心忤。革澆還醇。王道平平。

金文通公集

卷十七

告蘇郡城隍詞

三

金文通公集卷之十七終

金文通公集卷之十八目錄

吳江金之俊豈凡著

講筵恭紀讚

關夫子讚

姪女金氏苦節讚 有序

五人讚 附批五人家屬手摺

佟方伯待漏圖像讚

金文通公集卷十八 目錄

佟方伯小像讚 又題

贈大中丞夏公像讚

給諫王雪洲像讚 又題

給諫吳梅麓像讚

忘菴胡先生像讚

安大叅待漏圖讚

大叅安鑄翁像讚

約齋羅臬司像讚

塗衡宇先生像讚

塗雲鵬先生像讚

金浩然像讚

毛休文像讚 再題

金孟升像讚

彭蒼侯像讚

心達伯兄像讚

潘現亭像讚

顧仲書像讚

閔少江像讚

金文通公集卷十八 目錄

蔡長卿像讚

孫寬橋像讚

沈仲明像讚

沈仲明雙壽圖讚

張子遊像讚

朱化凡像讚

沈朗仲像讚

臬長劉公像讚

張公琰小像讚

趙叅將像讚

方伯羅約齋像讚

張鄰曾像讚

胡祥甫像讚

金文通公集

卷十八

目錄

三

金文通公集卷之十八

吳江金之俊豈凡著

講筵恭紀讚

臣之俊於四月十二日入直辦事獲讀講臣王熙曹本榮講筵恭紀因

上覽憲臣魏喬介疏奏惡俗溺女事深軫

睿懷爰于講次垂諭諄諄臣捧讀未畢不覺哽咽涕零

金文通公集

卷十八

講筵恭紀

一

仰見

堯仁如天既憫惡習之忍殘亟行法禁又虞科條之顯督遽難革心欲使愚癡狠毒之氓自動天良翻然悔

悟一朝猛圖易轍然後大愜

宸慈至矣哉

皇上之佑冒羣生卽文王之如傷康誥之保赤未喻其篤摯而周詳也謹拜手稽首而爲之讚曰

天作元后綏厥蒸民民罔常懷懷於有仁偉歟我

皇恢弘胞與胎麤卵蜉罔俾失所天親伊始毛裏恩勤

悼彼傲習愛憎殊分呱呱者女。馮夷枉殉何罪何知。殞生如瞬。匡俗有憲。煩冤宜伸。臆陳痛惋。以籲閭宸。

帝曰吁哉。斯非細故。滅性傷倫。干

天渝怒。兵沴爲厲。厥有其因。不忍宜擴。在予一人。思昔芳規。解網掩泣。每慮要囚。用深快悒。矧茲嬰孺。橫罹幽沉。泉鏡未革。孰康

天心。須飭所司。亟釐惡俗。怙終弗悛。何校莫贖。念彼蚩蚩。積染有年。戶曉匪易。曷望更弦。民盡有良。性迷斯隱。法禁雖張。忍端仍蘊。必使悔悟。滌乃銅愆。秉葵來

復。金文通公集卷十八 講筵恭紀 二

朕懷則宣。父子有親。匪假制令。保合太和。各正性命。非訓感涕大哉。

王言廸迷現性。按本澄源。茂對昌期。並生是欲。天倫永全。弗萌慘毒於皇。

哲后所寶。惟慈刑賞。忠厚成本。仁推詎止。天傷幸沾。帡纓痼瘵。乃身六合。在宥風移。俗易速於郵巡。功滿化育。至治立臻。惟德勤。

天嘉祥降卜。

天子萬年無疆曆服。

金文通公集卷十八 講筵恭紀

三

關夫子讚

忠義之性。光照日月。正大之氣。赫奕風霆。心翊炎漢。功贊

天庭。永護三教。恒濟萬靈。惠迪從逆。罔逃聖聽。千魔百魅。莫遁奸形。分身塵刹。呼醉使醒。惟德是輔。家國用寧。

金文通公集

卷十八

關夫子讚

四

姪女金氏苦節贊

有序

姪女金氏。余先伯兄心達公之長女也。祖達泉公。歷粵中廉惠兩州別駕。治政有清白聲。心達公奉侍庭闈。能盡子道。余先嫂沈氏。亦以柔順盡婦道。稱于里閭。姪女從母氏教。幼儀婉孌。治小學內則等書。飭躬惟謹。事父母祖父母。委宛承意。達泉公以長孫女。言辭溫克。舉止有儀。甚愛之。年二十。歸于渭沮潘氏子。字舜玉。諱國瑄。遊烏程邑庠。弱冠英穎。有文名。翁嘯生公。官衛幕。豪于詩酒。晚歲家無餘貲。舜玉苦心勵志。習舉子業。必欲一發得當。至精思嘔血。乃已。年二十二而卒。婚甫二年也。笑然一孤生。纔週歲。蕭條四壁。所顧惟有殘書遺帙。幾無以謀其生矣。孺人撫育孤子。自離襁褓。就師塾。以至髫年。就試。皆從紡績織紉。中供脯修之具。及子年長。文致翩翩。方幸後嗣成立。以慰前人地下。乃竟二十而歿。嗟乎。二十年母子零丁。孤苦扶持相倚。已謂人生之極難。迺復苦厄如此。孺人真無以生爲已。又潘氏家值中落。同堂伯仲。不能留其故居。孺人無一椽片瓦。惟有女工鍼繡及舊

金文通公集

卷十八

姪女金氏苦節贊

五

習詩書數卷而已。幸姻戚之家。既慕其貞操。挺持又敬其內範。雍肅爭相師事。遂怡年館穀。擇宗屬爲之嗣。以繼舜玉之後。慨然曰。自是得一弓地。完其宅兆。吾事畢已。似此苦節。皎皎冰霜。堪以砥頽風。而耀彤管者也。爲之讚曰。

在昔共姜。守志而貞。伊惟陶母。翼侃以名。志堅則烈。名成而榮。悲余姪女。運否獨丁。初失所天。弱齡箠箠。強食而食。以撫其嬰。續麻縫襪。佐此餘生。嗟哉母子。身命相并。子復中殒。心摧骨驚。毀魄捐軀。夫又何營。

金文通公集

卷十八

姪女金氏

十六

忍死再淹。以續螟蛉生也。弃捐死願。同塋貞哉。秉志遠近。心傾有書。在笥閨塾。是盟無忝。班姑亢名。東京始或傾否。終焉後亨。企予望之。端在後英。

五人讚

天挺忠義。不干衣冠。篤生五人。陡砥狂瀾。明季璫燄。善類幾殫。一二有心。目睨而嘆。舉國寒蟬。誰發其奸。緹騎縱橫。忠介被殘。五人義憤。瀝血披丹。誓不返顧。赴死如湍。博浪一擊。貞良始安。黨錮株連。實賴以寬。殺身成仁。義勇桓桓。爰旌厥墓。芳名弗刊。千載而下。憑弔聳觀。

附載批五人家屬手摺

憶昔五人以義憤殉烈。正余畏禍株連。浮沉外吏之日。弗克隨吾鄉好義諸老後。稍捐微貲。協助五家營葬之費。在再四十餘年。物華代謝。義風凜然。

金文通公集

卷十八

五人讚

七

余自壬寅歲歸田以來。每過虎丘。輒于五人墓前徘徊顧瞻。不禁嗟嘆。迄今墓木既拱。義氣鬱蔥。五人雖歿。而猶存也。因其家屬顏日裕等。以整葺墓道碑石爲請。勉輸白銀四兩。聊資整葺費用。本宅樂觀厥成焉。

佟方伯待漏圖像讚

嚴恭寅畏。悚然而鵠立者。其趨朝之容也。夙夜匪懈。惕然而若有思者。其靖獻之忱也。我儀圖之。公殆有得于主敬之學者歟。敬以立身。故關西四知。未方其清也。敬以治民。故召伯甘棠。未喻其惠也。從前由牧而守而藩臬。所至見德。所去見思。無非一敬之發。皇也。將來歷卿寺而樞揆而公孤。勛相國家。匡弼我后。無非一敬以要終也。惟其有之。是以似之也。

金文通公集

卷十八

佟方伯待漏圖像讚

八

佟方伯小像讚

望之儼然。泰華衡嵩。卽之也溫。冬日春風。其砥躬也。希聖希賢。其居心也。午夜告天。出而臨民。如子得母。所在見思。冀黃卓魯。凡齊趙晉豫。幅員數千里之內。靡不家戶戶祝。而爲之繪像立祠。今福曜又照我吳。上紆司農之仰屋。下拯窮黎之其咨。固巍然爲江海之柱石。沛然爲

廊

廟之雨露。而奚止夫藩屏是司。美哉。左圖右史。焚香

撫琴。其仕而優則學者歟。其學而優則仕者歟。吾以

金文通公集

卷十八

佟方伯小像讚

九

知天挺名世之非虛

又題

藹然春溫。蒼生衽席。皎焉秋肅。嚴廊柱石。遊理學圃。聖賢標格。登政事堂。名世五百。低徊仰止。罕儔今昔。

贈大中丞夏公像讚

端嚴其容。坦蕩其衷。挺然而屹。立者勁栢蒼松。藹然而溫潤者膏雨春風。生也非偶。爰奮跡于從龍。展矣巨材。遂領袖夫臺輿。兩秉節鉞。績高岱嶠。遽賦東山。明哲推翁。流長源遠。厥嗣彌隆。余固明微之人事。尤默信之蒼穹。

金文通公集

卷十八

贈大中丞夏公像讚

十

給諫王雪洲像讚

其骨挺然而清。其神脩然而遠。其于道味。泔之益深。其于世味。損之又損。出入鳳掖。鑾坡之間。勿替謏謏。搜探白社。丹書之奧。直透關鍵。能用世而不之混。能出世而不必遜。吾何以測其爲人哉。再四思忖。信乎有本。

又題

是真是影。請自深省。非真非影。乃是究竟。比丘授記。固爲兒戲。道流示識。亦恐相賺。求仙作佛。均屬髣髴。金文通公集卷十八給諫王雪洲像讚十一何慮何思。至人如斯。

給諫吳梅麓像讚

其骨聳然其神泰然其肝腸皎然其學識淵然十年
司計清勤罔替三次權關蠹弊全刪出入青瑣功高
哀補愛惜人材帝曰俞哉矢口福海聲震寮案我儀
圖之秘閣論思

金文通公集

卷十八

給諫吳梅麓像讚

士

忘菴胡先生像讚

挺乎其骨冲乎其容深深乎其息浩浩乎其胸席榮
華而若素疊陰德以山崇擴大慈于含靈萬類洞寶
刹于妙明心中有爲盡是無爲法念佛却了參禪功
卓哉世出真豪傑乃在錢塘江以東

金文通公集

卷十八

忘菴胡先生像讚

士

安大參待漏圖讚

中夜以興。具嚴天威。其敬之見於容者也。小心翼翼。媚茲一人。其誠之積於衷者也。惟敬惟誠。表裏相從。由是而出身加民。莊以蒞之。克樹無前之鴻烈。無非誠敬之昭融也。由是而敷歷中外。綱維軍國。永播不朽之令聞。一本誠敬以饗終也。猗歟偉哉。低徊仰止。真百僚之岱嵩而翊運之人龍矣。

太參安鑄翁像讚

其貌莊其骨剛。其神清其氣英。其衷坦其論侃。其學

金文通公集

卷十八

安大參待漏圖讚

主

富其識。透敷政。臨民益然而春。察奸摘幽。肅然而秋。嘔心于戶口。愉悴之關。怡情于琴書。蕭曠之間。洵哉經濟文章。兩擅其長。而國恤民瘼。並借爲良藥者歟。吾不能竟其德業之無前。與夫位望之陟嶺矣。

臬司羅約齋像讚


其儀端以肅。其神靜以穆。其學淵以蓄。其才弘以速。騰譽花封。聲徹九重。敷歷外中。赤幟文宗。轉餉投醪。徧滿恩膏。亮節冰操。分權名高。總憲兩湖。來暮思切。壘助截嶠。佇登魏闕。有琴自怡。有花自嬉。我儀圖之。冠冕百司。

金文通公集

卷十八

臬司羅約齋像讚

主



塗衡宇先生像讚

文山峻聳學海汪洋汎濫乎經史百家之籍沉酣于
鍾王米蔡之場匪獨馳聲藝苑抑且飭志綱常其秉
正疾邪也皎日秋霜其燕翼貽謀也弧矢縹緲雖才
高和寡困頓于昧目之有司而福善降祥天道彰彰
不發于其身卒發于其子若孫而繩繩振振彌熾彌
昌嗚呼不名而名不壽而壽公又何憾于彼蒼

金文通公集

卷十人

塗衡宇先生像讚

末

塗雲鵬先生像讚

峩然而矜莊者我以彷彿其禔身之容藹然而雍和
者我以想像其與物之風凝然若有思淵然其不可
殫究者我以窺其龍韜豹畧直與孫吳比肩頗牧齊
蹤至于生平大節炳炳烺烺昭史冊而垂金石者本
于至性移孝作忠宜其德厚流光根深枝茂天道人
事呼吸關通是以膺福祚之綿長裕後昆之豐隆

金文通公集

卷十人

塗雲鵬先生像讚

七

金浩然像讚

質樸其顏。蕭疎其宇。峻嶒其骨。坦遂其腑。束髮從戎。有力如虎。聿展韜鈴。頗牧爲伍。抗志高塞。雲霄縱羽。麟閣勲名。不顧而吐。淋漓於翰墨之場。沉醉于六藝之圃。鍾王今比肩。馬董今接武。赫赫焉技擅一時。漠漠焉神棲千古。未嘗以瓶罍興嗟。或因而受憐。取侮其真。大雅之君子。而司騷壇之旗鼓者也。

金文通公集

卷十八

金浩然像讚

六

毛休文像讚

其貌冲然。其神悠然。任聲色利名。交于睫。而莫能撓。其天聰毀譽。是非飄于耳。而不與之俱遷。一心曠兮。若谷萬事。聽其自然。致虛守靜之學。持志養氣之傳。若其泛濫經史。跌宕詩文。則又傲千古。雄萬夫。而一時之號學士才人者。又鮮與之比肩。伊何人哉。我儀圖之。休文有焉。

再題

人情嶮巇。惟君平之世風。叔季惟君古之利名。火猛。

金文通公集

卷十八

毛休文像讚

七

君能冰之愛欲。海深君能涸之。以之入世。和光同塵。以之出世。佛乘仙真。低徊瞻顧。型範千秋。何幸吾生。目擊高流。

金孟升像讚

藹然者其容也。坦然而其胸也。粹然而無疵者。一生之踐履也。皎然而不欺者。午夜之盟心也。洵哉篤行之君子也。宜宗族鄉黨之無間言。而孝悌忠信之足以法今傳後也。又何必軒冕之爲榮。神仙之是慕也。

金文通公集

卷十人

讚 金孟升像

辛

彭蒼侯像讚

其貌癯然。其神泰然。囊無一錢。貧不受憐。六書精研。義獻比肩。三藏流連。不緇而禪。溷跡市廛。希踪聖賢。知命樂天。庶幾似焉。

金文通公集

卷十人

讚 彭蒼侯像

壬

心達伯兄像讚

兄之生也。長余十九。雁行多人。兄實居首。紡學辛勤。數奇不偶。未嘗怨尤。陶然飲酒。從晨至宵。必傾數斗。雖遊醉鄉。天性獨厚。菽水承懼。匪徒養口。人無間言。嫡繼二母。友于諸弟。不分前後。痛念先塋。築舍日久。自號心達。穎泚引咎。茹素啣悲。精血爲嘔。畢力經營。囊中一手。蔚爲松楸。閔曾無負。勞瘁用殫。僅踰中壽。百行百端。洵足不朽。

金文通公集

卷十八

心達伯兄像讚

三

潘現亭像讚

吉凶灾祥有其機。而有目者恒不見。機得喪存亡有其理。而能視者或多昧。理良以心爲目。役則目反障心也。若夫潘君現亭。無機不燭。無理不徹。而以一易導天下之迷津。其真視不以目。眼不關視。而可謂眼根圓通者歟。吾故表而出之。以媿彼雙眸炯炯者焉。

金文通公集

卷十八

潘現亭像讚

三

顧仲書像讚

不必推之曰儒而六德六行之兼備蔚然爲儒林宗。不必高之曰禪而無掛無礙之胸次蕭然有老衲風。亦不必折衷儒與釋之間以概其生平而世出世入之綽綽有餘吾以知夫脫冠露頂執玉跌坐者蓋具大圓通也。

金文通公集

卷十八

顧仲書像讚

五

閔少江像讚

其體豐其氣融其存心也正中其制行也恪恭其渾然而泯町畦也未嘗人我是封其介然而絕詭隨也未嘗涇渭相混樂善者人心之同宜乎令名之播聞無窮福善者天道之公吾以卜其子孫之彌熾彌隆。

金文通公集

卷十八

閔少江像讚

五

蔡長卿像讚

粹乎其容。坦乎其胸。沈酣于五經六藝之圃。遊息于道德仁義之中。無爲無欲。絕羣嗜之外。攻不愧。不作。惟一真之內融。允矣先正典型。富哉後學陶鎔。然則其近紹者。西齋之家風。而所遠尋者。孔顏樂處之是宗歟。

金文通公集

卷十八

蔡長卿像讚

手

孫覿橋像讚

樸乎其貌。坦乎其胸。視榮利之若浼。能委順以春容。有時吹鳳簫于月夜。響徹霄穹。有時飛羽觴于花前。座滿春風。非掛名於釋氏。似得道之仙翁。况有子而文且賢。吾益信福善之天公。

金文通公集

卷十八

孫覿橋像讚

毛

沈仲明像讚

蒼爾顏壯爾年。戟爾髯。率爾天。心無傀儡。滿座風生。
口絕雌黃。妍媸鏡明。其爲技也。能絲能竹。能肉。其爲
人也不鄙不貪。不俗。世盡目之曰逸流韻客。吾直號
之曰正士端人。

金文通公集

卷十八

沈仲明像讚

天

沈仲明雙壽圖讚

誰無夫婦。罕覩賢耦。同齒同心。如鼓瑟琴。旣勤且儉。
能免驕詒。梁鴻孟光。甘苦共嘗。芝蘭遠砌。丰彰善繼。
垂裕堂中。如日方東。有酒盈樽。一任我吞。

金文通公集

卷十八

沈仲明雙壽圖讚

天

張子遊像

照前山水人物

其貌溫良其品圭璋言動有則技能無匹下筆寫生
造物賦形能動鬚眉疑作咳嘻觀者絕倒尺幅如寶
雲煙林麓無不奪目倩女嬌娥令人風魔僧繇虎頭
詎足與作歟毫靜對尤堪敬愛胡不自貌恣我叫笑

金文通公集

卷十八

張子遊像

三

朱化凡像讚

余辛酉歲卽交先生時居湖濱名已雷轟嗣移震澤
益閤厥聲聲旣洋溢卜居蘇城三吳紳士靡不心傾
義文周孔寤寐來迎吉凶悔吝洞如鏡明嘗與余談
奧義縱橫管葛退舍程朱遜勛匪探象數理學主盟
略傳緒論通國皆驚一生品行聖賢與京宜乎有後
繩振蜚英余交最久追憶涕盈欣覩賢胤天道衡平
千載而下令聞錚錚

金文通公集

卷十八

朱化凡像

三

沈明仲像讚

藹然而可親者其纖蒂不留之坦胸也。脩然而自遠者其萬緣俱淡之高致也。我儀圖之。庶得其天。慈容道貌亦佛亦仙。篤行純衷希聖希賢。遊戲岐黃。活人萬千。沉酣圖史。逍遙大年。我亦緣深。晨夕周旋。中心傾折。實無間然。

金文通公集

卷十八

沈明仲像讚

圭

臬長劉公像讚

正直其身。端凝其神。小心翼翼。媚茲一人。嚴裝待漏。夙夜惟寅。敷歷中外。見聞欲陳。佩玉鳴鏘。丹悃是伸。

天王慎獄。欽恤惟仁。爰簡國楨。秉憲江濤。惟公膺敕。布德無垠。五聲聽訟。審克攸均。明刑弼教。行徃皆春。哲人惟刑。法天相民。于公歐陽。今古比倫。外臺綱紀。肅焉聿振。聲實宏茂。竚達

佩宸銘鐘勒鼎。麟閣圖真。

金文通公集

卷十八

臬長劉公像讚

圭

樸爾觀之。爾到師。實有度。未私利。欲禍患。不驚其神。
煩思。多想。不消其真。其天既全。其腦自綿。信仁人之
有德。一。故之。或謬伊何人。斯張子有之。

樸爾觀之。爾到師。實有度。未私利。欲禍患。不驚其神。
煩思。多想。不消其真。其天既全。其腦自綿。信仁人之
有德。一。故之。或謬伊何人。斯張子有之。

張公瑛小像

卷十八

張公瑛小像

善

天祐偉人子。龍王貴。騫奮跡。峨眉毓秀。三略夙嫻。六韜秘授。蠡彼機槍。跳梁隙竇。揮戈躍馬。殲渠功懋。師乃滄東。遺孽復訐。我武維揚。巴峽從風。

天祐偉人子。龍王貴。騫奮跡。峨眉毓秀。三略夙嫻。六韜秘授。蠡彼機槍。跳梁隙竇。揮戈躍馬。殲渠功懋。師乃滄東。遺孽復訐。我武維揚。巴峽從風。

親藩奏績紀元功

親藩奏績紀元功

趙宋將像

卷十八

趙宋將像

義

方伯羅約齋像讚

湛然而澄者其人也。倏然而宏者其氣也。方圓並盡。左右逢源者。其剴繁理劇之長才也。焚香告天。讀古自怡者。其盟衮矢影之心事也。令所至地方。甫歌來暮。又切去思者。昔日之江南。而今日之兩浙也。

聖天子方軫念民窮。慎簡督撫。俾民生樂業。立睹牧寧者。舍我羅公。又誰與歸也。

金文通公集

卷十八

方伯羅約
齋像讚

美

張鄰曾像讚

溫粹其容。坦蕩其胸。力學績文。探奧典墳。才高數奇。百里是司。仁心惠政。民倚爲命。孝養是耽。亟謝組簪。歸維琴鶴。進退無忤。讀書味道。塵俗一掃。邦之儀刑。天之景星。年登古稀。神仙其姿。伊何人哉。紹往開來。

金文通公集

卷十八

張鄰曾像
讚

美

胡祥甫像讚

穆然而靜深者其道貌也。冲然而和粹者其制行也。抱朴子之金匱秘冊。靡有弗探。孫思邈之龍宮禁方。無所不究。起危疴而立應。爽神術而不矜。我儀圖之。伊何人斯。其殆挾岐黃之奧。而還存聖賢利物之心者歟。

金文通公集卷之十八終

金文通公集

卷十八

胡祥甫像讚

永

金文通公集卷之十九

吳江金之俊豈凡著

佟公寄園玉蘭再花頌

古今草木鳥獸之瑞表異著靈者莫不形諸歌詠。載在簡冊。匪重其物。重其人也。其人周召。甘棠喬木。嗣響金石矣。其人韓范。秋霜春露。萬彙昭蘇矣。惟我佟公。軼駕范韓。方軌周召。自奉

金文通公集

卷十九

寄園玉蘭再花頌

一

簡命承宣大江南北。八載于茲。凡所以蘇民命而培國脉者。微猷美績。如萬花齊發。四時皆春。乃民無以繪其德者。物有以呈其祥。寄園中之玉蘭再花。有以也。夫爰爲之頌曰。

倚與長夏。爛彼春葩。瓊英紛吐。半載兩花。雨膏流潤。棠蔭交加。和氣祥徵。慶叶邦家。

題畫鳳凰頌

天地人龍韜略填胸。昌期適逢。雄鎮江東。廉勇樹庸。
梧鳳高蹤。勒鼎銘鐘。游膺侯封。

金文通公集

卷十九

書鳳凰頌
端硯銘

二

端硯銘

爾體則端。爾用甚固。毋導匪僻。磨礪聖賢。毋沾俗趣。
點染雲烟。毋溺功利性命。是研。毋流殘刻仁濟爲先。
凡有施爲。必求問天。當其退藏百世。千年以是號端。
名實乃全。

古硯銘

任墨君之環攻磨而不磷。恣穎生之點染涅而不淄。
用有萬變體則如斯。功多勿伐名成勿尸。惟靜惟樸。
爾壽允宜。

見道

陳百史先生評

金文通公集

卷十九

古硯銘
筆銘

三

筆銘

植幹文山。英髦輻輳。爭名藝苑。針芒迸逗。周情孔思。
惟爾是資。勒鼎銘鐘。惟爾之庸。勿傳簧舌。以之誣民。
勿淬錐鋒。以之殺人。慎韜爾穎。庶免屈撓。墨海涵星。
任爾逍遙。

與子瞻先生硯銘同

陳百史先生評

几銘

有几橫窓。纖塵勿容。瞬息萬古。往來心胸。質厚而坦。與聖賢伍。端且潔。今焚香夜午。

更絕佻巧

陳百史先生評

金文通公集

卷十九

几銘

四

扇銘

君子之德。惟汝有之。陽舒陰卷。與時推移。左右圖書。騷邪盈掣。出入懷袖。自矜稜角。

和平

陳百史先生評

鉛梳銘

有引

有友人來自金陵。語余烏鬚方盛。誇鉛梳凡鬚髮皓然者。一梳輒黑。一黑便可百日。再梳復黑如常。士夫之欲仕達者。老婦之冀悅其夫。衰翁之思悅其少婦者。爭相傳購。如獲波斯胡。變亂黑白。迷誑老少。不經殊甚。余感而銘之。

爾質類鐵。能柔剛而爲櫛。爾性非墨。能變白而爲黑。爾濁亂于仕途。鍾鳴漏盡而不息。爾周旋于房閨。膏枯髓竭而猶飾。無望爾之疏滯而通。理勢而戢。先懼

金文通公集

卷十九

鉛梳銘

五

爾之亂。是而非矯枉爲直。清仕路者。在所必黜。珍餘生者。尤宜痛疾。聽其自然。萬事已畢。銘之座右。徧告有識。

火樹銘有小引

崇禎辛巳余備兵南州節屆上元雨雪雜下凝樹成冰攷之爾雅雨雪雜下曰霰又劉向五行傳曰霰者陰脅陽也時燕趙齊魯則土寇肆螭秦豫楚蜀則流氛逞燄惟江浙之間稍有寧宇而又以年荒穀貴民不聊生所在沟洫茲災沴復見于歲首變不虛生良可畏也兀坐荒署悶極無聊因命童子截竹爲筒作花火數樹以舒悶懷而戲爲之銘其形堅其性直愧紙上之空言依君子而爲質有膈

金文通公集

卷十九

火樹銘

六

必吐無腸或匿如泉斯噴如雷斯擊如流星皓月之乘波而亂如千軍萬馬之潰圍而出志本期乎冲霄匪風雨之能絀氣勃鬱乎萬端漂光芒之難逼豈曰良宵之爲玩兮彷彿乎直臣之叫閤無路而仰天奮激宜羣兒望之辟易而衣冠亦以動色

酒算子銘

爾質精堅爾珠便嬛不計鎔銖不較圭撮與韻客兮盤桓向樽前兮活潑不知爾者以爲錢神之僕隸其知爾者直以爲醉鄉之會計一升一斗一石非爾不覈有花有月有雪思爾更切

又

呼爾之號俗不可療錄爾之功引人洪濛太白酒樓屢借前籌無功醉鄉旗鼓高張一纖一塵從未勞神斯倉斯箱更弗縈腸花明月皎呈能愈巧孤館殘更

金文通公集

卷十九

酒算子銘

七

周折多情洗盡俗氣惟存豪氣換盡俗胎欲結仙胎倚歛休哉令人眉開

附息齋算酒記

東海年姪宋琬撰

太傅金公致政里居倣陸賈大夫遺意分命其子若孫更番進饋戒勿得過五簋雞鶩羊豕蠅蟬生介之屬不以入庖餽顧獨於酒取旨焉鄉大夫以下無論少長相率爲一品之會後至者罰客既集童子以二算子置几上公手執其一而以其一授典客先校賓主之多寡次視其飲量之廣狹俾自承也曰某也能盡一石某也能勝幾斗其不任杯勺者左右代爲之飲哀益既定分爲東西二曹而聽令焉令用骰子六枚準古泉虛之制以若干爲爲限每勝采一算酒十觴自十而百自百而千累進有加毫釐無爽焉限既盈公曰止乃飲西曹酒而授之算西曹長擲如限計其奇贏而進退之如東曹勝采千西曹僅得八百則合飲正二百觴也

而公亦擇算再復之如是往返數四座客皆專心
參橫月移雖少年壯盛往往有逸去者而公方踞
膝呼曰目暇如巖下電余於是乎退而太息知
我公寓意之微雖一快酒闢而型家範修之美存
焉蓋非徒觴賤之善而已漢陰丈人之言曰有機
事者必有機心算子機之最深者也仕宦則算名
於朝商賈則算利於野莫不機心鉢賢朝觐夕議
一瞬息間罔肯遺策王戎以之營家而遺議青史
安石以之經國而流毒蒼生且夫分曹列偶角立
之象也三爵不識爭歎之具也我公以嘲風弄月
之餘暇示投壺拾決之辭客溫室之樹無言側弁
之態弗作獸獸夜飲不醉無歸此殆平泉午橋未
足髮其高風而香山至道讓諒以年位相矜其
視公爲何等也昔何曾日食萬錢猶日無下箸處
公之不問家人生處而傳食家庭達矣然而豆無
兼味門乏綺紈之練又何儉也

金文通公集

卷十九

酒算子

八

今天子銳意昇平思得黃髮壽考之老秉持鈞軸而
公精神矍鑠纔如五十許人其盤舊學旦夕特有
安車之召則其出而平章天下也有如此算矣公
嘗自爲二算銘士人爭傳誦之今吳門好事者競
飲公所爲以行酒以公嘗
居曹村因謂曹村令云

我箴 有小引

先正有言我字兩戈相向最不可有者我也最難
克者亦我也息齋讀而瞿然曰孔子毋我釋迦老
子曰無我相文始真人曰道無我我之不可有也
三教有同然哉爰作我箴焉

五濁世遍地戈矛我爲之伏多生來一切怨對我爲
之蓄欲得怨對冰消戈矛偃伏須是斬草除根莫教
藕斷絲續去一我三教足

金文通公集

卷十九

我箴

九

普同塔引

東坡之銘暴骨也。曰：是豈無主？仁人君子，斯則其主矣。噫！此真仁人君子之言也。從來掩骼埋胔，食報不淺，而世人鮮留意于此者。良以黃金能語，白骨無言，與其施恩不報之地，何如市德必償之人？于是着慳貪想者，徒飽自己膿血，卽生布施心者，亦遑顧誰氏枯顛？不知羈魂旅魄，飄泊堪憐。暮雨晨風，淒傷欲絕。王忱之，荏客舍書生；陳元之，瘞饑歲萬殍，稽之往牒，因果昭然。世間容有負心之活口？地下決無背德之

金文通公集

卷十九

普同塔引

十

潯水普同塔疏

曹溪西去數武，爲南潯鎮。有報國寺，南林上人曾斷一手以誓，與復該寺。至今機緣未就，然爲法忘身，一念何異斷臂之神光？余素嘉其真心實行，庶幾其無我相者乎？一日持疏冊，欲建普同塔于寺之彌陀閣後，而丐子言爲勸。余不禁撫掌歎曰：善哉！普同塔之義大矣哉！衆生流浪生死，靡有了期，皆緣不普不同。一我相爲之根也。我之爲相，不啻山高難摧，海深難測。我痛我癢，我苦我樂，我饑我飽，我寒我煖，我自知之。若他人之痛癢苦樂，饑飽寒煖，則我不知也。知則于我不勝其愛護愛護之至，因而積過無算，不知則于人不勝其漠視漠視之甚，因而造孽無邊。有能明乎普同之義，則現前蛇骨盈墟，塞芥于其中，求一分別之相了，不可得；欲不發普心，不作同觀，又寧可得也？既普既同，則我山自摧，我海頓涸，無聖無凡，無古無今，無不團圓相見于大光明藏中。至此而後生死根株，堯底截斷矣。故曰：普同塔之義大矣哉！余所以嘉南師之誓願而不能已于言也。若僅僅以掩骼埋

金文通公集

卷十九

潯水普同塔疏

十一

齒澤及枯骨之勝。因爲之讚歎勸施。則視南師之願。甚淺而余言亦贅甚矣。請質之諸方明眼者。

金文通公集

卷十九

潯水普同塔疏

十三

西天王寺募建普同塔地藏殿疏

余之爲普同塔募疏者。不知其幾矣。大約募主雖異。募義則同。無非以熐熐白骨。慘慘青燐。爲毒霧辛霜之所飽嚼。酸風淡月之所盤旋者。皆我過去之六親。未來之郵舍與現在之影像也。一回首轉腦間。自有令人坐視不忍者。雖募義之闡揚。似已什得八九。未免有筆枯墨鋤之憾。歲在戊申夏。有西天王寺僧定澄。欲于寺傍隙地。募造普同塔。隨建地藏殿。廣度幽冥衆生。屢促余一言。而未有以應。定澄曰。居士蓋嘗爲普同塔說無盡義者也。今于西天王寺獨斬一言。豈普者同者如是乎。抑不普而普。不同而同。別有第一義存乎。請居士速道。余唯然曰。應如是。普應如是。同無邊剎海。自他不隔于毫端。十世古今。始終不越于當念。不普而普。乃真普矣。不同而同。乃真同矣。因書其冊以歸之。

金文通公集

卷十九

建普同塔地藏殿疏

十三

吳江北門外三官殿募建普同塔疏

普同塔者。卽古先王澤及枯骨之善政。與夫仁人君子。瘞饑殞旅。掩醢埋胔之慈心。陰德推而廣之者也。余爲普同塔疏勸者。不一次矣。茲江城北郊。遺骸委積。有一行僧廣募善緣。建塔于三官殿之傍。而復乞言于余。余不覺愴然有感曰。天地間世界無盡。衆生無盡。凡此燐燐白骨。亦與之俱無盡。總之地。水。火。風之所和合。倏聚倏散。成住壞空之所遞遷。頻往頻來。安知非我多生眷屬。曾飽淒風慘月于其下。又安知金文通公集卷十九 普同塔疏 古

非我無量劫來。亦嘗舍生受生。如郵亭傳舍于其中。而能不目睨心推。忍置陌路也。然則此普同也不當作沉冥衆生。堆墟委莽之普同觀。直當作諸佛菩薩一切平等團圓相見之普同觀。有不歡喜讚歎而爲之協力圓成。亟種此良因乎。余是以不禁饒舌而復疏其緣起如此。

善緣菴疏

方今民窮財盡。淫祀非所尚也。而有能捍患禦災。則祀之。此禮所著也。崇禎十年冬。吳城之沙泮地方。有一佛像。自西浮水而至。泊一石丁間。經數晝夜。波湧清翻。不移分寸。居民異之。因誅茆爲軒。焚香致禮焉。此猶村夫里婦。神道設教之俗見也。越明年。大江南北。飛蝗蔽天。傷禾稼無算。居民惶懼。不知所出。相與詣曰。試禱之。西來佛像。或者護吾一方。未可知也。焚祝之餘。仰視飛蝗。倏忽散去。卒無害稼。衆皆踴躍。鳩金文通公集卷十九 善緣菴疏 圭

工不日菴成。顏之曰善緣佛之緣。有以鼓人之善歟。抑人之善。有以感佛之緣歟。事固有不可期。然而理則有必然者歟。卽禱蝗一節之靈應。佛之垂慈護佑。當未有艾。其或者歲亢旱乎。必且禱雨而雨降。其或者歲淫潦乎。必且祈晴而潦止。夫使邑有賢侯在上。而蝗螟水旱不能爲之災。我儕之尸而祝之。當若何。而木偶之佛像具是功德焉。其何可以弗祀。余是以歡喜樂道其事。且以見邑人喁喁望歲。欲旦暮賢邑之意。

答李大司農書

後浙江嘉興府嘉興縣籍。直隸蘇州府吳江縣人也。蘇松等郡則五年一編審。浙西等郡則十年一編審。年來役法之弊壞。飛詭之濫觴。大約吏胥爲政者十之八九。花多爲少。詭有爲無。役之輕重。全不照田之多寡。於是出殷實一說。懸坐重役。有乘機射利者。有借端報復者。下不顧百姓身家。上不顧朝廷公務。後日擊心傷。不識忌諱。冒扞臆見。干瀆天聰。幸荷聖明洞鑒。下之貴部看議。台臺向年節鎮東南。曲軫民隱。

金文通公集

卷十九

答李大司農書

六

役務一節。尤素所留神。以惠顧東南之盛心。出爲久長無弊之石畫。當無俟後之更贅一詞矣。乃復承手檄下頒。詳悉開示。具叨台臺體國恤民。至虛至公。敢不有以復明諭之及乎。免例品級。浙西與吳郡不同。浙西田窄。免例亦窄。吳郡田寬。免例亦寬。昔年徐簡吾老公祖。裁定免例。至今尚存。朕今日時勢。似又不同於曠曩。賦役日煩。民生日蹙。聖明在上。又軫恤小民。倍至恐。昔日之免例。未可據以人告我后也。伏候台裁者一說者曰。貧民之數畝。豈堪與什百畝者共。

派役銀。不知數畝之田。欲安頓甲下。里長要錢。扇書要錢。每畝不下錢計。今若俯從末議。無田不役。則每畝多不過壹分。少不過半分。收壹擔之人。而爲壹分半分之出。不猶愈於里扇之橫索乎。且零畝不幫。則又大開花分之門矣。伏候台裁者二說者曰。貼役之議。見今行之。副役曾不破壹文。是以告者過也。後據吳江一縣而論。共田壹百拾叁萬畝。零。除去鄉紳舉貢監儒雜職等優免而外。每冊以肆拾萬畝作空役。每畝輸銀壹錢。約銀肆萬兩。近來都供別項支用。半

金文通公集

卷十九

答李大司農書

七

飽吏胥豁壑。特未曾分毫給與當役之人耳。今若俯從末議。某項重役。該幫若干。某項輕役。該幫若干。咨行撫按兩臺。行令各府州縣。斟酌至當。著爲定例。須要實實給與當役之人。更不得借空役名色。那移別用。又何慮其有幫役之名。而無貼役之實也。伏候台裁者三。總之。吳會與浙西。各府之情形不同。而小民之苦累相似。後一腔癡愚。但知從朝廷起見。從百姓起見。此舉實府怨非沽譽也。所恃台臺之精白。乃心上媚一人。下軫萬姓。必不爲旁議所淆。故敢畢抒狂

瞽仰副咨詢。流祈台慈照宥。

金文通公集

卷十九

答李大司農書

太

又答李大司農書

俊再捧台檄。蒙下詢鄉紳優免一節。具仰台臺慮終謀始。期於萬安萬當。一片惠顧小民之盛心。與扶植紳紳之厚誼。勃溢楮墨間。敢不再布愚衷。仰佐採擇。竊以爲當役與幫役之義有二。當役者。如百畝之田。卽當百畝之役。所謂庶人往役之義是也。幫役者。多則每畝幫分許。少則每畝僅數釐。所謂衆擎易舉之意是也。鄉紳而免其力役。已叨朝廷優厚之典。鄉紳而一體津貼。正爲四民好義之倡。免則不妨於幫。幫金文通公集卷十九又答李大司農書九亦仍不礙夫免。至於優免之多寡。應否遵照會典限制。而稍爲變通。應否酌量地畝寬窄。而相機哀益。是在台臺挈其大綱。毅狀主持於內。咨行撫按兩院。析其端緒。徹底清釐於外。使小民無不平之鳴。正所以厚鄉紳。使鄉紳有好義之實。乃所以報君父。台臺之爲此舉也。江南億萬姓。當子子孫孫。生生世世。祀高厚于無疆。豈磨崖勒石。所能紀其功德哉。總之是畝均幫。則幫之爲費甚省。不獨零戶便。卽士紳亦便。若有幫有不幫。則避幫之法百出。不獨花分依舊。卽詭

寄亦必依舊役之均也其何日之有屢辱虛懷下詢
忘其冒昧統祈裁察施行

金文通公集

卷十九

又符李大司農書

手

上韓撫院書

敬啓法立獎生自古所嘆蓋嘆奉行之不善也然或
利多害少或利害相參未有奉行全失其指致良法
美意反以便民者害民如邇來保甲長一則者也向
爲居民現總之役一切差徭勾攝往來承應無不責
成現總波累多端蒙老祖臺軫念地方洞悉疾苦徹
底革除憲諭煌煌萬姓歡呼止有逃人一項遵督捕
用行則例立保甲長爲之稽察其餘與保甲長無
涉不意年來奉行者不仰體老祖臺愛民至意反借

金文通公集

卷十九

上韓撫院書

手

題誅求一應地方大小事件悉攬累保甲長公差紙
票絡繹糾纏輸值之家如遭橫禍因而有力者百計
賄免貧弱者坐待淪胥四境囂然如坐湯火其害有
甚于居民現總舉老祖臺一片愛民血誠竟爲舞文
亂法之奸蠹埋沒殆盡治其目擊痛心不覺嚙指頓
足伏乞迅發鈞示立行禁止仍嚴檄郡邑恪遵初頒
禁約革除近日苦獎庶不負我祖臺昔年立法初心
而闔郡之家尸祝早暮頂頌又寧有旣也端此力
疾籲陳統祈垂鑒顯候德音曷勝翹切

議除現總十苦

謹議爲恤民不在紛更。甦困在于剔弊。謬陳芻蕘。仰備採擇。事竊照在城內外。居民輪充現總之役。現年一年一轉。總甲四十五日一輪。最煩重者。莫如逃人一項。次則人命盜情火發。封刷船隻。過往繹夫造船鑽夫等項。其瑣屑者。不堪枚舉。事無巨細。皆現年總甲之責。力不能自身充當。勢必倩人包攬。名曰走。遇有逃人等事。百計恐嚇。儘費儘騙。卽承值瑣事。大小衙門差役。絡繹呼喚。事事要錢。宜乎民生口瘁。畏

金文通公集

卷十九

議除現總十苦

圭

役轉甚。其苦累誠有難以殫述者。蓋向來現總因本身不諳役務。僱地方之貧而耐勞者代當。現年貼役五分。總甲貼役一錢。每日總計不過一錢五分。資其口食。以供奔走。答應官府。今現年總甲盡屬積棍。包攬每日貼銀五錢。鬧市倍之。既已安享肥利。尚欲見事生波。串通衙役。兜攬說合。百計索騙。倘遇有重大事情。竟自遁去。正身受罪。費則盈百盈千。列以身家。居民當役之苦。約略如此。乃近日奸胥棍徒。復朋謀搆局。倡言市廛間架起役。名爲居民總甲。沿門科派

事未舉行。費已不貲。宜乎居民之驚惶罷市。此紛更爲害之大端。斷斷乎亟行議寢者也。至於居民現總之苦。委宜加之軫恤。有可以因事節省。徹底清釐者。除得一分。則小民受一分之惠。無論本人自當。僱人代當。總不至于畏如湯火也。謹條列如左。

一稽察奸宄。東人自有四隣十家長舉首。若四隣十家長。通同容隱。或經官府發覺。或被傍人首告。則四隣十家長自有連坐之律在。何必現年總甲代報。日夕擔不測之憂。此其苦之當除者一也。

金文通公集

卷十九

議除現總十苦

圭

一人命自有屍親告理。兩隣干証質對。乃以申報責之。無干現總。無論真偽。應管人命之衙門要報。卽不應管人命之衙門亦要報。以至籤票星飛。狼差蜂擁。一家干涉人命。闔城爲之鼎沸。甚有居人命爲奇貨者。護兇身。則嘆其以假報真。護苦主。則嘆其以真報假。報假報真。其害總歸于正身現總。此其苦之當除者二也。

一。局內失盜。自有失主併兩隣呈報。聽官府差捕訪緝。何必責之現總。報強報竊。報多報少。一有錯

悞總之正身現總受累此其害之當除者三也

一封刷船隻應付小差自有埠頭承值遇大兵經臨必須巨艦卽有司親自封捉尚苦勢要奪回辱官毆役付之無奈責之區區現總何敢與抗此其苦之當除者四也

一封過船隻自有原差管押大者交付埠頭小者立時押進城內何必派現總看守一有脫逃需索百般此其苦之當除者五也

一起解東人自有壯丁逐程押解沿途有各府縣

金文通公集

卷十九

議除現總十苦

五

汛兵接替護送何必派及現總索費紛紛此其苦之當除者六也

一城內失火自有兩隣舉報火頭乃一槩責現總儘有住居寫遠甚至城內城外相隔者申報稍遲官差立至罪與火頭等此其苦之當除者七也

一經過差使需用緯夫自有官發錢糧催覓何必責之現總有夫無夫折多折少害貽正身此其苦之當除者八也

一造船需用牽鑽夫槩派現總日逐拘拏往往造

船未完折夫乾沒無算此其苦之當除者九也

一凡修葺各衙門需用各色匠役自有當官匠頭承值該縣工房支應一槩責之現總要磚瓦要木植奔命不遑非錢不了此其苦之當除者十也

以上十苦既除則各處現總之役自當可催人代當亦可誠實之人代當固不至不病而吟卽奸猾之人包當亦豈能無風起浪省官府多少牌票省差役無數亦庶幾民有安枕之期比戶有樂生之象端不負

金文通公集

卷十九

議除現總十苦

五

聖天子軫念小民之至意矣

勸止健訟芻言

息齋老人白壬寅歲蒙

恩歸田迄今已六年所目擊我三吳地方賦稅繁重徵輸孔亟且路當要衝各項雜差千頭萬緒奔命不遑爲我儕小民計惟朝夕拮据謀生上完

國賦下保身家尚虞不支豈容自尋苦累自甘蕩費如健訟一節竟相習成風既作今生怨對又結來世冤仇而恬不省悟也儘有微嫌小隙里戚可解杯酒可釋之事槩裝切殺抄洗等大冒希圖官府准理甚而

金文通公集

卷十九

勸止健訟芻言

三

非盜誣盜非命指命其意本欲累人究還自累請悉言訟之爲害勸我地方人等其諦聽之從來片紙非易入公門也買狀式要錢代書人要錢歇家要錢訟師打點要錢自鄉入城路上來回盤費要錢此猶就不准者言耳萬一准理承牌差役要錢干證供給飯食要錢關會招房要錢抄錄訴詞審單要錢經旬累月衙門伺候要錢或本地或過客央情要錢事完得勝追紙謝保要錢此猶就訟勝者言耳萬一理屈斷輸皂隸行杖要錢納罪要錢押保差人要錢催贖差

人要錢庫上完贖要錢或甚而羈禁在獄獄中使用要錢妻子送飯要錢而且皮綻肉破身受箠楚之痛鬻女賣男家有流離之慘此等苦楚雖佛菩薩爲問官斷乎難免也况更有一種刁悍之徒不勝不休我告縣彼且告府廳以壓之我告司道彼且告督撫兩臺以壓之我告督撫院臺彼且百計投旗以壓之糾纏葛蔓必致兩敗俱傷身家隨之而後已嗟乎不過一念好勝使然耳詎料其害抑至此極也余老人係歸野叟同爲

金文通公集

卷十九

勸止健訟芻言

三

朝廷百姓誼均休戚惟願人人樂業安生村村家給戶足庶不負聖天子軫念小民至意故直布芻言沿門勸化知我罪我非所計也

元宵示賑瞽目窮丐

時屆元宵。凡有目者。富貴則觀燈。貧賤則看月。雖一樣元宵。兩樣賞翫。而心目並耀于光明。其快樂無異也。獨念乞丐瞽目。燈光月色俱無所見。此現在之黑闇地獄。大可憐憫。本宅特損微貲。于本月十四日。在城隍廟內。每雙瞽一名。捨白米一升。白錢五十文。令其發心念佛。回光內照。庶幾皓月紅燈。不以目見。而以心見。本宅竊與之共遊光明藏中矣。元宵獨爲我有哉。

金文通公集

卷十九

元宵示賑
瞽目窮丐

夫

元宵示賑有目乞丐

三五良宵。須人我同慶。本宅憐彼瞽目乞丐。如長夜不旦。獨無元宵。已於本月十四日。先行量賑矣。猶念乞丐之有目者。仰視一天明月。莫療饑腸。遙望千門燈火。難炊破竈。恐雙眸炯炯。若致苦半菽之。不飽及怨兩目之猶存也。相應亟行補賑。擇於本月十八日。許真正乞丐窮民。齊集圓妙觀聽候。本宅散籌驗給。每名白米一升。白錢四十文。庶幾有目無目。均沾一視之微仁。或後或前。總快元宵之令節耳。至於僧道驛夫。不許一槩前來。溷擾徒取厭惡。決不濫給。

金文通公集

卷十九

元宵示賑
有目乞丐

无

金文通公集卷之十九終

金文通公集卷之二十目錄

吳江金之俊豈凡著

年譜韻編

附宋寅類年譜韻編序

附姪某年譜韻編跋

附載

特進光祿大夫太傅兼太子太師吏部尚書中

金文通公集

卷二十

目錄

一

和殿內秘書院大學士豈凡金公行狀



特進光祿大夫太傅兼太子太師吏部尚書中

和殿內秘書院大學士

諭祭

賜瑩謚文通豈凡金公墓誌銘

李 燾

特進光祿大夫太傅兼太子太師吏部尚書中

和殿內秘書院大學士

諭祭

賜瑩謚文通豈凡金公墓表

特進光祿大夫太傅兼太子太師吏部尚書中
和殿內秘書院大學士

諭祭

賜瑩謚文通豈凡金公傳



金文通公集

卷二十

目錄

二

年譜韻編序

昔錢洪甫爲文成先生作年譜凡世所語奇事不書而獨於文成致知之學前後悟入語次尤詳蓋以文成英挺之稟雖異於人而所以能邃于理學發揮于作用者亦不能不待于歷歲踐悟之深也人不可以無年年不可以無譜然自古聖賢豪傑其一生得力之處他人代言之終不若自言之爲親切有味哉余讀太傅息齋公所著年譜韻編不禁作而歎曰嗟乎蓋之矣公之生平政事文章及立朝風采動名顯赫

金文通公集

卷二十

年譜韻編

一

天下之人或能知之能言之至其夙興夜寐報効勞于萬一舍茶茹蓼矢九京而不愧者天下之人固未必能知之能言之也然人有身當其易而怠于宦成敗于名高者往往而是公親遘陽九百六之運值雲雷草昧之時可謂難矣而卒能死生不移身名俱泰豈非其得力之處有暗符文成者則今年譜之所編在公亦有不能盡言之者矣而況于他人乎余瀏覽史冊古人之自作年譜者有矣而以年譜爲韻編者則自公始公弱冠之年卽叅謁雲棲于心性之學實

有所悟故游戲筆墨灑灑千言老而愈壯而非跼蹐于文字間者所可望也白樂天之頌裴晉公詩有云致成堯舜昇平代收得夔龍康健身又云故情歡喜開書後舊事思量在眼前余小子請以二詩爲公賦之將見百年期頤日升而月恒焉公之譜與年俱無盡矣公所然而笑曰小子殆知我者遂爲序

昔

康熙八年歲次己酉陽月望前二日年家眷小姪宋

實穎謹題

金文通公集

卷二十

年譜韻編

二

年譜跋

年譜心書也古達人君子自幼而定志以至少而壯壯而老其間盛衰得喪循環屢變而中之所守屹不可移故隨遇而應之爲孝爲弟爲忠爲信爲匡濟民物爲扶植紀綱舒而煦日祥風慘而霜華冰月皆此心之可以大書特書者也景奉筆札侍吾叔父太傅左右嘗以年譜爲請久未之許一日忽以韻語出之凡二千餘言筆不停綴不移日而書成甚矣公之得於心者炯然內湛七十七年如一日也維公幼而金文通公集卷二十 年譜跋 主 孝長而弟弱齡旗鼓文壇作者遜席少年登第潛若不櫻閹禍熾天退安冷署及爲郡守爲監司爲憲長所至錢穀刑名燭照數計清風惠政聲滿邢晉豫楚至四方多故流氛彼猖挺身戎馬鋒鏑間迨十餘載恭遇

聖主開天皇途清泰首膺

隆眷翔步綸扉翊襄機密者十餘年會

世祖賓天遂力籲乞身蒙

恩予告偃息林泉猛謝塵網與深山衲子解微禪宗則

公之忠愛在

朝廷事業在天下者皆不勝書而一不之及惟書其平生所遇與此心所應要歸於無歉而已雖然因公之心想公之遇又何歲何地不足以溯公生平觀公事業也哉景忝猶子夙蒙撫愛敬抒一言識諸簡末云康熙歲次己酉長至姪景百拜謹跋

金文通公集

卷二十

年譜跋

四

金文通公集卷之二十

吳江金之俊豈凡著

年譜韻編

虛度古稀七。流光閃電疾。憶從墮地來。父母愛無匹。
三歲乳母離。萱堂枯食息。七齡瘡痍生。晝夜親憂織。
痘平外傳就。十二開筆墨。胞兄實爲師。講解頗勤憶。
十三應童試。屢試輒見抑。十九改麟經。工夫僅百日。

金文通公集

卷二十

年譜韻編

一

經淑泰清兄二十嘉庠入。歲底始完婚。娛親諧琴瑟。
廿一謁雲棲。戒殺奉爲律。靈山夙種緣。根苗從茲茁。
廿三大比年。觀場竟莫及。雙親含淚言。年老望子急。
過此再蹉跎。風燭恐將熄。聞訓無地容。發憤不遑食。
廿六倖賢書。廿七南宮弋。循例給假旋。高堂懼始輯。
廿八授除書。獲膺薇省秩。是歲叨覃恩。書債聊爾畢。
循次賦皇華。旋娛雙親膝。期滿仍牽裾。差回恰三十。
歸省寤寐殷。秋又銜命出。恰逢壬戌年。父母皆七十。
兒孫繞階前。天倫樂事緝。癸亥三十一。瓜期漸次卽。

急入春明門。報命已歲逼。甲子三十二。謬等分考直。

取士十一人。何子非鳴翠。乙丑三十三。考選已及格。

惟魏談初張。擠排緣獨立。勉就南祠部。歲餘儀司歷。

高堂迎署中。團聚樂無極。容曹吏隱稱。石頭名勝隴。

是年三十四。愛妾沈氏卒。心緒正無聊。遷郡爲順德。

忽焉簿書嬰。兼且衝途值。是年三十五。發憤圖自植。

民瘠頗朴淳。撫字竭心力。各屬解錢糧。原封總不拆。

雖設庫吏書。法馬塵封訖。公費及羨餘。絲毫罄除革。

亢旱跪禱勤。除蓋炎威逼。雨來猶長跪。直候甘霖溢。

金文通公集

卷二十

年譜韻編

二

各臺暨小民。上下譽詞翁。四載獲量移。童叟攀轅泣。
罷市幾浹旬。遮道祖送塞。至今南關外。清廉碑篆茸。
遄歸嫁長女。老親健逾昔。我年三十九。星沙催任急。
長江上下間。寇帆管絡繹。設法嚴譏防。擒渠始伏匿。
俗習雖豪獷。馴之易以戢。轉瞬二年間。盜靖民寧謐。
我年四十一。尋轉大叅級。趨歸上壽觴。親年又八十。
較之十年前。歡樂踰伯什。親既壽且康。蘭砌復茂密。
盤桓半載餘。方乃奉新檄。駐劄江信州。優游縻俸食。
暮年又量移。蜀臬馬湖飭。歸途抵武陵。陡聞父病亟。

星馳入里門。我父喜侍側。執手絮叮嚀。只要兒報國。
侍奉十日餘。白日遽西匿。身代亟呼天。天高不肯恤。
見母號痛深。徒有抱胸吧。喪禮藉兩兄。勉強拖衰纒。
是年四十二。終口背。母泣家門本福全。獨恨怙先失。
母悲兼復焦。諄諄望兆覓。移盼倏三年。母躬幸安適。
丁丑秋八月。母忽微示疾。身無痛苦纏。易簀猶念佛。
追呼兒孫來。訓誡細微悉。端然逝吉祥。定生西方域。
痛哉四年間。雙親相繼沒。憂纏喪次中。我年四十七。
幸獲望兆圖。筮龜咸叶吉。兩兄皆同心。已卯襄事畢。

金文通公集

卷二十

年譜韻編

王

家居七八載。無顏小草出。明末時事艱。功令罔敢佚。
庚辰四十八。策蹇長安入。痛念江南苦。冒昧請均役。
疏陳旋報可。部料咸允勒。南瑞兵道銓。是冬卽就職。
瑞寧及奉新。大盜素爲窟。盤踞茅竹山。官兵罔敢執。
挾矢率親丁。徒步上山巔。鄉民皆奮呼。生擒百餘賊。
兩臺深歎嗟。勞勛稱第一。本是遷謫流。誤列知兵實。
言路薦章盈。巖疆遇缺給。辛巳四十九。已轉固原臬。
撫按漕科留。坐題糧道缺。拮据于臨期。催糧又催楫。
策馬章江濱。食息靡寧刻。茹苦百晝夜。舫糧共齊集。

飛舸親押催。黃河驚浪吸。連幫銜尾進。抵通事。早
一載忽五遷。壬午屯撫陟。受事甫月餘。旋奉督治救。
馬上趨赴任。是年我五十。平臺蒙召對。恩賚驚踰則。
竭蹶戎馬場。我年五十一。經歲枕甲戈。寢食卒伍習。
事平瀝血辭。嘉勞賜幣帛。萬死一生餘。復厠司馬側。
會丁鼎革運。猶如隔世憶。劇嬰流逆若。自刎復自縊。
惜爲同難救。一死除塞責。是年五十二。海丁陽九厄。
痛定還思痛。夢魂恒悚惕。天心厭亂甚。

皇清定夏前恭逢

金文通公集

卷二十

年譜韻編

四

順治聖日月仍麗天。仁德符三代。義旗耀八埏。逆孽芟
除盡。版圖歸附全。用人惟求舊。朝野無遺賢。我本貳
樞曹。覲顏復備員。我年五十三。澄兒北來瞻。父子忽
相逢。驚喜作夢占。但聞三兒融。是夏已歸泉。可惜恂
雅質。不復依膝前。悲歡一時萃。未幾澄兒南。我年五
十四。濂兒繼入燕。隨例遊太學。偶喜脫青氍。貳樞一
載餘。承之佐中銓。縻祿甫年半。司空正席專。丁亥戊
子歲。兩兒痘殤煎。尋于己丑夏微。

心請假旋。是年五十七。再生入故鄉。里老懽相接。族姓

慶團圓。澄兒甘旨奉孝養無間言。福過滋災咎。殃胎長子捐。雖倖餘生。在五載喪明連假期。忽云滿收淚。復命還。庚寅一品加。辛卯中樞遷。是年五十九生子。名世濬。秉樞係重任。詎意寵眷偏。誓除債帥弊。庶足答涖。涖濬竿周二載。黜幽宜我先。風紀責更鉅。異命又專懸。控辭終未允。黽勉領臺班。受事四閱月。澄清之毫纖。虛聲達。

睿聰復濫家卿階。引咎堅辭屢。終負進退擔。是年六十。二精力漸衰。綿正思圖稅駕。綸扉又特宣。揣分中心。金文通公集卷二十 年譜編 五

疾彌深。伴食慙。乙未六十三。欽點總裁官。欲簡天下士。受命心。膽寒焚香明神矢。務使真才殫。勉竭宵旦力。兢兢大典完。是春喪六郎。悲勞傷心肝。闡事甫告竣。行輟刻加虔。一病遂委頓。致動。

聖懷酸

君臣相視泣。亟遣太醫探。恐如朝露殞。又命繪像來。君恩等怙覆。捐軀難報天。醫藥賴有瘳。入直命頻傳。隨行空署尾。詎勝啓沃肩。丁酉六十五。漢兒侍衛編。蒙

恩軫及子。破格授蝦銜。前此乞假後。離家又十年。引劄陳情切。復荷。

聖明然。臨軒天語囑。慎勿戀家園。是年六十七。又得回鄉。關老妻時病。目一見。目青痊。別久。懽相聚。備覺恩情。繹修焉。欽限迫。割裾覲。

天顏幸已趨北。闕又勤。欽使遄。

天子聞而喜。溫言慰勞倦。是年六十八。踴從南死敗。辛丑春王初。

聖躬忽久安。鼎湖遂莫挽。敷天號慟聯。况我承。

恩渥身。殉猶未厭。金文通公集卷二十 年譜編 六

新王初登極。寧敢乞投閒。四月方陳請。不肯放歸田。是年六十九。家訃鼓盆潛。九月再補牘。准假仍如前五十年。夫婦訣別阻雲山。憑棺一痛哭。相逢期禪關。在再壬寅歲。正逮古稀年。猶則黃扉籍。晝夜凜逆遁。激切籲歸老。荷蒙。

天恩全稱疊。隆異數。古今實罕兼。撫躬還循省。益懼報稱難。歷陟院部署。凡十有八年。一品考滿再十疏。方賜骸。由今以邇。往親恩江海淵。追前以觀後。

君恩天地寬。往事經七十歷。歷猶目前。起今腕力健。書此俟改焉。天猶假年乎。再續留後看。

金文通公集卷之二十終

金文通公集

卷之二十

年譜韻編

七

序

太傅金公榮歸之五
載輯其翊運立朝暨
還鄉以來敷陳之疏
藁若干卷就梓屬余
序之余讀而歎曰自
古一代之興奮庸熙
載救寧四方開治平
之盛業莫九鼎于磐
石者必有間生之大

金文通公集

疏草解序

一

臣焉抱曠世之學識
負特達之才猷審時
揆勢洞燭機宜預憂

樂於事先處危難而
不懼決羣策布盡誠

靖天下之大難成天
下之大功若禹臯之
佐虞夏伊呂之興商
周勲名紀簡冊風烈
炳千秋殆非硜硜時

輩智效一官能效一
職節取而器拘者所
可得而幾也

太傅公自我

世祖皇帝肇造丕基廓清

六合公由樞貳銓佐
歷司空中樞總風憲
陟冢宰晉宅百揆參
贊密勿入則前箸而
籌退則皂囊封上乘

時奮揚驅除亂逆出
斯民於湯火中凡

朝廷制作典章紀綱法度
以至吏治民生綏懷
戡定莫不振其要領

金文通公集

疏草韓序

四

綱舉目張如禮樂兵
刑古人所不能兼者
公以一身而備任之
公孤師保天下所至
尊榮者公則優游而

歷膺之且德位彌高
而虛懷彌下功能愈
懋而謨謀愈深書曰
四方風動惟乃之休
又曰謨明弼諧乃言

金文通公集

疏草韓序

五

底可績其公之謂與
迨今

天子龍飛公以
顧命之重首竭股肱光昭
化理宇內日益乂安

海以外且重譯來王
公廼從容賦歸

天子嘉勞之

特眷異數錫以章服加以
世恩更

金文通公集

疏草韓序

六

命之曰如有關係國家利
弊重大事情仍許陳
奏猗歟偉哉公之進
以時退以禮出處一
合乎道而以身係

國家之望復若是其隆

渥而無窮焉俯仰古
今豈易多見然則是
編也奚足以盡公之
文章事業哉特以見

金文通公集

疏草韓序


七

公之一班云爾

康熙五年丙午仲冬
日南至巡撫江寧等
處地方工部尚書兼
都察院右副都御史

加一級通家晚生韓

世琦拜撰



山中奏草序

太傅息齋公致政家居復
奉關係

國家利弊仍許陳奏之

旨因有山中奏草一則授穎卒
業讀之而歎曰嗟乎君臣

相遇之際可謂盛哉

朝廷用公之言於去位之後公
盡其言於退老之時前此
史冊所載知己之感禮數
之隆蓋未之有也昔司馬
文正公居洛凡用人行政

之大公必知無不言言無
不盡王介甫稱爲君寔西
京之體然是時司馬公未
乞休也杜祁公旣罷政歸
里見賓客必問時事有善
喜若已出至所不可憂形

於色或夜不能寐如身任
其責者然祁公實未能陳
奏也以二公昔日之所遭
揆之太傅公今日君臣之
際一德一心何其盛也豈
徒涼竹簟之暑風曝茅簷

之冬日顧瞻玉堂如在天
上者乎今

天子維新庶政憂憫元元其勞
心求治之意太傅公雖衰
衣退食有一日不能釋然
于中者則將以山中奏草

爲大寶之箴丹扆之獻真
有人所不能言人所不敢
言而公悉言之者書曰爾
有嘉謀嘉猷則入告爾后
爾乃順之于外曰唯我后
之德古大臣之用心蓋如

此雖在江湖之遠與在廟
堂之上也則公之致君
澤民又有不待奏草而見
者余小子其何足以測之
皆

康熙六年歲次丁未清和

金文通公集

疏草宋序

四

上浣年家小姪宋實穎既
庭拜手題于讀書堂



序

聖人開天首出手闢太平則必
有肱膂佐命之臣一德一
心陳謨攄蓋以上襄戡亂
保邦之治匪偶然也 家
太傅公以真誠端亮之望
簡在
帝心始佐鴻樞預叅
廟算於時庶事草創師行驛騷
狡焉啓疆之徒所在震動
惟貴帷幄運籌先機制勝
倘根本之謀未裕卽廓清

金文通公集

疏草金序

一

之畧安施公感我

朝再生殊恩殫心軍國指揮旣
定動中機宜啓事之間字
字皆言人所不敢言

廟廊之上抑事事能聽人所不
能聽吾讀是編而歎當日

金文通公集

疏草金序

二

堂簾之相得何其盛也嗣是
旋陟司空遂正中樞晉長
法臺總百官冢宰然後入
贊機務所至必有建明所
言必蒙採納要皆本諸真
誠端亮之素以對揚夫君

仁臣直之休且益信論事

回天不惟其力惟其識今
觀佐樞諸疏指陳得失較
若列眉慷慨淋漓不避嫌
怨真有扛鼎之力而又運
以燃犀之識者也故公之

金文通公集

疏草金序

三

豐功茂烈天下不盡見而
見於章疏或庶幾窺其一
班公之讜論竝議天下不
盡知而知之佐樞已肅然
凜其大節昔房武昭謂創
業艱難魏文貞謂守成不

易彼皆當身閱歷故宜各
見一邊若公則初旣經綸
草昧終復黼黻熙隆爲能
獨見其全矣方

先皇帝論道之殷重元老才名
之盛高文典冊悉屬手裁

金文通公集

疏草金序

四

昭日月而炳星辰天下文
章孰大乎是是則公以揆
奮之鴻猷勛創守之隆畧
而佐樞一席實爲之嚆矢
非小子阿私之言也請質
之讀是編者

康熙丙午夏六月中浣穀
旦華川小姪漢鼎百拜敬
題于景洛堂



金文通公集

疏草金序

五

金文通公集卷之一目錄

吳江金之俊豈凡著

佐樞疏草

賊謀甚狡疏

勦撫須求實着疏

逆賊慣布虛聲疏

狡寇終未革心疏

金文通公集卷之一目錄

聖主視民如傷疏

謬抒一得疏

請勅諸臣疏

金陵既已大定疏

謬陳漕務疏

逆闖既已蕩平疏

金文通公集卷之一

吳江金之俊豈凡著

佐樞疏草

賊謀甚狡疏

兵部右侍郎臣金之俊爲賊謀甚狡

朝算宜周謬陳一得仰祈

睿鑒事臣接易州道塘報流賊尚在太原日事招練

金文通公集卷之一佐樞疏草

又詢之真定副將王燦云僞將馬總兵徑倚固

關以蔽我且連日據守門官軍盤獲流賊奸細

供稱來京探信實繁有徒可見逆闖包藏禍心

固未嘗一刻忘東向者目前之真保三關與宣

雲二鎮其最要地也保撫已推原任順廣道魏

公韓似可朝聞命而夕受事今聞其避賊深匿

杳無踪影此須行令井陘道察其伏處近地卽

趨之受事如已遠引亟當另爲推補斷不可使

畿南重地流賊虎視于外土寇鳴張于內而竟

無撫臣爲之彈壓者。乃宣雲情形則尤大可商。焉宜府雖有撫臣李鑑。尚無總兵。在撫臣請暫署者。爲王應暉。而或謂其年老多病。在諸弁所擁戴者。爲楊國助。而或謂其雖治自銜。大約此二弁者。均非總戎之寄。應暉之衰老。果真應聽其投閒。國助之年力尚壯。應移之別用。宜另選一廉勇大將補之。以杜紛囂。而斷葛藤。至撫臣係節制將吏之官。而諸弁以署鎮故。疑撫臣之左袒應暉。而抑國助。致反唇相訐。則李鑑方憂讒畏譏之不暇。何以安位而行志。亦宜更調別鎮。以竟其用者也。若大同之總鎮姜瓖。代藩之舉強王。其以投誠修表至也。

廟堂處置之法。可謂盡善。未有不勸忠消貳者。但聞

彼中道將。悉係姜鎮干倉猝之際。權宜設置。欲驟易之未便。欲盡因之亦未便。非得一精明強幹之撫臣。主持參互其間。恐亦無以肅政體而鎮人心也。緣三關二鎮。實偏賊巢。室隙杜瑕。倍宜萬全。而用人受當。尤爲制勝要着。統祈

睿裁施行。封疆幸甚。奉

旨。據啓賊在太原。日事招練。僞將徑倚固關以蔽我。包藏禍心。一刻不忘。東向真保。三關宣雲二鎮。誠爲衝要。魏公韓見在何處。卽行文地方官速察具報。宣府撫鎮事情。已令巡按御史盧公確察李鑑。王應暉着照舊供職。楊國助另議。推用大同巡撫。須得精明強幹之才。着廷臣各舉所知。以備會推。簡用限三日內。啓聞。金之俊任佐中樞。於軍國大計。慷慨直陳。具見盡誠遠慮。吏兵二部知道。

金文通公集

卷之一

佐樞疏草

三

勦撫須求實着疏

兵部右侍郎臣金之俊爲勦撫須求實着地方立見收寧仰祈

睿裁飭行以昭

聖化事竊照寇名爲土本皆土着之民也乘流賊煽亂之餘一時地方無官無法恃強雄長勾連嘯聚以致焚劫淫殺禍與流賊等其實皆有姓名可指有住址可稽有親族隣里可訪或一村之內而好及居半或一姓之中而貞慝懸殊或一

金文通公集

卷之一

佐樞疏草

四

人之身而始邪終正前後兩截欲單主勦則安民反以害民玉石俱焚之可傷欲槩行撫則革面未必革心養虎遺患之可慮實能勦者必兼撫以用勦而後撫不至于干和實能撫者必兼勦以用撫而後撫不至于釀亂伏乞

敕令道將凡遇土寇猖獗之處先行牌諭有賊首率衆歸順者竟赦罪勿論有賊首抗拒而賊黨并隣族人等能縛之來獻者卽論功行賞照地方之遠近定歸順縛獻之日期過期不報卽舉兵

殲之彼愍不畏死之徒雖殺之不忍而究竟畏

死者多則就撫者必不少但旣已就撫須收其

弓箭刀鎗銃砲及馬騾等有私匿者查出重治

至于牛驢係民間耕田磨麵之需任其畜養不

許官兵一槩括收仍責成該州縣官將就撫之

衆籍其花名編置排甲有廬舍者俾之各安故

業無恒產者仍爲設法安插州縣上其冊于道

府道府轉報之本部則土寇之有無與各官之

殿最一展冊而瞭然矣如是而後勦撫方有寔

金文通公集

卷之一

佐樞疏草

五

着地方有不立見收寧者臣不信也倘芻蕘可

採懇祈

睿衷裁奪施行奉

旨土寇本皆吾民渠魁能率衆來歸自當赦罪同黨能縛獻賊首自當論功倘執迷不順方發兵誅勦不必定限就撫之民須良有司設法安插毋致失所其馬匹兵器盡數交官方見真心就撫牛驢乃農事必需不許一槩括取作速行文各道府轉行所屬將地方有無土寇曾否歸降據實詳報卽以

此定各官之殿最如有玩寇殃民或貪功生事者必罪不宥該部知道

逆賊慣布虛聲疏

兵部右侍郎臣金之俊爲逆賊慣布虛聲我須制以寔着敬抒一得仰佐

宸謨事臣連日接署撫臣井陘道丘懋華及署鎮臣副總兵王燦塘報賊將之偽牌四布賊哨且直逼廣平之臨洛關是豈不知我大兵見駐真定反來送死也彼不過逞其傳牌之故智冀搖風鶴之人心仍以虛聲爲嘗試耳我欲破彼之虛聲惟在圖我之實着實着維何亦曰使地方處

處有官官實實得人而已除懸缺未補者勿論卽銓補有人而棲遲未任猶之與無官等如近日所補之順廣道甘文燧順德府知府金震出宜勒令赴任何可聽其徘徊國門足將進而趙起也卽見在蒞任而尸位無能與躍冶不戢亦均之無官等如通州道臣鄭輝之優游養寇勦撫無聞三關鎮臣郝之潤之借名誅僞稱兵肆掠皆當速易賢者因循釀害非所宜也至廣平大名之僞官久去則二府之府州縣官並須亟

補恐真官不設。偽官又來。而保撫屢奉速催之旨。尤不宜再爲築舍之謀。畿南畿北二按臣皆望著埋輪。亦當星速叱馭。問豺狼而綏鴻雁。不必候屬吏齊集。使屬吏又轉生觀望也。惟上下大小之官俱備。則事自集。事集則有隙必杜。無瑕不堅。然後寇大至則舉大兵以應之。寇小至則分偏師以應之。無憂虛聲之不紕矣。微臣感事抒忠。罔識忌諱。伏乞

垂慈矜察。俯賜採納施行。奉

金文通公集

卷之一

佐樞疏草

八

旨各地方緊要員缺宜刻期補完。已補的速催赴任。倘稽遲違限。該撫按叅來重處。鄭輝優游養寇。郝之潤稱兵肆掠。都着解任。侯議員缺另推保撫已特用了。奉差御史當叱馭星馳。不許遷延以滋觀望。仍將啓行日期報內院。啓聞該衙門知道。

狡寇終未革心疏

兵部右侍郎臣金之俊爲狡寇終未革心。撫鎮暫應移駐。以便彈壓。以期廓清事。竊照近畿土寇。惟宛平東安武清涿縣一帶趾接壤錯之地。實繁有徒。雖陽爲受撫。以緩我兵。實陰肆結連。以樹其黨。而近日天津以上務關以下。楊蔡二村之間。白晝連鑣。行旅斷絕。

輦轂近地。幾同化外。此何可置之不問哉。臣愚以爲

通州總兵杜應登。暫宜移駐務關。相機撲勦。順

金文通公集

卷之一

佐樞疏草

九

撫宋權亦宜暫駐通州。就近調度。須事平然後還鎮。毋如前者勢盛則呼兵。兵至則日已受撫。使地方徒被師徒之擾。狡寇益肆猖狂之謀。日遷月延。致成滋蔓難圖也。總之勦必縛其渠魁。破其塞壘之謂勦。若逸彼戎首。僅誅脅從。豈成勦乎。撫必解甲投戈。編輯歸農之謂撫。若鮮衣怒馬。衷甲受犒。豈成撫乎。是在該撫鎮督令道將等官實實下手從事。了此不難耳。臣愚待罪佐樞。寢處不遑。不復計妄言之獲罪也。統祈

脣鑒裁察施行奉

旨天津務關之間土寇公行地方官料理何事宜速
殲渠魁勿令滋蔓着杜應登暫駐務關宋權暫駐
通州督率各道將從實下手以安畿甸候勦撫完
日啓明奉旨方許回鎮作速傳諭行

金文通公集

卷之一

佐樞疏草

十

聖主視民如傷疏

兵部右侍郎臣金之俊爲

聖主視民如傷驛困尤宜首恤敬陳職掌俯抒末議
事本月初一日百官待朝

午門外蒙宣

諭旨有東兵強買市物及毀傷民間動用家伙者已
悉置重典傳令居民各安心生理欽此臣等鵠
聽之餘仰見我

聖主軫念民艱無微不至

金文通公集

卷之一

佐樞疏草

十一

王言甫出于九重歡聲遂徧于四境卽此一節

萬年有道之長實基之矣然有如此愛民之

主在上而民隱不以上

聞皆臣下之咎也臣辦事衙門接通州知州李廷梅

衡州慘毒日甚下吏嘔血難存一詳蓋爲經過

之東來官丁索要廩糧料草日不暇給而且無

勘合牌票恣意橫索官窘吏逃累各槽頭傾家

措辦實爲萬分難堪之狀也臣與同官諸臣相

顧痛嗟若不立法禁飭則荼苦不獨通州一處

豈非屬民之大者乎。目今臣部給發之勘合火牌係左侍郎臣劉餘祐先年在部時與尚書陳新甲酌定規則不啻不濫。臣愚以爲嗣後滿州官役往來應用夫馬廩糧料草宜悉付臣部給領勘合官照品級役照名數一體遵例填註。有額外苛索及無勘合火牌者州縣官槩不許徇情應付。年終仍造清冊彙送部科磨勘。違者律究則郵困自蘇而小民之脂膏不竭。卽朝廷之血脉無闕矣。倘臣言非謬伏乞

金文通公集

卷之一

佐樞疏草

主

天語嚴飭。榜示衢途。庶愈于臣部之三令五申。而地方官吏之奉行不患不力也。奉

聖旨。冲途疲累。豈堪恣肆橫索。此事害民不小。法當嚴禁。以後滿官往來應用夫馬廩糧料草照例填給勘合火牌。驗明方准應付。額外多索及無勘合火牌強要應付的許地方官拏送來京。分別正罪。決不姑貸。其年終造冊榜示通知。俱如議行。

膠州一得仰佐 國計疏

兵部右侍郎臣金之俊爲謬抒一得仰佐

國計事。竊照西北之粒食全取給于東南。前朝漕白二糧歲額六百萬餘石。皆輸自浙直江楚四省。其在山東河南不過十分之二。自闖亂後南粟無顆粒到京者已一年矣。無惟乎北地之糧食市價日益騰貴也。今幸大兵直取南京。計江南蘇松常鎮杭嘉湖七府本年之漕白二糧必久抵南庾須

金文通公集

卷之一

佐樞疏草

主

亟簡總漕臣一員星馳淮上。巡漕御史一員疾趨瓜揚。一面彈壓地方。一面料理運事。俟金陵底定之日卽清查糧數酌留若干以供大兵支用。餘盡爲之設法償運。今歲多一閏月時猶可及。南粟旣已北來市價自當漸平。此目前之大有關於

國計者。况連運今年在官之漕白以裕京儲便可寬留明歲民間之本色以紓民力不特裕國而又惠民計無便于此矣。微臣一念樸衷不避越

俎之罪統惟

聖明採擇施行奉

聖旨總漕已有旨了巡漕御史應行事宜作速議奏
該部院知道

金文通公集

卷之一

佐樞疏草

十四

請 勅諸臣省議論息紛囂疏

兵部右侍郎臣金之俊爲請

勅諸臣省議論息紛囂共矢和衷以襄

上理事臣接邸報南城御史趙開心一本爲邪臣不
能以道事

君等事奉

聖旨趙開心這本說云欽此該臣莊誦再四大哉

王言衣冠之未足以盡仁義也非

堯舜之君豈能究仁義之蘊至此因覓全抄閱之惜

金文通公集卷之一 佐樞疏草 五

素著直聲之趙開心一時推爲鳴鳳者乃措詞

亦有未當耶人品邪正不開一髮之去留固不
得議束髮爲非正亦何得指剃頭爲盡邪也總
之

皇圖旣已混一是滿是漢均屬

清朝之臣有髮無髮皆爲比肩事

主凡臣子所以報

朝廷者在肝膽不在面貌至

朝廷所鑒知而嘉與者必取其精白之心非取其服

飾之合。况臺臣既知蓄髮

令旨炳如日星。何必過慮同列之倡言。遽至反汗。而多一番猜度。反多一番搖惑也。今又奉有不願剃頭。亦不必強之。

聖旨益信

王道本乎人情。願大小臣工。和衷協力。共事

克舜之君。講求仁義之政。勿再紛紛聚訟于頭面之間。所關

聖治非淺鮮矣。伏乞

金文通公集

卷之一

佐樞疏草

六

天語申飭施行奉

聖旨人臣進言是非。應有確論。此奏尚屬含糊。該部知道

金陵既已大定疏

兵部右侍郎臣金之俊爲金陵既已大定。

聖治亟宜維新。冒陳臆見。仰佐

廟謨。事竊照金陵在前朝爲陪京。設官之制。與燕京

相彷彿。今日之局面。不可同年而語。然其地西控荆蜀。東跨三吳。北連齊豫。南達閩廣。其爲四方根本之要區。則今猶昔也。或鎮以

親王。或宿以重兵。

聖慮淵微。非臣下愚昧所敢妄爲擬議。但其衙門當

金文通公集

卷之一

佐樞疏草

七

因其衙門當革。須審時酌勢。爲之變通。損益其間。務期法制足以相維。而事權不虞龐雜。則定官用人。今日第一義也。伏乞

勅下九卿科道。從長計議。揭送內院覆覈。至當。上請睿裁施行。至目前首應推補之官。無如應天巡撫。巡按與蘇松常鎮按學二差。此在該部院諸臣。早有成算。亦無俟微臣爲桑梓喋喋也。臣不勝悚息待

命之至奉

聖旨應天巡撫巡按與蘇松常鎮按學二差應速遴選推用餘已有旨了該部院知道

金文通公集

卷之一

佐樞疏草

六

謬陳漕務疏

兵部右侍郎臣金之俊爲謬陳漕務芻言仰佐經國大計事臣黷淺庸流佐樞無能何敢越俎妄談國計但臣家世江南又曾任督糧道于漕事身親目擊有慨于中久矣敢畢竭其愚爲

皇上陳之

一曰運糧之官卒宜講也查前朝運有十二總領衛一百四十川旗軍十二萬六千八百人今衛所須更則必另設運官以任之非都守等升

金文通公集

卷之一

佐樞疏草

七

之有才畧兼有身家者不可也旗軍不用則必另募漕卒以代之非沿河一帶習知舟楫水性之丁壯不可也約每船用卒十二人卽以頭舵二人爲隊長管束十人每弁統卒五百人約領運船四十隻行舟一如行師庶有以相維相制也

一曰船隻之措備宜講也查前朝糧艘約萬隻近年凍損及燒燬甚多浙直江廣所在催募民船爲費不貲而又重累商民若莫勝言爲今之

計除搜整舊船外江南投順各將兵船頗多擇其堅完者改作糧艘不足再議造可也

一曰節級轉運之法宜講也明季督漕功令甚嚴卒未能輓遲爲速良繇軍船一半載糧一半載貨既重滯易于淺閣又沿途貿易逗留臣以爲須倣唐臣裴耀卿劉晏故事緣水置倉節級轉運如江船不入汴汴船不入河河船不入渭之說今日江南之船止須抵濟而返繇濟運至津通另造剝船又作一節轉運其船要底平倉

金文通全集

卷之一

佐樞疏草

十

濶多不過載米二百石受水六掣而足以四五人牽輓便可日行百里必無凍阻露積之虞且大船不入濟則回空甚早又不悞新運此至便計也

一曰蠲除苛耗之宜講也明初正米一石止加耗五升尋增至七升浸假而加增無已又有臨尖踢斛拋剩漫籌等諸弊近年每石且加耗至二三斗緣衛官索旗軍常例而恣其勒贈不肖有司又受衛官餽送而一任科歛節節相剝民

何以堪今

興朝嘉興更始當循明初舊例倘運弁運卒及州縣官有仍蹈故轍者重罪不赦則無名之耗自除而萬姓更甦矣

一曰裁汰冗員之宜講也漕糧耗多亦半因官多縣有糧衙府有糧廳皆蠹糧之官並非催糧之官臣以爲徵收宜專責正印不得復委糧衙催押宜專責刑廳不得復委通判領運既各有專官且有糧道提衡於上亦不必復設運總名

金文通全集

卷之一

佐樞疏草

主

色冗員既除則蠹蝕少而耗贈自減矣

一曰剝運盤驗之法宜講也各省直糧道俱自水次督押到京漕道駐劄瓜州候各糧道到齊始尾後押幫不過拱手受成而已臣以爲漕道徑當移駐濟寧兼管剝運一事各糧道至濟親督領運官交米過剝卽押回空而南料理新運仍聽漕道盤驗有無足額一面報總巡二漕一面報內部與倉部濟而下糧道任之濟而上漕道任之則責成專而奏效速矣

一曰漕額出入之數宜講也。除前朝新增遠練等米應徵。

恩典與新餉並蠲外。原額入數若干。諸若京營捕營四衛營錦衣衛七十八衛所光祿寺廚役各項等及各鎮邊糧共出數若干。今

新朝減去冗員冗役及各鎮冗兵止應出數若干。通盤打算須入數若干。較舊額贏餘若干。臣以爲餘數徑行改折隨漕徵解則

朝廷省運價百姓省加耗公私兩利矣。

金文通公集

卷之一

佐樞疏草

三

一曰官卒廩餉及造剝工料之需宜講也。查前朝官軍除加兌外仍支給坐行二糧約運米一石不帶費二三石儘足廩餉之需各省直又有過江過湖蓆板等銀及一六二六三六之隨糧輕費輕費卽是餘耗折色照地里遠近爲多寡如江浙湖最遠則耗四折三故曰三六直隸江南北次遠則耗四折二故曰二六山東河南較近則耗二折一故曰一六此項原資運費以之濟造剝工料真一勞而永逸也以上數條倘有

可採伏乞

勅下廷議參求至當爲萬年長久之計至于今年量運南庾之漕白以接濟京儲尤爲目前要務此在漕臣自有措置無俟微臣再贅矣事屬條議字多溢格統惟

聖慈寬宥施行奉

聖旨戶部知道

金文通公集

卷之一

佐樞疏草

三

逆闖既已蕩平疏

兵部右侍郎臣金之俊爲逆闖既已蕩平。捷書
亟宜宣布。以昭

聖武。以快人心事。竊照從來亂賊之徒。窮兇極惡。未
有甚於逆闖者也。從來誅亂討賊之師。堂堂正
正。未有過于我

清朝者也。昨滅闖凱奏一至。不獨臣民歌呼。卽

天地亦爲之悅豫。臣謂

皇上宜擇吉行

金文通公集

卷之一

佐樞疏草

三

祭告禮。受群臣朝賀。卽差官資捷書。播告四方。可以

感服忠臣義士之儔。欲討賊而未能者。可以愧

殺忘讐。釋怨之輩。圖富貴于瞬息。殘大義于千

秋者。又可使所在陸梁之小醜。魄奪魂搖。而不

敢復存鷹眼。又可使所在橫議之處士。理窮舌

結。而不敢再肆臬音。宜之一時。收伐罪弔民之

全局。垂之萬禩。見曆服無疆之始基。臣更有請

焉。凡江南及江楚大小官員。除見在地方。暫蒙

二王委署管事者。應候

原缺

金文通公集卷之二目錄

吳江金之俊豈凡著

佐銓疏草

君恩未報疏

臣情已蒙 聖鑒疏

成命不敢不遵疏

遵 旨乞假疏

金文通公集

卷之二

目錄

一

金文通公集卷之二

吳江金之俊豈凡著

佐銓疏草

君恩未報疏

吏部右侍郎臣金之俊爲

君恩未報絲毫。臣衷實有萬苦。謹循例乞假。墓親殯。子哀懇。

金文通公集

卷之二

佐銓疏草

一

聖慈矜允事。臣以刀俎餘生。于元年五月初二日。力

疾扶傷。恭迎

王駕。隨蒙內院臣范文程傳

諭命。臣卽住宿朝房。仍辦兵部事務。爾時臣猶寸步

難行。忍痛料理。瀕死勿恤。良以感

清朝再生大恩。匪捐糜能報也。待罪樞試者年餘。漸

無寸補。又蒙

聖明特簡。佐銓念

君恩之彌重。懼報稱之益難。昨歲南中定事。

清罪案。以臣爲首。族誅且在旦晚。幸大兵奄至。法不果行。臣之祖先骸骨。妻兒戚族。皆我

皇上保有而生全之也。興言及此。不覺感涕滂沱。自當竭盡犬馬。死而後已。何敢言去。亦何忍言去。但臣實有至若下情。不得不哀鳴于

君父之前。臣雙親俱棄世十餘年。至今尚厝淺土。死不能葬。甚于生不能養。

皇上方以孝治天下。安用此不予之臣爲哉。去歲家中又喪一頗能成立之子。乳乳孤寡。貧無以殯。

金文通公集

卷之二

佐銓疏草

二

思親痛子。每至中夜。輒撫膺長號。去冬卽擬繕疏控陳。因時值元旦。未敢造次。適同官左侍郎陳名夏。又以聞艱告歸。是以因循至今。今名夏已將假滿入

朝。而現在卿寺諸臣。復濟濟盈列。其才品十倍于臣者。更不乏人。皆可朝聞

命而夕受事。無虞部務之廢閣也。查戶部右侍郎任溶。侍讀學士朱之俊。以省親請。祭酒薛所蘊。以送親請。並蒙

聖恩俯准假歸。臣之苦情更倍三臣。比例假歸。葬親殯子諒。

皇上必不靳一視之仁也。倘終事之後。未卽溘然溝壑。則盡瘁圖報。尚有日耳。伏乞

聖慈矜允。施行緣係引例陳情。字稍溢格。并希

鑒宥。臣不勝瀝血待

命之至。

順治三年七月初六日具題。本月初十日奉

聖旨。金之俊告歸。葬親孝思宜然。但銓部事務重劇。

金文通公集

卷之二

佐銓疏草

三

着候陳名夏回職。再議遣歸。吏部知道。

臣情已蒙 聖鑒疏

吏部右侍郎臣金之俊爲臣情已蒙

聖鑒。臣病更負

君恩。謹冒死控陳。伏乞

速簡賢能以襄銓政。

允罷病臣。以勵官方事。該臣于前月初六日。奏爲

君恩未報。絲毫。臣衷實有萬苦等事。奉

聖旨。金之俊告歸。葬親孝思宜然。但銓部事務重劇。

着候陳名夏回職。再議遣歸。吏部知道。欽此。欽

金文通公集

卷之二

佐銓疏草

四

遵。臣捧釋

天語諄至。感繼以泣。正期勉竭庸駑。稍圖報稱。不意

命蹇福薄。而臣病矣。臣牛馬賤骨。素耐勞苦。自

元年五月初二日。扶傷辦事以來。未嘗以寒暑

小疾。告一日假。此兵吏兩部。滿漢僚屬。所可共

質者。乃日積月累。勞傷內中。旬日以來。胃氣結

塞。飲食不進。遍身骨痛。肌肉頓消。然猶忍病入

署。共事滿臣。爭見而憐之。至初一日。而狼狽殊

甚。始不能強起矣。精耗血枯。徹夜不寐。此非偶

冒寒暑之症旦夕可療。雖臣命至輕。何敢遽圖
休沐以自便。但銓務爲重。豈容一日臥病以曠
官。展轉牀褥。負罪滋大。伏乞

勅部卽于卿寺諸臣中推補右侍郎一員。俾之卽日
受事。所補銓政非渺小也。至微臣病軀生死未
能逆料。倘徼

聖慈矜察。得扶病回籍歸塋。一親亦不枉負

皇上一番再生

大恩。生生世世不忘犬馬之報也。伏枕哀鳴。語無倫

金文通公集

卷之二

佐銓疏草

五

次統望

聖明憐允施行

順治三年八月初三日具奏。本月初六日奉

聖旨。金之俊仍遵前旨行吏部知道。

成命不敢不遵疏

吏部右侍郎臣金之俊爲

成命不敢不遵。部務終虞耽誤。懇乞

聖明特簡詞臣一員。暫署銓左。以期力疾共理事。本

月初三日。該臣奏爲臣情已蒙

聖鑒等事。奉

聖旨。金之俊仍遵前旨行吏部知道。欽此。欽遵。臣凜
奉

天語。卽一死未足塞責。何有于病也。但臣不能知人

金文通公集

卷之二

佐銓疏草

六

頗能自知。嘗清夜簡點。賈戾叢愆。蓋非一端矣。

雖以滿臣之公清。不能掩臣之迷謬。而臣之迷

謬。實有累滿臣之公清。縱使精力強健。勤瘁有

加。還宜罷譴。况復奄奄一息。有同尸行。曷能仰

副

簡任而愉快乎。伏乞

皇上念微臣生死事小。

聖朝銓衡事大。仍

俞臣今春之請。

亟簡詞臣中資望相應者暫署左侍郎事務俟臣病稍痊卽勉出協力料理庶部務有濟而臣之愆戾或藉以稍追也冒瀆萬死統惟聖慈寬宥臣不勝股慄待命之至。

順治三年八月初八日具奏本月初十日奉

聖旨前請代署已有明旨何必復奏吏部知道

金文通公集

卷之二

佐銓疏草

七

遵 旨乞假疏

吏部右侍郎臣金之俊爲遵

旨乞假事臣于三年七月內具有

君恩未報絲毫等事一疏奉

聖旨金之俊告歸墓親孝思宜然但銓部事務重劇

着候陳名夏回職再議道歸吏部知道欽此又

該臣奏爲臣情已蒙

聖鑒等事奉

聖旨仍遵前旨行吏部知道欽此欽遵荷蒙

金文通公集

卷之二

佐銓疏草

八

溫綸至再感愧欲歿冀以一息尚存之身勉竭報稱

卒之任重力綿于職業無毫末之補而罪戾有

丘山之積

君恩日深臣之負

恩日甚蚤夜循省真有夢寐難以自寬者今幸同官

陳名夏已于本月初一日回部供職部務協理

有人臣謹遵

前旨再控苦衷願懇

聖慈一視之仁

賜臣替年之假。俾得葬親殯子。稍遂父子至情。則存歿啣結。世世以之矣。雖

恩深莫報。不敢不依限前來。再效犬馬也。臣不勝激切惶悚待

命之至。

順治四年三月十一日具奏本月十四日奉

聖旨。部務需人。金之俊不准假。亦不得再行陳請。吏部知道。

金文通公集

卷之二

佐銓疏草

九

金文通公集卷之三目錄

吳江金之俊豈凡著

總憲疏草

風紀重任疏

中明憲職疏

差規務期畫一疏

酌定建白之規疏

金文通公集

卷之三

目錄

一

酌定考核回道疏

直指官箴二大玷疏

人臣進言宜當疏

直糾昏耄學臣疏

職專糾劾疏

遵奉 上傳疏

御史之學差既裁疏

御史外差疏

宸謨已操勝算疏

君恩未報疏

君恩愈重疏

敬陳巡方六要疏

罪臣自陳疏

金文通公集

卷之三

目錄

十一

金文公集卷之三

吳江金之俊登凡著

總憲疏草

風紀重任疏

少保兼太子太保左都御史臣金之俊爲風紀
重任揣力難勝謹冒罪控陳仰祈

聖鑑事本年正月二十三日該吏部題爲會推官員

金文通公集

卷之三

總憲疏草

一

事奉

聖旨金之俊仍以少保兼太子太保補都察院左都

御史欽此臣驚聞

寵命惶悚無地竊念都察院爲風紀之領袖御史之

表率任至重也臣之衰庸不堪久在

聖明洞鑒中蚤宜引分乞休以讓賢路乃

皇上不以臣爲不肖過採廷臣之言致有是

命言念

聖恩高厚卽捐軀莫報豈敢畏難控辭但自揣望輕

力綿恐今日冒昧就列。將來必負委任。臣一身不足惜如。

國是何。臣用是蚤夜思維。慄慄危懼。不得不據實自

陳伏乞

皇上收回成命。別簡賢能以重憲紀。

國是幸甚。微臣不勝感悚待

命之至奉

聖旨。卿品望素著。風紀重任。特爲簡用。着卽祇遵受

事。不准辭。該部知道。

金文通公集

卷之三

總憲疏草

二

申明憲職疏

少保兼太子太保左都御史臣金之俊爲申明憲職。先律已而後責人。以端風紀之本。以收澄清之效事。臣竊見

皇上宵旰憂勤。無非以計安民生爲念。乃民生所以未安。皆繇吏治不清。吏治所以不清。則臣衙門堂屬官不能不首任其咎也。蓋御史以察吏爲職。而御史律已不嚴。何以察人。臣又以察御史爲職。而臣律已不嚴。何以察御史。案查憲綱開

金文通公集

卷之三

總憲疏草

三

載一欵。凡都察院官及監察御史。按察司官吏人等。不許于各衙門囑託公事。違者比常人加三等。有贓者從重論。良以職司風憲。必先自治而後能治人。未有姑已于清濁之間。可定人以貪廉之衡者也。臣今蒞任之初。請與諸御史約。其遇差也。務要一循差規。不許鑽營趨避。那移一毫。其差回也。務要兩袖清風。不許沿習陋規。饋送一物。至于奉

命出差之日。務要恪遵順治八年三月內

上傳勅諭各巡按監察御史事理實實奉行倘臣與
內外大小各衙門私通一饋問私接一書札或
于差出御史有所囑託許諸御史即據實叅臣
勿以堂屬避嫌如諸御史有不遵

上傳不守憲綱禁約及直言無爲國爲民之實有黨
同伐異之私臣悉當一一直糾斷不敢避怨市
恩稍有瞻徇總之臣思

聖恩難報惟有偕滿漢僚屬諸臣互相砥礪痛洗積
習共端風紀之本力圖澄清之效以勉副我

金文通公集

卷之三

總憲疏草

四

皇上勵精圖治之盛心若功名性命均非臣之所計
也

皇上如以臣言可採伏乞

天語嚴飭臣等遵奉施行奉

聖旨覽卿所奏具見忠貞之心須及時力行以副朕

望該衙門知道

差規務期畫一疏

少保兼太子太保左都御史臣金之俊爲差規
務期畫一恭請

聖裁永著爲令以肅憲紀事該臣等看得臣衙門御
史差規載在會典及憲綱者原自畫一向來雖
倣例而行然未經題明請

旨使先後次序確然如四時之不易倘稍有游移其
間則整肅百僚之地先開人情營競之端非所
以正本澄源振綱飭紀也今臣等令經歷司河

金文通公集

卷之三

總憲疏草

五

南道會同各掌道御史叅考舊章酌擬差規一
十六款開列上請仰候

聖明裁定永著爲令勅下臣等遵奉施行

計開

一案查舊例御史出差俱以一年爲期例于兩
月前報滿註代順治八年三月初十日議定北
直江寧蘇松督學差必歲考科考一週報滿此
應仍舊巡漕一差鹽政四差一年有一年之額
仍以一年交代其餘大差中差俱以一年六個

月爲期。照新例于三月前報滿註差赴代。其巡倉茶馬二差近奉

日照鹽漕額例已定爲一年。欽遵在案。

一河南道關係最重。必資望俱優。曾經三差者。方准題差掌管。

一查京畿道係頭差。亦必資望俱優。曾經三差者。方准題差掌理。如三差乏人。于回道御史內。擇資俸稍深者。題明管理候差竣之日。仍照序補差。

金文通公集

卷之三

總憲疏草

六

一北直江寧蘇松三學差。俱不在按差之內。必資望學行兼優。及甲科御史。不分中大。仍經二差者。方准題差督理。

一巡按順天舊差資深御史。今中大各差。一槩俱挨次新舊簡用。此差亦應照例。遇舊差舊遇新差新。

一巡視五城舊係小差。今不算差。雖議半年更替。然亦久暫不拘。新資御史挨該大差。必先試以城差。應三個月一換。

一差期一年爲滿者。照舊例于兩月前。廳道查其到任日。扣至十個月足。卽行註定。

一差期一年六個月爲滿者。照新議于三月前。廳道查其到任日。扣至十五個月足。卽行註代。一題差除五城御史不用陪差外。其餘一正一陪。今次陪差。卽係下次正差。其果係原籍。非先曾經歷任三年之內者。正差並須迴避。如遇陪差。遵新。

旨題明不必作陪。後仍照序用。

金文通公集

卷之三

總憲疏草

七

一奉差御史。未經任事者。遇有事故。應更替卽就未註御史。挨次填補。其註定者。不得移換。

一同日到任御史。照臺規所載。各差地方先後挨次註差。

一同日回道御史。或二人。或三人。俱以進道資次先後序差。

一差滿回道御史。槩以

命下之日。照資序新舊間差。無舊儘新。無新儘舊。俱先陪後正。

一御史差滿回京見

朝在先或遇事故未經回道而後差見

朝在後回道在先槩以考核回道

命下之日序差

一前咨御史尚未差完適有考選新咨進道者必前咨差完然後照咨挨次滿漢新舊間差

一御史定以三差爲滿若三差之中或有一差未完仍當再差一次以足三差之數奉

聖旨是著著爲令

金文通公集

卷之三

總憲疏草

八

酌定建白之規疏

少保兼太子太保左都御史臣金之俊爲酌定建白之規務收讜言之效仰祈

聖鑑飭行事該臣等查得臣衙門例有建白牌各道輪流司管遇有政事大闕失該上公疏司建白者卽具本稿請各道御史公覽商議斟酌停妥隨全列各道職名公同封進遇事不容人規避不言無事亦不容人塞責妄言此輪司建白之往例法至善也年來臺規廢弛人情玩泄空傳建白之名未效忠讜之實顧名思義失職甚矣今臣等躬逢納言容直之

金文通公集

卷之三

總憲疏草

九

聖主敢不率屬靖獻仰答

詔諭以圖報稱于萬一哉除平時條奏仍隨人各抒忠盡外自後輪司建白牌宜循往例修復公疏然事不重大不必合詞言不切當無取衆瀆有其言之務期上有補于

朝綱國體下有裨于民瘼吏治庶不負我

皇上孜孜求言之盛心若規避緘默當受不能建白

之罰。若紛囂塞責。雖終日連章。猶之乎毫無建
白。罰亦難辭也。倘臣等芻言非謬。伏乞

聖明裁鑑。勅下臣等遵奉施行。奉

聖旨。這本說的是照例嚴飭行。

金文通公集

卷之三

總憲疏草

十

酌定考覈回道疏

少保兼太子太保左都御史臣金之俊爲酌定
考覈回道之規。再請

旨申飭事。臣衙門勸懲臺班。全在差滿之日。回道考
核。前掌院事固山貝子吳打海等於八年三
月初十日。有緊要巡方事宜一疏。內一欵。差回之
日。應否回道。河南道限三日內案呈考核。臣等
公議優劣。卽日具疏奏

請分別勸懲。不容延緩游移。致起疑端。奉

金文通公集

卷之三

總憲疏草

十一

聖旨如議。嚴行申飭該部院知道。欽遵在案。竊思考
核貴速。所以防弊端也。但差內所行事宜。併奉
到斟酌。與夫條陳舉劾。必細加檢閱。方得定其
可否。且滿漢會同商酌。非旦夕可安。限以三日。
恐爲時太迫。合無議以十日爲期。務要萬分詳
確。相應再行酌定。恭請

聖裁。至於鹽政四差。並巡漕一差。其催餉解部錢糧
數目。俱先具疏入

告。回道之日。止聽本衙門考核。其有無足額溢額虧

額原疏可查從來無咨行戶部覆查之例且咨覆遲速之間卽係回道先後之序恐致生弊端紊亂差規應一併

題明仍照舊例考核伏祈

聖鑑勅下臣衙門遵奉施行奉

聖旨着照議遵行該部院知道

金文通公集

卷之三

總憲疏草

十一

直指官箴二大玷疏

少保兼太子太保左都御史臣金之俊爲直指官箴二大玷請

旨查叅以肅吏治事竊照近來弊習相沿爲官箴大玷而恬不知非者其端有二一曰見任地方官置買房產夫豪強兼併侵牟民庶法所必懲豈有居民上者不思爲

朝廷愛養百姓而徒爲子孫經營家業利部民之田

園第宅攫而有之非借事誅求則短價勒取公

金文通公集

卷之三

總憲疏草

十二

然侈爲得計可鄙甚矣此官箴之大玷者其一也一曰見任地方官蓋造生祠從來好官有德于民去任後民感德不忘相與繪像立祠尸而祝之出于民心之至公也乃今見任文武各官不論治行之爲優爲劣小民之爲怨爲德蒞任未幾輒思飾譽沽名營建生祠一二無恥紳衿里猾爲之獻媚斂貲趨事恐後入其境公廨傾頽民居荒落而生祠備極崇麗行人方且掩口本官全無愧心以致去之日未見尸祝徒聞咒

詛者矣。此官箴之大玷者。又其一也。以上二端。皆昭昭在人耳目。伏乞

皇上勅下各該巡按御史。查自今以後。凡見任官有置買房屋。蓋造生祠者。必非潔已愛民之官。卽指名叅處。倘按臣隱徇不舉。便係溺職。容臣等訪實。一併糾叅。於以救時弊而肅官方。所關吏治。非小補也。奉

聖旨。見任官如有在所屬地方置買房田及建立生祠的着該督撫按嚴察房田務還民間毋容巧

金文通公集

卷之三

總憲疏草

古

生祠卽與拆毀物料入官。以往姑免究罪。後有犯禁的該督撫按指叅都察院科道察劾該衙門知道

人臣進言宜當疏

少保兼太子太保左都御史臣金之俊爲人臣進言宜當仰祈

聖鑑飭行事我

皇上聖不自聖。論諸臣以直諫無隱。卽大舜之察邇言。大禹之拜善言。茂以加矣。然

皇上之所虛已以求者。非任人逞臆之言也。必

政令得失。所係民生休戚。所關獨能抒忠瀝盡矢口

嘉謨。斯其言足貴耳。乃近見諸臣遵

金文通公集

卷之三

總憲疏草

五

論陳言。鮮克有當。甚有以言獲譴者矣。遭逢不諱之朝。自取失言之咎。掩

聖德而虛盛。事諸臣之罪。莫可追也。臣等職司糾駁。不得不正告大小臣工。自今以後。須仰體

皇上虛懷納諫之盛心。期于言必有當。則直諫之臣

方將蒙

恩施獎而又何至于反取

譴責哉。願諸臣之深思而自省也。伏祈

聖鑑勅下遵奉施行。奉

聖旨依議飭行

金文通公集

卷之三

總憲疏草

六

直糾昏耄學臣疏

少保兼太子太保左都御史臣金之俊爲直糾昏耄學臣乞

勅部議以肅學政事本月十九日接刑科抄出內院奉有申飭提學御史提學道之

聖諭臣等莊誦

天語仰見

皇上崇儒重道培養教化之盛心豈容以昏耄不堪

劣狀昭著之人久肩提學重任也訪得河南按

金文通公集

卷之三

總憲疏草

七

察司提學道僉事黃日祚年逾七十昏聩異常

關防全疎蠹弊百出以致生童不服毀辱于鄆

陵縣再毀辱于汝寧府賴府縣官救解得免更

可異者私設中軍官串通左右指官詐騙官箴

大玷衆口喧騰臣等職司糾彈不敢不據實奏

聞伏祈

聖斷施行奉

聖旨黃日祚着革了職併私設中軍及本內事情該督撫按提問追擬具奏

職專糾劾疏

少保兼太子太保左都御史臣金之俊爲職專糾劾百司未便隨衆保舉據實題明仰祈

聖鑑事該臣等看得內院諸臣奏請保舉見在奉

旨遵行此大臣以人事

君之義法至善也各衙門自當速舉所知以儲會推之選獨臣等衙門職司糾劾倘各衙門有保舉未當爲清議所不許者臣等得而糾之或有未與保舉之人心懷忿嫉生波構釁多方沮壞良

金文通公集

卷之三

總憲疏草

六

法者臣等亦得而糾之若臣衙門隨衆保舉則身在事中焉知己之所舉盡是人之所舉或非而保舉人者又復糾劾人也臣等保舉委有未便謹題明請

旨伏乞

勅下臣衙門遵奉施行奉

聖旨是

遵奉 上傳疏

少保兼太子太保左都御史臣金之俊爲遵奉上傳敬抒管見仰祈

聖裁事竊念

皇上因早求言諄諄于興利革害無非欲天下小民盡得其所也臣等知有累民一事不敢不據實爲

皇上陳之案查

大清律開載謀反謀叛有籍沒之條若強盜則止於

金文通公集

卷之三

總憲疏草

七

斬而不行籍沒蓋以強盜係無賴窮惡非同反叛近刑部審擬強盜槩行籍沒聞各該地方會解強盜家屬遠者數千里近者亦不下數百里解役不勝苦累因而苛派費用及於盜之親屬里甲每解盜屬一起所在騷然是地方幸而獲盜正法反累無辜受害殊非

朝廷除盜安民之本意也臣等請自今以後凡真正強盜其本身處斬免其籍沒以省地方苦累此亦革害安民之一端伏乞

聖明俯賜採擇施行奉

聖旨強盜不行籍沒着照律議奏三法司知道

金文通公集

卷之三

總憲疏草

三

御史之學差既裁疏

少保兼太子太保左都御史臣金之俊爲御史之學差既裁學臣之選用宜慎冒陳一得仰祈聖鑒事竊照臣衙門御史學差惟北直江南江北三處則爲人文萃聚之鄉非

天子耳目之臣挾風霜而司衡鑑未易勝任而愉快也今御史外差既已一槩議裁所有三處提學官必須另行選用明年大比學缺難以久懸若比照各省學道例取之于部屬不如選之于詞臣部屬係堂官開送僅憑一日之考試詞臣經皇上親閱洞鑒平日之文行况詞臣讀書中秘較閱文章正其職掌臣請

皇上于詞臣中選擇而使以原官提督學政俟其歲科一週如衡文公明不負

簡任卽照原官資序從優陞轉倘如

聖諭所云有以試士爲市者在外聽督撫在內聽部科及臣衙門一體糾參庶勸懲明而學政肅文風士習端有賴矣如臣言非謬伏乞

金文通公集

卷之三

總憲疏草

三

聖裁勅下部院諸臣議覆施行奉

聖旨這本奏的是以後遇有提學員缺着于翰林官揀好的差用該衙門知道

金文通公集

卷之三

總憲疏草

三

御史外差疏

少保兼太子太保左都御史臣金之俊爲御史外差槩行止息衙門辦事尙須儲材敬陳末議仰祈

聖鑒事該吏部滿漢諸臣會同臣衙門議覆

諸王大臣遵

旨安民一疏內開十四道京畿道五城御史留用二十員其六十員俱應止息已奉有

俞旨。在案。今臣等細查原額滿漢御史八十員缺額

金文通公集

卷之三

總憲疏草

三

甚多未經補足現任不滿五十員除留用二十員外應止息者僅二十餘員其留用二十員中豈無遷轉事故况近奉有三法司審擬事件更屬殷繁一旦遇有缺員既苦兼攝未便欲臨期考補又恐猝難得人則現在應止息之二十餘員似當令其候缺挨補庶目前原無溢額缺出不思乏人而

朝廷耳目之司亦不至寥落如晨星矣此非但惜人材實所以重

國體也。臣等職掌所關，不敢緘默。伏乞
聖明俯賜採擇施行。奉
聖旨着酌議妥確具奏。該部院知道。

金文通公集

卷之三

總憲疏草

五

宸謨已操勝算疏

少保兼太子太保左都御史臣金之俊爲宸謨
已操勝算。微臣敢獻芻言。仰祈

聖明鑒裁。事。臣辦事衙門。于本年五月二十六日。伏
讀

聖諭。特命輔臣洪承疇。經畧湖廣廣東廣西雲貴五
省地方。

聖謨洋洋。知人善任。南服之奠安。在指顧間矣。臣衰
朽書生。罔知軍旅大計。然一念朴忠。感

金文通公集

卷之三

總憲疏草

五

思欲吐。謹冒昧爲

皇上陳之。竊惟全楚安危。關天下大勢。而湖南安危。
又關全楚大勢。今輔臣控制五省。自當以全力
蒞注之楚。欲計安楚省。則尤當以全力蒞注之
湖南。臣請得而畢其說。長沙濱臨洞庭湖。爲湖
南扼險要地。輔臣須居重馭輕。目下應駐長沙。
府一則據洞庭之上游。一則通西粵之門戶。一
則壯辰沅兩鎮之聲援。一則固江西袁吉二郡
之藩籬。且水輪陸輓。糧餉易濟。進取便。固守亦

便若湖廣省城既有巡撫駐劄則湖川總督祖澤遠應移駐荊州府一則可以作夔門之砥柱一則可以厚鄖襄之屏蔽一則與輔臣南北犄角可以使漢水安瀾江流不波而固金陵重地于磐石至廣東一省越在東徧輔臣以一身遙制數千里外未免鞭長不及應查照舊例仍設兩廣總督一員不必設廣東巡撫請

皇上于諸臣中擇其素善用兵又悉民情者往膺斯任駐劄適中扼要處所調度防禦庶兩粵之事

金文通公集

卷之三

總憲疏草

壬

權畫一呼吸相通而輔臣但爲之提綱挈領真可不出帷幄之中決勝千里之外矣定湖南以安全楚安全楚以綏兩廣彼彈丸雲貴直掌握中物耳語云狂夫之言聖人擇焉如

皇上以臣言爲非謬伏乞

密勅院部諸臣酌議妥確施行奉

聖旨着酌議具奏該部知道

君恩未報疏

少保兼太子太保左都御史臣金之俊爲

君恩未報臣衰已甚敢冒死再申前請懇乞

聖慈矜憐俯賜黜放事臣自元年五月初二日備員

樞貳歷叨今職

廷臣中蒙

恩至深者無如臣負罪至大者亦無如臣卽竭盡犬

馬死而後已未足報

君恩之萬一贖臣罪之絲毫何敢言去亦何忍言去

金文通公集

卷之三

總憲疏草

壬

奈臣賦質尪羸壯不如人老更難支故去年六

月內臣卽具臣年六十旣老且疾一疏未蒙

允放今又一年于茲矣精力倍覺消耗日食未能半

盂凡見在班行更無有長于臣衰于臣者若再

縻祿苟延恐奄奄待盡之人從此辜

恩愈甚積罪彌多

皇上卽欲施臣以帷蓋之恩而有不可得矣况臣干

今年四月內遵

旨隨部院諸臣後考核各官于年老有疾不能任事

者未嘗敢從寬假。豈容當臣身而自昧之。至如
兵部右侍郎張鼎延。刑部右侍郎黃熙胤。其年
齒皆未及臣。其飲食強健。皆過于臣。俱已蒙
恩准其休致。臣雖不敢微一視之仁。或冀

皇上垂念十年大馬。姑令罷黜生還。則臣當生生世
世。碎首糜身。以報

聖恩于無既矣。臣曷勝悚息待
命之至奉

聖旨。卿才識俱優。正當展布。何得復有引陳宜殫心

金文通公集

卷之三

總憲疏草

天

力職以副期望。該衙門知道

君恩愈重疏

少保兼太子太保左都御史臣金之俊爲

君恩愈重。臣誼難安。敢冒死三申前請。仰懇

聖慈。允放事。該臣于本月初五日奉爲

君恩未報。臣衰已甚等事。奉

聖旨。卿才識俱優。正當展布。何得復有引陳宜殫心

力職以副期望。該衙門知道。欽此。臣跪誦之餘

感泣欲絕。竊念臣才庸識闇。至無比數。乃荷

聖明獎借。逾涯期望。溢格。臣雖禽獸。寧不踴躍思奮

金文通公集

卷之三

總憲疏草

天

圖報

隆遇于將來。冀贖積愆于既往。但臣以蒲柳之質。值

逾六之年。筋力實實衰疲。心血實實枯槁。此天

限之年。爲之。非同陰陽寒暑之患。可取療于醫

藥。若惜老命而忘

國家。固非臣誼之所敢出也。然操老命而誤

國家。尤非臣誼之所敢出也。臣撫心量力。其何以仰

副

皇上之期望。只有來生報效之日矣。興言及此。不覺

淚咽伏乞

聖慈矜憐允放風紀幸甚。衰臣幸甚。臣不勝惶悚哀
顙待

命之至奉

聖旨卿不必求去當遵前旨行該衙門知道

金文通公集

卷之三

總憲疏草

三

敬陳巡方六要疏

少保兼太子太保左都御史臣金之俊爲敬陳
巡方六要仰祈

聖裁勅行事。該臣等案查順治八年三月內恭奉

上傳勅諭各巡按監察御史併臣衙門掌院事固山

貝子吳打海等

題爲謹議巡方緊要事宜一疏奉有如議嚴行申飭
之

旨欽此欽遵在案大約巡方事宜已犁然明備無復

金文通公集

卷之三

總憲疏草

三

可贅矣。然臣等考之會典叅之憲綱可以救時
弊而飭臺規者尚有六要謹摘出爲

皇上陳之

一嚴薦舉

查會典開載果係卓異官員方許薦舉方面多
不過六七員或三四員有司不過七八員或五
六員近來巡按復

命除應劾外幾于盡數薦舉往往薦舉方行旋以事
敗非其人之倏賢倏否皆薦舉冒濫之故也今

議應照會典。寧嚴毋濫。其平常稱職者。姑置之。俟有卓績。聽下差薦舉。

一革交際

撫按官爲司道守令之表率。首禁貪墨。乃出疆人。疆生。辰令節。折程折席。彼此饋遺。非所以肅寮貞度也。今議撫按相賀相贈。相餽相別。一切存問私禮。通行禁革。至薦獎屬官。不許行謝禮。與者受者。俱坐贓論。此載在會典。應着實遵行。

一慎刑獄

金文通公集

卷之三

總憲疏草

三

查會典一款。風憲官當存心忠厚。其于刑獄。尤須詳慎。今議各巡按問理刑名。當念民命至重。切勿任性淫刑。至審錄罪囚。更宜加意參詳。如強盜必要確查打劫日時。夥盜姓名。失主贓物。及某盜名下。或本家。或轉寄。搜獲某物。失主曾否認領。人命必要確查被毆日時。用何兇器。重傷致命幾處。并氣絕日時。有可矜疑者。勿拘成案。勿着成心。期于情法允協。仰體

朝廷欽恤之意。仍將各屬見監人犯。不時清理。除重

犯固監外。其餘輕罪。應保候者。准保。應問理者。速問。庶波累含冤之人。不致繫斃禁中。

一禁濫差

凡在外大小各衙門。聽差皂快等役。鑽幹牌票。嚇詐鄉愚。有一差而講公事錢數百千文者。少亦不下數十千文。此害處處有之。縱遇官府明斷。不受枉屈。然富者已貧。貧者身且不保矣。今議該巡按嚴飭府州縣。一應催徵勾攝。止差里長。勒限完報。非真正人命強盜巨惡。不得濫差

金文通公集

卷之三

總憲疏草

三

皂快下鄉。以滋騷擾。司道亦不得濫差承舍等。下府州縣。假公濟私。至撫按差人。倚藉上司威勢。凌官虐民。尤爲可恨。該巡按須痛加察治。不可毫有徇庇。

一報缺官

凡地方正佐官員事故。勢不得不暫行委署。然署官賢者。什無二三。害民非淺。今議遇有缺官。該按一面會同巡撫。于地方見任官內。慎加選委。仍一面飛馳奏報。聽吏部速行推補。不得循

例彙報一任內外官胥。通同賄賂。致地方經年累月。受署官之害。

一核完銷

凡各巡按奉到勘劄。悉係緊要

欽件。須嚴督所屬。作速完報。總計差內轉發號件。并前差未完號件。以十分爲率。各屬有完至九分者。免議。未完八分以上者。指名叅劾。聽吏部分別罰治。該巡按已未完分數。並聽河南道公同掌道一體考核。

金文通公集卷之三 總憲疏草

五

以上六款。倘蒙

聖鑒採擇。乞併將前院臣條議五款。綴附

上傳勅諭之後。彙輯頒布。永遠遵行。于圖治大原。未必無小補也。奉

聖旨。是着嚴飭行

罪臣自陳疏

少保兼太子太保左都御史臣金之俊。爲罪臣自陳不職。仰祈

聖明。亟賜罷謫。以弭災變。事竊惟

皇上因旱求言。卽唐堯之儆予。商湯之罪己。不過是矣。乃

綸音久霽。而雨澤尚屯。此皆臣下不職所致也。臣之俊。衰庸無比。濫叨風紀重任。三閱月於茲。荷莫大之

金文通公集卷之三 總憲疏草

五

恩遇。負莫大之罪愆。又蒙

聖恩如天。及於寬政。然

皇上雖已寬臣。而臣早夜循省。實有難以自寬者。古帝王遇有災變。策勉大臣。以答天譴。今

上天垂戒之日。豈罪臣靦顏糜祿之時。伏乞

聖明。嚴加罷謫。以爲大臣奉職無狀。上干

天和者之戒。臣之衰老應黜。特其一端也。統祈

聖鑒施行。奉

聖旨。雨澤不降。其咎豈在一人大小臣工。俱各潔已

奉公佐朕修省卿亦不必求罷該衙門知道

金文通公集

卷之三

總憲疏草

美

金文通公集卷之四目錄

吳江金之俊豈凡著

中銓疏草

遵 旨勉留疏

恭謝 天恩疏

聖主恪圖修省疏

遵 旨明白具奏疏

金文通公集

卷之四

目錄

遵 旨回奏疏

遵 旨具疏奏明疏

請復司道互轉疏

金文通公集卷之四

吳江金之俊登凡著

中銓疏草

遵 旨勉留疏

吏部尚書臣金之俊爲微臣遵

旨勉留

新命萬難祇受仰祈

金文通公集

卷之四

中銓疏草

一

聖鑑別簡賢能以重銓政事該臣奏爲

君恩愈重等事奉

聖旨卿不必求去當遵前旨行該衙門知道欽此臣

叨荷

聖恩諭留再三正黽勉遵

旨間忽接邸報吏部爲會推官員事奉

聖旨金之俊轉吏部尚書仍帶罰俸一年欽此臣聞

命自天惶悚無地竊念臣衰庸無比久宜幽黜不意

遭逢堯舜

恩遇非常自

皇上親政伊始卽畀臣中樞重任甫及二載又移臣

總憲要地

皇上之期臣者可謂極厚臣之自責者亦不敢不嚴

然力不從心卒之表率無能澄清寡效皆臣之

罪也乃

皇上旣寬其斧鉞反晉以崇班舉至重至大之任付

之極衰極庸之臣若再不量力冒昧擔承則臣

先自喪廉耻其何以抑人情之躁競司倫物之

金文通公集

卷之四

中銓疏草

二

鑑衡爲

皇上進賢退不肖肅吏治而安民生也臣爲此慄慄

危懼刻不遑寧不得不據實控辭伏乞

皇上收回成命別簡銓臣容臣仍守憲職勉竭衰駑

銓政幸甚微臣幸甚臣不勝激切待

命之至奉

聖旨卿老成夙望特簡銓衡宜卽祇承新命不必具

辭該衙門知道

恭謝 天恩疏

吏部尚書臣金之俊爲恭謝

天恩兼陳愚悃仰祈

聖鑒事該臣奏爲微臣遵

旨勉留等事奉

聖旨卿老成夙望特簡銓衡宜即祇承新命不必具

辭茲聞門知道欽此欽遵前于本月十六日到

任竊念竊竊一生平所自負者止是不通賄

賂不徇情面然謫謫守此猶之公人不爲姦女

金文通公集 卷之四 中銓疏草

三

子不失身也僅了本分之事未盡銓衡之責若

欲克稱銓衡必使材各配位而後

國家收攝使之益必使若無曠缺而後銓法免壅滯

之虞必使常格不盡拘而後賢豪有振奮之氣

必使資俸不盡破而後羣情無躍冶之思此皆

臣力所不能也臣前疏所云慄慄危懼刻不遑

寧者以是故也然一息未斷之殘喘既叨荷

聖恩寵被無已自當勉竭駑鈍不敢偏執立異亦不

敢依阿詭隨誓與滿漢寮屬諸臣夙夜在公冀

圖報稱于萬一臣老矣一切恩怨毀譽總非奄

奄就木之人所暇計也區區愚悃敢因恭謝

天恩而併及之伏乞

聖明垂鑑施行奉

聖旨覽卿奏謝兼抒悃誠知道了該部知道

金文通公集 卷之四 中銓疏草

四

聖主恪圖修省疏

吏部尚書臣金之俊爲

聖主恪圖修省。微臣毫末盡職。懇乞

皇上速賜罷黜。以儆大小臣工。共圖消弭事。近因淫

霖爲災。奉有

朕當一意修省。祇懼

天戒爾大小臣工。俱宜各盡職業。共圖消弭之

上傳欽此。仰見

皇上如此敬

金文通公集

卷之四

中銓疏草

五

天罪已爲臣子老宜如何惕勵盡職。庶幾

君臣交儆。立弭災禍。乃衰朽如臣。濫叨

聖恩。簡畀銓衡重任。受事一日。卽當盡一日之職業。

自閏六月十六日到任以來。候逾半月矣。京官

員缺。不下七八十員。而懸曠未補如故也。在外

藩臬道府方面官員。原應隨缺隨補。不在大選

急選。幾月推陞之例。而懸曠未補如故也。竊計

朝廷設一官。自有一官之職掌。缺一官。卽廢一官之

職掌。臣所司何事。而空言靡當。率屬無能。以致

在內在外懸曠多官。庶事何由而理。

聖治何日下臻。

至尊之宵旰。何時而釋。

上天之垂戒。何從而答也。臣前疏所云。必使署無曠缺。

而後銓法免壅滯之虞。竊恐臣力所不能。今果

不能矣。卽

聖恩浩蕩。或暫寬臣斧鉞之誅。而臣清夜捫心。亦當

羞歎懼死。伏乞

皇上暴臣罪狀。速賜罷黜。以爲大小臣工。不能仰遵

金文通公集

卷之四

中銓疏草

六

上傳。各盡職業者之戒。臣歟亦瞑目矣。不勝戰慄待

命之至。奉

聖旨。銓衡重地。正慮因仍陋習。以致人才壅滯。事務

廢弛。特簡用卿。肅清根抵。以副期望。據奏。力所不

能。今果不能。的是何故。股肱大臣。豈可知而不言。

正宜悉力擔當。指陳情弊。不必輒求罷斥。況到任

僅半月。補缺遲誤。咎不在卿。還速速明白奏來。該

部知道。

遵 旨明白具奏疏

吏部尚書臣金之俊爲遵

旨明白具奏事該臣奏爲

聖旨恪圖修省等事奉

聖旨銓衡重地正慮因仍陋習以致人才壅滯事務廢弛特簡用卿肅清根抵以副期望據奏力所不能今果不能的是何故股肱大臣豈可知而不言正宜悉力擔當指陳情弊不必輒求罷斥况到任僅半月補缺遲悞咎不在卿還速速明

金文通公集

卷之四

中銓疏草

七

白奏來該部知道欽此臣恭繹

天語期臣以肅清根抵責臣以悉力擔當而姑迨其補缺遲悞之罪臣益感慄無地敢不遵

旨明白指奏仰聽

聖斷竊照閏六月十五日適遇

朝期各部堂上官爭言司官缺乏推補萬難再緩臣于次日到任卽查京官缺冊懸曠甚多藩臬道府等官缺亦不少隨面語文選司郎中宋學洙須要照缺速推比同堂滿漢諸臣亦皆以臣

言爲是學洙亦唯唯而退乃日復一日未見說堂尋復晤催不已則曰番譯清字乏人臣素性褊急不能從容忍耐恐似此延捱則將來部務廢閣多端皆自臣之才短望輕不能率屬而始辜

恩溺職臣罪安逃臣是以夙夜惶懼不得不蚤陳之君父之前至選臣宋學洙典銓以來有無情弊臣到任日淺未可懸揣而任意延緩若示人以莫可誰何之狀臣實不能爲之解也再照楚地時方

金文通公集

卷之四

中銓疏草

八

用兵經畧輔臣到彼亟需糧餉藩司一官尤屬萬分緊要而湖廣左右布政司一時俱缺又各處按差盡撤則各省刑名全藉臬司料理而福建河南並缺按察司此其關係地方何等重大而尚不速爲遴補以仰副

聖明迫切圖治之意臣之所未遑責人而先以自劾者此也今內外各員缺已一面協同滿臣力督查補外敢因遵

旨明白速奏而併及之臣不勝激切惶恐待

命之至奉

聖旨素聞爾老練骨鯁故屢擢要職觀其展布前任
總憲復用爲吏部尙書詳覽恪圖修省一疏有實
心任事欲爲朕整頓之意故令明白回奏冀其盡
言弊習今覽回奏止言一司官延緩部務宋學洙
已被科臣糾劾何須復叅果肯真心爲國必不瞻
顧忌諱仍着金之俊自行回奏該部知道

金文通公集

卷之四

中銓疏草

九

遵 旨回奏疏

吏部尙書臣金之俊爲遵

旨回奏謹席蒙待罪靜聽

聖明處分事該臣奏爲遵

旨明白具奏事奉

聖旨素聞爾老練骨鯁故屢擢要職觀其展布前任
總憲復用爲吏部尙書詳覽恪圖修省一疏有
實心任事欲爲朕整頓之意故令明白回奏冀
其盡言弊習今覽回奏止言一司官延緩部務

金文通公集

卷之四

中銓疏草

十

宋學洙已被科臣糾劾何須復叅果肯真心爲
國必不瞻顧忌諱仍着金之俊自行回奏該部
知道欽此竊惟衰庸負罪之臣蒙

皇上破格恩遇再擢要職展布愚忠指陳弊習此臣
分內之事乃煩

天語再詰愧懼欲死臣于衙門弊習原圖隨事體察
務求確據漸次入

告到任之初適見內外缺官甚多選臣宋學洙息
緩有據臣竊以爲一銓補而掣肘如此一司官

而延緩如此將來勢難展布必至上負

聖恩所以一疏自劾再疏指奏若臣任事稍久見聞
真確凡有奸弊必不敢瞻顧忌諱而不言也但
皇上令臣明白指奏冀臣盡言弊習一新銓政

聖明之待臣者何其厚望臣者何其切而臣止言延
緩之事止論被糾之官殊負

皇上清問之盛心臣無所逃罪謹具實回奏恭聽
皇上處分臣不勝惶悚待

命之至奉

金文通公集

卷之四

中銓疏草

士

聖旨覽回奏內云原圖隨事體察務求確據漸次入
告等語且自欲展布必不瞻顧忌諱足慰期望
務殫心竭力一新銓政以觀後效不必引咎該
部知道

遵 旨具疏奏明疏

吏部尚書臣金之俊爲遵

旨具疏奏明事該本部具覆科臣孫伯齡庶務需才
甚急等事一疏奉

聖旨知道了漢官尚書侍郎既不畫題其情節還應
各自具疏奏明欽此欽遵臣謹將不畫題情節
據實爲

皇上陳之臣前有遵

旨明白具奏一疏內指懸曠多官未補係選臣宋學

金文通公集

卷之四

中銓疏草

士

洙任意延緩此臣受事以後屢論而不行親見
而有據者今部覆科疏原非宋學洙延期致悞
以爲當日衆議此則臣未經親聞目見若隨衆
列名是一人也而倏言其非又倏言其是一事
也而既已爲遲又解其不遲非臣子事
君以實之道臣是以不敢瞻顧雷同畫題列名謹據
實奏明伏乞

聖慈鑒察施行奉

聖旨知道了內外官員各有職業夙夜經營尚虞曠

廢若懸缺不補何以集事安民宋學洙本當議處
因部覆補官延期係當日衆議姑免究以後再有
延緩叅來處治各司官一體嚴飭行該部知道

請復司道互轉疏

吏部尙書臣金之俊爲請復司道互轉之規以
疏壅滯事竊照各省之有守道則布政司官也
巡道則按察司官也然守道之銜不同有左右
布政使銜有叅政銜有叅議銜又有以按察使
銜而兼叅議以副使銜而兼叅議以僉事銜而
管叅議皆管守道事也巡道之銜亦不同有按
察使銜有副使銜有僉事銜又有以左右布政
使銜而兼僉事以叅政銜而兼僉事以叅議銜

而兼僉事皆管巡道事也至直隸各道皆係兵
備道並無守巡之分或帶布政司各官銜或帶
按察司各官銜亦皆管兵備道事也其銜之大
小總因俸之淺深而定是以人定銜非以地方
定銜也惟兩司之官通融互轉則一時守巡缺
出不拘銜之大小便可照缺推補故署無曠官
官無廢事案查順治八年七月內前部臣題爲
題明司道缺員事內開列各道員缺皆以地方
定銜如分守杭嘉湖道註定叅政分巡嘉湖道

註定僉事之類奉有

俞旨。在案。然其中有窒碍難行。不得不酌議變通者。卽如各省學道。原疏題定副使銜。近日浙江學道張安茂。山西學道孫禧。皆因俸淺。仍帶僉事銜。此亦須用變通之一端也。倘某道定就某銜。一時缺出。俸與銜不相對。勢不得不懸缺以待。豈不曠官廢事。使俸淺俸深之人。均有積薪之歎哉。且不特此也。某地方缺出。便知係何銜。應係何等資俸之人。可一一揣摩而得。滋吏胥之

金文通公集

卷之四

中銓疏草

五

作奸啓不肖官之趨避。更有大不便者。查明末萬曆年間。始有不用兼銜之說。止就本司通轉。然亦尋苦窒滯。不久復用兼銜。此往例之昭然可攷者也。應請

聖裁。仍復司道互轉之規。庶缺出不患乏人。而銓法可免壅滯矣。奉

聖旨。該部酌議妥確具奏。

金文通公集卷之五目錄

吳江金之俊。豈凡著

綸扉疏草

隆恩未報疏

君恩海加疏

犬馬戀主疏

仰額 天恩疏

金文通公集

卷之五

目錄

一

微臣久病疏

恭謝 天恩賜像疏

遵例考滿疏

驚聞寵命疏

察典屆期疏

君恩無可辭疏

再瀝苦情疏

天膽神奸疏

閭外擔荷非輕疏

微臣苦情疏

遵 諭自陳疏

自陳不職疏

遵 旨考滿疏

驚聞妻故疏

微臣真老真聾疏

籲 天認罪疏

乞休致仕疏

金文通公集

卷之五

目錄

二

金文通公集卷之五

吳江金之俊登凡著

綸屏疏草

隆恩未報疏

少師兼太子太師寶支正一品俸內翰林國史院大學士臣金之俊爲

隆恩未報萬一老病已入膏肓冒罪瀝陳仰祈

金文通公集

卷之五

綸屏疏草

一

慈鑒俯准休致事臣糜祿尸位者十有二年於茲職掌無裨分毫罪戾有如山積乃荷

皇上破格優遇過則曲貸恩復屢加言念

高厚鞠躬盡瘁期効涓埃臣之分也臣之心也奈以蒲柳之姿過于桑榆之景春來又罹骨肉摧折傷刺七情今氣血兩虛痰火交作頭目眩暈肢體酸麻有旦夕莫支之勢蒙

皇上憐臣愛臣過于父母

特賜醫藥冀其痊可

溫辭慰諭至再至三臣撫心感泣叩對

天顏不禁嗚咽及歸邸寓又蒙

皇上遣太醫院臣就榻診視咸謂年老病深藥石難

療臣扶掖叩頭嗚咽愈甚痛思此生無能再竭

犬馬矣臣之負

皇上實深夫復何言矣伏乞

俯矜微臣真老真病卽

賜放歸得如同官高爾儼還骨首丘臣惟有生生世

世矢報

金文通公集

卷之五

綸屏疏草

二

鴻恩千萬一耳倘幸而一息尙存則

皇上曲賜餘生仍當翹首北向賡祝昇平而未知奄

奄殘喘得稍延須臾否也臣伏枕哀鳴不勝感

涕待

命之至奉

聖旨覽卿奏深軫朕念院務殷煩著用心調理稍痊

卽出供職該部知道

君恩渥加疏

火師兼太子太師實支正一品俸內翰林國史

院大學士臣金之俊爲

君恩渥加臣心彌悚澁誠控辭仰祈

鑒允以安分誼事臣呻吟牀褥間准吏部咨文爲欽

奉

上諭事內開本月初一日捧接

上諭臣子謨明弼諸雖積久而不言勞國家錫命酬

庸必加恩而弗容已火傳兼太子太傅內翰林

金文通公集

卷之五

綸屏疏草

三

弘文院大學士禮部尙書馮銓等居心謹慎制

行端愍政務賴其翼襄恪勤罔懈才猷稱厥委

任寅亮無私宜恩寵之渥加當祗承而勿替馮

銓加少師兼太子太師金之俊加少傅兼太子

太傅劉正宗陳之遴劉昌俱加少保兼太子太

保仍各照舊辦事爾部卽遵諭行欽此臣聞

命自天惶悚無地竊念臣之俊辦事年月雖不後于

馮銓等諸臣而才識謏陋弗稱

委任惟臣爲最卽現歷之官階已濫膺于非分臣

所爲夢寐悚慙惴惴焉負

恩是懼而不遑寧處者此也。況臣以老病不支。正在

乞骸候

旨。前此旣無寸勞足紀。將來又無報稱可期。槩叨

寵命。萬難冒承。伏乞

皇上俯鑒惻誠。特允辭免。少傳新銜。以安愚分。則臣

雖一旦溘然長逝。亦不至增愧于重泉矣。臣不

勝伏枕戰慄之至。奉

聖旨。卿翼襄政務久。若勞績加銜。已有成命。着卽祇

金文通公集

卷之五

綸扉疏草

四

受不必遜辭。該部知道。

犬馬戀主疏

少師兼太子太師實支正一品俸內翰林國史院大學士臣金之俊爲犬馬之戀

主甚殷。風燭之餘光難待。謹冒死再陳顙懇。

天恩矜放事。該臣于本年四月初二日。具有

隆恩難報一疏。奉

旨覽卿奏深軫朕念院務殷煩。著用心調理。稍痊卽

出供職。該部知道。欽此。臣之衰老病狀。已盡在

皇上洞照中。捧讀之下。益深感泣。使臣老而筋力未

金文通公集

卷之五

綸扉疏草

五

衰卽衰而受病未篤。萬不忍忽然求退。亦萬不

敢再有控陳。負我

皇上無己之深恩。其如良藥日進。病勢日深。胸膈痞

結。飲食不思。手足拘攣。寢卧作楚。痰嗽中帶有

血絲。此太醫院臣之目擊。而訝爲老症所最忌

者。豈猶望久延日月哉。回念

天恩。惟有嗚咽流涕。矢報來生。斷難以奄奄就木之

人。耽悞院務。益甚微臣之辜。

恩而負罪也。伏乞

辱慈矜允卽賜放歸臣不勝哀鳴感激之至奉

聖旨卿久襄院務朕倚毗方殷宜祇遵前旨稍痊卽
出供職不必復有引請該部知道

金文通公集

卷之五

綸扉疏草

六

仰額 天恩疏

少師兼太子太師實支正一品俸內翰林國史
院太學士臣金之俊爲冒罪仰額

天恩臣病實難痊可乞

允休致免悞院務事該臣於四月初九日奏爲犬馬
之戀

主甚深等事奉

旨卿久襄院務朕倚毗方殷宜祇遵前旨稍痊卽出
供職不必復有引請該部知道欽此臣伏誦

金文通公集

卷之五

綸扉疏草

七

天言彌深感泣遵

旨不敢復請勉冀稍痊乃日復一日藥餌罔間病勢
浸劇據太醫云氣血消耗勞久積以致中腸
滿悶飲食不思虛熱眩暈補泄兩難非偶中陰
陽寒暑之比可以草木取效故醫雖極良藥極
對症猶如以水投石也竊思

皇上如何勵精圖治臣子宜如何竭蹶贊襄而竟以
老病垂盡之身曠悞若此真死不足贖矣總之
微臣之負我

皇上也。生亦負死。亦負留。亦負去。亦負寤寐反側。無可寬假。獨念臣叨荷

覃恩封典。榮及泉壤。儻未得一上先人墳墓。而遽爾奄終。則臣負

君又負親矣。此臣之所以痛心刺腸。敢冒罪哀鳴於君父之前也。伏乞

天恩。允賜休致。庶政本重地。不致虛懸。耽悞。臣心猶得稍安。而或藉以苟延一息。未可知也。臣不勝惶悚激切待

命之至奉

金文通公集

卷之五

綸扉疏草

八

旨院務殷繁。正藉翼襄卿作迷調理。稍痊卽出供職。不必再請該部知道。

微臣久病疏

少師兼太子太師實支正一品俸。內翰林國史院大學士。臣金之俊。爲微臣久病曠職。糜俸益難自安。懇乞

天恩。俯准控辭。以稍追臣罪事。前月十七日蒙皇上欽遣學士麻勒吉到臣病榻間。傳宣

天語。臣扶掖跪承之餘。仰見君恩隆渥。過於天地父母。惟有感泣惶懼之不暇。又何忍言去。又何敢言去。致戀

金文通公集

卷之五

綸扉疏草

九

主之不若犬馬也。但臣偃卧私寓者幾八十日矣。寤寐反側。恨不蹶然而起。再覲

天顏。以快瞻仰。而無如臣命不辰。愁與病積。良藥不離于口。痞結轉塞于胸。飲食罔進。肱肉盡削。動履彌艱。漸成痿廢。安望有痊可之日哉。竊念庸朽如臣。卽朝夕入直。黽勉辦事。尙虞伴食叢怨。而況困頓牀褥之間。虛糜大官之俸。中心負疚。有頃刻難以卽安者。伏乞

勅部住支臣俸。照前同官高爾儼例。庶可稍寬臣心。

也。至如

皇上求治甚殷。院務所關甚繁且重。而懸缺妨賢有虛

皇上需人佐理之盛心。則微臣戀

主之忱。終難掩誤國之罪。此猶臣所旁皇病榻而慄慄危懼。恐死亦未能瞑目耳。謹伏枕叩

闕。披瀝字字血誠。統希

慈鑒。臣不勝惶悚待

命之至。奉

金文通公集

卷之五

綸扉疏草

十

旨卿還加意調理。稍痊卽入院辦事。不必辭俸。該部

知道

恭謝 天恩賜像疏

少師兼太子太師寶支正一品俸內翰林國史院大學士臣金之俊爲恭謝

天恩賜像事。臣質本庸陋。齒復衰頹。每顧影懷慙。靡竭踵頂。恒撫心增惕。謬寄股肱。頃以老病。疴羸荷蒙

欽賜湯藥。方伏枕而益加憔悴。乃從天而彌被寵光

恩照。鬚髯繪師奪化工之巧。澤宣丹碧。內使函

金文通公集

卷之五

綸扉疏草

十一

帝賚之隆。伏念臣之俊。初無汗馬微勞。妄竊凌烟之異數。木偶輝煌。更乏調羹寸績。濫叨肖像之

殊榮。夢魂祇懼。雖微臣視息之促。猶如石火電光。

而

皇上華袞之頒。何啻霞明錦燦。敢不子孫什襲。永矢

結叩。謹扶掖望

闕叩頭。仍力疾草疏恭

謝。至于沉疴難療。尚祈

慈鑒。矜全。臣不勝頂戴感激之至。奉

旨覽卿奏謝知道了該部知道

金文通公集

卷之五

綸屏疏草

主

遵例考滿疏

少師兼太子太師寶支正一品俸內翰林國史院大學士臣金之俊爲遵例考滿乞

勅部嚴加考核以肅官方事臣之俊於順治元年五月內蒙

恩錄用二年七月內由兵部右侍郎調吏部右侍郎五年七月內奉

上傳陞工部尙書六年十月內加太子太保八年二月內奉

金文通公集

卷之五

綸屏疏草

主

旨調兵部八月內奉

旨加少保兼太子太保寶支正一品俸九年六月內准刑部咨爲奉

旨發審事罰俸九箇月十年正月內奉

旨仍以少保兼太子太保補都察院左都御史十年

四月內爲會議任珍一案削去官銜二級罰俸一年十年閏六月內陞吏部尙書仍帶罰俸一

年十一月內爲房之騏一案罰俸一年調用十一年正月內爲好生關

聖德之大等事。於補任日。罰俸三箇月。二月初六日。上傳着以原加銜級補內翰林國史院大學士。仍帶罰俸一年。六月內恭上。

皇太后徽號。恩詔免罰俸。十二年四月內。加少傅兼太子太傅。自八年正月。起扣至十三年二月終止。計歷任五年零四箇月。除降級罰俸月日外。共實歷從一品俸三年零二箇月。例應考滿。竊念在

廷諸漢臣中。尸位最久者。無如臣蒙

金文通公集

卷之五

論屏疏草

古

恩最深者。無如臣。負罪至重者。亦無如臣。雖

皇上覆載宏慈。未加譴責。而微臣早夜循省。時切悚

惶。茲當考滿之期。莫追黜幽之典。伏乞

勅部重加處分。以爲人臣衰庸尸素溺職辜

恩者之戒。臣不勝股慄待

命之至奉

旨。卿久叅機務。茂著清勤。覽奏例應考滿。知道了。吏

部察例議奏。

驚聞 寵命疏

少師兼太子太師實支正一品俸。內翰林國史院大學士。臣金之俊。爲驚聞

寵命。瀝惻控辭。仰祈

睿鑑。俯准辭免。加銜廢子。以安臣心事。臣辦事衙門。

接吏部覆。臣遵例考滿一疏。奉

旨。金之俊。着加少師兼太子太師。賜羊酒。廢一子入

監讀書。欽此。除

欽賜羊酒例。應祇承外。竊念加銜廢子。

金文通公集

卷之五

論屏疏草

圭

朝廷隆渥之典。所以勸有功。酬成勞也。乃至庸至衰。

無足比數之臣。無尺寸之功。足紀無犬馬之勞。

可念。祇以尸位日久。槩叨

隆渥殊恩。真有夢魂跼踖。時刻難安者。况此何等時

也。

皇上方遇災引咎。虔事修省。微臣忝列政地。調燮無

狀。宜首從策免。故事。今

皇上既寬其譴罰。反賜以

寵榮。顧影拊心。萬難冒昧。祇受。此實由衷之積悃。

非矯飾以沽名伏乞

俯鑒微誠收回加銜廕子之

成命則臣心庶得稍安而臣罪亦免日深矣臣不勝

惶悚待

命之至奉

旨卿贊襄機務著有成勞加恩原屬懿典不必遜辭

吏部知道

金文通公集

卷之五

綸屏疏草

七

察典屆期疏

少師兼太子太師寶支正一品俸內翰林國史

院大學士臣金之俊爲察典屆期遵例自陳不

職懇

賜嚴加處分以清政本以肅臣工事竊照京官六年

考察之典舉行伊始該吏部等衙門題奉

欽依令三品以上自陳去留請自

上裁所以澄清百寮維新吏治甚鉅典也臣鄙瑣衰

庸濫叨峻秩不職之甚未有過于臣者敢不據

金文通公集

卷之五

綸屏疏草

七

實自陳首聽

乾斷處分乎臣之俊由太子太保工部尚書于順治

八年閏二月內奉

旨調兵部尚書本年八月內奉

旨加少保兼太子太保寶支正一品俸十年正月內

奉

旨仍以少保兼太子太保補都察院左都御史本年

四月內爲會議任珍一案奉

旨削去官銜二級罰俸一年本年閏六月內陞吏部

尙書仍帶罰俸一年。本年十一月內爲房之騏一案奉

旨着罰俸一年調用。十一年正月內爲好生關

聖德之大事。于補任日罰俸三箇月。本年二月內奉

上傳着以原加銜級補內翰林國史院大學士。仍帶

罰俸十二年四月內奉

上傳加少傅兼太子太傅。十三年四月內爲遵例考

滿事吏部覆奉

旨加少師兼太子太師。賜羊酒廕一子入監讀書。欽

金文通公集

卷之五

編屏疏草

六

此臣早夜撫心自揣。我

皇上親政以來六年之內。四陟院部。寸長靡効。積過

萬端。凡在

廷諸臣中。惟臣之糜祿最久。蒙

恩爲最深。負罪爲最重。若不

嚴加處分。未足以儆官方而昭

國憲。至于臣年六十有四。氣血全耗。兩耳俱聾。照

老疾之明條。從黜幽之寬典。此又非臣所敢望

也。總之微臣種種不職。有心難昧。萬非循例套

陳者比伏乞

皇上特賜嚴譴。以爲大臣溺職辜

恩之戒。臣不勝悚息待

命之至。奉

旨卿輔弼重臣。誠愼端介。匡贊著勞。倚任方殷。豈可

引例求退。宜益殫猷。爲裨成治理。該部院知道

金文通公集

卷之五

編屏疏草

七

君恩無可辭疏

少師兼太子太師實支正一品俸內翰林國史院大學士臣金之俊爲

君恩無可辭之日。臣心有萬苦之私。冒昧瀝陳。仰祈慈鑑。俯准暫假事。臣于順治十年十二月內接家信。父母塋地被水衝圯。棺槨漂露。驚痛欲絕。隨于十一年二月初四日。具有冒瀝下情。仰祈

聖鑑。准假遷葬一疏奉

旨覽。卿奏雖屬至情。但新膺簡命。着祇遵辦事。勿再

金文通公集 卷之五 綸屏疏草

二十

陳請該部知道。欽此。臣祇遵

成命。入院辦事。一面令臣男就塋內衝圯處所。權宜

增土。暫時補苴。已荏苒四年矣。上之不能殫力

抒猷報

君恩于萬一下之弗獲封塋展掃。慰親魄于九泉。不

忠不孝。積罪彌深。是以

皇天降罰。十年之內。連喪五子。又一子一媳。並殞京

邸。望七衰年。舉目雙櫬。不禁肝腸碎裂。但念臣

自元年五月初二日至今。叨沐

天恩。莫可殫述。臣次子世漢近又蒙

皇上給授蝦職。臣父子受

國厚恩。殞身難報。何敢遽以私情痛苦。引年乞休。謹遵會典。開載三年考滿。方許具奏給假之例。冒罪泣陳。伏乞

天恩。准賜暫假。仍照養病例。作缺俾臣。趁此一息。尙存。將父母低窪塋地。改卜安厝。併攜兒媳雙櫬。乘便入土。則臣舉家存歿啣結矣。事畢之後。卽當俯匐

金文通公集 卷之五 綸屏疏草

三

闕庭再覲

天顏。以表犬馬戀主之心。雖老死弗忘也。臣無任激

切悚惶待

命之至奉

旨覽。卿奏情詞懇切。但幾務殷繁。方資贊理。着勉留供職。不必遽以假請。該部知道

再瀝苦情疏

少師兼太子太師實支正一品俸內翰林國史院大學士臣金之俊爲冒昧再瀝苦情。籲懇天恩俯准暫假事。臣于順治十四年八月內具有君恩無可辭之日。臣心有萬苦之私等事一疏。爲父母塋地衝圯。兒媳雙櫬未歸。積苦填胸。懇請暫假奉

古覽卿奏情詞懇切。但幾務殷繁。方資贊理。着勉留供職。不必遽以假請。該部知道。欽此。臣跪誦

金文通公集

卷之五

論屏疏草

三

天語俯鑑情詞。臣心旣蒙

矜察。臣身何敢求去。惟有感激圖報。勉竭衰駑。而已。不意微臣老命孤苦。今歲五月間。又喪一及笄之女。斗大室中。舉目三櫬。肝腸痛裂。更倍往時。雖飲淚含悲。抑情辦事。然神識昏瞶。于

君恩未酬毫末。而臣罪轉積山丘。倘一旦溘然長逝。則兩親之雙魄終無寧宇。子女之旅魂飄泊誰依。臣所以夢寐友側。中夜長號。不得不冒死瀆鳴于

君父之前也。伏乞

皇上憫念微臣年衰命苦。准

賜暫假。俾臣得稍偷餘息。仰安親魄。俯慰子魂。當

生生世世。誓竭犬馬于勿替矣。事畢之日。卽卬

匍趨

朝。臣一日未死。一日未敢忽然于

君恩也。奉

古覽卿奏具見至情。但開務殷繁。方資佐理。不必遽以假請。該部知道。

金文通公集

卷之五

論屏疏草

三

天膽神奸疏

火師兼太子太師實支正一品俸內翰林國史院大學士臣金之俊爲天膽神奸。詭冒可駭。特據實剖明。仰祈

睿鑒。併靜聽

皇上處分事。本月初八日。臣在直辦事。接有江西巡撫張朝璘一本。爲盤獲假官假旗。出示招兵。隱

匿東人請

旨究擬等事。見在候

金文通公集

卷之五

綸屏疏草

五

旨間。臣閱之驚駭欲絕。因思本內所謂金震者。不惟臣通族中無其人。卽通縣同姓異族中亦無其人。憶去年五六月內。聞其在臣鄉附近地方。冒稱臣姪。出沒不常。踪跡詭秘。當被臣男世濂訪知。卽呈控江寧撫臣張中元處。遍行曉緝。竟爾免脫無踪。已經立案緝究。不意天網不漏。乃敗露于江西省也。據稱正紅旗恩拔貢生。從來旗。下無拔貢。亦無又恩貢又拔貢之理。又稱係庚辰進士金和嫡弟。臣家並無金和。焉有金震。又

稱係臣薦送王固山委用。臣與固山王國光。從無隻字相通。亦無片言相及。何由而薦。種種說鬼說夢。業經江西各官審鞫明白。無容臣贅。但臣自通籍至今四十餘年。兢兢小心株守。時懷臨淵履冰之懼。凡所以戒訓子弟。約束親族童僕者。未嘗敢一刻懈縱。乃有蓋世神奸金震。竟于青天白日之下。肆行狐假。眞目無三尺者矣。應請

皇上大奮乾斷。立置重典。以爲假冒大臣子弟者之

金文通公集

卷之五

綸屏疏草

五

戒。併爲的係臣子弟親族。倚托招搖者之戒。至于臣之素行苦心。未能孚信遠邇。而爲魑魅魍魎之所影竊響附。是皆臣德薄望輕。有以致之也。謹席藁待罪。靜聽

皇上處分。臣不勝悚息待

命之至。奉

旨。金震情罪另自有旨。卿不必引咎。該部知道。

闔外擔荷非輕疏

少師兼太子太師寶支正一品俸內翰林國史院大學士臣金之俊爲闔外之擔荷非輕行間之將士宜鼓仰祈

乾斷稍寬文網佇收武功事洪惟我

太祖

太宗功德高深創造丕基我

皇上仁威遐布光昭大業然不可謂非師武臣力也

自古安不忘危文事武備必須兼資日今要荒

金文通公集

卷之五

綸扉疏草

美

雖入版圖餘孽猶多伏莽韜弓戢矢正未可期

當寇逼門庭欲得其效死勿去之力必平居無

事預結其親上死長之心近來在外大小將領

勇怯貪廉固自不等若一概吹毛索瘢苛求太

過則死綏之氣沮喪極矣甚至挺而走險如張

弘德其貽害可勝言哉以臣愚見武官之賢否

但當論其封疆有無失事賊寇能否扞禦小民

有無虐害其餘居官立身偶有微疵似宜稍從

寬宥庶武夫咸知感奮而緩急不患無濟矣至

于軍政大典自不可廢但寇氛未蕩責其用命方殷倘有指摘又未便臨敵易將應請

上裁或俟江浙事平之後定期舉行明核功罪確分黜陟則虛聲不可掩敗曖昧難以沒功而軍政之考察庶爲允當矣臣感時觸事午夜徬徨故不識忌諱冒進狂言伏乞

睿鑑密斷施行

順治十六年七月

日奉

旨兵部議奏

金文通公集

卷之五

綸扉疏草

美

微臣苦情疏

火師兼太子太師實支正一品俸內翰林國史院大學士臣金之俊爲微臣苦情久蒙

慈鑑敢援同官速去速來之例

恩暫假稍紓臣衷萬苦事臣于順治十五年八月內具有冒昧再瀝苦情額懇

天恩俯准暫假一疏奉

旨覽卿奏具見至情但閣務殷繁方資佐理不必遽以假請該部知道欽此臣遵

旨抑情辦事受

金文通公集

卷之五

論屏疏草

夫

恩日重積過日深者復逾年于茲矣

恩重則不忍再請過深則益不敢再請而無奈老景

茲迫苦緒轉增今年臣鄉初夏大水臣父母坐

地復被水淹雖增土補苴於外苦積水暗滲於

內夢魂牽繞痛徹心髓又臣妻嚴氏在家年六

十有五頃接家書陡患危痢兩目失明無望再

睹臣面尙冀一聞臣聲以了一生夫婦之緣臣

不禁潛然涕隕中宵哽咽也若夫一兒一媳一

女之三櫬並羈萬邸晨雨宵風皆臣所時刻不

堪回首者已臣同官劉正宗傳以漸前各以苦

情相繼乞假俱蒙

天恩俞允准令速去速來臣之苦情比二臣較爲迫

切臣離家已十載比二臣又爲更久故敢冒昧

援例泣陳于

君父之前懇微

鴻慈垂憫俾臣得偷數月餘晷仰安雙親體魄俯慰

子女旅魂且失明病妻或聞臣聲而再甦有機

則存歿啣

金文通公集

卷之五

論屏疏草

夫

恩非復世世犬馬能報矣速去速來有同官二臣之

成例在臣雖家鄉稍遠衰邁獨甚斷不敢逗遛

愆期自取罪戾也臣不勝激切惶懼待

命之至奉

旨覽卿奏具悉至情准暫假速往速來入直辦事該

部知道

遵諭自陳疏

少師兼太子太師賈文正一品俸內翰林國史院大學士臣金之俊爲遵

諭自陳不職仰祈

乾斷嚴加處分以肅官方以新化理事臣於去年九月內荷蒙

天恩特准暫假已於冬至日抵家隨星夜鳩工修葺先人塋墓併料理兒女埋葬等事冀本年六月終諸務完畢便恪遵

金文通公集

卷之五

綸扉疏草

手

皇上面諭欽限旬旬就道不敢逗遛里門乃于本年二月二十六日接邸報爲欽奉

上諭事

上諭諭吏部國家政務委任庶官必大小臣工咸得其人乃可共襄化理在京各衙門宜加澄敘以勵官常大學士尙書俱着自陳侍郎以下俱着開列職名候朕親行甄別爾部卽傳諭行特諭欽此欽遵臣仰惟

皇上臨御以來勤思化理宵旰靡寧卽堯舜業亦

不是過而

皇上猶念海宇尙未乂安民生尙未樂業下罪己之詔竭

祭告之誠臣在籍捧讀

諭旨慙悚無地夢寐不能卽安竊以至治未臻皆臣等奉職無狀而

皇上如此勵精圖治獨爲引咎臣等之罪真莫可贖矣茲奉有大學士尙書俱着自陳之

上諭臣敢不臚列罪狀爲

金文通公集

卷之五

綸扉疏草

主

皇上陳之臣自順治元年五月初二日竊祿至今歷任部院者十年積辜實有萬狀廁名綸扉者七載溺職非止一端清夜捫心臣之受

恩比諸臣爲最深臣之負

恩較諸臣爲獨甚至于學疎不嫻典故識暗不審時幾膽怯力綿不能克艱任鉅尤屬過愆之小者也今澄汰官方維新化理則

嚴加處分當自臣始不容以暫假在籍之身稍追一日斧鑕也臣謹席藁待罪恭聽

乾斷不勝恐懼待

命之至奉

旨卿清勤端練佐理有年勞績素著倚任方殷着遵
前旨速來供職不必求罷吏部知道

金文通公集

卷之五

綸扉疏草

三

自陳不職疏

少師兼太子太師寶支正一品俸內翰林國史
院大學士臣金之俊爲遵

諭自陳不職仰祈

額

乾斷嚴譴以彰維新之化事臣于本年五月內具有
天認罪一疏在寓靜候部議處分間于本月二十一
日接邸報爲欽奉

上諭事

云欽此欽遵臣仰見

金文通公集

卷之五

綸扉疏草

三

皇上維新化理務期澄肅官方正任官惟賢才左右
惟其人千古圖治要法也恭繹近見在京部院
各衙門官員有稱職有不稱職之

天語諸臣中不稱職者臣實爲首固已昭然無逃

宸鑑矣辜負

先皇帝之大恩一十八載歷任各部院之罪狀百千萬

端無論

國法不容屢寬卽臣清夜亦難自恕而况真老真
聾一籌莫展久玷機密重地何以肅羣寮而光

新政也伏乞

皇上亟賜乾斷嚴加譴黜至該部議覆臣認罪前疏

又當聽另案處分者也臣不勝惶懼待

命之至奉

旨卿清慎端練効力有年勞績素著倚任方殷着益殫力供職不必求罷吏部知道

金文通公集

卷之五

論屏疏草

五

遵 旨考滿疏

火師兼太子太師實友正一品俸內翰林國史院大學士臣金之俊爲

旨考滿乞

勅部嚴加核議以警官方以肅政本事該臣于順治十三年四月內具有遵例考滿一疏內開自八年正月起扣至十三年二月終止計歷任五年零二箇月除降級罰俸月日外共實歷從一品俸三年零二箇月例應考滿等情臣本自暴三

金文通公集

卷之五

論屏疏草

五

年罪狀恭請

乾斷處分何期

天恩浩蕩免其譴責反荷

隆施撫心非分竊寐慚惶乃自十三年三月內起扣至十六年二月終止連閏共實歷俸三年零一箇月又該一品三年考滿年復一年迄無涓埃之報稱罪又添罪彌負

高厚之鴻恩正擬再行具疏考滿靜聽黜幽間因十六年閏三月內爲檢舉認罪事罰俸六箇月又

本年五月內爲遵

旨議處事降二級罰俸一年嗣雖旋即蒙

恩槩免臣等降罰適臣又荷

府慈准假還籍是以未敢遽請考滿今事竣入直辦

事循省舊例難容久稽謹補續請考伏乞

宸斷勅部嚴加處分以爲大臣尸位最久負恩最深

者之戒此非考功八法之輕條足蔽前後六年

之罪案者也臣不勝惶悚股慄行

命之至奉

金文通公集

卷之五

翰林疏草

三

旨卿端亮清勤久叅機務覽奏俸應再行考滿知道
了應得恩典察例具奏吏部知道

驚聞妻故疏

火師兼太子太師實支正一品俸內翰林國史

院大學士臣金之俊爲微臣驚聞妻故痛瀝苦

情仰籲

天恩俯准暫假事臣于順治十六年九月內具有微

臣苦情一疏內稱臣妻嚴氏年六十有五在家

陡患痢疾兩目失明無望再賄臣而尙冀一聞

臣聲以了一生夫婦之緣敢援同官速往速來

之例籲請暫假等因蒙

金文通公集

卷之五

翰林疏草

三

世祖章皇帝垂憫至情特准暫假回籍臣妻因臣到家

果聞臣聲而危症漸愈一月復明舉家頂戴

天恩莫知所報臣不敢稍違

先皇帝速往速來之欽限隨于十七年九月內飛騎馳

還八直辦事乃

國恩未報萬一臣罪轉積丘山本年五月內因江

寧歲叅錢糧一案臣具疏籲

天認罪正束身屏息靜候部議間忽于本月初六日

接家書臣妻仍患痢症于八月十三日病故痛

念

先皇帝如天厚恩。俾臣妻瞽目復明而後歿。今歿亦瞑目矣。惟是老年夫婦。未得一訣。痛徹心髓。臣不敢以席藁候議之身。遽請休致。哀懇

皇上慈憫。准臣暫假數月。拊妻棺一慟。旋爲營置葬地。亦不敢視其入土。遷延里門。當依限馳還待罪。

闕廷則存歿銜

恩更非生生世世之犬馬能報也。臣不勝恐懼迫切

金文通公集

卷之五

綸扉疏草

天

待

命之至奉

旨覽卿奏情詞懇切。特准假往該部知道。

微臣真老真聾疏

少師兼太子太師賈文正一品俸內翰林國史院大學士臣金之俊爲微臣真老真聾衰庸誤國懇祈

睿鑑。亟賜黜放。以儆官常。別簡賢能以光新政事。臣自順治元年五月內竊祿至今。歷涉部院十年。濫竽綸扉八載。長靡尺寸。過積丘山。既無昔舊汗馬之勞勲。又乏廷臣謀猷之補裨。徒以尸位年久。汙冒崇階。清夜撫心。夢魂羞恥。臣曾屢疏

金文通公集

卷之五

綸扉疏草

天

自列罪狀。謬蒙

先皇帝曲賜優容。泣思

高厚殊恩。此生難報。方擬瀝血陳情。誓竭來世犬馬不意

先皇帝遽爾賓天。臣痛腸寸斷。恨未能捐微軀以追殉

益不欲延殘息於人間矣。今遭逢

皇上以大寶膺哲。維新化理。正宜任賢使能。澄敘流品。臣之謏陋無比。首當甄汰。而况年垂七十。兩耳全聾。卽附耳高聲。十不聞二。且神散志昏。全

日頓忘昨事。抵暮失記朝言。機密重地。豈容奄奄待盡之人。塞耳瞪目。覩顏參預其間也。伏乞皇上大奮乾斷。重加譴黜。以爲大臣受高爵厚祿。負恩悞國者之戒。倘獲微

瘳。慈及於寬政。追其斧鉞。姑准休致。則臣當生生世世。矢靡踵頂。以報已臣。不勝惶悚股慄待

命之至奉

古卿清勤端慎。練達事務。經

金文通公集

卷之五

綸屏疏草

聖

先帝簡拔任用。効力有年。勞績素著。開務殷繁。正資佐理。仍着勉力供職。以副倚毗之意。不必遽請休致。吏部知道。

額 天認罪疏

少師兼太子太師。實支正一品俸。內翰林國史院大學士。臣金之俊。爲額

天認罪事。臣辦事衙門。接江寧巡撫朱國治陳明錢糧拖欠之由等事。一疏奉

旨。該部核議具奏。冊留覽。欽此。准撫臣送部清冊。開列長洲縣欠糧各紳花名。內有金魁一戶。註明臣子金世漢欠三釐五毫。又有同名金魁一戶。註明內閣侄金子政欠八分一釐二毫。統候該

金文通公集

卷之五

綸屏疏草

聖

部遵

旨核議外。若微臣之罪。則更有無容稍貸者矣。臣將思舉家叨受

國恩。值此軍需孔亟。自應爭先輸稅。爲他姓倡。豈容拖欠絲毫。干

大法而負

大恩。反自臣始。故先於順治十四五六年間。預呈前後各撫按。求其行縣清察金姓花名。每年完欠錢糧細數。嚴行追比。疊蒙批准在案。不意臣

子見任蝦職尙有三釐五毫之欠。臣既未能早督全完。族姪生員金子政復冒立官戶。致有八分一釐二毫之欠。臣又不能覺察指叅。數年來預呈撫按一片趨事苦心。今俱托之空言矣。

大法已干。

大恩已負矣。臣之罪其尚可贖乎。惟有束身伏辜。請皇上褫臣之職。仍置臣於法。爲大臣不能教訓子姪體

國急公者之戒。庶積玩知警。而軍需有賴矣。臣不

金文通公集

卷之五

綸扉疏草

聖

勝惶悚激切待

命之至奉

旨該部議奏

乞休致仕疏

火師兼太子太師實支正一品俸內翰林國史院大學士臣金之俊爲臣年七十報

國無能懇乞

天恩憐准休致事。臣于順治十八年九月內具有微臣驚聞妻故一疏奉

旨覽卿奏情詞懇切特准假往該部知道欽此。欽遵。臣隨于九月二十五日

陛辭出都十一月二十七日到家始得拊妻棺一

金文通公集

卷之五

綸扉疏草

聖

慟了一生夫婦之緣言念

君恩感痛欲絕。臣前疏本請暫假因叨

先皇帝一十八年之養。未獲稍報涓埃。又蒙我

皇上今日破格之優隆。尙思勉竭犬馬。故不敢苟圖

自便。遽行乞休。奈臣年已七十。衰病日侵。向患

耳聾。今併患目昏。向苦血枯燥結。今又苦脾虛

泄瀉。雖暫延視息于人世。不過石火電光。豈堪

久厠跡于綸扉。罔顧鐘鳴漏盡。况值

龍飛元年。百度維新。機務重地。尤宜肅清。而臣名未

除仕籍仍玷非所以肅官方而光新政也倘臣
一旦溘然長逝則溺職負

恩之大罪既無逃于生前而戀位無恥之醜名復彌
彰于身後矣臣之所甚懼也用是力疾繕疏遣
家人喬德賁投通司照例封進伏乞

天恩垂憫賜臣骸骨姑准休致則生生世世子子孫
孫當矢銜結于無窮矣爲此具本謹具奏

聞臣不勝悚慄待

命之至

金文通公集卷之五 綸扉疏草

聖

吏部覆奏奉

旨金之俊清勤練達歷任院部効力有年勞績素著
既經引年乞休賜袍服一套着以原官致仕廕一
子入監讀書地方如有關係國家利弊重大事情
仍許陳奏

金文通公集卷之六目錄

吳江金之俊登凡著

山中奏草

恭謝 天恩疏

遵 旨陳奏疏

遵 諭陳奏疏

遵 旨陳奏疏

金文通公集卷之六 山中奏草

恭陳賀悃疏

金文通公集卷之六

吳江金之俊豈凡著

山中奏草

恭謝 天恩疏

予告太傅兼太子太師吏部尚書中和殿內秘書院

太學士加一級臣金之俊爲恭謝

天恩兼瀝辭悃仰祈

金文通公集

卷之六

山中奏草

一

睿鑒俯安臣心事臣蒙

恩里居于本年九月初二日接吏部咨文一道內開

考功清吏司案呈該本部覆臣奏臣年七十報

國無能等事一疏于康熙元年八月初一日奉

旨金之俊清勤練達歷任院部効力有年勞績素著

既經引年乞休賜袍服一套着以原官致仕廕

一子入監讀書地方如有關係國家利弊重大

事情仍許陳奏欽此臣卽恭設香案望

闕叩頭謝

恩除

欽賜袍服例應祇承外竊念廷臣中尸位最久者無如臣受

恩最深者無如臣積過最多者亦無如臣茲值引年

之日宜從黜幽之條卽褫臣之職削臣之廕未

足贖臣罪萬一乃蒙

天恩浩蕩既准臣原官致仕已屬逾涯復廕臣一子

尤驚非分此臣所夢寐靡寧萬萬不敢冒昧祇

受者也伏乞

金文通公集

卷之六

山中奏草

二

皇上俯鑒微誠收回廕子之

成命則臣倘得偷生一日亦庶得安心一日矣至于

地方利弊有關係

國家重大事情者臣雖身伏田野寧忍心忘

國家然地方自有文武大吏當知無不言言無不

盡亦非誼列編氓之退休老臣所宜越俎與聞

者也敢因控辭

恩廕渥典而併及之總之回想

君恩種種溢格令人感極涕零無論今生莫報卽生

生世世亦未知所以報矣謹齋沐繕疏

北向九叩遣家人孫榮賁投通政司照例封進統
希

皇上慈鑒爲此具本謹具奏

聞臣不勝惶悚待

命之至奉

旨覽卿奏謝知道了。廕子入監陳奏地方利弊已有
成命不必控辭該部知道

金文通公集

卷之六

山中奏草

三

遵 旨陳奏疏

予告太傅兼太子太師吏部尚書中和殿內秘書院
大學士加一級臣金之俊爲遵

旨陳奏仰祈

睿鑑事。臣于本年九月內奏爲恭謝

天恩等事一疏奉

旨覽卿奏謝知道了。廕子入監陳奏地方利弊已有
成命不必控辭該部知道欽此。除望

闕叩頭恭謝外竊思

金文通公集

卷之六

山中奏草

四

君恩渥被無已而微臣沒齒罔報恐

先皇帝在天之靈必加殛罰。臣所以自聞

命來。早夜憂惶。惴惴焉刻不寧處。今日擊地方大事。

實關

國家利弊。臣何敢畏罪緘默而不遵

旨據實陳奏也。

國家財賦重地。莫過東南。而藩司郡邑等官。動于
錢糧考成。接踵去任者。亦莫甚于東南。臣不暇
遠指繁稱。卽據蘇州一府而言。一二年間。府縣

各官更換如流。久則昇年。近止數月。豈一授蘇州之缺。皆催科政拙之徒耶。臣愚以爲官之更換愈速。則胥吏之作奸愈甚。錢糧頭緒愈多。混淆前後承接。愈多誘卸。新舊侵那。愈多漏卮。不肖者固不惜身名。卽賢者亦無由奮勵。將見官日更。賦日絀。而民生亦日以朘削。吏治亦日以隳壞。其爲

國家之弊也。可勝言哉。總之

國計民生。本當並重。重

金文通公集

卷之六

山中奏草

五

國計必須嚴考成。凡應降應革。一毫不容寬假。重民生必須察治行。卽帶降帶革。仍可策令自新。伏乞

皇上俯採臣言。

勅部詳加察議。倘有治行卓越。操守無疵。見在考成降革之列者。免其實降實革。姑准戴罪。課其後效。在

朝廷旣用罰以厲勸。在各官自補過以圖功。吏治振舉。則考成亦不屬具文。弊除利興。莫過于是。倘

臣不從

國家起見。稍存毫私。沽名市恩。願甘

斧鑕。臣祇因風燭殘齡。朝不保暮。懼一旦溘焉長逝。而欲言無及。則臣之違

背負恩生生世世。莫能贖矣。故敢冒昧直陳。統候宸鑑。裁奪。臣不勝惶悚待

命之至。奉

旨該部議奏

金文通公集

卷之六

山中奏草

六

遵 諭陳奏疏

予告太傅兼太子太師吏部尚書中和殿內秘書院大學士加一級臣金之俊爲遵

諭陳奏仰祈

宸鑑事臣蒙

恩休致已經四載一息尙存未嘗一息不以

君父榮懷也頃接邸報恭讀本年二月二十九日因

星變求言之

上諭欲與內外大小臣工洗心滌慮各抒所見共圖

金文通公集

卷之六

山中奏草

七

消弭臣始而憂憂變不虛生繼而喜且賀賀

皇上之遇災而懼反災爲祥也蓋

天心仁愛故示異以垂戒仁愛之尤至故屢示異以

嚴切垂戒今

皇上旣克謹天戒增修德政則災卽是祥矣臣向奉

有仍許陳奏之

旨茲又值

皇上求言若渴之時尙敢愛垂歿之餘年而不思竭

忠圖報乎臣竊謂弭異之大端有三春生秋殺

天之常道也

朝廷法天以明刑則肅殺定有其候凡犯監候斬

絞之歿罪非決不待時者仍照律秋決姑緩罪

人須臾之歿以答

上帝好生之心至于應獄情皆宜確引本律此亦

弭異之一端也民足君足古今常理也

朝廷養民以裕國則考成尙須通融酌免有司之

實降實革以責其久任成功分別糧里之欠少

欠多以鼓其好義終事勿令官苦傳舍民愁敲

金文通公集

卷之六

山中奏草

八

朴此亦弭異之一端也紀綱法度國之常憲也

朝廷乘乾以秉憲則威福豈容下移凡光棍挾私

叩

聞因而陵轢官府僭擬威福一時紀綱法度爲之掃

地者斷宜嚴禁痛懲此亦弭異之一端也總之

天人一理感應甚速人復其常則

天自消其異矣臣一念朴誠不識忌諱謹遵

旨陳奏伏候

皇上採擇施行不勝惶悚待

命之至。

康熙四年三月十七日具奏四月初八日奉

旨覽卿奏知道了該部知道

金文通公集

卷之六

山中奏草

九

遵 旨陳奏疏

予告太傅兼太子太師吏部尚書中和殿內秘書院大學士加一級臣金之俊爲遵

旨陳奏仰祈

宸鑑事臣蒙

恩休致苟延殘齡已七十有四無一日不沐

君父之恩卽無一日敢忘圖報之念也本年二月初

三四等口驚傳杭州省城暨嘉湖兩府數百萬

姓聞帑臣趙廷臣疏請解任葬母捨地呼天號

金文通公集

卷之六

山中奏草

十

泣罷市既苦

君門遠於萬里又恐一旦頓失怙恃士不安於庠

農不安於畝商不安於旅買不安於市俱皇皇

然有莫必其性命之憂督臣平日得民之深蓋

可知也臣思兩浙係濱海重地所在伏莽餘孽

尙爾未靖目下投誠多人正需安插况浙閩唇

齒相倚值今春汛屆期此何等時也閩督新推

未任浙督又將賦歸沿海一帶重大事情頭緒

繁多雖賴有賢能撫臣似難以一身兼攝而與

情之愛戀如斯亦亟宜解慰而輯寧之目下情形督臣似難一日去任臣愚以爲宜暫留督臣仍照舊抑情任事俟閩督蒞任相與共圖善後務保萬全俟料理有緒然後乞

皇上俯從其請庶

國事子情可以兩全而無悞也臣仰見

皇上加意東南要地倚重莫先於督臣而兩浙民心若此地方多事又若此督臣之去留實關

國家重大事情臣若畏罪緘默循省仍許陳奏之

金文通公集

卷之六

山中奏草

十一

旨負

恩甚矣謹齋沐繕疏遣家人金鶯賁投通政司照例

封進伏候

旨慈鑒察施行爲此具本謹具奏

聞臣不勝惶悚待

命之至

康熙五年二月初九日具奏三月十四日奉

旨趙廷臣前因葬母准其暫假兩月遷葬已有旨了

該部知道

恭陳賀悃疏

予告太傅兼太子太師吏部尚書中和殿內秘書院大學士加一級臣金之俊爲恭陳賀悃仰祈

睿鑒事臣蒙

恩歸老餘息尙存本年九月二十六日隨蘇州府見任大小各官後恭接

皇上親政詔書于府堂上開讀跪聽訖萬姓雷歡老臣雀躍雖伏草莽敢後颺言恭惟

皇上

金文通公集

卷之六

山中奏草

十二

睿德天鍾

英姿神授

年方鼎盛早勤昧爽以臨朝

運撫盈成恒期甲夜以視事謳歌于今六載聲教

已訖九圍矧

五位當陽離照煥中天之治而

萬幾在御乾元昭行健之功慶曆服之無疆徵太平之有象臣崦嵫殘喘報

國未能但犬馬微忱感

恩靡盡伏願

皇上敬

天無逸典學惟勤監于

太祖

太宗之成憲不愆不忘幸由

世祖皇帝之舊章惟精惟一親賢納諫舜智以明目達

聰而益神薄斂省刑堯仁以民安物阜而愈普

江海之澄清立睹唐虞之盛治攸臻已臣不勝

踴躍忭舞之至爲此具本謹具奏稱賀以

金文通公集

卷之六

山中奏草

三

聞

康熙六年九月二十七日具奉十月初五日奉

旨覽卿奏賀知道了該部知道

跋

余自幼從先君子與諸長者遊

見其吮筆濡墨以韻語相唱和

心竊好之間取唐人詩極意揣

摩或一語偶合輒沾沾自喜大

都以少陵爲宗傍及諸家迨晚

文通公詩集

毛序

一

年精力衰耗遂矢口而出庶幾

彷彿香山以爲詩如是足矣歲

壬寅春

息齋太傳出珥筆閒吟示余燈

下偕友龍潘子快讀數過相與

勇躍謂必如是而後可稱詩之

正鵠也蓋其言莊麗典雅溫厚
和平五七言律入少陵之髓七
言絕及古詩歌行得香山之神
又悉自曾襟流出毫無斧鑿別
具爐錘正始之音於今再睹且
少陵刻不忘君香山時思退步

文通公詩集

毛序

二

惟其有之是以似之殆斯編之
謂乎瑩追愧嚮者未嘗知詩敢
曰能詩天假數年就其中沉酣
翫味衣珠斯在安事他求朕則
繇知而能斷自今日始矣

皆

康熙元年孟春小弟毛瑩謹書



文通公詩集

毛序

三

金文通公詩集總目錄

吳江金之俊豈凡著

珥筆閒吟

卷之一

五言古

七言古

卷之二

文通公詩集

總目錄

一

五言律

七言律

卷之三

五言絕

七言絕

金文通公詩集卷之一目錄

吳江金之俊豈凡著

珥筆閒吟

五言古詩

早還邸舍卽事

耳聾自嘲

冒雨趨直

文通公詩集

卷之一

目錄

一

苦雨

送沈繹堂太史備兵禹州

用劉憲石韻

寒露後驟寒有感

春早入直

和憲石韻

廣太白空城雀

反太白對酒行

直幕漫興

寓竹林寺

又竹林寺卽事

送金君彩尉善化

雨餘卽事和憲石韻

蒙 恩輪直早休

七言古詩

南苑雨後看奇雲

讀太白來日大難而廣之

苦寒行 時冬至後一日

冬日行

冬月行

文通公詩集 卷之一 目錄

二

南苑雪夜看西山

和沈石田歸燕歌

春日雪中入直

金文通公詩集卷之一

吳江金之俊登凡著

珥筆閑吟

五言古詩

早還邸舍卽事

每逢下直時。烟紫西山暮。盡瘁敢言疲。恩深良可懼。獨嗟衰老身。衆病千爲聚。不料日甫移。退食爭趨

文通公詩集 卷之一 珥筆閑吟

五言古

一

步牽馬過禁垣。同人笑相顧。來往驅馳間。幾見日當路。入門婢僕驚。穉子尤歡慕。君旣賜晷。閑盥沐。是先務。科跣坐南窓。風來不借樹。何必賦長林。悠然愜吾素。

耳聾自嘲

老至五衰侵。自知還自憐。猶憶二年前。雙耳未全聾。血枯火上炎。歲殊復月異。籟寂本無聲。雜響紛然萃。隨人開笑顏。未解歡娛意。車馬過門前。驚雷仰天視。婢僕掩口嗤。穉子亦來戲。潦倒政事堂。撫心能不愧。

冒雨趨直

驚逢初伏節。雲暗雨如決。庭前駭浪翻。門外行人涉。
濕烟迷酒旗。深潭沒車轍。毘陰咎在臣。轉貽主憂。
切。珥筆何所爲。衰遲空蹙蹙。

苦雨

晴雲障曉窓。急雨奔泉注。衢巷倏成川。馬牛爭蹇步。
陰霧瀾遠天。亭午常疑暮。欹棟醉欲傾。頽垣平可渡。
雖雀失巢簷。濕螢依草住。市民愁露居。鄉農苦徵賦。
聖王正憂勤。天心似餘怒。厥咎有攸司。哀庸敢。

文通公詩集

卷之一

珥筆閒吟
五言古

二

自恕

送沈繹堂太史備兵禹州

用劉憲石韻

修文兼飭武。用大彰吾道。九霄鸞鳳姿。驟雲奮翮早。
東觀富圖書。治畧無不討。聖代崇儒術。惟爾才名。
好。貌若不勝衣。腹笥甲兵老。鈞州古雄藩。屏翰須碩。
抱。軒車行至止。軍民立蘇稿。報最寧俟朞。化成風偃。
草。大河日夜流。助爾詩情浩。政事有餘閒。吟咏亦足。
寶。由來將相資。出入咸可考。茲行匪久役。別緒爲君。
掃。

寒露後驟寒有感

寒露甫司節。西風何凜冽。霜信籬菊催。雁警寥天徹。
年衰薄重衾。病久思丹訣。婆婆政事堂。魂夢愁巖穴。
無以報。君恩空自添疲茶。

春早入直

和憲石韻

暮齡怯早春。擁裘尚畏冷。蒼茫粒雪飛。四顧迷山影。
咫尺承明門。馬滑蹇馳騁。勞攘羣動中。低頭嘿自省。
恨未多讀書。猶岐動與靜。

廣太白空城雀

文通公詩集

卷之一

珥筆閒吟
五言古

三

休嘆空城雀。蕭條身計促。紛紛廣所營。禍患于焉伏。
下有羅網懸。上有烏鳶逐。一飽來百憂。忍饑謝倉粟。
高飛雖未能。庶免危機速。

反太白對酒行

衰遲徒雙鬢。對酒轉生愁。恒憶少壯時。來往醉鄉遊。
銜杯徹宵旦。不知春與秋。荏苒數十載。酡顏羞白頭。
薄飲三四盞。氣弱不自由。酩酊既未能。一醒攢百憂。
安得昔賢比。曠達追陶劉。不如啜苦茗。默坐萬慮收。
往事明歷歷。歲月空悠悠。浩然忘醉醒。卽此躡仙儔。

自古千秋同暮旦何必潦倒戀糟丘

直幕漫興

十月小春候寒暖時難就暮靄與晨烟迷離失遠岫
平野廣無垠獸肥草益瘦珥筆多餘閒日送麋兔走
倦來手一編引睡如逢舊殘月帶霜明征鴻過斗宿
歲歲此直廬涓埃靡補救中夜起徬徨撫心徒自疚

寓竹林寺

有寺名竹林荒寂愜余性禪扉終日扃古佛孤燈映
鳥至亦無羣何況車馬競一僧北平來枯坐習苦行

文通公詩集

卷之一

珥筆閒吟
五言古

四

不談教與宗三昧得無諍我非逃禪者美彼樂清淨

又竹林寺卽事

幽棲得竹林古殿餘荒草香積半生塵松風無力掃
梵唄鮮唱酬隣磬來樹杪昏鴉過不留一絲新月皎
未能道心生已覺除煩惱入山何處深只在長安道

送金君彩尉善化

余嘗備兵星沙

君向長沙去長沙僕舊諳古人有此句今恰對爾談
山雨飛來翠江烟起處酣俗情寧狡悍稅重苦難堪
督賦爾專司可能予民甘雖稱卑濕地不異我東南

薄祿萱堂奉晨昏就養湛好佐雙鳬理佇膺百里擔

雨餘卽事和憲石韻

欲霽雨猶零芳菲新沐樹亂雲飛曉空濕鳥破烟度
一望綠盈盈上林餘野趣君仁及鹿麋馴擾恣人
顧機忘人不驚至道目前寓但渾爾我形何必義皇
慕

蒙恩輪直早休

君恩念衰老退直更番早報稱靡涓埃驅馳空潦倒
才庸力易疲事簡神仍稿只合偃丘園寧堪濫師保

文通公詩集

卷之一

珥筆閒吟
五言古

五

中夜起徬徨臣心怒如擣

七言古詩

南苑雨後看奇雲

殷雷震耳來西北驟變疑陰雨氣濛清風忽至雷漸
遠東南突兀起奇峰氛氲煙霧洪濤浴疊嶂嶙峋千
萬重彷彿峨眉插天半還訝五嶽盡來同無數樓臺
懸石壁疑有虎豹踞其中徘徊注視神飛越奮足登
躋恨莫從須臾夕霽奇峰徙惟見西山翠色濃

讀太白來日大難而廣之

來日大難。今古同歎。往來相續。如環靡端。彭夭而殤。壽兮。達人之大觀。高陵與深谷兮。瞬息之波瀾。將謝朱門而遊蓬萊兮。不過一枕邯鄲。抑嗽雲英而挹玉膏兮。何殊塵煮沙搏。我欲涵仙。凡忘苦樂。悠悠任運。而盤桓底幾。無去無來。無難無易。寒則衣兮。饑則餐。又奚美夫。太白之想鶴駕與鸞驂。

苦寒行

時冬至後一日

寒蕪漠漠。西風陟。老樹爭雄。怒濤吼。日白雲黃。冷色侵。只愛紅爐。不思酒。凍鳥無聲。似僵舌。歷馬蕭蕭。嘶。

文通公詩集

卷之一

珥筆閒吟
七言古

六

還咽野。幄吹烟。午未生。短髯噓氣。攢冰雪。豈曰無衣。續與縑。盡失餘溫。透肌嚴。衰齡永夜。難成寐。不信陽生。一線添。

冬日行

從來愛日冬。爲尙我有直廬東郊傍。同雲曉散甫開簾。扶桑早已射微炎。廣陌霜痕消未盡。疎林鳥語遙相引。寒暉照處噓和徧。若比春陽奚足羨。婆娑曝背懶擁爐。願效葵心向金烏。

冬月行

人言明月惟秋好。我謂三冬月乃寶。霧捲霜嚴光倍瑩。寒空萬里淨如掃。上林宿鳥凍不飛。冰河激射呈瑪瑙。滿目淒清景色荒。擁褐徘徊胸浩浩。

南苑雪夜看西山

用憲石韻

雪滿西山失林麓。一片白雲遙矗矗。寒曦倏上淨長天。漸次嶙峋帶烟簇。危梁瘦脊影參差。半似殘粧半初沐。羊牛下來夕照沈。疑有梨花飄暗谷。咫尺離宮杳難躋。擁裘恣眺迷心目。

和沈石田歸燕歌

文通公詩集

卷之一

珥筆閒吟
七言古

七

送歸燕。送歸燕。歲歲此時增繾綣。不知秋老將安棲。依舊陽春還故院。送歸燕。送歸燕。翠幕雕欄曾繞遍。多少繁華眼底過。金風歛起歸如箭。語勞勞。目眈眈。雙飛雙宿。只隨綠社去。社來期勿變。主人雖有興。衰兮詎忍視之爲郵傳。一自委身于堂簷。偏值雨風而春戀。嗟彼世態之炎涼。未終朝兮已反面。

春日雪中入直

九十未光已去半。寒威凜冽冰弗泮。同雲漠漠連山凝。飛霰滿空愁饑鷹。豈是長安花信遲。故飄瓊屑亂。

梅枝只恐三農舉趾日或妨夏麥荻初茁特有君
德感蒼穹依舊雨賜協歲功惟慙潦倒古稀年踽踽
泥塗未歸田

文通公詩集

卷之二

珥筆閒吟
七言古

八

金文通公詩集卷之二目錄

吳江金之俊豈凡著

珥筆閒吟

五言律詩

春日直舍西清

清和朔西清晚直

瀛臺曉色

文通公詩集

卷之二

目錄

一

瀛臺夕照

瀛臺偶就

瀛臺初夏

初夏晚直

西苑柳絮

初夏晚直喜雨

晚直初霽卽事

晚直卽事

南苑移直 西宮卽事

南苑移直 東宮卽事

偶興

南苑雨後聞鶯志喜

南苑晚眺

閏五再直瀛臺對雨卽事

雨夜同張芝庵表弟小飲話別

雨中退直

送張芝菴南歸兼寄慰兒曹

漫興四首

文通公詩集 卷之二 目錄

二

贈別芝菴表弟

晚直卽事

直舍散步卽事

直舍觀荷

夏日晚直卽事

退直喜晴

六月十七夜雨曉晴是日立秋

署中立秋卽事

新秋初霽夜坐

秋日直舍卽事

六月晦日署中卽事

秋夜感懷

初秋夜坐微雨卽席感賦

七夕直舍待漏候頒 宮殿告成恩詔

秋日送新安程幼洪館丈之任蘇州

直舍賜食紀恩

中元署中卽事

南苑雨夜集飲和憲石韻

文通公詩集 卷之二 目錄

三

南苑夜雨

是夜秋分

秋霽署中卽事

八月初九日退直卽事

八月十二日退直翫月

長安中秋望日翫月

長安中秋望後一日翫月

八月十八夜月蒙有感

中秋二十夜小坐復喜得月

八月廿六夜微雨小集

九日直舍卽事

九日友人招飲卽席有感

菊月夜坐有感

立冬前一日退直卽事

冬日扈從南苑卽事

小寒日再移直卽事是夜雪

喜雪二律

冬夜直幙感懷

秋色

文通公詩集

卷之二

目錄

四

秋聲

秋山

秋水

秋日

秋月

秋夜

秋塞

秋圃

秋齋

雪窓漫興

齋居漫興三首

寺居雪後卽事

竹林寺看歸鴉

立冬夜卽事

送張聲子南還

送嚴子餐都諫給假南歸二首

哭王鐵山冢宰二首

七言律

文通公詩集

卷之二

目錄

五

丙申夏五再承 欽命寫像紀恩

端午瀛臺侍宴紀恩

直南苑 西宮卽事

南苑喜晴

瀛臺值雨

西苑喜晴

賜蓮實紀恩

初秋雨霽禁池荷花盛開

秋日送新安程幼洪館丈之任蘇州

友人偶集小齋看菊

冬日扈從南苑卽事

冬十月從狩閩武恭紀

南苑雪齋卽事

哭王鐵山二首

集黃薛侯池亭卽席韻

酬謝憲石示詩

文通公詩集

卷之二

目錄

六

金文通公詩集卷之二

吳江金之俊豈凡著

珥筆閒吟

五言律詩

春日直舍西清

珥筆傍楓宸來尋上苑春波明白鳥狎柳嫩絳臺新
撫景承恩渥憂時負罪頻逡巡糜歲月空自憶垂

文通公詩集

卷之二

珥筆閒吟
五言律

一

綸

清和朔西清晚直

禁苑清和節晴光靜且妍澄波涵碧影遠岫吐輕煙
日極歸鴻外神怡落照先還家無一事小飲卽高眠

瀛臺曉色

曉煙浮禁苑極望意無窮鳥影空濛裏人聲杳靄中
新蒲爭柳碧高閣帶霞紅漸次晴光燦疑遊閭苑宮

瀛臺夕照

風清臺榭迴錦繡夕陽天遠樹迎霞立長虹吸水眠

徘徊思 主澤哀暮借臣年未有涓埃報空隨景物遷

瀛臺偶就

蓬瀛初入夏巧繪亦難圖蚤暮烟霞幻陰晴翠靄殊
身雖依 殿陛意已足江湖只愧衰庸甚無能切廟謨

瀛臺初夏

禁城初夏節物候正繁華柳絮隨風亂遊絲映日斜
魚依新藻渚燕入舊巢家爲惜桑榆景良辰莫再賒

文通公詩集

卷之二

五言律 耳筆閒吟

二

初夏晚直

隨行消永晝獨眺暮霞天波靜閒鷗意風輕宿柳煙
微茫人影亂雜沓馬蹄還穉子迎門立牽衣勸醉眠

西苑柳絮

禁苑柳陰叢行人舞絮中飄颺時戲蝶繚亂不因風
徑草增顏碧瓊樓度影空斜陽如有意點點綴輕紅

初夏晚直喜雨

西清退直時膏雨正淋漓碧柳爭新沐昏鴉覓故枝
格天昭 主聖潤物慶民嬉不覺歸途渾惟占二麥

宜

曉直初霽卽事

四野甘霖足蓬瀛曉霽初新蒲擁翠至細草帶烟舒
渚漲蛙聲潤山明鳥路疎婆娑空署尾無異老樵漁

晚直卽事

霽霽西山紫離宮欲暮時風輕疎柳眼水湛靜鷗思
爽氣涼衣袂霞光盪酒旗到家方落日伸紙續殘詩

南苑移直 西宮卽事

移直親行輦西山爽氣迎塵稀綠土潤樹遠覺風輕

文通公詩集

卷之二

五言律 耳筆閒吟

三

獨鳥天邊至奇雲野外生不須窮眼力自足曠心情

南苑移直 東宮卽事

夏日重移直 君恩賜綠陰長林攢影厚密葉貯涼

襟 深引睡憑書卷消愁藉咏吟隨行署尾外風至卽披

偶興

性拙懶逢迎欣隨護蹕行直廬饒野意老樹動閒情
好句同人贈清風獨坐生漫言泉壑趣卽此謝塵撓

南苑雨後聞鶯志喜

年衰睡未足。枝上曉鶯啼。絮絮吹鄉夢。聲聲喚客迷。
新禾含雨潤。遠岫帶烟低。四野甘霖徧。懽情物亦齊。

南花晚眺

微雨初收後。西山翠靄中。濃陰環野碧。殘照一絲紅。
樹老生秋氣。年衰怯晚風。平原目盡處。惆悵意何窮。

閏五再直瀛臺對雨卽事

再直西清舍。重逢夏五時。繁雲迷苑柳。密雨響荷池。
水澗層臺遠。天低濕鳥遲。頻驚移物候。倍愴暮年思。

雨夜同張芝菴表弟小飲話別

文通公詩集

卷之二

五言律

四

本是棠花侶。萍逢旅舍中。鄉思縈夢異。客緒憶歸同。
暗雨窓前急。清樽燭下紅。莫辭良夜醉。欲別又西東。

雨中退直

甘霖聞已遍。未息蛟龍戰。竟日暗重雲。連宵驚疾電。
烟凝失遠山。草濕低新燕。衰老怯歸鞭。深泥馬足濺。

送張芝菴南歸兼寄慰兒曹

雨歇來明月。樽前話別時。離情鍾老景。酒語惹鄉思。
後晤應非遠。今宵未敢期。君恩端的重。衰病許陳辭。

辭

漫興

西清趨直久。來往晤青山。信足蒼烟遶。迎眸碧水環。
年衰耽一枕。才拙有餘閒。只爲君恩重。無詞謝鈍頑。

其二

轉睫韶光換。低頭憶草堂。誰知黃閣暇。不似白雲忙。
閉戶山猶淺。臨流暑亦涼。林泉歸未得。靜裏且徜徉。

其三

每出迂朝職。歸來帶雨痕。候門唯稚子。小飲欲黃昏。

文通公詩集

卷之二

五言律

五

夢裏蓴鱸味。圖中水竹村。婆娑忘歲月。恍惚到家園。
其四

暮雲來細雨。仰視忽青天。捲幔迎風入。移牀借月眠。
有心清客夢。無計了塵緣。侵曉驚趨直。盈眸紫禁烟。
贈別芝菴表弟

天涯惟表弟。記得少陵詩。旅況余經慣。親情爾自知。
昨來將歲暮。今去近秋時。不盡離亭緒。蕭蕭匹馬遲。
晚直卽事

咀含寧辭晚。清風禁苑過。荷喧香氣靜。日落鳥聲多。

畫楫全迷徑。朱欄獨倚羅。退思靡寸補。空自嘆蹉跎。

直舍散步卽事

禁苑清光好。霞牆綠岼明。菱荷香水氣。鷗鷺肆閒情。
白塔長虹鎖。丹臺老樹擎。同人相倚徙。競擬到蓬瀛。

直舍觀荷

上林初雨歇。香氣滿荷池。衆綠團清影。紛紅鬪艷姿。
涼生忘伏暑。興至失衰遲。所愧承恩重。終朝厚祿糜。

夏日晚直卽事

文通公詩集

卷之二

五言律

六

炎暑夕陽天。荷香暖禁烟。深蘆藏浴鷺。古樹試新蟬。
坐久清風集。行遲皎月懸。婆娑忘晝永。老至興猶偏。

退直喜晴

西山盈紫翠。禁苑晚晴時。霧歛生高樹。雲歸動客思。
短垣來月早。幽砌下螢遲。聞說無妨稼。三農愜所期。

六月十七夜雨曉晴是日立秋

客中驚候改。况值病魔侵。夜雨秋聲滴。朝曦爽氣臨。
暮年愁易集。新序感彌深。夢幻浮生裏。惟慙負影衾。

署中立秋卽事

西清方日午。正是立秋時。颯颯西風至。陰陰暗雨隨。
鳴蟬因濕懶。落葉過堦遲。節換猶疑滌。豐登未易期。

新秋初霽夜坐

西山雨足收殘月。正新秋。露氣侵簾櫳。螢光拂幔流。
鄉思繁。夜靜客况共。一杯浮。人世清宵幾。肯懷明日謀。

秋日直舍卽事

西清來爽氣。樹樹響秋聲。濕露低瑤草。輕雲拂鳳城。
蓼灘紅寂寞。蓮渚綠縱橫。日暮遙砧急。紛然動旅情。

六月晦日署中卽事

文通公詩集

卷之二

五言律

七

秋新將半月。暑盡是今朝。赤日渾忘畏。西風乍欲騷。
槐疎窓影碎。秋老水容消。節序驚駒隙。家園夢轉遙。

秋夜感懷

露滴黃昏候。涼颺帳影侵。吟蟲初試響。嚴漏漸驚心。
雪鬢燈前炯。青山夢裏深。秋宵千萬緒。衰病轉難禁。

初秋夜坐微雨卽席感賦

檻外秋聲急。黃昏細雨時。銜杯繁客緒。剪燭動鄉思。
蛩語喧還寂。螢光暗復遲。無窮蕭瑟意。愁夢且吟詩。

七夕直舍待漏候頒 宮殿告成恩詔

紫禁宣恩日。天孫織錦期。爐烟香曉霧。爽氣肅彤墀。
鳳閣星辰燦。龍章雨露垂。老臣雖蹇步。寧敢惜驅馳。

秋日送新安程幼洪館丈之任蘇州

崇儒昭聖代。秉鐸藉賢良。優仕還從學。之官却到鄉。
秋光聯驛路。化雨過金閶。未許吳山月。淹留著作郎。

直舍賜食紀恩

伴食懷慙甚。蒙恩體恤周。仙厨珠粒粲。雜菹衆香浮。
一飯猶思報。千生詎足酬。旁皇哀朽意。覆餗益堪憂。

文通公詩集

卷之二

五言律

八

憂

中元署中卽事

炎蒸秋轉熾。積霧宿莓苔。玉陛行雲繞。龍樓急雨來。
可無妨歲事。但願免民災。驚值中元節。老懷悶未開。

南苑雨夜集飲和憲石韻

蕭蕭風雨夜。已屆仲秋天。新月濃雲遯。芳樽客緒綿。
同人寬善謔。孤枕耐遲眠。聞道回鑾早。老臣興亦偏。

南苑夜雨 是夜秋分

秋林迷遠色。暮雨廣無垠。直幄宵初永。離宮漏正勻。
新寒清客夢。薄醉擲閒身。寂寞冥安吾。素無煩慕隱淪。

秋霽署中卽事

雨後秋中色。長空萬里清。嵯峨高閣迴。紫翠亂山明。
新月迎殘照。歸鴉遶禁城。晴光消受盡。無計佐昇平。

八月初九日退直卽事

斜暉盈直舍。早月已窺簷。旅雁高空沒。歸雲暮嶺潛。
秋光濃小飲。露色冷疎簾。一枕華胥近。渾忘白髮添。

八月十二日退直翫月

文通公詩集

卷之二

五言律

九

今歲中秋月。清光連夜同。遙砧殷玉宇。旅雁度寒空。
世事酡顏外。家山皓色中。人生幾邁此。况是白頭翁。

長安中秋望日翫月

皓色一何妍。今宵月正圓。西山羣壑曉。北闕萬珠懸。
客思秋光遠。鄉關桂影連。衰齡逢此夕。已足傲長年。

長安中秋望後一日翫月

望後月仍圓。連宵素魄鮮。砧聲清衆籟。露色冷高天。
小飲遲鄉夢。閒談薄世緣。坐深心亦皎。何事更逃禪。

八月十八夜月蒙有感

今宵月乍虧。却被暗雲欺。慘淡秋光失。蕭條病骨宜。
陰晴恒未料。進退貴兼知。玉漏隨砧急。浩然引我思。

中秋二十夜小坐復喜得月

玉漏聲初滴。東軒月上時。寒光淒嘹雁。素影靜高枝。
客緒清砧引。鄉心綠醴滋。秋宵偏耐老。不畏早霜欺。

八月廿六夜微雨小集

極目遙岑暗。濛濛雨足垂。風嚴秋易老。夜靜漏偏遲。
往事憂年集。鄉心故友知。不覺閒談久。蕭條薄醉宜。

九日直舍卽事

文通公詩集

卷之二

五言律

十

升高趨直舍。令序正重陽。鷺翮乘風健。寒雲帶日涼。
茱香盈紫陌。菊氣遶巖廊。喜傍恩光重。無煩佩紫囊。

九日友人招飲卽席有感

親朋九日逢。盡是他鄉客。玉露冷簾幙。金英輝綺席。
歡深薄醉遲。話劇清宵迫。歲歲此重陽。繁然今與昔。

菊月夜坐有感

秋老堂陽後。雁孤月皎時。嚴霜欺雪鬢。殘菊耐清卮。
客緒新寒劇。詩情急漏追。衰齡當夜靜。往事不堪思。

立冬前一日退直卽事

淒風寒落日。秋盡是今朝。古樹頻辭葉。歸鴉欲蔽霄。
客心隨序冷。殘月帶霜凋。寂寞衰羸意。難堪鏡裏描。

冬日扈從南苑卽事

南苑鑾輿駐。西山肅隊迎。晚霞浮紫氣。歸獵競寒聲。
幕火繁星雜。林霜玉漏清。衰頹靡寸補。夢寐亦怔營。

小寒日再移直卽事是夜雪

離宮移蹕再。又是小寒時。直幄依林靜。迴颺舞雪遲。

文通公詩集

卷之二

五言律

十一

燭花繁客夜。爐燼續鄉思。躑躅將終歲。摧頹益自知。

喜雪二律

天人相感速。主聖信能然。甫祝千箱瑞。旋敷六出妍。
離宮森玉樹。廣陌徧瑤田。伴食嗟臣老。擁爐頌有年。

堯心憂歲豫。候雪表祥禎。有色連天白。無聲潤物宏。

山山呈玉至。樹樹綴花迎。詎止三農慶。賡歌樂太平。

冬夜直幙感懷

寒宵羣動息。耿耿五更心。歲月愁中老。鄉關夢裏尋。

自知聞道淺。因悔溺緣深。永漏聲徐歇。依然絆組簪。
秋色

極目氣蕭森。遙空來遠岑。長林疎碧影。廣陌動清陰。
半似春容醉。渾添客思深。秋光今古惜。尤悵暮年心。

秋聲

秋來衆籟清。入耳自相迎。病葉空庭亂。吟蟲遶砌爭。
旅情沾萬戶。鄉夢漏三更。不必征鴻唳。偏饒靜裏聲。

秋山

秋至千山潔。天高萬壑幽。歸雲開鳥路。隔日析泉流。

文通公詩集

卷之二

五言律

十一

翠靄當軒入。丹楓曲磴稠。寄言肥遯客。此際即蓬丘。

秋水

泚泚秋無際。長天一鏡收。金波恒助潔。玉露暗添流。
高雁沉疎影。輕鳬泛細漚。塵襟浣滌盡。蘆畔隱漁舟。

秋日

四望寥天淨。三秋旭日升。碧梧晨露滴。紫岫暮霞蒸。
遠目清光展。幽懷爽氣澄。渾忘畏與愛。欲向最高憑。

秋月

月明光萬里。況是九秋時。列宿爭韜影。銀河僅露絲。

盈虛饒異彩。曉夕燦清姿。客久兼衰暮。翻然照所思。
秋夜

寒氣侵羅幌。蕭蕭夜正中。孤燈淒落葉。永漏絮寒蛩。
往事遙砧集。鄉心旅雁通。那堪殘夢斷。淅瀝五更風。

秋塞

肅肅邊風起。秋從塞上來。霜嚴寒古木。日白峻荒臺。
馬嘶關月影。笛嘯隴雲堆。老將酬恩誓。塵清萬里開。

秋圃

野圃盈蔬果。經秋赤色多。寒瓜沉蔓草。老芋賽新禾。

文通公詩集

卷之二

五言律

十二

酒熟來隣叟。鋤閒發浩歌。耕漁吾弗美。籬槿獨婆娑。

秋齋

小築貪幽徑。秋來澹遠宜。蕉窓涼雨後。菊砌早霜時。
蟋蟀添吟興。蟾蜍壯酒思。不須窮域外。一室曠心期。

雪窓漫興

小築長安邸。巖居無此深。門前車馬絕。檻外雪風侵。
箴俗酬圖史。怡情寄咏吟。漫言冬日短。靜極有餘陰。

齋居漫興

三首

北屋開南牖。繩牀煖氣侵。陳編來快友。午夢別塵心。

餌藥慚糜祿。篝燈懼負衾。願言辭世網。何必託高岑。

又

斗室晴光燦。朝曦上紙窓。攤書奇字出。煮茗淡烟香。世險機關窄。心夷道味長。隣雞催暮景。意欲問壺觴。

又

勝友荒齋集。萍逢盡故鄉。論心通寤寐。問歲隔滄桑。虎阜笙簫月。燕山嘹唳霜。家園何處是。隨地任徜徉。

寺后雪後卽事

欣逢初雪霽。蕭寺更相宜。靜對山光白。閒看樹影移。

文通公詩集

卷之二

珥筆閒吟
五言律

古

饑鳥舒健翼。寒竹傲青枝。無限淒涼景。堪深道者思。

竹林寺看歸鴉

暮色西山至。寒鴉比翼時。行程殊近遠。歸計弗參差。勢似朝宗急。心驚赴闕遲。難鳴清晝事。昏夜料無欺。

立冬夜卽事

三秋今夜別。客舍又初冬。月皎寒光動。風恬露氣濃。良朋酣小飲。穉子豁愁眉。一枕羲皇夢。醒來已曙鐘。

送張聲子南還

羨君天下士。溷跡來燕遊。意氣雲霄迴。才名謝陸儔。

詩書敦古道。笑語破新愁。別緒繁樽酒。春深正虎丘。

送嚴子餐都諫給假南歸

讀書東觀日早結。聖明知抗疏承家學。掄才表勿欺。鴻名君已集。尊膽我同思。寄語湖山主。秋深或可期。

又

故園春正好。况荷主恩還。抒蓋丹誠著。陳情子道全。東風催驛路。岸柳夾歸船。詩思江湖湧。應同諫草傳。

文通公詩集

卷之二

珥筆閒吟
五言律

古

哭王鐵山冢宰

萬丈凌雲氣。一朝石火同。鬚眉存骭髀。笑語挾雷風。玉案修文迫。巖廊豎業空。彼蒼難叩問。吾道信乎窮。

又

慷慨猶如昨。音容邈不留。文瀾千古息。吏績一時休。泉夜知難免。丹心恨未酬。春光爲黯淡。老淚更難收。

七言律

丙申夏五再承 欽命寫像紀恩

恩光屢自九重來。再展生綃貌猥材。媿殺凌烟功汗

血漫誇肖象意摧頽。絲絲白髮沾。君寵耿耿葵心。傍日開只恐殘齡如草露空餘陋影廁蓬萊。

端午瀛臺侍宴紀恩

太液池邊景色稠。天中勝節壯宸遊。清風四至催龍舫。碧影千層遶鳳樓。率土爭懸長命縷。羣官遍饌大庖羞。若非王澤深於海。何自凡胎醉十洲。

直南苑西宮卽事

鑾輿駐處日圍長。雨後山山翠色蒼。一望平蕪疑海澗。千行獵騎宛龍翔。霞光倒映霓旌燦。月影遙連野

文通公詩集

卷之二

耳筆閒吟
七言律

七

氣涼自是宸遊多勝地。獨慙伴食意徬徨。

南苑喜晴

甘霖甫洽快新晴。禁苑深林亂曉鶯。萬里長空烟霧淨。千山繞翠碧霞盈。雨暘時若天心應。憂樂同民主澤宏。伴食哀庸何所事。香焚午夜祝昇平。

瀛臺值雨

雲師擁隊護離宮。太液空濛雨氣中。暗柳烟深迷宿鳥。虛堂溜激亂鳴蟲。年衰益重歸途憊。晝永翻嫌暮色愁。聞說歡情盈畝澮。應知野老卜時豐。

西苑喜晴

風雨初收爽氣偏。綠苔猶自帶輕烟。風搖荷露繁珠滴。魚弄荇絲細浪旋。視草餘閒思問道。忘機此地勝逃禪。西山暮紫紛紜至。亟策歸鞭薄醉眠。

賜蓮實紀恩

日傍芙蓉載筆遊。忽驚恩渥賜蓮稠。青房綴玉真堪羨。紫禁分甘豈易酬。冰檠盟心堅苦志。雪霜矢節勵清修。惟願只恐如秋葉。未答涓埃負寵優。

初秋雨霽禁池荷花盛開

文通公詩集

卷之二

耳筆閒吟
七言律

七

上林秋色醉如春。此日繁華簇水濱。翠蓋亭亭經雨碧。紅蕖灼灼映波勻。層城匝遶團香氣。曲檻平臨挹露津。芳艷人間容易有。可能爛熳脫緇塵。

秋日送新安程幼洪館丈之任蘇州

西風颯颯送行舟。千里秋聲接虎丘。翻借尊鱸滋宦味。不因鴻雁起鄉愁。希文義宅儀型在。安定師傳教育周。他日金閨還碩彥。主恩造就益難酬。

友人偶集小齋看菊

新寒凜冽曉霜濃。又是重陽客邸逢。白髮朝朝添旅

况黃花歲歲老秋容。佳辰促席朋情洽。逸興浮觴古
話重。漫說顏齡須菊制。只今年少亦相從。

冬日扈從南苑卽事

衰齡逐隊扈。離宮匹馬蕭蕭怯晚風。直幕參差

輦路側。霓旌掩映幔城中。數聲行漏清羣籟。一片寒
光肅遠空。聞道來朝冬狩舉。老臣不寐慶時隆。

冬十月從狩閱武恭紀

曉漏初傳。雕輦動。千官導引羽林翔。風旗扇翼移
山足。雪鎧騰波浴日光。漫說軍容從細柳。親瞻聖

文通公詩集

卷之二

珥筆閒吟
七言律

太

武試長楊。威行萬里。應無敵。佇息鯨吹奠海疆。

南苑雪齋卽事

扈蹕離宮初雪霽。衝眸曜色淨高天。無多野屋依林
至一半。青山傍闕還。幕外圍寒今日甚。樽前偷暖此
宵偏。生平往事衰年省。漏盡何堪夜未眠。

哭王鐵山

萍聚長安十載中。追陪譔笑每相同。樽前雄辨空今
古。筆底宏詞撼岱嵩。盤錯逢君恒刃解。憂愁入肺遽
摧躬。至尊聞訃深傷悼。况是知交最老翁。

又

猶憶海棠花下飲。與君拇陣開雌雄。君方銳壘無降
志。余亦攻堅占勁風。荏苒年華如夢幻。蹉跎世事總
虛空。春宵一訣岐生處。不盡酸辛數語中。

集黃薛侯池亭卽席韻

和葉芝麓韻

長安久客竟忘歸。逆順紛紜總莫違。流俗已嗔人未
擯。野鷗偏許我相依。烟村欲暮波光靜。古廟猶存世
事非。何必江南春色好。楊花亦自遶簾飛。

酬謝憲石示詩

文通公詩集

卷之二

珥筆閒吟
七言律

尤

羨君詩思湧如泉。每日篇成句欲仙。俊逸清新追作
者。風流儒雅自天然。枝啼好鳥添吟興。野送清風拂
硯田。最是綠楊陰滿處。教人諷咏倍留連。

金文通公詩集卷之三目錄

吳江金之俊豈凡著

珥筆閒吟

五言絕

送秋月二首

喜雪二首

庭中珠藤二樹綠葉蔭覆清陰可愛因拈綠字

文通公詩集

卷之三

目錄

得五言六絕

七言絕

七夕漫賦二首

秋齋署中卽事二首

月夜看殘菊二首

送金閭沈雲賓任含山尉三首

送張聲子南還二首

送嚴子餐都諫給假南歸二首

哭王鐵山八首

送金君彩尉善化二首

假歸紀恩八首

文通公詩集

卷之三

目錄

二

金文通公詩集卷之三

吳江金之俊豈凡著

珥筆閒吟

五言絕

送秋月

丙申秋長安月色無夜不佳九月既望更瑩
潔可愛惜乎序將入冬月已歷秋而秋且辭

金文通公詩集

卷之三

珥筆閒吟
五言絕

一

月也感歎良辰詩以送之

秋深月倍明宿鳥銜霜語只恐小春催月來秋已去

其二

月滿重陽後冰輪徹永漏轉瞬欲辭秋寒光可依舊

喜雪二絕

年豐國之寶六出呈祥早堆素滿平臯青山一夜老

其二

司天占瑞兆尺雪斯箱表林曉夜禽驚兔寒鷹翮矯
庭中珠藤二樹綠葉蔭覆清陰可愛因拈綠字

得五言六絕

曉陰初映綠碧影候晉屋雞聲尚未已車馬爭馳逐

又

晨曉嬌嫩綠滿目清光簇趨直恨難遲恐縻大官祿

又

日午矜濃綠新涼已謾謾華胥夢醒後自羨人天福

又

薄暮斜陽綠焚香竺典讀蕭然萬慮清肺腑辭榮祿

又

金文通公詩集
卷之三
珥筆閒吟
五言絕

二

雨後添肥綠葉葉如新沐披吟尊宿語唯覺會心獨

又

月明滋暗綠如入深巖谷無煩謝組簪自信植根宿

七言絕

七夕漫賦二首

聞道僊期是七夕那堪歲歲客中過星房月帳愁離
別况復人間夢習何

其二

星河黯淡未分明滿院秋蛩亂客情漫說仙槎真遠

渡巫山雲雨或寒盟

秋霽署中卽事

淨捲氛埃餘爽氣。碧空萬里秋無際。交霄殿閣絢晴霞。遶闕峰巒羅黛髻。

其二

署尾餘閒對落暉。暮雲冉冉西歸。終朝素食君恩負。空憶尊鱸心事違。

月夜看殘菊

從來晚節貴餘香。獨有黃花畧長翠。葉離披芳骨

文通公詩集

卷之三

珥筆閒吟
七言絕

三

老欣逢皓月照寒裝

其二

風霜偏耐菊花枝。不逐春葩鬪艷姿。勁節雖慙松與栢。素心堪對月明時。

送金間沈雲質任含山尉

善音律併書

繇來吏隱半神仙。况是風流文采全。漫說官卑才恨大。華陽絕頂任揮絃。

又

長安片月幾流連。鄉夢忽隨宦興牽。聞道官衙江畔

枕鱗魚五月正肥鮮

又

每向樽前挹曠懷。愁城破盡暢談諧。從茲筆陣煙雲湧。故國江山入境佳。

送張聲子南還

從來話別添惆悵。此日君歸我解頤。一路黃鸝啼不歇。故園烟景富新詩。

又

帝城春早策歸鞭。正是江南艷麗天。寄語山公休記

文通公詩集

卷之三

珥筆閒吟
七言絕

四

憶垂虹楓落我應還

送嚴子餐都諫給假南歸

長安春色恰芳菲。爲送歸舟雨雪飛。放鶴亭邊應暫憩。嚴程亟赴勿遲違。

又

羨君此去值佳辰。滿目韶光映水濱。漫說時清靡闕事。還資獻替達楓宸。

哭王鐵山

記得相期歸去日。君來笠澤我邗溝。好追洛社耆英

會奚故寒盟赴玉樓

又

我比君年長六齡。摧頽寧似爾揚靈。祇因恃壯嬰沉疾。老者孤存轉涕零。

又

雖登宰執播光譽。滿腹經綸尚有餘。女嫁男婚都未畢。一朝溘露最堪欷。

又

人世浮名幻泡然。得無名盛反爲愆。不如碌碌遺人

文通公詩集

卷之三

珥筆閒吟
七言絕

五

齒或者紫虛猶未宣

又

封章纍纍著丹誠。身後主知更莫京。賻錫頻加洵異數。夜臺何以效忠貞。

又

此日哀榮道路喧。生前逆順豈須論。應知感激臣僚遍。况是銜恩到九原。

又

君本仙都採藥翁。特來苦海鍊圓通。從今坦腹掀髯

去長嘯鴻天紫月中

又

自知遊戩落塵緣。深悔沉淪六十年。一念迴光醒大夢。灑然不受世情牽。

送金君彩尉善化

一路江流旅客程。烟波萬里曠心情。洞庭過盡官衙到。笋茁鱗肥足絮羹。

又

漫說官卑未稱才。琴堂佐理亦悠哉。三湘自昔饒名

文通公詩集

卷之三

珥筆閒吟
七言絕

六

勝嶽麓山頭好句裁

假歸紀恩八首

每從夢裏到家山。不禁醒來淚欲潸。七疏陳情蒙報可。扁舟亟載主恩還。

又

長安十載送秋深。白髮黃花悵客心。微被恩光三徑闢。刻期秉燭忭幽尋。

又

非爲尊鱸思故鄉。只因墮墓曠蒸嘗。君王洞悉臣

情至錫類恩濃喜欲狂。

又

伴食黃扉已六年。久宜黜罷歸田何期。
王聖容
臣拙猶勒嚴程戒早旋。

又

布帆飽挂驛歸津。一路和風暖水濱。
非是小春剛應節。
王恩深厚總回春。

又

人世百年猶旦暮。那堪十載一回家。
若非聖王垂

文通公詩集

卷之三

珥筆閑吟
七言絕

一

恩渥極目鄉關夢轉賒。

又

蕭蕭匹馬出京畿。敢謂清風兩袖希。
晝夜兼程弛警柝。舟輕似葉逐鴻飛。

又

灑淚陳情荷主知。十年苦緒頓舒眉。
銜恩更有難酬處。子送親歸誰可期。

序

豈凡先生外集者。先生與浮屠氏博山雪關等微言往還。及夫倡導里巷。勇於爲善。破吝除貪。從不惜財力始者也。

文通公外集

陳序

先生爲學內朗外通。其爲文錯綜古昔。澤于仁義之指。今之後生小子。望見顏色。咸以爲關閩濂洛之儔。若外集者。何爲示人耶。嗚呼。此先生所

以不可及也予見世號爲儒者浸淫勢利日深月異反不若深山學道之外氏能淡泊攻苦以有得於性命而乃隨衆附和虛稱壇宇輕詆二氏

其實則猶然大雄氏之賓主機用耳入室而搯戈果衛道耶抑好儒名耶韓退之毀佛骨一疏表裏孟子至其稱大顛曰外形骸以義理自勝是韓子未嘗諱言佛氏之徒也而何儒者諱言之甚乎惟其諱也是學儒學佛兩無得也豈凡先生曰吾所不必爲者髡而緇耳求福田利益耳若

夫號爲傳心得法者卽謂聖人之徒亦可而又何敢諱言外集耶予聞豈凡言乃爲序其集以告夫學道而無所諱者亦韓子之學也

文通公外集

陳序

四

順治五年戊子夏永安陳名

夏題

步



讀息齋先生續外集頌言

有一長者現宰官身於塵濁聚說微妙法入三昧因最勝殊特不離文字而證菩提當其說時以手代口橫說豎說

文通公外集

齊序

一

悉現了義使彼聞者以眼代耳有句無句各各汗下諦觀思惟得未曾有如獅子吼大地震動如音聲樹四衆歡悅如甘露灑一滴千滴遍成醍

酬如牟尼珠中邊交攝光無
差別我告長者世尊說法四
十九年而無一字今此種種
趣義云何長者唯然普爲利
益諸有情故復告長者我佛

度世自利利他頭目腦髓一
切喜捨而此種種世諦文字
於功德海何啻一沙彼諸有
情云何饒益長者唯然我所
說法各具足故是故今日以

是因緣隨方牽勸因病發藥
如語實語開遮歷然從一筆
端點金剛眼卷紙橐墨示一
切空是則雲棲大弟子者續
佛慧命顯光明藏八萬四千

十二部經是一是二讀是集
者作如是觀

順治歲次辛丑秋八月初學
人濟圓鼎孳和南謹書於
香嚴居中

金文通公外集總目錄

吳江金之俊豈凡著

卷之一

序

卷之二

記疏

卷之三

文通公外集

總目錄

疏

卷之四

引

卷之五

說

卷之六

誌銘銘文

卷之七

頌偈

卷之八

詩 答問 客難 可歎 拈古

文通公外集

總目錄

二

金文通公外集總目錄終

金文通公外集卷之一目錄

吳江金之俊豈凡著

奉 敕撰楞嚴經會解序

奉 敕撰客問評註序

五燈會元續續序

賜號明覺禪師憨璞語錄序

金剛經註釋序

文通公外集卷之一 目錄

苒溪禪師語錄序

山曉禪師語錄序

旅菴禪師語錄序

拈古漫錄序

嵩山上人語錄序

崇義錄序

慈雲禪室序

金文通公外集卷之一目錄終

金文通公外集卷之一

吳江金之俊豈凡著

奉

敕撰楞嚴經會解序

臣聞古帝王之治天下。敷五教。明五刑。爲之化導而懲創之者。無非欲人之勿迷其真性。勿失其本心。憬然率教。凜然懷刑。競爲遷善。改過以共進于淳良。而

文通公外集卷之一 楞嚴經會解序

成其爲雍熙之世也。顧心性之說。詳于經書之紀載。傳註之發明者。不具論。卽外而釋氏諸書源流各別。言說互異。亦大都以明心見性爲主。而于衆生本具之妙覺明性。妙明元心。反覆辨論。抽揚靡竟。則莫如楞嚴一經。我

皇上睿哲天縱。彌勤學問。凡古今載籍。苟于理道心性有所裨益者。觀玩不輟。更殷殷于覺世牖民。惟恐其迷性喪心。無知陷網。有辜

上天好生之意。于是講讀經史之暇。旁及釋教中。楞嚴

經會解一書深契夫覺世牖民之

膚懷爰命重梓以廣其傳

救臣之俊爲之序。臣老耄寡昧久矣。迷失幼學。詎能旁通釋典。然不敢不據拾儒生臆見以仰答

明命于萬一。謹拜手稽首而言曰。按是經無教不收。無機不攝。而要以常住真心爲體。以圓通妙定爲宗。以反妄歸真爲用。破阿難一向多聞之惑。示波斯元無生滅之性。七處徵心。是處皆妄。八還顯見。無還斯真。舉五陰六入十二處十八界爲一切衆生無量劫來

文通公外集

卷之一

楞嚴經會解序

二

生滅來去流轉不窮之根緒而直揭之曰。本如來藏妙真如性。非因緣。非自然。非和合。非不和合。斷三緣以息三因。融七大而超七趣。指遠客還家之路。標諸賢證入之門。二十五圓通音聞實居第一。三十二應現成就專以聞修。至于分析細微魔事。研究禪那現境。爲之諄囑保護。消息邪緣。斷除妄想。顯真如性。成無上道。洵密因之妙諦。了義之真元。而菩薩萬行之綱維也。自唐及宋。解者代不乏人。而長水等九家爲最著。釋義雖有異同。標旨咸屬正論。元僧惟則輯成

會解一編。尤得要領焉。臣是以深惟

皇上好生之德。無往不寓。蓋斯編之所以刊布也。欲使天下之人知孽本無因。悉由妄造。奈何迷鏡裏之頭。而狂性不歇。忘衣領之珠。而反向外求。顛倒攀緣。淪溺莫返。儻由是惶懼愧悔。如阿難之承佛慈誨。涕淚悲泣。而不復迷。遂妄造孽種種。以至生罹

正章。歿墮冥獄。則庶幾不負我

文通公外集

卷之一

楞嚴經會解序

三

奉

敕撰客問評註序

自古開天持世之聖人如堯舜周孔垂衣畫象修道立言皆是諸佛菩薩建立世界化導人心之大機大用非下劣凡夫所可以尋常意識卜度測量也我皇上治法堯舜學宗周孔孜孜日不暇給而

天縱濬哲猶旁通竺典深契無上妙義凡可以用之覺迷回邪有補于世道人心者無不日寓神決輒隨時拈出直欲盡人而爲之提撕振醒焉一日

文通公外集

卷之一

客問評註

四

講幄咨詢之暇覽及玉林禪師客問一帙嘉其言之有合于道可以爲士大夫之藥石併可以爲緇素羣流之鉗錘爰付梓匠以廣其傳而

敕臣之俊綴述簡端兼爲評註全文臣受而讀之其設爲問答機緣大約以學道一事鞭策士大夫而直指士大夫種種礙道習氣能令通身汗下又以七諦當逼拶學道人而喚起學道者節節須知痛癢管教欲罷不能洵哉士大夫亟救痼疾之良藥一切學道人打斷命根之毒錘也我

皇上憐憫士大夫多汨沒于名利愛欲纏擾于客氣私心迷却自性莫知警省故未能有恥且格又憐憫一切學道緇素人等真妄無分道業莫辯如沒頭墮在萬丈洪波中不知自怕沉溺又誰爲竭力提持故聊借客問數語作痛棒熱喝使讀是編者其或憬然而返或矍然而起庶幾其大夢忽醒回頭是岸胥一世而睹自性體咸登正覺乎嗚呼此

皇上之所以刊布客問也卽諸佛菩薩建立世界化導人心大機大用之一毫端也臣愚且老愧未能學道

文通公外集

卷之一

客問評註

五

又何能仰承

膚旨敷宣與義姑就蠡測所及妄加詮註謹拜手稽首而爲之序云

五燈會元續序

粵稽少室花開五葉。曹溪胤布諸方。于是直指單提之心要。一本析爲二枝。衡山觀音。廬陵青原。咸爲學者之所皈依。天下號二甘露門。青原法嗣爲石頭雲門。曹洞法眼宗之。南嶽法嗣爲馬祖。臨濟爲仰宗之。此五家宗派所由始也。宋景德間。永安道原禪師作傳燈錄。天聖中。駙馬都尉李遵勗爲廣燈錄。建中靖國元年。佛國白禪師成績燈錄。淳熙十年。淨慈晦翁明禪師作聯燈會要。嘉泰中。雷安受禪師作普燈錄。

文通公外集

卷之一

五燈會元續序

六

厥後靈隱大川禪師濟公。以五燈爲書。學者浩博難通。彙作五燈會元。嘉惠來茲。此五燈會元所由著也。燈之義何昉哉。法華經有云。日月燈明。佛言。燈能破諸幽暗。朗然與日月並明。又維摩經云。有法門名無盡燈。心法之授受無盡。則燈光之照耀震旦。亦與之無盡。此從來諸尊宿喻宗爲燈之義也。慨自法末風微。野狐嘯吠。布席雖徧諸方。心燈時有明昧。浸淫至明季。甚有操同室之戈。紊大宗之統。幾於聚訟祖庭。淆訛正法。識者憂之久矣。今涵公上座。以少室二十

八代之嫡裔。紹燈燈相續之智光。上自莊嚴劫過去。七佛下逮南嶽一枝之三十四世。青原一枝之三十六世。精探之密藏與典。旁蒐之斷碣殘碑。咸爲之鏡。其源流表其師承。無德不彰。有疑則缺。編成五燈會元續續一書。揭祖意於中天。耀羣蒙之長夜。嗚呼。十萬億劫後祖祖孫孫。統系井然。心印燦如。皆涵公之光明無量矣。其功豈直與道原等諸禪師並哉。余儒生也。不敢援儒妄證。聊述祖燈緣起。以見斯編之成。其標荷者爲甚鉅也。

文通公外集

卷之一

五燈會元續序

七

賜號明覺禪師憨璞語錄序

楞嚴經云。但有言說。都無實義。然則一千七百則公案。皆歷代祖師言說也。皆無實義也。古來心心相印者。又何以有語也。金剛經云。是真語者。實語者。如語者。不誑語者。不異語者。然則三藏十二部。皆諸佛菩薩之真語實語也。如語不誑語不異語也。今日振揚宗風者。又何必無語也。若作無語會。曹溪一滴不聞聲。若作有語會。少室堂前。偏饒舌。嗚呼。語而無語。無語而語。如是理會得來。可以讀憨璞禪師語錄矣。師

交通公外集

卷之一

明覺禪師
語錄序

八

紹濟宗之嫡傳。爲天童密老人之法嗣。雷音久震于南土。獅吼忽移于

鳳城。良以憨師自恒沙億劫中。夙植德本。今親遇轉輪聖王。如來召至上林。萬善敷集。衆唱酬。因緣水乳。恭承天語宣問。抉盡佛病。祖病。魔病。憨師一味承當。全具佛藥。祖藥。魔藥。于是機境相酬。

天子嘉焉。賜號明覺禪師。茲當結制期滿。拈提盈帙。橫着。豎着。拂子。遍地風光。直提倒提。拄杖。普天震動。謂之語而無語。可也。謂之無語而語。可也。有一門外老

者。窺而嘆嘆而爲之作頌曰。

百癡血嗣。濟宗赤幟。平平實實。洞達明悉。洒洒落落。未後一着。感通。

帝座究未說破。春到花開。事理兼該。乾坤燦爛。吾道一貫。鶯鳴燕語。祖風揚舉。刻盡諸訛。海不騰波。噫。門外老者。爲誰雲棲弟子。大周也。

交通公外集

卷之一

明覺禪師
語錄序

九

金剛經註釋序

金剛一經乃釋迦本師欲世人悟理見性爰立見性之法。此一卷經乃衆人性中本有只因瞥起無明爲己主宰妄謂有生可度有行可修有法可得其于無住無得之本真千里萬里此經兜底掀翻鞭撻妄情淨盡無餘直使法法皆無所得頭頭始是家珍而性乃見矣。註釋此經者古今來不下數百家而求其恰恰合如來本旨什不得一二余于戊申長夏日正矢願持誦金剛有吳門小友石書城自幼長齋夙具根器而尤信向金剛一經博求諸家解註適從雲間獲此書此經註釋係雲峰大師釋谷口子真訂余受而讀之不煩不簡不淺不與不顛預儻侗不滯句承言有合如來見性本旨爲之合掌讚歎欣未曾有所號子真者大約係僊真之流未得其詳至若雲峰大師則攷之五燈會元及古尊宿語錄的係大愚芝之法嗣爲雲峰悅一時法席最盛語錄最多有上堂一則云不用愛聖聖是空名不用厭凡凡是妄立若得聖凡情盡喚作體露真常所以古者道但盡妄緣卽如

文通公外集

卷之一

金剛經註釋序

十

文通公外集

卷之一

金剛經註釋序

十一

如佛又一則云若見諸相非相卽山河大地並無過咎又一則云始從鹿野苑終至跋提河四十九年間都來說一夢你等諸人還曾夢見麼所以道眼若不睡諸夢自除卽此以上三則金剛妙義已逗漏極矣所以此上註釋的有本宜其爲諸家最也書城不覺歡喜踴躍捐貲刊布以廣流通其功德尚可思議哉余因爲之序俟諸方之明眼者證焉

茆溪禪師語錄序

古人學道參禪。端只爲生死心切。盡此形壽。務究明己躬下一段大事。不是粧體面好看。要求圓妙道理。誇示已長。將世諦中伶俐聰明。知見拈弄。一翻遂畢。此生學道之局也。近自天童天隱二大老示寂以後。諸方參禪者。莫盛于今日。亦莫衰于今日。何謂莫盛于今日也。凡豎拂拈槌。登座說法之禪和。無論通都大邑古院名刹。以至山阿水渚。茅廬草舍中。處處有之。非極盛而何。何謂莫衰于今日也。自己脚根未穩。

文通公外集

卷之一

茆溪禪師語錄序

三

操履未圓。妄希出世。徒以鼓唇舌爲機鋒。以長我慢爲孤高。以養懶惰爲休歇。以特點慧爲妙悟。縱遇善知識。不肯虚心承誨。便思說圓說妙。呈偈呈頌。得少爲足。倘不幸而撞彼拍盲禪將。冬瓜印子。一印墮入外道邪魔。卽百千萬劫難期出頭。非極衰而何。諱思古人如百丈之侍馬祖。揚岐之事慈明。終其身甘居學地。涉歷行門。辛苦操作。高風遐軌。豈可得而彷彿萬一哉。乃吾於茆溪禪師。庶幾旦暮遇之矣。師承願再來爲死生一大因緣。真參實究。下死心工夫。而又

親受鉗錘于機。不虛發語。不亂施之真正明眼善知識。報恩大覺普濟玉和尚。成就克家真師子。印證所得。不啻眉毛厮結。然而深自韜晦。未嘗肯以師道自處。

上聞其行解相應。無忝阿師。順治己亥夏四月。玉和尚蒙

恩還山。隨有

旨召師來京駐錫萬善殿。

上于萬幾之暇。時垂宣問。如叩洪鐘。響無不答。其間判

文通公外集

卷之一

茆溪禪師語錄序

三

斷之穩密勘驗之明確。毫無假借。回護凜然。烈日嚴霜。幸矣哉。遭逢

聖王如來。廣大光明。包含法界。靡不水乳投而函蓋合。至其他提唱激揚。有殺有活。有縱有奪。有顯有隱。有權有實。如四瀆百川。千流萬轉。衝山擊石。鯨吞龍變。卒歸大海。而後已。師雖珍重出世。踞猊座而逗別傳。爲時稀少。琳瑯琬琰。未可多得。然拈一機而機機普應。用一法而法法全彰。以之發揮祖道。建立宗乘。固已剗盡皮膚。直指骨髓矣。嗚呼。余竊窺師之本意。若

非先承師命繼奉。

君命令之闡化弘道。迨而後起。則師且韜晦。至今縱後之學者。欲嘗鼎一臠。飲海一滴。亦胡可得也。所謂祇愁不成佛。不愁佛無語。世之學道參禪者。請以玆溪爲式可乎。

文通公外集

卷之一

山曉禪師語錄序

古

山曉禪師語錄序

昔大慧老人初參圓悟。悟察其已得前後際斷。動相不生。然却坐在淨裸裸處。因語之曰。也不易你到這田地。但可惜。死了不能得活。嗣後大慧勤叩半載。當下釋然。正所謂懸崖撒手。自肯承當。絕後再蘇。欺君不得。嗚呼。踞獅子座。演如來法。紹祖德而津後學。其責任洵不輕也。須是死一回。始得活了。復能活。始爲一得永得。若先未能死。不過浮剽虛掠。拈綴成篇。于自己本分上。毫無交涉。若死了未能活。亦只是傳案。

文通公外集

卷之一

山曉禪師語錄序

主

印瓠作世諦流布。欲用之殺活縱奪。豈得縱橫自如。以余所睹天童木老人血嗣隆安曉公。其真悟祖所云。死後能活者歟。曉公與善果旅公。皆荷

先皇帝以金剛正眼。特簡之諸淨德中。因

敕曉公弘法隆安寺。與旅公東西標幟。互相唱酬。

翠華屢幸。

賜賚優崇。兩公真堪伯仲。惜乎一時勝事。奇緣猶之石火電光。倏忽莫追。而道風所播。學徒雲集。法語泉流。信口信手。隨機之施。如千鈞弩發。應弦而倒。以至哦

風嘯月。叶羽諸商。無非指示西來的大意。不見大
慧老人道。我這裏如海蚌禪。開口便見心肝五臟。殊
珍異寶。都在面前。閉却口時。何處覓伊縫罅。會斯意
者。方許讀曉公此錄。若徒以文字。語言。音聲。色。相。求
之。而曰。此事許聰明。靈利。漢擔荷。曉公乃其人也。豈
不覲面失我曉公哉。

文通公外集

卷之一

山曉禪師
語錄序

七

旅菴禪師語錄序

客問余曰。聞竹乾有九十二種。背正趨邪。二十八人
摧邪持正。逮我東土。白馬西來。正教始興。于濁世名
相。尋陷于邪宗。由是達魔大師。掃除繁穢。直示本心。
此不立文字之第一祖也。厥後二派五宗。門風各別。
語論橫生。或上堂示眾。或入室小參。凡垂一語。必輯
爲錄。沿至今日。法席星羅。唱提充棟。濫觴極矣。謂不
立文字之義。何余曰。否不也。佛以不思議智。流出一
切音聲。陀羅尼。凡世諦語言。皆悉顯示第一義諦。若

文通公外集

卷之一

旅菴禪師
語錄序

七

夫塵說剎說。熾然說。卽水流風動。莫非妙演圓音。至
于祖印。肇開佛髓。全呈曹溪之壇。經尚已嗣。而大慧
老人。所哀集五家正法眼藏。凡百餘人。靡不擊塗毒
鼓。轟霹靂舌。觸着磕着。能使精妖喪魄。魔外潛踪。此
豈可以文字語言目之哉。昔巖頭和尚道。播揚大教。
須一一從自己胸襟流出。蓋天蓋地。始是大丈夫所
爲。巖頭所謂胸襟流出者。乃自己無始時來現量本
自具足。是父母未生前威音那畔事。凡有言句。立處
卽真。非是造語言求奇特。以他人道。不出錦心繡口。

意句尖新爲胸襟流出也。在不具論。余讀善果旅菴
禪師語錄其庶幾巖頭所云從自己胸襟流出者歟。
旅公爲天童木老人克家子邁。

先帝夙劫奇緣于西苑淨刹一晉接間機投水乳遂
命公闡法大善果寺。

恩遇之隆不減報恩天童二大老惜乎

龍馭遽昇敷天慘淡所在法苑琳宮亦頓爾埋光匿彩
是以猊座鮮登獅吼希震侍者彙其拈提之句僅僅
滄溟一滴然而流出自己胸襟已足蓋天蓋地遍滿
文通公外集卷之一 旅菴禪師 語錄序 大
三千大千矣。謂旅公此錄是文字乎。非文字乎。請質
之具金剛正眼者。客無言而退。

拈古漫錄序

拈古漫錄者大周于甲辰長夏銷暑懷天堂中同雪
山和尚一時偶集所錄也。余不知古。又安知拈哉。不
知拈古。又安敢以魚目混明珠。而與大善知識。此敲
彼唱哉。曾記得大慧禪師云。參學者須參活句。莫參
死句。活句下薦得。永劫不忘。死句下薦得。自救不了。
所謂活者。此句也。死者。亦此句也。活中有死者。此句
也。死中有活者。亦此句也。不死不活者。此句也。卽死
卽活者。亦此句也。然則拈古者。死句。亦可拈得。活活
文通公外集卷之一 拈古漫錄 死
句。亦可拈得。死拈得。活時。似乎是死。而其實活。拈得
死時。似乎是活。而其實死。識得死活變幻千態萬狀。
方知歷來尊宿。從無實法繫綴人。只要人于無義味
中。咀出義味來。沒理會處。得大理會在。固忌註脚。尤
恨籠侗。吾知雪山其免矣。若大周則必居一于此。諸
方明眼人。必有檢點及之者。雖然。余固以檢點爲藥
石也。亦庶幾乎得良藥而後可求活云爾。

嵩山上人語錄序

臨濟家風莫盛于今亦莫衰于今擎着拄杖威能捉鬼殺賊豎起拂子盡會布雨興雲請莫打請莫喝只要一口氣不來時實實討個落處便目瞪舌喬拄杖拂子都用不着所以古尊宿珍重出世良以走馬須彌頂撐船大海底收羈把舵誠惹大一椿利害事也余一日閒遊西子湖上過鳳林寺聞雷音大震隨眾超入則擎拳豎拂者爲嵩山上人侍聽良久機境相酬于了無奇特處露些奇特余心異之及下座與之文通公外集

卷之一

嵩山上人語錄序

手

平實商量則山窮水盡他人翻不得身下不得脚處師却還個真消息遊行自在今錄中有古杭素稱佛地一段試請明眼人勘驗便識得嵩師本來面目亦識得一切衆生本來面目矣雖然得無以予爲饒舌石

崇義錄序

古德有云祇愁不成佛不愁佛不解語今日之出世開堂者法壇林立靡不有語亦靡不是佛耶余曰佛不必有語不必無語語不必是佛不必非佛亦視其爲何語而已矣口頭三昧逞機關辨則語可不可有寔地叅究證明生處則語不可不可有崇義錄者楊山松際師來自崇義之語也其語猶之布泉菽粟而能煨寒餽餒猶之晨雞暮鐘而能鳴昏喚曉耀前代幾燼之祖燈續末世將斷之慧命所謂不可無之語者此文通公外集

卷之一

崇義錄序

王

錄是也昔江州刺史李渤問歸宗禪師云大藏教明得個甚麼宗舉拳示之李不悟宗云措大空讀萬卷書拳頭也不識余鈍甚亦豈識拳頭而師既張拳以示則明眼人必有識之者固無俟余之強不識以爲識矣偈以誦之曰陽山崇義是一是二認得陽山便識崇義一瓢一衲隨處拔幟磬山家風臨濟血嗣

慈雲禪室序

慈雲禪室者。吾邑周君星甫室人吳氏法號慈雲所構也。慈雲產名族。幼攻書史。博通載籍。于中饋操作之暇。吟咏不輒。晚益究心竺典。勤求大乘。以夫子患痼疾。誓闢淨宇供養。

慈悲大士像。晨夕焚香拜禱。繕寫妙法蓮華經十部。願藉佛力。法力俾夫子夙疾頓痊。慈雲既親灑閨藻。爲之引星甫伯兄侍御公光甫復踴躍贊助。爲之跋。息齋老人休沐里居。聞其事。見其疏冊內引與跋。不

文通公外集

卷之一

慈雲禪室

序

覺作而嘆曰。是何善緣之輻輳一門也。余有以卜星甫之病必霍然而起也。蓋余嘗讀唐脩雅法師聽誦法華經歌云。我聞此經有深旨。覺帝稱之真妙義。合目冥心仔細聽。醍醐滴入焦腸裏。又云。師名醫王行。佛令來與衆生治心病。能使迷者醒。狂者定。垢者淨。邪者正。凡者聖。然則法華原名無量義。有能信解受持。書寫誦讀者。其功德均不可思議。安在慈雲之點墨。非醍醐耶。又安在慈雲書寫圓成日。非行佛令之醫王特與夫子治心病耶。余是以卜星甫之霍然而

起。只在慈雲禪室告竣之日也。行將夫婦共出火宅。共登大車。共舍化城。共詣寶所。相與共證法華三昧。真雅師所云。非但天恭敬人恭敬。亦合龍讚詠鬼讚詠。佛讚詠。余又何能不歡喜合掌而爲之序。

金文通公外集卷之一終

文通公外集

卷之一

慈雲禪室

序

金文通公外集卷之二目錄

吳江金之俊豈凡著

法華禪院碑記

廣福寺飯僧田記

募建大悲閣疏

重修吳郡北寺塔疏

重修樵李法蓮寺大悲閣疏

文通公外集卷之二目錄

募造藥師殿疏

重興天竺寺大士殿疏

募建靈三官殿疏

祇園寺建白衣觀音閣疏

祇園寺華嚴募單疏

夕照寺募疏

青蓮禪院接引疏

金文通公外集卷之二目錄終

金文通公外集卷之二

吳江金之俊豈凡著

法華禪院碑記

法華禪院者在楓江寒山寺之西數武去間關六七里其地爲松陵徐氏瑞宇之舊宅徐君素奉三寶絕葷茹齋經數十年以信義德行著聞鄉里皈依禪宿性能者匪朝伊夕忽于順治丙戌夏五偕其子學博

文通公外集卷之二法華禪院碑記

名克俊者捨宅爲菴仍捐橐千餘金爲之營構殿堂寮廡并田園若干畝津梁往來雲水因名其菴曰法華蓋取惟一事實餘二非真之義也諸佛如來爲此一事出現于世達磨初祖爲此一事隻履東渡一千七百則老古錫亦皆爲此一事拖泥帶水連累滿地兒孫不輟手徐君之所以猛撤火宅植茲良因欲後之住此菴者究竟此一事直變火宅爲蓮池且併捐化城共詣實所也會始事之能公謝世方丈無主香積蕭瑟津梁艱阻賴有舊住僧寂慧續行多年力振

式微與一時合郡紳士敦請浮石和尚之法嗣天童密老之嫡孫彌壑禪師于乙巳春來主法席迄今四載于茲宗風丕振禪悅飽安洵能究竟此一事而無愧其爲法華主人者已于是寂慧之夙願了畢并捨宅爲菴徐氏父子之往昔良因亦至是圓滿無欠而屬余一言爲之記云

文通公外集

卷之二

法華禪院
碑記

二

廣福寺飯僧田記

昔達觀穎禪師行脚至吳中時已薄暮投宿律居士者弗納師責而數之曰如來有言汝曹不聞之乎在家僧不喜客僧來者我法當滅夫穎公有道之士一宿不留何訶責至此良以紹隆佛法者僧也拒僧不納非薄僧是薄佛也四十二章經云飯凡人百不如飯一善人飯善人千不如飯一持五戒者層累推之以至羅漢辟支佛功德不啻倍蓰從來賢聖應化往往游戲敗笠破衲中是以飯僧一事福德最大爲飯

文通公外集

卷之二

廣福寺飯
僧田記

三

僧謀久遠而置立齋僧田其福尤不唐捐丹陽縣城北里許惠山廣福禪寺創自西晉泰康六年歲久傾廢宋仁宗時有化身菩薩重興名日光道場後永明壽東山岳祖風振揚乳泉表異至明末憨山大師駐錫其中註楞嚴法華通議疏解金剛心經併著夢游等集古德名賢于茲寺緣會非淺集指恒以千計且地當水陸要衝北來自京口南至自錢塘雲水絡繹瓶鉢駢闐需用飯僧猶俗人之必需米舉火也粵稽晉代卽有欽賜基址山田七十畝明萬曆年間本邑

著姓賀孫等氏各捐貲置水田一百畝大清順治六年江氏施湖田二十五畝合新舊田地計之幾二百畝皆資助香積津梁往來之需寺主石源上人恐後之無所托以傳也世守匪易特走長安因大善果旅菴和尚索余言爲記余曰此田有無量義請爲上人悉之其在諸檀護破慳喜捨必獲人天善果食報無疆此福田也其在十方荷竺擔瓢之徒飫餐香粢增修德業長養菩提此慧田也其在常住謹司香火之後裔秋霜律身春風與衆恒飽五戒具足之高流與

文通公外集

卷之二

廣福寺飯

四

天羅漢辟支佛應化賢聖此又無價良田也但不可著一貪想自私自利爲衆如割身肉此便是害田之碩鼠不可著一嗔想人我熾然如堅城之不可下此便是蠹田之蛇蝎不可著一痴想如豪富田舍翁徒爲長子孫計而被華嚴會上主稼神之所訶譏此便是損田之一切蠱螫三毒除而後妙明之內自具五風十雨歲歲釀成金莖玉液以徧充禪悅使此田直與法界俱永可也如來大法之興端在是乎是爲記

募建大悲閣疏

諸佛菩薩皆以度世爲本而悲憫閻浮應現普濟則觀世音爲最著故冠其名稱曰大悲良以世人一墮娘胎便受無限悲趣而世人不自悲也惟世人不自悲而生生世世流浪悲趣中靡有窮時短命者無論卽長壽者不過八十九十以偕殂均之石火電光誰短誰長貧窮者無論卽富厚者終須赤身撒手以冥遊均之一副枯骸誰富誰貧下賤者無論卽貴介者終須蓬首伸足而長逝均之一場傀儡誰貴誰賤愁

文通公外集

卷之二

募建大悲

五

苦者無論卽歡娛者終須攢眉蹙額以永訣均之泛舟苦海誰戚誰歡壽也妖也貧也富也貴也賤也苦也樂也無一非可悲之人也無一知自悲之人也此觀世音所以不勝其悲而張千眼爲之照察出千手爲之救援世界無盡衆生無盡觀世音之悲願亦與之俱無盡耳有能明乎大悲之義則未有不凄然自悲如焚求拯溺求濟而願觀世音之亟加哀憫覆被者矣潯水印松禪師悲願深廣旣念往來行脚無應鉢之所爲之募齋僧田以津梁禪悅又念雲水賢聖

無停錫之地。復思建大悲閣以弘啓禪關。計閣之爲費不貲。然以印師悲願。與遠近善信而盡攝入于悲觀中。庶幾借此悲因。植彼聖果。相與歡喜樂助。以無負觀世音應現普濟之婆心。則閣之成也。拭目俟矣。

文通公外集

卷之二

募建大悲閣疏

六

重修吳郡北寺塔疏

按志。寺曰報恩萬歲禪寺。踞一郡形勝。建自吳赤烏年間。隋吳令孫寬廢之。唐僧慧願再建。開元中。詔改開元乾寧時。燬于兵。吳越錢氏始名報恩。今殿址久墟。不復可問矣。殿之坎方。有浮屠巍然插峙。創自梁僧正慧。凡十一級。尋燬。宋元豐間重建。蘇文忠軾感舍利之瑞。捨所藏銅龜奉焉。建炎之亂。鞠爲灰燼。紹興間。僧金大圓復爲構造。止九級。垂四百年。明隆慶間。又不戒于火。萬曆十年。申文定公倡衆修建。適有

文通公外集

卷之二

重修吳郡北寺塔疏

七

古杭佛日僧曰南山如金者。具大辯才。能廣說因果。併饒有飛行術。共咋爲神。以致檀那雲集。凡九年。塔成高三十七丈。延袤二十八丈。仍復舊觀。迄今歷有年所。風侵雨蝕。鼠穴雀巢。塔身幾剝落盡矣。順治五年。有僧惟一。矢志鼎新。佐以文若雲觀二僧。協力募修。從頂至下。補苴完整者。已得八級。尚餘下一層。剝落如故。在再又十七八載。形家者言。此塔爲一郡坎方之鎮星也。高必以下爲基。基之不固。欲層累而上之。保無傾危得乎。亟葺之。便余因偕合郡諸紳士。普

信等于今年春延請圓墓剖和尚駐錫茲寺謀葺塔基顧寺之東北隅有不染觀音耳殿樑棟盡朽卽日將圯余偶感異夢欲和尚先完耳殿以安大士法身而後興塔工會

潘臺佟公偶一日過寺目擊耳殿傾頽慨捐清俸多金不日成之異哉余夢之有徵也信

佟公爲應運再來之人故于體

國恤民之暇無一善事不力行無一勝地不點綴茲殿工既竣和尚可以惟塔是圖矣而又欲余一言爲勸

又通公外集

卷之二

重修吳郡北寺塔疏

八

余何言哉昔坡公嘗訪石塔長老及相見公曰久嚮石塔到來如何不見長老聳身而立曰難道這個是磚的公笑曰却有縫隙在曰若無縫隙何以容世間螻蟻公深肯之今和尚旣飛錫到此聳然一座無縫塔昂天卓地插漢摩霄蘇公謂石塔有縫隙余謂和尚無縫隙也然則世間螻蟻將安所容哉余曰和尚正容之無縫隙中也總之腳踏實地則登峰造極直彈指間耳行見塔工之告成也猶之耳殿已請質之都人士其以余言爲然否是爲疏

重修橋李法蓮寺大悲閣疏

藥潯水卽松禪師募建大悲閣余嘗爲引言舉大士所以悲憫衆生一片婆心縱筆揣摩真覺衆生之悲趣無盡大士之悲觀亦與之俱無盡余擲管時不禁涕泗交流卽一時見者聞者亦心骨摧裂然而閻浮衆生能代人悲鮮知自悲也人生世間不過逆順二緣或遇逆緣則知悲一遇順緣則侈然意得而忘之矣或遇順緣則知悲一遇逆緣則怨尤橫生而忘之矣有能齊逆順爲一境運悲心爲等觀千萬人中未

又通公外集

卷之二

修法蓮寺大悲閣疏

九

有一焉不得不望救于大士之大悲也故大悲閣之建立所在梵刹有之橋李法華寺大悲閣創自唐陸宣公厥後成燬迭更明冢宰陸莊簡公暨余師蔣澤壘先生曾令禾相繼更新兵燹以來壞崩棟撓行將廢墜郡紳某某偕十方善信復謀所以新之持疏乞余言余不覺愀然曰諸檀護之爲此舉也其皆有悲心也夫嗚呼衆生之可悲至今日而更甚矣大士照之以千眼猶悲眼之不勝其照矣援之以千手猶悲手之不勝其援矣卽以橋李言之當其未罹兵燹之

先戶口殷蕃商民樂業熙熙攘攘者恬不知其爲可悲也。及其既罹兵燹後。凡礫如丘。白骨猶燐。又倏忘其爲可悲也。無論若富若貧。若貴若賤。若苦若樂。若壽若夭。卒無一能知自悲。則有眼者與無眼同。而烏得不藉大悲。張千眼爲之。照有手者與無手同。而烏得不藉大悲。伸千手爲之。援法蓮寺大悲閣之盛謀。鼎新也。其能已乎。從此閭閻善信。見大悲相。稱大悲名。盡起悲觀。盡生悲智。安在衆生之兩手兩眼不具。足千手千眼之無碍神通。而大悲之千手千眼非卽。

文通公外集

卷之二

修法蓮寺大悲閣藏

十

兩手兩眼之本來面目哉。將使衆生化三毒爲三慧。又奚獨慳囊未破。而猶患茲閣之落成無日也。

募造藥師殿疏

藥師經云。凡諸有情。曾聞藥師琉璃光如來名號。能解脫一切生老病死憂愁苦惱。是何一名號人耳。便獲如許利益也。蓋因藥師佛行菩薩道時。發十二大願。皆爲救拔諸有情。故八大菩薩與十二藥叉大將。咸承如來願力。荷負有情。爲作義利。饒益安樂。有求輒應。功德無邊。特號曰藥師琉璃光如來。本願功德良有以也。然則欲證無上菩提。未有不廣利有情。始若以廣利有情之故。不顧自己肢體血肉忍痛。

文通公外集

卷之二

募造藥師殿疏

十一

如節以之崇奉藥師如來。是其發願。亦卽如來本願也。其爲功德。亦卽如來本願之功德也。烏可分別思議于其間哉。雉城比丘尼慧鑑。居然以五漏之身。誓利有情。募造藥師寶殿。慮爲費不貲。滿願匪易。于是壘石爲闢。釘手乞化。日則受炎威之偏蒸。如坐清涼地。夜則供蚊虻之攢咬。有同木偶。軀一時見者。聞者相與驚訝。嗟歎來告于余。余曰。若何自苦如此。不聞截手斷指。穿骨拖鍊。作種種怪異苦難事。爲蓮大

師所訶。擯不與者乎。是殆不可以訓也。告余者曰。斷

臂投崖。皆佛祖爲法忘身榜樣。何獨疑于廣利有情。不惜軀命之比丘尼耶。且安在五漏之身。不證無漏之果。而反爲自私自利。行施如割身肉者。護其慳囊也。余無以難告者而爲之疏。

文通公外集

卷之二

募造藥師殿疏

十三

重興天竺寺大士殿疏

粵稽觀世音菩薩。初因古觀音佛而發心。曰。我若成佛。等觀音如來。以聞思脩三慧。自入教他入。故於六根之中。惟用耳根。開圓通之門者。其本願應此方之機。又此以音聞爲教體。所以餘方諸大菩薩。數等微塵。迦文據而退之。獨進觀世音者。以諸大菩薩。應當餘方。聖觀音大士。獨當應此方故也。是以感應之道。若針芥。函蓋絲毫。不爽。而像法住天竺者。其感應爲尤奇。攷志自李唐來。已盛題詠。至石晉天福年間。有道翊法師。以瑞木設像。歷宋元明三朝。君公卿士。咸爲隆禮致敬。殿宇寮房。崇宏嚴麗。中雖迭更成毀。靡不踵事增華。今庚子歲三月。寺殿復燬。余蒙

文通公外集

卷之二

重興天竺寺大士殿疏

十三

恩假歸于四月浴佛日。登竺頂禮。則向來巍峩之梵刹。層拱之院房。已化爲煨燼。蕩爲瓦礫矣。僧衆繞余悲泣。亟謀所以興復之。而持冊乞疏。余告之曰。謀興復于今日。誠難言哉。雖然。以人力謀興復。則難以觀音大士之靈感爲興復。則易易也。蓋大士以三十二應現。尋聲救苦。閻浮衆生之苦。莫甚于今日矣。尤莫甚

于今日之東南一帶矣。年來水旱盜賊疾疫兵戈。以至隨竭供輸。力疲徵發。種種苦趣。盡攝入大士悲觀。慈觀廣大清淨觀之中。是以衆生不勝其苦。則大士不勝其救。惟無所不救。益無所不靈。往不具論。卽客歲六七月間。海上鯨鯢鼓浪。潑天而我浙濱海地方。安堵如故。非微大士之靈。既不至此。夫人重受大士之靈。既保有室家。妻孥而忍于紺宮碧宇之蕩然無存。併歷代沿留之瑞像。使之風侵露濡。棲托靡所乎。余知普門示化。必有以提撕而警覺之。將盡衆生化。文通公外集

卷之二

重興天竺寺
大士殿疏

古

三毒而薰以三慧。又奚止破一怪。囊已也。行且有財。施力施心。施法施歡。喜踴躍共襄興復之盛舉。願從此海宴河清。民安物阜。以無負觀音大士尋聲救苦之慈悲者。當無俟余言之畢已。

募建靈三官殿疏

謂天下無不靈之神。而或有巍峩其殿宇。莊嚴其容像。愚民之往來者。未必入而瞻禮。卽瞻禮之而未必發其誠敬。神之于人。漠然也。若是乎。神之有不靈也。謂天下有不靈之神。而或有頽垣敗壁。荒烟蔓草之中。忽焉奉寸木爲活佛。一唱衆隨。走愚民如鶩。必誠必敬。而感應捷于影響。神之于人。赫然也。若是乎。神之無不靈也。然則豈神之有靈有不靈哉。亦人心之自爲靈。自爲不靈而已矣。人而動念與神違。則神去之矣。去之則靈者不靈矣。人而舉念與神迎。則神依之矣。依之則不靈者靈矣。震澤之南。不數武地名關。鈕壩有三官像。自水面浮來。一時地方人。詫而靈之。環遠近百里之人。亦競傳而靈之。于是貧無濟者。病無醫藥者。中年無嗣息者。農夫思豐年。商賈思攸往。士大夫思亨達者。咸禱無不應。而三官因以靈得名。嗟乎。三元固得道者。神通廣大。亦何往而不靈。獨靈于浮水之一像哉。蓋觀像者之人心。自爲靈也。今其像尚在荒榛野棘間。有僧行侃。思構殿以崇之。而丐

文通公外集

卷之二

募建靈三
官殿疏

古

像尚在荒榛野棘間。有僧行侃。思構殿以崇之。而丐

言于余。余謂僧曰。三官之靈。人靈之也。則三官之殿之成。亦乞靈于諸善信之心足矣。何俟余言。

文通公外集

卷之二

募建靈三官殿疏

六

祇園寺建白衣觀音閣疏

世人之祈福求嗣者。咸崇信白衣觀音。以其祈福集求嗣。嗣廣感應捷于影響。故白衣觀音之名稱。因世人之祈福求嗣而愈著。雖然。白衣觀音以慈悲爲心者也。祈福求嗣之人。未必皆以慈悲爲心者也。何以感應之不爽也。問心居士曰。祈福者。雖未必能行集福之事。而祈福之一念。視召禍而不悔者。有間求嗣者。雖未必能行廣嗣之事。而求嗣之一念。視絕胤而罔顧者。有間。菩薩慈悲。隨機接引。與祈福者以福。

文通公外集

卷之二

建白衣觀音閣疏

七

使人知福之真。可以祈庶幾肯實行集福之事乎。與求嗣者以嗣。使人知嗣之真。可以求庶幾肯實行廣嗣之事乎。然則世人而盡行集福廣嗣之事。又何必乞靈于白衣觀音哉。噫。此乃白衣觀音慈悲度世之本願也。潯水海空上人。欲建閣于祇園寺殿後。以奉白衣觀音。余因疏其意如此。非爲乞靈大士者。任布施相。爲不必乞靈大士者。證無上果。若止以祈福求嗣了此因緣。則亦淺之乎視斯舉矣。

祇園寺華嚴募單疏

潯西祇園禪寺一鎮名利也。比年爲魔眷所侵。香火幾墜。住僧海空發弘誓願。于大雪中徒步至磬山。謁請松際和尚。飛錫此中。于以揚宗風而拔魔幟。祇園之墜而復振。在此舉乎。乃松際以磬山之席。不可久虛。特留高足。轉上人。顯示權教。啓建華嚴祇場。以三年圓滿。無論。是魔。是佛。是聖。是凡。盡攝入于華嚴海中。然後知和尚拄杖着落處。若曰臨濟兒孫。單刀直入。烏用是喃喃誦誦作學究生涯。則磬山携來之棒。文通公外集 卷之二 祇園寺華嚴募單疏 大
不認作拄杖。錯認作拄杖。亦錯矣。祇始于龍華會日。堂內安十二單。合之堂外護祇。共二十四單。每單一年。需米若干。銀若干。以一人而領數單。可以數人而奏二單。可在娑婆界內。緣有多寡。在華嚴海中。覺無大小也。敬告之同志。

夕照寺募疏

忘菴居士。偕無相道人。于夕照寺中。收埋人畜骸骨。遍告仁人君子。各隨願認收。固已恩施不報。德種無邊矣。而又念殘齒剩脣。雖歸藏得所。然非藉佛力。法力。賢聖僧力。爲之提撕救度。則長夜不旦。解脫無期。哀此白骨。終沉黑業。于是就寺中謀建一地藏殿。以地藏菩薩本願。普救地獄罪苦衆生。故又建鐘一口。晝夜長鳴。能令一切枯骸咸聞聲度脫。故夫既建寺。鐘。鐘則須集。真寶淨德數輩。等地藏心。發地藏願。爲文通公外集 卷之二 夕照寺募疏 尤
之禮懺誦經。鳴鐘施食。俾萬類有情。共登十地。則常住供僧安單之費。與造殿鑄鐘之費。皆收埋骸骨中之究竟良因。圓滿善果。是烏可以已也。余不禁歡喜讚歎。轉代忘菴無相兩大檀護。再告之仁人君子云。

青蓮禪院接引疏

金剛經云。如筏喻者。法華經云。方便有多門。宗也。教也。皆筏也。皆方便之門也。三藏十二部。以至六代五宗。一千七百則公案。無之。非筏也。無之。非方便之門也。雖然。如來禪。祖師禪。與野狐禪。毫釐千里。向上路。轉身路。與鳥道岐路。覲面星淵。得其人。則火坑卽是蓮池。非其人。則醍醐翻成毒藥。接引鈍根。齊驅利器。莫如專修淨業一法。最穩當。最平實。猶筏之期于必濟。蓮亦速門之期于必入。雖迂亦達。此雲棲大師。文通公外集卷之二 青蓮禪院接引疏 二十

所以爲西方真教主。震旦大慈父也。方今宗風狂吼。祖意亂揚。擎拳豎掌之輩。遍滿諸方。至淨土津梁。卒未有過而問焉者。空谷老人。憫淨業之衰微。醉狂禪之醉夢。特于青蓮禪院。方丈室中。勵諸大眾。一心念佛。二六罔間。所謂一稱南無佛。皆已成佛道。是愚是智。咸證菩提。無聖無凡。同生極樂。安在念之又念。非卽如來禪。祖師禪乎。念入無念。非卽向上路。轉身路乎。謂宗教之施設互異。則可謂宗教之指歸各別。則惑矣。余喜空谷之克紹雲棲家風。而且謂今日之眩

瞶于野狐鳥道者。示之南車。則非特教主之領袖。抑祖庭之鞭影也。院之中堂。寬僅容膝。堂前尚有隙地。諸善信欲規之。以供奉接引。余曰。是亦一筏矣。是亦一方便之門矣。因歡喜踴躍而爲之疏。

金文通公外集卷之二終

文通公外集

卷之二

青蓮禪院接引疏

主

金文通公外集卷之三目錄

吳江金之俊豈凡著

蒲菴募建大悲殿疏

徑山地藏殿募疏

皇亭和尚山曉托鉢疏

募完石佛殿工疏

募造二橋疏

文通公外集

卷之三

目錄

慈雲寺募造病堂藥寮疏

圓墓山飯僧募疏

快生菴疏

龍樹菴普同塔募疏

重建四瑞禪堂募疏

楓江王路慈泰寺募建西方殿疏

穹隆拈花菴募建藥師佛堂疏

興福菴募建藏經閣疏

極樂菴餽眾募疏

募葺比丘尼妙詰淨室疏

金文通公外集卷之三目錄終

文通公外集

卷之三

目錄

金文通公外集卷之三

吳江金之俊登凡著

蒲菴募建大悲殿疏

絲金間西行三里爲洞橋進橋內半里許爲蒲菴菴以蒲名者何昔慎獨禪師結菴奉母效古尊宿陳蒲鞋編蒲養母故事故以蒲名其地最幽勝竹木圍合蒼翠盈眸中涵一池池內菡萏花發香聞數里真眼

文通公外集

卷之三

蒲菴募建大悲殿疏

一

前佛國也慎師高足爲宇均禪師閉戶習靜其中足不履闕有同高峰之活埋余一日叩扉訪之師方書華嚴經厥工將竣其點畫端楷紙墨精良洵稱法寶因指余池後隙地欲偕其徒明幻募建大悲殿以了慎師宿願屬余一言爲之疏余不覺合掌歎曰大悲之建立所在梵刹有之良以大士弘誓海深慈濟無盡而建于此地俾觀感像法者能使繁聲冶色蕩人心志之會一回頭轉瞬盡攝入大士悲觀中了知千秋歌舞之樂地不過一朝露電之浮光于以喚醒酣

迷拯援沉溺其功德尚可思議哉請質之遠近善信當于華嚴十施中必有能居其一者矣字公師弟然我言否

文通公外集

卷之三

蒲菴募建大悲殿疏

二

徑山地藏殿募疏

今天下叢林之盛莫過江南而徑山爲最歷代祖師
瓶鉢相繼幾于肩摩踵接說者曰峰巒環秀形勢奇
勝宜乎賢聖輩出而不知真心辨道志續祖燈者往
往結茆茲山譬之以金鍛則無鉛以玉礪則鮮石非
關乎形勢也有克明上人者亦結茆其上欲于山之
前區建地藏殿夫以選佛之場忽作幽冥之觀得
無梯天而睇井焉是不然克明殆有深意焉恐陰身
歷祖脚下者猶之統袴子弟生長富貴之門不知稼
穡艱難流浪可慮倘不以地藏菩薩悲憫地獄之心
度盡衆生則雖衲老苦鱗功深面壁終未可以言辨
道而續祖燈也噫此克明所以建地藏之因也

文通公外集

卷之三

徑山地藏
殿募疏

三

皇亭和尚山曉托鉢疏

先皇帝乘金輪以御世欲與海內蒼生共臻覺路因探
及內典深契真乘與弘覺和尚水乳相合復
救弘公高足山曉禪師駐錫隆安聿振宗風詎意

龍馭升遐勝緣不繼海衆興嗟今弘公歸老天童山師
退居佛日山川相望爰念法乳深恩瞻雲惻惻于是
迎養弘公于佛日之東方丈一時東西法幢交光互
映大闢楞嚴密諦學徒麈尾祖道重輝而無奈歲丁
歉薄香積時空山師恐老人以瓶鉢榮懷也携杖出
文通公外集卷之三
皇亭和尚山
曉托鉢疏
四
山謀所以安隱大衆慰悅慈心不惜重研百里來告
于余余爲之喟然歎曰此隆安所以爲天童嫡嗣也
昔雲峰悅禪師在大愚芝座下一日芝示衆曰大家
相聚喫莖薤喚作一莖薤入地獄如箭悅聞之駭然
便上方丈請開示芝曰法輪未轉食輪先轉後生家
趁色力健何不爲衆乞食我忍饑不暇何暇爲汝說
禪乎悅不敢違未幾芝遷翠巖悅納疏罷復過翠巖
求開示芝曰佛法不怕爛脚今正雪寒可爲衆乞炭
悅又奉命化炭後福源石屋珙勘曰這個便是爲衆

竭力不廢寸陰。參禪學道第七個樣子。今日山師爲弘公住山計。特拈起第七個樣子。爲衆托鉢。我知弘公必如芝公見悅而笑曰。且喜大事了畢。我又知山師亦如悅公必且不措一詞禮拜而退也。余故曰隆安之所以爲天童嫡嗣也。十方善信其以余言爲然否。

文通公外集

卷之三

阜亭和尚山
曉托鉢疏

五



募完石佛殿工疏

順治辛丑冬余微

恩歸里。攜筇遊覽之餘。見武林之上竺名刹。一燼成墟。吾蘇之圓妙古觀。歲久全圯。一則爲觀音大士。應現普度之香火。一則爲三清大殿。祝釐

萬壽之勝場。皆當應運鼎新。何可聽其廢壞。余于是特發誓願。倡募効綿。幸藉江浙兩省。一時當道大檀護。無不受靈山囑付。無一非紫府僊寮。各各捐輸。同時落成。真一時盛事。千載美譚也。若單恃本方善信。當

文通公外集

卷之三

募完石佛
殿工疏

六

此民窮財盡之日。沿門托鉢。有如聚沙成塔。工之竣也。何日之有。余爲感慨久之。自後誓不再作募疏。懼良因之莫必善果也。忽一日。息緣盛居士爲余說開元寺吳中石像興復緣起。約費工料二千餘金。願肩四分之一。業獨施五百金矣。適藩臺詣寺中。目觸機緣。慨施多金。以襄厥成。余聞之不覺喟然曰。

藩臺佟公之涖我江南也。于民瘼

國計無念不周。于剔蠹釐奸。無弊不革。而清風兩袖。功

德頻施諸如葺泮宮以崇學校築山塘以利行旅助
建三清殿以壯一郡形勝屢割廉俸不可枚舉茲又
于吳中石像矢願重輝豈非尚書所云吉人爲善惟
日不足者乎然則石像之來自海上也在晉建興年
間今日我吳之微庇德星因緣輻輳于二千年前早
已券之矣豈尋常櫬施作空門中小小善果已哉余
是以破戒復疏其事當必有心我佟公之心俾開元
與天竺圓妙三大寺觀蔚然鼎峙吳山越水間此亦
海氛肅清太平有象之一徵也凡歡喜布施者應作
文通公外集 卷之三 募完石佛 七
如是觀。

募造二橋疏

浮圖之說非儒者所尚也至募緣僧尼沿門托鉢飾
苦行以惑衆借佛面以刮金則尤佛法中可鄙者也
雖然儒之闢釋不過以其崇尚虛無毫無利于民生
物用與儒者之窮約而存心立達榮膺而顯用施濟
不啻霄壤爾若夫水鄉之橋梁猶之陸地之車馬實
王政中濟民利物一端也自潯水西至茗城係往來
通衢運道攸關沿塘七十餘里爲橋不下數十處凡
以維斷通閱一處圯壞咫尺關河乃潯西之三里六
文通公外集 卷之三 募造二橋 八
里九里三橋一時並圯絆卒裹足行人怨嗟甚且霜
凝雨滑慘墜數命余往來其間未見有存心立達顯
用施濟者爲之倡議整葺如拯溺救焚然豈以徒枉
輿梁無關王政之一端乎嗣見向之裹足者信足而
疾馳向之怨嗟者嘖嘖讚歎有歡喜色則三橋已煥
若飛虹坦若康莊矣余異而詢之里人誰其爲此則
曰有一比丘尼募造而成噫此固崇尚虛無之流也
而友肯爲此濟民利物之事乎且聞其募不强施貨
不沾手經費有節程材估料井井有畫旬月之間三

橋並成。若役鬼驅神。余不覺感歎久之。一日比丘尼持一緣冊來索。余言應門拒之。尼曰。我非假名募緣。惑眾刮金者比。潯西三橋成之者。卽我也。比入見。則喟然一老婆羅。而胸中頗明了。矢願更廣。將復舉潯北之北迴橋。太平橋。一時並葺之。此二橋爲居民作息必經之要路。求濟者殆有甚焉。擬卽日鳩工。誓猶三橋之成。余固目擊其有成就。而許之一言以贊助之。嗟乎。彼服儒服冠儒冠。而不以濟人利物存諸其心。顯諸其用。孜孜焉。惟日不足者。其視此尼爲何如。以刻日竣矣。

文通公外集

卷之三

募造二橋

九

慈雲寺募造病堂藥寮疏

歲次辛丑夏日。余偶過大善果寺。有僧本然。具言于余曰。城內盛甲。厥十方院慈雲寺。常住心如。發弘誓願。安養老病比丘。又有醫士方冲甫。素敬三寶。施藥濟僧。亦同發是願。今養老堂已成。而病堂藥寮尚未建立。敢丐一言。疏其緣起。告之布金長者。成就此利益良因。余曰。善哉。心如本然。暨方醫之同發是願也。其猶文殊與維摩相見說法之一大因緣乎。一切衆生。具有生老病死四相。苦惱然方其生也。渾兮。范兮。

文通公外集

卷之三

募造病堂藥寮疏

十

不知有生之苦。及其死也。杳兮。冥兮。不能言死之苦。惟是少壯者。漸老。輕安者。忽病。則有求生不得。求死不得之苦。皆自知之。皆自能言之。而自不能爲之救療也。此苦縑素維均。而在縑尤甚。旣已割愛辭親。皈依大覺。須賴色力精健。捍勞忍苦。究明己躬大事。若一旦老病交煎。安養無依。醫藥罔助。大事未明。無常卒到。枉了圓顱。方服作沙門一番。諸佛慈悲。所爲深可憐憫者此也。故維摩經云。衆生病從四大起。以其有病。是故我病。又云。以己之疾。愍于彼疾。當識風世。

無數却苦。當念饒益一切衆生。忽生憂惱。常起精進。當作醫王。療治衆病。余故曰。心如本然。與方醫士三人同發之願。猶問疾之文殊。與示疾之維摩。相對說法。一段大因緣也。其利益之成就也。必矣。余故歡喜讚歎而爲之疏。

文通公外集

卷之三

募造病堂

士

圓墓山飯僧募疏

經云。菩薩不受福德。以世間人造一切罪。因墮業報。卽造一切福。亦種業因。必也罪福雙消。方離苦海。雖然。不受福德者。未有不白。廣植福德始也。福則莫如飯僧。爲大飯。窮叅力究。枯坐蒲團之僧。爲尤大。昔漂母飯一韓王。而獲報千金。聲施後世。假使飯及淮陰。市上無名惡少。則漂母亦湮滅而不傳矣。嗟。嗟。飯一世間男子。猶且食報不小。况飯出世間豪傑。于以弘暢宗風。而紹續祖燈。其福德寧可思議哉。圓墓山聖恩寺。爲三峰上人卓錫揚宗之地。學人雲集。皆窮叅力究。務明祖意者也。去歲苦遭旱蝗。香積蕭瑟。不得不一拈托鉢公案。爲嗣法大衆安穩任山計。倘世之布金長者。肯效漂母之飯王孫。而以廣植福德者。證不受福德之聖果。則請自圓墓飯衆始。

文通公外集

卷之三

圓墓山飯僧募疏

士

快生菴疏

快生菴者陽山松際師津梁學人之下院也。大周稽首而啓請曰：以人道言之，有生則有老有病有死，無限憂悲苦惱之畢集；皆從生趣中來。以物類言之，飛者走者，則有投贈履阱之苦；游者泳者，則有觸網罟罟之苦；種種碎骨糜腸之楚痛，亦皆從受生中來。一切衆生，有生之爲苦，未見生之爲快也。菴以快生名者，何哉？師曰：一切衆生，但以五蘊熾然者爲生，而不以萬緣俱斷者爲生，以四相燦如者爲生，而不以萬類同情者爲生，故生卽苦，因苦是生果。若萬緣俱斷，則無生之生也。萬類同情，則度盡衆生之生也。快莫大焉。菴之以快生名也，固宜。因疏之以告衆生，卽非衆生者。

文通公外集

卷之三

快生菴疏

三

龍樹菴普同塔募疏

閭關外龍樹菴普同塔，自宋迄明，其來已久。萬曆年間，有雲棲弟子西崖傳禪師，願力弘深，爲之開新古刹，經理普同，緇素燦列，男女區分，一時規制，可稱盡善盡美。此亦我吳仁及枯骨一大殊勝因緣也。閱今又五十餘年，塔院荒頽，白骨委積。菴主月巢偕募僧法，潤矢願建脩，而丐余一言勸施。余不禁喟然歎曰：一切衆生，從無量劫來，流浪生死，舍身受身，飲乳如大海水，積骨等須彌山，則凡茲荒郊墟莽，磷磷白骨，爲烈日淒風之所曬颺，嚴霜苦霧之所淋浥，令人不堪回首斜睨者，焉知非我往昔因中經幾委蛻于其間，所嘗之憂患所茹之悲酸，無央無數，而能漠然不關痛癢乎？于是揮汗援筆，爲之書其緣起。東坡所云：暴骨無主，仁人君子，斯其主也。吾郡豈乏仁人君子，則爲茲塔之王者，比比皆是。而月巢等之圓成誓願，也可計日俟已。

文通公外集

卷之三

龍樹菴普同塔募疏

四

重建四瑞禪堂募疏

蘇郡瑞光寺。建自吳赤烏年間。有開山神僧性康。復建浮屠。宋禪師圓照本公。說法開堂。現種種瑞。並浮屠放光。而四此四瑞。禪堂所由建也。年久廢墜。遺址已淪于荒墟。而瑞光時現。未嘗與淨宇僧寮。並其滅沒。然則相傳本公說法時。法鼓自鳴。白龜聽法。庭竹合歡。與夫浮屠放光。凡此四瑞者。皆本公之性光所現也。此光人人具足。個個不無。特今世禪人自障之耳。或以禮誦爲下劣。或以行門爲賤役。或以我慢爲孤高。或以套語爲已見。或以鼓唇舌爲機鋒。或以特點慧爲妙悟。若是則性光障盡。縱有禪堂。至今存亦猶之乎廢已。今幸王瑞光者。爲三峰嫡孫。頂目血嗣。之尉堂和尚。不昧性光。傑出叢林。特發遠紹本公之誓願。毅然以興復禪堂爲己任。適逢我光明遍照之。藩臺佟公。慨賜多金。助之營構。余不覺聞而合掌歎曰。禪堂久廢。瑞光時現。若端以是故也。堂之成也。可拭目俟已。但願異日之習禪于斯堂者。能勿自障其光。而法侶雲集。交光互映。則三千大千世界。皆將湧

文通公外集

卷之三

重建四瑞禪堂募疏

七

文通公外集

卷之三

重建四瑞禪堂募疏

六

現瑞相。而又奚有于四瑞已也。夫然後不負我佟公一片慈光。處處莊嚴之廣大福德矣。余是以樂觀經始。而併預爲勸勉之。以要其終焉。

楓江王路慈泰寺募建西方殿疏

西洞庭羅漢塢雪山禪師遠紹雲門湛和尚之淵源
近振曹溪休和尚之法緒隱山一十八年一旦心空
及第今飛錫楓涇之慈泰寺卽舊名王路菴也師發
大誓願欲以淨土蓮宗接引緇白擬于寺西南隅建
一西方殿中供接引彌陀旁繪西方勝境令見者聞
者歡喜感歎爭以念佛了生歟往生極樂于是庇物
程材將卽日鳩工而屬余一言爲之疏其緣起廣其
勝因余不禁合掌讚曰善哉雪師之所謂禪真淨土

文通公外集

卷之三

募建西方

七

之禪也雪師之所謂淨土真禪之淨土也方今法檀
林立祖印高提無不以擎拳豎拂努目揚眉爲單傳
直指之最上乘鮮有繼雲棲之嚮導西方之幢而雙
融事理於無礙兼攝智愚於同歸者是不知離禪之
淨因非真淨而離淨之禪亦非真禪也上而文殊普
賢馬鳴龍樹四大菩薩下而廬山天台百丈清涼永
明死心真歇慈受圓照中峰諸大祖師脩淨土者指
不勝屈然則所謂西方者原未嘗遠在十萬億刹卽
近在自心也識惟心之淨土乃謂之明心見自性之

彌陀乃謂之見性而雪師之莊嚴西方以殷勤倡化
也總歸于使人明心見性大覺我宗風而已豈真有
西方定向可以誘人登涉哉一切善信但發一願助
建西方殿之心則寶樹華池暫爾現前觀音勢至彷彿
接引卽曰真有西方可也此雪師之善巧方便也
余是以奮筆而爲之疏

文通公外集

卷之三

募建西方

六

穹窿拈花菴募建藥師佛堂疏

余家有梅莊小構在穹窿山之下相去數武有拈花菴卽福臻禪院之故址也建自梁天監二年在宋爲韶國師道場明永樂年間勅賜顯忠禪寺後盡廢爲民居名藍淨宇杳不可問矣明季頂目徹師以斯地山迴水遶聳翠憂雲儼然有雲棲之勝槩焉乃芟荒剪穢爰構佛殿僧寮規模雖小往蹟依稀日與學徒拈提向上一機因額其菴曰拈花今頂目嫡嗣中興範師卓錫茲地誓輝祖席力振宗風真今日之破顏文通公外集卷之三募建藥師佛堂疏九

頭陀也罄展鉢資式廓前後殿堂工已八九尚艱一簣每歲玉蕊含春桂花浥露余杖策梅莊與中公徙倚竹徑溪橋邊惟相對微笑一日忽謂余曰居士亦知藥師如來行菩薩道時發十二大願爲欲利樂一切有情除衆生人我之大病施畢竟安樂之妙藥故號藥師如來本願功德乎今居士之孫已塑一藥師像莊嚴相好將謀後楹供奉焉而合尖猶難之居士可無一言以藥師之願爲願也且令遠近善信亦皆以藥師之願爲願其爲功德何可思議也余曰然因

信筆爲之疏

文通公外集

卷之三

募建藥師佛堂疏

手

興福菴募建藏經閣疏

世尊曰。吾有正法眼藏。涅槃妙心。實相無相。微妙法門。不立文字。教外別傳。付囑摩訶迦葉。可見單傳直指之宗。不待達磨西來。而世尊早已和盤托出。付之摩訶迦葉矣。四十九年中。三百餘會。權說實說。橫說豎說。熾然廣說。一字不說。皆不立文字也。皆不離文字也。皆教外別傳也。皆教內別傳也。後世岐宗與教而二之者。非惟不識教。併不識宗耳。因不識宗。所以欲呵教耳。慈大師示學徒有云。佛憂滅度之後。未持

文通公外集

卷之三

募建藏經

三

經者為難。蓋以經即佛之法身。慧命非紙墨文字也。然則三藏十二部。一句一字。盡是諸佛法身。充滿于六書諸佛慧命。昭垂于點墨。當何如莊嚴供奉哉。吾郡證研禪師。住淨興福菴。閉關三年。深明宗教。一貫之旨。募請方冊一藏。自度度人。余不禁合掌讚歎。而欲為莊嚴供奉。非建閣不可。是不得不告之十方善信。須知世尊微妙法門。具載藏經中。能協力圓成此勝因。則功德不可思議。有如此經矣。

極樂菴飯眾募疏

余里居曹溪之西。越數武。即潯水極樂菴。蓋浙直之孔道也。其間雲水緇流。凡自平川西至。自茗雪東來者。瓶鉢絡繹。必跋涉六七十里。方獲至止焉。至此遇午一餐。遇晚一宿。菴之接眾飯僧。歷有年所矣。向雖經各檀那。捨置飯僧田若干畝。而輸稅孔亟。歲豐僅足完課。歲歉則那貨賠償。田無稍濟。實有大累也。邇者雲侶往來。不減于昔。而齋厨索然。甚至莖齏弗繼。半菽不供。或遇大暑大寒。烈日灼膚。寒冰墮指。求一

文通公外集

卷之三

極樂菴飯

三

餐一宿焉。不可得。無論金湯佛法者。不忍膜視。亦仁人君子所顧而惻焉。嗟歎者也。茲幸潯上董氏諸昆季及遠近善信等。誓為擔瓢荷笠之徒。整頓津梁。延請雲棲的裔。行解相應之聖先法師。駐錫茲菴。以先轉食輪者。大轉法輪。謀久遠為眾之計。勢必寮房之狹者廣之。禪堂之蕪者葺之。以及庖廩園圃。潔浴澣濯之所。併夏日之趙州喫茶。去冬日之大愚為眾乞炭所需。必備缺一。不可。至于一應執事僧人。皆資單錢。約畧計之。為費不貲。非廣募善緣。曷克有濟。余嘉

其竭力爲衆一片婆心。卽石屋珙禪師所云參禪學道第七個樣子也。不覺合掌讚歎而奮筆爲之疏翼外護金湯與夫仁人君子必有同心爾。

文通公外集

卷之三

極樂菴飯
泉募疏

重

募葺比丘尼妙詰淨室疏

比丘尼妙詰字滄源者。故錢塘令漢石顧公之女。而松陵虞部仲韶葉公之次媳也。年甫笄。虞部次君未婚而卒。一聞訃。毅然之夫家親視含殮。父母公姑俱強制之不可奪。居喪盡禮。誓以死守。後顧葉兩公相繼歿。遂薙髮出家。精探內典。求了生死。或曰。曾爲名師許可。比之靈照。大周聞而歎曰。此誰堪爲妙詰師也。一切衆生。不過于情愛種子。瞥生一念。萬劫沉淪。妙詰並未爲情牽愛繫。直從威音那畔以前。斬斷情

文通公外集

卷之三

比丘尼妙
詰淨室疏

重

愛之根。拔出死生之楔。故能不識其夫半面而爲夫守節。堅如金石。信如四時。以此心念佛。自然卽心卽佛。以此心參禪。自然心外無禪。嗚呼。當知識遍地之時。又誰堪爲妙詰師也。大周不禁胡跪合掌而爲之讚歎。如此今妙詰年垂五十。擬結廬于桐涇之南。息影焚修。以其地僻絕囂。更攜姊姒三人。皆以貞婺剝度者。共結淨因。協修梵行。誰謂五漏之身。不頓圓無漏之果哉。其三人中。長姒卽余伯氏念菴女也。苦節勵志。克步妙詰後塵。余尤喜而樂道其事。以見成佛

作祖。參禪學道之高流。斷未有外三綱五常而別開一爐冶另具一胚胎也。因于燈下信筆書其緣起。爲同志勸。

金文通公外集卷之三終

文通公外集

卷之三

比丘尼妙
靜室疏

圭

金文通公外集卷之四目錄

吳江金之俊豈凡著

募修奉先寺引

募修五方賢聖殿引

建六士閣引

無住菴引

淨土慈津引

文通公外集

卷之四

目錄

一

放生池修淨業引

重興崇恩禪寺小引

金文通公外集卷之四目錄終

金文通公外集卷之四

吳江金之俊豈凡著

募修奉先寺引

震澤之東不數武。有刹巍然。名奉先寺。建自唐咸亨年間。雖代有興廢。祖燈不絕。自萬曆三十二年。住僧道問。力行興復。以來日就傾圯。其孫行芬克紹先志。一日持募冊來索余言。謀更新之時。有客在旁。正色

文通公外集

卷之四

募修奉先寺引

一

而止。余曰。方今公私殫匱。民窮盜起。有心世道者。將黜奢汰靡。導民節蓄之不暇。若夫崇飾寺觀。勸施無益。非我儕事也。余曰。然。子亦知民窮盜起之繇乎。惟正是供。民焉得窮。卽軍興加賦。民亦焉得窮。且窮蹙而盜。此其故有難言者矣。良以賄賂公行。上下之間。取非其有。皆以小民膏血供之。于是赤子爭化爲綠林。耒耜半銷而劔戟搶攘。世界者總貪之一字階之厲也。設當斯世。而有能互相砥礪。不取非有。窮民其庶有瘳乎。民窮得療。而盜亦遏沮乎。今懲貪之令。非

不嚴且峻。而貪卒莫止。卽費盡天下寺觀。以示節蓄。于弭盜裕民。蔑有濟也。客曰。然則俟佛可止貪乎。余曰。佛法中六波羅密。以檀施爲先。施者舍己所有也。己有可舍。况攫人有也。有能通此意者。未必非止貪之一法也。昔李節有言。排釋氏者。徒知釋因衰代而生。不知衰代須釋氏之救。此言良可思哉。客唯唯而退。余因書之冊。以授行芬。蓋重有期焉。而非獨爲斯寺之興復計也。

文通公外集

卷之四

募修奉先寺引

二

募修五方賢聖殿引

人稟五行之氣以生順之則爲善乖之則爲淫此福善禍淫之說所繇起也五方賢聖乘五方之精氣以司五行之權其在人也分之爲五事配之爲五倫感之爲五情殺之爲五色宣之爲五聲其理昭昭非荒唐謬悠與師巫邪術妄言禍福之可比蓋自善惡途分而報應之理有大有可怖畏者矣善之集福惡之媒禍如影隨形如響附聲曾無幾微毫髮之或爽愚夫愚婦所以共知五方賢聖之威靈也夫五方之民嗜

文通公外集

卷之四

募修五方賢聖殿引

三

欲不同習尚互異執途之人而叩以五行之理使其必順五常之行必且愕然不解而燥濕寒燠之性一日稍失其序未不自知悖戾况復乖違厥性以至叛父母忤神明干名犯義顯與五行皆謬者乎是善惡之起于人心初不待賢聖之靈爽福之禍之而始彰也然人鮮自旌其善而神以福勸之鮮自懲其惡而神以禍惕之五方賢聖之于人民其呵護誠大矣哉若鎮有賢聖殿庇佑一方者不知幾閱歲矣風凌雨撼日就傾圯有僧智遠謀更新之而乞言于余余

何能言神之福人禍人以起人微福免禍不可對賢聖之心亦直言人之能自爲福能自爲禍勸人諸惡莫作衆善奉行無乖五行之常以永荷五方賢聖之呵護而已矣有是余言者其必歡喜讚歎樂助斯舉無負智遠之婆心也夫

文通公外集

卷之四

募修五方賢聖殿引

四

建大士閣引

洪都兵署之東不數武有一關聖殿。廟貌巍然。訪之爲前臬長江公。感異夢而鼎新焉者也。旁有隙地。欲建大士閣。以永翼香火。而未竟厥志。值余來承乏。僧請成是願。余曰。當此歲歉民貧。官茲土者。方攢眉于救荒無術。而崇尚浮屠。詎我曹事耶。僧跽而請曰。是不然。五濁劫中。生老病死。如火傳薪。而又有刀兵疾疫。水旱盜賊。無量諸苦惱。惟我觀音大士。尋聲救苦。出百千手眼。垂慈拔濟。如普門品所稱。種種不可思議。蓋因衆生之苦而益顯大士之靈焉。今大江以西。雖無鋒鏑之慘。而水旱頻仍。饑饉洊至。又盜賊充斥。疾疫交作。衆生之苦莫甚于今日。則大士之靈亦莫顯于今日。僧之以莊嚴大士請。正仰承諸官長多方救民意也。余赧然起而謝曰。嗟此江民。苦饑不得食。苦病不得療。苦盜賊縱橫。無所控告。而乞靈於救苦之大士。官吏之失職可知。已因書此。以當發露懺悔。非敢重拈夢語爲廣種福田之領袖也。

文通公外集

卷之四

建大士閣

五

無住菴引

三界露電。無一住相也。萬法筏喻。無一住法也。億劫同此根塵。住則爲生。死窠窟。無住則爲一真法界。千聖同此源流。住則皆旁蹊外道。無住則皆向上一機。余三遠無住禪師塔前。而彷彿此義。然恐拈却。又住也。塔旁隙地半畝許。老樹障天。亂雲衝袂。有僧法壽。請誅茅以護塔。余曰。可。因顏之曰。無住菴。雖然。不認作無住。錯認作無住。亦錯。

文通公外集

卷之四

無住菴引

六

淨土慈津引

蓮池大師曰。生死海中念佛第一。若欲高出人天。速超生死。直登不退。獨念佛往生一門。最尊最勝。奉勸世人。何不趁此四大未作枯骸時。早早念佛。直待萬般將不去。惟有業隨身。懊悔何及。痛哉斯言。所以警策世人者至矣。自大師圓寂以後。迄今四十餘年。古德之軌則雖存。淨土之津梁莫問。舉天台永明清涼。圭峰圓照。真歇黃龍。慈壽中峰等諸祖。遞傳雲棲之鉢。亦遂響絕聲消。良可嘆也。茲有長水微機上人。爲

文通公外集

卷之四

淨土慈津引

七

徑山禪宿。因禮五臺。憇息燕都。延慶寺偶偕緇素。談及雲棲淨業。及放生殊勝因緣。中有居士某某。慨然拾寺南隙地若干畝。其地有窪者。有阜者。窪者可以鑿池放生。阜者可以結茆安衆。儼然一淨土祇林。往生津梁也。一時衆善信咸歡喜讚歎。樂與諸居士共結良因。不靳財施力施。或自施。或勸他施。遂勤請上人暫遲五臺之游。先植西方之果。行見雲棲勝境。卽在首善近地。已嗚呼佛以慈爲本。故念佛必以戒殺放生爲本。方有少分相應。此淨土慈津之所以名也。

夫

文通公外集

卷之四

淨土慈津引

一八

放生池修淨業引

六祖偈曰。本來無一物。何處惹塵埃。蓋言乎此心之至淨也。一切衆生。皆因迷本淨之心。被妄想習氣影。子發生種種境界。糾纏顛倒。迷頭出頭。沒于生死海中。百千萬劫。靡有了期。有能參禪看話頭。最爲明心切要。但一則苦于障深根鈍。一則難得如古人死心下手。一則苦無善知識。決擇開導。多落邪見。惟念佛方便。求生淨土法門。號曰淨業。極爲穩當。二六時中。念念追求。審實這一聲佛起處。落處。定要見箇的當。

文通公外集

卷之四

放生池修淨業引

一

九

下落則本來空空洞洞。皎皎潔潔。一片至淨之心。卓爾現前。舉從來妄想習氣影子。如紅爐點雪。消化無踪。此之謂專修淨業。與參禪看話頭。毫無異也。邇自雲棲振鐸以後。繼響杳然。得無從事念佛者。不識唯心淨土。而遠求之十萬億刹。曾不回頭轉腦。近取之當體乎。我長水徹公有慨于中。洎今某月日。爲始建淨業期。集衆安單。結制百日。儀式悉遵雲棲發心直紹。六祖予卧病中。不覺聞而贊歎曰。真此方空谷之音也。凡諸善信。有不好淨惡垢。與余同志。而爲之歡

喜樂助。以堅主徹公願力者哉。行見百日貨糧。彈指具矣。

文通公外集

卷之四

放生池修淨業引

一

十

重興崇恩禪寺小引

余浮沉宦海二十餘年。不求名。不求利。敢云騰騰任運。聊爾泛泛隨緣。不知我者。以我爲宦遊。知我者。直以我爲雲遊也。辛巳夏五。循例過分寧。吏散鳥啼。焚香兀坐。偶簡古尊宿公案。黃龍誨機禪師一則。僧問急切相投。請師通信。師曰。火燒裙帶香。余不覺拍案起曰。好個消息。只怕有鼻人。通不得。恨四顧無人。不獲起黃龍印證。一日有頭陀。携一冊隨吏牘而進。係黃龍山崇恩禪寺僧名如慧。閱其緣起。黃龍開文通公外集卷之四重興崇恩禪寺小引二山爲誨機和尚。余喜其以通信至也。因援筆書此一段因緣。若夫殿宇之日久飄搖。金像之不蔽風雨。而以余言爲托鉢先資。則當此儉歲。救荒不暇。崇浮屠無量眾生。通個的信。安在末法中。無聞香紹隆。而刈草祖庭者。區區布金長者事。又何俟予言。

金文通公外集卷之四終

金文通公外集卷之五目錄

吳江金之俊豈凡著

笠峰上人募請方冊藏經說

廣紫栢說

本命放生說

在家出家說

極富極貴極貧極賤說

文通公外集卷之五目錄

苦樂得失說

娑婆卽華藏說

士大夫及善知識說

利害衙門說

自救說

路費說

家說

金文通公外集卷之五目錄終

金文通公外集卷之五

吳江金之俊登凡著

笠峰上人募請方冊藏經說

內典流傳世間。西域用貝葉。此土則以側理。叠摺而成。號曰梵冊。尊重莊嚴。宜于焚香。誦誦不便。踞案抽翻。且裝印繁費。往往有志衲子。欲潛心縱目于一大藏教。畢生未能也。明末樵李楞嚴寺。始以書本。鈐行。

文通公外集

卷之五

募請方冊藏經說

一

謂之方冊。流通頗廣。惜乎有志耽玩者。亦不槩見。正如蘇長公云。昔人得書。手自抄寫。今乃有書而不讀。爲可恨也。淮上笠峰上人。以跛疾行。脚來燕。其求道之志亦綦切矣。今南還。誓閉閣藏。募請方冊而索余一言。余何知教中大義哉。聞之中峰老人曰。所云教外別傳者。非教外別有所謂禪也。非心外別有所謂法也。非離言說外。別有不形言之秘密三昧也。始從鹿野苑。終至跋提河。于是二中間。未嘗談一字。則一大藏教。曷嘗有言說文字等相之可得也。通而言

之禪。卽離文字之教。教卽有文字之禪。覓一毫同相。了不可得。復何別之有。耶。笠上人。倘會得中峰語意。他日便可把一大藏教。一口吸盡。字字化成光明藏矣。始信釋迦老子四十九年。三百餘會。隨機演教。皆是別傳之旨矣。然則笠上人。閱藏甫畢之日。卽參禪了當之日也。余因書此爲券云。

文通公外集

卷之五

募請方冊藏經說

二

廣紫栢說

紫栢大師曰極貴女人不如貧賤男子蓋謂女人障礙無量嫌疑多種一動一靜一出一入凡百所爲受人禁縛不得如意貧賤男子則不然訪道名山亦由我參禪佛海亦由我遊行千萬里亦由我深山靜坐亦由我高聲念佛亦由我歡喜樂道大笑幾聲亦由我縱橫自在去來隨意故曰極貴女人不如貧賤男子也大周曰此栢師爲度女身說法也世間儘有極富貴男子反不如女人者矣何也富則爲利縛貴則爲名縛或縛之不出鄉里不離朝宁而目不窺宇宙之大或縛之遍赤四方遍歷要津而神不浹山水之趣無論訪道參禪靜坐念佛者什不得一甚而溺志熏心喪身殞命黃金不救白骨簪履難逃枷鎖求如女子之優游閨闈終老天年而不可得至于名媛擅絕代之風華烈女光千秋之彤管又非所敢望矣余故曰儘有極富貴男子反不如女人者此也然則爲度富貴男子說法者當若之何

文通公外集

卷之五

廣紫栢說

三

本命放生說

蓮大師曰生日不宜殺生余亦有懺生願文廣大師戒殺放生之旨梓行勸世有年矣今思人壽幾何必逢生日而後修齋放生則放生功德亦有限矣從今爲始凡我合家眷屬不論長幼男女一值本命之日俱要修齋放生卽有親朋偶住我家者值本命亦同之其買生錢不拘多寡悉聽輪值本命者爲政餘人隨意協助自一分以至一錢止遵而行之則我之本命卽人之本命亦卽普世界含靈抱識一切衆生之本命矣是無我無人無衆生無一非本命也豈不快哉

文通公外集

卷之五

本命放生

四

在家出家說

世之所謂出家者。徒以離而眷屬。棄而田園。削除髮。髮圓頂方袍。便是出家矣。何視出家之太易也。然必離既合之眷屬。棄現在之田園。改鬚眉之本相。易袍頂爲殊觀。然後名出家。又何出家之太難也。太周曰。若認得何者是家。何者爲出。則出家非易。亦非難矣。人生五濁惡世中。且閻浮世界。是我家也。舉五陰六入十二處十八界。一切受纏受縛。卒難解脫之絲總之爲家所累也。無論仕宦婚嫁兒女田園左牽右扯。又通公外集卷之五 在家出家 五 者不能出。卽枯坐蒲團。歷盡雲水者。十人而九未易出也。故曰出家非易也。倘了知古今來三界升沉。不過一家之成壞。於其中種種可欣可厭。分別人相我相之事。足以沉淪豪傑。困塞聰明者。僅等之蠅逐蠅爭耳。豈能圓我包含虛空之性量哉。則慾海卽蓮池。迷城卽慧山。無煩惱非菩提。無三毒非四智矣。是之謂在家出家也。故曰出家亦非難也。

極富極貴極貧極賤說

天地間極富極貴者人也。何言其極貴。仰觀天地日月。俯視萬類羣生。何其貴也。何言其極富。目飽山川雲樹耳聞鳥語溪聲。何其富也。迺極富貴之人。不自珍重。尚思貪名圖利。以堆金積玉者爲富。以衣紫腰金者爲貴。造孽無邊。是極富貴之人。最可憐憫者也。天地間極貧極賤者人也。何言其極貧。一副爛臭的皮囊。不值半文。何其貧也。何言其極賤。一堆雪白的枯骸。穢於瓦礫。何其賤也。迺極貧賤之人。不自哀憐。尚思凌人傲物。以半菽不充者爲貧。以一命未屑者爲賤。積過彌深。是極貧賤人之最可憐憫者也。惟諸佛菩薩以慈眼視之。代之珍重。代之哀憐。故曰人身難得而易失。知其難得而勤加守護。則長保富貴矣。知其易失而暫求無上。則永不貧賤矣。

又通公外集

卷之五

極富極貴極

六

苦樂得失說

五濁世中樂盡是苦。得還是失。若知苦從樂生。失因得伏。火速掉轉頭來。猛力提撕。直向無苦無樂無得無失。空浩浩。孤迢迢。地討個安身立命所在。庶不辜負此生。出娘胎一番也。休教紅日高千丈。猶自黑甜耽一枕。

文通公外集

卷之五

苦樂得失說

七

娑婆卽華藏說

世界本無不足。自人心起一貪想。則世界遂多不足之形。世界本無不平。自人心動一瞋想。則世界遂現不平之象。世界本無不淨。自人心作一癡想。則世界遂成不淨之區。此娑婆之所以名。五濁者皆貪瞋癡三毒所構而成也。三毒一除。則娑婆卽華藏。覓一毫同別之相了。不可得。東土西方總是假名。卽求佛求仙亦盡屬妄念矣。

文通公外集

卷之五

娑婆卽華藏說

八

士大夫及善知識說

士大夫看不破富貴功名四字。憑你說性說理。說得聖人復起。只成箇假道學。善知識脫不得名聞利養四字。任他談教談宗。談得天花亂墜。未夢見真佛。

交通公外集

卷之五

士大夫及善知識說

九

利害衙門說

今夫人涉訟見官。無論衙門大小。官府寬嚴。必多方打點。竭力彌縫。務脫罪名。求免刑責。大約一經見官。未有全無怕心者也。乃有一極利害衙門。事發要見。行賄不得。央情不得。要息不得。要寬限不得。一提就要去。一去就要審。某年月日時。做某事。害某人。一椿也。賴不得。某年月日時。起何念。犯何律。一些也。瞞不得。並不用三推六問。皆自己滿口招承。干証也。插嘴不得。保人也領保不得。堂上執筆者。無分毫情面。

交通公外集

卷之五

利害衙門

十

堂下用刑者。無半點慈心。若大若小罪名。一槩不肯饒。或隱或顯過失。盡數都要算。慈親孝子。救不得。至戚好友。救不得。極厚的家貲。救不得。儘大的權勢。救不得。如此利害衙門。可怕乎。不可怕乎。而何世人之到者。甚多。怕者。絕少也。息齋甚有疑焉。故特爲拈出。以冀世人之萬有一怕云爾。然則如此利害。畢竟是何衙門。嗟乎。臘月三十到來。可不問而知也。

自救說

余作利害衙門說有云慈親孝子救不得至戚好友救不得客曰何言之甚也余曰不寧惟是卽閻羅老子亦欲救不得也客曰然則諸佛菩薩發大誓願救度衆生豈遂無可救之人歟余曰併諸佛菩薩亦欲救不得也惟有自救一着于未到衙門之先早爲之地庶乎其可救耳嗚呼今之人非但不肯自救而且欲自下石焉豈不深可悲痛也已

文通公外集

卷之五

自救說

十一

路費說

今夫人出門行路無論程途遠近時日久暫未可先期措辦携費糧爲路費者乃人生百中有一一要行之路爲程不可以道里計爲時不可以日計此其爲費甚是不貴且如何上緊措辦而平日生計料理臨行亟難等待既苦於借貸無門又苦於又無術窘迫悽惶之狀莫可名言且不惟路費無分而反有盈千累百之贓罪負之而趨吾竟不知此何以結局也嗚呼行路難行路難到此方知而何文通公外集

卷之五

路費說

十二

人之冥行而罔顧者比比是也故爲之著路費說

見路費不厭有餘惟贓罪切莫帶一點耳

家說

家之爲言。吾人安身立命之地也。然則五欲塵勞中。豈有家哉。世人但知所居者爲家。自少至壯。自壯至老。急急波波。營名營利。無非爲家計也。因而積孽如山。畜冤似海。自作自受。茹苦吞悲。亦無非爲家累也。不知此皆郵亭傳舍。逆旅客房也。卽長子孫累世。疊家私鉅萬。不過暫則一瞬。久則一宿。非我家也。我所謂安身立命之家者。豈窮三界。橫徧十方。千生萬劫。不變不遷。屹然于露電泡影之中。煥然于成住壞空之表者也。乃世人非家認家。而反至亡家是眞深可嘆息也已。

文通公外集

卷之五

家說

三

金文通公外集卷之五終

金文通公外集卷之六目錄

吳江金之俊豈凡著

雪竇石奇雲和尚塔院碑銘

無任菴碑銘

書刻金剛經跋

題放生彙紀後

跋獅山思益寺冊

文通公外集

卷之六

目錄

一

晉德上人奉誦法華經千部題辭

蓮生社約

夕照寺收埋骸骨回向文

懺生願文

有小引

誕日禮懺願文

金文通公外集卷之六目錄終

金文通公外集卷之六

吳江金之俊豈凡著

雪竇石奇雲和尚塔院碑銘

皇清順治歲在辛丑春正雪竇石奇和尚示寂於婁東之南廣寺。越五月歸葬於甬之妙高峰。從其志也。丙午春二月雪竇繼席弟子山夫行正以狀來請余銘其塔。余與師雖不識面。而師之行解雷耳。久已隔峰

文通公外集

卷之六

石奇雲和尚塔院碑銘

一

相見。其何能辭。按狀師諱通雲。號石奇。係出婁東徐氏。父諱調元。母孫氏。十歲失怙。寄養姊家。因篤疾間。陡現一境。如夢忽醒。曰前途灼然有條大路。何故留滯於此。乃辭母。告以出家之志。遂脫白于本州南廣寺。適往嘉定于護國寺壁間。睹中峰祖師偈云。踏蹬莫隨愚伴侶。蹉跎又恐落風塵。悚焉猛省。矢願參方。因母老未果。寄居隆福寺四年。既而住靜廬山。刺血書華嚴經。遇等慈老風。令看高峰語錄。提究父母未生前一着。服膺弗替。後往藤溪。聽講楞嚴。聞法師舉

千日學慧。不如一日學佛。憬然曰。聽教非究竟也。旋往中峰。書完華嚴。至瓶窰。見聞谷師。復到顯聖。見湛然師。疑情大發。卒參密雲老人。屢呈所見。密雲威叱曰。待你入處硬拚。後來爲人。手段自別。于是棒下頓脫凝滯。不離左右者一十三年。歲丁丑於普潤院。掩關三載。一踞猊座。問難響答。機辯泉流。淮海人士翕然景從。辛巳應密雲師命。住持台之靈鷲。來年省密。密親手授師衣。未幾密示寂。爾時得法諸弟子。競各布席一方。雲山渺隔。弗克躬襄後事。獨師一人肩之。

文通公外集

卷之六

石奇雲和尚塔院碑銘

二

後赴景星之請。景星溪山奇勝。甲于縵城。座下英靈雲集。氣吞諸方。刀耕火耨。不復作出山想。會癸未雪竇寺燬。乏主者。士紳延請再四。因策杖而至。山空無依。惟有堆雲敗葉。寺址半爲豪侵。如河南南陽之不可問。乃倚巖架屋而居。先時密師記曰。狗子無一隻。折筯無一隻。是汝住處。固在雪竇也。遂甘心居之。以偈勸衆曰。山居茆屋十餘間。驀地狂風盡打翻。珍重吾徒齊着力。大家扶起莫生煩。時諸山谷間。兵寇縱橫。兼之饑饉相仍。所在無寧宇。師恬不介意。懾暴以

慈伏強以忍久之。飯誠向化。皆爲外護。法堂方丈。厨庫漏室。次第落成。二覺祖庭。崢嶸壯麗。頓復前規。師入山所云瓊樓玉殿。百草頭上。全彰千丈報身。瓦礫堆邊。頓現非虛語矣。越明年己丑。赴興化。黎君之請。遠近信嚮者。舟楫鱗比。老幼肩摩。諸方主席之盛罕出其右。菴址宅水中。邑人慮有水患。方議聚財編木爲衛。逡巡未舉。師以檀信供養所入。罄付主僧鳩工竣事。俄而泗水忽至。竟免漂溺。師之力也。師珍重付授。絕不以佛法作人情。自是兩淮吳越數千里間。學

文通公外集

卷之六

石奇雲和尚
塔院碑銘

三

道高流聞風興感。競推雪竇爲中流砥柱。云大抵師之門庭嚴峻。而存心廣大。有過犯者。改則許之。嘗云。若使人根皆端。不復用諸菩薩。出現世間矣。歲丁酉。婁東士紳有南廣之請。師因浚鹽鐵河。直達于寺。以利舟行。其皈命之衆。倡化之隆。復不啻興化時也。初師矢志力扶法社。自是幾四十年。且將東歸。妙高未幾疾作。歷數日。命二侍舉時。皆以子時對。乃微點首。遂以是時逝。越數月。尚未合龕。顏色如生。瀕舉龕歸四明忽寺。西失火。僧寮俱燼。而龕獨歸然。人共異之。

乃於某月某日抵甬。定于妙高峰之塔院。溯其生于某年月日。卒於某年月日。世壽七十。僧臘四十有五。嗟乎。濟北宗風。自密師弘震之後。全提正令。而橫身坐斷。百尺無枝。孰有如石奇和尚者乎。其闡提法教。曰把關。曰靈鷲。曰景星。曰雪竇。曰興化。曰密印。六種集行世。其法侶之風。荷爐錘者。難以縷舉。其嗣法弟子。一十二人。南廣行常。大梅行幟。雪竇行正。杖錫行旋。金沙行研。天王行林。妙高行恂。椒山行制。海岬行紹。登岱行建。南岳行環。西園行月。爲之銘曰。

文通公外集

卷之六

石奇雲和尚
塔院碑銘

四

承源臨濟。迦流楊岐。密老血胤。人天共推。人處硬拚。爲人自別。凜奉師言。提持直捷。乳峰生面。千載重開。明覺光明。燦破疑埃。靈鷲景星。施設蔚隆。末後涵藏。妙高一峰。大機大用。邈不可卽。雪瀑虹飛。今古爲式。

無住菴碑銘

余孩時便信因果恍惚若有所記弱冠皈依雲棲老人始知有生歿大事然爲舉子業所牽卒卒未窺其藩已而倖冠進賢遂浮沉宦海中貧迷領珠隨風飄墮自甲戌歲讀禮山居邁一時名宿言及太事因緣不覺悲淚與愧汗俱下因思小而一茶一飯大而爲出爲處總不容一毫放過古德云步步是汝證明處患不證明耳不患無其時無其地頭陀可不頭陀亦可蒲團可不蒲團亦可庚辰小草濫竽洪都兵署以

文通公外集

卷之六

無住菴碑

五

官舍爲方丈以童叟爲大衆以寮友士紳爲法侶以奸蠹盜賊爲魔軍不知烏紗之與毘盧有二相也入世之與出世有二法也一夕夢躡足高山峰壑環秀松濤沸耳意甚樂之忽有一介胄偉人狀若金吾自山巔趨而下指謂余曰此間係迦葉布席處汝可好爲護持正欲卽而詢之頓失所在遂大恚而醒辛巳夏四月循例鎮分寧署枕鳳凰山治兵之暇偶閒遊來鳳菴菴僧法壽以隨喜祖塔請拾級而上行不數武則唐朝無住禪師之塔在焉徘徊瞻眺山光林影

宛符疇昔之夢偉人所指意在是乎攷無住爲達摩

之正傳而迦葉之的派也旁有凡塚纍纍偏處祖穴

芟之不可溷焉不忍于是規塔左隙地構一淨室顏

之曰無住卽令菴僧法壽晨夕焚唄其中以代予肩

護持之擔會工甫竣余適有量移上谷之命當不接

浙而行恐時方魔強法弱菴僧之弗克負荷實滋余

良因書此一段緣起勒之貞珉告後之秉節分寧者

願與余異地同心結爲法侶而予以整頓方丈安隱

大衆掃除魔軍于世法中爲柱石卽于佛法中爲金

文通公外集

卷之六

無住菴碑

六

湯俾丈草不茁于祖庭野狐不嗥于鳳嶺余或可藉是以不負偉人之囑付也已嗣是以後菴中常住非雲水高流身佩戒香者不得入倘酒肉薰心之徒目之爲眼中釘而有異志焉則金剛寶杵當碎爲微塵勿徒作夢占也爲之銘曰

鳳凰之嶺白雲蒼烟有祖一燈燭地光天青松吼法

翠竹楊禪應無所住億劫勿遷

書刻金剛經跋

善格云能以最上乘法授人使之因言省悟傳一人者當十善十人當百善傳大貴人大力量大豪傑者當千善蒐擇繕梓印卷施人者當萬善若佛說般若經六百卷中第五百七十卷之金剛經則最上乘法也今有一居士于此章句能生信心特捐貲繕梓普願印施一藏勸人受持讀誦者鎮江蕭士淇法名性轉者也又有一居士聞此經典信心不逆爲之書寫者姑蘇彭蒼侯名璧者也此兩居士皆能以最上乘

文通公外集

卷之六

書刻金剛

七

法廣助流通其福德均之不可思量正經文所云是人卽爲第一希有又寧止萬善而已哉息齋老人合掌讚歎而爲之跋

題放生彙紀後

放生彙紀者忘菴胡先生以仁人君子之用心紹流水天台智覺雲棲之慧業智果圓成于覺海悲華燦爛于筆端而有斯編也小之爲吹羣倫之善氣大之爲挽劫運之殺機顯之爲標物我之同原密之爲闡心性之了義能使讀是編者一展卷而生趣填胸慈因滿目處處作含靈怙恃人人肩佛法金湯以之世出世間必回刀兵爲衽席必化鼎鑊爲蓮池有是夫仁人之言其利溥哉然則有斯編而古今來儒碩禪

文通公外集

卷之六

題放生彙

八

宿所著放生戒殺種種名言與義總彙于是矣余因反覆是編始信佛說三界惟心凡法界海會蓮華藏中無邊佛刹微妙莊嚴盡在大心菩薩一念中現初放生池經始時一望荒丘並無片瓦寸椽微機上人僅營一團瓢孑然孤處于寒風苦霧中曾幾何時而糾殿峩峩翼以東西兩禪堂並準提堂瑋麗悉稱是且緣放生推之憫死又于池東寂照寺偕柴道人收埋人畜骸骨經畫備極周詳行將莊嚴一地藏殿永度冥魂如此無量功德咸自忘菴先生一念大心中

湧出。豈世之布金希福者比也。余故特爲拈出。以爲
讀斯編者告。

文通公外集

卷之六

題放生彙
紀後

九

跋獅山思益寺冊

余歸田八年于茲。偃息之暇。每杖策大小梵剎。訪尋
道伴。一洗塵襟。獨獅山離城咫尺。曾未措足。戊申夏
偶登虎丘萃勝閣。向東南遙睇。峰勢崢嶸。酷肖獅形。
聞有寺名思益。雲棲的裔。靈白法師。現駐錫其中。一
日偕嚴令武伯仲。過而訪之。清幽孤寂。人跡罕至。非
真心辦道。泊然于名聞利養者。未肯謝塵囂而枯坐
此獅窟中也。因攜一冊示余。具載茲寺成毀顛末。併
近來興復緣起。余爲展卷嗟歎者久之。一則景靈師
之行解相應。遠接唐開元間勝光法席。一則重王氏
之父子昆季。彷彿王摩詰之捨輞川爲選佛場。洵吳
中一時勝緣。千載佳話也。余故喜而爲之識云。

文通公外集

卷之六

跋獅山思
益寺冊

一

普德上人奉誦法華經千部題辭

蓮華經曷爲以妙法稱也。蓋佛所成就第一希有難解之法。名爲一大乘。又名無量義。一切聲聞辟支佛所不能知。惟佛與佛。乃能究盡諸法實相。分別解說。拔衆生于火宅。等與大車。誘小乘以化城。勿住二地。真炳幽宵之大法炬。杭苦海之大法船。濟徒涉之大法橋。垂廣蔭之大法樹。故獨以妙法名斯經也。經中說偈云。若持八萬四千法藏十二部經。爲人演說。亦未爲難。于我滅後。聽受此經。問其義趣。是則爲難。茲

支通公外集

卷之六

誦法華經千部題辭

十一

佛恩與

君恩並報。自利與利他兼資。豈尋常圓頂方袍。以喃喃課誦。消十方信施者可同年而語哉。攷晉義熙間。曇翼法師入秦望山。誦法華經。越二十一年。有女子身披彩服。攜筠籠盛以白豕。兩根大蒜。至師前。曰。妾入山採薇。日已夕矣。豺狼當道。歸無生理。敢托一宿。師却

之甚堅。女哀鳴不已。遂以草床居之。夜半號呼腹痛。告師按摩。師以布裹錫杖。逕爲按之。翌日。女以彩服化祥雲。豕化白象。蒜化雙蓮。凌雲而上。謂師曰。我普賢菩薩也。特來相試。觀汝心如水中月。不可染汚。既而天雨寶花。地皆震動。時會稽太守孟凱。方晨起視事。忽見南方祥雲。光射庭際。隱然絲竹金石之音。訪知普賢示化。以師道行聞于朝。勅建法華寺。今日繼響雲翼大師。得法華三昧。而感應普賢。再觀雨花殊勝。因緣者。余于普德上人。且翹首俟已。因爲之說偈曰。

支通公外集

卷之六

誦法華經千部題辭

十二

稽首釋迦文。以一大事故。出現于世間。開權而顯實。中有無量義。諸佛乃能知。火宅不可居。化城亦難息。種種譬喻辭。演說唯一事。止此一事實。餘二卽非真。八萬四千藏。獨稱妙法幢。受持能信解。功德最無邊。曇翼大法師。親蒙普賢現。感應今古同。普德亦如是。

蓮生社約

世俗狃于賀生之說。每至誕辰。爭侈宴會。廣戕物命。因己之生。致彼之死。生者祈齡祝算。譙笑華堂。灰者剝腹抽腸。含悲沸鼎。愚癡背理。莫此爲尤。顛倒成風。習焉弗察。願求仁人長者。體萬類之同情。并告順子慈孫。思母難之應。度擬結蓮生之社。共植慈因。凡遇誕降之期。咸修淨業。或誦經。或禮懺。各量力以圓成。或齋僧。或放生。務隨緣而喜捨。勿以駒隙螢光。作如川如日之妄想。惟藉祖燈佛炬。示上品上生之南車。

交通公外集

卷之六

蓮生社約

七

凡我同心。弗論緇俗。倘肯欣然入社。乞書諱號。年庚。

夕照寺收埋骸骨回向文

大德垂慈。度盡衆生。爲本願。能仁顯用。來臨法會。以施權。惟茲老穉遺骸。丁年剩骼。暨夫含情異類。碎骨殘齒。皆因無量劫來。迷自本性。以致飄零六道。墜溺三途。劇苦殊殃。難可具說。弟子某等。痛念浮生之易逝。倘淪波趣。以何堪。敬邀三寶慈力。冀拯一切羣靈。所有某月分收過人畜骸骨。共計若干。今于某月某日。理合回向。特延淨德幾衆。誦某經幾部。禮某懺幾部。法師某人。虔修瑜伽教儀。施放焰口一壇。藉真言之密諦。仗妙觀之圓通。灑法味于大千。咸承甘露。登有情于十地。悉證菩提。仰願慈悲。俯憐攝受。謹疏。

交通公外集

卷之六

收埋骸骨回向文

七

懺生願文 有小引

生。曷。爲。乎。懺。也。懺。生。之。有。罪。也。生。曷。爲。有。罪。也。
無。罪。則。無。有。生。也。生。緣。罪。來。罪。因。生。集。生。死。循。
環。罪。墮。無。間。世。人。但。知。賀。生。不。知。懺。生。生。可。賀。
也。罪。可。賀。乎。爰。作。懺。生。願。文。告。之。同。志。

伏念流光易逝。龍驤莫追。大事難明。億劫未了。日去
一日。增卽減。因年短一年。樂是苦果。凡夫迷謬。妄冀
長齡。每遇誕期。爭相祝慶。親朋蟻聚。譙笑華堂。物命
駢羅。啣悲沸鼎。因生而致殺。顛倒成風。造業以祈年。

文通公外集

卷之六

懺生願文

七

愚癡無比。某欣聞佛法。痛世無常。九如諛耳。可愧可
慚。入苦嬰心。可悲可涕。值茲受生之誕。敢忘母難之
辰。敬集高流。虔修淨業。放諸生命。消冤對于抱識。含
靈宣佛洪名。懺罪障于今生。夙世從茲以往。誓結蓮
胎。願彼衆生。咸離苦海。

誕日禮懺願文

伏念流光易逝。雲驤莫追。大限猝逢。業山誰懺。與其
待一口氣不來。令兒孫乞憐于冥府。何如趁兩足猶
在地。仗已躬稽顙于

佛前。茲值誕辰。亟應懺悔。懺從前所有夙業。一懺永
不復留。悔向後所有新愆。一悔再不相續。敬以受生
之日。爰整渡死之航。誓結蓮胎。力超苦海。仰願
慈悲攝受。曷勝痛切。翹勤。

文通公外集

卷之六 誕日禮懺

七

金文通公外集卷之七目錄

吳江金之俊豈凡著

愚絕大師禪淨一燭頌

靈隱知浴寧一禪師頌

和明巖大師念佛十頌 附跋

和洞山初禪師十心頌

和普明禪師牧牛圖頌 原韻

文通公外集卷之七

目錄

一

四相頌

和聞谷師走馬燈偈 原韻

贈得實上人偈

贈映天上人偈

贈鶴松上人偈

贈得心上人偈

贈雪嶼上人偈

贈鏡清上人偈

贈紺目上人偈

贈本明上人偈

贈問普上人偈

贈彼旃禪師偈

贈夢有上人偈

贈微機上人偈

和端禪師十空偈

贈惺生上人偈

贈智生上人偈

贈寂空法師偈

文通公外集卷之七

目錄

二

贈慧恒上人偈

贈本愚上人偈

贈持菴偈

贈行仁偈

贈行邇偈

贈天慧上人偈

贈雨一上人偈

贈月門上人偈

贈心源上人偈 上人專修淨土

贈以靖上人偈

贈正句上人偈

贈冰心上人偈

贈悟明上人偈 時悟明正禮楞嚴

贈晦谷上人偈

贈笠峰上人偈 笠峰病時發願閱藏

贈比丘尼行馨偈

奉祝石公和尚七袞大慶偈

夢參天童偈

文通公外集卷之七 目錄

五

醫王偈

醫偈

醉偈

我相偈

迷家偈

到家偈

月偈 四首 附跋

證研禪師像讚

守愚禪師像讚

天印禪師像讚

虛菴和尚像讚

德宗和尚讚

蓮大師放生讚

金文通公外集卷之七 目錄終

文通公外集卷之七 目錄

四

金文通公外集卷之七

吳江金之俊豈凡若

愚絕大師禪淨一燭頌

稽首迦文惟我獨尊。不立禪名。亦泯淨相。只一事實。餘二非真。妄生分別。固墮魔外。着意融通。本分尤乖。良夜漫漫。靡由而口。一言衆言。牽衣落墊。惟愚絕師。創盡諸訛。獨指本原。佛亦不似。大哉一燭。圓照無方。是禪是淨。相逢故鄉。

金文通公外集卷之七

愚絕大師禪淨一燭頌

一

靈隱知浴寧一禪師頌

衆生本淨。浴箇什麼。既無可浴。知箇什麼。浴無所浴。知不用知。是名知浴。靈隱高足。

和明巖大師念佛十頌

未念

營營終日算無餘。夢裏尋緣萬事虛。枉把浮光駒影送。何曾繫念有須臾。

初念

乍提六字未精專。妄想紛飛霄漢懸。手口與心三作合。就中杆格詎能蠲。

攝念

志嚮彌陀雜未精。須將萬慮一澄清。心猿意馬牢拴

金文通公外集卷之七

和明巖大師念佛十頌

念佛十頌

二

住字字從今要認明。

切念

念聲不斷尚嫌疎。二六時中如護珠。生死關頭須看破。猛超劫海奮程途。

純念

密密綿綿無去來。虹飛電閃不聞雷。只知繩貫惟心訣。不管西方有寶臺。

任念

念熟猶如順水舟。濤翻浪湧亦安流。何曾着意施篙

擔任到中央快自由

悟念

從此了知念佛誰佛無定向念安之迷雲豁盡青天現方是本來全露時

寂念

念歸無念始超方山自高今水自長十世古今無起滅大千沙界盡承當

忘念

都除能所與斷常大地陽春遍界彰擲却數珠閒着

文通公外集

卷之七

和明巖大師
念佛十頌

主

口太虛雲過笑他忙

圓念

東土西方總一家何分彼岸與此涯登峰造極原平地自性蓮臺自湧花

附跋

雪道人德濟撰

明巖大師念佛十題竊比牧牛十題尤難頌也夫牧牛尚有人境形容念佛只貴一心不亂可不難乎其未念至初念二頌人皆可以效顰其攝念至

圓念八頌非到家人不能頌也今閱息翁十頌妙在無階級中權立階級前後次第不犯不及太過之病最妙念歸無念能所都除斷常俱泯到此欲覓念佛者了不可得何處更有苦樂染淨之境哉夫蓮宗之旨古今闡析已備然未見有此十頌如是精妙而徹悟圓融者也善哉息翁真到家人也我聞教中有大菩薩或現宰官身說法者誠哉是言可不信乎

文通公外集

卷之七

和明巖大師
念佛十頌

四

和洞山初禪師十心頌

心是春一鼓陽和萬象新。資生資始乾坤德。要除三毒最先喚。

其二

心是水濁惡紛投。寧受滓。或欲障之往西流。須臾障盡東還駛。

其三

心是火焦天灼地三塗果。惟有寒冰佛祖門。淨消煙燄蓮生朶。

文通公外集

卷之七

和洞山初禪師十心頌

五

其四

心是秤銖黍釐毫皆有定。那移輕重錯盤星。暗室鬼神來作證。

其五

心是尺短長寬窄難損益。毫髮稍欺亂準繩。沉淪萬劫堪痛惜。

其六

心是斗十升百合誰其咎。休教淺滿任情飲。積孽山高空自受。

其七

心是燈。燭暗指迷代月恒。只怕狂風來陡滅。茫茫前路踏春冰。

其八

心是鏡。具足光明是本性。界惹塵埃着力磨。須教垢盡恒沙映。

其九

心是道。葛直前行本浩浩。忽長荆榛塞路旁。出門是草幾時到。

文通公外集

卷之七

和洞山初禪師十心頌

六

其十

心是師。折攝狂徒時刻隨。忘懷着意非善教。凝然不動號尊師。

和普明禪師牧牛圖頌 原韻

未牧

狂心正熾任咆哮。觸步荆榛路轉遙。仇殺山童來管束。幾時回首憶根苗。

初調

鼻孔生來須用穿。從今切莫恕伊鞭。無端劣性千鈞重。好把芒繩儘力牽。

受制

漸加降伏懶奔馳。嚼水吞芻逐步隨。只恐狂風來谷口。芒繩緊捏敢言疲。

文通公外集

卷之七

和普明禪師
牧牛圖頌

七

回首

牽拴日久忽回頭。毛色漸移性亦柔。要識還家途不遠。綠楊堤畔且遲留。

馴伏

水碧雲濃古澗邊。相隨到此意悠然。斜陽欲動歸來好。撒手回看不用牽。

無碍

經年調御漸如如。着地安眠永不拘。放下鞭繩無一

事。數聲羌笛月明餘。

任運

信步踏來芳草中。不饑不渴綠陰茸。山童枉費閒心力。贏得藤蘿一枕濃。

相忘

人牛相看白雲中。爾既無求我亦同。擬議于今都斷絕。悠悠江水自流東。

獨照

原來剃得一身閒。雙手拍開到此間。了却萬緣無半

文通公外集

卷之七

和普明禪師
牧牛圖頌

八

點悄然已透末重關。

雙泯

人牛非有那尋踪。皓月澄秋萬里空。若問個中消息也。虛亭綠滿草叢叢。

四相頌

生

生老病死如轉軸。只因有生萬苦續。世人顛倒盡貪生。墮地嬰孩偏解哭。

又

十方圓應如輪軸。有生無生靡斷續。識得娘胎面目真。拍手高歌當痛哭。

老

髮變齒搖景漸衰。拔山氣力也難支。亦曾笑殺龍鍾

文通公外集

卷之七

四相頌

九

漢今日龍鍾却是誰。

又

七步周行無盛衰。天上天下我獨支。剎那送盡乾坤老。孩赤依然是阿誰。

病

四大本非堅固因。五衰到此苦相尋。岐黃百草空嘗遍。療得閻浮幾個人。

又

四百四病本無因。醫王空費老婆心。方便多門賣假

藥。原來哄盡自家人。

死

一氣不來兩眼閉。那分王侯與徒隸。無情閻老鐵肝腸。要把枯骸細算計。

又

因緣到時開眼閉。一切銷殞無餘地。來本無所去何從。髑髏堆裏饒活計。

文通公外集

卷之七

四相頌

十



和聞谷師走馬燈偈

原韻

爭向熱處挨身任人眼青眼白如駒過隙光陰一味
奔馳不輟個個英雄好漢迷却到頭時節直待燈燼
光寒管教一齊休歇。咦。是則是只怕到底跳不出這
圈子打破假合因緣方是動靜俱徹。

又

聞噓噓驅前擁後煖烘烘。星馳電走光燄燄輝筵洞
牖急波波時已戌。西咄着。你到黑漫漫時節還有個
主張兒行動一步否。

交通公外集

卷之七

和聞谷師
走馬燈偈

十一

了義
覺斯先生評

贈得實上人偈

一切世間無一非幻。六根四大和合成幻。幻起幻滅
同歸幻化。肉身法身總名為幻。有覺無覺均未離幻。
幻翳朗然非幻。不滅不滅現前是為得實。

贈映天上人偈

一切衆生無明染病顛倒昏迷。淪喪慧命般若菩提
皆人自性。自性光明。虛空同淨。回光返照。如日如鏡。
是名映天。雙融邪正。

贈鶴松上人偈

交通公外集

卷之七

贈偈

十一

雲間鶴。聳翮青霄。脫鼎鑊。嶺上松。盤根碧澗。傲虬龍。
世上孤高唯二物。有能兼之堪學佛。鶴巢松頂月明
中山河大地琉璃同。

贈得心上人偈

諸佛衆生唯是一心心不生滅。寥廓無垠六度萬行
燦然具陳。着相取境。背覺合塵。如來當體。歷劫難親。
欲求成佛。認取本真。無法可得。是名得心。

贈雪嶼上人偈

雪裏看山山更好。只因清淨無塵惱。寒光一片滿大

千獨坐茆菴聞道早。

千巖萬壑水晶中。徹底根塵淨洗空。此意誰人能理會。思惟坐斷接鴻濛。

贈鏡清上人偈

心如明鏡秀也。拈着本來無物。慧更開擴。垢或翳明。明體不削。千形萬象。到來畢灼。含光在內。體莫可摸。日爲赤輪。月有皓魄。惟鏡兼之。鏡清弗涸。

贈紺目上人偈

碧眼胡僧。翻天倒地。橫說豎說。都無實義。見性明了。

文通公外集

卷之七

贈偈

十三

單刀直刺。以心傳心。大圓鏡智。只有一實。更無餘二。性見覺明。周徧不置。是名紺目。如來授記。

贈本明上人偈

諸漏根本。無明爲因。緣有無明。三毒纏身。流浪生歟。永失性真。無明若滅。三界都泯。一切罪障。蕩滌無根。欲滅無明。不費苦辛。以本明故。直下超塵。

贈聞普上人偈

諸佛經典。我聞而傳。非關耳聽。聞性則圓。解甚深義。垂切萬千。耳根功德。千二百焉。入三摩地。聞思居先。

破多聞。惑圓通。乃全是名聞。普紹如來禪。

贈彼岸禪師偈

生歟海中。曠劫瀾漫。五葉花開。一刀截斷。說謊瞞天。坑殺好漢。理會得來。陽春冰泮。千七百則是案。非案提唱者誰。嵩山彼岸。

贈夢有上人偈

三界萬有。悠悠一夢。迷人執着。認有打閑。顛倒攀緣。淪溺可痛。智者疏觀。如夢不動。大夢大覺。太虛空洞。是名夢有。祖庭樑棟。

文通公外集

卷之七

贈偈

十四

贈徹機上人偈

徹機徹機。如何是機。如何方徹。若云古今尊宿。拈着拄杖。是機。豎起拂子。是機。則放下拄杖。收了拂子。時機向何處設施。若云伶俐衲僧。知道拄杖落處。是徹。會得拂子點處。是徹。則拄杖未曾落。拂子未曾點。處徹作麼生證取。今日大周特地。與汝道破。息機機存。大徹無徹。拄杖拂子。都用不着。放生池內。水汪汪無量。衆生歸極樂。是之謂徹機。

和端禪師十空偈

人生枉打算萬事水流東。田園和第宅。辭世一場空。

其二

多少英豪輩。浮名腐草同。韓彭與班馬。到頭一場空。

其三

丈夫爭意氣。我見最難融。四大崩離日。好勝一場空。

其四

兒孫初養育。愛護勝己躬。限到莫能替。好醜一場空。

其五

妻妾恩愛種。寢穴誓相同。生離或死別。緣盡一場空。

文通公外集

卷之七

贈偈

主

其六

根塵本假合。遂爲業垢叢。果報絲毫應。懊悔一場空。

其七

妄想生煩惱。火宅添薪同。回頭不及早。焦爛一場空。

其八

人身最難得。大地瓜土同。懶惰不學道。受生一場空。

其九

罪福總無相。執着如捕風。不達無相義。修習一場空。

其十

宗教門庭別。流歸大海同。自性不明了。施設一場空。

贈惺生上人偈

一切有情因迷受生。循環往復。因生轉迷。念彼迷人。本惺惺者。不緣生生。不緣生滅。無明障覆。如月遭蝕。障盡明現。常寂常惺。是名惺生。直證無生。

贈智生上人偈

有世間智。有出世智。世智螢光。性智日月。生不離智。智爲生消。無量煩惱。能障智故。住智慧山。斷煩惱種。世出世間。光明徧照。是名智生。四依中一。

文通公外集

卷之七

贈偈

主

贈寂空法師偈

心量廣大。猶如虛空。虛空不壞。億劫靡窮。情生智擾。真空乃蒙。在喧能寂。空涵性中。不着空見。是名寂空。雨大法雨。震旦之東。

贈慧恒上人偈

黃梅教人。自看智慧。一切衆生。具般若故。愚癡煩惱。障蔽慧根。如雲覆日。如夜失炬。認取自心。雲開夜旦。放大光明。恒沙照徧。是名慧恒。無明永斷。

贈本愚上人偈

多知多解。學人通病。返朴還真。認取自性。牆壁無殊。纔有把柄。昭昭靈靈。尚非究竟。無心三昧。光明四應。是謂本愚。續佛慧命。

贈持菴偈

佛號能持。經貴受持。或名持誦。或名持念。行住坐卧。繩貫珠聯。斷常能所。雪消冰泮。自最初發心。至究竟堅固。一持盡之。是名持菴。

贈行仁偈

諸佛菩薩。以慈爲本。慈無不至。號曰能仁。仁遠乎哉。

文通公外集

卷之七

贈偈

七

汝心卽是一念回光。佛菩薩等。是名行仁。憐憫一切。

贈行邇偈

教外別傳。秘密不越日用。現前離却喫飯穿衣。那討明心見性。咄欲踞妙高峰。行遠必自邇。是名行邇。毋忘授記。

贈天慧上人偈

世尊有言。奇哉衆生。具有如來智慧德相。此般若體。降生自天。無脩而脩。絕證而證。刻盡知解。掀翻白窠。孤露圓明。燭天鏡地。是名天慧。嗣如來禪。

贈雨一上人偈

釋迦四十九年來。未有一字曾說着。惹得西來雨。一花雷轟電掣。都成詭。

贈月門上人偈

西來直指還成曲。屈殺兒孫。叫覆盆。棒喝元來無箇事。紙窓生白月當門。

贈心源上人偈

上人專修淨土

心是本源。清淨佛。凡情聖境。咸除訖。有人識得心源者。始信本來無一物。

文通公外集

卷之七

贈偈

八

一自雲棲示寂後。唯心淨土。誰能透。卽心卽佛。肯無疑。便是大梅梅熟候。

贈以靖上人偈

森羅萬象。虛空景繁。聲雜色何。須屏六根不動。只疑然無用。干戈國以靖。

贈正句上人偈

三藏十二部。一千七百則。如何是有句。如何是無句。如何是有句中無句。如何是無句中有句。信口判得來。此之謂正句。

贈冰心上人偈

煩惱薪無明火。晝夜熾然。紅爐安坐。臘月三十。何處
避。止沸揚湯。到頭計左。西來直指。恁狼籍。爲拔衆
生出火宅。爭如無法。可指乎一片冰心。在玉壺。

贈悟明上人偈

時悟明正禮楞嚴

妙覺明性。妙明元心。人人具足。箇箇圓成。祇爭有迷
有悟。無分明與不明。一朝桶底脫落。滿天星斗全呈。
是謂悟明。長老認取。面目孃生。

贈晦谷上人偈

文通公外集

卷之七

贈偈

七

馬師具大機。大用守鈍。于磨磚香巖。能答十答百。甘
心乎學圃。學道之士。有能韜光如晦。涵虛若谷。始得
祖意者矣。偈以頌之。日光含萬象。寧辭晦。響應千聲
唯有谷。只今何處覓伊人。淨土慈津隱晦谷。

贈笠峰上人偈

笠峰病。數時發願。願藏

天目地。表形如笠。道人荷之。偏相習。休嗟一步未能
行。直向孤峰頂上立。教外別傳具教中。欲把大藏一
口吸。是之謂笠峰禪師。佛意祖意全透入。

贈比丘尼行馨偈

自性法身具五分香。回光返照。殊妙香幢。普薰三界。
滿布十方。愛河慾海。頓成康莊。癡情穢識。盡吐芬芳。
不越五漏。五香涵藏。是名行馨。清淨難量。

奉祝石公和尚七泰大慶偈

稽首古彌陀。乘願來震旦。將相所不能。俗緣一刀斷。
雲棲嫡血嗣。過量真好漢。平實顯門庭。宗教唯一貫。
棒喝不輕施。望之絕咩。吁。古希世人有。吾師難名贊。
須彌作壽山。虛空同不換。

夢參天童偈

文通公外集

卷之七

贈偈

七

海浩瀚兮嶽嵒嵒。宗風赤幟號天童。雷音震地起蟄
蟲。慧炬中天豁瞽矇。數載翹勤恨未逢。夢中投記如
親蒙。當機半句逗針鋒。明明歷歷主人翁。主人翁。醒
來依舊了無蹤。咄。夢者醒者誰別同。稽首四明大圓
宗。

醫王偈

世傳岐與黃。能嘗百草療生。不療死。治病難治老。
惟佛爲醫王。真懷濟世寶。不鍊長生丹。但證無生道。
世人若肯依。方行生老病死一齊掃。

醫偈

四百四病皆可醫。惟有實病最難治。見色聞聲總受傷。纔生一念成驚悸。非關內稟厚薄殊。亦非外感重輕異。大地山河悉病根。偏是家親尤作祟。須逢起死大醫王。空諸所有真良劑。

醉偈

世間多醉漢。非關飲酒故。醉利復醉名。醉色尤堪怖。沾着使昏迷。殺身亦不顧。一世無醒時。永劫尚未寤。欲求解醉方。須是盡情吐。

文通公外集

卷之七

贈偈

圭

我相偈

衆生溺生死。一我爲之根。我相如堅城。勁兵弗能摧。我相如怒潮。烈風不肯迴。惟有過量英靈漢。摧破堅城潮退走。廓然無我包虛空。截斷死生真好手。

迷家偈

錯認他鄉是我家。一生飄泊在天涯。經營費盡空勞碌。登登雲山路轉遐。

祖傳家業廣無邊。包裹虛空恁周圍。窮子只因貪火宅。千生百劫未曾還。

到家偈

滿目兒孫皆旅寓。故園望斷好傷懷。有人指點還家路。驀直前行更莫猜。

家中端坐主人翁。若不到家何日逢。火速回頭拋客舍。關河阻隔刹那通。

月偈

四首

一天如鏡涵羣象。照破恒沙萬影迷。任是浮雲時聚散。光華到處逗真機。

本來明妙義難宣。磨盡古今只自然。晦朔盈虧俱幻

文通公外集

卷之七

贈偈

圭

影一真恒朗。泯偏全。

輝天燭地體無方。從古迄今不覆藏。恨殺指頭多註脚。兒孫賺盡好悽惶。

一片圓明照大千。徧地生盲亦了然。可惜雙眸炯炯者。無端着屑昧光天。

附跋

雪道人德濟撰

余讀息翁月偈。句中無月月滿。句中可見心本是月。未悟心者。焉能洞曉月義。月不離心。未見月者。

又焉能還證心體。嗟彼世人。但見月影。未見真月。蓋真月者。原非凡肉眼見之。直須過量大人。頂門具眼。方許見此真月也。妙哉月偈。句句直指人心。字字發明真月。究竟覓心心不可得。指月月不可見。直饒心月兩無踪。纔是光明輝八極。後有閱者。幸勿作尋常偈語會。苟或不然。非惟不悟自心。亦不能見此真月。豈不當面錯過。辜負息翁不少乎。

證研禪師像讚

古栢蒼蒼。澗水汪汪。亘古及今。從無覆藏。佛祖到此。斷絕商量。惟我證研。出世舉揚。不棒不喝。萬法齊彰。掩關嘿坐。學者望洋。

守愚禪師像讚

手不捻數珠。而禪淨融。口不談因果。而夙命通。以一貝葉。載三藏十二部。而不滿毫端。以一爐香。薰三千大千界。而不滲毫端。我儀圖之。大智若愚。伊何高流。吉祥守愚。

天印禪師像讚

壽昌嫡嗣。石公授記。疾發過風。麗士圓機。奔流度刃。捷辯馬師。權說實說。熾然廣說。橫說豎說。一字不說。卽教卽宗。佛祖同風。無淨無禪。明星以前。向也佛日。重暉。今也鐵佛巍巍。

虛菴和尚像讚

亦有田園。亦有家室。火坑愛河。猛躍而出。非教非禪。一味老實。爲農爲工。勤苦無匹。這是阿誰。是個古佛。

德宗和尚讚

不披袈裟。冬夏一褐。不動拄杖。魔軍氣奪。津梁智愚。如救饑渴。悲憫幽顯。出手殺活。是法非法。一筆塗抹。本地風光。山高水濶。師乎師乎。西方真鉢。

蓮大師放生讚

云何有生。卽殺者是。云何有殺。卽生者。是不生。不殺。

文通公外集

卷之七

像讚

圭

不殺不生。生殺相循。刈草復苗。慈悲導師。權宜說法。未論無生。且勸莫殺。殺機全泯。生種斯拔。生旣無有。放亦何著。若云放生。一棒打殺。

金文通公外集卷之七終

金文通公外集卷之八目錄

吳江金之俊豈凡著

祖鵝湖大師一衲遮身原韻

有引

病起彷彿樂天自誨

自味

答客問

解客難

文通公外集

卷之八

目錄

一

二可歎

蠶歎

息齋四勸

戒八無益

十無益

拈古

金文通公外集卷之八目錄終

金文通公外集卷之八

吳江金之俊登凡著

祖鵝湖大師一衲遮身原韻

有引

余讀鵝湖養菴禪師集有一衲遮身十偈不覺
三復喟然人生世間屋廬以遮風雨而有時化
爲丘墟田園以遮饑寒而有時迭遭水旱各位
以遮門第而有時功成身退文章以遮固陋而
有時悲滅不傳甚而修鍊天仙以遮生老病歎
而有時報盡劫至還墮輪迴然則三界之內欲
求一安隱遮身之處畢竟不可得也有味哉鵝
湖之一衲乎因爲之和

一衲遮身百事荒垣頽壁破總無妨殘燈照遍恒沙
國半榻津梁極樂邦定裏渾忘苦色老峰頭祇見白
雲忙謀身莫訝山僧拙畏踐人間六月霜

一衲遮身百事新掀翻窠窟穩藏身大千世界全無
碍百尺竿頭斷却嗔生滅滅生呈幻影色空空色逗

元神了知賢聖無爲法雕雪鏤冰總是真

一衲遮身百事閑柴門竹徑自盤桓虎溪到處雲隨
步龍藏宣時石聽談坐斷十方成大歇無邊苦海任
狂瀾香臺夜半烟消後月影移來補衲殘

一衲遮身百事浮止餘領寶莫輕投歲時花落幾番
後世上人生半白頭大地山河終殞滅語言文字總
難留金剛四偈君知否那得歡娛那得愁

一衲遮身百事休閑揮塵尾逐雲遊十纏五惑從今
斷一鉢三衣不用謀佛法原無如是住衆生非有爲

文通公外集卷之八

詩

一

文通公外集卷之八

詩

二

誰愁但看數點斜陽動莫向桃林再放牛

一衲遮身百事無眠雲掃雪伴樵夫收來塵刹供彈
指捲却河山入畫圖戲論亡時除外道狂心歇處見
毘盧虛空瞥地成消殞半點浮漚在五湖

一衲遮身百事飄三登九上也逍遙愁城破盡江天
潤愛水乾時日月高費得草鞋錢幾個安然拄錫躡
層霄寄言利鎖名韁客莫把工夫浪裏陶

一衲遮身百事勾全拋大海更無憂黃金布地誰能
拾白骨成陵賊不偷剗盡新秧和舊業祇餘孤磬入

樵謳返觀不壞真如體一切有爲露電浮

一衲遮身百事完。藤牀穩坐倍幽閑。超諸有漏修非易。悟得無生證豈難。鳥語喧林當夜靜。溪流涌石到江關。菩提圓滿歸無得。惟有山花獻古巖。

一衲遮身百事忘。蒲團月滿好回光。根塵和合從他熱。能所雙除獨自涼。彼听到來知筏喻。主人無夢見珠囊。休將禪教生分別。華藏蓮胎一樣香。

文通公外集

卷之八

詩

三

病起彷彿白樂天自誨

古來七十稀。余年四十六。七十或可期。來日已苦速。二十四年間。光陰如轉軸。追前以思後。世事槩可燭。生計本來疎。宦情終未熟。富貴總逼人。享受良踴促。而况草上霜。修短杳難卜。只今一病餘。未老同枯木。到此不回頭。真可深痛哭。第宅寧吾廬。逆旅僅一宿。眷屬豈久依。棲鳥偶相簇。徒隸與王侯。到頭皆枯骨。嗜癯固秦豕。嗟窮亦癡鹿。身世兩俱空。胡爲自結束。刈愁如刈草。毋使斷還續。破妄猶破闇。須將慧炬曷。

文通公外集

卷之八

詩

四

啜食吾不甘。但辨饑時粥。重裘非所願。擁爐亦自煖。不餒又不寒。蕩然無可欲。嘿坐向空王。夢境忽有觸。夢醒還防夢。努力幸自勗。繇來聞道難。得少勿遽足。

自咏

非關賦骨貧。墨肥吾所耻。行藏式漁樵。性情諧鹿豕。
嘯歌林月間。卧起花園裏。萬事付飄風。一杯見真旨。

其二

北門任彼嗟。南軒我自適。風來花氣酣。雨過苔痕碧。
對客半逢僧。讀書惟手易。寸心天地寬。寧爲饑寒窄。

其三

秋來虛室裏。宛在深山中。溫飽非吾計。死生亦幻空。
數聲蕉葉雨。幾陣紙窓風。中有無窮意。誰余領畧同。

東通公外集 卷之八 詩

車

其四

效樂天咏慵體

我貌慵不澤。我心慵不役。權勢慵不趨。寧開貴人隙。
錢財慵不求。寧受室人謫。惟有頭上髮。未許慵不白。

其五

亦祿二千石。而瓶無貯粟。亦位監司長。而性能忍辱。
非無計謀生。非有心矯俗。但看草頭霜。儻然意已足。

答客問

有客問余曰。汝久矣佞佛逃禪。莫非信有因果乎。余
曰。信豈有因果而無也。又一客問余曰。我從來不信
因果。汝何所見而信。余曰。不信亦是原未嘗有因果
也。二客避席起曰。汝何說有因果。又說無因果。自相
矛盾至此也。余曰。否。說有因果。則真有說無因果。則
真無。余言皆是也。二客訝甚。還詰余曰。然則天堂地
獄畢竟是有是無。余曰。有天堂。有地獄。亦無天堂。亦
無地獄。二客轉訝甚。曰。是給吾輩也。既依三寶者。恐
交通公外集 卷之八 答客

六

不宜信口妄語也。余曰。否。非妄語也。子若沉酣經笥。
泥貫宗庫。不依經解義。又不離經一字。不守枯椿死。
又不沉豁達空。一踏直路。毘盧頂額上行。一踢踢翻。
千七百老窠。皆纔信我言。非妄語耳。二客嘿而退。

解客難

客有難大周者曰。汝謂極富極貴者人也。極貧極賤者亦人也。果爾。則保得富貴。免不得貧賤。又何美此富貴爲哉。大周曰。唯唯否否。要免貧賤。須從保有富貴中來。若趁此一生富貴。痛自猛省。免得千生百劫之貧賤。則其爲極富極貴也。更非止俯仰耳目間。可以罄其形容。讚美者矣。倘一失此富貴。則必換却皮囊。變却枯骸。卽欲長守貧賤而不可得。哀哉。興言及此。愈覺人之富貴。莫有過焉者矣。人生難得而易失。

支遁公外集

卷之人

解客難

七

佛言誠非謬也。客嘿然而止。

一可歎

大周曰。天與人兩目。任人觀古觀今。周覽無餘。原不教人看色看財。左右牽引。奈何不自愛其目。而一雙賽月明眸。滿着色財屑。遂至迷心滅性。永淪黑暗。一可歎也。天與人兩足。任人尋水尋山。逍遙自在。原不教人走名走利。晝夜奔忙。奈何不自愛其足。而一雙凌雲健履。深墜利名坑。遂至失命喪身。長受羈鎖。二可歎也。

蠶歎

支遁公外集

卷之人

可歎

九

喫了一餐又一餐。睡了一頓又一頓。飽食安眠。欲已盈。尋個結果。不踰寸竭。髓抽腸巧。萬般緊纏密縛。無門遁算。去算來算。自家鏤湯爐炭。阿誰恨。

息齋四勸

天下肯喫虧的人。最占便宜。勸你喫些虧好。
天下要便宜的人。到底喫虧。勸你便宜莫討。
天下最弄巧的人。常要犯拙。勸你儘巧勿使。
天下極守拙的人。每多湊巧。勸你養拙而已。

戒八無益

不說無益之言。

不行無益之事。

不用無益之心。

不看無益之書。

不交無益之友。

不聽無益之論。

不費無益之錢。

不爭無益之氣。

支通公外集

卷之八

戒無益

九

十無益

不明理讀書無益。

不愛民做官無益。

不積德求子無益。

不安命怨尤無益。

不畏天祀神無益。

不禁殺放生無益。

不戒得布施無益。

不濟人脩仙無益。

不平心念佛無益。

不見性參禪無益。

拈古

洞山解夏上堂云。秋初夏末。眾兄弟東去西去。直須向萬里無寸草處去。石霜云。何不道出門便是草。同安云。直饒不出門。亦是草漫漫地。

息齋云。不管東去西去。但得去便無草。

昔人問僧。魚豈不是以水爲命。曰。是。曰。爲甚麼却向水中死。僧無對。天龍機代云。是伊爲甚麼不向岸上死。

息齋云。只。因。水。裏。生。所。以。向。水。中。死。

支通公外集

卷之八

拈古

十

鏡清道新年頭佛法有。明教道新年頭佛法無。石屋道。道是有也。未必有。道是無也。未必無。

息齋云。若道有。不是新年頭有。從來未曾爛却佛法。若道無。不是新年頭無。從來未曾添出佛法。新年舊年。總是節外生枝。說有說無。均之畫蛇添足。

道吾問雲巖。大悲千手眼。那箇是正眼。巖曰。如人夜

間背手摸枕。

息齋云。何不道那箇不是正眼。

有人問投子。祖祖相傳。傳箇甚麼。投曰。老僧不解妄

語

息齋云傳箇不傳的

周金剛自造金剛經疏鈔自蜀出峽行至澧州路上向一婆子買油糍點心婆問大師車上是甚麼文字周云金剛經疏鈔婆云經中道過去心不可得現在心不可得未來心不可得大德要點那箇心周不能答蒙山異禪師說當時若下一喝大增意氣息齋云下一喝也是若某則不然須還問婆子你賣點那箇心的油糍

文通公外集

卷之八

拈古

十一

台州六通院僧欲渡船有人問既是六通爲甚麼假船無對天台韶代云不欲驚衆

息齋云惟是六通所以船也通得

有人問僧點甚麼燈曰長明燈曰甚麼時點曰去年點曰長明何在無對

息齋云汝不見長明燈麼

泗州塔頭侍者及時鎖門有人問既是三界大師爲甚麼被弟子鎖侍者無對法眼代云弟子鎖大師鎖法燈代云還我鎖匙來又老宿代云吉州鎖虔州鎖

息齋云你若鎖得虛空住我也鎖得大師住

韶國師道通圓峰頂不是人間心外無法滿目青山密雲和尚道通圓峰頂別是人間只緣不薦錯認青山

息齋云通圓峰頂無異人間未曾移易絲毫許年年歲歲此青山

偃臺感山王到圓通院相看第一座問曰圓通無路山王爭得到來無對歸宗柔代云不期又得相見息齋云圓通若有路山王爭得到來

文通公外集

卷之八

拈古

十二

有僧入冥見地藏菩薩地藏問你平生修何業僧曰念法華經曰止止不須說我法妙難思爲是說是不說僧無對歸宗代云此回歸去敢請流通息齋云忒煞說盡了

聖僧像被漏滴有人問既是聖僧爲甚麼有漏天台韶代云無漏不是聖僧

息齋云聖僧須要漏盡

鷄子趨鷄子飛向佛前欄干上鷄有人問僧一切衆生在佛影中常安常樂鷄子見佛爲甚麼却鷄無對

法燈代云。怕佛。

息齋云。正是安樂處。

僧朝宋太宗。問僧甚處來。曰。廬山卧雲菴。曰。朕聞卧雲深處。不朝天。因甚。到此無對。雪竇代云。難逃至化。息齋代云。卧雲無處不朝天。

宋太宗嘗夢神人報曰。請陛下發菩提心。因早朝。宣問左右。街菩提心作麼生發。無對。雪竇代云。實謂今古罕聞。

息齋代云。已發菩提心竟。

文通公外集

卷之人

拈古

圭

宋太宗幸開寶塔。問卿是甚人。曰。塔主。曰。朕之塔。因甚卿作主。無對。雪竇代云。闔國咸知。

息齋代云。誰教陛下不作主。

有僧到曹溪。守衣鉢。僧提起衣。曰。此是大庾嶺頭提不起底。曰。爲甚麼在上座手裏。無對。雲門云。彼此不了。又云。將謂是師子兒。

息齋代云。大庾嶺頭提不起。所以特特來提起。

昔高麗國來錢塘。刻觀音聖像。及舁上船。竟不能動。因請入明州開元寺供養。後有設問。無刹不現身。聖

像爲甚麼不去高麗國。長慶稜代云。現身雖普。觀相生偏。法眼別云。識得觀音未。

息齋代云。正是無刹不現身。

有偈曰。五蘊山頭一段空。同門出入不相逢。無量劫來賃屋住。到頭不識主人公。有老宿代云。既不識他。當初問甚麼人賃。

息齋代云。若識得主人公。又何須賃屋住。

有僧持鉢到長者家。偶爲犬傷。長者指袈裟曰。龍披一縷金翅不吞。大師全披法服。爲甚却被狗咬。

文通公外集

卷之人

拈古

南

息齋代云。因披法服。所以却被狗咬。

宋太宗幸相國寺。問看經僧。曰。是甚麼經。曰。仁王經。曰。既是寡人經。因甚却在卿手裏。無對。雪竇代云。皇天無親。惟德是輔。

息齋代云。若不是仁王經。焉得在山僧手裏。

僧入對次。奏曰。陛下還記麼。曰。甚處相見來。曰。靈山一別。直至如今。曰。以何爲驗。無對。雪竇代云。貧道得得而來。

息齋代云。以如今爲驗。

先淨照禪師問楞嚴大師經中道若能轉物卽同如來若被物轉卽名凡夫祇如昇元閣作麼生轉汾陽代云彼此老大

息齋代云八仙過海各使神通

廣南有僧住菴國主出獵人報菴主大王來請起曰非但大王佛來亦不起王問佛豈不是汝師師曰是

王曰見師爲甚麼不起無對法眼代云未足酬恩

息齋代云師也是佛

有官人入鎮州天王院觀神像因問院主曰此是何

文通公外集

卷之八

拈古

五

功德曰護國天王曰祇護此國徧護餘國曰在秦爲秦在楚爲楚曰臘月二十九日打破鎮州城天王向甚麼處去主無對

息齋代云天王在

有道流在佛前背坐僧曰道士莫背佛道流曰大德本教中道佛身充滿于法界向甚麼處坐得僧無對

法眼代云識得汝

息齋代云只向不肯處坐

有施主婦人入院行衆僧隨年錢僧云聖僧前着一

分婦人曰聖僧年多少無對法眼代云心期滿處卽知

息齋代云隨意着多少

有僧與童子經了令持經着函內童子曰某甲念

底着向那裏法燈代云汝念甚麼經

息齋代云汝不知着處麼咄

或問僧承聞大德講得肇論是否曰不敢曰肇論有物不遷義是否曰是或人遂以茶盞就地撲破曰這

箇是遷不遷無對法眼代撫掌三下

文通公外集

卷之八

拈古

六

息齋代云不遷

宋太宗朝京寺回祿藏經殿僧乞宣賜召問昔日摩騰不燒如今爲甚却燒無對雪竇代云陛下不忘付囑

息齋代云如今却也不曾燒

官人問僧名甚麼曰無棟官人曰忽然將一碗沙與上座作麼生曰謝官人供養法眼別云此猶是棟底

息齋進云畢竟以何爲供養始與無棟相應有樹皆

敷葉無山不吐雲。

石屋禪師曰。寒山曾有言。吾心似秋月。我亦曾有言。吾心勝秋月。秋月非不明。有圓復有缺。安得如我心。圓明常皎潔。有問心如何。教我如何說。

大周曰。我亦曾有言。心月二無別。似則屬比擬。勝豈分優劣。圓時固皎潔。缺亦明不滅。有問心如何。舉頭看秋月。

大淨禪師曰。若道法皆如幻。有造諸過惡。應無咎云。何所作業。不忘而藉佛慈興接誘。

文通公外集卷之八 拈古

大周答曰。幻福幻業俱幻造。福報業報盡幻報。諸佛慈誘亦幻導。幻難具說。總幻號。要知非幻。義無與巨。古及今恒浩浩。

宋孝宗問天竺僧云。既是飛來峰。何不飛去。答曰。一動不如一靜。

大周拈云。得任且任。何分動靜。

又問觀音手中數珠念甚。答曰。念觀世音菩薩。又問。自念自號作甚。答曰。求人不如求己。

大周拈云。不是求己。還是勸人。

誌公云。人言斑鳩拙。我道斑鳩巧。一根兩根柴。便是營生了。

大周拈云。公道斑鳩巧。我嘆斑鳩拙。營生能幾時。搬柴枉周折。

古德云。如來一切法。除我一切心。我無一切心。何須一切法。

大周拈云。如來一切法。卽我一切心。明我一切心。便了一切法。

金文通集二十卷

湖北巡撫採進本

國朝金之俊撰之俊字豈凡吳江人前明萬厯己未

進士入

國朝官至中和殿大學士文通其謚也之俊爲茅坤

外孫故其文摹仿唐宋一遵坤法又與陳名夏相

善凡有所作大抵名夏定之見於自序甚詳

陋軒詩一卷

〔清〕吳嘉紀撰

中國科學院圖書館藏清康熙元年賴古堂

堂刻本

附《四庫全書總目·陋軒詩四

卷》提要

吳楚人陋軒詩序



陋軒

余己丑過廣陵與汪子舟次交舟次每以
制舉業相質時季甚少未嘗見其爲詩也
越十三年余復至廣陵見舟次詩而詩又
甚工余驚詢之舟次曰東海有吳賓賢者
善爲詩余與之遊同學詩愧不追也後每
見輒言賓賢賓賢不置若惟恐余不知有
陋軒詩序

一 賴古堂藏

賓賢者且曰賓賢每把先生詩勿、不自
禁淚輒落、下每札至輒詢得先生新詩
不聞先生寄余詩則急錄之去聞先生近
帙至則倉皇大索若追余通負者先生微
事急則向子曰安得雲中舒金色臂援周
先生使不死再見其三疑詩先生固不屑
與人同調而工時發虞仲翔之嘆以予論

若賓賢者可謂先生同調亦不可謂不知先生者矣因出其手錄陋軒詩一帙示余讀之心忤：動已又見其寄舟次札子有夕陽殘照于時寧幾之語則不禁懷心欲絕謂賓賢常恐不及見余：倅返今乃有不及見賓賢之感與急賦一詩寄之及退而語廣陵人則絕不知有賓賢者鍾山

陋軒詩序

上 類古堂集

龔野遺曰具賓賢家東海東海盡人擁高資家不蓄書間有書輒以覆瓿或以批牢盆賓賢居陋軒環堵不蔽自號楚人楚人每晨起緝書枯坐少頃起立徐步搯不逮疾書已復細吟或大聲誦：已復書或竟日苦思數含毫不下又嘗病咯血血竭髣髴體健：骨立終亦不廢如是者終季

歲里人相與笑之曰若何為者若不養素而固食淡數指目以為怪物楚人終不之顧東海盡舊有分司使者署一使者至詢此間有能文士否屬胥對曰其不識能文士何等也見有手一編向之絮語忽作盤十字欣：自以為得意或者其是乎使者則急請之見數請數辟去辟之不得強與

陋軒詩序

類古堂集

之見：則大悅以為真能文士：固無出其右者東海人羣異之以為是淡食若固可與長吏揖耶自是望楚人若不及漸有過其廬者楚人終閉戶不與之接嗟乎賓賢如是耶不且夕死其終死于陋軒必矣因彙其前後之作刻為陋軒詩余受紫人昇州具介茲曰讀楚人詩想見此老：予

海濱空牆落日橫眉索句路人作鬼骸
唧唧揄時昔宋登春見謝榛詩嘆曰何乃
津、諛貴巧活展賓賢詩竟卷如入冰雪
窖中使人冷畏嗟乎介茲數言可序墊人
詩矣舟次名楫賓賢名嘉紀舟次別有集
賓賢是集行世會有知之者獨分司其地
者能物色墊人當非俗吏而忘詢其姓氏
陋軒詩序

卷古集

惜哉

康熙元年歲次壬寅陽月櫟下同學周亮

工題于賴古堂



序

天都同學弟方一煌撰

曩余在故鄉則慕程先生孟陽孟陽詩名籍甚尤
盛於虞山嚶城間當時士大夫爭慕之孟陽顧經
硜自好終其世未嘗事請謁也來東海則慕吳處
士墊人墊人生斥適之鄉且當戎馬紛紜時江南
名流及當世賢公卿知之者少然而墊人居污賤
不羞困饑寒不戚戚古屋半頽斷垣不補墊人終

陋軒詩序

一

日哦其間妻子饑欲死若不聞知或以非義餽墊
人深耻之之二子者其清風高節皆不可及矣而
墊人爲尤難蓋孟陽生盛時墊人處亂日孟陽雖
貧猶有錢宗伯家給諫客之墊人則海陬窮壤無
足爲其主人者矧孟陽居吳中久矣與一時名賢
相酬倡甚衆墊人則戶以内皆漁樵戶以外皆估
人子碌碌無可與語余故曰墊人尤難也且夫詩
之爲道難言矣有必欲高貴流之意則怪有必欲

就時流之意則卑有必欲去古人而遠之之意則
荒有必欲即古人而近之之意則又泥且也饑寒
之憂妻子之累貴勢之慕聲色之好疾病患難身
名性命穀者苟一未忘皆不可言詩而楚人則舉
是數者而並忘之而一其精神性命於詩故所入
之思與所造之境若一一俱人意之所必不及而
又若俱人之所欲言驟遇之若多有所未安深思
之又俱以為不可易以為漢魏而非漢魏也以為

西軒詩序

二

初盛而非初盛也以為中晚而非中晚也若楚人
者豈天授然歟抑神明至而變化生歟嗟乎孟陽
之渾厚充爽楚人之秀動深渺要其至則一而已
然二子之詩之所以至乎是則其入為之也余從
孟陽游時甚少恨當時不深知詩近始稍稍有意
於是而孟陽沒廿載餘矣今余之失意不聊飄泊
於東海窮海之上而得時時追隨楚人于不得之
孟陽者將盡得之楚人于幸矣夫楚人名嘉紀字

賓賢楚人其別字云

黃山汪 揖撰

余知楚人自己亥九月始己亥江上震驚揚人傾
城走余時移家艾陵念虛中在東亭趣道視之至
則虛中手近詩一帙納余前俾余讀余交虛中三
年未聞虛中一言詩忽累累成帙心異之顧其詩
已丹黃徧下數行詫驚向虛中曰閱詩者誰耶余
不子異異閱詩者虛中翼然良久曰嗟乎楚人今

西軒詩序

三

遇知己矣楚人者東海處士吳嘉紀也余平生未
嘗一見楚人詩聞虛中言殊色動虛中復言楚人
性嚴冷窮餓自甘不與得意人往還所為詩古瘦
蒼峻如其性情東海距此地僅三十里歲不一二
至楚人固不易見即見楚人楚人亦不易合也余
默然久之詰旦楚人忽至兩人相見歡甚各為詩
詩成呼酒共醉酒盡復為詩如是者三日夜留連
低徊不忍別去余私念往與虛中言虛中殆私楚

人。楚人殊易合也。楚人夙有肺疾，恒不自惜，喜苦吟。近數年來，疾且甚，悔之，禁不得多作。然一詩成，必百里寄余，反復更訂，無慮數四。余嘗以小舫迎楚人，楚人輒為余來，抵掌論心，決旬累月，視東亭又將過之。然當熱客登筵，頽然自廢。楚人率落落無一可輒憶，虛中言虛中不予欺也。辛丑歲，周撫園先生在廣陵，見楚人詩，推為近代第一。復聞楚人病，心竊慮之，恐遂不及見。楚人屬余為書招之。

楚人詩序

汪

四

贈一詩附與俱往。余逆楚人，不肯為先生來，以先生情至，誼無容辭。且屬藁慰先生曰：楚人性固嚴冷，不易合。然見先生詩，或當忻然來。書達楚人，竟來。蓋楚人名不出戶，而先生詩走四方。楚人與余共論諸家詩，時先生方逮繫大廷。楚人於時已切切望先生事白，得時見先生近詩，固不意先生南還，亦為楚人悲惜如此也。先生既得見楚人，慮楚人死，益切語余曰：古之工為詩文者多矣，人情厭

近喜遠，其人不死，則著作不傳。楚人之人之遇之詩，皆可必其傳。其病又且幾於死，且以楚人詩亦必待其死而後傳。吾與子與，不知楚人者等耳。子其圖之。余唯唯。因即郵筒所寄寸牘片紙，彙次之。得百首，應先生命。先生欲及楚人之生，令天下知楚人百詩，何能盡。然剗剗非楚人志。百詩而傳，可以謝先生，亦可以謝楚人已。集成并以言。蓋以見楚人不易知。知野人者，初亦非偶然也。

楚人詩序

四

陋軒詩

海陵 吳嘉紀 著

五言古

懷汪舟次

勿勿一年盡，凜冽閉空館。愁至又逢夜，夜長歲期短。前日君遠來，乍使貧家暖。萍葉依藻絲，誰知易飄散。庭前梅花開，江山雪飛滿。

修葺破屋詩

雜詩

一

亂後存一廬，年久半傾圯。圯者不復問，存者還欲倚。老梅共橫斜，撐拒臨溪水。琴書不能惜，風雨歟無已。故舊憐我陋，贈糧令葺理。不暇搗入門，盡分與匠氏。仍缺石與木，明日賣一豕。紛然力作中，疲兒問老婢。官牘次第明，巷徑復委委。家人意頗貪，燈前相議擬。更欲典寒衣，構室於舊址。微笑謂家人，戶外寒方始。且留此隙地，以待春風起。我自荷一鋤，種菜栽門裏。

豁頭

豁頭有芳樹，垂葉秋尚碧。主人門館閒，偏反嘗自得。惡蟲何處來，張喙入我宅。皮毛如刀鋸，犯之痛終夕。延延潛陰底，恣啖弗暫息。食足生子孫，分據枝南北。侵攘若固有，俱忘身是客。須臾軀體肥，與樹同一色。樹悲不能言，形神但踟躕。供給漸難支，飢窘忽追迫。葉盡族類先，貪戾成狼籍。悔不身微時，留葉遲遲食。

鷓鴣復來

吾家有鷓鴣，好潔其毛羽。地僻懶求食，身閒或登樹。漸失禽鳥性，時雜兒女語。藏身偶不謹，他人攫之去。攫者定好事，且慕細調護。飲啄既有託，寧記舊棲處。相失况經年，自應等行路。早起茅檐下，俯仰看朝露。雙翼忽飛來，巧言復絮絮。見客始知避，無糧亦肯住。鄙哉貧主人，何常能厚遇。雞雞到陋巷，感君不忘故。

江虛中登故山最高峰失足而墜峰半值古
樹觸衣得不死諸子贈詩

世塗多嶮巖庸夫亦無數獨是奇男兒身同金石
固豈有避趨術良縣鬼神護黃山汪高士須眉朗
如曙七尺昂藏軀恥學兒女步杖履有餘適安危
隨所遇嘗聞在山巔忽為青苔誤直下一萬仞石
勢縱橫怒膚髮若相觸頃刻化煙霧誰知懸崖半
山靈變為樹身恰墜其上似鴉歸日暮四體竟無
處安身
傷觀者徒驚呼起來雲散盡明月照歸路

遠村吟

城郭兵火後見者傷蕭然吁嗟此遠村誰知尤可
憐居民落日下往往無炊煙不能支旦暮况頻遭
凶年土田嘉贈人宅舍時棄捐無處不榛艾有隣
皆烏鵲一二舊主人為人方種田

哭王太丹

有鳥飛海東首影兩相須中路失其群愴然向天

呼噫嘻更噫嘻與君結相於情性總無異別離常
有餘二年去白甸三年吳邨居十年虎墩客未遑
歸舊廬今季四十七忽喪蕭蕭軀有生苦隔絕永
隔將何如思君白甸時骨肉多艱虞俛仰無可向
荒塋自悲噓從茲抱深恨是君長齋初思君吳村
時水聲亂階除終日不見人浩浩斟一壺大醉起
作字酒氣絀上鉤是時在茆屋一幅雲煙圖思君
虎墩時朝對幾卷書夜對半庭月蒲團坐清虛耳
聽軒窗雨

題軒詩

目停往來木石無此枯思君虎墩時尋君未肯疎
風雨駕小艇霜雪策疲驢一月不過君此事從來
無居人數見者嘗聞笑我迂入門乍呼君君歡動
眉鬚親為設床席命婦煮瓜蔬十日五日留三更
二更俱不寐或不眠竹影滿身扶思君虎墩時懷
我天一隅每望東海樹哀吟忤歎吁燈照朝尋齋
宛轉歌嗚嗚幽情與深意理物任所驅蒼氣及老
致高岑莫能殊思君虎墩時送余歸里間行行已

分袂回首頻顧余還自上岡阜看我遠迴車思君
欲喪時危坐青瑣掩盡卻友朋贈賣書製衣襦意
念如冰雪俗塵寧得汚思君欲喪時七尺稜稜瘦
夕入聲款款曉出行徐徐兩句君左右殷勤進杯
盃交情今日了何忍離須臾思君未喪時遣我藥
與醺不留扶弱骨只憂故人痛故人即健在無君
安用乎思君未喪時同過市頭墟香醪方在手自
歎身欲徂再生願為僧寂棲深山隅不親世煙火

蘇軾詩

五

松陰數萬株又託我身後又自歎無嫌二月初九
日記得君語吾去此曾幾宵存歿倏異途星影暗
荒墅風聲亂啼鳥君辭海上去我在人間孤

疾風

黯黯滿天雲疾風來吹散隴上荷鋤農仰首言且
冀去年此時雨一夜三尺半禾稼盡沉波舟楫直
上圻力耕方苦潦轉盼忽憂旱烈日六十日是處
泉源斷里巷爭泥漿甕盎聚昏旦側聞山東蝗千

里遍羽翰指日到江南雙眼那忍看况復徵兵馬
擾擾正防亂

哭王水心

同里有四人異姓稱兄弟鄭僑急友難七尺早徇
義道人王衷丹肅默古松類學佛忽有得中歲謝
塵世論齒君最長羸軀寒憊憊顧影常自言大年
安可冀前日遠歸來為葬二親計二親不能葬長
嘆抱疴睡榻前無兒孫鐙中無藥餌骨枯流水傷

蘇軾詩

六

君復何人瘞風昔好苦吟溪上柴門閉一字不取
冷終夕弗肯寢垂老苦饑寒去覓刀錐利其術豈
不善不是腐儒事孤身宿逆族竟與匪人值蹣跚
岐路間華髮傷心髮八載走山川緇衣備勞瘁計
較平生日何處非失意憶昔歸來時蹤跡寄荒寺
親朋還隔絕故妻終擯棄余時方苦瘡聞之垂雙
淚扁舟遠迤尋沿村呼姓字踰垣君未忍出見茅
格際追隨甫半日草草又分袂回望相送處水濶

斜陽墜

送汪生

去年當此日君來叩我扉
今年當此日君來別我
歸歸山豈不樂對我轉歔歎
秋聲起哀柳村村正
落暉行子盡愁歎君身況單衣
念君客吾鄉顏色
常苦違兩人各有為未忍言是非
今夜江北雲明
夜江南飛南北不相顧寸心徒依依

贈蘇羽蒼

陋軒詩

白嶽汪恥人占籍古維揚
四方結交客首重蘇羽
蒼羽蒼家湖濱耕釣養高堂
此生遇賢母幸不以
孝彰歲晏訪汪生滿院梅花香
見我如舊識傾倒
鱗鬣傷意氣各有感端不為文章
臨別指瓶庵今
夜當聯床日暮竟不至寒月光茫茫

陋軒詩

海陵 吳嘉紀 著

七言古

捉魚行

茭草青青埜水明小船滿載鷓鴣行
鷓鴣欲翼欲下水只待漁翁口裏聲
船頭一聲魚鳧散啞啞齊
下波光亂中有雄者逢大魚吞者一半餘一半驚
起湖心三尺鱗幾雄爭搏能各伸煙破水飛天地

陋軒詩

黑須吏擊出秋湖濱小魚潛藏恨無穴
雌者一一從容啜漁翁舉篙引上船
倒出喉中片白雪雌雄
依舊腸腹空盡將美利讓漁翁
回首出沒爭奇處
腥氣空留碧浪中

破屋詩

構得數椽在溪北巷隘門卑亦自適
隣舍無絲窺我貧幾年全賴此四壁
壁老土柔力漸稀或傾或
頽不復立惡風點鼠恣來往牀席冷接青天色夢

裏常驚瓦礫聲。老妻夜夜勸修葺。昨夜朔風天上
號。忽然一陣落我室。我室壓倒存一半。其下兒女
聲。慄慄倉卒提攜出戶來。坐立霜中待朝日。日高
舉室喜重生。雖失棲遲期。不惜君不見。昔日巍巍
公與侯。朱門畫棟雲霞流。頃刻蓬蒿生第宅。身死
還為當世羞。何如野老斷垣欹柱下。骨肉因依無
所求。

義鶴行

五言詩

元

山寺高。塵市遙。皚皚兩鶴來為巢。巢成子生。異態
神竒。十日雨。千里水。遠去覓食。笑殺村豎。攀曳上
寺。潛以鵲卵易其子。卵破子出。雌鶴待餌。子出形
殊。雄鶴驚呼。飛飛且怒。疑雌暗私他。猜。東西南北
徧告其同類。去。寒日瘦。北風哀。同類四面來。瞋目
屬。且視且猜。無端紛紛逼迫。頃刻天穿地裂。可
憐雌。兮潔如玉。懷不得明。義不受辱。啄爛巢中。雌
自掛山頭木。雄見雌死。轉喚為啼。同類無賴。各返

南北東西。踽踽羶影。此夜孤棲。栖遲到曉。霜露徧
无。同類復來集。憎。率一雌鶴。云是新寡。雄不顧
去。四野。終身不雙。以報泉下。

七歌

吁嗟我父。沒廿年。一棺長寄他人田。田前碧蒿影
歷亂。田中白水聲潺湲。敝廬去此僅咫尺。陌上
歲無人跡。父在此中。兒在室。兒心堅忍。已成石。北
邙土貴黃金少。毛髮鬚髮余又老。世人賤老更羞

五言詩

十

貧。寸草有心向誰道。嗚呼一歌。兮歌音。寒乳鴉聲
苦。山月低。

又

嘗見里人稱母毒。投淚即思吾病母。母病歿。值
饑年。棺衣草草。何曾厚。憶我抱疴母在時。千里就
醫。不相離。顧我形容。恐難愈。涕洟落入手。中。康我
今。疾痛不暫歇。破廬人少。天欲雪。昔日食中。母淚
多。今日病裏。晨炊絕。嗚呼三歌。兮悲思長。孤身無

倚荒風涼

又

叔兄昏夜行間里突遇惡少推擊死有冤難向公
庭理可憐伯兄勸不起伯兄一櫬倚南莊叔兄一
櫬州城傍兩兄白骨亦難聚安望先生同一鄉屈
指我兄昔有四出入因依今少二海內誰為擊筑
人懷裏空存不平事嗚呼三歌兮淚縱橫寶刀為
我床頭鳴

題新詩

士

又

寒鴉偏叫四兄室四十獨宿到五十中夜擁絮身
苦醒不恨日出恨月出二兄垂老更多疾歲餘門
衰千慮集黃金錯買里人田白頭難覓忘憂術幾
人索遺幾催科中庭雜沓無虛日嗚呼四歌兮歌
傷復半行鴻影啼殘陽

又

夫沒三月兒出腹我妹心苦無人告四體饑困不

得乳兒哭母哭聲滿屋紐續一日得十錢手作口
哺三四年昨夜燈前初學語向舅呼爺音楚楚兒
語翻令阿母悲急掩兒口淚如雨嗚呼五歌兮雨
霏霏孤燕將雛何處飛

又

朝尋道人夜臺去王劍為僧身亦施故里知音今
有誰荷鋤樊上王老子老子田園亂後荒閉門絕
客卧米霜他年期我數晨夕賴有江南三四客或
儒或賈或賣卜幾詩歌嘯同一席嗚呼六歌兮歌
唏噓篋中空滿知交書

又

彼蒼不知窮檐苦生我稚子四且五嗷嗷一室仰
病父父病不咻何處取大者始識父子禮幾日畏
隣饑不語小者就學塾師前六月披裘無俸錢暮
歸向母怒索食阿母枯似父顏色昨夜秋來愁不
眠蟋蟀牀頭聲唧唧嗚呼七歌兮歌淒涼出門棘

刺牽衣裳

賣硯行

夫子傲岸坐虛牖友生遺贈俱不受匣中一片端
谿硯托我換錢治身後何曾頃刻離袖懷今日携
出朝尋齊朝尋憶昔明寒燈兩人一硯為三朋或
語或默各窈窕此坐彼卧同嶢嶢豈知夫子病云
劇不求諸人求諸石市廛持去尋知音齊道不若
黃金色昨夜歸來逢一翁欲購又值囊中空撫弄

車轡詩

七

珍惜不去手竟日面赤徒相從節近清明連雨多
冷門不復有賓過硯依主人堅似昔主人欲去將
奈何

隣女詩

芳蘭深谷中將開忽自落不向風光耀不受風輕
薄於戲溪上隣翁家阿女彷彿幽蘭花卓然塵中
立志氣恥同人世趨繁華芳春荏苒二十後命苦
一朝喪阿母母歿悲母旋自悲自悲許作蕩子婦

蕩子儀顏亦有光豈料逝水為心腸似倚少年隨
伴出不商不賈走四方飄零竟勿思鄉曲同中年
紀二十六綠窗一樹淒雙鳥夜夜烏聲傷獨宿候
傳昨宵返故里白髮紛亂阿父喜逝水誰知不戀
源天明又束舊行李阿父看畢入門悲泣曰吾女
將安之中夜徘徊呼女語女已抱病眠空帷門外
阿叔問訊至遙遙弱質徐徐出盈盈容貌冉冉儀
垂垂羅帶玲玲珮向叔塞默首垂低阿叔相顧懷

西軒詩

古

悽悽怨謂吾家女如此那堪去為蕩子妻惆悵還
房涕自語從今不得依老父缺月不明風氣寒竟
起自經堅閉戶其夕阿兄共一庭聞聲急起救復
醒阿嫂在旁淚如瀉慙慙餉食晨且夜解顏接嫂
若平生嫂去寔食佳牀下心知前路漸不吉暗數
不食到七日盈盤清水自沐軀鴉髻雲髻還頻櫛
櫛沐既罷日欲曛悉出箱籠衣與裙願留微物表
衷懷女伴一一為區分獨有明珠一百顆身前身

後應隨我。絳絲親綴雙珠鞋。五十在右五十在。秋
成形影宛若。偶。家人驚悲哭滿前。危坐奄然目俄
瞑。阿父號呼尤可憐。東隣盡來營殯具。西隣皆為
營葬去。共覓幽村空水間。安寘娉婷貞女墓。蕩子
出門不肯歸。墓上孤雲皎皎飛。

贈孫豹人

有明風雅推西秦。前有空同後豹人。空同直道事
天子。諫諍不顧宵小嗔。男兒抱才復得志。進退榮

陋軒詩

生

辱懷俱伸。豹人生也獨不辰。匝地兵荒二十春。奇
士落落淪草莽。關河相對長酸辛。詩紀甲子身去
國。紫桑出處杜陵貧。遊越遊吳髮盡白。無聊又卜
邗江宅。客慕虛名剝啄頻。披衣欲出還感頻。車馬
紛紛徒汎愛。妻兒依舊炊無食。廿四橋頭鼓角悲。
董相祠前秋。日夕我曾曳杖叩蓬門。香醪共就蕉
陰碧。微醉顏熱忽不懌。呼予軟語淚沾臆。從遊亦
松是幾時。我輩衰顏真可惜。

王太丹死不能葬。吳次巖江次朗贈金為殯。
喪感泣賦此。

朝尋齊外鳥號木。人跡不到如窮谷。中有老友王
太丹。長卧日對蕭蕭竹。故鄉故人吳賓賢。時一慟
哭來齊前。客問哭何為。哭我老友不能歸。妻子就
食去。老友將與他鄉孤。兔蒿萊相因。依哭聲遠傳。
赤岬鄉。吳子次巖中夜獨起。心傷惶。不重黃金重
白骨。一緘百里忽奇將。汪子次朗同心侶。車過朝

陋軒詩

次

尋腹悲楚。可憐西風雨雪天。袖底餘錢皆可與。吁。
嗟乎。次巖。從未一識王太丹。太丹平生友。且為雲
為雨。况身歿已久。安能戚戚戀戀。遙相關。吁。嗟乎。
次朗子情何深。意何迫。不教朋友死。為客憶昔子
友曹僧白。僧白歿。寄邗江。陌子出金錢。贈其兒。使
得速埋山中石。至今山中未死者。稱子義俠猶籍
籍。吁。嗟乎。賓賢不能葬。友徒愀然。若非二子。交胡
繇全。始信兄弟多在四海間。吁。嗟乎。太丹今就舊

山高低榛影白左右溪流寒詩竟月下來長夜方漫漫

江邊行

江邊士卒聚如瓦防敵用船不用馬督責有司代大木符牒紛紛朝暮下中使嚴威震舊京軍令還愁不奉行親點將軍六七十帥卒各向江南程江南誰家不種木到門先索酒與肉主人有兒賣不暇供給那能饜其欲老松古栢運忽促精覓半夜

杜軒詩

宋

深山哭一一皆題上用字樹樹運教運出谷出谷到江塗幾千將軍騎馬竟先還家貲破盡費難足衆卒仍需常例錢道路悲號不住口槎枒亂集成山阜一朝舟楫滿沙汀只貴數多不貴精君不見揚州戰船六百隻輸盡民財乘不得寒潮寒冥韋花間日暮灘頭渡歸客

隣翁行

隣翁皓首出門去慟哭悔作造船匠伴無故舊囊

無錢此去前途欲誰倚聞道沿江防敵兵造船日夜聲丁下工師困憊不得歇張燈把炬波濤明監使還嫌工弗速如霜刀背鞭皮肉肉爛腸饑死無數拋却潮邊飽魚腹力役人稀大將嗔遠近嚴搜老及身眼看同輩皆亡盡孱軀那有生歸辰回望故鄉妻與子窮檐落木西風裏爨下連朝方斲炊柴門寂掩無人語本依微技瓦甕微技誰知喪一門君不見船成蕩漾人難出千檣萬櫓蘆灘住

杜軒詩

宋

增金急募駕舟人有司又派江南賦

朝雨下

朝雨下市頭薪絕冷添價貧老孳孳謀不暇暮下雨富兒漉酒招儔侶酒厚只愁身醉死雨不休暑天天與富家秋檐溜淙淙涼四座座中輕薄已披裘雨益大貧家未夕關門卧前日昨日三日餓至今門外無人過

九月四日懷雨臣

是日為雨臣四十誕辰

不見故山十二載前日始踏山村路村路咫尺不
暇歸萬里又向青徐去八月十七風颼颼聞君此
夜泊真州屈指數到君生日茫茫應在東海舟海
波無聲海山並左即如月坐前集豁然千頃耳目
開印招孤影呼四扣

淒風行 傷懷直也

淒風淅淅雨聲連晝暗如夜飛濕煙幾千萬家東
海邊六七十日無青天生計斷絕老人幸先就下

四軒詩

虎

泉孩提無襦長隨母眠阿母眠醒腹餒不得眠壯
者起望西隣西隣乞食塵市不復來還更望東隣
東隣八口閉門已十日門外青草春芊芊水響濺
濺鬼泣連連官長怒然分俸糴穀更日多勞苦勸
富戶各出糴穀金錢富戶踟躕聚議此戶彼戶一
斛兩斛商量捐

過江象賢寓齋看梅不值聞昨夜同方麗祖
理絃梅下

雨歇幽人出門去落落閒却老梅樹客來領此一
庭雲彷彿夢入西蹊路聞君偕友坐花陰彈出空
山風雨音餘音淒絕應難散我向亂枝深處尋日
暮階除歸凍雀主人不至庭漠漠參差花影上水
飛皆因昨夜絃催落

郝羽吉寄予宛陵棉布

洵上老人心悽悽歲暮無衣兒亂啼多年敗絮踏
已盡滿床骨肉賤如泥出門入門向誰告唯有朝

四軒詩

牛

風過破屋我友何繇知此情千里寄余布一束大
兒次兒意忽足小兒不復依晴旭老妻裁剪自矜
能還餘一端作翁服舉室形神從此舒燈下歡忻
忘食粥冰雪高眠已十年無端今日受君憐還期
偕我歸山去夢想不到風塵邊子婦朝織兒夜讀
兩人一來同畊田

風號呼行

風號呼吹黃沙吹滿東家又西家西家三四小兒

女日暮厨頭煙未起直待老翁糴粟歸一升粟換
一升水連年雨多五穀絕清泉甕底何曾缺今日
腸饑口復枯縱能耐饑難耐渴忽聞村北掘得泉
泥沙混混味如鹽月落河干曙星綵男婦爭汲影
簇簇我家稚子力弱身短不能前空搭歸來掩面
向牆哭

贈李生

李生三載客海濱寒暑跋涉唯救人仁術誰人不

陋軒詩

生

感動藥石何須及老身豐頤秀眉長在眼未嘗一
適李生館不識肝腸不妄交君既倔強予復懶聞
君思母海雲邊雪霜千里放歸船落葉依依戀根
本此時方信李生賢李生李生侍母前吾里瘡夷
殊可憐春風若更遊洵水結交當自來年始

訪周櫟園先生兼呈汪恥人

櫟公之寬一朝白懽呼聲滿長安陌暫時歸卧江
南春從遊獨重汪恥人恥人學大年更少與公與

我為同調聞我有疾眠清谿十日不能開口笑酒
酣離席向公云草野今將失此君櫟公不覺搔首
語世有此君胡未聞索詩一讀一長嘆其時鴉叫
寒宵分公悲轉令恥人喜貧病故人得知已即遣
蒼頭走雨風陋軒半夜扶予起跋涉舟車三百程
指日追隨公杖屨公既再生予未死俱到恥人雙
眼裏

風潮行

陋軒詩

生

辛丑七月十六夜夜半颶風聲怒號天地震動萬
物亂大海吹起三丈潮茆屋飛翻風捲去男婦哭
泣棲無處潮頭倏到似山摧牽兒負女驚尋路四
野飛騰那有路雨灑月黑蛟龍怒避潮墩作江底
泥范公堤上遊魚度悲哉東海煮鹽人爾輩家家
足苦辛頻年多雨鹽難煮寒宿草中饑食土壯者
流離棄故鄉灰塲蒿滿池無鹵招徠初蒙官長恩
稍有遺民歸舊樊海波忽促餘生去幾十百人歸

九原極目黯然煙火絕啾啾妖鳥叫黃昏

贈汪快士

快士有母在練水爾胡流落風塵裏技藝雖精不
救貧白眼俗人隨處是去秋重見葦花邊老夫姓
名石上鐫秦章漢篆何堅朴古人復作無能賢組
袍敝履自蕭然坐卧荒菴看暮天媿我久稱素心
侶贈君獨乏青銅錢終朝熟視徒為爾君今且上
姑蘇船姑蘇臺畔楓橋下賓朋來往多車馬君挾
西軒詩

陸

琴書遊此鄉從遊寧患知音寡得金糴米須寄親
莫愛奇窮如我者

剝栗行

吏胥昨夜去村西屋中剝栗如塵泥呼兒握栗出
易布商賈飽眼皆不顧一雁無侶聲嗷嗷老夫憫
悵歸荒郊今夜燈前炊一斗明夜床頭餘半缶朝
風依舊吹兩肘

過兵行

揚州城外遺民哭遺民一半無手足貪延殘息過
十年蔽寒始有數椽屋大兵忽說征南去萬馬馳
來如疾雨東隣踏地三歲兒西隣擄去雙鬟女女
泣母泣難相親城裏城外皆飛塵鼓角聲聞竟已
斷阿誰為訴管兵人令下養馬二十日官吏出謁
寒慄慄入郡沸騰曾幾時十家已燒九家室一時
草死木皆枯昨日有家今又無白髮夫妻地上坐
夜深同羨有巢鳥

西軒詩

曹

樊村紀遊

有序

江子象賢曙生郝子羽吉共浮一舟至荻門偕
余往樊村訪鴻寶兼就荷馬抵樊招鴻寶到悅
下放棹中流夕陽數點綠綺一片輕風與客俱
至花意悅懌乃命童子煮酒甫舉盃見邨南高
柳森立碧成世界更移舟尋路至柳下是時也
亂葉與蟬鳥共為一聲月漸出水濛濛蒼蒼絕
非人間境默酌久之雲盡波寬群動皆夢羽吉

起謳象賢引管絃佐之婉折頓挫令人忘情及
曉鴻寶復止諸子諸子亦無有欲返者是夕重
集柳下夜氣寒淡飲趣玄適較昨又將過之次
日始謀歸將歸曙生徘徊鴻寶知其為荷也命
童採贈一瓶瓶入舟因依花前且以葉代茗滿
飲花下三子命余賦詩

樊村新水添幾尺白首主人門外立客來不揖不
話舊無限清芬雙漿入隨流曲折行徐徐身開始

題軒詩

五

與白臨俱開樽痛飲飲飲醉溪香月皎心何如

管鮑篇呈汪舟次

賦詩鬢毛白世不知名字誰知衆人中得遇汪舟
次已亥來遊東海涯九月二十見余諱生平竟從
紙上出因詩與我成相知去冬過邗江訪君梅下
館館前米雪來往稀獨把陋軒詩一卷賞心真與
時流殊精論不恕老夫短老夫垂首忽自憐此身
若死已亥前篇章縱得逢同調不過異代相周旋

草白沙黃歲暮天窮途還愧費君錢知君不作感
恩語高義旋聞舉國傳君不見吳越詞人新句好
朝來嘖嘖揚州道上言今人吳與汪下言古人管
與鮑

吳爾世四十贈以詩

老烏山月中悲鳴啞啞思故雄雄去荒烟身不返
雌守舊巢腸欲斷風淒雨急誰相憐只有孤雛在
眼前拮据哺雛雛不餓今日雛較昨日大長成毛

題軒詩

五

羽飛出林不知老烏受幾辛苦到如今君不見豐
谿吳氏遺腹子今年四十母心喜

陋軒詩

海陵 吳嘉紀 著



五言律

自題陋軒

閉門二十載霜雪滿頭顱
治亂從當世簞瓢自老
夫空塔苔欲掩顏壁樹能扶
寥落無鄰舍乾坤此
室孤

懷吳後莊

陋軒詩

卷

海內諸兄弟吾憐吳後莊
負薪歌下里學稼養高
堂有疾還耽酒無求不出鄉
平山分手處木葉又
蒼蒼

僻壤

僻壤無春至安知春已殘
海雲千里黑塞鴈一聲
寒老去謀生拙時危作客難
直西是鄉路日日出
門看

偶成

颯颯風沙裏朝朝語笑稀
飄零幾鶴髮寒暑一鷄
衣肺病憎書卷鄉心對夕暉
妻兒守饑困定不怨
遲歸

摘扁豆

村舍盡逢秋貧翁何處求
一筐提戶裏百畝是牆
頭酒熟應堪佐朋來不更謀
餘花結未了風露正
悠悠

河邊廢塚

陋軒詩

卷

長眠誰可免念汝在河隅
泥土已摧盡兒孫應久
無方將憂陷溺豈暇辨賢愚
死後復飄泊人生多
此軀

九月桃花

已是蕭條候忽驚芳樹開
衰年那可對春色不時
來霽日故相照霜風未忍摧
花前有漁父莫漫放
舟回

送汪耳公

秦郵湖裏浪澎湃撼蒼天下第去為客西風獨放
船詩書成皓首妻子怨青氈徹夜蘆灘白哀鴻叫
可憐

落葉

枝上曾幾日夜來秋已終又隨天地意亂下戶庭
中不靜月斜處偏驚頭白翁何須怨搖落多事是
春風

豆棚

陋軒詩

元

僻巷無來往縱橫長豆藤陰森時倚杖實小預期
朋露氣清晨集蟲聲徹夜憑自慙非老圃蔬食入
秋增

寄吳公調

余去歲往淮時
公調尚客余里

昔日窮愁裏看余發舊林懸知遊子況尚在故人
心書去夢魂遠花開離別深啾啾啼綠樹求多愧
春禽

賣書記母

母歿憶今日余貧過昔時人間無樂歲地下共長
饑白水當花薦黃梁對雨炊莫言書寡效今已慰
哀思

懷曹僧白

久客復誰憐蒼蒼髮兩肩顏衰應伏酒囊破不宜
錢水月處高詠雪城中醉眠瓠居前後竹相待影
蕭然

同葉潑生飲江聲閣

陋軒集

辛

老友相逢後偕予郭外遊自沽幾瓶酒人借一間
樓江水春何濶寒山暮欲浮不愁歸路遠片月在
前洲

六朝松

聖盡古今雪還留最老柯鬼神聲下集日月影中
多懶逐春林茂閒憑野叟過幸生秦以後不辱此
巖阿

品外泉

晝夜寒光湧一亭皆混沌自存空谷味何用古人
嘗此日名仍掩深山影共涼鐘鳴僧出汲落月在
松篁

別郝羽吉

出城逢落日看我上歸艘離況有如此鄉心轉欲
降寒潮浮遠樹驟雨下空江今夕難成夢君應坐
竹窗

待吳後莊

陋軒詩

生

貧老難為客離群更若何城荒春氣冷門閉雨聲
多命子沾醺醺扶筇看薜蘿烟生庭欲暮雙屐可
來過

訪道閒上人

上人年七十寄跡古城隈花落客行少鐘殘門未
開此身能寂寞前日始歸來留我同趺坐斜陽在
薜蘿

聞鶯

海上無鶯汪子虛中讀書東亭初夏鶯忽鳴其
庭北古槐詩以紀異

東亭春去後始綠兩三槐下有靜人住能令黃鳥
來輕風當午善小室對晴開莫憚聲頻轉香醪正
滿杯

送吳雨臣

漠漠水煙裏看君一棹移愁連蒼海岸別到白頭
時離亂客何處平生人不知浮雲無定跡未敢問

陋軒詩

生

來期

集江曙生南城別墅

南城五株柳高士一家邨人跡隔溪水秋聲在草
門客來烹野菜自起倒清醪幾載離群恨燈前總
不言

送蘇公

人顏何可向久矣勸師行短杖又無定斜陽皆有
情從今尋一寺應不負餘生古渡暮分手蘆花伏

水明

汪虛中齋中喜晤汪舟次

尋女來敲戶逢君正念余何曾同旦暮偏肯愛樵
漁澤國梅開早荒齋月上初不須競投轄我僕已
停車

吳趾振齋中夜坐

歸來微醉在松影半堦斜我意欲危坐人間皆不
譚新霜生石壁落月入鄰家尚有殘燈火敲冰自

題軒詩

畫

煮茶

晏溪送汪虛中兼懷吳後莊

凜凜歲寒天送君歸舊川溪光浮佛舍塔影壓漁
船客路開雲外家山落炤邊不愁逢酒伴囊有賣
文錢

送孫無言令弟象五遊汝南

時無言仲君同行

未見詩書賤為商豈自輕欲稱真學者不敢後謀
生白月孤帆影黃河一鴈聲知君對猶子時有憶

兄情

新僕

語少身初賤竟傷家驟離饑寒今已免力役似忘
疲前輩親難憶新名答尚疑猶然是人子過小其
愁答 愁字一作輕字

遲汪虛中

曾指一園梅花時當再來臨溪高竹戶對月煮村
醅良夜今如此南枝已盡開寒鴉策何處不路陋

題軒詩

畫

軒苔

懷江象賢

邗江三月半孤客此時情病起家重憶愁來野自
行落花關外舫嬌女竹西簫無數繁華子春風送
出城

懷吳雨臣

漁樵曾有約何事又西東戎馬迂儒賤舟車吾道
窮鄉心生月下客淚落塵中松菊荒蕪久年年怨

轉蓬

谿翁

農子都憂旱，溪翁獨問天。不才生亂世，垂老遇凶年。草白成關塞，塵飛過阡陌。城中催賦吏，策馬到門前。

九月臘梅

步入山翁徑，老梅當戶幽。微芳隨菊放，殘葉為花留。不作一林雪，偏爭幾日秋。人間霜露遍，春在此

西軒詩

重

齋頭

天寧寺曉月

竟夜不能寐，數疑天已晨。披衣聞去鴈，出寺看歸人。埜外春霜白，城頭戍鼓新。冷冷曉月下，愧是遠遊身。

抵邗集汪恥人齋次韻答周元亮先生

力疾尋知己，霜風海岸長。艱難王子棹，羞澁杜陵囊。見面齊驚在，聞歌各自傷。羸軀真棄物，公獨愛

踈狂

又

歲暮東風裏，邗關處處花。更生人躑躅，半夜月橫斜。詩出皆悲感，杯深失嘆嗟。病夫不得醉，搔首怨琵琶。

元日

物物漸親類，村村皆向晨。東風今日到，老態一番新。處亂何妨賤，耽吟敢厭貧。柴門溪水外，慚愧訪

西軒詩

重

予人

寄程伯建

山水滇南勝，知君定憶予。十霜垂老別，三度隔年書。荒徼兵戈裏，遺民飢饉餘。此身方許國，莫謾羨鱸魚。

重遊邗上途中寄懷周櫟園先生

病裏又為客，登車聞曙雞。海明殘月上，野濶數星低。憶昔陰梅下，同君在竹西。來朝過舊館，碧草正

姜夔

五月初四夜

節至嘗愁嘆今宵天一涯荒風孤館樹急雨五更鴉老去病除酒夢中身在家幼兒依阿母頭戴石榴花

茉莉

深閨晚粧近爭開羅綺前微風過戶好亂雪炤人鮮種自宜南土根難到隔年比來烽火靜處處賣

鮑軒詩

逢

花船

楊蘭佩招同諸子舟泛

火雲蒸萬戶何處覓微涼柳樹隨堤曲荷花出郭香醉醒看過客老病入歡場一任笙歌亂清譚自野航

雨中移蕉謝孫八

孫八吟詩處離披盡綠蕉終年陰不散三伏暑全消念我同棲泊無人慰寂寥殷勤分數本恰值雨

蕭蕭

訪杜叟於天寧寺蔣生畱飲

風雨眠荒寺杜陵真可哀何能遣飢渴應不厭追陪廢地竹生遍開門花亂開酒人欲醉客自抱一罇來

鮑軒詩

東

陋軒詩

海陵 吳嘉紀 著

七言律

謁岳武穆祠

祠宇崔嵬俯一城。背人瞻拜淚縱橫。草荒石徑牛
羊氣。風急山門鼓角聲。河北當年輕與敵。中原今
日復誰爭。窗前歷歷江南岫。悵望徒傷野老情。

送孫無言歸黃山

陋軒詩

堯

故鄉亂後尚留松。久待山翁策短筇。幾畝薄田今
有主。一間茆屋在何峰。藥苗不歇衰年採。樵父多
於落日逢。我欲巾車來問訊。只愁處處白雲封。

南湖

野風吹樹樹可憐。遠村近村無人煙。好奇偏屬窮
途客。薄暮又在南湖船。亂鳥連翩下夕照。細泉淅
瀝遶秋田。平生哀樂殊多事。醉聽山鐘鳴曉天。

落日

忍別妻兒上小舟。鴈鴻中澤語啾啾。老人觸目多

如此。落日空囊何處遊。古樹經霜無碧葉。寒溪過

市有清流。幾時得伴田間叟。飽食高歌學飯牛。

客邗上送汪二舟次之龍岡

無數梅花開草堂。扁舟何事去天長。漁樵有約皆
良會。老病無依各異鄉。藥裹半囊為旅食。詩篇幾
帙是行裝。明朝見月齊相憶。君上龍岡我蜀岡。

舟中九日

陋軒詩

聖

佳節驚逢多病辰。強披敝褐向江津。殘秋風物悲
孤棹。故國蘼花怨主人。幾度登臨成老大。半生飄
泊喪精神。干戈滿地親朋遠。愁見茱萸刺眼新。

九月十五夜聞新鴈

亂水不喧風肅然。新鴻今夕到溪前。遠連衆影冷
穿露。各咽一聲秋滿天。月色中飛枯木葉。蘆花下
泊釣人船。又逢此地少禾黍。旅夜栖栖應自憐。

雨中移菊入屋

秋村酒熟重陽近。種種籬花宜聚看。稚子抱過三徑雨。白頭坐入幾層寒。燭燒深夜影隨亂。鐘進草堂聲不乾。尤幸橋西車馬少。銜杯獨對到開殘。

城閉不能出。汲邗濤汪舟次乞諸豆腐翁家得半甕。責茗供予喜賦。

故人憐我渴無賴。去汲邗濤逢閉城。贈出路傍殊可愧。擔來竹下有餘清。不愁旅夜衰年病。共對空齋落月晴。茆店此時鷄已咽。夫妻竟為罷謀生。

西軒詩

望

崇寧觀曉鐘

夜到五更通寂然。數聲清徹海濱天。殘燈剩影依顏舍。落月搖光作冷烟。群動未生塵市裏。何人還在夢魂邊。漫憐老懷無累。側枕聽來二十年。

內子生日

潦倒丘園二十秋。親炊葵藿慰余愁。絕無暇日臨青鏡。頻過凶年到白頭。海氣荒涼門鴈過。溪光搖蕩屋如舟。不能沽酒持相祝。依舊歸來向汝謀。

初聞蟲語懷陳啓俞

中宵酒醒夢亦罷。起來危坐還獨愁。雨殘猶見月了了。草濕忽有蟲啾啾。多年庭樹欲黃葉。去歲主人新白頭。此時故舊隔千里。那堪又值江山秋。

九月四日雨臣見過。是日雨臣初度。

俱是先朝戊日生。相知端不為同庚。黃塵戰伐無季代。白首漁樵此弟兄。鳥雀依人雙戶掩。茱萸傍節一溪晴。敝廬歲歲秋光好。莫厭頻來酒共傾。

西軒詩

望

答標下先生

窮冬高枕掩荒籬。標下先生寄我詩。遠問只愁身便死。憐才幾見淚沾頤。生多奇困寧無怨。老遇知音不厭遲。冰雪溪頭扶病起。為君珍重夕陽時。

陋軒詩

海陵 吳嘉紀 著

五言絕

稅完

又○輸盡甕中麥○稅完不受責○肌膚飽一朝○腸腹苦三

送貴客

曉寒送貴客○命我賦離別○豈止生米○霜歌聲不得

陋軒詩

聖

又○

夕鴈

青天開眼看雲影○落霜欄遠鴈追雲至○一聲林盡

離間詩

戶○日日暮歸○細將花影數○數到花開時○不傳出紫

又

半籬何哭兀○乃接松枝斜○松有霜○中籬不作霜○

陋軒詩

聖

陋軒詩

海陵 吳嘉紀 著

七言絕

虎墩山閣別葉澹生

西風瑟瑟作新寒
僮僕因依別亦難
若在樓頭窗
莫掩蘆花行盡我迴看

王鴻寶自樊邨摘荷花見贈

老友門前即水涯
輕風曙月採荷花
扁舟插遍身

陋軒詩

吳

眠入一路看花到我家

海上謠

兒童弄武范公堤
兵馬騰來踏作泥
無數鴈鵝哀
早夏年年變作野禽啼

又

場東早狹海氓房
六月煎鹽如在湯
走出門前炎
日裏偷閒一刻是乘涼

題伯鸞賃春園

同孫豹人汪虛中汪舟次吳
莊振分賦

回首長安不可還
夫妻食力到吳關
伯通廡下風
光好只恐年凶四體閒

題買臣負薪圖

終歲行歌陌上塵
丈夫本色擔頭薪
樵蕘到老君
無辱何必身榮駭婦人

題子房進履圖

大怒椎秦博浪中
壯心急遽笑英雄
人前雙履既
勤進喜殺橋頭黃石公

陋軒詩

吳

題文君當壚圖

聽罷清琴傍綠罇
如花麗色炤當門
臨卽日暮酒
徒散笑視夫君憤鼻禪

光緒甲午冬月廿五日
鑑下讀一通因識之

陋軒詩四卷

江蘇巡撫
採進本

國朝吳嘉紀撰嘉紀字野人泰州人泰州多以煮海
爲業嘉紀獨食貧吟咏屏處東海自名所居曰陋
軒因以名集其詩頗爲王士禎所稱後刊板散佚
此本乃其友人方干雲哀集重刻者也其詩風骨
頗遒運思亦復剴刻而生於明季遭逢荒亂不免
多怨咽之音

林左堂續集三卷

〔清〕孫致彌撰

中國科學院圖書館藏清乾隆刻本

附《四庫全書總目·林左堂詩

集六卷詞四卷續集三卷》提

要

重刻林左堂詩集序

我鄉松坪孫先生於前戊辰登巍科迨余幸南宮適花甲一周真前輩也余總角時曾識先生於里第以為天上人後稍知拈韻即奉林左堂集為拱壁知之最深歲已巳承乏少陵書院維時從遊士不遠千里先後至者數百文行之外顧名思義兼及詩歌未期月諸生進而問曰自弟子受教以來於文則宗八家於詩則宗少陵於

本朝則師王阮亭今時則有張南華阮亭出藍歷下

林左堂詩集序

不知南華之學亦有所自乎於我師為同里願聞其略余曰詩學豈易言哉就我鄉而論四先生外尚不下十餘種孰非家稷契而戶臯夔而其英綜眾流導乎先路者則莫如松坪先生矣因出林左堂集示之諸生復請其詳余曰河流九折也出碣石則彌雄王耀連城也孕藍田則更貴先生之詩氣韻沉鬱言其意表頗近謝康樂蘊藉脫落不染塵氛有類岑嘉州渢渢乎仙遊英英乎霞舉又善學李供奉至於格律嚴警雄深渾健則非少陵不可擬古詩俊逸如王子

晉向月吹鳳笙隨風抑揚聲在雲外今體澹宕猶長
安少年飲酒百華場中鶯歌蝶拍春風煦然樸人終
日傳杯而醉達旦不休詩人之趣至是亦可謂之不
凡矣蓋詩品貴高必天賦超軼之才具瀟灑出塵之
致有振衣千仞濯足萬里之概而後藻思不羣才備
矣取法欲上原本風雅及於楚騷兼乎漢魏式乎大
歷為之軌度宋元以下亦宜別之以授我裁成取法
得矣又必有穎悟絕特之資而濟以該博宏偉之學
察乎古今天人之變而通其洪纖動植之情然後足
以奔馳百氏而馳驟千里功加矣又必具溫厚和平
之養嚴莊凝重之度然後其音淳龐而雍和鏗鏘而
鏗豁亢戾消則氣象從容弇鄙去斯尊嚴典雅養優
矣處江湖之遠必得山川之助呼吸穆清吐納雲氣
凌萬頃之煙波登峭削之危巒氣勢恒連乎霄漢而
又有草木蟲魚之玩林樾蒼碧之瞻俾精神凝合物
我兩忘居廟堂之高覽乎城觀宮闕之壯陳綱布紀
之宜典物文章之美兵甲車乘之雄朝會燕享之盛
及乎郊社禘嘗鐘磬干戚之儀備斯數者然後可以

言詩矣置品不高負骨匪異其識必陋以卑師法不
古綺麗為工其音必靡而滯學之不充則師心自用
空疎寡當其辭必蕪而龐養之不遽則難言風度必
流於下里巴人無江山之勝則塵土之思膠擾蔽固
無以發揮其性靈鮮巖廊之觀則風雲月露之形固
屢漆林之礙其情必湮而鬱古之人所以擅一世之
名雖其格律有不同聲調有不齊未有不資乎此六
美者也而惟先生則兼之是固先南華而唱後阮亭
而和而實祖述乎少陵諸生有志吟咏舍是將奚取
則焉於是羣仰先生為少陵的派而杖左一編遽大
行於鄒魯間壬申秋先生之外孫悅嶺程君菟羅散
佚將彙付畝刪索序於余余竊謂初刻二冊南華堂
言其梗概而去取實定於朱君厚章大半皆先生少
時所作以為不必取名位進年壽崇為準的蓋厚章
所見多外間泛辭故有是語顧近日名公如杜雲川
樓西浦輩俱極口先生晚歲詩學益進雖率然應酬
遇方成珪遇圓成璧無一言可移置他人他事者今
欲信今傳後豈容登其堂不歷其奧窔耶因即以言

於諸生者書於其端而表重刻之意云

乾隆十八年四月望日同里後學秦倬拜書於山東
少陵書院

吾鄉勝國諸先輩多以古文辭著稱鮮有及韻語者
方其初王常宗徵士倡論排楊鐵崖學者始知文有
正派而其詩殆不可讀嘉隆以降唐叔達婁子柔李
長蘅徐汝廉四先生師法歸太僕檣柱王李頽波而
詩視常宗篇什亦稍富貞丈黃先生繼之可謂盛矣
要之精力盡於古文詩持縱筆而出蓋非其意所屬
也入

本朝於是陸繡隱張樸村孫松坪張匠門趙蒙泉張
南華六君子者相繼出或端攻詩或並治他藝然皆
彬彬具體與勝國先輩以詩為餘事者有異就六家
中求工莫如松坪先生左太冲有言曰發言為詩者
詠其所志也登高能賦者誦其所見也中有所志外
有所見而假於詩以鳴似若無取乎古人者然沈休
文叙次兩漢魏晉及南朝之詩人而總之以為體流
所始同祖風騷夫兩漢魏晉及南朝之善詩者亦不
過各寫其所志所見云爾於風騷何與而休文斷然
言之蓋古今之心一也中有所志外有所見而假於
詩以鳴迨夫造意鏤詞結體布格之既備而以繁諸

古人靡有不合者也若其本無所得而斤斤焉求離
合乎古人雖取徑不一而其失則均松坪先生之詩
枝條豐縟光澤鮮好徐而察焉則凡愉快悲憤其所
志者皆可考而知也凡平生經歷自山林而邊塞而
館閣其所見者皆可述而志也蓋根本自得而能多
師以為師譬若峰之釀蜜蜜成而不見有花信乎其
工而可傳矣先生初名翹夢人受致彌二字示之更
今名字愷似別自號松坪居士早以國子監生膺

聖祖特達之知奉使朝鮮賜一品服未受官遽歸年四

松坪先生集序

二

十餘成進士選入翰林坐事去官幾不測後得白終
侍讀學士集曰松左堂集別有未申集先生被難在
未申兩年故云今皆掇入全集又有梅泚詞別花餘
事詞衲琴詞先是趙先生三張先生集已刊行今先
生外孫程君宗傳復盡刻先生詩以傳於世而菊隱
先生集卷帙甚繁今里中雖有鈔本莫為刊布將就
堙沒斯文之有幸不幸豈不重可慨與予尤嘉程君
之志行有不同於流俗者故附著之

乾隆二十年歲在乙亥春季上巳後三日同里後學

王鳴盛頓首謹序時寓京師淨業湖南

松坪先生集序

三

秋左堂續集卷一

嘉定孫致彌愷

送使臣還天朝

神堯方御極仁聖有遺封東國稱箕子為仁聖化被東西海文

同大小共天書鸞並鵲使節虎兼龍峻秩勾陳將

高標太華峰通侯今博望謁者昔陳農共喜輶軒過

都捐扉履供屏絕餽遺供給撤懸知禮重以皇后輕幣恤

年凶國王私覲餽玉馬尋殘碣箕子金麟弔舊蹤

與堯同時在位二百餘年乘荒江餘鴨綠喬岳失青

松左堂續集卷一

松開城鵲頭山舊為松岳今已童矣篇什收韞譯歌謠采邛邛成風

煩斷鼻列宿見羅胸抱璞非和氏焦桐遇蔡邕散財

歸隱括大冶徧陶鎔琬琰奎章煥琳瑯御墨濃

時恭奉御製星虹光煜燦雲漢氣蔥龍仰見皇

御書以示彼猷遠能忘侯度恭驪歌何促迫騶唱肯從容駐王京佳八日

帝關行方近仙槎路莫從遙瞻天咫尺願學水朝

宗愧乏新羅錦因君獻九重

賦得花柳含丹日

上林深雨露麗日復中天纈蕊頻舒彩絲楊乍拂煙

陽和迴浩蕩卉木競芳妍願駐重光照長留禁籞前

其二

習蝶紅英密藏鴉碧縷深向陽俱得地就日共傾心的
樂薰妍影熹微閃綠陰春暉何以報寸草獨沈吟

詠夏

修景纏南陸離明紀祝融炎蒸移月令長養見天工
鼓偃昇平日絃調解愠風乘時惟火德平秩聖人功

松左堂續集卷一

其二

日長垂夏正時燠叶箕疇宣夜占朱鳥勾陳駕赤騶
峰奇雲屢變土潤雨徧稠聞道于苗處恩從扇暘流

其三

燧人鑽叅杏樂正合笙竽欲獻醴泉頌先傳雲漢圖
日應如趙盾雨恰憶夷吾詎假尋河朔炎威避玉壺

其四

幽土莎雞化陶廬草木長覆施天不倦發育物皆昌
日午耕耘苦風微殿閣涼恢台忘帝力隨地得義

皇

飲酒

軋軋鳴牀車葉葉搖酒旆多謝叢林人遠送新釀至
馨香羅牀頭涎流不可制車子作好語留醉新及第
咄嗟酒家傭使我發長喟我聞古酒人往往薄名位
但愛飲酒樂不慕僕射貴叔夜豈不達作吏此便廢
不幸如若言其苦乃不啻身作三日婦車中常閉置
偃僂謁達官磬折復屏氣時或持一卮終日百拜跪
矻矻窮晨昏何暇識酒味揮手謝斯人終宵不成寐

林聖俞集卷

五

捉鼻恐不免誤我麴蘖事凌晨聞撒棘幸不掛名字
科頭發大叫良復快我意且喫三年酒再應七篇試

其二

野人如山麋世味一何淺冠裳苦微纒林壑情繾綣
飢驅生理促長裾暫游衍依人銜泥燕果腹飲河鷄
所欣幸舍門正直瀛臺苑昨來時雨過已覺光風轉
苑樹綠參差宮鶯語睨睨塵消碧瓦明冰泮玉泉暖
檐牙掛蛛絲時罥落花辨開我桑落樽听然自飲滿
一爲獨酌謠坐使萬緣遣無爲長鬱紆負此堅昆盤

其三

少不樂鉛槧揣摩及陰符家傳驪山注夢受魚復圖
技成二十載躑躅猶泥塗伏波虎空画泮漫龍難屠
夜來臨麴部拍浮共歡呼陰以司馬法部勒諸酒徒
信如立表期肅若銜枚趨天衢及地軸變化存須臾
沈冥有妙理擒縱通孫吳盟府冊酒勛可比英衛無
斯言太游戲且復傾我壺

三月朔茂叔旦黼招爲西山之遊道上同蒼霖
中立作

林聖俞集卷

四

尋山有約覺身輕纔出城闌眼便明半夜雨催春樹
綠一天雲散曉峰晴撲人花片太無賴迎客泉聲不
世情好向煙霞最深處狂歌縱飲任吾生

中秋後一日同華亭錢越江石門吳青壇常熟
歸惺厓武進楊芝田嘉善曹夢懷吳縣沈東田
華亭陸敬峰崑山葉淵發澄夏吳江周惟念雅
集芝田有作次韻和之即以留別

望當月蝕
予將南歸

身世真同不繫舟樽前無地可埋憂坤輿未奠金螯

極宣夜遙添玉兔愁舊友書爭貽撲滿故山亭早築
宜休安危擔荷須君等莫但鳴珂擁絳騶

泉州贈蘇小眉

吾友婁江生客游燕臺歸自言結客徧傲世罕所推
獨數二蘇賢達且都忘疲云君與結交信吾言非欺
皇帝十二載僕亦遊王畿解鞍即懷刺訪之城西陲
小蘇方遠宦五馬擁旌麾正得見長公玉局神仙姿
握手意氣合不異針與磁抵掌談古今一掃經生辭
妙理見天人超超千秋期於時方太平春臺樂熙熙

林孝廉集卷五

五

側聞晁錯謀蒿目同盱眙嗟彼巢幕燕多君炳先幾
杞人憂未已羽檄俄交馳余占鳥焚巢竄身長河塵
聞君擅才傑出贊征南師所至爲軍鋒威震恩亦隨
一舉清東南反側就勒羈方知天下士所試無不宜
謂當列屏翰猶屈佐郡卑昨者客丹霞輿誦播四垂
不辭嵇生駕從君慰相思僕本蓬蒿士仰荷 天皇
慈賦詩奏便殿擁傳馳句驪歸就京兆舉未得登彤
墀出處有義命詭遇古所嗤遠遊爲交親非求衣食
資爲別僅十稔此意君應知蠻城多刺桐山酒足荔

枝風塵久飄泊信我雙愁眉歸當就江郎同寄懷君
詩

閏中秋陪李水心吳香爲李辰玉三先生宋旣
庭業師集余徵君宅同和申文定公韻

莎階蟲語露華寒叢桂扶疎尚未殘千里故人今夕
合一年佳節兩回看秋如久客逢餘閏月亦多情續
舊歡容易共尋聯句會莫辭相勸酒杯寬

別楚狂三年矣庚申冬相遇吳門醉後讀其庚
申日記至燭跋乃已枕上口占十絕句爲贈

林孝廉集卷六

六

南樓判袂倏三年春渚秋衾夢屢牽此夜挑燈披日
劄只如日日與周旋

其二

落燈時節酒船開曾過柴門題鳳回却悔千山空浪
跡杜鵑聲裏未歸來

是歲元宵君過訪寒齋予尚滯閩中也

其三

玉署貽芳見二難偏憐狂客聲交歡清溪沽酒銅坑
雪處處相將爛醉看

首句謂淵發澄夏

其四

江上布衣口懸河羅浮仙客何英多苦遭楚狂惱不
徹滿篋長吟復短歌

日記中載璞庵
翁山詩甚多

其五

前身曾侍玉宸班終擬雲房煉九還却怪主人高索
價要他杯酒買青山

用九峰
主人語

其六

十載鄉心託余峰竭從白日訪仙蹤道人不知身何
似十丈蓮花百尺松

父名我以蓮號我
以松皆日記中語

其七

仙侶耕煙還釣月禪宗無著與天親羨君只合隨君
去做個拈花調鶴人

山中有耕雲道師及
墨浪香峰諸和尚

其八

去年歸櫂感人琴被酒西州淚滿襟留得一枝金粟
在秋風吹折更傷心

客冬武東歿今秋予
豐繼之皆君至交也

其九

老去閒情水月叅好花偏稱白頭簪歌邊雀舫管騰
醉燈下羊車旖旎談

其十

口吟目覽徹三更都忘輕寒著背生半卷忽驚銀燭
跋擁爐欹枕待天明

送楚狂入佘山用寒字

南池明月西山雪十載曾同馬上看笑我風塵裘易
敝輸君懷袖刺常漫圖書未厭歸裝薄杞菊新添活
計寬記得先師留識好幽棲真向白雲端

有嶺上白
雲之識

魯謙庵先生以雪田翁畫峰泖圖索題走筆爲

長句

會稽先生中年裔舊是玉皇香案吏染翰親依日月

楚狂集卷

八

旁分符不倦登臨廢琴川演漾烏目高浮玉俯瞰揚
子濤一麾十載五茸住九峰三泖供遊遨群峰參錯
環城北雲岫煙林相斷續九子空誇供奉題九疑想
像湘江曲別有煙波涵百里黃金宰堵中流起沓靄
西連笠澤雲蒼茫東走春申水湖光山翠繞城來襦
袴歌中郡郭開澄波便是投香渚碧嶂還如擬峴臺
拄笏蕭閒愜幽志時復留賓張水戲清風拂袖甌生
塵只貪飽看湖山麗擅場画手雪田翁解衣盤礴經
營工爲公點筆圖素扇長留鈴閣揚仁風後堂弟子

戴彭比展圖不覺心神喜都將山高水長思寫歸尺
幅丹青裏吾聞羊杜昔登臨峴首青青漢水深君看
繪事留傳久直與豐碑共古今

題徐侯齋先生畫

避世高風不可攀芒鞋竹杖水雲間尋常歌哭無人
會自寫胸中得意山

其二

青芝山下記幽居峰翠溪青画不如寫徧義熙新甲
子只將名姓溷樵漁

楚雲集卷

九

次韻題雲怡老人曲子

却老何須玉杵霜徵歌猶發少年狂銀泥舊譜傳無
誤瓊樹新聲好不忘舞袖最宜香旖旎看場須拚酒
淋瀝風流老輩誰能似鏤管花分檀板香

五月四日西又賓臣大生服尹震為過余瑤草

山房小集同用三肴韻

開門清晝寂小徑綠陰交樹老參天幹篲垂滴露梢
香蒲將泛酒苦筍尚充庖正愛提壺勸俄聞啄木敲
真如磁引鐵豈但漆投膠賓主何由辨琴書且暫拋

醉人君幸恕熱客我無嘲餞記頒金榜是夕以古法
琅玕行酒有

會元字蓋明初
南宮宴具也

著初探寶文

大生策秋試
得妬之比

漏催銀蠟

炮簫待玉人教計日行攀柳占星只繫匏幽芳蘭在
谷薄俗芥浮坳自昔期梁棟其誰臥草茅明朝看奪
錦雲雨變龍蛟

新秋陸鶴坡招同董夢龍年伯張學之董新日

徐西厓盛賓三集竹素堂限韻

望衡對宇過從便況遇良朋共酒船南極星辰尊一
老西園圖画集群賢梧桐紀閨垂陰密菡萏迎秋出

楚雲集卷

十

水鮮最是幼輿嚴壑美莫耽雲臥負華年

其二

促坐留歡過日斜情深孔李舊通家才名早識平原
賦踪跡休論博望槎史筆褒譏嚴衮鉞酒兵約束變
龍蛇亦知吟詠真餘事鏤管爭看夢吐花

曰恕屢餉名酒佐以珍饌口占謝之

翠釜銀罍繹絡陳荒厨破甑失清貧杯浮花露醺顏
易箸下尊香動指頻鳬臠脆兼生菜美雀肪肥及累
綿勻老饕傾倒分甘意醉飽從君過小春

碧蓮僧舍爲盛梅亭題別巢雲画寒林返哺圖
涼颺颺錦樹枯僧樓愁見歸飛鳥巢雲画史得此
意鵝溪潑墨風煙疎吾友遠遊因負米什襲此圖巾
笥裏今朝掛向客窗晴返哺區區寸心慰倦遊詞客
思曹騰對此重教感慨增春暉寸草無由報注目寒
林暗撫膺

老樹

鴨脚何年樹盤根古寺隅
駢枝擎雪禿老幹宿雲孤
黠鼠無時定飢鷹盡日呼
僧樓有羈客對爾獨躊躇

禁書錄

上

嚴石樵招同張仲垣盛梅亭沈相如遊弁山白

雀寺訪古劔和尚即事次仲垣韻

梁比丘尼總持出家於此

有白雀青蓮之異寺額爲顏魯公手書

橋畔松杉翠染裾蕭梁古寺總持餘
空留白雀青蓮蹟長伴銀鈎鐵畫書
談虎小亭風色變尋僧丈室世情疎
宗雷舊社詩能寄三十六陂多鯉魚

三疊韻贈石樵

先扶桑兄同年故有三句

詩仙塵表燦霞裾第一清流正始餘
舊好漫追龍尾道新恩待青鶴頭書
長齋繡佛容人醉小技雕蟲愧

我疎雪苔雲堪泛宅從君折芰共焚魚

石樵爲余序朝鮮采風詩六疊前韻以謝

萬里王程紀絕裾口銜天語到扶餘
謬膺聖主

非常遇遠購中朝未見書頂踵難勝
恩浩蕩篇章

終愧學迂疎非君綵筆重題拂只合空箱飽蠹魚

北行期迫別仲垣賓三先理歸棹兼似石樵令

名受公佩周七疊前韻

軟紅塵裏曳長裾回首東華五載餘
瘦馬又催偕計吏驚猿應有絕交書
夢尋吟畔蘋香遠醉望高齋樹

禁書錄

上

影疎想得相思多麗句好緘尺素託雙魚

寒夜集服尹書巢同賓臣大年維水侍東臯先

生傲鐵厓花遊曲以閒徵雅令窮經史爲韻

歲何急若其寒徵環川大壑皆層氷狂生浪漫奚爲
者當杯猶自耽風雅盤餐錯落山海窮饜飫毋乃便
餐翁搜腸擢腎窮酒令坐使聲牙失聲病諸君莫惜

顏玉山糟丘之築亦等閒酒能作病良可止讀立之

監佐之史醉人謬誤語不經焉知吾儕非酒星

示同學諸子

當筵暇豫唱烏烏擇木休論苑與枯不受玉鞭真驥
裹能逃鐵網是珊瑚閒身正好聯吟社好事從教喚
酒徒試問科頭箕踞坐何如屏息沒階趨趙執信曰
結法甚陡
意亦峭厲

送汪宇昭歸杭州 次韻

南菊繁英漸可餐軟紅那復戀長安恰隨燕子辭秋
社肯借葡萄博好官燕筑醉來留縞帶吳航買得勝
雕鞍西湖鷗鷺驚還喜煙水深盟且未寒

獨飲至醉戲作俚體四首示知我者

仲翔骨相本來屯厄似黃楊瘦翠筠小學祇能通甲

子夏侯湛抵疑諷
急就習甲子

大還豈耐守庚申中書君已頭將

秃列地封難手不較腫背索駝吁可怪莫辭邑犬共
信信

其二

偶逢教調頗先賴更許誰同叔夜鎗勇決固應呼鷁
弟清芬只合對梅兄入秦術恥如張祿之楚言多類
宋煙羊酪不消文士妒須令一一噉倉庚

其三

清淚無端下縷縷負鹽戾坂老雞斯從誇識字弓三
石難博還書酒一板肝膽易傾貧到骨鬚髯空磔作
其而可憐竹實淹飢鳳飽食終輸惡水鴟

其四

先後何論陸與種羊公鶴只解麤耗求伸以屈龍師
蠖不駿於乘虎負驢魯壁許田供鄭假宋城墨帶耐
輸攻野人醉裏忘齊物螺贏螟蛉是二蟲

送同年阮巖公南歸次越江韻兼寄王璞庵金

憲臣蔡龍文陳挹蒼江德園蔡鉉升胡孟行蔡

幾先潘與久

貂裘同敝缺同彈兩度風塵共歲寒自悔冥鴻隨燕
雀相憐飢鳳啄琅玕故人惜別貪期改瘦馬衝霜怯
路難好待柳衙花信早金錢爛醉與君看

其二

秋來日日送人歸轉覺騎驢旅食非開徧黃花君又
去望中錦樹葉初飛秦淮喚渡潮平岸牛首尋詩翠
染衣舊雨旗亭同買醉孤雲應念獨無依

太史銀章歌為宋荊州庶常賦

長洲太史富二酉弱冠雄文滿人口玉署新邀 聖
主恩銀章舊向嚴君受君家忠孝世清門上台調燮
追開元潛將輔相贊造化獨以公忠結 至尊相公
釋褐秘書院私印雕成玉箸篆朱絲繫鼻錦囊盛花
磚日夕供清玩翩翩珠樹鯉庭趨指點之無骨相殊
膝前親解白金鈕肘後懸同紅螭珠今來射策延英
殿文章果冠瀛洲選世掌絲綸到鳳池此印分明操
左券黃扉劔佩結西清蓮炬分來近火城自向韋門
傳相業豈惟劉閣繼才名什襲緹函藏弄密鼎鼎詒

林孝廉集卷

五

謀存舊物更待丹山小鳳鳴傳家直比文貞笏昇平
盛事記前朝四字圖書寵巨僚期君啓沃追楊夏銀
印重看下九霄

次周宜一碧桃詩韻寄陳子萬子萬往官黎城
黎有名倡碧桃歸貴公子公子歿復歸於黎子
萬爲賦碧桃詩宜一和以示余讀之有感因用
韻作四絕句以示子萬

分手銀灣雁信稀栽花應念舊荷衣誰知大鳥真凡
鳥兩度三年未一飛

戊子秋別子萬於中州會館之
銀灣王文安公所題也子萬望

予甚切顧屢被
放斥殊自惡也

其二

仙令風流夢見之訟庭無事日裁詩能忘半月臺邊
夜笑擁蓮鴻昵酒時

記辰巳之間與子
萬章仲遊軍縣事

其三

薊邱秋盡草離離對酒思君知不知空谷賣珠人漸
老可能唯賦比紅兒

其四

琬琰遺編手自披頻年微軫輟鍾期惟餘季子憐狂

林孝廉集卷

五

客偏賞貂裘換酒詞

其年檢討輯其先宮保以來投
贈詩文爲琬琰集載余贈子萬

貂裘換
酒詞

周礪巖編修招集一畝居分賦得秋霽限三肴
十二韻

黃雀雨初歇幽探愛近郊晴光開廣幙秋色集塘坳
塵斂金莖側煙輕錦樹梢地偏涼吹拂天迴濕雲捎
碧水窺蓉影清霜綻菊苞登臺嵐翠滴凭檻竹聲交
石冷垂藤縛窗虛墜葉敲欄庭蟲唧唧蘆塞鴈咬咬
氣爽簷牙接泥乾履齒拋跡同鳥集闕身羨燕辭巢

南浦鱸魚膾西山橘柚包越吟寥泚裏憑付小奚鈔

贈王黃眉給事

岱宗表齊魯華嶽雄咸秦卓犖見二王風骨同嶙峋
斯文得所寄騷雅披荆榛古調發窈妙高舉離塵氛
天然去雕飾力挽皇風淳我讀邵陽詩新城勤討論
髣髴仰三峰秀色撐秋旻白雲翳其顛俯瞰洪河奔
回頭望日觀靈異互吐吞丹崖不可梯惆恍搖心魂
安能生羽翰揮手尋真源

其二

林左堂詩集卷一

七

大儒實天寶出必濟世用張弛經綸際能使科名重
小試在牛刀遺補叅侍從封事掃華言一一詳而中
建邑靖荏苒蠻風變溪洞楚塞鞏金堤手援爲魚衆
恥學楊馬輩百勸而一諷清廟珍瑚璉大厦資梁棟
許身稷契間卑卑視姚宋高岡鳴雖喈逸驥天衢縱
願言致昇平餘力正雅頌

送禹平歸嘉善兼寄青城先生及寓乾翰周

霜葉飛如舊酒徒殘秋爭與雁南徂衝寒又送斑驂
別警露空憐病鶴孤柳岸曉風三變曲竹林夜飲七

賢圖故人倘念蓬飄客爲報琉璃硯水枯

疊韻酬王后張

聚比流萍散比蓬七年溝水怨西東敝衣至胥憐齊
相名紙生毛笑魯風識面憶從童穉日論心早託顧
厨中輸君意氣偏豪上醉吸長鯨象鼻筒

疊韻酬椒巖

老屋牽蘿繞徑蓬相望百里共江東雞盟未改乘車
日鶴陣頻趨免胄風獨歎漁竿淹幕下即看錐穎脫
囊中七襄織就天孫錦管蒯何由貯一筒

林左堂詩集卷一

七

東憚晉明三疊字昭韻

若爲使我不能餐繞樹何枝可即安金買驂驪輕瘦
骨盤堆首宿笑微官歌魚客子羞彈鋏遺矢將軍想
踞鞍只有天公憐勸旅孟婆猶緩朔風寒

其二

野菊摧頽也自黃浮雲黯黯月茫茫愁心終恨燒春
薄節物難逢秬秠香從古燕歌多遠別只今吳語共
他鄉相過一飽惟蔬菜踪跡居然類亥唐

大治先生生日詩

大治先生古名世金經百鍊材千尋磅礴地靈滙西
塞淵源祖德標東林才華早歲歌郢雪經綸大旱爲
商霖一生溫飽非所志四海飢溺爲己任碧衣對後
分丹筆青鎖召入光華簪在唐比徵宋比錫俯視西
漢永與欽旋登柏臺佐執法手定雅樂調元音江淮
八州困庸調檠戟忽挾春風臨民風還淳民氣樂膠
澄河濁沱起鍼蕭規曹隨顓畫一滂沱之澤留於今
九重久弄趙堯印鋒車促駕辭江潯獨坐天綱昂畢
肅亞相望風霜森承 帝曰咨掌邦計天庾粟涌
泉流金蠲租賜復歲屢下敷天蔽蒂依棠陰奎章光
爛東壁府河宗寶秘西崑琛高文典冊歸鴻筆星紀
雲縵賡虞琴公舒所蘊百之一思已汪濊流蒼黔爰
立作相定早晚徧慰九有喁喁心海隅鯁生飄蓬客
瑟縮甘作書中蟬馬周作客久流宕桓伊可笑真嶽
嶽鹽車昂首邀一顧驂騑側畔驟駸駸豈徒下階見
駸茂直以謀野知裨謚泰郵冢宰公知己相期合輔
貽良箴圮橋何幸容進履法言鄭重書衣襟無媒自
安妾命薄善誘難忘師恩深韓門已許班籍湜謝砌

兼得依球琳我師歲寒挺松柏陽迴不受冰雰侵嘉
平之月月幾望弧南星映旗橫參崧高生甫當此日
天壽平格神所歆召康期頤衛武耄上庠饋餉何惜
惜彌也嘗讀華亭榮壽錄煌煌綸綍羅謳吟師生盛
事播吳越願洗康爵歲歲爲公斟大書特書公勛德
磨厓勒諸神禹响嘯之高峯公少時受知王文通公
常舉其格言以誨致彌
故篇中及之榮壽錄張文
忠爲徐文貞八十壽者

題查夏仲抱膝圖次錢玉友韻

面不借荀文若鼻不捉謝安石平生未見如此人萬
馬群空騰鬐膝壯采紅爐赤堇銅希聲清廟朱絃瑟
畫圖託興比隆中何異雪鴻留爪跡崔徐章句誰能
儔鹿門沔上相追遊蕩陰自笑齊相國新野未逢劉
豫州昨訪故人西南陬浙矛炊劍經炎州諭蜀文傳
魑魅喜討曹檄出奸雄愁碧雞金馬開化日蟲神猫
鬼藏清秋赤手便拔石虔箭柔翰直拖陳安矛未甘
小草就秋賦異材恥受常格收辟如良農力薦藁肯
持豚酒祈車簪南陽三顧始一出千秋此意差堪俾
嗟哉我爲若楚歌衰鳳已而已魚水遭逢會有時無

忘同訪赤松子

歲寒雅會疊前韻呈越江椒巖

我身不適於世用，喁然大瓠空。五石慎交，頗識父師訓。進人不易加，諸膝有如碧。眼老波斯淘，汰泥沙揀。瑟瑟鳳集有翼龍，宗鱗肯逐兔狐。問去跡歲寒燕市，此命儔不學荆高，矜俠游直教騏驎空北野。豈惟竹箭收南州，顧我端木慙卑陋。宿莽亦得塞中洲，老革冒頭信平聲。此夜仰天豁盡愁，雲愁水霧獨立見松柏。不隨蒲柳凋先秋，勗哉堅比雷義漆。嗤彼伐以康成。

林孝廉集卷一

主

矛河汾將相況有託，講堂羅列多藏收。

謂賓王
瞻度更求

都梁配迷迭雙煙，一氣薰秦篝。梅檀香林無雜樹，蔭蕪寧與蛇牀侔。上邪相知方未已，淡水之交見君子。

夢遊天柱峰歌為青壇御史賦

吾聞謝太傅道不忘邱壑，又聞李鄴侯餐梨懷採藥。古人高致今誰儔，吳侯矯若雲中鶴。朝焚諫草直西臺，夜夢青鞋訪南嶽。雲衣風馬何飄然，千巖萬壑相洄沿。心知一峰是天柱，孤高拔地凌蒼煙。神搖目眩不暇賞，飛身便躡峰之顛。峰頭別自有天地，俯視人

間但雲氣仙。治神都異晦明巖，扉磬戶爭虧蔽琪樹。

常同燭夜開玉芝，不解經秋墜丹竈。猶封白鶴看素

書未啓青鸞，寄徘徊舊蹟。省多生霞帔霓裳，帶笑迎

紫蓋峰遙同策杖。朱陵洞口合吹笙，山中真樂松筠

愜世上浮名。黻冕輕喔喔，天雞催海日。蝶胥栩栩須

臾失塵緣，且待慰蒼生靈境。欲留那可得，詰朝邀我

綠醅開細話。名山入夢來，豈效微之傳。艷曲應知太

白，擅仙才長安城中宦遊者。軟紅塵土隨肥馬，夢棺

夢穢何紛紛。鼠穴乘車似君寡，君今努力正乾坤。後

林孝廉集卷一

主

樂先憂答 至尊好待功成還，辟穀乘鸞一謁魏元

君

題澹軒公精舍

朱門別起讀書廬，斐几紋紗画不如。最愛青春開萬

卷肯教夜雨負三餘

其二

紅碧籤分四部多，退朝花底廢吟哦。積書巖許誰津

逮只有詩仙與墨娥

其三

綠沈金鎖見英雄章句差將措大同侍宴偶然題競
病一時文陣盡趨風

其四

書帶侵階碧草齊洛如花放曉鶯啼春風列邸笙歌
沸冰雪惟將一卷攜

送鄭桐源歸秦淮

柳岸騎嘶白鼻駒笑携詩卷別京華六朝山色仍如
畫一路鄉音漸近家投簡爭誇梁苑雪典衣多醉秣

陵花秋期莫爲萼絲誤早趁霜前鴈字斜

君客於
裕邸期以

秋間
再至

落花次徐實均韻

梨雲夢斷粉牆東送盡韶光淚眼中恨不折來同曉
露枉教開處費春風魚牀流影晴添綠燕壘餘香濕
帶紅好待明年芳信早春生三十六離宮

實均招同東發雨稼文升用儀扶暉朗行霖蒼
集冠山堂分賦時予將之曲阜扶暉歸寶應

冠山堂邊千章樹叅天新綠何婀娜求友黃鸝接翅
來睨皖深枝雜花妥香雨初開芍藥苞煖風欲熟櫻

桃顙此時卜晝敞華筵把臂同心一笑瑳入門高興

輒投轄驚座雄談爭炙輠隱囊麝尾笑相將闌草彈

棋無不可文章有神交有道社老之言豈欺我多君

競擅瑚璉珍老我獨愧糠粃簞出處由來信屈伸遭

逢不用嗟坎坷蘭生空谷足幽芳松歷嚴冬增磊砢

飢鷹勿遣翅便低飲鼠休誇腸易果清音寧復藉絲

竹玉山頽唐醉駸駸却移醒石被花眠更掃食單班

草坐何當長此飲厭厭忘却頻年旅瑣瑣只愁踪跡

若雲浮匆匆又見餽糧裏狂客將巾適魯車同心先

鼓踰淮施人生豈長鹿豕聚音書但冀魚鴻左相逢

好待上林春杏子花繁柳枝禪晏迴燒尾賜金錢伴

結鰲頭傾白墮更作紅牋聯句詩旗亭樂部從傳播

題冠山堂呈健庵先生

宣武門前卜築寬過從忘却在長安坐憐綠樹連雲

暗疑對青山隔水寒載酒亭深鄰鶴若藏書屋小傍

花闌應知謝傅耽邱壑裙屐追陪画裏看

王方鄴張天申以感遇詩見示次韻和之

陽昌墟畔酒誰賒樵採唯應老若耶歷塊馬從嗤跡

池連城壁不掩瑜瑕春歸耕堡牛能叱水長魚邨艇
可挈老我生涯知有托天台歸去只餐霞

寄任坦公次叔毅韻

席帽羶衫各滯淹春來別恨爲君添淡紅牋許詩頻
寄重碧杯難酒共拈郭隗千金知價重胡威一絹見
官廉趨庭暇日揮青鏤賦海何妨不道鹽

其二

育長真見影猶佳秋卷流傳久繫懷倚玉自慙馬齒
長斷金反許雁行排三春書斷勞山曲六月車驅泗

荅李績集卷

王

水涯期爾櫻桃開宴早醉鄉隨地把愁埋

酬王元明次來韻

陽明先生裔從魏
遂陸受蘇門之學

鹿洞驚湖自一時肯將輦輓繡文詞龍場祖德今能
繼蓮陸師承想在茲得路笑人爭小草巢林共我託
深枝寄聲紫蓋雲中鶴終擬同歸太液池

送歸安公以工部侍郎奉命治河

頻年宵旰軫江淮水土司空往汝諧河復早傳歌是
鵠渠成應免甃生蛙由來心事傳飢溺此去民依仗
決排聞道臨軒天語切禹圭計日錫堯階

其二

十五年來謁後塵阮家偏念道南貧金門挾策憐漫
刺錦席飛觥醉飲醇自笑飄零名字改難忘吐握性
情真甲寅春與然明性存輩從
公宴遊子未更今名也明年擬撰河清頌肯
借吹噓徹紫宸

雨中趙恒夫戶部招同諸君子雅集寄園即事
用杜韻十首

尺五鄰韋杜爲園即午橋幽懷耽水石佳氣拂雲霄
屢約携琴過翻勞策杖招恐泥鞭款段乘興不辭遙

其二

嘉樹濃陰合迴廊梓暑清定巢來海燕求友愜林鶯
月俸支官酒天厨出賜羹却携塵外侶頻向水邊

行公子官光祿
故有六句

其三

水檻如舟艤巖扉借石支雲封調鶴徑雨漲浴鷗池
邱壑心何遠煙霞骨自知坐疑仙路近鶴鵠對君披

其四

共啓琉璃匣分題菡萏花文心曾夢鳥筆勢各驚蛇

自愛風騷近能令朝市賒淹留拚永夕吳語罷思家
其五

天漏從誰補浮雲且未開劇乾愁白鷺霑濕想黃梅
檢點埋愁地聯翩取醉來石闌紛貫坐衫袂染蒼苔

其六

翠濕雲邊磴聲喧樹杪泉異花開紺碧幽草秀芊綿
潑潑魚驚餌躑躑蝶化錢便思移短棹前入武陵川

其七

雨絲添墨潤雪乳泛甌香近局消清晝移牀就晚涼

楚辭集卷

圭

忘機齊物我適意各行藏最愛松雲下須眉映老蒼

其八

地如江令宅客滿衛軍池不惜拋筇筇相從倒接羅
即看珠鳳戲真羨石麟兒群紀吾何有肩差或許隨

其九

握策今劉晏談經昔子雲好奇容問字餘事更論文
碧碗燒春滿紅牙險韻分老成輸健筆醉墨掃繽紛

其十

溪亭題櫟樹賓從愧羊何遠道催歸早名園入夢多

同心期好友連臂續狂歌爲報東橋竹還容屐齒過
謂小謝也

送顧小謝入歸安幕兼呈魯單兩先生俞彙嘉
史簡臣吳萬子

士生讀詩書於世期有濟安能學脉望狡獪文字內
君看夏畦勞寒女織良瘁安坐衣食之撫心但惶惴
顧言拯斯人一免顛躓同心有顧郎過我才十倍
斧柯不在手此志何由遂因人效小忠百不展一二
我皇南巡狩昏墊軫睿思簡在司空公建節重

楚辭集卷

圭

其事幕府藉運籌聞聲相羅致暫著從事衫却策秋
風騎嗚呼七邑民愁雲積嗟喟今茲聖主恩適與
皇天會從容陪坐嘯囊底探餘智乘時亮天工稽古
順地勢周諮輿人誦力矯覆車敝邑免龜目災隄無
蟻鼻潰積水赴歸墟耕桑得次第庶幾爲魚衆性命
有所寄我公所臨部濟濟多良吏高密珪璧珍
淮安府
會稽干莫器
淮陽道
兩公我所師新奉簡書至
史子卓魯儔疏鑿精水利俞侯賦伐檀十載河干置
亦有延陵子與我皆同志臭味猶針磁相逢定把臂

共探蒼水簡竚錫元圭瑞河伯雖不仁回心亦相避
利澤苟及人豈必在名位功成早歸來射策丹楓陛
看乘萬里風更作九州被

贈顧梁汾舍人次韓慕廬閣學韻

酒滿杯湖斟酌之舉觴累十不須辭卦中損益曾占
易閣上功名只賞詩自有文傳郭有道梁汾作納臘
侍衛行狀甚
工更無人繼魏無知君為柏鄉
公門下士東林祖德垂金鏡肯
信塵封但蓋卮

其二

君藏李文正公題王孟端
竹爐新詠卷故有第四句

秋左堂續集卷二

无

紫薇花下舊微之早把人間爵祿辭推枕每牽尊菜
夢看囊只弄竹爐詩著書歲月占松老結想煙霞有
鶴知第二泉香家釀熟年年秋色醉乾卮

送曹次典廷試後歸嘉善次留別原韻

謫仙人偶戲雷車紫府書傳蔡少霞比並春葩如芍
藥天教留作後開花

其二

娉婷不嫁豈蹉跎莫為無媒嬾翠蛾射策平津終第
一古來名士晚成多

秋左堂續集卷二

壽韓慕廬閣學

嘉定孫致彌愷似著

吾聞昌黎之文起八代上比辰極下泰山魏公勛德
在慶曆伯仲富范歐陽間長洲先生今鼎足三峰天
外爭孱顏制科經義昉於宋恒與世道興衰關 國
朝數公擅作者其餘舊習咸榛菅譬如論詩貞觀際
陳隋綺靡難為刪先生奮起 今皇初手挽大雅淳
風還穿經穴史根理窟良工心苦同倕般才鋒却嫌
莫邪鈍筆力翻笑中黃孱驂驪昂首向虞坂乘時奮
迅登天閑鳳凰長鳴集阿閣下視纖羽徒綿蠻 重
瞳乙夜親激賞眷顧獨冠西清班立朝僅及十寒暑
綸扉密勿應投艱左右 聖人作心膺煦嫗兆庶離
恫瘝獻可替否慎溫樹但覺太和元氣醇醇悶悶迴
區寰始知大儒備體用今之所試才一斑先生自顧
若無有不改韋布神蕭閒門無請謁絕苴筐髣髴巖
穴非市闌荒厠塵甑愁脫粟瘦馬高骨艱空賢先生
典衣方名客稱詩說賦日夜相嘖嘖世態恥隨梁上

燕鄉心欲放籠中鷗秋來老鶴警清露填橋鳥鵲喧
銀灣孤南一星照金醴酌以羅斛豪犀彎吐茵狂客
前上壽期願難老天寧慳只今行年才五十寶文大
衍占巫環康公平格自茲始上樽牛酒看頻頒兒齒
寧藉張侯乳冀髮却笑虞童髡期公中台列鼎鉉容
我下溪扶犁鏤整頓乾坤拂衣早金庭玉柱同追攀
便呼赤松與黃綺相將躡遍七十二朶芙蓉鬟

送廖維一從其外翁素密山通政歸廣東兼寄

屈翁山陳元孝梁藥亭關甫田時尊公南暉尚

卷之三

三

留京師

秋月將圓夜乘風送爾行故園看日近長路倚冰清
城闕笳聲靜關河鴈影橫登壇頻極目應戀白雲生

二

辛苦而翁老將雛寄遠方與吾盟戴笠見子立扶床
槐市成名士花田返故鄉却思離亂日歡音意難宣

南暉遇亂漂流客中
生維一今始得歸也

三

莫悵趨庭遠淹留尚薊門未尋王粲宅只爲信陵恩

春晚蘭香早秋林桂子繁重來看射策畫錦共歸軒

四

素公我畏友百鍊得南金不戀銀臺貴難忘土室心
聖朝容解組快壻共披襟粵秀山如画時應載酒尋

五

神交長接夢執友劇相思楚調離騷作唐風感遇詩
錦衣傳舊德絳帳憶經師杖履追隨好聯吟報我知
題沈心崖詩卷後

探得驪珠可辟塵任將鱗爪付旁人空群天馬行無

卷之三

三

跡絕代娉婷淑且真宦拙翻嫌詩思巧才多不稱客
裝貧風騷自得千秋樂肯歎淮陽長孺新

壽楊以齋年伯

乾坤啓昌期光岳挺人瑞煌煌司馬公體用經權備

昔公魁春官我年才十四揣摩行卷文心欽天廟器

上規王震澤下迄陶石簣洗伐變毛骨淵源皆有自

緯以韓歐筆經以周孔思唐皇盛世音奧突大儒粹

願言持辨香避席析疑義及聞公登朝謬謬真諫議

造膝皆訐謨彈劾無所避朝攀丹陛檻夕伏青蒲地

雷霆怒屢干寧問權貴忌匪市敢諫聲亦惟國是爲
先皇容直臣每拜鹽酒賜泊乎 今皇初簡在歷省
寺才大無不宜盤錯隨所試鬼方忽蠢動白頭叛吳
淖貴竹當咽喉蛇豕逞恣睢 天子赫斯怒壯猷元
老寄 命公開大府獮雉厥携貳叱馭不宿行先聲
馨老魅擒縱紆籌策飽騰供餽饋孤雛游沸釜儵忽
市朝肆滇池偃戈鋌黔中息烽燧推誠安反側布德
綏凋弊蠻煙瘴雨鄉耕鑿生理遂俄膺 璽書召歸
贊司馬事兵銷日月光績懋旂常紀仰承倚毗隆彌

禁書集卷五

四

勵匪躬志喁喁六字間相賀霖雨至所期和鼎寶上
佐垂裳治小儒伏菰蘆野服淹薜荔秋賦逐二難忝
竊名相次卅載心所私得邀猶子視今春拜牀下益
盜和風被側聞賞孟嘉此君頗小異下階在一言知
已果不異窮途慶所遭失喜夜忘寐其年秋八月公
開七袞始神同海鶴清質與岩松翠方偕攬輝鳳阿
閣翔接翅豈逐豔陽花隨時異憔悴期願比名康國
棟民得庇公昔司典校翦剔皆天驥緩耳久負鹽昂
首亦有冀倘能迴一顧或可備三駟稱詩放鶴辰聊

當執雉贊

徐虹亭檢討寓齋王阮亭少詹舊寓也庭中老
椿二株近百年物今年秋檢討招同秀水周管
谷華亭葉秦川徐虞門吳雪園青浦王令詒吳
江張弘遠太倉吳元朗觴詠其下秦川繪圖令
詒題詩其後子輩皆次韻和之兼懷少詹
嘉樹經秋未減陰夕陽霞影落杯深地偏只許詩仙
住句好長留醉客吟甫里夢牽蓴菜滑明湖書憶鯉
魚沈憑將畫取藍田野古木城均共盡簪

禁書集卷五

五

維水有武林之行次大復韻送之兼寄九恒雪
巢宇昭澗芳叔穀西崖定隅王士文子

指點湖山數去蹤側身南望欲相從共看碣石宮前
月似聽棲霞嶺上鐘此地舊多詩酒伴他時遙憶夢
魂重六橋三竺應尋徧莫問當年立馬峰

廣陵聲求念功合樽張樂招集花前同越江青

壇孟綸弘導茂京憲尹東發元朗

江東才子玉堂仙解佩留賓醉管絃樂部風操桃葉
渡酒徒星聚菊花天艷艷燭影催宮漏迷迭衣香惱

客眠却憶吳趨坊裏去，蹋歌曾許臂相聯。

上左都御史徐公

聖作文明代天詒，輔弼臣民生依國棟士論仰儒珍。
竹箭鍾南美璿璣表，北辰鄧林材挺拔懸圃玉璘珣。
早執齊盟耳同扶，大雅輪連苞翔驚驚方駕騁騏驎。
門業高王勃科名並，郊詵珠傳三樹貴桂羨一枝新。
鏡驗芙蓉下衣爭楊柳春花，靚趨獨早蓮燭賜何頻。
頻應制翻黃鵠陪遊對白麟，身依天咫尺手代帝絲綸。
魚水時無匹，雲龍契莫鄰。今皇勤訪落舊學

卷之三

六

藉敷陳 主德資承拂仙班列侍宸占星俄聚非觀
樂怡歌幽璞辨陳倉寶材收旱麓榛卿雲賡秘殿
化雨沛成均師道崇模楷儒風返朴淳龍門人共仰
鳳閣地彌親典冊歸司馬詞垣寵鄭綢九重參密
勿萬彙得陶甄月省清班峻天綱憲府振風霜森棘
陸昂畢耿秋旻指佞階前草匡君領下鱗讜言皆
逆耳抗論每忘身諤諤驚朝野容容愧縉紳囊留魏
徵楊廉夫作反呼疏扇障庾公塵改玉前王遠鏤金舊版湮
夏殷雖可鑒文獻竟誰詢筆削三長擅褒譏一字真

書同南史直詞儼典墳醇列聖心應慰名臣跡未淪
興亡昭炯鑑法戒免迷津每痛先公志偏丁國步屯

請纓當急難借箸極艱辛幸脫同文獄先中丞在職方為趙忠毅

公草公疏救楊忠烈公又疏請保護國本逆璫屬其

黨風先公附已當大用先公峻拒之又為六君子經

營身後事璫銜切矯旨閑終遭丞相嗔先公以兵變

住幾不測會璫敗得免陵驗自刎重且兵由激變無殺先公意溫

體仁欲藉以傾宜典屢進密揭遂及於難十年支勅

敵一死快姦人運去功何有身孤道未伸策空留復

漢識已驗亡秦歷數移誰挽臣心歿更純苟非憑信

史何以慰幽燐自幸駑駘質叨為吐握賓顧非千里

卷之三

七

馬得遇九方歎孔李申通好劉盧忝世姻狂來容賭

墅醉後屢汗茵知己生難遇銜恩念敢泯倘邀揚祖

德豈獨感皇仁飄泊淹長鋏生成託大鈞抒懷兼

述德仰止在松筠

吳趨兒

吳趨小兒對門居東家西家不相如東家四姓甲乙

族朝朝暮暮聞讀書西鄰別有繁華子自矜顏色蓮

花似朝隨惡少博長負暮侍富翁嬌不起折腰竊齒

態最工參軍蒼鵲排場同王侯甲第重歌舞千金買

向長安中一旦歸來自誇耀出入朱門事權要節使
卑躬延上賓鄉衮握手稱同調東家抱書囊乾螢鄰
里往往來譏評不諳簪搢綠腰譜底用揣摩白首經

孔垣三園亭見學亭先生遺詩有感而作追和

原韻

愛爾幽棲好居然濠濮間地偏心更遠身隱夢俱閒
樹罩藏書屋雲生蒔藥山都無人跡到只聽鳥關關

二

境離喧寂外意愜有無閒暗水穿階急高雲向客閒

楚雲集卷三

筆隨秋後露琴嚮画中山埋照劉伶似何妨且閉關

三

五載羊曇淚重濡素壁間守官惟澹泊招隱共蕭閒
放達東西晉賓朋大小山淒涼遺翰墨感慨意相關

贈夏葵存丈兼懷冠文

子雲筆札重燕臺輦下公卿倒屣來珠翠繞船修楔
後太腸人唱權歌迴

二

顧曲閒情點拍真峽猿聲斷客沾巾不知誰得陳王

枕漫託微詞賦感甄

葵存有三
聲淚雜劇

題趙景思遺像

山陰人以吏員作令
於蜀死獻賦之難

國恩三考臨花縣臣節千秋在錦江多少公卿出科
目揣摩長策是迎降

張魯紱見里媼持顧茂倫雪灘釣叟圖於市重

價購之以還其子潘霜男爲記其事余亦有作

松陵詩老雪灘叟撚髭吟得詩千首當年寫作釣雪

圖群公題詠播人口不知何年落吳市村媼携將換

牢九張子工文又工詩見之不異獲瓊玖兼金購得

楚雲集卷三

不自寶歸之叟家俾世守魯弓重得趙璧歸此舉真

堪垂不朽復令潘髯記其末文詞爾雅類蓋曰昨者

酒間出相示使我把玩咨嗟久平生未得識叟面四

聲八病同擊剖何期相遇向丹青薦以黃花酌之酒

却思此卷久流落一朝遇子良非偶不然便歸好事

家不然便入俗人手人間只作画圖看寧知釣者爲

誰某矜式先詰及遺像此事古來得未有緇衣好賢

子其亞嗚呼吾詩其敝帚

題張西又煮石山房限韻

瑩潔過於璧與琮夢中五色陋充宗饅頭採得陽泉
洗錯脚煨時武火衝上箸軟知如芋美堆梓滑不受
苔封瓶無儲粟何須問笑指千峰與萬峰

二

礪將虎齒嚙琤琮弁曲詞仙共一宗

姜堯章稱白石老仙

噉去

應和雲液嚙飽來還用酒兵衝地肥難許尋真遇石
髓虛勞寄遠封爭似先生攤飯好撐腸七十二高峰

除夕與大年對雪效聚星堂禁體即次其韻

愁雲凍合不成葉釀作人間一尺雪閒門久矣張崔

卷之六

十一

羅并遣朝來飛鳥絕故人衝風鬚眉磔愛我瘦骨遭

凍折楚然履齒印中庭語笑未了踪已滅天公作意

來餽歲膝六按掌笑二掣野人受此未傷廉大勝盤

飧與篚顯彼哉狡獪鳥爪人搏削投爐眼添屑雖無

醇酎敵凌兢且對林塘賦飄瞥君歸我豈不欲留如

佛境界不可說明朝能過賞新晴凌澤琤琮亂檐鐵

重集戲宜西軒同辛瓢翠庭樗園鳳阿瑞年宗

子鴈湄雅集限燈字

過申犯卯醉眠曾暈碧裁紅綺席仍舊雨倍添情纏

縷恐泥難阻興飛騰蘭香入酒浮渠枕人面如花映

寶燈試譜玉田新樂府倡酬佳話又重增

戲宜填詞最工是日

限填東風第一枝一闕

送汪定園戍關中

秦吳遠別恨難勝攬袂無從但拊膺豪傑翻充閭左

成功名空負羽書徵

漢逆不軌建義將軍一等侯林與珠基其知勇進守備徐駿聲

以書徵君以母喪不赴

大中丞恭勸駕而行

三峰八水留形勢漢寢唐陵

弔廢興入粟歸來秋正好為君酌酒重挑燈

卷之六

十一

賦故事得賜羹

食母之鳥安足珍天厨歲用頒群臣惡彼逆天殄厥

種長竿注首烹其身不知何年此禮罷醜類公然滿

天下東飛翻入豔歌傳世人却把慈烏罵

秋水軒壽譙詩

歲月偏於酒國長招邀投轄縱疎狂綠腰譜愛偷聲

度纖手鈎容隔座藏玉局更無愁可解樊川真以飲

為忙鳩車竹馬餘兄弟日日從君醉一場

門人朱歌虞移居小浣花疊鳩巢韻贈之

臨江何處可誅茅辛苦經營燕子巢家具少知車易
借詩才多任鉢頻敲棋書酒伴窮幽賞雪月花時聚
故交得似錦官城外否竹寒沙碧小塘坳

二

聚雪占蒼藉白茅連雲休戀舊時巢閒中書展蕉心
寫醉後歌將柳瘦敲嘉樹成行花不斷游魚作隊影
相交信知爾我真同調分占清溪水一坳余與歌虞所居皆枕塘清鏡

題扇

一片珠光照眼明等閒過處暗香生春山如笑天然
媚秋水爲神別樣清草草杯盤留軟語匆匆燈火促
離情亦知舊住銀河上未敢乘槎取次行

題徐用王藏剩人澹歸兩公詩冊

子規啼血灑殘春三峽哀猿迸淚頻爭似秋窗燈火
暗一編貯苦復含辛

二

劫火燒殘不壞身心同碧血與青燐殘縑斷緒誰收
拾憑仗西臺痛哭人

招東臯仍用題扇韻

木犀香裏月鈎明獨客禪扉飲興生花外不聞雙屐
過床頭空負一樽清相憐舊雨兼今雨莫遺深情類
淺情短簿祠前延佇切早移小艇画中行

訓門人陳我完次來韻

我完之高曾祖三世爲真孝廉其曾祖則先中

承同年也

舊里猶存通德餘清溝終不映汙渠詩從病得推敲
細貧任人嗤禮法疎簪下樽堪澆硯壘河東賦好待
吹噓鑄回自笑吾衰久手澤無忘插架書

無題仍用題扇韻

寶燈偏映眼波明紅暈微渦一笑生到處似添山色
好坐來宜對月華清鶯嬌柳嫵詩標格玉軟花柔酒
性情欲泥画師相画取少年行歷麗人行

從沈南季乞画

漫許雲龍下上從餘生只合伴孤松青山好買無錢
買画裏憑君乞去聲數峰

偶集友人齋即事疊韻

梵字閒邊檠燭明樽前諧笑轉風生已拚杜酒尋常

醉無那韓香分外清人到悲秋同薄病雨能留客太多情更深豈少衝泥屐總欲歸時未忍行

若緘四十生朝戲贈

游戲黃塵四十秋何曾有事上眉頭佳兒肯構一而足健婦持門百不憂借月留雲忙作務耽詩殢酒淡風流年年長把茱萸醉笑擁州侯與夏侯

二

生朝恰喜菊花秋未許吳霜點黑頭身健甘爲朋友用心閒恥代子孫憂每當露飲看顏玉偏愛巖栖伴

楚雲集卷三

市

枕流仗節擁旄何足道相期老作醉鄉侯

恭和座主東海公詠物二首

蛛網落花

腸斷東風片片吹不飄茵席胥游絲散來空際疑天女網出溪邊比越姬顏色豈因羅爵改馨香猶許蝶蜂知巡檐莫怨閒蟲多看取明春滿故枝

柳絮

一辭金縷便無依飄泊誰憐點客衣風已定時猶自落泥當沾後更難飛謝娥句好空相擬楊叛歌殘竟

不歸莫笑托根浮淺水綠萍還解答春暉

題僧小照

閒凭曲盤床靜對烏皮几聞木樨香乎吾無隱乎爾

聞紺池和尚移住壽寧菴次艮翁先生韻寄之

皓月隨方照閒雲不定居一枝聊可借三宿竟何如

細詠懷人作勤翻出世書相尋知有路空外認鐘魚

燕巢詩次韻爲東臯賦

東臯無屋可居東山席氏有閒房在白公堤上

代爲乞之
遂荷見諾

王謝堂前舊壘非連雲何處更堪依許從画棟春深

楚雲集卷三

市

借便補香泥社後歸把燭莫教驚好睡穿簾長自見

交飛將雛早趁薰風候相對呢喃刷羽衣

戲題

六疊題扇韻

芙蓉霧裏不分明枉惹閒愁觸處生昨日事隨秋夢短他生緣結夜香清醉眠阮籍無他意慟哭王與別有情一曲斜陽黃葉路曾經拾翠履禁行

星遠往無錫久而不返聞遂渡江詩以寄之

西神山下放輕艘乘興傳聞便涉江分手又過蟾兔滿關心空望鯉魚雙荔枝酒熟香浮椀玉茗花開雪

映窗不得君來吟賞共自聽夜雨剪銀缸

王雲岡下第南還過山寓同張甥話舊

素衣未浣洛陽塵先向荒山訪隱淪別後風波經小劫夢中詩識省前因辛未元宵同宿京邸子夢中賦詩記其落句云吹簫廢食非常理善事誰云不可爲醒而述之相對愕怡不意果爲予與今兄得禍之兆都無耗耗可憐色不學尋常下第人把酒儘堪齊物我莫辭歸棹且逡巡

虎邱留別

結束詩囊共酒瓢難拋客舍與僧寮新秋逃暑直逢

楚雲集卷

卷

雪深夜評花每到朝久住漁樵皆惜別忘機魚鳥亦魂消緣堤衰柳如相送低拂帆前萬點橋

李書雲都諫招集仁安堂即事賦謝

元禮門高世所宗牛衣重許一登龍鉗槌語徹晨鐘冷酬勸情隨臘酒濃南部煙花歌宛轉東山絲竹興從容盎然共醉春風裏不信今朝是杪冬

春半閒居雜題

未甘人喚作衰翁興寄狂吟痛飲中酒券經營惟日富詩囊折閱到天窮柳絲漸軟迴輕碧杏蕊將舒試

小紅不厭雀羅門徑冷多情真愧舊春風

二

一半春光劇可憐付他雨橫與風顛衝泥未倦尋花屐破曉先呼載酒船冰雪携來聊避俗煙霞夢去當遊仙閒身只是耽行樂不把陰晴苦怨天

三

三年踪跡隔修門煙九春遊結夢魂信馬屢過仙客院解魚曾醉酒家村宮花一別添新樹巢燕重來認舊痕莫學騷人怨芳草得歸茅屋是君恩

四

醉中忽忽過花朝點髻吳霜借酒消細草和煙容易長殘梅如雪未全飄腥風入市河豚上野味登盤薺菜挑脫煖繡袍行可典不愁獨醒負今宵

即席詠紫牡丹

紫府仙人躡紫雲花王名種魏家分季倫絲障虛勞設安石羅囊可待焚綃帳深籠香不散霞杯頻勸酒微醺薦紅膩白羞凡俗合把春光讓與君旁有玉樓春尚未放

故云

山塘春暮疊韻四首

飛來何處白頭翁喚醒春眠宿醉中雙屐更添花信
健百錢拚向酒家窮摩挲老眼看橫翠搜索枯腸賦
比紅帶累閒人忙未了怨他二十四番風

二

嬌花寵柳不勝憐爛熳風光賺老顛粉印淺留三寸
綠玉纖飛送百分船詩堪入画王摩詰僧亦能吟賈
閨仙同向白雲橋外醉擬看香市到諸天

三

畫橈迴指二山門無處逢春不斷魂柳色綠遮雲外
塔菜花黃壓水南村探釣燭底傳眉語記笛橋邊劃
爪痕歸向佛燈頻懺悔情塵難負玉釵恩

四

歡呼卜夜復連朝却笑劉郎髀肉消肯使春從愁裏
度忍看花向醒時飄一旗未展茶先摘雙燕初歸筍
旋挑更乞天公捲雲幕放教明月照良宵

送春次右泉韻

春來何意去何由枉逐盲風怪雨休天豈吝教三月

閨人元難避一生愁醉中花事從他老別後鶯聲爲
我留縱使相逢仍此歲今宵那免皺眉頭今年閏五月於臘月
即立春故云

徐載裳招同蔣曙來陳虎文陸旣藩徐桐侯領
天山程汝諧集十硯樓即事分得遂字

野性如山麋初衣偶得遂消夏少樂方拍浮憶沉醉
忽枉折簡招新知意何摯緇衣展宿好四座同心萃
高樓臨胥江爽塏復幽邃疎簾清簟間井井見位置
書籤甲乙陳丹鉛徧標識粉本沈紫裝響榻硬黃膩

什襲出十硯山骨琢秀異摩挲爽心神隄糜未忍試
私印篆刻工妙得漢人意觸目增愛玩一一吾所嗜
詩篇互長吟煅煉出精粹髭斷剩幾莖齒落過十二
敢以偏師攻直欲三舍避歡賞竟忘疲歌呼復揚觶
李白人欲殺君平世所棄感子獨綢繆重雪迴車淚
被酒發狂歌聊以識吾愧

崑山寓歸鍊師悠然室作

紫府遺踪舊觀有仙跡籃輿過訪初最憐仙客院宛似野
人居出谷空聞鳥臨流豈羨魚祇應蒙絳帕來讀道

家書

二

凡骨何由換塵心
向此降好山青到枕
止水碧當窗
靜想移琴薦
閒宜命酒缸
久醒朝市夢
一任曉鐘撞

次韻贈汪東川祭酒

儒宗久繫蒼生望
勛業爭期上景鐘
郭隗臺高新市
駿李膺門峻
舊登龍衆禽喧處
聞孤鶴百卉凋時見
古松許向東山陪
讌賞餘生真自慶
遭逢

二

戊辰夏余以揀選伴請引見 勤政
殿適先生侍直薦余力甚故有五句

松蘿集卷三

三

京洛舊遊天上夢
留賓夏屋記渠渠
君宗望仰荀陳
重爾汝交慙孔
禰如曾假羽毛
當紫殿劇憐名
姓掛丹書誰知
憔悴江潭客
槐板還同薄笨車

三

煌煌典冊歸鴻筆
餘事還傳抱膝吟
可但風雲爭變
幻直將海岳並
高深伐毛洗髓
標仙客疊玉編
珠費苦心怪得
詩家齊下拜
卅年早碎射洪琴

四

賣文爲活翻懸磬
飲伴偏憐老斛斯
幾度相逢容我

醉此生不恨得公知
湖山豈倦登臨興
陶寫頻煩絲竹期
更共二難論世好
擘箋重賦角弓詩

疊韻贈邵戒菴少詹

逍遙暫命東山屐
獻納常懷上苑鐘
史筆舊傳追左馬
帝謨曾矢冠
夔龍風塵偶倦閒
揮扇霄漢終期
驗夢松却憶翹材
開館日幾回
倒屣接章逢
余自癸丑荷公
下交已二十餘年矣

二

三入承明著作廬
清溝終不映汗渠
瑾瑜經火光難

松蘿集卷三

三

掩松柏凌霜翠
自如曾記薦賢勤
削牘更誰泣
罪緩刑書
公屢司文柄得人最盛頻
年議緩秋決全活尤衆
歸來自愛行窩好
花外人爭望小車

三

三年逐客魂離散
憔悴誰憐澤畔吟
失路敢期知己
顧餘生倍覺感恩
深運斤大匠成風手
公爲余手
定拙句

縕鄰家請火心
慚愧枯桐甘爨下
荷公猶許斷爲琴

四

三弘祖德光前史

先工部公建言廷杖謫戍以卒其
子伏闕上書請復原官事在明史

人稱爲麟 鳳世家 直節清風想在斯麟鳳名高家學在鹽梅

望重 帝心知園開獨樂元無悶星復文昌自有期
只恐湖山留不住爲公先賦袞衣詩

贈成仲謙

相門舊德見韋平敷歷仍高岳牧名曾向艱貞覘學

力夏逆之變脅君不從懷其偏於淪落重交情湖山

縱履登臨徧書画船移鑒別精勿戀煙霞輕絛冕還
應提鼻念蒼生

藝初過山中招同學山飲舟中賦謝

藝初過山中招同學山飲舟中賦謝

藝初過山中招同學山飲舟中賦謝

離散誰招楚客魂煩君舟楫遠相存別來飄泊關情
切醉後行藏把臂論決水有心蘇涸鮒投林無路憫
窮猿都將阮籍迴車淚灑向今宵雜酒痕

贈褚學稼

續史才高褚少孫懶遊金馬愛衡門庭前經授雙瓊

樹帳底書藏五石樽君著有堅瓠集行於世青眼風流追大阮

謂令叔素心晨夕卜南村杖鄉未肯扶靈壽長醉名

花雪滿園所居四雪草堂花木最盛

酬張處冲詠飛蟲絡蛛網見贈之作

偶然鼓翅傍花過才到花間觸網羅纖縷織成原有

待微軀投處恰逢他晴天自悔飛騰誤暗地休嫌星

礙多試問石湖仙去後山童還肯解圍麼解圍見石湖詩

張湛謀招同宋駿公聞爾達集芳草堂時宋聞

兩君同往白下予亦將有秦中之行即事次湛

謀韻

解袂纔過三月三行厨恰許聚朋簪黃梁熟後人同

醒青翰歌中酒易酣正羨仙舟移李郭却愁倦馬向

峭函何當重聽西窗雨細把今宵勝事談

藝初過山中招同學山飲舟中賦謝

藝初過山中招同學山飲舟中賦謝

揚州遇王器先出鍾陵遣興詩見示次韻贈別

門高轉愛避塵囂不厭衰遲屢見邀每過侯生親執

轡欲留枚叟共觀潮贈來芍藥憐隋苑唱罷驪駒指

灞橋頓覺吳裝行色壯新添詩卷壓牛腰

讀張亢友集句詩賦贈

編珠疊玉愛紛綸驅遣前賢筆有神斷句試拈成屬

對陳言經用轉生新琴調百衲音偏雅裘集千狐價

始珍却笑連眉長爪客枉拋心力作詩人

答蓮洋山人

下馬陵前草共班君猶作客我投閒難忘燕市悲歌
日肯問盧家捷徑山鶴解凌霄偏剪翅豹甘隱霧始
成斑解嘲戲詠秋槐句貧爲詩人鍊九還

雨窗偶成疊閒居韻

自笑飄零老禿翁又聽秋雨臥關中飛來水鳥多鷗
鵝療得河魚少鞠窮堯韭芋眠他自碧薜華沾濕也
能紅欲教病鶴經秋健掃盡浮雲待好風

其二

生涯真似信天翁兀坐孤吟煙雨中女宿陳瓜難乞

林孝廉集卷三

西

巧奴星縛柳未離窮乞憐不慣頭先白教調還愁面
發紅安得去來隨我意朝南暮北趁樵風

聽周尚賓吟所作蜀棧紀行詩有贈

李白曾歌蜀道難酒壚聲價動長安重聞劒棧新題
句疑向刀州夢裏看鳴鵠尚留仙跡在啼鵲如訴霸
圖殘何當更訪三峨去雪壓娑羅六月寒

題龔節孫種橘圖

昔從陳髯識龔子長身鶴立神清癯嗜我惡詩如羊
棗邀我爲賦種橘圖當時被酒輕一諾壁箋染翰翻

躊躇才情轉退學殖落氣盡豈但大小巫譬如芳草
滿蘭澤蛇床未敢叅薜蘿十八年來等電掣相將弔

古如唐都班荆語半責宿諾築臺無地逃詩逋李衡
生計已就未知子意不存區區古來築亭并作頌後

有端明前左徒直將嘉樹合臭味歲寒不受冰霰枯
素花芳馨朱實美彼哉辱以千頭奴錫貢包如九品
重君王玉食光輝須貞姿勁節供世用比似吾子寧
有殊吾今又賦從軍樂且復爲子留須臾商山之樂
何足戀願子早向金門趨他年功成期結隱國山青

林孝廉集卷三

三

映包山湖霜天丹黃千萬樹與子嘯傲重提壺

消寒第二集分賦得霜

限寒林二字

白鴈先傳信凝陰早戒寒最憐珠露結休當雪花背
入夜鐘初動凌晨瓦漸乾何當占霧淞飯甕野人歡

二

旋改蒼葭色俄凋錦樹林板橋寒有迹葛屨暗驚心
月誤牀前見秋驚鏡裏尋曉窗吟思苦愁向斷髭侵

同丹壑太史集節孫寓齋賦花朝風得江字

青鞵初試踏青鞵少女風偏撼綺窗漫翦護花旛葉

葉刺憐銜蕊蝶雙雙

汴京花朝士女為撲蝶會

画簾深影搖銀押

綠酒微波泛玉缸好向崇蘭問消息何妨二月渡春

江杜詩春江不可渡二月已風濤

一畝居雅集分賦秋葵送悔餘吉人得酒字

幽花無艷姿亭亭出蓬莠每當闌暑餘擢秀九秋首

衛足非所能傾心亦何有不知扶桑日肯為迴光否

淺淡麴塵衣宜託東籬友勿向此花前匆匆易分手

且倒金屈卮共醉鵝黃酒

此花一名側金盞

林左堂續集卷三

三

秋左堂續集卷三

嘉定孫致彌愷似著

荆州聲山西厓西齋合樽招飲即事用賜谷花

朝韻

五年舊雨夢京華重得班荆望已賒却趁青旗同貫

酒敢從紫陌賦看花虬鬚幸保頭顱在

用崔瑗事

馬齒休

嗟歲月加肯負鳳城春色好杏梢紅破柳初芽

移寓即事四首

重向銅街踏軟塵宜南坊裏寄閒身舊交耐久能分

秋左堂續集卷三

十一

宅小住隨宜也卜鄰窮巷驚添車馬跡望衡錯擬宜

遊人誰知寂寞成都客不賦甘泉賦逐貧

二

借得閒房類鑿坏盤盤曲徑篆文回已無呼殿當前

開更有軒窗向北開風蕩疎簾分樹綠雨滋小塢選

花栽應門第一頒童約莫報紅塵熱客來

三

橫木為門且閉關去天尺五得深山儘容甥舅同棲

止尚有賓朋共往還室比毘耶纔十笏屋如叅佐亦

三間典衣先揀桃笙買消受清宵好夢閒

四

從教家具少於車坐嘯行吟亦晏如滿眼筒傾賒得酒等身架擁借來書何妨元亮餅無粟豈必馮驩食有魚多謝天公憐倦客連宵甘雨茁園蔬

送閻音錢子之任茂名

憶昔丙寅夏碧山聚名流久要出肝膈文酒相綢繆坐中吳與君年少才獨優泊乎戊辰春曲江快同遊送君需次歸愧我索米留君遭削杖悲數載淹林邱

欽定四庫全集

卷三

我忽罹置罕劣免虎穴收君獨憐我冤慰言頻呶嘍醉以醇醪濃重以仁粟調譬如孤飛鳥銜羽逢周周亦如得甘草野鹿鳴呦呦不知羊左輩至誼有此不今年復相見彈冠鳳凰樓溫潤見荆壁鋒鏘耀吳鉤謂宜治畿輔乃竟除潘州潘州在何許遠隔天南頭百粵富珠貝此獨爲窮陬倚郭事繁劇牒訴民啁啾旁人爲悵然君氣壯且邁炎方亦王土要在政教修期使蠻蠻鄉如密如中牟君本名公孫台鉉再箕裘烹鮮雖小試道與調燮侔公侯之子孫當復爲公侯

努力樹循績使我寬離愁使君鄭高密舊尹王子猷並爲同年生料必芥珀投爲我道相思不復煩書郵老病須藥物憑從鄭君求煩向禹梅求王子困鍛羽速令具歸舟君心猶我心自能委曲謀放筆寫長篇聊以賡蠻謳

不寐

夜鐘敲斷夢難甘酒醒燈昏轉不堪心逐六龍飛漠北眼穿雙鯉隔江南離愁日緩看衣帶壯志頻虛撫劍鐔頓覺霜毛添短鬚明朝應更不勝簪

欽定四庫全集

卷三

賀李丹壑

丹壑舉第三子適東宮以舉賜合肥公節孫有詩余次其韻

充間餘慶却宜冬行馬門高開氣鍾試向西豪占象緯何星來作第三龍

二

石麟初見下人間正遇恩從鶴禁頒好並賜魚成故事趨庭詩禮紹尼山

三

謝公庭下玉成行燕姑重徵夢裏香乍聽啼聲占夙慧他年解指鹿邊聲

四

蟠根仙李發孫枝三索半看玉雪姿世掌絲綸弓冶
在鳳毛還入鳳凰池

偶贈七疊題扇韻

管領花香與月明謫來猶得侍長生奪他紅粉十分
艷住近銀河一曲清鳥爪爬休生妄念龍鬚席敢賦
閒情唯餘枕上故山夢猶傍蹋歌行處行

贈黃葵園

南田弟子也

雲溪外史逃名士點筆丹青恣遊戲粉本流傳奪化

卷之四

四

工何人入室稱高弟黃郎早擅無雙目研丹吮粉窮
能事妙得鮮花江鳥情巧含真色生香意譬如書法
傳練裙買王得生望亦遂見君筆跡久相思何意今
來慙把臂典衣便詣黃公壚擊筑同謀燕市醉年少
如君太不廉何異梁臺歎朱丹獲索琵琶賀若琴絃
清管脆歌喉細每憐笑語暢歡情轉覺沉冥多道氣
遠從抱朴受真詮吐納經伸探奧秘乃知道妙握其
機紛紛狡獪皆餘技酒闌更展鵝溪絹乞為秋花寫
幽媚要使南田盤礴人文采風流長不墜只愁妙画

亦通靈靈寶厨中難久置

酬荊州見懷之作兼似寶君寄亭康飴來菴綏
仲文子質君西厓陂千元朗仍用鳩巢韻

仙籍曾同列許茅五年笑我燕離巢龍埋劍氣憑誰
賞馬瘦銅聲枉自敲重把蒲葵新贈句難忘杵臼昔
論交舊遊即事多振觸夢斷銀河水一坳

二

難誅宋玉宅邊茅生計如鳩上寄巢詞客句從天外

元朗和移
寓詩最工

酒家門許夜深敲撥煤事往憑公論裏

卷之五

五

飯情多愧故交老我投閒無所恨相期努力侍螭坳
即事戲柬許二疊題扇韻

頻傳青雀語分明瞥見霜髯覺眼生文武火遲金骨
換軟紅塵避玉肌清酒難醉客應無用雨只催歸太
不情却羨軒輶貪睡漢夢魂先趁馬蹄行

和顧俠君小秀野

斜枕銀灣背碧城閒門曲折小窗明渾忘宣武街前
開只似閭邱坊裏行

二

紅碧牙籤四部陳吟殘長日短繁親如何九陌槐黃
候亦有江南閉戶人

三

朋好過從命酒鎗吳酸還促絮南京依然錦石薌林
畔滿坐三儂笑語聲

四

不遣紅塵近碧紗新移蕉竹翠交加笑他蜂蝶空偷
眼爭識吳王苑內花

獨樹坡爲許不棄賦

荃齋集卷三

木

祖澤懷長松緣坡不知數兵火忽見髡山童石骨露
多君移宰木還植於舊處孤根勢鬱盤直上青天挂
亦如公侯家子孫復其故緬想華陽夢清芬有餘慕
何當復南遊從子譽嘉樹

次東田韻送君山南歸

銀灣柳碧水漸漸雙燕初歸語畫檐人共春光花外
去詩傳別恨酒邊添久淹塵土驂騮老漸近家鄉蕨
筍甜想見浮山行樂處茶蘼如雪月開奩

送霜亭南歸

鳳凰城畔久因依喜及春光送爾歸闕下拜恩毛義
檄堂前稱慶老萊衣酒傾燕市穿花去鞭指吳雲共
鳥飛想到故園櫻筍好煙波吾亦夢漁磯

賦得衆仙同日詠霓裳

限同字
館課

儒科高第日仙籍上昇同伏火丹能就梯雲路盡通
聯名標碧簡接武謁珠宮法曲來雲外清吟傍月中
香沾清桂露袖惹白榆風紫府朋遊盛丹臺品秩崇
有心勤吐納無計向虛空換骨神方在惟應仰至公

讀悔人詠新城公帶經堂花竹詩有感

荃齋集卷三

七

長安妙嘉卉家家治園圃花綱歲連檣移栽自南土
遠或踰嶺嶠近猶出吳楚花竹豈無知亦欲依賢主
朱門酒肉旁芬菲雜腥腐開落塵坳中何如埋宿莽
煌煌新城公樹人勤握吐餘事及灌花栽培皆得所
花中六君子羅列芝蘭伍品題命坐客覓句秋月午
誰歟獨擅場兼人見東浦體物無遺情寄興各有取
盤州陋洪适江頭凌杜甫聳也實軼倫餘勇曳車賈
沅湘蘭芷間臭味夙相許託根近九畹露足被時雨
相期懷縣花終入虞淵簿肯使空谷芳秋風滯東魯

又題阮亭先生禪悅圖

論詩如禪宗我聞諸嚴羽妙悟最上乘一花五葉聚
聲聞辟支果知解固無取龍象得我公直契西來祖
如大香水海又若塗毒鼓愍渡拯末法一指俱胝豎
雅鄭窮源流別裁期復古願我諸學人共拈瓣香炷
稽首人天師皈依廣大主席幾託津梁毋或偏規矩
服膺三昧編滴滴露法乳

至日雪後劉雨峰招同王樵谷孔東塘王崑繩

雅集分韻

禁齋集卷五

至日重煩折簡招舊諳門巷喜非遙相呼麴部醒還
醉莫比桃園歌且謠我道喜占葭律轉此身甘比雪
花飄消寒九九從今始擬向江梅瓣上消

題陳六謙戴笠圖

太白樓邊笑相揖人笑狂生兩戴笠相期不作溫飽
人勛業須乘少年立驅車我乍返句麗捧檄君旋赴
安邑一爲判袂再周星夢想何由手頻執今我青筋
賦遂初喜君粉署含香入吟苦直過老杜瘦書工不
數小王習九重激賞少海知筆札行看上方給

殷勤偏是念窮交腐芥猶邀琥珀吸停觴廢箸屢歎
詫欲挽陽春振幽蟄長安滿眼紛冠蓋有幾如君急
人急不負丹鷄白犬盟誰道古今不相及

送洪九歸省兼呈紫馭五兄

吾兄有才子久客長安道秋來動鄉思爲別何草草
言念定省疎歸心先去烏伊余久羈孤幾人共懷抱
所賴相因依獨有衰宗寶爾復捨我去使我心如搗
爾秉珪璋質追琢富文藻餘力事臨池往往逼醉藁
我書苦醜惡捉刀每相惱孰知琉璃硯向後日枯槁

禁齋集卷五

九

却羨吾老兄山中友綺皓到門拜家慶正及秋光好
舞綵潔晨飧捧觴祝難老定憶倦飛禽歸棲苦不早
贈行乏秦策緘劄託魯縞持此獻阿翁軒渠應笑倒
胡茨村招同園再集拈真虞韻

山桃花下醉經旬繁杏俄看碎錦新漸覺春光拋擲
易肯辭良會往來頻奇文更共南村賞妙舞還同北
里陳却笑閒身閒未得長因出飲蹋紅塵

二

置驛重煩折簡呼愛他好鳥勸提壺月泉許續新吟

社雲液仍酣舊酒徒改席坐園花爛熳看場人簇錦
模糊憑君却泥丹青手別寫春宵雅集團

題張魯菴寒潭印月圖

太白衆星月叔度千頃陂清芬邈千載想像不可追
吾友留侯孫風流實兼之如水靜可鑑如月圓中規
長空掃氛翳碧沼生漣漪吐爲冰雪文金瑜富陸離
出爲霖雨用岳牧膺疇咨匡時績方懋寄興良獨奇
如何巖石間貌此熊豹姿仰看團圞月下映清泠池
嗒然隱鳥几坐使塵慮遺古之用世人恒抱世外思

林義集卷一

謝傳爲蒼生未忘東山基長源竊竊日夢想採藥時
勛名特餘事何足用意爲但若明明月垂照光無私
又若汪汪水澤物物不知心與造化遊端朕誰能窺
今君方叱馭薇省開坤維倦客繫寒匏無計相追隨
炯炯一寸心日夕西南馳唯當明月夜却向碧水湄
臨流翫清影萬里通心期

寅谷招遊怡園移席張司業齋即事分得不字
吾友謫仙人臭味同蕙鬱良晨命朋舊風雅共揚扝
屣步款名園熏風初拂拂庭前楸花繁簷際柳陰苑

暗泉鳴琤琤倒影映蔽芾一簣濯纓唱用補乘蘭被
却過張司業書堂淨坐拂行厨耐何醇賓榻塵旋拂
同心十四人一一才健侶珠光乘可照劒鋒鐘可荆
古調謝雕鐫強韻押詰屈揮毫風雨來落紙雲霞蔚
豪興恣拍浮羈愁藉攻慰深杯促坐飛餘瀝霑衣點
且飲樂厭厭任春去忽忽晴不羨五侯經不慕千佛
詩城壘相當醉鄉道無第我生若園虎馴擾隸服不
病少探骨醫食恥搖尾乞賴有塵外契醉以杯中物
金瑜富新製好我過大屈九勿切濡髮傾盃鐺忘形遺

林義集卷一

簪紱良會不可常醉歌識髣髴

擬謝靈運九日從宋公戲馬臺集送孔令詩原

韻館課

東蘭楔春流授簡賦暮雪何如臨高臺遙矚秋光潔
遂紆上宰駕茲焉弭旄節睠惟遺榮人勇退效明哲
保此千金鐔不受黍米缺是時萸菊苦秋光亦可悅
供帳藹如雲祖餞傾朝列勿辭王爵揮但恐驪歌闕
賢哉蘭省彦遠紹二疏轍繫維諒無由怡悵徒惜別
霜天翔冥鴻戀棧愧駕劣

陪館師尚書韓公及胡南荅汪東川王瑁湖三
先生張寄亭查昇山湯西厓張凌秋汪文升安
公周漁璜集李寅谷書齋看桂花即事同用前
韻

叢桂何連蜷冬榮耐冰雪繁英吹古香及此秋光潔
主人夙愛客芳酌釀松節花間張綺筵盍簪聚時哲
我師夔龍侶遐寄師齋缺嘯詠競良辰卉木亦光悅
賓朋芥珀投生徒鳬鴈列興酣觴百巡樂過歌三闋
惜無魯陽戈駐彼羲馭轍纖月印芳林徘徊未忍別
高吟繼小山今古孰優劣

送歲用東坡韻 館課

少愛年華增老願飛光遲奈此雙跳丸夸父莫能追
每為歲欲盡輒念生有涯何況杖鄉人非復少壯時
恥逐揚雄貧懶齒蔡澤肥功業嗟未立難遣脾肉悲
速呼滿眼酤自勸醉莫辭此中有妙理聊以扶吾衰

二

殷勤勸新年為我來遲遲為恐此殘臘一去不可追
自憐此歲中得免潛幽涯所以與之別纏綿異他時

坐惜燭易短翻厭梅花肥得毋歲與我亦有別離悲
久留且未得且緩須臾辭此日詎能忘可愛如趙衰
九日將至荆門先生訂期七日各携酒肴於臨
野閣為登高之會適 致彌 先應樹峰兄招集同

宗中席趨赴則座客已散矣坐中雲岡言席上
先生命各以臨野閣二字為韻即事賦詩 彌 雖
後至不及與會其可無詩乎抑閣中景物皆為
諸公所占則後至者亦未嘗非幸也

吾師道何廣欲奪溟渤深忘分及生徒得酒必共斟
佳晨近重九宿戒相招尋孰知並我舍佳釀來南潯
期我挂鵝夷嘯侶同登臨

二

高會有前期無不踴躍者致師老門生舍我其誰也
數循種種髮已拚濡盃竿無端親串淹坐令斜陽下
後至等防風由也何其野

三

內集多情話師命有宿諾逃酒作妄語佯不勝杯勺
豈知欸門時客散燈已落縱飲望未饜食言返多忤

載酒須重來謝過醉高閣

香泉招爲臨池消暑之集是日雪坪將歸於坐

上作画諸君子皆分韻題以送之予病不能赴

雪坪代拈得枕字

消暑何所宜宜作文字飲及至開樽日美疾乃孤寢

一醉天亦慳命薄何太甚群雅合南北溫邢兼任沈

既題蒲葵扇更賦柗榴枕書從懷瓘斷詩入鍾嶸品

更愛聽山翁

雪坪自號

將歸弄墨瀋寫作我我山下臨江

淊淊使我口流涎如鳩思食甚又若朽腐餘尚欲蒸

芝草吾聞蛟螭遊亦有文魚騰筆陣再交綏其無舍

狼暉

耦長以漁洋辛齋兩先生詩卷見示

漁洋格比左司淡射的才欺東野寒臺閣山林誰鼎

足賞音惟許一都官

題林吉人看雲圖

林聳挺秀嶺海間右旗左鼓朝三山讀書養親白雲

裏流泉何急雲何閒竭來燕市喜相遇懽懽未終忽

辭去秋來南望見雲飛鄉心已到雲生處頰上添毫

誰貌君披襟坐對雲氤氲画師直是知君意不戀青

雲戀白雲

秋日病中疊前韻

蛛封筆格几凝塵半月生疎硯北身却對殘編逢舊

好盡將佳句釀比鄰

謂節孫天復也

鄉心迢遞楓愁客旅况

蕭閒菊笑人莫道更無錐可卓充囊藥券未全貧

二

環堵如城也要坏自搜篋笥典錢回久輸轡雀巢偏

巧且避顛當戶莫開樹到秋深花懶放畦當霜後菜

難裁多情只有雙黃蝶猶趁西風過院來

三

四

東鄰虎士話翹關西塞鮫翁勸買山烽火幾時戎馬

息煙波何日釣船還三秋夢落蓴鱸後半世身居木

鴈間藥裏暫拋詩債急並無忙事不曾閒

窮巷偏多結駟車爭憐秋雨臥相如青囊分與刀圭

藥

芝田論德以合

彩筆貽來錦帶書無肉不須愁登

蟲有心惟欲注蟲魚何當謝却知交去阿對泉邊自

種蔬

送古度南歸

豐臺紅藥正芳菲
惆悵花前送爾歸
市少千金嗟郭隗
裝無一絹笑胡威
吟邊草向江南合
望裏雲從薊北飛
江上青峰同調在
寄聲莫戀舊漁磯

立春日再送姚菴

客中歲屢除樽前春復及
念我同心人出宰盤錯邑
豈無彈冠慶別袂
久難執無爲惜分携
努力事三立何以遣離懷
醉之以米汁坐覺條風迴
陽和振幽蟄

題耦長小照

憶昔燕市聚酒徒
君爲素絲吾灌夫
分携動經三五載
敬亭遙望增煩紆
不訝蓬萍隔蹤跡
不訝霜雪添頭顱
却訝論交二十載
集中贈答一字無
君才千莫器瑚璉
文陣免胄風爭趨
人所應有無不有
劒先玉尹難描摹
今年頗快合併久
中春直至闌暑徂
僦居咫尺接坊曲
騎驢又苦衝泥塗
誰歟爲君寫此卷
宴坐邱壑神數腴
索我題詩久不報
匪獨氣盡大小巫
貪向畫圖數晨夕
摩挲不顧紙墨渝
猶恨画師少深

意不添夾侍雙鷄雛
何當呼取禹鴻臚
新知舊好少長俱
鵝溪二丈行君子
更作把酒論文圖

借山欲駐錫廬山屬麓臺作圖以送之

高僧欲就匡廬住
先倩黃門画作圖
三疊泉飛知瀑布
一峰雲鎖識香爐
定緣心雜嫌詩客
莫遣眉攢失酒徒
我似樂天思結隱
可容添画草堂無

和朱翠庭買菊詩

吟成百十二明珠
換得寒香四五株
應笑喫虛豪衛尉
枉量三斛聘名姝

載菊

篷窗笑擁傲霜枝
泛酒餐英事事宜
此外更容誰共載
一編王局老仙詩

君方較刻蘇詩

中秋前四日偕燕叔過悔人寓留同崑繩壇長
德尹鉉升劇談痛飲即事分得炎字

躡屐相携過老髯
泥他倉卒貰青帘
身閒愛作無何飲
客好多於不速占
怪事豈須論咄咄
大言聊共聽炎炎
莫教雲際將圓月
枉照空杯下步檐

送桐城相公予告歸里

調鼎功成日月邊急流勇退志何堅懸車疏傳非因
老謝印留侯本是仙山水久牽肥遯夢乾坤多慶泰
交年辭榮轉沐君恩重盛事黃扉古未傳

二

四十年來侍禁庭始終一德表槐廳心平似秤消
偏黨節峻如山樹典型元氣斟來依北極重輪捧出
映前星直將國事同家事莫訝朝迴減鬢青

三

得請頻聞帝命宣教過冰雪待新年軫懷車騎馳

禁庭始終一德表槐廳

心平似秤消

驅路特給郵符供頓錢別拜瓊瑤頌鶴禁舊藏琬

琰耀龍箋載將聖澤浮山去江介榮光夜燭天

四

曾霑御帑買漁磯今日移家始得歸天上絲綸分
雨露山中泉石足光輝逢迎老友同遊屐檢點行裝
祇賜衣整頓乾坤偕隱去古來名相似公稀

五

紫泥頻草玉堂麻手扶天章傍帝車稷契賡歌垂景
慶歐梅文運改奇衰金壺著作光青史玉筍人材出

絳紗最美雙飛雛鳳好還將典冊當傳家

六

知己恩從吐握真都亭錄別戀征輪龐公牀下殷勤
拜越石車前感激新雞樹連陰收散木鳳池分潤活
枯鱗從今夜夜金臺側南極光中祝大椿

宋荔洲坐上詠燭花十韻

何事西窗燭翻同上苑枝暗移清夜漏巧弄艷陽姿
根以脂膏潤花非雨露滋漫供珠鳳戲俄見玉蟲垂
細蕊初如粟繁英或類芝最憐成穗後長是減光時

禁庭始終一德表槐廳

心平似秤消

慣引飛蛾繞還疑舞蝶窺護持宜掩幕珍重莫敲棋
藜火吹來久蓮燈撤未遲好教頻下拜有喜報君知
歲除即事同雲岡大傳丹思邈三二婿兒子農

祥用別歲韻

茶香酒辣總無嫌鄉里前賢勝賞兼吾鄉李程諸公
倡和程有愛酒
不嫌茶之句知己不嗤三戰北依人俄作五年淹軟紅塵
土何由避蒼白髭鬚未許添紅皺莫將青子笑到頭

回味讓他甜

二

貧也猶蒙犬不嫌訪有犬不嫌家貧之說床頭金少況非兼唯

餘綺語多生習能使良朋竟日淹道士庭中花再看
司徒書後菜休添夢蟲情性君休訝懶向蜂衙羨蜜
甜

前二詩成雲岡以為過於詫歎罰以巨觥因再
作長慶體歡喜詩二首

衰白人偏不我嫌詩壇酒社每教兼華筵開處長先
到禿筆揮時肯暫淹韻脚已窮猶強押杯心將溢更
頻添問君老去狂何甚祇有於中味稍甜

二

富貴神仙兩未嫌鳴珂絕粒且須兼前身恐是孫思
邈後樂曾期范仲淹歲在己辰身轉健曆週甲子算
重添不經辛苦酸鹹過爭識從今已後甜

探春花八韻

誰報春消息幽叢獨擅名似嫌池柳晚偏共嶺梅爭
細蕊衝寒發繁英映雪明丁香應共結甲煎不如清
素豔霜華碎紅潮暈酒輕每逢花信早便覺暖風生
豈待辛盤薦何煩綵仗迎年年長被汝喚起踏春情

訪孔垣三疊學亭先生原韻

三過雲林閣皆當冰雪間空邀塵外賞未解死生閒
岐路悲儒術虛銜掛道山仙童應識我懶為啓松關

二

避俗非人外藏名尺世間林泉供嘯傲雞犬亦蕭閒
妙墨珍潘谷危言笑買山九泥謝塵事堅過閉函關

三

我逃嵇呂厄君託惠夷間老去翻能少忙真不及閒
淡然交若水仁者壽如山願息飛騰意同參覺夢關

呈孔翊宸先生

杏花壇畔仰中台曾薦青衫出草萊北海本來憐盛
憲東家何惜鑄顏回馳驅力盡悲鹽輒盼睽恩深愧
笛材莫道白頭難報德過庭詩學尚能陪

孔宏輿博士招集青藤書屋即席賦得茶換香
限魚字

不惜芽分穀雨初為憐煙裊水沈餘筠籠鈿合交待
贈茗椀熏爐各自如厄笑王濛應得免癖傳荀令未
全除頭綱聲價雖珍重爭解芸編辟蝨魚

戲詠冰車

得向層冰自在游，車行非陸水非舟。
能無履薄臨深懼，更免摧轅覆轍憂。
快比隻輪馳峻坂，穩於雙槳泛安流。
還思秧馬江鄉樂，雀躍春泥滿綠疇。

寄陸謙吉客瓊州

辛苦珠厓客，依人跡似萍。
孤身浮海去，五指插天青。
颺避雌雄蜺，潮占長短星。
檳榔花辟瘴，方法試醫經。
太子太保耿懋敏公尚柔嘉公主其愛女為今學士納蘭公夫人今年冬

松蘿集卷

三

皇上眷念懿親，召夫人入宮講家人之禮命

德二妃陪宴，賚宮纈八玉釧珠簪，冬一復撤

御饌送歸，以進相國皆亘古未有之

殊恩異數也。致彌為耿公舊客，忻感交集，恭賦以

紀其盛

鳳凰樓上掌中珠，行馬門高拜翟榆。
楓陛論親甥舅重，椒風列宴主賓俱。
已叨異寶頒天府，更捧兼珍出御厨。
始信生男爭似女，能承餘澤上雲衢。

萬壽節 暢春園恭紀二首

寶籙綿長景運隆，鍾祥華渚紀流虹。
九重澤沛春

臺上萬國歡騰壽域中，水挹丹稜如拜洛。
苑連青障

聽呼嵩，趨朝喜見堯天近，五色雲開旭日紅。

二

宮苑柳映參差劍佩，分行繞玉墀。
德仰乾坤真

莫並恩沾草木，豈無知幸逢海晏河清日，共和天

長地久，辭歲歲上林同拜舞，萬年枝下肅朝儀。

題李寅谷西溪草堂次昌黎公韻

小築聽鶯樹，兼營闢鴨關。
芳時同嘯侶，永日共投竿。

松蘿集卷

三

密樹藏幽徑，輕鷗下淺灘。
不教漁父識，獬廌昔曾冠。

二

幽事頻牽夢，長才未許閒。
偶因辭節鉞，翻得賞溪山。

擺極香千頃，芙蓉水一灣。
但愁丹鳳詔，還到白雲間。

三

柳下龍舸棹花邊，
轆轤車身曾依日月心。
只戀煙霞

把酒春常駐，尋詩日未斜。
捻書如見許，賃舍向鄰家。

四

空翠千峰合，晴光照野亭。
得公為地主，真不負山靈。

沙淺留鴻爪林深養鶴翎誰能教畫史寫入鮑昭屏

喜西齋移寓西鄰用香山與元八結鄰韻

同心同舉最情親
僦舍同棲乞米身
恰稱聯吟兼賭酒
但羞華髮對青春
郇成自昔能分宅
王翰於今果卜鄰
贏得街頭傳好語
往來車馬盡騷人

琛似鍾甥歸故居喜而有作

韓康甥舅久同居
此日忻聞返故廬
五世尚留君子澤
一編曾受老人書
毋忘樹德滋蘭晚
好待揚名上玉除
須學咎繇古懿士
牢之潦倒莫相如

林深養鶴翎

沙淺留鴻爪

原序

讀文章而有情知其忠孝人也自左徒美人香草而後後之忠孝之士若杜工部李供奉蘇端明黃涪州辛制置之屬或托於詩歌或見於詩餘小令體裁不同此物此志爾故文章之道最尊上自謨訓疏奏箋表之類降而至於詩餘小令何異公侯五等之尊下視輿臺皂隸之賤也哉若夫宣其忠孝懇惓不得已而安之若命之心則疏奏箋表猶之冠冕黼黻之尊且華而詩餘小令猶之中帟單絞之賤且褻也夫其服愈媒去體愈親其服愈賤其被愈廣此詩餘小令之作雖褻且賤而其製有不可廢耳孫子愷似所稱忠孝家兒也其祖中丞公自請纓開閫終身不忘爲國喪元之志而其下編裨廝養皆能以其材伎勇健樹勲名而建大業宜乎愷似之心益悲以深益壯以婉淒以切折而出於詩餘小令之作如羌之笛聞之砧令聞者讀者爲之黯然而銷魂悲哉而奪氣也士生菰蘆中讀書養志有所懷抱不得托之賈疏董策以稍申其痛哭流涕之情其所遇又多舊國舊都頌

四香樓詩鈔三卷

〔清〕範纘撰

中國科學院圖書館藏清刻本

附《四庫全書總目·四香樓集

四卷》提要

序

襲時子姊倩葉忠節公數爲予言其同里之隱
博物君子曰范子笏溪云遂介以定交其品粹然
其容溫然其言霏霏如玉屑吐而不窮叩以僻事
與義如響之應聲其詩詞剗鋤生巧不可階儷
體之文縝密而動宕如織錦川珠書法瀟灑超脫
畫尤精詣蓋其所蘊畜幾不可以斗石量而卽之
如飲醇醪焉時先大夫好堪輿家言而范子又得
諸世傳以其術行江左揚歛間奉若神明先大夫
與語益大喜以故雲間距海昌二百餘里范子
舟往來其間歲不可以數計也旣予仕京師甲申
乞養旋里復時時與范子聚剪燭西牕夜漏三下
童子頭觸屏風鼾睡而其談未倦也或座客各以
所著述就正則研朱點竄撚髭而長吟意氣丰采
至今可繪焉戊子暮冬葬先大夫實范子卜其兆
都人士會葬者畢集戶外屢滿爭欲接范子肩宇
聆其聲欬范子談論詩文肆應不竭精神掩映傾
一座無不得其意而去予同里朱翁三英善醫亦

在焉曾診范子脈私謂余曰惜哉笏溪不久矣一
年人耳予怪其語不經而雅服朱翁術則又惟恐
其中乃果於己丑之秋病嘔血而庚寅之歲首不
起矣時方六十誕辰予祝與誄相繼發噫其可悲
也既子奉內召其孤仲君春江弟子禮謁子
石門舟次贊詩絕佳子讀之而喜曰不墜其家學
矣既子出撫西粵其長君耕南遠來謁子軍門溫
文爾雅長於制藝而尤善青鳥術子留之署中三
月而又喜曰不墜其世傳矣范子子三子識其二
四香樓詩鈔序

四香樓詩鈔卷一

雲間范 續武功著

山中夜雨寄友人

徑僻蛙聲怒連山風雨時燈光不滿屋泉響已平
池醉眼攤書倦雄心入夢遲三年懷一刺漫滅有
誰知

雜感

邨莊喜賽神旗亭起閒地雛伶演院本鼓響人騰
沸書生果風流佳人亦端麗叙述出名門傷哉爲

四香樓詩鈔卷一

貧累不但親串欺童僕亦遠棄肆口好談交積欠
遭衆忌輾轉不可言觀者皆流泪時當三月天雷
雨陡然至淅淅卒未休鼓歌人爭避閒坐野寺中
人多不愜意老農忽狂談後本我能記莫嘆此書
生旋即撥高第迎妻入國門三遷占大位德怨報
分明一吐生平氣文人有九命諸公曾見未運命
倘不然有志豈能遂天下好秀才只演上本戲
其二
山齋來老友未語泪涓涓祇因不令子相棄不相

憐我令酌我酒姑且聽我言某爲子積產某爲子求官絕不辭勞悴博得子歡顏壯未及娶婦囊不克留錢垂老望供養饑口空流涎孝弟猶泥馬聊以飾外觀豈能行一步而欲加長鞭凡子不滿父

舉世同焉

其三

天下有五金惟金銀爲寶金銀獨稱子其用近於孝寒肯辦以衣饑肯供以飽貧病相扶持豈非有明效吾友稱其子聞之更可笑稱子爲棺材其說亦有道堂堂七尺軀頑鈍已難教眼前甚可憎歟後邨可少此雖近諸謔新論所未到

其四

碩儒闢理學寒暑搜殘編兀兀破牕下白髮歸黃泉寡婦撫孤孩辛苦歷萬端百歲囚一室至死免饑寒古來如此輩不知凡若干若名竟湮沒往往同飄煙獨怪有幾人耳熟里巷間風流推張生窮宛稱貂蟬李達亦俠士馮商亦高賢吞糠趙最苦抱石錢堪憐壘壘談往事歷歷在目前牛童及馬

四香樓詩鈔

卷一

三

走窮鄉與極邊日日無不道處處無不言無人并無鬼千古反流傳

查灣步吳梅邨先生韻

礪戶晝多霧戎戎攬石根落花停水斷深竹護沙門鹿過疑無路雞鳴忽有邨徘徊山吐月清楚報黃昏

元墓夜泊

刺艇銜杯興不孤層層樓閣樹模糊黃昏月轉千山後風落鐘聲滿太湖

四香樓詩鈔

卷一

五

寄懷田髡淵孝廉

竭來十載在槃阿紅鶴軒成白雪歌乙夜清尊開北海午牕薄宦總南柯雲收老雨溪邊去天豁秋山意外多有待風流題玉柱漁竿未許戀江河

其二

我向閒園守五窮乾坤落落信天翁身安三楚干戈外家在南邨風雨中幸入醉鄉無問禁忽驚殘夢卻書空水西亦有悲秋客爲賦停雲寄便鴻同張硯銘田髡淵董蒼水集錢蕤漁齋限徐

字贈蕓漁

年少錢郎近里居，曾題粉榜授中書。才華向比東
牆宋，丰度真同北郭徐。留客暮還烹野雁，養親身
不戀金魚。停杯聽徹湘靈曲，門外霜花已滿車。

寄懷蕭芷厓

寒江湖長羣星流，月直南邨蘆荻洲。載酒曾來棲
隱地，相對秋燈江上樓。隔牕花影繞長圍，一斗當
筵歌且舞。夜分刻燭共題詩，詩成促坐論今古。東
方日出放江船，別路江深思渺然。回首余年時十

田香樓詩鈔

卷一

五雙影悠悠空十年，今年風雨黃梅天。周郎示我
春愁篇，爲問先生尤。雙鑠興亦不淺，南樓前近復
鑿池栽桂樹。樹下池邊狎鷗鷺，鄉里人欽大小山。
杜門著述朝還暮，朝還暮傷別離昨。宵夢到南邨，
裏三徑寒花知不知。

集葉蒼巖太史淡真堂咏淡字

六月霄鵬暫息機，清言亹亹覺元微。簾前山影輕
於霧，潭底雲容冷欲飛。笛簫轉時歌渺渺，客流連
處月霏霏。秋梧葉落涼風度，一縷茶煙不染衣。

寄旅菴和尚

偶懷蓮社老詩僧，醉裏南樓又獨登。斤走白沙連
暮雨，山空黃葉見秋燈。揮毫每見才無敵，放艇招
尋病未能。最是鼎湖龍去後，斷雲殘月上觚棱。

湖上

閩越干戈息，寒鴉還舊林。夕陽依草薄，霜信入湖
深。廢苑何人到，空山獨客心。不堪頻駐馬，歸路接
秋陰。

其二

田香樓詩鈔

卷一

五

曉霧連山白，西風卷客衣。門前多少樹，一夜帶霜
飛。小徑溪流斷，橫岡日色微。招尋舊相識，高話坐
漁磯。

蕓漁席上咏竹夫人分得騎字

青奴終日在羅幃，出守南柯爾亦隨。幾度秋風梧
葉落，邨堪換馬小兒騎。

嘲蕓漁

春風吹得杏花开，暖日遲遲上碧苔。相近畫樓人
倚處，捲簾笑指玉鸞來。

送毛會侯歸嚴州

忽逢富春客因憶富春山富春山夾桐江綠山轉
江迴水千曲上漏天光一道斜嵐翠濛濛染衫服
俯視波心萬丈淵石支山脚相勾連樵東山花應
畏墮猿攀巖果擲帆前舟過茲江江月白擎杯脫
帽嚴陵側錦峰層疊多賢豪耳熱毛公未相識今
到蕓鄉見客星連朝揮塵夜談經柯齋擊鉢詩成
後竹圃彈棋酒未醒一月遊盤欲歸去書畫船頭
理釣具望中無限越山青沿江盡是相思樹

四香樓詩鈔

卷一

大

山行紀事

休陽月潭後深山中有屋宇田疇池塘林
木別成靈境同友躡屐攀藤循崖四五里
得至其巔盡窮其勝

源窮山壁立攬勝欲登天衣拂雲深處身行石出
邊草昏薰藥氣邨靜逗窑烟委折崩崖斷紆迴絕
絳連近驚猿散去遠羨鹿安眠路盡還尋路巔過
復見巔嵐濃情已倦登濕坐頻還對面橫生樹當
頭直下泉蛇腥愁落後鳥詫怯難前上界疑無地

平空忽有田水榆沙竹繞翠阜秀岡纏林密雙扉
隱橋通小徑穿披襟依岸柳消夏挹池蓮古塚存
唐碣長松歷宋年產能供飽暖老未識金錢待月
高纔到探花信獨先坡仍留牧笛溪只欠漁船子
姓久相聚鄉名外不傳命多無不泰夢少出山川
亭榭成靈境風塵隔世緣峰巒四面伏晴雨一方
偏何異桃源記寧同池上篇我生曾讀畫此際卽
遊仙忍別層霄裏回看意惘然

答汪蛟門

四香樓詩鈔

卷一

大

西泠花事一春消又刺輕舸廿四橋夢去征車山
歷歷醉來吟榻月寥寥不逢知己慵開眼只有論
文肯折腰聽得隣家按歌舞多將錦瑟叶瓊簫

其二

廿載神交保障湖著書高閣倚高梧貪吟常侍薰
香女避俗生憎逐臭夫百末洒邊花對笑二分月
裏鶴相呼傳人大抵耽林壑閒登天吳紫鳳圖

百尺梧桐
集錦瑟詞

同錢越江葉硯蓀顧霍南陳約聞陸敬峰宿

周應垂山園分得藤字

戰敗秋閑擁酒兵名園夜夜醉黃藤一潭水聚三更月四野山圍小閣燈似我枯魚難出入同君饑鳳未塞騰著書那便酬千古且棹扁舟去採菱

秋居有感步越江韻

高唐極日草離離接野風烟有所思求懷才逢得意誰能好客似當時三秋樹老蟬聲盡八月江寒雁影遲不是窮途常下淚陵陽抱壁向人疑

春行

因香樓詩鈔 卷一

斟酌橋頭泊畫船清歌唱出禁烟天隔簾笑向珠娘說正禁烟時莫喫烟

其二

重到山塘柳拂隄遮巢葉暗乳鳩啼老僧又換繡經處移榻西牕避燕泥

其三

穀雨花殘樹樹青斜陽漸淡月初升刺船支港聞人語山後人家約種菱

贈葉徵君九來步應垂韻

求賢曾應詔高蹈一人存行藥身能健攤書眼未昏扁舟衝暑到得句把杯論漫數平生事春明斷夢魂

隨侍家嚴訪表叔陳彥達邨居有詩貽贈敬

步原韻

每憶南邨叟高風絕可攀一厨新翰墨萬里舊江山秋月尊前白寒花雨後閒夜深人語近隣老隔溪還

吳江

因香樓詩鈔 卷一

落茫太湖水一縣冷光浮無月夜疑月非秋涼似秋魚蝦腥塔頂鷗鷺宿城頭生計桑麻足傳家耕釣稠老翁工織絹少婦善操舟風細菱歌遠灣深漁火幽橋長亭可憇波活檻隨流地勢空三面鐘聲散四周停橈情黯黯欹枕夢悠悠賦甲江南地民勞可息不

登吳江塔

一峰屹立萬方見仰視不知天近遠夜來礙月礙行雲雲崩直欲穿霄漢四圍星斗挂欄干手拍烟

光眼界寬平野蒼茫邨落靜沿江燈火漸闌珊
幢忽卷星落地地豁江流暗中去房廊城郭似樊
籠多少貴人酣睡處俯視一氣一身浮恍生健翮
凌高秋須知天地亦何有仰天大笑天上頭

爲張凌秋畫北郊小景

昔同湘瑟叩精藍笑擁雛伶酒半酣背月撒人花
影裏籠燈尋過版橋南

其二

橋南不到六年餘斜月山樓好讀書昨見張郎曾

借問半園秋果近何如

題藍川陳氏山館

東西山館登樓臺無數山花四面開想見月明人
靜夜書聲燈影兩邊來

題畫

昨歲江城此泊舟水光雲影接天浮夢回聽得吳
娘唱月子彎彎照幾州

春興步董進士榕菴韻

悠悠三十九年春舊鏡相看白髮新留筍當閃辭

俗客移梅向檻傍高人晨耕夜織家常業坐笑行
吟自在身正是太平多樂事滿城步障望南巡

其二

平生無處達空函并似金人口亦絨一二朋儔時
晤對十雙田畝免饑饉斜行齋壁燈前收亂葉邨
居畫裏芟頻把農書較晴雨不將得失問巫咸

其三

弄攜焦尾譜山居琴譜有山居吟差喜窮愁盡遠祛春草
好編居士屨新詩閒集右軍書棋敲野寺流連久

社飲隣家禮數疎贏得腰金總無分看山日日上

籃輿

其四

繞屋藤花樹樹明前山一抹午烟輕籬遶魚響知
潮信松下童歸問藥名春到酒帘爭簇市夜無街
鼓近除兵年來天許粗安逸只爲鈔書有課程

寄張雲先

西湖花月影朦朧我亦曾遊憶舊冬處處人來三
竺寺家家樓上兩高峰閒鷗畫臥晴灘草老鶴寒

棲菴澗松君到故山霜信好輕舫深悔未相從

無題效輓轡體

六扇屏圍玉鏡臺乍簪芍藥拔金釵今朝春去愁
應去昨夜書來夢亦來鸚鵡心靈籠不住鴛鴦性
潔水偏諧登樓一望堪腸斷暮雨瀟瀟畫舫開

湖心亭

波影周遭浸一亭夕陽欄檻接山青玉簫吹出西
湖曲分與遊船四面聽

淨慈寺

四香樓詩鈔 卷一
蕩槩湖南聞午鐘到來門對一青峰山僧欲使禪
心淨遮斷西泠花萬重

日陽橋

鴛湖花柳自周遭載妓遊春酒未消輕拍檀肩禁
笑語前頭已近日陽橋橋在烟雨樓西南凡
經過舟楫皆忌言語

旅夜遇潘次耕出扇索畫對景寫意并繫一

絕

城門已閉店猶開獨上邨樓對酒杯忽遇故知吟
興發隔江一片月飛來

雜感

中歲愛幽閒茅舍向田築簷隙通水塵有雀羣投
宿辛苦往來頻口口銜粒穀本愁雨雪時系積防
不足一朝被鼠穿將雀多驅逐飽食水塵間羣雀
反側目春來出蟄蛇日久已枵腹窺鼠不提防向
鼠渾身束支支聲未停首尾已團簇細嚼填饑腸
又過隣家屋

同人雅集霍南齋余偶止飲不赴卻寄

折東南邨逐日來閒中躲懶莫嫌猜逃禪越相逃

四香樓詩鈔 卷一
名舸避醉周王避債臺華鴨晚知歸曲徑午猶飽

喜臥青苔矮牕更有難拋處燕尾天葱蒨半開名

燕尾水仙
名天葱

雪中飲林南華池館

吟屐衝寒沙滿堤疑遊麴市寺橋西巡池鶴去應
添子池上有鶴
近贈他友遠屋梅多並是妻酒蘸燈紅疑琥

珀雪澆牕白勝玻璃夜深無影月中別欲覓扁舟

過剡溪

秋夜同錢鶴山遊虎邱

同到山塘月黑時
倒河高樹影參差
街連花酒燈相接
船載笙歌客散遲
中夜添衣尋舊館
一行乞火看殘碑
無端長嘯秋風落
宿鳥驚飛占別枝

舟中曉起再登山寺同鶴山賦

秋星散盡曉光清
比屋開門接市聲
花店女多香裏宿
山塘人似畫中行
寒呼布袴知禽語
晴買簑衣笑併名
兼衣併惟此處耽遊難了日若無磐石踏敢平

一歲

四香樓詩鈔

卷一

一歲從無一月閒
每思引卷坐茅簷
紫駝峰與紅

毛酒邨比黎邨雲子甜

夏日同吳綏眉過李生齋看畫

遊暑東郊叩竹關
一厨畫卷萬千山
山花無數湖光冷
半日身留消夏灣

其二

李營邱與小將軍
六法傳家總不羣
一曲樵歌彈未了
爐中烟散畫中雲

李生善鼓琴

其三

回崖倚嶂路盤盤
萬葉當牕石瀨寒
此處畸人堪寄跡
買山無力借山看

其四

卷衣歸路趁涼風
新月天青酒盞紅
夜半夢回秋簾滑
還疑身在萬山中

京口石松菴曉望大江

巖牕旅枕弄晨興
殘月餘光樹幾層
露鳥乍驚隣院鼓
曉船猶帶過江燈
天留一水陪行客
秋借青山任老僧
遙望海門初日起
微微波面白雲蒸

四香樓詩鈔

卷一

再過石松菴用前韻

酣酣午睡晚來興
靜倚松壇最上層
炎態易拋秋夜扇
沾名深愧酒家燈
月沉官渡聞新雁
樹挂禪衣憶舊僧
回首江南江北路
征帆無盡暮雲蒸

密說

題沈客子紫茜邨莊圖

時在邨江

雙橋竹屋遶溪灣
范當年屢往還
范叔寒來依楚甸
沈郎瘦後滯燕關
畫圖忽見邨邊樹
風雨思歸夢
裏山乞放東籬
數弓地爲儂書館架中間

葯間僑居廣陵近歸故里席上口占

之子全家寄廣陵隔年單舸返江城青山雨後新
榆柳白髮燈前舊弟兄東老琴尊人罕到謂章西永伯
隣池館主頻更謂董若水歸來准擬同行樂種秫澆花
過此生

高郵莊園并繫長句

符余十五六每思數椽屋門對好峰巒田疇遠籬
綠環池藕花香魚鱗頻盈麓雞埘及羊牢牛宮相
接續木綿供繰車露積朽紅粟灌陂養薺茶秬田

因香樓詩鈔

卷一

未

釀芳醪園寬秋果蘇阜厚多修竹橫欄俯碧流高
廳蔭花木一樓花上頭四望豁心目十年不入城
遺書耽夜讀卽此是蓬萊何須羨章服此志存中
懷廿載苦馳逐看徹數餘家方能享此福貴賤雖
不倫所趨同一局或曾爲富翁垂老無嗣續抱養
姪與甥邨墟避親族或曾爲名儒衣食頗充足忽
被奇疾侵治療棲林麓或曾爲大俠脫手輕錢穀
窺破薄世情求田事耕收或曾爲孤兒有母勤教
育長與六博親三遷入巖谷或曾爲吏胥傳嘗三

木酷幸而脫網羅僻處依溝瀆或曾爲人奴主賤
心畏縮遁迹別市廛屋宇傍山築凡此數餘家賦
命仍迫促往往禮空王聊以混雅俗至若仕宦歸
長圃伴松菊又如高隱流移家友麋鹿更有冶遊
郎買妾藏溪山三者志不同已勝享美祿顧余薄
福相魯鈍甘雌伏賤末事執鞭貴未遇推轂今已
入中年謀生猶碌碌婚嫁方始爾安能遂所欲縱
使力能爲安能脫羈束意想滿胸中閒來繪橫幅
并記所欲言裝池懸竈北偶引老妻看笑指秋禾

因香樓詩鈔

卷一

未

熟

初夏同陳巨高放舟袁化諸山步原韻

初晴雙槳出東郊燕子飛飛欲定巢焙竈茶香邀
客買閉門蠶信忌人敲低山有意含新綠凸盞頻
傾對舊交話到夜闌殘月墮紫藤花影落船梢

其二

一笑中年白髮生夜船吹簫日閒行晴邨泥軟留
人跡新水橋低礙櫓聲紅袖倚樓常入夢青衫縱
酒豈求名生憎隔葉鳩呼雨山下鹽塲乍剗平

其三

桑葉纔稀榆葉稠偶因九十九峰留緯蕭魚鱗防
梅雨伐鼓神祠禱麥秋酒載吟船呼鶴舞篋攜閑
帖借僧鈎日斜漱浦城南望海霧戎戎遮市樓

其四

浹旬水檻喜同惡况有青山似舊朋井石磨鎌看
斲笋菱湖礙艇喚提督年豐門少催租吏午倦人
如貪睡僧堪笑詩書儘辜負飛蛾抵死戀青燈

其五

卷一

卷一

卷一

市聲初靜雨翻盆毋戰篷牕酒一尊夢覺篙師驚
被濕夜歸樵子厭燈昏只愁纜緊風聲急猶藉香
消鼎耳溫重向繡經菴外泊五更清磬報山邨

其六

夜雨朝晴天氣涼時搢吟膝坐邨航岸邊插水魚
標白柳下遮門稻積黃閒數兒童投里塾遠聞簫
管問優場太平景象今纔見我輩相容作酒狂

沈文恪公崇祀特祠詩以記事兼示秩庭恪

庭昆弟 有序

豆花雨霽石河添三尺新潮金粟香飄鸞

樹放半輪初月雁寫前山之涼思宦與秋

清蛩吟後國之晨光人同露潔碧文丹藻

敢方魏國崇堂紀德表功亦有韓陵片石

墨花相映階連文敏之祠水鏡同懸檐竝

威靈之社歿而可祭德必有隣今以月之

八日恭送公之神位崇祀特祠兩廊簫鼓

歌陳大饗之章六佾千旄舞繞靈衣之影

曳蜺旗而遠送繡鎧水軍扶鳩杖而恭迎

卷一

卷一

卷一

黃衫野老飛蓋擁六卿而在後篆香撲

馬而不前爭獻酌則琥珀杯濃競馳驅則

珊瑚鞭亂走帆檣於四境耀俎豆於三吳

惟公名聯楊駱手持尺一之文貴單金張

世近丈三之日宵然藜於太乙晨珥筆於

延英上曾借其弘才下得仰其保障建牙

梁苑雪消赤白之九仗鉞燕臺霜凜朱丹

之轂復 命還歸乎貝闕奏秩仍入於木

天三階不泮歲而遷碑題太學千里致忱

獻而返賦素甘泉賜書賜袞左右顧而劍
佩生光註典註經義理微而程朱繼統文
既壯於鵬起字更駕於鸞羣除黑水之窟
流兩稱詹事裁西湖之桃李花屬東園若
夫兩朝勲績已著廟廊廿載鴻恩尤霑
桑梓摩肩疊跡辰峰多內史之弟昆吞紙
然據中浦有野王之子姪因貧謀食共事
遠遊賣文賣賦分馳則滾滾潘江乘舫乘
輪依仗惟溫溫趙日良山公之憐才天稟

四香樓詩鈔

卷一

手

彰善性成底寒之厦恨少萬間薦賢之函
辭非半紙情偏屬俗意切扶危品題忌倦
無草不香吹植多端乘風載響賢愚竝至
家同選佛之場遠近咸來室類留仙之館
雄羹羊酪婢苦供厨韋帶練裙吏難記姓
豈特酒肴之食更多籌畫之心上或進之
楓宸餘皆引之蓮幕度材而使量器以
盛然使朱提盈篋卽置驛而何難赤仄繞
床總解裘而非惠公則垂紳豹尾附郭惟

顏子之田返履螭頭乞米作真卿之帖忌
憂倖裏常向客以分憂避債臺邊亦爲人
而償債故使統其世祿鴻慶方長繼彼家
聲鶴鳴相和分攜遺笏後先則同侍龍墀
竝插華簪兄弟則共遊鸞渚弘閣之賓不
散翟門之客常存惠同巖峻報恩傳釋氏
之經澤與溪深酬德見謝郎之賦續也橋
柚本無遠志不渡淮河鸚鵡總好狂談未
過濟水小草願生於下谷孤雲懶出乎空

四香樓詩鈔

卷一

手

山昔瞻鳳采未專半席之榮交締象賢已
託廿年之契慨世風之千古感前哲之云
亾裁成近體白傅應笑其小詩弁以緒言
董史不阿於曲筆須知德仍有本重門開
利市之花善必由根疊砌發科名之草欽
其長厚又傳鉢而傳衣享以烝嘗必如松
而如柏

先生七葉暎龍池翰墨文章四海馳已有功勲傳
信史敢將長厚寫蕪辭病留未識窮途客寒惜無

衣著葛兒今夜不眠知幾處殘燈孤館繫人思

其二

賣文從古向長安薦引孤寒世所難相士如懸萬
年蛤救人欲贈九還丹典衣給得荒厨米分俸歸
他逆旅棺多少銜花舊黃雀夢中棲遍畫闌干

其三

滿城簫鼓引華旂練日相迎禮數尊世願藤金裝
少伯客思買線繡平原猊鑑一炷新恩重魚袋
雙垂舊業存堂下如煙人不散情同儷鳥戀漁邨

四香樓詩鈔

卷一

三

其四

平生懶作出山僧養得閒心一片冰人棄貧交如
舊曆世憎遊客似秋蠅已知說項談何易儘可依
劉病未能仰看垂青天最近吳興兄弟又傳燈

千山絕頂

傑閣插山椒山高鳥聲絕惜未約周郎同醉天心
月

新安江口占

兩岸峰圍千曲江重重嵐樹映篷牕除非宋畫唐

人句寫出紆回七曲瀧

其二

堪笑他州誇乘志一邱一壑著嘉聲新安江上山
無數問着居人那有名

其三

纔出那敢舟中仰面看
歲出那敢舟中仰面看

其四

山東江流千萬灣江奔流出萬千山不知多少叅

四香樓詩鈔

卷一

三

天樹常帶嵐光雲影寒

題嚴子陵釣臺

仕途切莫與天爭落得溪山養性靈二十八將卽
列宿蚤判先生是客星

寄懷陳乾齋太史

浙東玉冊舊名家臚唱青年世共誇染翰獨攜三
品筆裁詩重賜一枝花校書日久芸香透侍講宵
深蕉葉加爭羨巡行承顧問繡鞍常傍五雲車

其二

半生生計託漁竿天上人常念一寒醉後琴雖彈
聖德夢中路不識長安太平花氣供吟榻快活禽
聲伴倚欄無限江南山水意趁閒寫寄玉堂看

送借山上人還雲門步留別原韻

支公遊學各方叅薛經芒屨已染藍爐火伴將過
夜半河冰留不到春三寒同雁影俱來北心似梅
枝獨向南無那冬殘又分手忍攀衰柳立江潭

題敬峰心橋林屋

西臺御史舊詞臣贏得逍遙研北身三面拓廳花

四香樓詩鈔

卷一

詩

葉裏時臨樂志與閒民

其二

環林潮白月堪賒半臂春來畫九華酒氣墨光常
透水隔林人說是仙家

烟雨樓

樓下吟船幾日停時晴時雨得頻登四圍烟水三
更月一而人家十里燈漁笛榜歌聲杳杳低邨遠
樹影層層最憐欄檻多興廢草沒詩碑露石棱
四香樓詩鈔卷一終

四香樓詩鈔卷二

雲間范 續武功著

放言

禪門有浮圖仍不同高閣余擬建七層不可太逼
狹比接作五間四牕須洞達高欲盡雲霄橫梯累
曲折上層奉夫子經史兩旁列瞻禮惟清晨溫誦
期不散六層貯輿圖道藏兼梵篋別庋九流書閒
時備繙閱五層貯清玩宋畫與晉帖寶劍綠綺琴
位置多鱗雜四層貯管絃知音賴羣妾半醉息紅
燈品歌倚欄月三層貯果蔬茶甌及酒棹娃童各
分司青錢無空缺二層貯曲几臨牕設華榻賓友
咸名賢往往雜遊衲下層環碧流雙扉午常合密
或遠方來蚤已見舟楫客去回頭看奇峰插天去
雖無五畝園花柳自周匝本無雞與豚前邨近可
接况無人催租并無書劄答幸際太平時坐覺襟
懷濶因想後世人應呼范叔塔
雪後過沐堂贈樹南和尚
雪晴尋徑入羣鳥絕無聲一色高低樹漫山不辨

名此中春未到向不盡難成勸美僧猶臥交談隔
戶清

其二

寂歷山心冷松床擁衲衣寒光俱秀句淨理發靈
機鴉散低邨暗人行遠路稀一欄空澗思灑灑接
晴暉

廣陵張春儀齋同潘霜男陳約聞錢鶴山聽

雨分得陰字

積雨漫天燈半陰客中逢客坐更深昏鴉愁濕何

四香樓詩鈔

卷二

二

時定春雁驚寒幾處泥雲掠故山勞去夢花濤暗

夜易關心揮毫欲寫瀟湘景留取書牕伴玉琴

客遊邦上清明日偕友放船郊外歷園亭寺

觀之勝

濃天酒氣醉藤蕪轂擊肩摩盡酒徒花柳陰中寒
食日丹青畫裏上河圖繫船留客假名妓打鼓迎
神賽小巫歸近城壕回首望笛聲燈影漸模糊

泊高士湖二郎山下有懷董晴川

一春無分對壺觴只爲饑驅逐野航命運難磨圓

茨實文心丘似閩黃楊留余湖得名高士懷爾山
宜號二郎晴川行二同坐窮愁少行樂負人花信去堂

題張果倒騎驢圖寄乾齋太史

守退由來推老君阿誰驢上一回身西行雲裏東
行月前運陳時後運新逆境須知皆順境去人休
認是來人試聽唱出閒中好坎背工夫此處真

題漢宮春曉圖

麗日遲遲漢宮曉曲折雕牆林影繞金莖露灑

四香樓詩鈔

卷二

三

年枝共帶晴霞紅窈窕和風微扇花裏香玉闌橋

轉接長楊十二通門嚴未啓龍池水淥坐鴛鴦蟠

蜩燈收鱗甲落雙飛蛺蝶還棲泊井榦樓高垂翠

簾觚梭闕下含金雀春禽啼暖柏梁臺漸見宮娃

寓直回髻掠蟬光天上宿袖翻鴻影掌中來是時

君王凭前席得傍天顏纔咫尺清吳春波和延年

趨走中涓相絡繹晨昏絲管醉藤蕪寵怨代謝無

時無阿嬌無夢歸金屋玉貌空勞入畫圖尺牘滯

蕩留春住恍惚深宮春日曙是耶非耶入望遲仙

手仙乎吹不去嗚呼問自當重生女麒麟高閣
今何處

題昭君圖

漢帝按圖幸幸者今烏有獨有不幸人翻使流傳
久阿誰告明妃再拜毛延壽當時有此圖此圖和
傳後

賦得春燕送王薇士計偕

花柳陰陰清晝長穿花度柳羽毛香本來生長烏
衣巷此去飛鳴白玉堂梁底慣聽春宴曲釵頭曾

飾漢宮粧主人情重應留佳養得雙雛歸故鄉

賦得雙蛺蝶送吳莘才陳石成計偕

翩然相向上林飛欲借聯枝好共棲一一勝王看
入畫雙雙梁帝愛留題漆園夢穩應同伴金谷香
濃竝不迷料得長安花賞遍引人成對繡輕鞋

寄綏翁

從來才子擅名場命有貧星也不妨莫信社邊蓬
白鼠浪傳竈下供黃羊心留記事珠無價身似忌
憂草自芳祇望廣寒丹桂樹一宵斫卻放清光

有目

舟行與葉硯蓀話舊

晴江相與放吟船醉倚烟帆話昔年勢向炎時皆
冷火交從澹處有溫泉縱饒蛩語秋多少不奈葵
心日變遷看到升沉都夢幻引入中歲鬢皤然

題陳山農畫扇

買山同有意相約已多年應被山靈笑來惟暫泊
船

懷王岷始董晴川在粵東

同人取次出鄉邦投楚人同白壁雙單騎曉過湖

蜨嶺一帆春去鷓鴣江王董後客中荔子登詞譚

夢裏梅花落酒缸此夜相思正無奈又吹寒雨到

西牕

感懷

樹杪高樓俯北湖碧空何地着狂夫蜂憎綠蟻晴
偷蜜燕覓青蟲晝晴離遊嶽有心婚嫁未採菰得
計利名無百年志尚渾多事輸與山僧及酒徒

秋感

少年朋好中年數，飄零烏柏青楓心轉懼陳文雷子張嘉軒吳顯然秋到梧桐樹，一葉一葉漸
與彭彭周家父子周家父子木持朱弟兄德遠其間周水董年最少，卻與時輩同文名，一時一郡皆潘陸，恨
未登科登鬼錄，泉臺執手各悲涼，羞見地下修文
郎我朝若做唐朝例，肯賜孤魂同及第，只當分
符在遠方，相知何必常相遇。

卽事

三更月落大江灣，枕上思家夢裏還，終日欲歸歸

四香樓詩鈔 卷二

六

未得開牕不耐對焦山

米元章墓

鶴林寺對元章墓，深樹斜陂水一灣，片石不須題

姓氏，書中多識米家山

同王景州陳葑問李艾山集張春儀齋分得

流字

卷衣二月上揚州，吹盡楊花到石榴，久向碧牕中
下榻未能濃，樹裏行舟燈明一局碁，聲細書暗千
山酒氣浮，忽憶家園春種後，魚苗菱葉亂溪流。

雨中春儀招同景州葑問艾山鶴山賞芍藥

限齋字

未雨客先集，絲絲雨亦佳，黃藤香滿盞，紅藥影翻
階，只少二分月，仍多兩部蛙，夜闌還對奕，移燭向
前齋。

葑問招飲

晏起重來酒未消，又陳瓜果列椰瓢，今宵客是前
宵客，醉裏渾忘隔一宵。

五月菊步孫松坪韻

四香樓詩鈔 卷二

七

有菊曾傳栽種方，家文穆菊譜吳儂設道產扶桑

松黃染出枝翻錦，竹粉黏來葉帶霜，甘谷水偷供

秋信，影夏居圖補墨痕，香宋徽宗有圖別花人

到驚新色一樣花，添兩度忙

其二

五月圓花來遠方，對花覓句做柴桑，總宜栽處名
消夏，不合開時號扣霜，阿醋紅殷應見妬，部頭年
小便含香，宋宮人有濯枝雨似重陽雨，賺得秋歸
燕子忙。

張曼園少宰拓遊南園

朝來避暑踞漁床八座招同坐綵航忽見片雲遮
日腳雨中一路問農桑

其二

棹轉南邨柳拂隄到門幽鳥向人啼倚樓閒看虹
垂處幾葉蒲帆塔影西

其三

丹楓烏桕間青榆郡乘仍誇他處無何用遠求忠
恕畫後堂常挂晚秋圖

其四

樹記初栽嘉靖年斜行猶刻石床邊浦中便見煙
中樹指引乘潮獨夜船

其五

當廳有石堪呼丈隔岸橫溪號秀才深羨是鄉無
俗客北牕雲去九峰來

其六

數竿方竹映房廊欲刻新詩倚夕陽
驀地麝狸巖下過風來只道野花香

其七

徑轉橋通蒨荷灘東軒月上漫憑欄地偏無意求
寬曠但借鄰家竹影看

其八

齊賢雖得午橋莊補袞歸來鬢未蒼若作溫公眞
率會野人仍許伴壺觴

泊茶園

晴邨新月落一棹刺江干地僻苔衣濕山高水氣
寒煙雲深繞樹燈火細臨灘隣舫聞鄉語攜尊話

夜闌

題沈袁渚溪山無盡圖

沈子胸中有巖壑彩毫抹處起雲煙剡藤恨不長
千尺直使吳江接蜀川

紅白蓮花趙雙白屬賦

吟館蓮多妙法栽亭亭幻出更奇哉影搖白水丹
泉動光泛濃燈澹月來一朶花疑相竝放兩分色
似未全開恍逢睡起凌波女半枕紅腮半粉腮

其二

奇花仙界亦難逢
九出盆池詔化工
太極中分空處白
靈丹初轉一邊紅
含香暈色仍雙合
倒影沉波又兩同
若使畫家傳粉本
胭脂半抹淡臨風

錢崑湖就婚毘陵

翩翩公子詠周南
蚤向蘭陵駐錦驂
解眼煎來泉第二
蛾眉畫得月初三
香薰可意鴛鴦社
字刻同心玳瑁簪
料想繡閣多樂事
一庭新雨種宜男

香燼步恪庭韻

銀葉重翻花氣殘
夜深惟剩一星看
篆文已斷薰

四香樓詩鈔

卷二

鑪暗心字多灰
畫帳寒尙戀餘芬
空有相肯將微火
養成丹須知紅豔
終憔悴混入風塵
欲辨難

潮痕步恪庭韻

閒步寒塘水落時
浮蹤留得繫人思
橫波已露前番信
虛影相沿到處知
一抹岸來呼渡近
半齊橋後過船遲
海邊指月曾同約
雨夕風朝不負期

方烈婦

連山半江霧帶月
上江船長夜正枯
寂降舫俱未眠
一老談往事問之
家新安鄰有方烈
婦乃父爲

高官生長在朱戶
純孝世所難割股
療雙親三次

沉疴痊曾記名月
容貞靜且鮮妍
女紅與書史最

小已精專郡有謝
家郎七葉誇蟬聯
祖爲郡司馬

父列侍御班同朝
復同里繡褕締良
緣茲當流賊

時是處起烽煙朝
聞金盃出暮見槐
槍懸傷哉侍

御史無力可回天
夫婦感正氣殉難
同闔棺忠魂

旣飄蕩遺孀更顛
連奔走千戈裏頻
年冒險患葛

帔歸故鄉瓦礫成
荒阡無家效秦貨
兩小情意歡

衣食有依賴可以
讀遺編無何婦翁
故兄嫂心克

四香樓詩鈔

卷二

頑驅逐不得去播
虐非一端可憐謝
公子身如鐵

觸藩可憐方烈婦
心苦兩周旋日久
意轉毒鑄印

私雕鐫羅織舊讎
怨叛逆相牽攀皆
夜吏來縛如

雞赴鼎煎生別卽
死別慘痛傷心肝
踉蹌見直指

考掠及百千自顧
無完膚血染衣裳
丹賄吏進醢

酒微笑吸杯乾達
旦百無恙吏後卻
賄錢醢毒不

可害實有天矜憐
是時方烈婦茶苦
精誠捐焚香

輒禱祝旦晚望生
還訛傳謝郎歎心
坎刀劍攢然

念身有孕如何卽
黃泉得傳謝氏後
卽歎非徒然

何來羽林將千金買婢娼兄嫂以妹應直騎填門
前烈婦劉左目帶血投前軒毀形絕滯暴彌增兄
憤堅計欲殺其嗣將妹遺棄適恰乘土寇發避寇
問政山同時有汪嫗夢慈子嗣艱有娠復生女倚
枕淚聞于烈婦幸生子涕泗亦潸潸恨無託孤處
母子雖保全賴有俠士某深情知兩邊權奇兩相
易彼此聞歡顏兄歸見弱息怒髮上衝冠擲地卽
殞命雖女憤亦寬誰知呱呱者尙在咫尺間烈婦
膽驚裂無計雪沉冤我孤旣得所一死如歸焉作

因香樓詩鈔 卷二

三

詩凡四章託嫗藏花牋內有冰玉句隱將汪氏傳
絕粒十四日哀哉赴九原謝郎在園土手足三木
關其時義僕劉營救無不殫洗創傳良藥行乞供
盤餐兩載獄無驗奏讞將平反冒死訴廷尉懦弱
豈大姦邀恩脫桎梏烏得飛窻未敢返故里流
浪寓湘沅荷鋤本無力舌耕守硯田傳聞妻女凶
曉夜殊悲酸繼聞肉兄歿歸來無家園襖被投蕭
寺問詢皆驚嘆指引上孤塚血汨灑林巒疑信叩
俠士聞後援詩篇反覆詳隱語感彼多機權長號

懇俠士踪跡之秦川江後自有子前子繼武員已
作侯門婿牙旗擁繡鞍路旁曾一見狀貌君一般
但緣屢易姓安敢陳本根悲哉子與父相識知何
年江上山嵯峨江中水潺湲山水清淑氣每每鍾
髻鬟嗟彼鬚眉者抱愧古先賢

龔澹庵太守復任 有序

去日再中德因上感一陽來復景以升新
魏相重留絕勝珠還合浦耿君復任真同
丹轉洪鑪九峰之石盡點頭萬戶之花多

因香樓詩鈔 卷二

三

帶笑我郡侯龔公銀坊華貴寶冊世勲勞
挺雄才分篆蚤披朱紫政敷懋績一麾特
簡東南清慎勤體 今上之心忠信敢守
前賢之論身居臥閣行六字而無遺口作
豐碑頌萬言而難盡人仰碧翁而永戴家
呼金佛以皈依其如賦綏徵求示以蒲鞭
不動考居中下因之艾綬將移田夫陳借
寇之條書生引留種之事向元戎而上訴
烟動塵飛仰憲府以羣鳴雲屯霧集於是

督撫兩臺洞鑒下情交章入告蒙 堯天之命允喜超日之回光更荷 溫綸萬方傳美且還原秩四邑騰歡富相國三判河陽惟愁欲去封尚書四守冀北共慶重來候得春潮仍迴柳上望同秋月未脫雲間爭看竹馬之填街果見鐵船之渡海須知劉憐之表留子懋實爲歸懷杜甫之詩美季膺竝非過譽

東南紫氣繞仙霞累葉金貂世共誇十錦塘邊初

因香樓詩鈔 卷二

製錦百花山外更栽花 天心特擺魚垂袋雲路

爭迎鹿夾車到日畫成楊震像至今鈴閣仰清華

其二

四年撫字實憂勞贏得才名在慶霄僻境呼盧人盡散連部移樹訟俱消燈明虛室書千卷煙冷中厨水一瓢聞說左遷緣底事便宜只爲緩征徭

其三

一聞調補萬家愁共泛舟船訴別侯心似饑魚爭桂餌聲同歸鳥感庭秋重臣庇遠推戴 天子

溫綸許再留總是太平多異數勿驚溪水向西流 其四

乞得侯君愜衆心 聖恩無量寄謳吟佛從暗處仍還月天向炎時肯降霖望重南山移不去德同東海注尤深因思大直三留後只恐微車出上林 陸紫涓陳咸京小飲卽送陳往長洲

矮屋偏張幾點燈繞檐竹影一層層閒敲方罫碁聲細偶擁同鑪酒氣蒸舊雨忽來驚舊夢春帆欲渡響春冰憑君寄語鄭三絕肯許探梅曳瘦藤

因香樓詩鈔 卷二

仁山爲長洲廣文

川前韻寄仁山

旌從高館對華燈江上青峰盡數層小鼎紫茸和雪碾行厨郭索帶饒蒸時翻琴譜原同調得傍溫泉總不冰最喜梅花今有主吟船容我醉黃藤

仁山席上贈歌者周郎

吟船旣到半塘橋欲飲相尋爾亦招團坐周郎絃管裏他年佳話話今宵

爲王用舟寫小幅并題

朝來苦種又逢壬忽憶西溪水館陰幾處泉聲喧
遠碓漫山梅雨樹沉沉

同王欽州陳荊聞集張其相齋步欽州韻

書館清幽坐綠陰舊栽竹樹已成林十年一別驚
華髮千里重來悵素心酒泛燈光飛蓋密雨蒸花
氣人簾深濕雲不散黃梅裏半醉頻頻挂水沉

贈武林吳寶崖

聞名十載有同心廿四橋頭得盍簪新葉乍交陰
不淺清泉相照意何深才人賦草年來滿故友笙

因香樓詩鈔 卷二

歌夢裏沉謂周子閒倚客牕多舊話一枝斜日坐

幽禽

嚴灘舟次四月間蛩

春盡嚴灘上雙橈晚不行沙圍半江綠雲放四山
晴高柳綿初脫低荷蓋乍擎螢稀光尚淡蚊少市
難成泊岸聞蛙聲撼篷入耳生淒淒凡幾處啾啾
自呼名習細陳聞忽音繁訴旅情短吁憐病起還
應快宵征屢追甘羣伏燈背青獨鳴深房疑掉磬
曠野若交兵有似催歸燕無端伴曉鶯闌茶風已

舊流火句應賡登是山鄉異多因物候更當空今

月色忽感去年聲愁聽惟發婦貪搜只小伴開堂

秋輕喜繞戶木蘭驚引我拋琴冊留人滯酒鐺扁

舟如載菊相對覺秋清近有五月菊
四月已盛開

步借山上人雜感原韻

水隔幽居對隔城吟秋葉習午眠驚詩成一卷一

花氣人到孤宵孤雁聲剪燭得聞千里信卸帆深

話十年盟偶同落月穿街過幾換朱門舊署名

其二

因香樓詩鈔 卷二

每從高坐話相思錢沈謂鶴山飄零數亦奇題鵲

聲悲空北向鳴鵬遊倦又南爲文章豈屬無星科

運命應輸沒字碑立盡寺門今夜月華幡一任曉

風吹

其三

休說年來販海鮮畫旗葉葉出洋船夢書夜檢燈

花下著草晨占島樹前身拙半生甘織席性耽一

事闌吟箋問人如我兩人少坐久苦衣軟似綿

其四

聞君越嶠久相依我亦曾遊此地歸書裏毋逢前
去路夢中猶攬舊征衣烟江有塔漁燈密山縣無
城戍鼓稀最是晴秋好天氣閒身欲伴鶴南飛

其五

半房山色對支郎幸際昇平老是鄉歌弄雙橈波
鴨綠醉貪小盞酒鷺黃曉霞落地鋪殘燒暮雪隨
風傳舊牖莫笑腐儒無長物比來生計託青囊

題張北山移家林屋圖

君家名祖初挂冠歸來賣書去買山所著繁英與

因香樓詩鈔 卷二

剪綵至今花葉留人間王屋先生有賣書買山文
詩繁英剪綵皆集各

孫半生惟賣賦買書歸來買山住笑顧九峰峰不
深繫船縹緲峰前樹石公空洞地肺虛靈威所探
多奇書扁舟倘來范少伯共向銀房採綠葉

其二

數年余過蓮花埭梅邨先生欣邂逅聽說山中多
隱淪劉根角里光荀後王文恪時張斯植斯植五
本號五
宰相詩人樂於久登高九月看梅花洞天
氣候仙凡隔簾地解舍別尊絲羅羨西山挂頰時觀

裏梅花曾見否清秋好寄兩三枝

悼亡

與爾同生辛卯春今來未滿百年人無衣無褐俱
安命多病多魔獨累身萬斛苦泉千品藥半房涼
月一床塵怕將往事從頭說觸目離愁最愴神

其二

當年扶上七萌車歡夕迎來夢綠華錦篋重封書
喜字枕函取識繡蓮花無姑有舅頻調膳徹夜連
朝自績麻泰水生平最珍惜每憐兩小便持家

因香樓詩鈔 卷二

其三

迂儒遇事總模糊隱忍何曾忍暗夫焚蘭傾筐償
酒債抽簪畫壁記田租三眠柳起眉常蹙半成桐
摧心已枯今日淒涼方自悟悔教瘦骨強支吾

其四

廿六年來彈指過年年江海一漁簑我歸似月圓
時少君病如蠶臥日多厨下慣看充野藿桁邊幾
見挂香羅聞雞常促諸兒起開卷燈牕伴曉梭

其五

從前自悔懶醫治，憂心誰得知。欲見阿兄能

繼娶，長洲近亦喪內將迎新婦，託雛兒。甫兒贊於柳上子舍

尚未船開，回溯潮偏，逆路隔長洲。書到遲，雨處分

其六

楚蜜初供七日盤，還思來復一盤桓。維摩病藉妻

調護，王霸貧須婦解寬。魯鼓圖存惟半半，離爻中

斷竟單單。泉臺無雁將書寄，向後商量婚嫁難。

其七

四香樓詩鈔 卷二

百感傷懷不自聊，在家彷彿似僧寮。引雛燕倦先

秋去，呼婦鳩寒向夕招。寺號稱心心未稱，花名消

恨恨難消。空箱收拾殘鍼線，婢僕銜恩淚暗飄。

其八

心字香消香滿衣，虛廊徙倚對斜暉。雌雄劍折何

時合，子母錢分無日歸。百六運終春已斷，十三天

外鶴孤飛。他年同與瑤池會，應笑勞生事事非。

題畫送郎康臣經歷之平原任

茶熟香溫獨坐時，喜聞急雨響高枝。夜深方信天

行健，老眼挑燈畫柱詩。

其二

四月山邨鳩亂呼，望中新綠樹模糊。昔年好友今

寄懷客子

憶昨吟船渡柳東，升沉閒話柳花中。待年妾惡芳

顏損，過午僧愁慧腹空。聊引白衣浮大白，且聽紅

袖唱迴紅。迴紅客天孫獨處嫦娥寡，此事應難問

碧翁

四香樓詩鈔 卷二

寄懷借山

雨雪河干別可憎，傳聞說法鳳凰城。十三衣現千

花色，百八珠拈萬佛名。橋本無心逾北去，松仍有

約向東生。詩筒此夕題貞字，何限雲程與水程。

同鶴山遊秦園

畫船晚泊碧溪灣，同叩雙扉尚未關。把釣園中多

傲慢，隔花樵子引追攀。干戈不到前朝樹，欄檻仍

圍上世山。傑閣一憑還獨歎，江南賜第半空閒。

題車積中行樂圖

華髮相看表弟兄當年豪氣笑書生結交不惜黃金盡醉讀陰符到五更

其二

匹馬遊燕控紫韁一時倒屣盡侯王歸提吟筆山牕下嬾射秋來指甲長

其三

雲巖雨浦水迢迢畫山煙林影動搖直與恕先堪伯仲世間俗手合呼猫

其四

濟世靈丹滿藥籠門前博得杏花紅祇愁好友難療枉刷黃精號救窮

其五

無礙廬中有髮僧春衣葉葉獨閒行還須添個般文虎騎上高山看月明

傀儡和咸京

恍遇焦僥國裏人當場幻出一番新雕成不灰槁常活服得牽機藥有神妙舞風前疑小小媚行幃下喚真真欲乘竹馬騰空去猶恐遊絲絆此身

其二

呼排按節便偷聲顧影誰嫌太瘦生纔繫赤繩婚嫁小分披紫繡往來輕趨時已得呈身伎玩世無非假面情況不懸絲真絕倒何須南穴數諸伶

其三

幾回整頓又遷延尺五輕軀劇可憐短帽短衫臺上出一談一笑帳中傳漆身豫讓原來啞粉面輕紅更覺妍還是退方貢珍羽逢場遊戲豔陽天

其四

百戲當前機巧深須知小部儘妖淫擎來變相重見演出南柯夢可尋擁背料應無暖氣點頭還恐少真心一生惟藉人擡舉贏得浮名在笑林

夜泊釣灘

歲暮如舟釣臺下月白江山靜如畫霜天風緊雁飛飛空巖葉落孤燈微可憐醉後征衫離袖帶三山知己稀故鄉搔首寒雲凍連宵無寐歸無夢三更獨上客星亭沉沉月影江心動四香樓詩鈔卷三終

四香樓詩鈔卷三

雲間范 續武功著

閒居雜感步徐十峰韻

西齋修葺可棲遲燈火紅牕夜課兒粉壁月添新
種樹綠蕉風破舊題詩旁人莫謂臣之壯過客休
言某在斯一曲小溪成小隱著書到老老書癡

其二

五十三年秋又回終難推卻亂書堆曾翻經號未
曾有肯訪仙名不肯來椽竹已枯留筵韻井梧

四香樓詩鈔 卷三

老實琴材彼蒼近許儂閒散一葉溪山數往還

其三

薄暮晴軒雨滿枝白頭兄妹話當時親知似墨牛
磨盡隣右如雲四散吹事已不疑休布卦心無求
勝莫彈碁偶來月底閒看影誤喜霜髯變黑髭

其四

年年消夏閉柴門斲筆聊爲勞斧鉞重水重山千
曲路閒花閒草四時春挑雲出岫含生意引鶴歸
巢遠俗塵多謝竹陰留半日此君原是个中人

其五

廿年同學漸消磨貴賤俱同泡影過漫憶飛仙千
古少最憐才子九原多衾寒無夢尋張歎詩病何
時問華陀閒數綠牕諸女伴後來新婦已爲婆

晉句

其六

頑石惟堪老澗阿雨雲翻覆易生波爐中黃白成
功少嶮上丹青着色多歐冶鍊來愁鑄錯葛盧聽
去恐傳訛捲簾靜展蘭亭帖廣本紛紜可奈何

四香樓詩鈔 卷三

其七

三分涼思雨絲絲老去翻書覺眼遲嬾畫多留題
畫處尋花先約醉花期月隨人夢清閒境秋到蛩
吟得意時兒輩別無看待我朝朝滌硯換瓶枝

其八

月飄花片半空床夜起憑欄望遠江翁仲同鯨猶
結伴干將獨語爲之變笑添沉水香生被謝絕行
雲影到牕莫道至冬無暖氣坐邀趙日泛春缸

其九

莫言交道盡如水氣誼猶存尚可憑冷眼尋云風乍起熱腸無論客何能麻扶蓬丘堪中立松引藤高得上層儘有鸞臺在林莽羽毛拂拭便飛騰

其十

三百餘年谷水陽殘編萬卷一茅堂蟬聲送過秋多少鶴夢憑他夜短長酒闌晉時春灩灩詩城唐後草荒荒寸心欲託名山業定有才人爲主張

初二夜月

白月懸空現一痕蚤來西院趁斜暉渾疑脈望飛

四香樓詩鈔 卷三

昇去多半勾留在碧雲起世經初月一日至十五月爲白月十六日至月

其二

昨嫌月額雨廉纖難得空明映畫簾借問吳剛何處去連宵辛苦爲磨鍊

其三

朔日纔過魄影孤新來斜樣欠工夫醉中笑指隣翁看半未圓成太極圖

其四

因乘大月映西邨新花對綠尊聽得歌姬來比擬琵琶槽上兩邊痕古周書乘六月二日出關生霸乘小月三日出關

南邨

聞有南邨人所居惟一室天寒憎屋高天暑厭屋窄一室住一身炎涼異朝夕

卽事

被酒探梅去無花春夜閒燈明高處屋雪剩半邊山野獺衝橋過巖扉向月關堅冰留澗水不放出人間

四香樓詩鈔 卷三

泊澱山湖

雨暗四天低湖邊山影迷驚寒孤雁起愁濕怪禽啼鬼火明空廟悲風撼斷堤邨知棲息處到曉不聞雞

木蘭廟

小杜曾題木蘭廟香山吟花比花貌古今孝烈一紅裙可憐虛受將軍號神燈慘慘殘月斜靈旂霜劍功業賒若教殿腳隨麾下定助楊花撲李花久雨

入春坐雨放閒心養得前秋草深夢着一花忙
護惜書成千障惜中香味經時暖意外晴
光頃刻陰後夜不恐無酒伴斜牕應有月來尋

其二

誰料春前接夏前春光黯黯雨綿綿潮如失信忘
歸海月竟偷安不上天古鏡影昏遮白髮夜琴聲
慢換新絃不知旅館幽閒裏幾處殘燈人未眠
宿姜在湄墨琴堂

偶到西湖六月天高人相遇意欣然因貪水竹勾

四香樓詩鈔

卷三

五

留住且許風牕自在眠山色淡於橫幅畫谿聲喧

似上灘船連宵閒話荷香裏每見參旗挂檻前

枕上口占柬藥巖

夢回山枕酒微醒風出城來響塔鈴鼠畏燈光時
注目鶴驚梅影暗梳翎軒牕浸月背圖書泉石耽
身本性靈不傍市門君莫笑傳家謬有種魚經

酬郁宣夏原韻

竹岡鍾秀色七葉擅雕龍同席驚文采聯吟畏筆
鋒奔星光萬丈裂月暈千重地遠襟期合天高劍

氣衝少時常快睨眼日竝遊蹤岡鴨溪邊出呼鷹
花外逢醉尋隣院笛臥聽隔江鐘燭硯今枯寂停
驂幸過從一寒憐似骨半老惜華容墨汁憑兒玩
茶聲向客供檢書標錯字讀書覽奇峰談柄東西
晉禪機南北宗文仍追陸海詩近效韓冬後輩誇
元草謂及門楊維中前賢想赤松張止齋先生故交雲倏忽新
調玉琤琤卷軸分題徧巖泉託興濃有心留信宿
無婦佐肥醲不盡倦倦意其如事事慵還期秋水
至沈盞對芙蓉

四香樓詩鈔

卷三

六

對鏡歌送周策銘北上

邨女何曾對菱鏡生小如花難自信鄰姬有鏡昨
借來一等花枝相向開幾回雙笑還相視應數鏡
中人第二試入昭陽侍起居承恩旋拜內尚書敢
誇姊妹年俱少月殿嫦娥定不如

爲咸京諸淵城朝雨圖并題

煙柳瞳矓客舍晴停杯西望一程程登聲勸到殷
勤處總使藍田畫不成

其二

陽關句寫自龍肥曉雨青郊路黯然幾百年來傳
粉本離人猶在渭城邊

憶梅寄藥巖

畫裏花枝詩裏人嫌官家世得閒身須知人澹花
清幽卽許東風着點塵

題再牧上人影

十三衣冷髮纓纓水趣山情引興探昨夜不知山
雨過水鋪花葉半風潭

其二

香樓詩鈔 卷三

石頭路滑一支筇心月身雲幻影中那怕有時來
奪境無邊秋色落晴空

遊王印周大司農秦望山莊遇沈恪庭太史

翠巖花砌影重重得遇高閒太史公忽憶薛壽詩

一句王家山水畫圖中

雨後姚藥巖復巖沈耀遠過誠齋

積雨良朋會晤疎晴來乾鵲報停車聽彈絲綺燕

新茗看埽青苔曬舊書缸面酒香蜂引客磯頭波

聲驚窺魚休談夜紫斜陽下剪燭何妨話我廬

王霖說招同諸子集藥巖梅花下

老友園中一樹梅西隣相約共銜杯清心易引詩
邊去冷韻難移畫上來風遞暗香吹酒醒月窺粉
影撥雲開淡然交態同花意卽忍拋花醉裏回

新安道中

秀嶺高低歷萬重卽尋小李畫秋容綠蘿巖背孤
卽冷紅葉山凹落日濃嵐氣暗時迷別路泉聲沸
處見他峰平生樂此忘行役客裏朝來又立冬

西湖

香樓詩鈔 卷三

風送輕帆落水涯貪看湖上近栽花籠烟野樹三
層斷過嶺春城十里斜柳禁旗丁盤獵騎亭留衲
子鉢魚蝦南屏鐘促遊人散裏大橋邊覓酒家

題林溪書屋

竹影冷娟娟書堂卽月邊禽窺雲過樹魚響水通
田愛靜心無累棲閒地自偏夜深隣乞火常見對
殘編

張和叔招同諸子遊泖上諸山

濃雨漫天樹夾河吟船同上泛烟波小紅莫更吹

銀管一路蛙供鼓吹多

其二

翠袖無端倚鏡臺
醉船時又怕船開岸
花堤柳沉沉去不覺身從夢裏來

其三

話雨多于雲水間
更分葉子好消閒
儘教凡事輸人後
贏得中年一味頑

其四

出柳遙看塔影高
四圍烟浪柳周遭
菰蘆隔斷紅

四香樓詩鈔 卷三

九

塵路深美輕鷗住得牢

其五

婉孌山陰日向西
甚輕貪踏軟紅泥
隔年認得櫻桃樹
重聽流鶯啼處啼

其六

水牕使酒酒懷寬
笑語渾忘檠燭殘
漁笛暗吹山月起
一枝花影落希闌

其七

竝船波靜睡聲濃
坐月雲開對碧空
看到鷓鴣歸山

頂寺佛燈一點樹中紅

其八

橫山疊樹曉嵐浮
以對山光物外遊
可惜大癡橫幅畫
連宵風雨未曾收

其九

滿湖烟雨到山晴
天許閒身自在行
况與山家多舊分
酒旗戲鼓更牽情

其十

蘭橈潑潑向西余
榆柳陰陰叫乳鴉
聯坐西巖論

四香樓詩鈔 卷三

十

詩律茶甌風澹落松花

其十一

邂逅良朋入翠微
百分飛盞酒翻衣
一回打馬一回笑
宿鳥池邊四散飛

其十二

房廊客散酒香騰
一枕西牕月半棱
酒醒印香烟已斷
紛紛山鼠下禪燈

其十三

東山清磬接西山
無數禽聲出樹間
睡到三竿猶

嬾起賣花人已自城還

其十四

棲碧山房石鴨寬
滿床琴冊足盤桓
老僧趺坐雙鬟笑
彷彿西園圖裏看

其十五

晚霞相送布帆開
重到梅溪對酒杯
屈指九峰遊過半
且留一半待秋來

魯烈婦

看題黃絹記星娥
辛苦年年受折磨
難脫身同投

四香樓詩鈔卷三

二

網雀蚤甘心作撲燈蛾
旃檀灰後香名出湘竹
生來泪點多一向窮泉
忘昔夢反憎姑惡叫烟蘿

第二泉

從來聲價總難評
爾獨偏居第二名
名比王盧原不愧
品高廉讓卻無爭
疎星影落天心冷
一澗香流地脈清
我向山靈還浪譁
如金如錫賂誰贏

第一泉在金山下
第二泉在錫山下

第三泉樓步鶴山韻

景物全收指顧間
同人登眺一身閒
江光盡處天

低樹磬響中流浪
擁山霸業消時留
狼石孤臣舊跡說
昭關千帆遠帶斜
陽去陳事蒼涼倦
鳥還

白牡丹

羣玉山頭見玉英
瓊姿冷豔足傾城
綺衣縹緲文君少
素霧霏微妙女輕
一百五偏先穀雨
三十九更重東京
白牡丹名十音譜也知芍藥難尋壻
獨向瑤臺伴月明

漫興

余性厭塵囂移居醉鄉
住地不屬酒泉分野酒
躡

四香樓詩鈔卷三

三

皮繞城多酒池
繞池多酒樹
繞樹多酒帘
前賢多流寓
且多中聖人
與余每歡聚
接壤有枕山
卽向睡鄉路上有
睡仙祠下無
關與渡所禁
雞犬喧行人少
徒步老幼意
安閒美人更
無數四序總
溫春花秋亦
吐麟鳳時竝
遊田疇無稅
賦遙望二鄉
間終年帶雲
霧鄉音或不同
大抵易姓誤
舊蕪推劉陳
性懶鄙章句
貴賤平等看
晨昏任來去
余昨返故園
偶向故人語
故人約同來
更希得良晤

曉日

曉日迎人面斜陽馬頭東西奔不了無信寄高樓

卽事

雨後鴉聲撼寒樹熒熒漁火隨潮去山前煙霧一時昏隔溪人問停船處

過七寶泉

溪雨散放吟船山半來尋七寶泉試罷新茶對新綠一鶯飛過佛燈前

茅山

四香樓詩鈔

卷三

三

暇日停舟香草湖一花一草入丹鑑方知已字山形曲不似奇形五嶽圖

望白石山張果老廟

一宿丹房欲別難學他驢背倒裝鞍路回溪曲千層樹猶探山頭對面看

賦得月中桂送王麟照北上

仙種由來迥出塵聯枝奕葉傍星辰香飄上界開金鏡花載中央渡漢津午夜影高雲路濶四時紅膜舞衣新恩光獨許鄒誥占引我吟牕仰望頻

珍珠蘭

粵嶺攜來翠一叢只因香與國香同常疑葉在遊絲下難辨花於曉露中蟬翼鬢宜簪寶鼎六銖衣合罩薰籠梅妃倘見無心摘點點清芬弄晚風

其二

七寶粧成九畹花品題惜未徧詩家黃磁斗小沉烟遠碧玉釵偏滴翠珠斜魚散子時光歷亂翡分絲處影交加蓋宮誰道多仙女只有蘭香與綠華

其三

四香樓詩鈔

卷三

四

牟尼結夏現香林紅粉都消淨業深貝葉層層書綠字黛眉曲曲漏芳心紛翻舊樣騷人佩操換新聲太古琴縱使暗投涼月夜隔簾粉馥易招尋

其四

蘭氏君應別派傳邀浮綠蟻晚尊前開來夏信經三月移到吳中未百年里老相傳此花到吳未及百載幸與葱符離楚澤好同芝蓋盈藍田我家香譜和花譜留取然膏補後編

戴素問招同莊秋水集西園

放艇花朝後沿汀雪尚存
忌機鷗傍檻聞語鶴迎
門高樹凌孤閣低雲益遠邨
羣峰猶可攬東望雨昏昏

其二

黃雨消春半朝來愁思寬
魚憐莊子釣琴憶戴顓
彈松聲青霞冷梅坪綠雪殘
閒中多靜趣相與倚橫欄

其三

兄弟蕭閒處軒牕繞碧溪
離經名大小分屋住東

四香樓詩鈔 卷三

西春草裁新句山屏覓舊題
竹林吟嘯罷夜讀照青藜

其四

偶話巖泉勝休陽我舊遊
雲蒸山意動灘沸石光浮
百草香中路千家書裏樓
今來對林竒疑在漸溪頭

其五

坐久茶煙澹開簾進午觴
孤蜂香戀席雙燕冷歸梁
笛聲偏當戶花遲未出牆
還期池上月來宿北

山房

詠旋螺

小兒戲具也一名轉盤圖又名碾轉

纖纖是兩頭如釘同花片
小立不多時心中千萬轉

題維揚張其相小照

濯濯靈和柳一枝新來譜得柳枝詞
竹西亭畔斜陽好君本前身杜牧之

其二

西銘道學右軍書秀骨珊珊誰得如
只恐山中留不住隔林彷彿有徵車

四香樓詩鈔 卷三

不住隔林彷彿有徵車

其三

最愛秋林高士圖范張交好合添吾
欲攜近和秋聲賦肯許花前刪削無

仁山鶴山信宿誠齋

吟船遊暑過邨扉一笑風前各解衣
遙着後生知姓少數來老友逐午稀
醉心綠蟻無常性脫手青蚨只外飛
話到夜分涼月起平生志不在輕肥

其二

江北淮南數二難
擁書萬卷占文壇
弟兄何必皆才子
今古常教耐冷官
到處笙歌供酒盞
各邊解宇對林巒
前生修得惟清福
不許紅塵撲繡鞍

潘氏姊妹雙節

鳴機作伴度晨昏
婦髻星星最苦辛
對鏡還看雙影女
同床各夢九泉人
鴛鴦絃絕猶存操
姊妹花孤斷送春
莫道窮檐霜月冷
兩行清氣燭高旻

訪黃石牧不值

昨傳文翰浦西來
笑展如花撲面開
賦草千行飄

四香樓詩鈔卷三

錦帶詩心百鍊出
珠胎識韓書已緣
怪阻訪戴船非興
盡回夢去月明煙水濶
不知何日共銜杯

酬石牧

青年才子閉邨扉
名姓無聞識者稀
未得蜀桐敲石鼓
卽能蠻布繡弓衣
千聲枝裏新鶯譜
百樣花中巧婦機
不似江西舊詩派
令人常憶謝元暉

其二

老夫狂喜把君詩
久已蒹葭繫夢思
畢竟南帆違北轍
豈無舊分結新知
二郎廟口潮迎夜
三女岡

頭月上時我去不逢來
不遇陰陰葉暗到門枝

菊花六咏恪庭屬賦

種菊

好種擇好種種好如門業
清白世相傳孤標獨高潔
分栽春雨中聯板潤新葉

灌菊

名卉具五美灌溉非所難
抱甕須及時調養同朱顏
但得冲和氣幽光秀可餐

訪菊

四香樓詩鈔卷三

高品含冷香端不近城市
新譜傳范邨舊本推栗里
躡屐來山中借看秋光裏

載菊

溪淨山涵影櫓搖花帶風
幽情何灑灑香意淡晴空
幾世修來福閒身落畫中

對菊

季秋菊始華金魚換名酒
南山立酒邊雙鶴依前後
紅紫次第開方知坐來久

采菊

拾紫方青春撥英正強仕愛此號延年服之旺神
氣與世淡無心衛生有餘味

題莊生曉夢迷蝴蝶圖

恍見飄飄邈裏來澹朦朧處一花開我惟與我周
旋久蕩漾風枝未放回邈裏來蝶名

口占代東海昌陳世南太史

戈法吳儂實未諳喜將墨妙靜中探漫誇書史雙
文敏今見書家兩世南帖過目空淳化閣視隨身
有太平菴亦知自得臨池趣豈爲他人肯作甘羅隱

四香樓詩鈔 卷三

有徒自苦而爲
他人作甘之語

送馮惕存被召入都

徑接芸牕樹接叢兩家情好往來同彈碁關酒常
宵半乞竹分花趁雨中才美人多爭說項品高誰
不願希馮右文！天子南巡日姓氏偏非楊意通

其二

召寫霞箋覲 御顏復看灑翰荷 恩頒生同瑞
草沾新露身傍紅雲出舊山我愛詩於王孟近人
言書在褚虞間回看多少如花貌待嫁年年鬢欲

斑

其三

陸海文名千載留古今詞賦有源流掄才 天喜
恐南秀應召人趨薊北秋雲寫奇峰鸞馬首香合
翠霧上鵲頭羨君夜直多同調剪燭吟花共唱酬

其四

屢送吟鞭入 帝京當時同學半公卿中年筆禿
無書信千里心通有月明舊雨不忘孫學士春風
相對沈三兄謂松坪族庭酒邊倘問儂癡興會輯新書

四香樓詩鈔 卷三

弄輟耕

爲王昭仲書小卷因題一絕

幸得吟船幾日閒書成疊嶂壓重關剪燈頻展箋
牕下猶記前年到此山

田家

柴門斜映柘林疎半頃山田雨後鋤竹筍尚鮮蔬
豆嫩落花飛絮夏六初

邨居

笏溪溪曲折徑僻稱幽居自惜青年去誰憐白髮

疎懶辭生客酒貧買不全書儘得安閒趣王門笑
曳裾

其二

久絕功名念烟霞有宿緣好山好水處一樹一花
前遇友邀船並逢僧借榻眠平生遊玩日不乏杖
頭錢

其三

家常微故事閒便喜搜羅思遠因求僻爭先或恐
訛後來抽簞去爲少尉茶多堪笑真無補羣兒被

墨磨

其四

每憶諸同學浮榮似轉輪才長嗟命短官大苦家
貧泉下多新鬼尊前幾舊人我曹如蚤達翁仲已
隨身

口占

先子年五十我年纔五齡今我五十五子壯孫能
行殘書一萬卷宋元明至清有書有子孫書香可
相承但願子孫衆書卷日亦曾既有讀書者應不

陸家聲

爲張東鈞書扇并題

夏山如醉綠陰濃山半樓臺日日風唯恐過湖人
望見前廳高的種梧桐

錢轅閔招飲吳閣追憶菴漁舍人

吳閣排林出翠驚綠簾碧霞山圍溪八曲橋轉路三
人展慢星文動離塵暑氣除夜眠千戶燭春坐一

花下顧人堪數孤高鳥不譁近潭看競渡隔巷
見停車流霞張懷憑空似泛槎樹幢諸佛寺登

鼓衆官衙盡在同欄外全無四壁遮當時貪遠眺
招客玩清華硯匣開銅雀簾鈎挂翠蝦舍人文吐

錦刺史賦含葩吳商次有頻覆江彩奕閒評陸羽

茶煎燈繡卷軸鋪席奏琴瑟第五歌童歌難了初

三月易斜病徒勞藥石歲竟逼龍蛇慧業乘雲去

中翰易贊時有乘靈根舉世誇新阡迷極浦宿草

暗橫沙窮木烟光長枯風景象差我來添白髮誰

更按紅牙已少臨池鶴翻多繞屋鴉井梧還接坐

琴冊幸傳家酒政嚴如舊詩心細莫加回思觴咏

事并起竹林嗟念江

寄友人

著書十載在巖扉爲解禽言起是非夜靜怪哉聊
其醉天空急了未能飛聞頒赦詔封錢府好脫征
衫返釣磯若慰慈幃真樂事一園花木帶恩輝

元旦題畫

除夕含毫元旦添東風勾引到林泉笑儂揮灑雖
如意一个山頭畫兩年

題長洲王硯農小照

柳岸牧牛圖

四香樓詩鈔卷三

第五才高不可攀春坪竚立覺安閒明知香案前
頭吏借意牛星柳宿閒

題錫山呂丹麓小照

垂釣圖

名賢未遇奈如何添个漁竿入畫圖清水無魚偏
下釣笑他小事太糊塗

東表姪張晴巖

古劍沉獄底其光燭高爰聚窟生異香焚之能返
魂有劍夜無耀有香火不焚惜乎天下寶舉世誰
見珍神駿常苦羈才子常苦貧北海昔有言憂苦

能傷人勸子揚鞭去無難致青雲

海昌楊東野以新什見示即步原韻

東海滄溟有潛蛟未升殿陛依螭吻弘農才子約
驚客雲漢引出千尋箋星奔月裂雲擁去下懸喬
木同蓬茅據鞍俯視小天下卻笑瘦句還推敲高
如孤峰插霄漢清如新月飄柳梢駿如一鞭下長
坂濃如千樹桃含苞行年三十未得意筆掃萬穀
聊解嘲老夫忽驚花滿眼香泉洗手挑燈鈔鈔來
一字一花氣尚缺朗吟憐詰聲詩腸藉以潤枯

四香樓詩鈔卷三

厨娘那見官家庖吁嗟運命何踳躓辜負畫戟
前交我能相刀兼相笏春風有待來孟郊今宵且
盡一卮酒吟船相竝粘菰菱文鋒已鈍敢對壘洋
洋大膽天能包

對雪

白頭山易青青年易白多少白頭人斷送青山
色

四香樓詩鈔卷三

後序

笏溪范先生集既刻成予喜而誦之不禁潸然也於是先生之歿二十年矣初予未識先生見其文震爲古人康熙四十五年春先生渡浦訪予盛氏之塾主人不識也辭以出他日又來予果出之三人辭之先生怒去曰吾百里來而屢拒我置國士不令見客何理耶予歸大懊喪作詩其半云高鴻渺渺過無跡片鳥匆匆去未題如綬綠楊絲萬縷曾牽范舸在長堤他日翠舟至西郭外造先生廬

四香樓詩鈔後序

二

亦不遇又悞作詩其中聯云兩心印合偏違面緣慳尚費思旅榻伴愁眠月曉歸航載夢過江遲當是時先生亦遙以詩相贈答爲神交他日先生又至始相識握手驩甚徧索予文譽爲才子期許以遠大他日子報謁識耕南春江澱山皆同子郡庠也遂執子姪之禮見而先生引爲忘年交益驩先是海寧官詹今大學士陳公遊我郡求士於先生則首以予對曰吾未識其人見其文公索文則持徐先生十峰所刻同聲集去公歸而寓書先

生招予也先生既識予遂報公以長冬迎去自是往返必過先生信宿先生亦數下榻海寧古今詩文之源流新陳雅俗毫釐之辨人品之隆污學術之真僞靡所不論論輒合如是者不四年而先生病矣明年歿矣於是痛先生之遂爲古人也歿之歲伯仲謀刻四香樓遺集謂予梓成日當書其後予敬諾越二年而陳公撫粵耕南走數千里乞序於公又五年公序成又一年而耕南與予締姻又二年而予宦京師又二年而晤春江於吳病

四香樓詩鈔後序

三

年耕南至予問幕聚最久又四年而予罷歸江病劇矣又二年而春江歿矣二十年中哭其二世而予亦老矣仕學廢墮無以慰知己於冥漠爲痛且媿也嘗論先生之學探索奧博出人耳目之外心細而靈出人思慮之外其才新逸穎異出人手筆之外草稿富矣覆舟穹窿山下失之遊黃山或盜其篋又失之暴風吹散湖中又失之故刻此此先生十五歲時謁吳梅邨祭酒令賦桃花篇干三百言極賞之晚乃悔其少作自刪去葉忠節公

席上賦欠山詩亦不存其末云有客夜歸迷舊路
隔邨樹黑遠疑山見於忠節手翰若此類可惜也
且夫先生立不朽之業而刪落不自惜山靈水神
又妬之賴賢子孫哀輯歷二十年始流播以傳世
譬諸希有難得之寶獲之而喜可知也撫遺文而
愴知已則涕之所從已年家姻姪黃之雋頓首撰

四香樓集四卷

江蘇巡撫
採進本

國朝范讚撰讚字武功婁縣人其詩源出晚唐而參
以南宋如蜂情綠蟻晴偷蜜燕覓青蟲畫哺雛一
潭水聚三更月四野山圍小閣燈三秋樹老蟬聲
盡八月江寒雁影遲蟬聲送過秋多少鶴夢憑他
夜短長之類皆綽有思致而格調未高前有海寧
陳元龍序稱其長堪輿學蓋嘗館於元龍家相傳
格致鏡原卽其所纂亦博洽之士也